






M

5-10-80-14-















Handwritten text in the upper middle section, possibly a title or introductory paragraph.

Handwritten text in the middle section, possibly a subtitle or a specific heading.



Handwritten text in the lower middle section, possibly a concluding paragraph or a signature.


Handwritten text at the bottom of the page, possibly a date or a final note.

Esemplare integro

R. II ed. 10. II p. 65 n. 7

M. TVLLII CICERONIS
EPISTOLAE AD ATTICVM,
AD M. BRVTVM,
AD QVINCTVM
FRATREM,

Cum correctionibus Pauli Manutij.



AL

DVS




VENETIIS, M. D. LXVII.



AD CAROLVM PISAVRIVM,

Leonardi, clarissimi viri, filium, egregijs
animi bonis, multisq. laudibus inue-
nem ornatum, Pauli Manutij,

Aldi F. in epistolas Cice-
ronis ad Atticum
præfatio.



BENEFICIORVM, Carole Pisauri,
non eadem omnium est ratio. multi,
quid detur, spectare solent, sua quid-
que magnitudine metiuntur, nihil at-
tendunt præterea: ego potius, quibus de causis, &
a quo homine detur, animaduerto; ac, si quid in ali-
quem, aut in me ipsum collatum est gratiæ, tanti
soleo aestimare, quanti uidetur is, qui contulit, aesti-
mandus, hinc fit, ut, quæ a patre tuo, viro sapien-
tissimo, & cum alijs laudibus ornato, tum uero
omnium, quos ego in uita nouerim, humanissimo,
quæ item a patruo, qui nuper magno bonorum o-
mnium maerore decessit, Ioanne Maria, Paphi
Episcopo, excellenti non minus doctrina, quam
bonitate, prædito, diuersis temporibus in me pro-
fecta sunt officia, ea quamquam summa non fuerint,
(neque enim tulit occasio, neque rationes meæ po-
stularunt) pro summis tamen acceperim, & ea-
rum rerum loco duxerim, quas qui possident, bea-
tissimi putantur. fons enim ille, unde manarunt,

A 2 amor,

amor fuit, & cum amore iudicium, quod uterque
de me habuit: quod equidem, si potero, iuebor
officijs: studio certe, omniq. prorsus cura, atque
industria bonum uirum, meritorumq. memorem
praeſtabo. quod ſi liceret ingenium cum uoluntate
coniungere; ut alterum alteri reſponderet, & cu-
piditati uires aequarentur; illuſtrarem beneficia ue-
ſtra; ac fortasſe efficerem, ut gratia mihi a uobis
aliqua deberetur, gratiam perſoluenti. uerum ut,
hoc quidem ab infirmitate mea ſperari minime poſ-
ſe, non ſolum intelligo, uerum etiam ingenuè con-
fiteor: ſic illud facile polliceor, uereq. affirmo; ſi
quid aut iam eſt in me facultatis, aut erit aliquan-
do, ijs, in quibus aſſidue uerſor, ſtudijs partum,
& uigilijs, uelle me id in omni mea uita; quan-
tumcumque erit, ſeruire totum ueſtrae laudi, tuae
praefertim; quae cum a meis praeceptis, & conſi-
lijs originem duxerit, exornabo eam, tamquam o-
pus meum, quibus potero artibus, qua licebit in-
dustria; florentemq. pulcherrimis uirtutibus a-
lumnium diſciplinæ meae cum inſpiciam, gratula-
bor utrique noſtrum pariter, fructumq. amoris &
ſtudy ueteris in te mei ex tua gloria uberrimum
capiam. Ac tu quidem, mi Carole, cum tibi naſci
contigerit ex ea familia, in qua ſemper uerus ho-
nor, & ſplendor uirtutis enituit, nihil debes hu-
mile cogitare, nihil anguſtum, nihil obſcurum,
aut inane. excelsa petat animus tuus, ampla, il-
luſtria,

lustria, plena dignitatis, & gloriae. quo te semper a tua prima pueritia mea uox incitauit; quo pater tuus, cuius ad te cogitationes, curaeq. referuntur omnes, assidue cohortatur; quo denique te uocant maiorum tuorum exempla; quorum nomina nulla dies exstinguet, nulla obscurabit obliuio. non enim, si praestiteris ea, quae a te expectantur, quae maxima sunt, nouum in tuam familiam decus inferes: antiqua renouabis, praeclaramq. consueitudinem retinebis in tua domo laudis expectandae, exercendarumq. artium optimarum: quibus instructos, utiles fuisse patriae ciues, sibi & familiae gloriosos, de tua gente multos, annales euoluens, inuenies. Verum, quando te sacris addixisti, & illud uitae genus complexus es, quod est totum in laudabili ratione, totum in praeclaris cogitationibus, & factis constitutum; non te libera uoluntas, ut alios, ad haestum, rectumq. ducit; sed, quo te primum die ad religionem contulisti, eodem die legem ipse tibi imposuisti perpetuae continentiae; exclusisti rerum inanium cupiditatem; uelle ad solidam laudem omnia referre; uelle summi Dei gloriam in omni uita, idest tuam salutem spectare professus es. Quare non tibi monitores, quorum te moueat aratio, expectandi: ipse te excita, ipse acue, & impelle. Multae sunt propositae adolescentibus uiae; fallaces, obliquae, insidiosae, oculis iucundae, specie quadam obiecta

uoluptatis : in quibus errare quotidie uides , & la-
bi ducem sequentes libidinem , non rationem , de
tuis aequalibus quamplurimos . tu uiam uirtutis in-
gredere , simplicem , rectam , apertam , principio
fortasse difficilem , atque asperam , exitu certe sa-
lutarem , & gloriosum . hanc , inquam , uiam , si-
gnatam , & impressam uestigijs proborum sancto-
rumq. uirorum , si uis ipse tibi carus esse , si uis ipse
tibi recte consulere , unam ingredere ; aut , si ingres-
sus iam es , curre per eam celeri gradu ad ea , quae
te manent , praemia immortalitatis . Haec ego , pro
meo in te amore singulari , uetereq. erga parentem
tuum studio , scriptis tecum ago , quae sermonibus
& libentius agerem , & saepius , si liceret . sed ,
quando te Patavi tua studia , a quibus abduci non
debes , me Venetijs mearum rerum ratio , & uale-
tudinis detinet infirmitas : proficiscetur ad te mea
uox , his consignata litteris : quae tecum erit perpe-
tuo , ubicumque fueris , te prosequetur , quocumque
iueris . ne uero dubitavi , quin ea tibi paullo gra-
tior esset futura , coniuncta cum Ciceronis uoce , id
est cum ijs epistolis , in quibus cum Attico , fami-
liari suo , non minus grauitate , & sapienter , quam
elegantem , & splendide loquitur . fructum , ut spe-
ro , capies ex utraque non uulgarem . ego enim , ut
uelis optima , te hortor : Cicero uolentem adiuvat :
ornat enim eloquentia , consilijs instruit sapientissi-
mis : nam disputat saepe in his epistolarum libris ,
sermone .

sermone perquam eleganti, de statu reip. de uitij
principum, unde fluunt exitia ciuitatum, de uicif-
situdine fortunae. qui tibi erit, accurate legenti,
sapientiae fons uberrimus. A me uero munuscu-
lum hoc habebis, meae in te uoluntatis & studij ar-
gumentum. exiguum, inquires. fateor: sed uelim
spectes animum, non rem: quam tamen ne ipsam
quidem debes contemnere: siquidem eiusmodi est,
ut tuas, tuorumq. laudes, a me, non expressas, sed
tamquam tenui penicillo designatas, simul cum be-
neuolentia mea cunctis gentibus patefiat.

Venerijs. M. D. LVIII.

5
M. TVLLII CICERONIS

EPISTOLARVM AD

T. POMPONIVM ATTICVM

Liber primus.

CICERO S. D. ATTICO.



PETITIONIS NOSTRAE, quam
tibi summae curae esse scio, huiusmodi
ratio est, quod adhuc coniectura pro-
uideri possit. Prensat unus P. Galba,
sine fuco, et fallacys, more maiorum. negatur. ut
opinio est hominum, non aliena rationi nostrae fuit
illius haec praepropera prensatio. nam illi ita negat
uulgo, ut mihi se debere dicant. ita quiddam spero
nobis profici, cum hoc percrebescit, plurimos no-
stros amicos inueniri. nos autem initium prensandi
facere cogitamus eo ipso tempore, quo tuum pue-
rum cum his litteris proficisci Cincius dicebat. In
campo, comitijs tribunicijs, ad xvi. kal. Sext.
competitores, qui certi esse uidebantur, Galba,
& Antonius, & Q. Cornificius. puto te in hoc
aut risisse, aut ingemuisse, ut frontem serias. sunt,
qui etiam Caesonium putent. Aquillium non ar-
bitramur; quid enegat, & iurauit morbum, &
illud suum regnum iudiciale opposuit. Catilina,
si iudicatum erit meridie non lucere, certus erit
competitor. de Aufidio, & Palicano, non puto
te expectare, dum scribam. de ijs, qui nunc pe-
tunt, Caesar certus putatur. Thermus cum Silano
contendere

contendere existimatur : qui sic inopes & ab amicis , & existimatione sunt , ut mihi uideatur non esse *ἀδύνατον* , Curium obducere . sed hoc praeter me nemini uidetur . nostris rationibus maxime conducere uidetur , Thermum fieri cum Caesare . nemo est enim ex ijs , qui nunc petunt , qui , si in nostrum annum reciderit , firmiter candidatus fore uideatur : propterea quod curator est uiae Flaminiae : quae cū
 * erit absoluta , sane facile eum libenter nunc ceteri consuli acciderim . Petitorum haec est adhuc informata cogitatio . Nos in omni munere candidato fungendo summam adhibebimus diligentiam : & fortasse , quoniam uidetur in suffragijs multum posse Gallia ; cum Romae a iudicijs forum refrixerit , excurremus mense Septembri legati ad Pisonem , ut Ianuario reuertamur . Cum perspexero uoluntates nobilium , scribam ad te . cetera spero prolixa esse , his dumtaxat urbanis competitoribus : illam manum , tu , mihi , cura , ut praestes , quoniam propius abes , Pompeij , nostri amici . nega me ei iratum fore , si ad mea comitia non uenerit . Atque haec huiusmodi sunt . Sed est quod abs te mihi ignosci peruelim . Caecilius , auunculus tuus , a P. Vario cum magna pecunia fraudaretur , agere coepit cum eius fratre Caninio Satyro de ijs rebus , quas eum dolo malo mancipio accepisse de Vario diceret . una agebant ceteri creditores , in quibus erat Lucullus , & P. Scipio , & is , quem putabant magistrum fore , si bona uenirent , L. Pontius . uerum hoc ridiculum

culum est, de magistro nunc cognoscere. rogauit me Caecilius, ut adessent contra Satyrum. dies fere nullus est, quin hic Satyrus domum meam uentitet. obseruat L. Domitium maxime: me habet proximum. fuit & mihi, & Quinto fratri magno usui in nostris petitionibus. sane sum perturbatus, cum ipsius Satyri familiaritate, tum Domitij, in quo uno maxime ambitio nostra nititur. demonstraui haec Caecilio: simul et illud ostendi, si ipse unus cum illo uno contenderet, me ei satisfacturum fuisse: nunc in caussa uniuersorum creditorum, hominum praesertim amplissimorum, qui sine eo, quem Caecilius suo nomine perhiberet, facile communem causam sustinerent, aequum esse, eum & officio meo consulere, & tempori. durius accipere haec mihi uisus est, quam uellem, & quam homines belli solent. & postea prorsus ab instituta nostra paucorum dierum consuetudine longe refugit. Abste peto, ut mihi hoc ignoscas, & me existimes humanitate esse prohibitum, ne contra amici summam estimationem miserrimo eius tempore uenirem; cum is omnia sua studia, & officia in me contulisset. quod si uoles in me esse durior, ambitionem mihi putabis obstitisse: ego autem arbitror, etiam si id sit. mihi ignoscendum esse: *ἔπειτα ἡ χρείαν, ἡ δὲ Κοινὴν*. uides enim, in quo cursu sumus, & quam omnes gratias non modo retinendas, uerum etiam acquirendas putemus. Spero tibi me causam probasse, cupio quidem certe. Hermathena tua ualde me delectat,

&

Et posita ita belle est, ut totum gymnasium ἡλίου
ἀνάστημα esse uideatur. multum te amamus. L. Iu-
lio Caesare, C. Marcio Figulo cos. Filiolo me au-
ctum scito, salua Terentia.

CICERO S. D. ATTICO. 2

A B S T E tam diu nihil litterarum? Ego de
meis ad te rationibus scripsi antea diligenter. hoc
tempore Catilinam, competitorem nostrum, defen-
dere cogitamus. iudices habemus, quos uolumus,
summa accusatoris uoluntate. spero, si absolutus e-
rit, coniunctiorem nobis fore in ratione petitionis:
sin aliter acciderit, humaniter feremus. Tuo ad-
uentu nobis opus est maturo. nam prorsus summa
hominum est opinio, tuos familiares, nobiles ho-
mines, aduersarios honori nostro fore. ad eorum
uoluntatem mihi conciliandam maximo te mihi us-
ui fore uideo, quare Ianuario incunte, ut constitui
sti, cura ut Romae sis. Auiam tuā scito desiderio tui
mortuam esse, et simul, quod uerita sit, ne Latinae in
officio non manerent, et in montem Albanū hostias
non adducerent: eius rei consolationem ad te L. Sau-
feiū missurum esse arbitror. Nos hic te ad men-
sem Ianuariū exspectamus: ex quodam rumore,
an ex litteris tuis ad alios missis? nam ad me de eo
nihil scripsisti. Signa, quae nobis curasti, ea sunt ad
Caietam exposita. nos ea non uiuimus: neque enim
exeundi Roma potestas nobis fuit misimus, qui pro
uectura solueret. te multum amamus, quod ea abs
te

te diligenter, paruoq. curata sunt. Quod ad me saepe scripsisti de nostro amico placando, feci, et expertus sum omnia: sed mirandum in modum est animo ab alienato; quibus de suspicionibus, etsi audisse te arbitror, tamen ex me, cum ueneris, cognoscet. Sallustium praesentem restituere in eius ueterē gratiam non potui. hoc eo ad te scripsi, quod is me accusare de te solebat, in se expertus est illum esse minus exorabilem, meum studium nec tibi defuisse. Tulliolam C. Pisoni L. F. Frugi despondimus. Vale.

CICERO S. D. ATTICO. 3

CREBRAS expectationes nobis tui commoues. nuper quidem, cum te iam aduentare arbitramur, repente abs te in mensem Quintilē reiecti sumus. nunc uero sentio, quod commodum tuo facere poteris, uenias ad id tempus, quod scribis. obieris Quinti fratris comitia; nos longo interuallo uiseris; Acutilianam controuersiam transegeris. hoc me etiam Peducaeus, ut ad te scriberem, admonuit. putamus enim utile esse, te aliquando iam rem transigere. mea intercessio & est, & fuit parata. Nos hic incredibili singulari populi uoluntate de C. Marco transsegimus. cui cum aequi fuissetus, tamen multo maiorem fructum ex populi existimatione, illo damnato, cepimus, quam ex ipsius, si absolutus esset, gratia cepissemus. Quod ad me de Hermathena scribis, per mihi gratū est: et ornamentum Academiae proprium meae; quod & Hermes commune omnium, & Minerva singulare est eius gymnasij.

gymnasij . quare uelim , ut scribis , ceteris quoque rebus quamplurimis eum locum ornes . Quae mihi antea signa misisti , ea nondum uidi . in Formiano sunt : quo ego nunc proficisci cogitabam . illa omnia in Tusculanum deportabo . Caietam , si quando abundare coepero , ornabo . Libros tuos conserua : & noli desperare , eos meos facere posse . quod si assequor , supero Crassum diuitijs , atque omnium uicos , & prata contemno . Vale .

CICERO S. D. ATTICO. 4

Q V A N T V M dolorem acceperim , & quanto fructu sim priuatus & forensi , & domestico , Lucij , fratris nostri morte ; in primis pro nostra consuetudine tu existimare potes . nam mihi omnia , quae iucunda ex humanitate alterius , & moribus homini accidere possunt , ex illo accidebant . quare non dubito , quin tibi quoque id molestum sit ; cum & meo dolore moueare , & ipse omni uirtute , officioq. ornatissimum , tuiq. & sua sponte , & meo sermone amantem , affinem , amicumq. amiseris . Quod ad me scribis de sorore tua testis ; erit tibi ipsa , quatae mihi curae fuerit , ut Quinti fratris animus in eam esset is , qui esse deberet . quem cum esse offensio- rem arbitrarer , eas litteras ad eum misi , quibus & placarem ut fratrem , & monerem ut minorem , et obiurgarem ut errantem . itaque ex ijs , quae postea saepe ab eo ad me scripta sunt , cōfido ita esse omnia , ut & oporteat , & uelimus . De litterarum

rum missione, sine causa abs te accusor. numquam enim Pomponia nostra certior sum factus, esse cui litteras dare possem. porro autem neque mihi accidit, ut haberem, qui in Epirum proficisceretur: neque dum e Athenis esse audiebamur. De Acutiliano autem negotio quod mihi mandaras; ut primum a tuo digressu Romam ueni, confeceram: sed accidit, ut & contentione nihil opus esset; & ego, qui in te satis consilij statuerim esse, mallem Peducaeum tibi consilium per litteras, quam me dare. etenim cum multos dies aures meas Acutilio dedissem, cuius sermonis genus tibi notum esse arbitror; non mihi graue duxi scribere ad te de illius querimonijs, cum eas audire, quod erat subodiosum, leue putassem. sed abs te ipso, qui me accusas, unas mihi scito littera redditas esse; cum et otij ad scribendum plus, & facultatem dandi maiorem habueris. Quod scribis, etiam si cuius animus in te esset offensior, a me recolligi oportere: quid dicas? neque id neglexi, sed est miro quodam modo affectus. ego autem, quae dicendo fuerunt de te, non praeterij: quid autem contendendum esset, ex tua putabam uoluntate statuere oportere: quam si ad me perscripseris, intelliges me neque diligentem esse uoluisse, quam tu esses, neque negligentem fore, quam tu uelis. De Tadiana re, mecum Tadius locutus est, te ita scripsisse, nihil esse iam, quod laboraret; quoniam hereditas usucapta esset. id mirabamur, te ignorare, de tutela legitima,

ma, in qua dicitur esse puella, nihil usucapi posse. Epiroticam emptionem gaudeo tibi placere. Quae tibi mandavi, & quae tu intelliges convenire nostro Tusculano, uelim, ut scribis, cures; quod sine molestia tua facere poteris. nam nos ex omnibus molestiis, & laboribus uno illo in loco conquiescimus: quo fratrem quotidie exspectamus. Terentia magnos articulorum dolores habet, & te, sororem tuam, & matrem maxime diligit, salutemq. tibi plurimam adscribit, & Tulliola, deliciae nostrae. Cura, ut ualeas; & nos ames; & tibi persuadeas, te a me fraterne amari.

CICERO S. D. ATTICO. 5

NON committam posthac, ut me accusare de epistolarum negligentia possis. tu modo uideto, in tanto otio ut par mihi sis. Domum Rabirianā Neapoli, quam tu iam dimensam, et exaedificatā animo habebas, M. Fōteius emit HS CCCCLXXX. id te scire uolui, si quid forte ea res ad cognitiones tuas pertineret. Q. frater, ut mihi uidetur, quo uolumus animo est in Pomponiam, & cum ea nunc in Arpinati praedio erat, & secum habebat hominem *Ἰουλιανὸν* D. Turrianum. Pater nobis decessit ad VIII. kal. Dec. Haec habebam fere, quae te scire uellem. Tu, uelim, si qua ornamenta *ἱερῶν* reperire poteris, quae loci sint eius, quem tu non ignoras, ne praetermittas. Nos Tusculano ita delectamur, ut nobismet ipsis tum denique, cum illo

illo uenimus, placeamus. Quid agas omnibus de rebus, & quid acturus sis, fac nos quamdiligentissime certiores. Apud matrem recte est; eaq. nobis curae est. L. Cincio HS XXCD constitui me curaturum idibus Febr. tu, uelim, ea, quae nobis emisse, et parasse scribis, des operam, ut quamprimum habeamus. & uelim cogites, id quod mihi pollicitus es, quemadmodum bibliothecam nobis conficere possis. omnem spem delectationis nostrae, quam, cum in otium uenerimus, habere uolumus, in tua humanitate positam habemus. Vale.

C I C E R O S. D. A T T I C O.

6

A P V D te est, ut uolumus. mater tua, & soror a me, Quintoq. fratre diligitur. Cum Acutilio sum locutus. is sibi negat a suo procuratore quidquam scriptum esse; & miratur istam controuersiam fuisse, quod ille recusarat satisdari, amplius abs te non peti. Quod te de Tadiano negotio decidisse scribis; id ego Tadio et gratum esse intellexi, & magnopere iucundum. Ille noster amicus, et mehercule uir optimus, & mihi amicissimus, sane tibi iratus est. hoc, si, quanti tu aestimes, sciam; tum, quid mihi elaborandum sit, scire possum. L. Cincio HS CCLDCCCC pro signis Megaricis, ut tu ad me scripseras, curauit. Hermiae tui Pentelici cum capitibus aeneis, de quibus ad me scripsi sti, iam nunc admodum delectant, quare uelim, & eos, & signa, & cetera, quae tibi eius loci, &

B no-

noſtri ſtudiij, & tuae elegantiae eſſe uidebuntur, quam plurima, quamprimumq. mittas, & maxime quae tibi gymnaſij, xyltiq. uidebuntur eſſe. nam in hoc genere ſic ſtudio efferimur, ut abs te adiuuandi, ab alijs prope reprehendendi ſimus. ſi Lentuli nauis non erit, quo tibi placebit, imposito. Tulliola, deliciolae noſtrae, tuum munuſculum flagitat, & me, ut ſponſorem, appellat. mihi autem abinſurre certius eſt, quam dependere. Vale.

CICERO S. D. ATTICO.

7

NIMIVM raro nobis abs te litterae aſſeruntur: cum & multo tu facilius reperiās, qui Romam proficiſcantur, quum ego, qui Athenas; & certius tibi ſit, me eſſe Romae, quam mihi, te Athenis. itaque propter hanc dubitationem meam breuior haec ipſa epiſtola eſt; quod, cum incertus eſſem, ubi eſſes, nolebam illum noſtrum familiarē ſermonem in alienas manus deuenire. Signa Megarica, & Hermas, de quibus ad me ſcripſiſti, uehementer expecō. quidquid eiufdem generis habebis, dignum Academia tibi quod uidebitur; ne dubitaris mittere; & arcæ noſtrae confido. genus hoc eſt uoluptatis meae: quae γυμναſιάδην maxime ſunt, ea quæro. Lentulus naues ſuas pollicetur. peto abs te, ut haec cures diligenter. Chilius te rogat, & ego eius rogatu, & μολῶν πάργια. Vale.

CI-

CVM essem in Tusculano, (erit hoc tibi pro illo tuo, Cum essem in Ceramico) ueruntamen cum ibi essem, Roma, puer a sorore tua missus, epistolam mihi abs te allatam dedit, nunciauitque, eo ipso die post meridiem missuram qui ad te profisceretur. eo factum est, ut epistolae tuae rescriberem aliquid, breuitate temporis tam pauca cogerer scribere. Primum tibi de nostro amico placando, aut etiam plane restituendo polliceor. quod ego, etsi mea sponte ante faciebam, eo nunc tamen & agam studiosius, & contendam ab illo uehementius, quod tantam ex epistola uoluntatem eius rei tuam perspicere uideor. hoc te intelligere uolo, per grauitatem illum esse offensum: sed quia nullam uideo grauem subesse causam, magnopere confido illum fore in officio, & in nostra potestate. Signa nostra, & Hermieras, ut scribis, cum commodissime poteris, uelim imponas, & si quod aliud ~~uideretur~~ eius loci, quem non ignoras, reperies, & maxime, quae tibi palaestrae, gymnasijque uidebuntur esse. etenim ibi sedens haec ad te scribebam; ut me locus ipse admoneret. Praeterea typos tibi mando, quos in teletorio atrij possim includere, & putealia sigillata duo. Bibliothecam tuam caue cuiquam despondeas, quamuis acrem amatorem inueneris. nam ego omnes meas uindemiolas eo reseruo, ut illud subsidium senectuti parem. De fratre, confido ita esse, ut semper

uolui, & elaboravi, multa signa sunt eius rei, non minimum, quod soror praegnans est. De comitijs meis, & tibi me permisisse memini, & ego iam pridem hoc communibus amicis, qui te expectant, praedico; & te non modo non accersam, sed prohibebo; quod intelligam multo magis interesse tua, te agere, quod agendum est hoc tempore, quam mea, te adesse comitijs. proinde eo animo te uelim esse, quasi mei negotij causa in ista loca missus esses. me autem eum & offendes erga te, et audies, quasi mihi, si qua parta erunt, non modo te praesente, sed per te parta sint. Tulliola tibi diem dat, sponforem non appellat. Vale.

CICERO S. D. ATTICO. 9

ET mea sponte faciebam antea, & post, duabus epistolis tuis perdiligenter in eandem rationem scriptis, magnopere sum commotus. eo accedebat hortator assiduus Sallustius, ut agerem quam diligentissime cum Luccio de uestra uetere gratia reconcilianda. sed cum omnia fecissem, non modo eam uoluntatem eius, quae fuerat erga te, recuperare non potui, uerum ne causam quidem elicere immutatae uoluntatis. tametsi iactat ille quidem illud suum arbitrium, & ea, quae, iam tum, cum aderat, offendere eius animum intelligebam. tamen habet quiddam profecto: quod magis in animo eius insederit: quod neque epistolae tuae, neque nostra legatio tam potest facile delere, quam tu praesens non modo oratione, sed tuo uultu illo familiari tolles; si
modo

modo tanti putabis id, quod si me audies, & si humanitati tuae constare uoles, certe putabis. ac, ne il lud mirere, cur, cum ego ante significarem tibi per litteras, me sperare illum in nostra potestate fore, nunc idem uidear diffidere; incredibile est, quanto mihi uideatur illius uoluntas obstinatio, & in hac iracundia obfirmatio. sed haec aut sanabuntur, cū ueneris; aut ei molesta erunt, in utro culpa erit.

Quod in epistola tua scriptum erat, me iam arbitrari designatum esse; scito, nihil tam exercitum esse nunc Romæ, quam candidatos, omnibus iniquitatibus; nec, quando futura sint comitia, sciri. uerum haec audies de Philadelpho. Tu, uelim, quæ Academiæ nostræ parasti, quamprimum mittas. mirum, quam illius loci non modo usus, sed etiam cogitatio delectat. Libros uero tuos caue cuiquam tradas. nobis eos, quemadmodum scribis, conserua. summum me eorum studium tenet, sicut odium iam ceterarū rerum: quas tu, incredibile est, quam breui tempore quanto deteriores offensurus sis, quam reliquisti.

CICERO S. D. ATTICO. . IO

TEVCRIIS illa lentum sane negotium: neque Cornelius ad Terentiam postea rediit. opinor, ad Considium, Axium, Selicium confugiendum est. nā a Cecilio propinqui minore centesimis nummū mouere non possunt. sed, ut ad prima illa redeam, nihil ego illa impudentius, astutius, lentius uidi. libertum mitto: Tito mandauit: σκέψαι, atque ἀναλογαί.

sed nescio, an ταντόματον ἡμῶν. nam mihi Pompeiani prodromi nunciant, aperte Pompeium acturum, Antonio succedi oportere: eodemq. tempore aget praetor ad populum. res eiusmodi est, ut ego nec per bonorum, nec per popularium existimationem honeste possim hominem defendere; nec mihi libeat, quod uel maximum est. etenim accidit hoc, quod totum cuiusmodi sit, mando tibi, ut perspicias. Libertum ego habeo, sane nequam hominem, Hilarum dico, ratiocinatorem, & clientem tuum. de eo mihi Valerius interpretis nunciat, Chiliusq. se audisse scribit haec; esse hominem cum Antonio; Antonium porro in cogendis pecunijs dictitare, partem mihi quaeri, & a me custodem communis quaestus libertum esse missum. non sum mediocriter commotus: neque tamen credidi: sed certe aliquid sermonis fuit. totum inuestiga, cognosce, perspice, & nebulonem illum, si quo pacto potes, ex istis locis amoue. huius sermonis Valerius auctorem Cn. Plancium nominabat. mando tibi plane, totum, ut uideas, cuiusmodi sit. Pompeium nobis amicissimum constat esse. diuortium Muciauehementer probatur. P. Clodium, Appij filium, te credo audisse, cum ueste muliebri deprehensum domi C. Caesaris, cum pro populo fieret, eumq. per manus seruulae seruatum, & eductum: rem esse insigni infamia: quod te moleste ferre certo scio. Quod praeterea ad te scribam, non habeo. & mehercule eram conturbatior. nam puer festiuus,

ana-

anagostes noſter, Soſitheus deceſſerat, meq. plus, quam ſerui mors debere uidebatur, commouerat. Tu uelim ſaepe ad nos ſcribas. ſi rem nullam habebis; quod in buccam uenerit, ſcribito. Vale. kalendis Ian. M. Meſſalla, & M. Piſone cos.

CICERO S. D. ATTICO. II

A C C E P I tuas tres iam epiſtolas, unam a M. Cornelio, quam a Tribus ei Tabernis, ut opinor, dedisti; alteram, quam mihi Canuſinus tuus hoſpes reddidit; tertiam, quam, ut ſcribis, anchoris ſolutis de faſelo dedisti. quae fuerunt omnes rhetorum. pure loquuntur, cum humanitatis ſparſae ſale, tum inſignes amoris notis. quibus epiſtolis ſum equidem abs te laceſſitus ad ſcribendum; ſed iccirco ſur tardior, quod non inuenio fidelem tabellarium. quotus enim quiſque eſt, qui epiſtolam paullo grauiorem ferre poſſit, niſi eam per lectionem releuarit? accedit eo, quod mihi non eſt notum, ut quiſque in Epirum proficiſcatur. ego enim te arbitror, caeſis apud Amaltheam tuam uictimis, ſtatim eſſe ad Sicyonem oppugnandum proſectum. neque id ipſum tamen certum habeo, quando ad Antonium proficiſcare, aut quid in Epiro temporis ponas. ita neque Achaicis hominibus, neque Epiroticis paullo liberiores litteras committere audeo. ſunt autem poſt diſceſſum a me tuum res dignae litteris noſtris, ſed non committendae eiſmodi periculo, ut aut interire, aut aperiri, aut intercipi poſſint. Primum

igitur scito, primum me non esse rogatum sententiam, praepositamq. esse nobis pacificatorem Allobrogum, idq. admurmurante senatu, neque me inuito esse factum. sum enim & ab obseruando homine peruerso liber, et ad dignitatem in rep. retinendam contra illius uoluntatem solutus: et ille secundus in dicendo locus habet auctoritatem paene principis, & uoluntatem non nimis is deuinctum beneficio consulis. Tertius est Catulus, quartus (si etiam hoc quaeris) Hortensius. Consul autem ipse paruo animo, & prauo, tantum cauillator genere illo moroso, quod etiam sine dicacitate ridetur, facie magis, quam facetijs, ridiculus, nihil agens cum rep. seiunctus ab optimatibus: a quo nil speres boni reip. quia non uult; nil metuas mali, quia non audet. eius autem collega & in me perhonorificus, & partium studiosus, ac defensor bonarum. quinimmo leuiter inter se dissident. Sed uereor, ne hoc, quod infectum est, serpat longius. credo enim te audisse, cum apud Caesarem pro populo fieret, uenisse eo muliebri uestitu uirum, idq. sacrificium cum uirgines instaurassent, mentionem a Q. Cornificio in senatu factam: (is fuit princeps; ne tu forte, aliquem nostrum putes) postea rem ex s. c. ad uirgines, & pontifices relatam, idq. ab ijs nefas esse decretum: deinde ex s. c. consules rogationem promulgasse: uxori Caesarem nuncium remisisse. in hac caussa Piso, amicitia P. Clodij ductus, operam dat, ut ea rogatio, quam ipse fert, & fert ex s. c. &
de

de religione , antiquetur . Messalla uehementer adhuc agit seuere . boni uiri precibus Cladij remouentur a caussa . operae comparantur , nosmet ipsi , qui Lycurgeti a principio fuissetus , quotidie demitigamur . instat , & urget Cato . Quid multa ? uereor , ne haec , neglecta a bonis , defensa ab improbis , magnorum reip. malorum caussa sit . Tuus autem ille amicus , (scin' quem dicam ?) de quo tu ad me scripsisti , postea quam non auderet reprehendere , laudare coepisse , nos , ut ostendit , admodum diligit , amplectitur , amat , aperte laudat ; occulte , sed ita , ut perspicuum sit , inuidet . nihil come , nihil simplex , nihil ἰσότητος πολιτικοῖς honestum , nihil illustre , nihil forte , nihil liberum . Sed haec ad te scribam alias subtilius . nam neque adhuc mihi satis nota sunt : & huic terrae filio nescio cui committere epistolam tantis de rebus non audeo . Prouincias praetores nondum sortiti sunt . res eodem est loci , quo reliquisti .

Τοποθεσίαν , quam postulas , Miseni , & Puteolorum , includam orationi meae . ad IIII . non . Decemb. mendose fuisse animaduertam .

Quae laudas ex orationibus , mihi crede , ualde mihi placebant : sed non audebam antea didere : nunc uero , quod a te probata sunt , multo mihi ἀπλοῦς τε φαίνονται . in illam orationem Metellinam addidi quaedam . liberti tibi mittetur ; quoniam te amor nostri φιλοφροσύνη reddidit .

Noni tibi quidnam scribam ?
quid ?

quid? etiam. Messalla consul Antonianam domum
emit HS CCCCXXVII. quid id ad me? inquires.
tantum, quod ea emptione & nos bene emissee iudi-
cati sumus; & homines intelligere coeperunt, li-
cere amicorum facultatibus in emendo ad dignita-
tem aliquam peruenire. Teucris illa lentum nego-
tium, sed tamen est in spe. Tu ista confice: a nobis
liberiores epistolam exspecta. Vale. VI. kal.
Febr. M. Messalla, & M. Pisonis cos.

CICERO S. D. ATTICO. 12

VEREOR, ne putidum sit scribere ad te, quam
sim occupatus: sed tamen ita distinebar, ut uix
huic tantulae epistolae tempus habuerim, atque id
ereptum e summis occupationibus. Prima concio
Pompeij qualis fuisset, scripsi ad te antea, non iu-
cunda miseris, inanis improbis, beatis non grata, bo-
nis non grauis. itaque frigebat. tum Pisonis consulis
impulsu leuissimus tribunus pl. Fufius in concionem
produxit Pompeium. res agebatur in circo Flami-
nio: & erat in eo ipso loco illo die nundinarum παύ-
ρης. quaesivit ex eo, placeret ne ei, iudices a prae-
tore legi, quo consilio idem praetor uteretur. id au-
tem erat de Clodiana religione ab senatu constitu-
tum. tum Pompeius μάλ' ἀπιστοκρατικῶς locutus est;
senatusq. auctoritatem sibi omnibus in rebus ma-
ximam uideri, semperq. uisam esse, respondit, & id
multis uerbis. Postea Messalla consul in senatu de
Pompeio quaesivit, quid de religione, & de pro-
mulgata

mulgata rogatione sentiret. locutus ita est in senatu, ut omnia illius ordinis consulta γενικῶς laudaret: mibique, ut assedit, dixit, se putare, satis ab se etiam de istis rebus esse responsum. Crassus postea quam uidit illum excepisse laudem, ex eo; quod hi suspicarentur homines ei consulatum meum placere, surrexit, ornatissimeq. de meo consulatu locutus est; ut ita diceret, se, quod esset senator, quod ciuis, quod liber, quod uiueret, mihi acceptum referre; quoties coniugem, quoties domum, quoties patriam uideret, toties se beneficium meū uidere. Quid multa? totum hunc locum, quem in Aristocratia ego uarie meis orationibus, quarum tu Aristarchus es, soleo pingere, de flamma, de ferro, (nosti illas ἀνδροῦς) ualde grauiter pertexuit. Proximus Pompeio sedebam. intellexi hominem moueri; utrum Crassum inire eam gratiam, quam ipse praetermississet; an esse tantas res nostras, quae tam libenti senatu laudarentur, ab eo praesertim; qui mihi laudem illam eo minus deberet; quod meis omnibus literis in Pompeiaua laude perstrictus esset? Hic dies me ualde Crasso adiunxit: & tamen, ab illo aperte, recte quidquid est datum, libenter accepi. ego autem ipse, dii boni, quo modo ἀνεπερπεσάμην nouo auditori Pompeio. si umquam mihi ἐπιχειρήματα suppeditauerunt, illo tempore. Quid multa? clamores. etenim haec erat ὑπόθεσις de grauitate ordinis, de equestri concordia, de consensione Italiae, de immortalis reliquijs coniurationis, de uilitate,

tate, de otio. nosti iam in hac materia sonitus nostros: tanti fuerunt, ut ego eo breuior sim, quod eos usque istinc exauditos putem. Romanae autem res sic se habent. Senatus ἀφ' ὧς πάλος nil constantius, nil seuerius, nil fortius. nam cum dies uenisset rogationi ex s. c. ferendae, concursabant barbatuli iuuenes, totus ille grex Catilinae, duce filio-la Curionis; & populum, ut antiquaret, rogabant. Piso autem consul, lator rogationis, idem erat dissuasor. operae Clodianae pontes occuparant. tabellae ministrabantur, ita ut nulla daretur, Vti rogas. hic tibi Rostra Cato aduolat, conuitium Pisoui consuli mirificum facit; si id est conuitium, uox plena grauitatis, plena auctoritatis, plena denique salutis. accedit eodem etiam noster Hortensius, multum praeterea boni. insignis uero opera Fauonij fuit. hoc concursu optimatum comitia dimittuntur: senatus uocatur. cum decerneretur frequenti senatu, contra pugnante Pisone, ad pedes omnium singillatim accidente Clodio, ut consules populum cohortarentur ad rogationem accipiendam: homines ad xv. Curioni nullum s. c. facienti assenserunt: facile ex altera parte cccc assuerunt. acta res est. Fufius tertium concessit. Clodius conciones miseras habebat, in quibus Lucillum, Hortensium, C. Pisonem, Messallam consulem contumeliose laedebat, me tantum comperisse omnia criminabatur. Senatus & de prouincijs praetorum, et de legationibus, & de ceteris rebus decernebat, ut ante, quam ro-
gatio

gatio lata esset, ne quid ageretur. Habes res Romanas. sed tamen etiam illud, quod ego non speraram, audi. Messalla consul est egregius, fortis, constans, diligens, nostri laudator, amator, imitator. ille alter uno vitio minus vitiosus, quod iners, quod somni plenus, quod imperitus, quod ἀπαξ-τότατος, sed uoluntate ita καλῶς, ut Pompeium post illam concionem, qua ab eo senatus laudatus est, odisse cœperit. itaque mirum in modum omnes a se bonos alienauit. neque id magis amicitia Clodij adductus facit, quam studio perditarum rerum, atque partium. sed habet suis similem in magistratibus, præter Fufium, neminem. bonis utimur tribunis pl. Cornuto uero pseudocatone. Quid quaeris? num ut ad priuata redeam? Τεῦκρῳ promissa parauit. tu madata effice, quae recepisti. Quinctus frater, qui Argiletani aedificij reliquum dodrantem emit HS DCC XX, Tusculanum uendit, ut, si possit, emat Pacilianam domum. Cum Luceio in gratiam redi. uidero hominem. ualde petitur. re nauabo operam. Tu, quid agas, ubi sis, cuiusmodi istae res sint, fac me quam diligentissime certiores. Idibus Febr. Vale.

CICERO S. D. ATTICO. 13

ASIAM Quincto, suauissimo fratri, obtigisse au disti. non enim dubito, quin celerius tibi hoc rumor, quam ullius nostrum litterae nunciarint. nunc, quoniam et laudis auidissimi semper fuimus, et præter ceteros

ceteros φίλληνες & sumus, & habemur, et multorum odia, atque inimicitias reip. caussa suscepimus; παντοῖς ἀρετῆς μιμνήσκο; circaque, & effice, ut ab omnibus & laudemur, & amemur. His de rebus plura ad te in ea epistola scribam, quam ipsi Quinto dabo. Tu me, uelim, certiolem facias quid de meis mandatis egeris, atque etiam, quid de tuo negotio. nam ut Brundisio profectus es, nullae mihi abs te sunt redditae litterae. ualde aueo scire, quid agas. Idibus Mart. Vale.

CICERO S. D. ATTICO.

14

QVAERIS ex me, quid acciderit de iudicio, quod tam praeter opinionem omnium factum sit: & simul uis scire, quo modo ego minus, quam soleam, proeliatus sim. respondebo tibi ὅσπερ πρότερον, Ομνησικῶς. Ego enim, quam diu senatus auctoritas mihi defendenda fuit, sic acriter, & uehementer proeliatus sum, ut clamor, concursusq. maxima cum mea laude fierent. quod sit tibi umquam sum uisus in rep. sortis, certe me in illa caussa admiratus esses. cum enim ille ad conciones confugisset; in hisq. meo nomine ad inuidiam uteretur: dii immortales, quas ego pugnās, & quantas strages edidi: quos impetus in Pisonem, in Curionem, in totam illam manum feci: quo modo sum infectatus leuitatem senum, libidinem iuuentutis. saepe, ita me dii iuuent, te non solum auctorem consiliorum meorum, uerum etiam spectatorem pugnarum mirificarum

carum desideravi. postea uero quam Hortensius excogitauit, ut legem de religione Fufius tribunus pl. ferret; in qua nihil aliud a consulari rogatione differebat, nisi iudicum genus; (in eo autem erant omnia) pugnavitque, ut ita fieret; quod & sibi, et alijs persuaferat, nullis illum iudicibus effugere posse: contraxi uela, perspicuens inopiam iudicum, neque dixi quidquam pro testimonio, nisi quod erat ita notum, atque testatum, ut non possem praeterire. itaque, si causam quaeris absolutionis, (ut iam *ἄρδς ἰὸ ἁπότρεψς* reuertar) egestas iudicum fuit, & turpitudine. id autem ut accideret, commissum est Hortensii consilio: qui dum ueritus est, ne Fufius ei legi intercederet, quae ex s. c. ferebatur, non uidit illud, satius esse, illum in infamiae relinqui sordibus, quam infirmo iudicio committi: sed ductus odio properauit rem deducere in iudicium; cum illum plumbeo gladio iugulatum iri tamen diceret. Sed iudicium, si quaeris, quale fuerit; incredibili exitu; sic uti nunc ex euentu ab alijs: a me tamen ex ipso initio consilium Hortensii reprehendatur. nam ut reiectio facta est clamoribus maximis; cum accusator, tamquam censor bonus, homines nequissimos reiceret, reus, tamquam clemens lanista, frugalissimum quemque secerneret; ut primum iudices conseruerunt, ualde diffidere boni coeperunt. non enim umquam turpior in ludo talarario confessus fuit. maculosi senatores, nudi equites, tribuni non tam aerarii, quam, ut appellantur, aerati.

aerati . pauci tamen boni inerant , quos reiectione fugare ille non potuerat ; qui maesti inter sui dissimiles , et maerentes sedebant , et contagione turpitudinis uehementer permouebantur . hic , ut quaeque res ad consilium primis petitionibus referebatur , incredibilis erat seueritas , nulla uarietate sententiarum : nihil impetrabat reus : plus accusatori dabatur , quam postulabat : triumphabat (quid quae ris ?) Hortensius se uidisse tantum : nemo erat , qui illum reum , ac non millies condemnatum arbitraretur . me uero teste producto , credo te ex acclamatione Clodij aduocatorum audisse , quae confurrectio iudicum facta sit , ut me circumsteterint , ut aperte iugula sua pro meo capite P . Clodio ostentarent . quae mihi res multo honorificentior uisa est , quam aut illa , cum iurare tui ciues Xenocratenae testimonium dicentem prohibuerunt ; aut cum tabulae Metelli Numidici , cum hae , ut mos est , circumferrentur , nostri iudices adspicere noluerunt . multo haec , inquam , nostra res maior . itaque iudicum uocibus , cum ego sic ab his , ut salus patriae , defenderer , fractus reus , et una patroni omnes coniderunt . ad me autem eadem frequentia postredie conuenit , qua cum abiens consulatus domum reductus . Clamare praeclari Ariopagitae , se non esse uenturos , nisi praesidio constituto . refertur ad consilium : una sola sententia praesidium non desiderauit . desertur res ad senatum : grauissime , ornatissimeq . decernitur . laudantur iudices : datur ne-

gotium

gotium magistratibus . responsum hominem ne-
mo arbitrabatur . Εσπετε νῦν μοι μοῦσαι , Οππας δὲ
πρῶτον πῦρ ἔμπεσε . nosti Caluū , ex Nanneianis , il-
lum laudatorem meum , de cuius oratione erga me
honorifica ad te scripseram . biduo per unum ser-
uum , & eum ex ludo gladiatorio , confecit totum
negotium : accersit ad se , promisit , intercessit ,
dedit . iam uero (o dij boni , rem perditam) etiam
noctes certarum mulierum , atque adolefcentulo-
rum nobilium introductiones non nullis iudicibus
pro mercedis cumulo fuerunt . ita , summo discessu
bonorum , pleno foro seruorum , xx iudices ita
fortes tamen fuerunt , ut , summo proposito periculo ,
uel perire maluerint , quam perdere omnia . xxxi
fuerunt , quos fames magis , quam fama , commoue-
rit . quorum Catulus cum uidisset quendam , Quid
uos , inquit , praesidium a nobis postulabatis ? an , ne
nummi uobis eriperentur , timebatis ? Habes , ut
breuissime potui , genus iudicij , & causam absolu-
tionis . Quaeris deinceps , qui nunc sit status reip. &
qui meus . Reip. statum illum , quem tu meo consi-
lio , ego diuino confirmatum putabam , qui bono-
rum omnium coniunctione , & auctoritate consula-
tus mei fixus , & fundatus uidebatur , nisi quis nos
deus respexerit , elapsum scito esse de manibus uno
hac iudicio : si iudicium est , triginta homines popu-
li R. leuissimos , ac nequissimos , nummulis acce-
ptis , ius , & fas omne delere , & , quod omnes non
modo homines , uerum etiam pecudes factum esse

sciebant, id, Caluum, & Plantum, & Spongiam,
 & ceteras huiusmodi quisquilias statuere, nūquam
 esse factum. sed tamen, ut te de rep. consoler, non
 ita, ut sperarint mali, tanto imposito reip. vulne-
 re, alacris exultat improbitas in uictoria. nam pla-
 ne ita putauerunt, cum religio, cum pudicitia, cum
 iudiciorum fides, cum senatus auctoritas concidisset,
 fore, ut aperte uictrix nequitia, ac libido poe-
 nas ab optimo quoque peteret sui doloris, quem
 improbiissimo cuique inuaserat seueritas consulatus
 mei. Idem ego ille, (non enim mihi uideor inso-
 lenter gloriari, cum de me apud te loquor, in ea
 praesertim epistola, quam nolo alijs legi) idem, in-
 quam, ego recreaui afflictos animos bonorū unum-
 quenque confirmans, & excitans. insectandis uero,
 exagitandisq. nummarijs iudicibus, omnem omni-
 bus studiosis, ac fautoribus illius uictoriae *παρρησία*
 eripui: Pisonem consulem nulla in re consistere un-
 quam sum passus: desponsam homini iam Syriam
 ademi: senatum ad pristinam suam seueritatem re-
 uocaui, atque abiectum excitaui: Clodium praesen-
 tem fregi in senatu, cum oratione perpetua, plenif-
 sima grauitatis, tum altercatione eiusmodi, ex qua
 licet pauca deguetes. nam cetera non possunt habe-
 re eandem neque uim, neque uenustatem, remoto
 illo studio contentionis, quem *ἀγῶνα* uos appella-
 tis. Nam, ut idibus Maij in senatum conuenimus,
 rogatus ego sententiā, multa dixi de summa reip.
 atque ille locus inductus est a me diuinitus; ne, una
 pla-

plaga accepta, patres cōscripti conciderent, ne deficerent: uulnus esse eiusmodi, quod mihi neque dissimulandū, neque pertimescendum uideretur: ne aut
* ignorando stultissimi iudicaremur: bis absolutū esse Lentulum, bis Catilinam: hunc tertium iā esse a iudicibus in remp. immissum. Erras Clodi: non te iudices urbi, sed carceri reseruarunt; neque retinere in ciuitate, sed exilio priuare uoluerunt. Quamobrem patres conscripti erigite animos, retinete uestram dignitatem. manet illa in rep. bonorum consensio; dolor accessit bonis uiris; uirtus non est imminuta: nihil est damni factum noui, sed, quod erat inuentum est in unius hominis perditu iudicio. plures similes reperti sunt. Sed quid ago? paene orationem in epistolam inclusi. Redeo ad altercationem. Surgit pulchellus puer: obicit mihi, me ad Baias fuisse. falsum: sed tamen quid huic simile est? inquam. quasi in operto dicas fuisse. Quid, inquit, homini Arpinati cum aquis calidis? narra, inquā, patrono tuo, qui Arpinates aquas concupiuit. nosse enim marinas. Quousque, inquit, hunc regem feremus? regem appellas, inquam, cum Rex tui mentionem nullum fecerit? ille autem Regis hereditatem spe deuorat. Domum, inquit, emisli. putas, inquam, dicere, iudices emisli? Iuranti, inquit, tibi non crediderunt. mihi uero, inquam, xx iudices crediderunt: xxxi, quoniam nummos ante acceperunt, tibi nil crediderunt. Magnis clamoribus afflictus conticuit, & concidit. Nosler autem status est hic.

Apud bonos ijdem sumus, quos reliquisti; apud
 sordē urbis, & faciem multo melius, quam reliqui
 sti. nam & illud nobis non obest, uideri nostrum
 testimonium non ualuisse. missus est sanguis inui-
 diae sine dolore, atque etiam hoc magis, quod omnes
 illi fautores illius flagiti, rem manifestam illam re-
 dēptam esse a iudicibus, confitentur. Accedit illud,
 quod illa concionalis hirudo aerarij, misera, & ieiu-
 na plebecula, me ab hoc Magno unice diligi putat.
 & hercule multa & iucunda consuetudine coniun-
 cti inter nos sumus, usque eo, ut nostri isti comes-
 satores coniurationis, barbatuli iuuenes, illam in
 sermonibus Cnaeum Ciceronem appellent. itaque et
 ludis, et gladiatoribus mirandas *ἐπισημασίας* sine
 ulla pastoricia fistula auferebamus. nunc est exspe-
 ctatio comitiorum: in quae omnibus inuitis trudit
 noster Magnus Auli filium: atque in eo neque au-
 thoritate, neque gratia pugnat, sed quibus Philip-
 pus omnia castra expugnari posse dicebat, in quae
 modo asellus onustus auro posset ascendere. Consul
 autem ille, deterioris histrionis similis, suscepisse
 negotiū dicitur, et domi diuifores habere: quod ego
 non credo. sed S. C. duo iam facta sunt, odiosa, quod
 in consulem facta putantur, Catone, & Domitio po-
 stulante; unum, ut apud magistratus inquiri lice-
 ret; alterum, cuiusmodi diuifores haberent, aduer-
 sus remp. Lurco autem tribunus pl. qui magistra-
 tum simul cum lege Aelia inijt, solutus est et Ae-
 lia, & Fusia, ut legem de ambitu ferret; quam il-

le bono auspicio claudus homo promulgauit . ita comitia in ante diem VI. kal. Sext. dilata sunt . noui est in lege hoc , ut , qui nummos in tribu pronunciauerit , si non dederit , impune sit ; sin dederit , ut , quoad uiuat , singulis tribubus HS ∞ ∞ ∞ debeat . dixi , hanc legem P. Clodium iam antea seruasse : pronunciare enim solitum esse , & non dare . Sed heus tu , uides ne consulatum illum nostrum , quem Curio antea ἀποδέσσειν uocabat , si hic factus erit , fabam minimum futurum ? quare , ut opinor , φιλοσοφίῳν , id quod tu facis , & ἱσθς consulatus non floccifaciteon ? Quod ad me scribis , te in Asiam statuisse non ire : equidem malletm , ut ires . ac uereor , ne quid in ista re minus commode fiat . sed tamen non possum reprehendere consilium tuum , praesertim cum egomet in prouinciam non sim profectus . Epigrammatis tuis , quae in Amaltheo posuisti , contenti erimus ; praesertim cum & Chilium nos reliquerit , & Archias nil de me scripserit . ac uereor , ne Lucullus , quoniam graecum poema condidit , nunc ad Caecilianam fabulam spectet . Antonio tuo nomine gratias egi ; eamq. epistolam Manlio dedi . Ad te ideo antea rarius scripsi , quod non habebam idoneum , cui darem ; nec satis sciebam , quid darem . te ualde uind caui . Cincius si quid ad me tui negotij detulerit , suscipiam : sed nunc magis in suo est occupatus ; in quo ego ei non desum . Tu , si uno in loco es futurus , crebras a nobis litteras exspecta ; ast plures etiam ipse mittito . Velim , ad me

scribas, cuiusmodi sit Ἀμαλθεῖον tuum, quo ornatu, quā τοποθεσίᾳ; & quae poemata, quasq. historias de Ἀμαλθείᾳ habes, ad me mittas. lubet mihi facere in Arpinati. ego tibi aliquid de meis scriptis mittam. nihil erat absoluti. Vale.

CICERO S. D. ATTICO. 15

MAGNA mihi uarietas uoluntatis, et dissimilitudo opinionis, & iudicij Quincti, fratris mei, demonstrata est ex litteris tuis, in quibus ad me epistolarū illius exēpla misisti. qua ex re & molestia sum tanta affectus, quantam mihi meus amor summus erga utrumque uestrum asferre debuit; & admiratione, quidnam accidisset, quod asferret Quincto, fratri meo, aut offensionem tam grauem, aut commutationem tantam uoluntatis. atque illud a me iam ante intelligebatur, quod te quoque ipsum discedentem a nobis suspicari uidebam, subesse nescio quid opinionis incōmodae, sauciumq. eius animum; et insedisse quasdam odiosas suspiciones: quibus ego mēderi cum cuperem & antea saepe, & uehementius etiam post sortitionem prouinciae; nec tantum intelligebam ei esse offensionis, quātum litterae tuae declarant; nec tantum proficiebam, quantum uolebam. sed tamen hoc me ipse consolabar, quod non dubitabā, quin te ille aut Dyrrhachij, aut in istis locis uspiā uisurus esset. quod cum accidisset; confidebam, ac mihi persuaferam fore, ut omnia placarentur inter uos non modo sermone, ac disputatione, sed conspe-

specū ipso, congressuq. uestro. nam, quanta sit in
Quincto, fratre meo, comitas, quanta iucunditas,
quam mollis animus & ad accipiendam, & ad de-
ponendam offensionem, nihil attinet me ad te, qui
ea nosci, scribere. sed accidit perincommode, quod
eum nusquam uidiſti. ualuit enim plus, quod erat
illi non nullorum artificijs inculcatum, quam aut
officiū, aut necessitudo, aut amor uester ille pristi-
nus, qui plurimum ualere debuit. Atque huius in-
commodi culpa ubi resideat, facilius possum existi-
mare, quam scribere. uereor enim, ne, dum defen-
dam meos, non parcam tuis. nam sic intelligo; ut
nil a domesticis uulneris factum sit, illud quidem,
quod erat, eos certe sanare potuisse. sed huiusce rei
uitium totius, quod aliquanto etiam latius patet,
quam uidetur, praesenti tibi commodius exponam.
De ijs litteris, quas ad te Thessalonica misit, & de
sermonibus, quos ab illo et Romae apud amicos tuos,
et in itinere habitos putas; ecquid tantū eaussae sit,
ignoro: sed omnis in tua posita est humanitate mihi
spes huius leuandae molestiae. nam, si ita esse statue-
ris, & irritabiles animos esse optimorum saepe ho-
minum, & eosdem placabiles; & esse hanc agilita-
tem, ut ita dicam, mollitiemq. naturae plerunque
bonitatis; & id quod caput est, nobis inter nos no-
stra siue incommoda, siue uitia, siue iniurias esse
tolerandas: facile haec, quemadmodum spero, mi-
tigabuntur. quod, ego, ut facias, te rogo. nam ad
me, qui te unice diligo, maxime pertinet, nemi-

nem esse meorum, qui aut te non amet, aut abs te non ametur. Illa pars epistolae tuae minime fuit necessaria, in qua exponis, quas facultates aut provincialium, aut urbanorum commodorum & alijs temporibus, & me ipso consule, praetermiseris. mihi enim perspecta est & integritas, & magnitudo animi tui: neque ego inter me, atque te quidquam interesse umquam duxi, praeter uoluntatem institutae uitae: quod me ambitio quaedam ad honorũ studium, te autem alia minime reprehendenda ratio ad honestum otium duxit. uera quidem laude probitatis, diligentiae, religionis neque me tibi, neque quenquam antepono. amoris uero erga me, cum a fraterno amore, domesticoq. discessi, tibi primas deferò. uidi enim, uidi, penitusq. perspexi in meis uarijs tēporibus et sollicitudines, et laetitias tuas. fuit enim mihi saepe et laudis nostrae gratulatio tua iucunda, et timoris cōsolatio grata. quin mihi nunc, te absente, non solum consilium, quo tu excellis, sed etiam sermonis communicatio, quae mihi suauissima tecum solet esse, maxime deest. Quid dicam, in publica re? quo in genere mihi negligenti esse non licet. An in forensi labore? quem antea propterea ambitionem suslinebam, nunc ut dignitatem tueri gratia possim. an in ipsis domesticis negotijs? in quibus ego cū antea, tum uero post discessum fratris te, sermonesq. nostros desidero. Postremo nō labor meus, non requies; non negotium, non otium; non forenses res, non domesticae, non publicae; non priua-

tae carere diutius tuo suauissimo, atque amanti-
mo consilio, ac sermone possunt. Atque harum re-
rum commemorationem uerecundia saepe impedi-
uit utriusque nostrum. nunc autem ea fuit necessa-
ria propter eam partem epistolae tuae, per quam
te, ac mores tuos mihi purgatos, ac probatos esse
uoluisti. Atque in ista incommoditate alienati illius
animi, et offensi, illud inest tamen commodi, quod
et mihi, et ceteris amicis tuis nota fuit, et abs te ali-
quando testificata tua uoluntas emittendae provin-
ciae; ut, quod una non eslis, non dissensio, ac dis-
sidio uestro, sed uoluntate, ac iudicio tuo factum
esse uideatur. quare et illa, quae uiolata, expiaban-
tur; et haec nostra, quae sunt sanctissime conseruata,
suam religionem obtinebunt. Nos hic in rep. infir-
ma, misera, commutabiliq. uersamur. credo enim
te audisse, nostros equites paene a senatu esse disun-
ctos. qui primum illud ualde grauiter tulerunt,
promulgatum ex S. C. fuisse, ut de ijs, qui ob iu-
dicandum pecuniam acceperant, quaereretur. qua
in re decernenda cum ego casu non affuissem; sensis-
semq. id equestrem ordinem ferre moleste, neque
aperte dicere; obiurgavi senatum, ut mihi uisus
sum, summa cum auctoritate; et in causa non uere-
cunda, admodum grauis, et copiosus fui. Ecce aliae
deliciae equitum, nix ferendae, quas ego non solum
tuli, sed etiam ornaui. Asiani, qui de censoribus
conduxerant, quæsti sunt in senatu, se, cupiditate
prolapsos, nimium magno conduxisse: ut inducere-

tur



tur locatio, postulauerunt. ego princeps in adiutori-
 bus, atque adeo secundus. nam, ut illi auderent hoc
 postulare, Crassus eos impulit. inuidiosa res, turpis
 postulatio, et confessio temeritatis. summum erat pe-
 riculum, ne, si nihil impetrassent, plane alienaren-
 tur a senatu. huic quoque rei subuentum est maxi-
 me a nobis; perfectumque, ut frequentissimo sena-
 tu, et libentissime uterentur; multaq. a me de ordi-
 num dignitate, et concordia dicta sunt kalendis Dec.
 & postiridie. neque adhuc res confecta est, sed uo-
 luntas senatus perspecta. unus enim contradixe-
 rat Metellus consul designatus. diuerat dicturus,
 ad quem propter diei breuitatem peruentum non
 est, heros ille noster Cato. sic ego conseruans ratio-
 nem, institutionemq. nostram, tueor, ut possum,
 illam a me conglutinatam concordiam. sed tamen,
 quoniam ista sunt infirma, munitur quaedam nobis
 ad retinendas opes nostras tuta, ut spero, uia, quam
 tibi litteris satis explicare non possum, significatio-
 ne parua ostendam tamen. utor Pompeio familia-
 rissime. uideo, quid dicas. cauebo, quae sunt cauenda:
 ac scribam alias ad te de meis consilijs capeffen-
 dae reip. plura. Luceium scito consulatum habere
 in animo statim petere. duo enim soli dicuntur pe-
 tituri. Caesar cum eo coire per Arrium cogitat: &
 Bibulus cum hoc se putat per C. Pisonem posse con-
 iungi. Rides? non sunt haec ridicula, mihi crede.
 Quid aliud scribam ad te? quid? multa sunt; sed in
 aliud tempus. Te si expectari uelis, cures ut sciam.

iam

*iam illud moleste rogo, quod maxime cupio, ut
quamprimum uenias. Nonis Dee. Vale.*

CICERO S. D. ATTICO. 26

NIHIL mihi nunc scito tam deesse, quam
hominem eum, quicum omnia, quae me cura aliqua
afficiunt, una communicem, qui me amet, qui sa-
piat, quicum loquar, nihil fingam, nihil dissimu-
lem, nihil obtegam. abest enim frater ἀφελῆστος,
et amantissimus Metellus. non homo. sed litus, at-
que aer, et solitudo mera. tu autem, qui saepissime
curam, et angorem animi mei sermone, et consilio
lenasti tuo; qui mihi et in publica re socius, & in
priuatis omnibus conscius, et omnium meorum ser-
monum, & consiliorum particeps esse soles, ubi-
nam es? ita sum destitutus, ut tantum requietis
habeam, quantum cum uxore, et filiola, et melli-
to Cicerone consumitur. nā illae ambitiosae nostrae,
fucosaeq. amicitiae sunt in quodā splendore forensi,
fructum domesticum non habent. itaque, cum be-
ne completa domus est, tempore matutino, cum ad
forum stipati gregibus amicorum descendimus, re-
perire ex magna turba neminem possumus, quo-
cum aut iocari libere, aut suspirare familiariter pos-
simus: quare te exspectamus, te desideramus, te
iam etiam accersimus. multa sunt enim, quae me
sollicitant, anguntque: quae mihi uideor, aures na-
etus tuas, unius ambulationis sermone exhaustire
posse, ac domesticarum quidem sollicitudinum acu-
leos

leos omnes, & scrupulos occultabo, neque ego huius
 epistolae, atque ignoto tabellario committam. at-
 que hi (nolo enim te permoueri) non sunt permo-
 lesti, sed tamen insident, et urgent, et nullius aman-
 tis consilio, aut sermone requiescunt. In rep. uero,
 quamquam animus est praesens, tamen uoluntas e-
 tiam atque etiam ipsa me deficit. nam, ut ea bre-
 uiter, quae post tuum discessum acta sunt, colli-
 gam; iam exclames necesse est, res Romanas diu-
 tius stare non posse. etenim post profectionem tuam
 primus, ut opinor, introitus fuit in caussam fabu-
 lae Clodianae: in qua ego nactus, ut mihi uidebar,
 locum refecandae libidinis, et coercendae iuuentutis,
 uehemens fui, et omnes profundi uires animi, atque
 ingenij mei, non odio adductus alicuius, sed spe non
 corrigendae, sed sanandae ciuitatis, afflicta resp. est
 empto, constupratoq. iudicio. uide, quae sint po-
 stea consecuta. Consul est impositus is nobis, quem
 nemo praeter nos philosophos adspicere sine suspirio
 posset, quantum hoc uulnus? facto S. C. de ambi-
 tu, de iudijs, nulla lex perlata, exagitatus sena-
 tus, alienati equites Romani. sic ille annus duo fir-
 mameneae reip. per me unum constituta, euertit:
 nam & senatus auctoritatem abiicit; & ordinum
 concordiam disiunxit. Instat hic nunc ille annus e-
 gregius. eius initium eiusmodi fuit, ut anniuersa-
 ria sacra Iuuentutis non committerentur. nam M.
 Luculli uxorem Memmius suis sacris initiauit.
 Menelaus, aegre id passus, diuortium fecit. quam-
 quam

quam ille pastor Idæus Menelaum solum contemp-
 pserit: hic noster Paris tam Menelaum, quam A-
 gamemnonem liberum non putauit. Est autem C.
 Herennius quidam tribunus pl. quem tu fortasse ne
 nosti quidem: tamen si poteris nosse: tribulis enim
 tuus est; & Sextus, pater eius, nummos uobis diui-
 dere solebat. is ad plebem P. Clodium traducit;
 idemq. fert, ut uniuersus populus in campo Mar-
 tio suffragium de re Clodij ferat. hunc ego accepi
 in senatu, ut soleo: sed nihil est illo homine lentius.
 Metellus est consul egregius, & nos amat; sed im-
 minuit auctoritatem suam, quod habere dicit caus-
 sam promulgatam. illud idem de Clodio. Auli au-
 tem filius, o dij immortales, quam ignauus, ac si-
 ne animo miles; quam dignus, qui Palicano, sicut
 facit, os ad male audiendum quotidie praebeat.
 Agraria autem promulgata est a Flauio, sane, le-
 uis, eadem fere, quae fuit Plotia. sed interea πολι-
 τικὸς ἀνὴρ οὐδ' ὅραρ quisquam inueniri potest. qui
 poterat, familiaris noster (sic est enim: uolo te hoc
 scire) Pompeius togulam illam pictam silentio tue-
 tur suam. Crassus uerbum nullum contra gratiam.
 ceteros iam nosti: qui ita sunt stulti, ut, amissa rep.
 piscinas suas fore saluas sperare uideantur. nunc
 est, qui curet, constantia magis, & integritate,
 quam, ut mihi uidetur, consilio, aut ingenio, Ca-
 to; qui miseros publicanos, quos habuit amantiissi-
 mos sui, tertium iam mensem uexat, neque ijs a
 senatu responsum dari patitur, ita nos cogimur re-
 liquis

liquis de rebus nihil decernere ante, quam publica-
nis responsum sit. quare etiam legationes reiectum
iri puto. Nunc uides, quibus fluctibus iactemur:
& si ex ijs, quae scripsimus, tamen etiam a me non
scripta perspicias; reuise nos aliquando; &, quan-
quam sunt haec fugienda, quo te uoco, tamen fac,
ut amorem nostrum tanti aestimes, ut eo uel cum
his molestijs peruenire uelis. nam, ne absens cen-
seare, curabo edicendum, & proponendum locis
omnibus. sub lustrum autem censerem, germani ne-
gotiatoris est. quare cura, ut te quamprimum ui-
deamus. Vale. XI. kal. Febr. Q. Metello, &
L. Afranio cos.

CICERO S. D. ATTICO. 17

NON modo, si mihi tantum esset otij, quan-
tum est tibi; uerum etiam, si tam breues epistolas
uelim mittere; (quod tu soles facere) te supera-
rem, & in scripto multo essem crebrior, quam tu:
sed ad sumas, atque incredibiles occupationes meas
accedit, quod nullam a me epistolam ad te sino abs-
que argumento, ac sententia uenire. Et primum ti-
bi, ut aequum est, ciui amanti patriam, quae sunt in
rep. exponam: deinde, quoniam tibi amore nos pro-
ximi sumus, scribemus etiam de nobis ea: quae si ire
te non nolle arbitramur. Atque in rep. nunc quidē
maxime Gallici belli uersantur metus. nam Edui,
fratres nostri, pugnant: Sequani male pugnarunt:

& Heluetij sine dubio sunt in armis, incursionesque
 in prouinciam faciunt. senatus decreuit, ut consu-
 les duas Gallias sortirentur, delectus haberetur,
 uacationes ne ualerept, legati cum auctoritate mit-
 terentur, qui adirent Galliae ciuitates, darentque
 operam, ne eae cum Heluetijs se iungerent. legati
 sunt Q. Metellus Creticus, & L. Flaccus, &
 τὸ ἐπὶ τῇ βαλῇ μῦρον, Lētulus Clodiae filius. Atque
 hoc loco illud non quoco praeterire, quod, cum de
 consularibus mea prima sors exisset, una uoce se-
 natus frequens retinendum me in urbe censuit. hoc
 idem post me Pompeio accidit: ut nos duo, quasi
 pignora reip. retineri uideremur. quid enim ego a-
 liorum in me ἐπιφανήματα expectem. cum haec do-
 mi nascantur? Urbanae autem res sic se habent.
 Agraria lex a Flauio tribuno pl. uehementer agi-
 tabatur auctore Pompeio, quae nihil populare ha-
 bebat, praeter auctorem. ex hac ego lege, secun-
 da concionis uoluntate, omnia illa tollebam quae ad
 priuatorum incommodum pertinebant: libera-
 bam agrum eum, qui P. Mucio, L. Calpur-
 nio cos. publicus fuisset: Syllanorum hominum pos-
 sessiones confirmabam: Volaterranos, & Arte-
 mitanos, quorum agrum Sylla publicarat, ne-
 que diuiserat, in sua possessione retinebam: u-
 nam rationem non reuiciebam, ut ager hac ad-
 uenticia pecunia emeretur, quae ex nouis ueti-
 galibus per quinquennium reciperetur. Huic toti
 rationi agrariae senatus aduersabatur, suspicans
 Pom-

Pompeio nouam quandam potentiam quaeri. Pompeius uero ad uoluntatem perferrendae legis incubuerat. ego autem magna cum agrariorum gratia confirmabam omnium priuatorum possessiones: (is enim est noster exercitus, hominum, ut tute scis, locupletium) populo autem, Pompeioq. (nam id quoque uolebam) satisfaciebam emptione: qua constituta diligenter, & sentinam urbis exhauriri, & Italiae solitudinem frequētari posse arbitrabar. sed haec tota res interpellata bello refrixerat. Metellus est consul sane bonus, & nos admodum diligit. ille alter ita nihil est, ut plane, quid emerit, nesciat. Haec sunt in rep. nisi illud etiam ad remp. pertineret, Herennium quendam, tribunum pl. tribulem tuum, sane hominem nequam, atque egen-tem, saepe iam de P. Clodio ad plebem traducendo agere coepisse. huic frequenter interceditur. Haec sunt, ut opinor, in rep. Ego autem, ut semel nonarum illarum Decembrium, iunctam inuidiae, ac multorum inimicitijs, eximiam quandam, atque immortalē gloriam consecutus sum, non destiti eadem animi magnitudine in rep. uersari, & illā institutam, ac susceptam dignitatem tueri. sed postea quam primum Clodij absolutione leuitatem, infirmitatemq. iudiciorum perspexi: deinde uidi nostros publicanos facile a senatu disiungi, quanquam a me ipso non diuellerentur; tum autem beatos homines (hos piscinarios dico, amicos tuos) non ob-scure nobis inuidere: putauī, mihi maiores quasdā opes,

opes, et firmiora praesidiaesse quaerenda. itaque primum eum, qui nimium diu de rebus nostris tacuerat, Pompeium adduxi in eam uoluntatem, ut in senatu non semel, sed saepe, multisq. uerbis suis mihi salutem imperij, atque orbis terrarum adindicarit. quod non tam interfuit mea, (neque enim illae res aut ita sunt obscurae, ut testimonium, aut ita dubiae, ut laudationem desiderent) quam reip. quod erant quidam improbi, qui contentionem fore aliquam mihi cum Pompeio, ex illarum rerum dissensione, arbitrarentur. cum hoc ego me tanta familiaritate coniunxi, ut uterque nostrum in sua ratione munitior, & in rep. firmior hac coniunctione esse possit. odia autem illa libidinosae, & delicatae iuuentutis, quae erant in me incitata, sic mitigata sunt comitate quadam mea, me unum ut omnes illi colant. nihil iam denique a me asperum in quēquam fit, nec tamen quidquam populare, ac dissolutum: sed ita temperata tota ratio est, ut reip. constantiam praestem, priuatis rebus meis, propter infirmitatem bonorum, iniquitatem malorum, odium in me improborum, adhibeam quandam cautionem, & diligentiam. atque ita tamen nouis amicitijs implicati sumus, ut crebro mihi uaser ille Siculus insurret Epicharmus cantilenam illam suam:

Νῦν δὲ, καὶ μέμνησ' ἀπιστεῖν. ἀρδρα ταῦτα ἤσ' ὀρεσῶν.

Ac nostrae Quidem rationis, ac uirtutis quasi quandam formam, ut opinor, uides. De tuo autem negotio saepe ad me scribis: cui mederi nunc non possumus.

D est

est enim illud S. C. summa pedariorum uoluntate, nullius nostrum auctoritate factum. nam, quod me esse ad scribendum uides; ex ipso S. C. intelligere potes, aliam rem tum relatam; hoc autem, de populis liberis, sine caussa additum. & ita factum est a P. Seruilio filio, qui in postremis sententiam dixit. sed immutari hoc tempore non potest. itaque conuentus, qui initio celebrabantur, iam diu fieri desierunt. tu si tuis blentitijs tamē a Sicyonijs nummulorum aliquid expresseris; uelim, me facias certiore. Commentarium consulatus mei graece compositum misi ad te. in quo si quid erit, quod homini Attico minus graecum, eruditumq. uideatur; non dicam, quod tibi, ut opinor, Panormi Lucullus de suis historijs dixerat; se, quo facilius illas probaret Romani hominis esse, iccirco barbara quaedam, & obsoleta dispersisse. apud me si quid erit eiusmodi, me imprudente erit, & inuito. latinum si perfecero, ad te mittam. tertium poema expectato; ne quod genus a me ipso laudis meae praetermittatur. hic tu, caue, dicas, τίς πάτερ αἰνέσει; si est enim apud homines quidquam, quod potius sit, laudetur, nos uituperemur, qui non potius alia laudemus. quamquam non ἰνὸς καὶ ἀσικὰ sunt haec, sed ἰσοπικὰ, quae scribimus. Quintus frater purgat se mihi per litteras; et affirmat, nil a se cuiquam de te. secus esse dictū. uerū haec nobis coram summa uera, ut diligētia sunt agēda: tu modo nos reuise aliquando. Cosmianus hic, cui dedi litteras, ualde mihi bonus homo,

Et non leuis, Et amans tui uisus est, Et talis, qualem esse eum tuae mihi litterae nunciarant. Vale.
Idibus Martijs.

CICERO S. D. ATTICO. 18

CVM e Pompeiano me Romam recepissem ad IV. id. Maij, Cincius nosler eam mihi abs te epistolam reddidit, quam tu idibus Feb. dederas. ei nunc epistolae litteris his respondebo. Ac primū, tibi perspectum esse iudicium de te meum, laetor; deinde, te in ijs rebus, quae mihi asperius a nobis, atque a nostris, et iniucūdus aetate uidebantur, moderatissimū fuisse; uehementissime gaudeo; idq. neque amoris mediocris, et ingenij summi, ac sapiētiae iudico. quae de re cum ad me ita suauiter, diligenter, offitiose, humaniter scripseris, ut nō modo hortari te amplius nō debeam, sed ne exspectare quidem abs te, aut ab ullo homine tantū facilitatis, ac mansuetudinis potuerim: nihil dūco esse cōmodius, quam de his rebus nihil amplius scribere. cum erimus congressi, tum; si quid res feret, coram inter nos cōferemus. Quod ad me de rep. scribis, disputas tu quidem Et amanter, Et prudenter; et a meis consilijs ratio tua non abhorret: (nam neque de statu nobis nostrae dignitatis est recedendum, neque sine nostris copijs intra alterius praesidia ueniendum: et is, de quo scribis, nihil habet amplū, nihil excelsū, nihil non summissū, atque populare) uerūtamen fuit ratio mihi fortasse ad tranquillitatem meorum temporum non inutilis.

D 2 sed

sed mehercule reip. multo etiam utilior, quam mihi, ciuium improborum impetus in me reprimi, cum hominis amplissima fortuna, auctoritate, gratia fluctuantem sententiam confirmassem, & a spe malorum ad mearum rerum laudem conuertissem. quod si cum aliqua leuitate mihi faciendum fuisset, nullam rem tanti aestimassem: sed tamen a me ita acta sunt omnia, non ut ego illi assentienti leuior, sed ut ille me probans grauior uideretur. Reliqua sic a me aguntur, & agentur, ut non committamus, ut ea, quae gessimus, fortuito gessisse uideamur. eos bonos uiros, illos quos significas, & eam, quam mihi dicis obtigisse, ἀάπρα non modo numquam deferam, sed etiam, si ego ab illa deferar, tamen in mea pristina sententia permanebo. illud tamen, uelim, existimes, me hanc uiam optimatum post Catuli mortem nec praesidio ullo, nec comitatu tenere. nam, ut ait Rhynton, ut opinor,

Οἱ μὲν παρ' οὐδέν ἐστιν, οἷς δ' ἐδὲν μέλει.

mibi uero ut inuideant piscinarij nostri, aut scribam ad te alias, aut in congressum nostrum reseruabo. a curia autem nulla me res diuellet: uel quod ita relictum est: uel quod rebus meis maxime consentaneum: uel quod, a senatu quanti fiam, minime me paenitet. De Sicyonijs, ut scripsi ad te antea, non multum spei est in senatu: nemo est enim iam, qui queratur. quare, si id expectas, longum est: alia uia, si qua potes, pugna cum est actum; neque animaduersum est, ad quos pertineret; & raptim in ea sententiam

tentiam pedarij concurrerunt. inducendi S. C. maturitas nōdum est: quod neque sunt, qui querantur. & multi partim maleuolētia, partim opinione aequitatis delectātur. Metellus tuus est egregius cōsul. unū reprehēdo, quod oriū e Gallia non magnopere nūciari gaudet. cupit, credo, triūphare. hoc uellem mediocrius: cetera egregia. Auli filius uero ita se gerit, ut eius cōsulatus nō consulatus sit, sed Magni nostri *ὁ πρῶτος*. De meis scriptis, misi ad te graece perfectū consulatū meū. eum librū L. Cossinio dedi. puto te latinis meis delectari, huic autē graeco graecū inuidere. alij si scripserint, mittemus ad te: sed, mihi crede, simul atque hoc nostrū legerūt, nescio quo pacto retardantur. Nunc (ut ad rē meā redeam) L. Tappius Paetus, uir bonus, amatorq nostrer, mihi libros eos, quos Ser. Claudius reliquit, donauit. cum mihi, per legē Cinciā licere capere, Cincius amicus tuus diceret; libēter, dixi, me accepturū, si attulisset. nūc, si me amas, si te a me amari scis, enitere per amicos, cliētes, hospites, liberos denique, ac seruos tuos, ut scheda ne qua de pereat. nā et graecis ijs libris, quos suspicor, & latinis, quos scio illū reliquisse, mihi uehemēter opus est. ergo autē quotidie magis, quod mihi de forēsi labore tēporis datur, in his studijs cōquiesco. per mihi, per, inquā, gratū feceris, si in hoc tam diligens fueris, quam soles in ijs rebus, quas me ualde uelle arbitraris: ipsiusq. Paeti tibi negotia cōmēdo: de quibus tibi ille agit maximas gratias: & ut iā inuisas nos, nō solum rogo, sed etiā suadeo. Vale.

M. TVLLII CICERONIS
EPISTOLARVM AD

T. POMPONIVM ATTICVM

LIBER II.

CICERO S. D. ATTICO.

/ AL. Iun. eunti mihi Antium, & gla
K diatores M. Metelli cupide relinquen-
ti, uenit obuiam tuus puer. is mihi lit-
teras abs te, & commentarium consu-
latus mei graece scriptum reddidit. in quo laetatus
sum, me aliquanto ante de iisdem rebus graece itē
scriptum librum L. Cossinio ad te perferēdum dedis-
se. nam, si ego tuum ante legissem, furatum me
abs te esse diceres. quanquam illa tua (legi enim li-
benter) horridula mihi, atque incompta uisa sunt:
sed tamen erant ornata hoc ipso, quod ornamenta
neglexerant; & ut mulieres, ideo bene olere, quia
nihil olebant, uidebantur. meus autem liber totum
Isocratis $\mu\upsilon\ \rho\omicron\delta\acute{\iota}\nu\alpha\iota\omicron\nu$, atque omnes eius discipulorū
arculas, ac non nihil etiam Aristotelica pigmenta
consumpsit: quem tu Corcyrae, ut mihi alijs litteris
significas, stricim attigisti, post autem, ut arbi-
tror, a Cossinio accepisti. quem tibi ego non essem
ausus mittere, nisi eum lente, ac fastidiose proba-
uisssem. quanquam ad me rescripsit iam Rhodo Pos-
sidonius, se, nostrum illud $\epsilon\pi\omicron\mu\eta\nu\eta\mu\alpha$ cum legeret,
quod ego ad eum, ut ornatius de iisdem rebus
scriberet, miseram, non modo non excitatum esse
ad

ad scribendum, sed etiam plane perterritum. quid quaeris? conturbavi graecam nationem. ita, vulgo qui instabant, ut darem sibi, quod ornarent, iam exhibere mihi molestiam destiterunt. tu, si tibi pla-
 cuerit liber, curabis, ut & Athenis sit, & in cete-
 ris opidis Graeciae. uidetur enim posse aliquid no-
 stris rebus lucis afferre. Oratiunculas autem, &
 quas postulas, & plures etiam mitam: quoniam
 quidem ea, quae nos scribimus adolescentulorum
 studijs excitati, te etiam delectant. fuit enim mihi
 commodum, quod in eis orationibus, quae Philippi-
 cae nominantur, enituerit ciuis ille tuus Demosthe-
 nes, et quod se ab hoc refractariolo iudiciali dicendi
 genere abiunxerit, ut *σεμνότερός τις, καὶ πολιτικώτε-
 ρος* uideretur, curare, ut meae quoque essent oratio-
 nes, quae consulares nominarentur: quarum una est
 in senatu kalendis Ian. altera ad populum de lege
 agraria; tertia de Othone; quarta pro Rabirio; quin-
 ta de proscriptorum filiis; sexta, cum provinciam
 in concione deposui; septima, qua Catilinam emisi;
 octaua, quam habui ad populum postridie, quam
 Catilina profugit; noua in concione. quo die Allo-
 broges inuocarunt; decima in senatu, nouis Dec.
 sunt praeterea duae breues, quasi ἀποπαραστάτια le-
 gis agrariae. hoc totum σῶμα, curabo, ut habeas.
 & quoniam te cum scripta, tum res meae dele-
 ctant; iisdem ex libris perspicies, & quae gesserim,
 & quae dixerim. aut ne poposcisses: ego enim tibi
 me non offerebā. Quod quaeris, quid sit, quo te accer-

sam; ac simul, impeditum te negotijs esse significas; neque recusas, quin, non modo si opus sit, sed etiam si uelim, accurras: nihil sane est necesse: uerum tamen uidere mihi tempora peregrinationis commodius posse distribuere. nimis abes diu, praesertim cum sis in propinquis locis: neque nos te fruimur, & tu nobis cares. ac nunc quidem otium est: sed, si paullo plus furor Pulchelli progredi posset, ualde te ego istinc excitare. uerum praeclare Metellus impedit, & impediet. quid quaeris? est cōsul φιλότατος, & ut semper iudicaui, natura bonus. ille autem non simulat, sed plane tribunus pl. fieri cupit. qua de re cum in senatu ageretur, fregi hominem, & inconstantiam reprehendi, qui Romae tribunatum pl. peteret, cum in Sicilia aedilitatē saepe dictitasset. sed neque magnopere dixi esse nobis laborandum: quod nihilo magis ei licitum esset plebeio temp. perdere, quam similibus eius me consule patricijs esset licitum. iam, cum se ille septimo die uenisse a Freto, neque sibi obuiam quemquam prodire potuisse, & nocte se introisse dixisset, in eoq. se in concione iactasset: nihil ei noui dixi accidisse: ex Sicilia septimo die Romam, tribus horis Roma Interaminam: noctu introisse; item ante: non esse itum obuiam; ne tum quidem, cum iri maxime debuit. quid quaeris? hominem petulantem modestum reddo, sed non solum perpetua grauitate orationis, sed etiam hoc genere dictorum. itaque iam familiariter cum ipso cauillor etiam, ac iocor. quin etiā cum candida-

candidatum deducere, is quaerit ex me, num con-
 suesset Siculis locum gladiatoribus dare. negavi.
 at ego, inquit, novos patronos instituam. sed soror,
 quae tantum habeat consularis loci, unum mihi so-
 lum pedem dat. noli, inquam, de uno pede sororis
 queri. licet etiam alterum tollas. non consulare, in-
 quies, dictum. fateor: sed ego odi illam male con-
 sularem. ea est enim seditiosa: ea cum viro bellum
 gerit, neque solum cum Metello, sed etiam cum Fa-
 bio; quod eos mihi esse amicos moleste fert. Quod
 de agraria lege quaeris, sane iam uidetur refrixisse.
 Quod me quodam modo molli brachio de Pompeij fa-
 miliaritate obiurgas: nolim ita existimes, me mei
 praesidij causa cum illo coniunctum esse: sed ita res
 erat instituta, ut, si inter nos esset aliqua sorte dis-
 sensio, maximas in rep. discordias uersari esset ne-
 cesse. quod a me ita praecautum, atque ita prouisum
 est, non ut ego de optima illa mea ratione decede-
 rem; sed ut ille esset melior, & aliquid de popula-
 ri leuitate deponeret: quem de meis rebus, in quas
 eum multi incitarant, multo scito gloriosius, quam
 de suis, praedicare. sibi enim be gestae, mihi con-
 seruatae reip. dat testimonium. hoc facere illum, mi-
 hi quam prosit, nescio; reip. certe prodest. quid, si
 etiam Caesarem, cuius nunc uenti ualde sunt secun-
 di, reddo meliorem? num tantum obsum reip.?
 quin etiam, si mihi nemo inuideret; si omnes, ut e-
 rat aequum, fauerent; tamen non minus esset pro-
 banda medicina, quae sanaret uitiosas partes reip.
 quam

quam quae exsecaret . nunc uero , cum equitatus ille , quem ego in cliuo Capitolino , te signifero , ac principe , collocaram , senatum deseruerit ; nostri autem principes digito se caelum putent attingere , si muli barbati in piscinis sint ; qui ad manum accedant ; alij autem negligant : non ne tibi satis prodesse uideor , si perficio , ut nolin obesse , qui possunt ? nam Catonem nostrum non tu amas plus , quam ego . sed tamen ille , optimo animo utens , & summa fide , nocet interdum reip . dicit enim tanquam in Platonis πολιτεία , non tanquam in Romuli faece , sententiam . quid uerius , quam in iudicium uenire , qui ob rem iudicandam pecuniam acceperit ? censuit hoc Cato : assensuit senatus . equites curiae bellum , non mihi : nam ego dissensi . quid impudentius publicanis renunciantibus ? fuit tamen , retinendi ordinis caussa , facienda iactura . restitit , & peruenit Cato . itaque nunc , consule in carcere incluso , saepe item seditione commota , aspirauit nemo eorum . quorum ego concursu , itemq . consules , qui post me fuerunt , remp . defendere solebant .

Quid ergo ? istos , inquires , mercede conductos habebimus ? Quid faciemus , si aliter non possumus ? an libertinis , atque etiam seruis seruiamus ? sed , ut tu ais , ἀλλὰ ποῦδ' ἔστιν . Fauonius meam tribum tulit honestius , quam suam , Lucceij perdidit : accusauit Nasicam inhoneste , ac modeste tamen dixit : ut Rhodi uideretur molis potius , quam Moloni , operam dedisse . mihi , quod defendissem , leuiter successit .

consuit. nunc tamen petit iterum reip. causa. Luc
ceius quid agat, scribam ad te, cum Caesarem uide
ro, qui aderit biduo. Quod Sicyonij te laedunt, Ca
toni, & eius aemulatori attribuas Seruilio. quid?
ea plaga non ne ad multos bonos uiros pertinet?
sed, si ita placuit, laudemus; deinde in dissensionibus
soli re linquamur. Amalthea mea te exspectat,
& indiget tui. Tusculanum, & Pompeianum ualde
me delectant; nisi quod me, illum ipsum uindice
m aeris alieni, aere non Corinthio, sed hoc circū
foraneo obruerunt. In Gallia speramus esse otium.
Prognostica mea cum oratiunculis propediem ex
specta, & tamen, quid cogites de aduentu tuo, scri
be ad nos. nam mihi Pomponia nunciari iussit, te
mense Quintili Romae fore. id a tuis litteris, quas
ad me de accessu tuo miserat, discrepabat. Paetus,
ut antea ad te scripsi, omnes libros, quos frater
suus reliquisset, mihi donauit. hoc illius munus in
tua diligentia positum est. si me amas, cura, ut
conseruentur, & ad me perferantur. hoc mihi nil
potest esse gratius. Et, tum Graecos, tum uero la
tinos diligenter ut conserues, uelim. tuum esse hoc
munusculum putabo. Ad Octauium dedi litteras:
cum ipso nil eram locutus. neque enim ista tua ne
gotia provincialia esse putabam: neque te in Toc
* lionibus habebam. sed scripsi, ut debui, diligen
ter. Vale.

CURA, amabo te, Ciceronem nostrum. ei nos
 θεῖοι uideamur. Περινάων in manibus tenebam. &
 hercule magnum acervum Dicaearchi mihi ante pe-
 des exstruxeram. o magnum hominem, & a quo
 multo plura didiceris, quam de Proclilio. Κορινθίω,
 καὶ Αθηναίων puto me Romae habere. mihi heredes.
 lege. hoc doceo: mirabilis uir est. Ἡρώδης, si homo
 esset, eum potius legeret, quam unam litteram scri-
 beret: qui me epistola petiuit: ad te, ut uideo, com-
 minus accessit. coniurasse mallem, quam restitisse
 coniurationi, si illum mihi audiendum putassem.
 De Lollio sanus non es. de Vinio laudo. Sed heus tu,
 ecquid uides kal. uenire, Antonium non uenire? iu-
 dices cogi? nam ita ad me mittunt; Nigidum mi-
 nari in concione, se iudicem, qui non affuerit, com-
 pellaturum. uelim tamen, si quid est de Antoniū
 aduentu, quod audieris, scribas ad me: & quoniam
 huc non uenis, cenēs apud nos utique prid. Kal. ca-
 ue aliter facias. Cura, ut ualeas.

PRIMUM, ut opinor, ἀγγελία. Valerius ab-
 solutus est Hortensio defendente. id iudicium Ati-
 lio condonatum putabatur: & Epicratem suspicor,
 ut scribis, lascium fuisse: etenim mihi caligae eius,
 ut fasciae cretatae, nō placebant. quid sit, sciemus,
 cum ueneris. Fenestrarum angustias quod repre-
 hendis,

bendis, scito te Κύρις παιδείαν reprehendere. nam, cum ego idem istuc dicerem, Cyrus aiebat, radiorum τὰς διαφάσεις latis luminibus, non tam esse suaves. etenim ἔσω ὅψις μὲν, ἢ, α: τὸ δὲ ὁρώμενον, ζ, γ: ακτίνες δὲ, δ, χι ε. uides enim cetera. nam, si κατὰ εἰδώλων ἐμπλάσεις uideremus, ualde laborarent εἰδωλα in angustiis. nunc fit lepide illa ἐκχυσίς radiorum. cetera si reprehenderis, non feres tacitum, nisi si quid erit eiusmodi, quod sine sumptu corrigi possit. Venio nunc ad mensem Ianuarium, & ad ὑπόστασιν nostram, ας πολιτείαν: in qua σωκρατικῶς εἰς ἑκάτερον, sed tamen ad extremum, ut illi solebant, τὴν ἀρεσκουσάν. est res sane magni consilij. nam aut fortiter resistendum est legi agrariae; in quo est quaedam dimicatio, sed plena laudis: aut quiescendum; quod est non dissimile, atque ire in Solonium, aut Antium: aut etiam adiuvandum; quod a me aiunt Caesarem sic expectare, ut non dubitet. nam fuit apud me Cornelius. hunc dico Balbum, Caesaris familiarem. is affirmabat, illum omnibus in rebus meo & Pompey consilio usurum; daturumq. operam, ut cum Pompeio Crassum coniungeret. Hic sunt haec, coniunctio mihi summa cum Pompeio; si placet, etiam cum Caesare, reditus in gratiam cum inimicis, pax cum multitudine, senectutis otium. sed me κατὰ κρισις mea illa commouet, quae est in libro III.

Interea cursus, quos prima a parte iuuentae, Quosq. adeo consul uirtute, animoq. petisti,

Hos

Hos retine, atque auge famam, laudesq. bonorum. haec mihi cum in eo libro, in quo multa sunt scripta ἀριστοκρατικῶς, Calliope ipsa praescripserit; non opinor esse dabitandum, quin semper nobis uideatur eis δῖονος ἀριστὸς ἀμυνέειν καὶ παύειν. sed haec ambulationibus compitalicijs reseruemus. Tu pridie Compitalia memento. balneum calefieri iubebo: & Pomponiam Terentia rogat: matrem adiungemus. Θεοφάνης καὶ φιλότητις affer mihi de libris Quincti fratris. Vale.

CICERO S. D. ATTICO.

4

FECISTI mihi pergatum, quod Serapionis librum ad me misisti: ex quo quidem ego (quod inter nos liceat dicere) millesimam partem uix intelligo. pro eo tibi praesentem pecuniam solui imperaui; ne tu expensum muneribus ferres. At quoniam nummorum mentio facta est; amabo te, cura, ut cum Titinio, quoquo modo poteris, transigas. si in eo, quod ostenderat, non stat; mihi maxime placeat, ea, quae male emptae sunt, reddi, si uoluntate Pomponiae fieri poterit. si ne id quidem; nummi potius reddantur, quam ullus sit scrupulus. ualde hoc uelim ante, quam proficiscere, amanter, ut soles, diligenterq. conficias. Clodius ergo, ut ais, ad Tigranem? uelim, Syrpiae conditione: sed facile patior. accommodatius enim nobis est ad liberam legationem tempus illud, cum & Quinctus noster iam, ut speramus, in otio conserit,

derit, & isle sacerdos Bonae deae cuiusmodi futurus sit, sciri possit. interea quidem cum musis nos delectabimur animo aequo, immo uero etiam gaudenti, ac libenti. neque mihi umquam ueniet in mentem Crasso inuidere, neque paenitere, quod a me ipse non descinerim. De geographia, dabo operam, ut tibi satisfaciam: sed nihil certi polliceor. magnum opus est; sed tamen, ut iubes, curabo, ut huius peregrinationis tibi opus extet. Tu quid quid indagaris de rep. & maxime quos consules futuros putes, facito, ut sciam. tametsi nimis sum curiosus: statui enim nihil iam de rep. cogitare. Terentiae saltum perspeximus. quid quaeris? praeter quercum Dodonaeam nihil desideramus, quo minus Epirum ipsam possidere uideamur. Nos circiter kal. aut in Formiano erimus, aut in Pompeiano. tu, si in Formiano non erimus; si nos amas, in Pompeianum uenito. id & nobis erit periucundum, & tibi non sane deuium. De muro, imperaui Philotimo, ne impediret, quo minus id fieret, quod tibi uideretur. censeo tamen, adhibeas Vettium. his temporibus, tam dubia uita optimi cuiusque, magni aestimo uirius aestatis fructu palaestrae Palatinae, sed ita tamen, ut nihil minus uelim, quam Pompeianam, & puerum uersari in timore ruinae. Vale.

CICERO S. D. ATTICO.

5

CUPIO equidem, & iam pridem cupio Alexandriam, reliquamq. Aegyptum uisere, & simul
ab

ab hac hominum satietate nostri discedere, & cum aliquo desiderio reuerti: sed hoc tempore, & his mittentibus, αἰδέομαι πρῶτας, καὶ πρῶτας ἐλεγκτῆρας, quid enim nostri optimates, si qui reliqui sunt, loquentur? an me aliquo praemio de sententia esse deductum? πουλυδάμας μοι πρῶτος ἐλεγχεῖν ἀναδήσει, Cato ille noster, qui mihi unus est pro centum millibus. quid uero historiae de nobis ad annos D C praedicarint? quas quidem ego multo magis uereor, quam eorum hominum, qui hodie uiuunt, rumusculos. sed, opinor, excipiamus, & expectemus. si enim deferetur; erit quaedam nostra potestas, & tum deliberabimus. et iam hercule est in nō accipiendo non nulla gloria: quare si quid θεοφάνης tecum forte contulerit, ne omnino repudiaris. de istis rebus expecto tuas litteras, quid Arrius narret, quo animo se destitutum ferat; ecqui consules parentur; utrum, ut populi sermo, Pompeius, & Crassus, an, ut mihi scribitur, cum Gabinio Ser. Sulpicius; & num quae nouae leges, & num quid noui omnino; &, quoniam Nepos proficiscitur, cui nam auguratus deferatur. quo quidem uno ego ab istis capi possum. Videte ciuitatem meam. sed quid ego haec, quae cupio deponere, & toto animo, atque omni cura φιλοσοφεῖν? sic, inquam in animo. sic uellem ab initio. nunc uero, quoniam, quae putavi esse praeclara, expertus sum, quam essent inania; cum omnibus musis rationē habere cogito. Tu tamen de Curtio ad me rescribere certius; & num quis

quis in eius locum paretur; & quid de P. Clodio fiat: & omnia, quemadmodum tu polliceris, ἐπὶ ἁλῶν scribe: & quo die Roma te exiturum putes, uelim ad me scribas; ut certiores te faciam, quibus in locis futurum sim: epistolamq. statim de de ijs rebus, de quibus ad te scripsi. ualde enim expecto litteras tuas. Vale.

CICERO S. D. ATTICO. 6

QVOD tibi superioribus litteris promiseram, fore, ut opus extaret huius peregrinationis: nihil iam magnopere confirmo. sic enim sum complexus otium, ut ab eo diuelli non queam. itaque aut libris me delecto, quorum habeo Antij festinam copiam: aut fluctus numero. nam ad lacertas captandas tempestates non sunt idoneae. a scribendo prorsus adhorret animus. etenim γεωγραφικὰ, quae constitueram, magnum opus est: ita ualde Eratosthenes, quem mihi proposueram, a Serapione, & ab Hipparcho reprehenditur. quid censes, si Tyrannio accesserit? & hercule sunt res difficiles ad explicandum; & ὁμοειδῆς, nec tam possunt ἀνδρὸς γεωγραφῆσαι, quam uidebantur: & quod caput est, mihi quaeuis satis iusta causa cessandi est. quin etiam dubitem, an hic Antij confidam, & hoc tempus omne consumam: ubi quidem ego malletm diu nimum, quam Romae, fuisse. tu uero sapientior Buthroti domum parasti. sed, mihi crede, proxima est illi municipio haec Antiatum ciuitas. esse lo-

cum tam prope Romam, ubi multi sint, qui Vatinum numquam uiderint? ubi nemo sit, praeter me, qui quemquam ex xx uiris unum esse saluum uelit? ubi me interpellet nemo, diligant omnes? hic, hic nimirum πολιτῶν: nam istic non solum non licet, sed etiam taedet. itaque ἀνέκδοτα a nobis, quae tibi uni legamus, Theopompino genere, aut etiam asperiore multo pangentor. neque aliud iam quidquam πολιτῶν, nisi odisse improbos, & id ipsum nullo cum stomacho, sed potius cum aliqua scribendi uoluptate. Sed, ut ad rem, scripsi ad quaestores urb. de Quincti fratris negotio. uide, quid narrent, ecquae spes sit denarii, an cistophoro Pompeiano iaceamus. Praeterea de muro, statue, quid faciendum sit. Aliud quid? etiam. quando te proficisci istinc putes, fac ut sciam. Vale.

CICERO S. D. ATTICO.

7

DE GEOGRAPHIA etiam atque etiam deliberabimus. Orationes autē me duas postulas: quarum alteram non libebat mihi scribere, quia abscideram; alteram, ne laudarem eum, quem non amabam. sed id quoque uidebimus. denique aliquid extabit; ne tibi plane cessasse uideamur. De Publio quae ad me scribis, sane mihi iucunda sunt: eaq. etiam uelim omnibus uestigijs indagata ad me afferas, cum uenies; & interea scribas, si quid intelliges, aut suspicabere, & maxime de legatione quid sit acturus. equidem ante, quam tuas legi litteras,

teras, iam hominem ire cupiebam; non mehercule, ut differrem cum eo iudicium; (nam mira sum-alacritate ad litigandum) sed uidebatur mihi, si quid esset in eo popolare, quod plebeius factus esset, id amissurus. quid enim? ad plebem transisti, ut Tigranem ires salutatum? narra mihi; reges Armenij patricos salutare non solent? quid quaeris? acueram me ad ex agendam hanc eius legationem. quam si ille contemnit; & si, ut scribis, bilem id commouet & latoribus, & auspiciis legis curiatæ: spectaculum egregium. Hercule, uerum ut loquamur, subcontumeliose tractatur noster Publius: primum, qui, cum in domo Caesaris quondam unus uir fuerit, nunc ne in uiginti quidem esse potuerit: deinde, alia legatio dicta erat, alia data est: illa opima ad exigendas pecunias Druso: ut opinor, Pisauensis nebuloni Vatinio reseruatur: haec ieiuna, ac bella relegatio datur ei, cuius tribunatus ad istorum tempora reseruatur. incende hominem, amabo te, quoad potes. una spes est salutis, istorum inter istos dissensio. cuius ego quaedam initia sensi ex Curione. iam uero Arrius consulatum sibi ereptum fremit. Megabocchus, & haec sanguinaria inuentus inimicissima est. accedat uero, accedat etiam ista rixa auguratus. spero me praeclaras de istis rebus epistolas ad te saepe missurum. Sed, illud quid sit, scire cupio, quod iacis obscure, iam etiam ex ipsis quinque uiris loqui quosdam. quidnam id est? si est enim aliquid; plus est boni, quam puta-

ram. atque haec, si uelim existimes, non me abs te κατὰ τὸ πρακτικὸν quaerere; quod gestiat animus aliquid agere in rep. iam pridem gubernare metaecebat, etiam cum licebat. nunc uero, cum cogar exire de naui, non abiectis, sed ereptis gubernaculis, cupio istorum naufragia ex terta intueri; cupio, ut ait tuus amicus Sophocles, καὶ ὑπὸ σέθεν Πικρὰς ἀκούσαι τεκάρδος δ' δούσην σπεύει.

De muro, quid opus sit, uidebis. Castritianum mendum nos corrigemus: & tamen ad me Quintus CLOCCLOCCLOCCO scripserat, non ad sororem tuam HS XXX. Terentia tibi salutem dicit. Cicero tibi mandat, ut Aristodemo idem de se respondeas, quod de frate suo, sororis tuae filio, respondisti. De Amalthea quod me admones, non negligemus. Cura, ut ualeas.

CICERO S. D. ATTICO. 8

EPISTOLAM cum te auide expectarem ad uesperum, ut soleo; ecce tibi nuncius, pueros uenisse Roma. uoco, quaero, ecquid litterarum? negant. quid ais, inquam, nihil ne a Pomponio? perterriti uoce, & uultu, & confessi sunt se accepisse sed excidisse in uia. quid quaeris? permolesti tui. nulla enim abs te per hos dies epistola inanis aliqua re utili, & suauis. nunc, si quid in ea epistola, quam ante diem XVI. kal. Mai. dedisti, fuit historia dignum, scribe quamprimum, ne ignoremus: sin nihil praeter iocationem, redde id ipsum. & sci-

to

to Curionem adolescentem uenisse ad me salutatum. ualde eius sermo de Publio cum tuis litteris congruebat. ipse uero mirandum in modum reges odisse superbos. peraeque narrabat incensam esse iuuentutem, neque haec ferre posse. bene habemus. nos, si in his spes est, opinor, aliud agamus. Ego me do historiae, quamquam licet me Sausaeum putes esse. nihil me est inertius. Sed cognosce itinera nostra; ut statuas, ubi nos uisurus sis. In formianum uolumus uenire Parilibus: inde, (quoniam putas praetermittendum nobis esse hoc tempore cratera illum delicatum) kal. Mai. de Formiano proficiscemur, ut Antij simus ad v. non. Mai. ludi enim Antij futuri sunt a i v. kal. ad prid. non Mai. eos Tullia spectare uult. inde cogito in Tusculanum, deinde Arpinum, Romam ad kal. Iun. te aut in Formiano, aut Antij, aut in Tusculano, cura ut uideamus. Epistolam superiorem restitue nobis, & appinge aliquid noui. Vale.

CICERO S. D. ATTICO.

9

S V B I T O cum mihi dixisset Caecilius quaestor puerum se Romam mittere, haec scripsi raptim, ut tuos elicerem mirificos cum Publio dialogos, cum eos, de quibus scribis, tum illum, quem addis, & ais, longum esse, quae ad ea responderis, perscribere; illum uero, qui nondum habitus est, quem illa Coenae, cum e Solonio redierit, ad te est relatura. sic uelim putes, nihil hoc posse mihi esse iucundius.

E 3

si uero

si uero, quae de me pacta sunt, ea non seruantur, in
 caelo sum; ut sciat hic noster Hierosolymarius tra-
 ductor ad plebem, quam bonam meis purissimis o-
 rationibus gratiam retulerit: quarum expecta di-
 uinam *παλιπρωδία*. etenim, quantum coniectura
 auguramur, si erit nebulo iste cum his dynastis in
 gratia, non modo de cynico consulari, sed ne de istis
 quidem piscinarum Tritonibus poterit se iactare.
 non enim poterimus ulla esse in inuidia, spoliatio opi-
 bus, & illa senatoria potentia. sin autem ab ijs dis-
 sentiet; erit absurdum in nos inuehi. uerumtamen
 inuehatur. festiue, mihi crede, & minore sonitu,
 quam putaram, orbis hic in rep. est conuersus: ci-
 tius omnino, quam potuit: id culpa Catonis, sed
 rursus improbitate istorum; qui auspicia, qui Ae-
 liam legem, qui Iuniā, et Liciniam, qui Caeciliam,
 & Didiam neglexerunt; qui omnia remedia reip.
 effuderunt; qui regna, qui praedia tetrarchis, qui
 immanes pecunias paucis dederunt. uideo iam, quo
 inuidia transeat, et ubi sit habitura. nihil me existi-
 maris neque usu, neque a Theophrasto didicisse, ni-
 si breui tempore, desiderari nostra illa tempora, ui-
 deris. etenim si fuit inuidiosa senatus potentia; cum
 ea non ad populum, sed ad tres homines immodera-
 tos redacta sit, quidnam censes fore? proinde isti li-
 cet faciant, quos uolent, consules, tribunos pl. de-
 nique etiam *Vatinij* strumam sacerdotij *διδάσκω* ue-
 stiant. uidebis breui tempore magnos nō modo eos,
 qui nihil titubarunt, sed etiam illum ipsum, qui pec-
 cauit,

cavit, Catonem. nam nos quidem, si per istum
tuum sodalem Publium licebit, σοφιστεῖν cogita-
mus: si ille cogitat, tantum dumtaxat nos defende-
re, et, quod est proprium artis huius, ἐπαγγέλλομαι
Ἄνδρὰ ἀπαμύεσθαι ὅς τις πρότερος χαλεπήνῃ.

patria propitia sit: habet a nobis, etiam si non plus,
quam debitum est, plus certe, quam postulatum
est. male uehi malo alio gubernante, quam, tam
inigratis uehitoribus, bene gubernare. Sed haec co-
ram commodius. nunc audi, quod quaeris. Antium
me ex Formiano recipere cogito ad v. non. Mai.
Antio uolo nonis Mai. proficisci in Tusculanum.
sed cum e Formiano rediero, (ibi esse uolo usque ad
prid. kal. Mai.) faciam statim te certiore. Te-
rentia tibi salutem. Κικέρων ὁ μικρὸς ἀπαύζεται Τί-
τον Ἀθηναίων.

CICERO S. D. ATTICO. IO

VOLO ames constantiam meam. ludos Antij
spectare non placet. est enim ὑποσόλοιον, cum ue-
lim uitare omnium deliciarum suspicionem, repen-
te ἀναφαίνεσθαι non solum delicate, sed etiam inepte
peregrinantem. quare usque ad non. Mai. te in For-
miano exspectabo. nunc fac, ut sciam, quo die te ui-
suri simus. Ab Appij Foro, hora quarta: dede-
ram aliam paullo ante a Tribus Tabernis. Vale.

CICERO S. D. ATTICO. II

NARRO tibi: plane relegatus mihi uideor, πο

E 4 stea-

Steaquam in Formiano sum . dies enim nullus erat, Antij cum essem , quo die non melius scirem , Romae quid ageretur , quam ij, qui erant Romae . etenim litterae tuae , non solum quid Romae , sed etiam quid in rep. neque solum quid fieret ; uerum etiam quid futurum esset , indicabant : nunc , nisi si quid ex praetereunte uiatore exceptum est , scire nihil possumus . quare quamquam iam te ipsum exspecto ; tamen isti puero , quem ad me statim iussi recurrere , da ponderosam aliquam epistolam , plenam omnium non modo actorum , sed etiam opinionum tuarum : ac diem , quo Roma sis exiturus , cura ut sciam . Nos in Formiano esse uolumus usque ad prid. non. Mai. eo si ante eam diem non ueneris , Romae te fortasse uidebo . nam Arpinum quid ego te inuitem ?

Τῆν χεῖρ', ἀλλ' ἀγαθὴν κροτοφόρος· ἔτι ἔγωγε

Ἡς γαῖης διώσμαι γλυκυϊώτερον ἄλλο ἰδέσθαι .

Haec igitur . Cura ut ualeas .

CICERO S. D. ATTICO. 12

NEGENT illi Publium trib. pl. factum esse . hoc uero regnum esse , ferri nullo pacto potest . emit-
tat ad me Publius , qui obsignent . iurabo , Cnaeum nostrum , collegam Balbi , Antij mihi narrasse , in auspicio fuisse . o suauēs epistolās tuas , uno tempore mihi datas , duas : quibus δ' ἀγγελία quae reddā , nescio , deberi quidem plane fateor . sed uide συγκύρημα . Emerseram commode ex Antio in Appiam ad Tres Tabernas , ipsis Cerialit us . cum in me in-
currit

currit Roma ueniens Curio meus. ibidem illico puer
 abs te cum epistolis. ille ex me, nihil ne audissem no-
 ui? ego negare. Publius, inquit, tribunatum pl.
 petit. quid ais? & inimicissimus quidem Caesaris,
 & ut omnia, inquit, ista rescindat. quid Caesar? in-
 quam. negat, se quidquam de illius adoptione tulis-
 se. deinde suum, Memmij, Metelli Nepotis ex-
 prompsit odium. Complexus iuuenem dimisi, pro-
 perans ad epistolas. Vbi sunt, qui aiunt, *Quoniam*
quis? quanto magis uidi ex tuis litteris, quam ex il-
 lius sermone, quid ageretur? de ruminatione quo-
 tidiana, de cogitatione Publij, de lituis *Εὐπιδος*,
 de signifero Athenione, de litteris missis ad Cnae-
 um, de Theophanis, Memmijq. sermone. quantam
 porro mihi expectationem dedisti conuiuij istius *ἀ-*
σελγούς? sum in curiositate *ὀξύπνεος*: sed tamen fa-
 cile patior te id ad me *συμπόσιον* non scribere: prae-
 sentem audire malo. Quod me, ut scribam aliquid,
 hortaris: crescit mihi quidem materies, ut dicis:
 sed tota res etiam nunc fluctuat. κατ' ὁπώραν τραχύ-
 τος. quae si defederit; magis erunt iudicata, quae
 scribam: quae si statim a me ferre non potueris, pri-
 mus habebis tamen, & aliquandiu solus. Dicacae-
 rchū recte amas: luculentus homo est, & cinis haud
 paullo melior, quam isti nostri *ἀδινγίαρχοι*. Litte-
 ras scripsi hora decima Cerialibus, statim, ut tuas
 legeram: sed eas etiam daturus, ut putarem, po-
 stridie ei, qui mihi primus obuiam uenisset. Te-
 rétia delectata est tuis litteris, et impertit tibi mul-
 tum

tum salutis : καὶ Κικέρων ὁ φιλόσοφος τὸν πολιτικὸν
τίτον ἀπαΐζειται.

CICERO S. D. ATTICO. 13

FACINVS indignum:epistolam, αὐτορεὶ tibi
a Tribus Tabernis rescriptam ad tuas suauissimas
epistolas, neminem reddidisse? at scito, eum fasci-
culum, quo illam conieceram, domum eo ipso die
latum esse, quo ego dederam, & ad me in Formia-
num relatum esse. itaque tibi tuam epistolam iussi
referri; ex qua intelligeres, quam mihi tum illae
gratae fuissent. Romae quod scribis sileri: ita puta-
bam. at hercule in agris non siletur: nec iam ipsi
agri regnum uestrum ferre possunt. si uero in hanc
τυλέπυλον ueneris Λαισυγονίην, (Formias dico)
qui fremitus hominum? quam irati animi? quanto
in odio noster amicus Magnus? cuius cognomen una
cū Crassi Diuitis cognomine consenescit. credas mi-
hi uelim: neminem adhuc offendi, qui haec tam len-
te, quam ego fero, ferret. quare, mihi crede, φιλο-
σοφώμεν. iuratus tibi possum dicere, nihil esse tanti.
Tu si litteras ad Sicyonios habes, aduola in Formia-
num: unde nos prid. non. Mai. cogitamus. Vale.

CICERO S. D. ATTICO. 14

QUANTAM tu mihi moues expectationem de
sermone Bibuli, quantam de colloquio βοώτιδος,
quantam etiam de illo delicato conuiuio. proinde ita
fac uenias ad sitientes aures. quamquam nihil est
iam

iam, quod magis timendum nobis putem, quam ne ille noster Sampsicramus, cum se omnium sermonibus sentiet inapulare, & cum has actiones & avaritiam uidebit, ruere incipiat. ego autem usque esum enervatus, ut hoc otio, quo nunc tabescimus, malim irrumpere, quam optima spe dimicare. De pangendo quod me crebro adhortaris, fieri nihil potest. basilicam habeo; non uillam, frequentia Formianorum. at comparem basilicae? tribum Aemiliam. sed omitto uulgus: post horam quartam molesti ceteri non sunt: C. Arrius proximus est uicinus, immo ille quidem iam contubernalis: qui etiam se iccirco Romam ire negat, ut hic mecum totos dies philosophetur. ecce ex altera parte Sebosus ille Catuli familiaris. quo me uertam? statim mehercule Arpinum irem, ni te in Formiano commodissime expectari uiderem, dumtaxat ad prid. non. Mai. uide enim, quibus hominibus aures sint deditae meae. occasionem mirificam, si quis nunc, dum hi apud me sunt, emergere de me fundum Formianum uelit. & tamen illud probem. magnum quid aggrediamur, & multae cogitationis, atque otii. sed tamen satisfiet a nobis, neque parcetur labori.

CICERO S. D. ATTICO. 15

V. T. scribis, ita uideo, non minus incerta in rep. quam in epistola tua. sed tamen ista ipsa me uarietas sermonum, opinionumq. delectat. Romae enim uideor esse, cum tuas litteras lego, et, ut fit in tantis

tibus rebus, modo hoc, modo illud audire. illud tamen explicare non possum, quidnam inueniri possit, nullo recusante, ad facultatem agrariam. Bibuli autem ista magnitudo animi in comitiorum dilatione, quid habet, nisi ipsius iudicium sine ulla correctione reip. ? nimirum in Publio spes est: fiat, fiat tribunus plebis: nisi nihil aliud, ut eo citius tu ex Epiro reuertare. nam, ut illo tu careas, non uideo posse fieri, praesertim si mecum aliquid uolet disputare. sed id quidem non dubium est, quin, si quid erit eiusmodi, sis aduolaturus. uerum ut hoc non sit, tamen seruet remp. praecclarum spectaculum mihi propono, modo te confessoris spectare liceat. Cum haec maxime scriberē, ecce tibi Sebosus. nondum plane ingemueram; salue, inquit Arrius. hoc est Roma decedere? quos ego homines effugi, cum in hos incidi? ego uero in montes patrios, & ad incunabula nostra pergam. denique, si solus non potuero, cum rusticis potius, quam cum his perurbanis, ita tamen, ut, quoniam tu certi nihil scribis, in Formiano tibi praestoler usque ad III. non. Mai. Terentiae pergrata est assiduitas tua, & diligentia in controuersia Muluiana. nescit omnino, te communem causam defendere eorum, qui agros publicos possideant. sed tamen tu aliquid publicanis pendis, haec etiam id recusat. ea tibi igitur, & Κικέρων, ἀριστοκρατικώτατος παῖς, salutem dicunt.

CENATO mihi, & iam dormitanti, prid. kal. Mai. epistola est illa reddita, in qua de agro Campano scribis. quid quaeris? primum ita me pupigit, ut somnum mihi ademerit, sed id cogitatione magis, quam molestia. cogitanti autem haec fere succurrebant. primum ex eo, quod superioribus litteris scripseras, ex familiari te illius audisse, prolatum iri aliquid, quod nemo improbaret; maius aliquid timueram: hoc mihi eiusmodi non uidebatur. deinde, ut me ego consoler, omnis expectatio largitionis agrariae in agrum Campanum uideatur esse deriuata. qui ager, ut dena iugera sint, non amplius hominum quinque millia potest sustinere. reliqua omnis multitudo ab illis abal:enetur, necesse est. praeterea, si ulla res est, quae bonorum animos, quos iam uideo esse commotos, uehementius possit incendere, haec certe est, & eo magis, quod portorij Italiae sublati, agro Campano diuiso, quod neētigal superest domesticum, praeter uicesimam? quae mihi uidetur una conciuncula, clamore pedisequorum nostrorū esse peritura. Cnaeus quidem nosler iam plane quid cogitet, nescio.

φυσᾶ γὰρ οὐ μικροῖτιν αὐλίσκοις ἐστὶ,

ἀλλ' αὖ γρίαις φύσαισι φορβείας ἄτερ:

qui quidem etiam istuc adduci potuerit. nam adhuc hoc ἰσοφίξετο, se leges Caesaris probare, actiones ipsum praestare debere: agrariam legem sibi placuisse;

cuisse; potuerit intercedi, nec ne, nihil ad se pertinere: de rege Alexandrino placuisse sibi aliquando confici; Bibulus de caelo tum seruasset, nec ne, sibi quaerendam non fuisse: de publicanis, uoluisse illi ordini commodare; quidquid futurum fuerit, si Bibulus tum in forum descendisset, se diuinare non potuisse. nunc uero Sampsicera me quid dices? uedigal te nobis in monte Antilibano constituisse, agri Campani abstulisse? quid, hoc quemadmodum obtinebis? oppressos uos, inquit, tenebo exercitu Caesaris. non mehercule me tu quidem tam isto exercitu, quam ingratis animis eorum hominum, qui appellantur boni: qui mihi non modo praemiorum, sed ne sermonum quidem umquam fructum ullum, aut gratiam tulerunt. quod si in eam me partem incitarem, profecto iam aliquam reperiens resistendi uiam. nunc prorsus hoc statui, ut, quoniam tanta controuersia est Dicaearcho, familiari tuo, cum Theophrasto, amico meo, ut ille tuus τὸν πρᾶκτικὸν λόγον longe omnibus anteponat, hic autem τὸν θεωρητικὸν, utrique a me mos gestus esse uideatur. puto enim me Dicaearcho affatim satisfacisse: respicio nunc ad hanc familiam; quae mihi nō modo, ut requiescam, permittit, sed reprehendit, quin non semper quierim. quare incubamus o nosciter Tite ad illa praeclara studia, & eo, unde discere non oportuit, aliquando reuertamur. Quod de Quinti fratris epistola scribis, ad me quoque fuit ὁπόδε λέων, ὅτιθεν δέ quid dicam nescio. nam

ita deplorat primis uersibus mansionem suam, ut quemuis mouere possit: ita rursus remittit, ut me roget, ut annales suos emendem, & edam. Illud tamen, quod scribit, animaduertas uelim, de portorio circumuectionis. ait, se de consilij sententia rem ad senatum reiecisse. nondum uidelicet meas litteras legerat; quibus ad eum, re consulta, & explorata, perscripseram, non deberi. uelim, si qui Graeci iam Romam ex Asia de ea causa uenerunt, uideas, & si tibi uidebitur, ijs demonstrares, quid ego de ea re sentiam. si possum discedere, ne causa optima in seuatu pereat; ego satisfaciam publicanis: εἰ δὲ μὴ; (uere tecum loquar) in hac re malo uniuersae Asiae, & negotiatoribus. nam eorum quoque uehementer interest. hoc ego sentio ualde nobis opus esse. sed tu id uidebis. Quaestores autē, quaeso, num etiam de cistophoro dubitant? nam si aliud nihil erit; cum erimus omnia experti, ego illud ne quidem contemnam, quod extremum est. Te in Arpinati uidebimus, & hospitio agresti accipiemus; quoniam maritimum hoc contempsisti. Vale.

CICERO S. D. ATTICO.

17

PRORSVS, ut scribis, ita sentio. turbatur Sampsciceramus. nihil est, quod non timendum sit. δημολογούμεναι τυραννίδα συστάσκειται. quid enim ista repentina affinitatis coniunctio, quid ager Campanus, quid effusio pecuniae significant? quae si essent extrema, tamen esset minimum mali: sed ea natura rei est, ut haec extrema esse non possint. quid enim

enim eos haec ipsa per se delectare possunt? numquam huc uenissent, nisi ad alias res pestíferas aditus sibi compararent. dii immortales. uerum, ut scribis, haec in Arpinati ad VI. circiter id. Mai. non defleētimus, ne & opera, & oleum philologiae nostrae perierit, sed conferemus tranquillo animo. neque tam me Δεπισία consolatur, ut antea, quam ἀδιαφορία; qua nulla in re tam uitor, quam in hac civili, & publica. quin etiam, quod est subinane in nobis, & non ἀφιλόδοτον, (bellum est enim sua uitia nosse) id afficitur quadam delectatione. solebat enim me pungere, ne Sāpsicerami merita in patriam ad annos DC maiora uiderentur, quam nostra. hac quidem cura certe iam uacuis
 * sum: iacet enim ille sic: ut Phocis Curiana stare uideatur. Sed haec coram. Tu tamen uideris mihi Romae fore ad nostrum aduentum. quod sane facile patiar, si tuo commodo fieri possit. sin, ut scribis, ita uenies: uelim e Theophane expiscere, quonam in me animo sit Arabarches. quaeres scilicet κατὰ τὸ κηδεμονικόν, & ad me ab eo quasi ὑποθήκας afferes, quemadmodum me geram. aliquid ex eius sermone potuerimus περὶ τῶν ὅλων suspicari. Vale.

CICERO S. D. ATTICO. 18

ACCEPI aliquot epistolas tuas: ex quibus intellexi, quam suspenso animo, & sollicito scire aures, quid esset noui. tenemur undique: neque iam, quo minus seruiamus, recusamus, sed mortem, & eiectionem

eiectionem, quasi maiora, timemus: quae multo
 sunt minora. atque hic status, qui una uoce om-
 nium gemitur, neque uerbo cuiusquam subleuatur.
 οὐκ ἔστι, ut suspicor, illis, qui timent ullam cu-
 iusquam largitionem relinquere. unus loquitur, &
 palam aduersatur adolescens Curio. huic plausus
 maximi, consalutatio forensis perhonorifica, signa
 praeterea beneuolētiaē permulta a bonis impertiri-
 tur: Fusum clamoribus, & conuicijs, & sibilis
 consecantur. his ex rebus non spes, sed dolor est
 maior; cum uideas ciuitatis uoluntatem solutam,
 uirtutem alligatam. ac, ne forte quaeras κατάληπτον
 de singulis rebus, uniuersa res eo est deducta, spes
 ut nulla sit, aliquando non modo priuatos, uerum
 etiam magistratus liberos fore. attamen in oppres-
 sione sermo in circulis dumtaxat, & in conuiujs est
 liberior, quam fuit. uincere incipit timorem dolor,
 sed ita, ut omnia sint plenissima desperationis. ha-
 bet etiam Campana lex execrationem in coitione
 candidatorum, si mentionem fecerint, quo aliter
 ager possideatur, atque ut ex legibus Iulij. non
 dubitant iurare ceteri. Laterensis existimatur re-
 cte fecisse, quod tribunatum pl. petere destitit, ne
 iuraret. Sed de rep. non libet plura scribere. Displi-
 ceo mihi, nec sine summo scribo dolore. me tueor,
 ut oppressis omnibus, non demisse; ut tantis rebus
 gestis, parum fortiter. a Caesare ualde liberaliter in-
 uitor in legationem illam, sibi ut sim legatus. atque
 etiam libera legatio uoti causa datur. sed haec &

praesidij apud furorem Pulcbelli non habet satis, et a fratris aduentu me ablegat: illa & munitior est, & non impedit, quominus adsim, cum uelim. & hanc ego teneo, sed usurum me non puto, neque tamenscit quisquam, non libet fugere: aueo pugnare. magna sunt hominum studia. sed nihil affirmo: tu haec silebis. De Statio manumisso, & non nullis alijs rebus, angor equidem, sed iam prorsus occalui. tu, uellem ego, & cuperem, adesses. nec mihi consilium, nec consolatio deesset. sed ita te para, ut, si inclamaro, aduoles. Vale.

CICERO S. D. ATTICO.

19

MULTA me sollicitant, & ex reip. tanto metu, & ex ijs periculis, quae mihi ipsi intenduntur: & sexcenta sunt: sed mihi nil est molestius, quam Statiū manumissum. nec meum imperium: ac mitto imperium, non simultatem meam reuereri saltem: nec, quid faciam, scio: neque tantum est in re, quantus est sermo. ego autem ne irasci quidem possum ijs, quos ualde amo: tantum doleo, ac mirifice quidem cetera in magnis rebus, minae Clodij, contentionesque, quae mihi proponuntur, modo me tangunt. etenim uel subire eas uideor mihi summa cum dignitate, uel declinare nulla cū molestia posse. Dices fortasse, dignitatis αλυσ, τὰνquά δρυὸς: saluti, si me amas, consule. Me miserum, cur non ades? nihil te profecto praeteriret: ego fortasse τυφλὸν & nimium τῷ καλῷ ἀπειπονθα. scito nihil unquam fuisse

fuisse tam infame, tā turpe, tam per aequae omnibus generibus, ordinibus, aetatibus offensum, quam hūc statum, qui nuuc est, magis mehercule, quam uelle, non modo quam putarā. populares isti iam etiam modestos homines sibilare docuerunt. Bibulus in caelo est, nec; quare, scio; sed ita laudatur, quasi Vnus homo nobis cunctando restituit rem. Pompeius, nostri amores, quod mihi summo dolori est; ipse se afflixit, neminem tenet: uoluntate, an metu necesse sit ijs uti, uereor. Ego autem neque pugno cū illa causa propter illam amicitia: neque approbo, ne omnia improbem, quae antea gessi: utor uia. populi sensus maxime in theatro, & spectaculis perspectus est. nam, gladiatoribus, qua dominus, qua aduocati sibilis conscissi: ludis Apollinaribus Diphilus tragoe-
dus in nostrum Pompeium petulanter inuectus est. Nostra miseria tu es Magnus. millies coactus est dicere eadem. Virtutem istam, ueniet tempus, cum grauius gemes: totius theatri clamore dixit, itēq. cetera. nam et eiusmodi sunt uersus, uti in tempus ab inimico Pompeij scripti esse uideantur. Si neque leges, neque mores cogunt: & cetera magno cū fremitu, et clamore sunt dicta. Caesar cum uenisset mor tuo plausu, Curio filius est insecutus. huic ita plausus est, ut salua rep. Pompeio plaudire solebat. tulit Caesar grauius. litterae Capuam ad Pompeium uolare dicebantur. inimici erant equilibus, qui Curioni stantes plauserant: hostes omnibus. Rosciae legi, etiam frumentariae minitabatur. sane res erat perturbata.

equidem malueram, quod erat susceptum ab illis, silentio transiri: sed uereor, ne non liceat. non ferunt homines, quod uidetur esse tamen ferendum. sed est iam una uox omnium, magis odio firmata, quam praesidio. Noster autem Publius mihi minitatur, inimicus est. impendet negotium: ad quod tu scilicet aduolabis. uideor mihi nostrum illum consularem exercitum bonorum omnium, etiam satis bonorum, habere firmissimum. Pompeius significat studium erga me non mediocre. idem affirmat, uerbum de me illum non esse facturum. in quo non me ille fallit, sed ipse fallitur. Cosconio mortuo, sum in eius locum inuitatus. id erat uocari in locum mortui. nil me turpius apud homines fuisset: neque uero, ad istam ipsam ἀσφάλειαν, quidquam alienius. sunt enim illi apud bonos inuidiosi: ego apud improbos meam retinuissem inuidiam, alienam assumpsissem. Caesar me sibi uellet esse legatum. honestior haec declinatio periculi. sed ego hoc non repudio. quid ergo est? pugnare malo: nihilo tamen certi. iterum dico, utinam adesses. sed tamen, si erit necesse, arcessemus. Quid aliud? quid? hoc, opinor. certi sumus perisse omnia. quid enim ἀκλιζόμεθα tam diu? Sed haec scripsi properans, & me hercule timide. posthac ad te aut, si perfidelem habebis, cui dem, scribam plane omnia: aut, si obscure scribam, tu tamen intelliges. in his epistolis me Laelium, te Furium faciam: cetera erunt ἐν αἰνυμένῳ. Hic Caecilium colimus, & obseruamus diligenter. Edicta

Bibuli

*Bibuli audio ad te missa. ijs ardet dolore, & ira
 noster Pompeius. Vale.*

ANICATO, ut te uelle intellexeram, nullo loco defui. Numestium ex litteris tuis, studiose scriptis, libenter in amicitiam recepi. Caecilium, quibus rebus possum, tueor diligenter. Varro satisfacit nobis: Pompeius amat nos, carosq. habet. credis? inquires. credo: prorsus mihi persuadet. sed quia, ut uideo, pragmatici homines omnibus historicis praeceptis, uersibus denique cauere iubent, & uetant credere: alterum facio, ut caueam; alterum ut non credam, facere non possum. Clodius adhuc mihi denunciat periculum. Pompeius affirmat, non esse periculum; adiurat; addit etiam, se prius occisum iri ab eo, quam me uiolatum iri. tractatur res. simul quid erit certi, scribam ad te. si erit pugnandum, arcessam ad societatem laboris. si quies dabitur, ab Amalthea te non commouebo. De re breuiter ad te scribam: iam enim, charta ipsa ne nos prodat, pertimesco. itaque posthac, si erunt mihi plura ad te scribenda, ἀλλήγορίας obscurabo. Nunc quidem nouo quodam morbo ciuitas moritur: ut, cum omnes ea quae sunt acta, improbent, querantur, doleant, uarietas in re nulla sit, aperteq. loquantur, & iam clare gemant; tamen medicina nulla afferatur. neque enim resisti sine intereptione posse arbitramur: nec uidemus, qui finis ce-

dendi, praeter exitium, futurus sit. Bibulus hominum admiratione, & beneuolentia in caelo est. edita eius, & conciones describunt, & legunt. nouo quodam genere in summam gloriam uenit. populari nunc nil tam est, quam odium popularium. haec quo sint eruptura, timeo. sed, si diffidere quid coepero, scribam ad te apertius. tu, si me amas tantum, quantum profecto amas; expeditus, facito, ut sis; si in clamaro, ut accurras. sed do operam, & dabo, ne sit necesse. Quod scripseram, te Furium scripturum; nil necesse est tuum nomen mutare. me faciam Laelium, & te Atticum; neque utar meo chirographo, neque signo; si modo erunt eiusmodi litterae, quas in alienum incidere nolim. Didotus mortuus est: reliquit nobis HS fortasse centies. Comitia Bibulus cum Archilochio edito in ante diem xv. kal. Non. disulit. A Vibio libros accepi. poeta ineptus: nec tamen scit nihil, & est non inutilis. describo, & remitto. Vale.

CICERO S. P. ATTICO. 21

DE rep. quid ergo tibi subtiliter? tota perijt: atque hoc est inferior, quam reliquisti, quod tum uidebatur eiusmodi dominatio ciuitatem oppressisse, quae iucunda esset multitudini, bonis autem ita molesta, ut tamen sine perniciē; nunc repente tanto in odio est omnibus, ut, quorsum eruptura sit, horreamus. nam iracundiam, atque intemperantiam illorum sumus experti, qui Catoni irati, omnia per-

dide-

diderunt: sed ita lenibus uti uidebantur uenenis, ut
 posse uideremur sine dolore interire. nunc uero sibi-
 lis uulgi, sermonibus honestorum, fremitu Italiae,
 uereor, ne exarserint. equidem sperabam, ut saepe
 etiam loqui tecum solebam, sic orbem reip. esse
 conuersum, ut uix sonitum audire, uix impressam
 orbitam uidere possemus: & fuisset, si homines
 transitum tempestatis expectare potuissent: sed
 cum diu occulte suspirassent, postea iam gemere, ad
 extremum uero loqui omnes, & clamare coepe-
 runt. itaque ille amicus noster, insolens infamiae,
 semper in laude uersatus, circumfluens gloria, de-
 formatus corpore, fractus animo, quo se conserat,
 nescit: progressum praecipitem, inconstantem redi-
 tum uidet: bonos inimicos habet, improbos ipsos
 non amicos. ac uide mollitiem animi: non tenui la-
 crymas, cum illum ante diem VII. kal. Sext. ui-
 di de edictis Bibuli concionantem, qui antea solitus
 esset iactare se magnificentissime illo in loco, sum-
 mo cum amore populi, cunctis fauentibus. ut ille
 tum humilis, ut demissus erat: ut ipse etiam sibi,
 non ijs solum, qui aderant, displicebat: o spectaculū
 uni Crasso iucundum, ceteris non item. Nam, quia
 deciderat ex astris, lapsus potius, quam progressus,
 uidebatur. & ut Apelles, si Venerem, aut si Pro-
 togenes Ialysum illum suum coeno oblitum uideret,
 magnum, credo, acciperet dolorem: sic ego hunc,
 omnibus a me pictum, & politum artis coloribus,
 subito deformatum non sine magno dolore uidi.

quamquam nemo putabat, propter Clodianum negotium, me illi amicum esse debere. tamen tantus fuit amor, ut exhauriri nulla posset iniuria. itaque Archilochia in illum edicta Bibuli populo ita sunt iucunda, ut eum locum, ubi proponuntur, prae multitudine eorum, qui legunt, transire nequeamus; ipsi ita acerba, ut tabescat dolore; mihi mehercule molesta, quod & eum, quem semper dilexici, nimis excruciant; & timeo, tam uehemens uir, tamq. acer in ferro, & tam insuetus contumeliae, ne omni animi impetu dolori, & iracundiae pareat. Bibuli qui sit exitus futurus, nescio. ut nunc res se habet, admirabili gloria est. qui cum comitia in mensenz Oct. distulisset; quod solet ea res populi uoluntatem offendere, putarat Caesar oratione sua posse impelli concionem, ut iret ad Bibulum. multa cum seditiosissime diceret, uocem exprimere non patuit: quid quaeris? sentiunt, se nullam ullius partis uoluntatem tenere: eo magis uis nobis est timenda. Clodius inimicus est nobis. Pompeius confirmat, eum nil esse facturum contra me. mihi periculosum est credere. ad resistendum me paro. studia spero me summa habiturum omnium ordinum. te cum ego desiderio, tum uero res ad tempus illud uocat. plurimum consilij, animi, praesidij denique mihi, si te ad tempus uidero, accesserit. Varro satis mihi facit. Pompeius loquitur diuinitus. spero nos aut eum summa gloria, aut certe sine molestia esse discessuros. Tu, quid agas, quemadmodum te oblectes,

blectes, quid cum Sicyonij's egeris, ut sciam, cura. Vale.

CICERO S. D. ATTICO.

22

QVAM uellem Romae mansisses. quod egisses profecto, si haec fore putassemus. nam Pulchellum nostrum facillime teneremus; aut certe, quid esset facturum, scire possemus. nunc se res sic habet. uolitat, furit, nil habet certi, multis denunciat; quod fors obtulerit, id acturus uidetur. cum uidet, quo sit in odio status hic rerum; in eos, qui haec egerunt, impetum facturum uidetur. cum autem rursus opes, & uim exercitus recordatur, conuertit se in nos. nobis autem ipsis tum uim, tum iudicium minatur. cum hoc Pompeius egit, &, ut ad me ipse referebat, (alium enim habeo neminem testem) uehementer egit, cum diceret, in summa se perfidiae, & sceleris infamia fore, si mihi periculum crearetur, ab eo, quem ipse armasset, quem plebeium fieri passus esset: sed fidem recepisse sibi & ipsum, & Appium de me: hanc si ille non seruaret, ita laturum, ut omnes intelligerent, nihil sibi antiquius amicitia nostra fuisse. haec, & in eam sententiam cum multa dixisset, aiebat illum primo sane diu multa contra, ad extremum autem manus dedisse, & affirmasse nil se contra eius uoluntatem esse facturum. sed postea tamē ille non destitit de nobis asperissime loqui. quod si non faceret, tamen ei nihil credere-mus, atque omnia, sicut facimus, pararemus. nunc ita nos gerimus, ut in dies singulos & studia
in nos

in nos hominum, & oper nostrae augeantur. remp.
 nulla ex parte attingimus. in causis, atque in illa o-
 pera nostra forensi; summa industria uersamur.
 quod egregie non modo ijs, qui utuntur opera, sed
 etiam in uulgo gratum esse sentimus. domus cele-
 bratur: occurritur: renouatur memoria consula-
 tus: studia significantur: in eam spem adducimur,
 ut nobis ea contentio, quae impendet, interdum non
 fugienda uideatur. nunc mihi & consilijs. opus est
 tuis, & amore, & fide. quare aduola. expedita
 mihi erunt omnia, si te habebo. multa per Karro-
 nem nostrum agi possunt, quae te urgente erunt fir-
 miora; multa ab ipso Publio dici, multa cognosci;
 quae tibi occulta esse non poterunt: multa etiam:
 sed absurdum est singula explicare, cum ego te re-
 quiram ad omnia. unum illud tibi persuadeas ue-
 lim, omnia mihi fore explicata, si te uidero: sed
 totum est in eo, si ante, quam ille ineat magistra-
 tum. puto, Pompeium Crasso urgente, si tu aderis,
 qui per βοῶπιδα ex ipso intelligere possis, qua fide
 ab illis agatur, nos aut sine molestia, aut certe sine
 errore futuros: precibus nostris, & cohortatione
 non indiges: quid me a uoluntas, quid tempus, quid
 rei magnitudo postulet, intelligis. De rep. nihil ha-
 beo ad te scribere, nisi summum odium omnium ho-
 minum in eos, qui tenent omnia: mutationis tamen
 spes nulla: sed, quod facile sentias, taedet ipsum Pō-
 peium, uehementerq. paenitet. non prouideo satis,
 quem exitum futurum putem. sed certo uidentur

haec aliquo eruptura. Libros Alexádrī, negligentis hominis, et non boni poetae, sed tamen non inutilis, tibi remisi. Numerium Numestium libenter accipi in amicitiam; & hominem grauem, & prudentē, & dignum tua commendatione cognoui. Vale.

CICERO S. D. ATTICO.

23

NVMQVAM ante arbitror te epistolam meam legisse, nisi mea manu scriptam. ex eo colligere poteris, quanta occupatione dislinear. nam, cum uacui temporis nil haberem, et cum, recreandae uoculae caussa, necesse esset mihi ambulare, haec dictaui ambulans. Primum igitur illud te scire uolo, Sampsiceranum, nostrum amicum, uehementer sui status paenitere, restituiq. in eum locum cupere, ex quo decidit, doloremq. suum impertire nobis, & medicinam interdum aperte quaerere; quam ego possum inuenire nullam: deinde omnes illius partis actores, ac socios, nullo aduersario, consenescere; consensionem uniuersorum nec uoluntate, nec sermone maiorem umquam fuisse. Nos autem (nam, id te scire cupere, certo scio) publicis consilijs nullis intersumus, totosq. nos ad forensem operam, laboremq. contulimus. ex quo, quod facile intelligi possit, in multa commemoratione earum rerum, quas gessimus, desiderioq. uersamur. sed Κορίδος noster consanguineus non mediocres terrores iacit, atque denunciat, & Sampsicenamo negat, ceteris praesert, & oslentat. quamobrem, si me amas tantum,

tum, quantum profecto amas; si dormis, expergi-
scere; si stas, ingredere; si ingrederis, curre; si cur-
ris, aduola. credibile non est, quantum ego in consi-
lijs, & prudentia tua, quodq. maximum est, quan-
tum in amore, & fide ponam. magnitudo rei lon-
gam orationem fortasse desiderat: coniunctio uero
nostrorum animorum breuitate contenta est. per-
magni nostra interest, te, si comitijs non potueris,
at, declarato illo, esse Romae. Cura, ut ualeas.

CICERO S. D. ATTICO. 24

QVAS Numestio litteras dedi, sic te ijs euoca-
bam, ut nihil acrius, neque incitatus fieri posset.
ad illam celeritatem adde etiam, si quid potes. ac
ne sis perturbatus. noui enim te; & non ignoro,
quam sit amor omnis sollicitus, atque anxius. sed
res est, ut spero, non tam exitu molestia, quam adi-
tu. Vettius, ille, ille noster index, Caesari, ut per-
spicimus, pollicitus est, sese, curaturum, ut in ali-
quam suspicionem facinoris Curio filius adducere-
tur. itaque insinuatus in familiaritatem adolescen-
tis, & cum eo, ut res indicat, saepe congressus, rem
in eum locum deduxit, ut diceret sibi certum esse
cum suis seruis Pompeium impetum facere, eumq.
occidere. hoc Curio ad patrem detulit, ille ad Pom-
peium. res delata ad senatum est. introductus Vet-
tius, primo negabat, se umquam cum Curione resti-
tisse, neque id sane diu: nam statim fidem publicam
postulauit. reclamatum est. tum exposuit, manum
fuisse iuuentutis duce Curione, in qua Paulius ini-
tio

tio fuisset, & Cn. Caepio hic Brutus, & Lentulus, flaminis filius, conscio patre: postea C. Septimium, scribam Bibuli, pugionem sibi a Bibulo attulisse. quod totum irrisum est: Vettio pugionem defuisse, nisi ei consul dedisset. eoq. magis id eiectum est, quod ad III. id. Mai. Bibulus Pompeium fecerat certiore, ut caueret insidias: in quo ei Pompeius gratias egerat. introductus Curio filius, dixit ad ea, quae Vettius dixerat: maximeq. in eo tum quidem Vettius est reprehensus, quod dixerat adolescentum consilium, ut in foro cum gladiatoribus Gabini Pompeium adorirentur; in eo principem Paulum fuisse; quem constabat eo tempore in Macedonia fuisse. fit S. C. ut Vettius, quod confessus esset se cum telo fuisse, in uincula coniceretur: qui eum emisisset, contra remp. esse facturum. res erat in ea opinione, ut putarent id esse actum, ut Vettius in foro cum pugione, & item serui eius comprehenderentur cum telis, deinde ille se diceret indicaturum. idq. ita actum esset, nisi Curiones rem ante ad Pompeium detulissent. tum S. C. in concione recitatum est. postero autem die Caesar, is, qui olim, praetor cum esset, Q. Catulum ex inferiore loco iusserat dicere, Vettium in Rostra produxit, eumq. in eo loco constituit, quo Bibulo consuli aspirare non liceret. hic ille omnia, quae uoluit, de rep. dixit; ut qui illuc factus, institutusq. uenisset. primum Caepionem de oratione sua sustulit, quem in senatu acerrime nominarat: ut appareret, noctem, & no-

Et urnam

æternam deprecationem intercessisse. deinde, quos
 in senatu ne tenuissima quidem suspicione attigerat,
 eos nominauit, Lucullum, a quo solitum esse ad se
 mitti C. Fannium illum, qui in P. Clodium subscrip-
 serat; L. Domitium, cuius domum constitutâ fuisse,
 unde eruptio fieret. me non nominauit: sed di-
 xit, consularem disertum, uicinum consulis, sibi di-
 xisse, Abalam Seruiliū aliquem, aut Brutum o-
 pus esse reperiri. addidit ad extremum, cum, iam
 dimissa concione, reuocatus a Vatinius fuisset, se au-
 disse a Curione, his de rebus consciū esse Pisonem
 generum meum, & M. Laterensem. nunc reus e-
 rat apud Crassum Diuitem de ui, & cum esset
 damnatus, erat iudicium postulaturus: quod si im-
 petraisset, iudicia fore uidebantur. ea nos, utpote
 qui nihil contemnere solemus, non pertimesceba-
 mus. hominum quidem summa erga nos studia si-
 gnificabantur: sed prorsus uitæ taedet: ita sunt o-
 mnia omnium miseriarum plenissima. modo caedem
 timueramus; quam oratio fortissimi senis Q. Con-
 sidiū discusserat: ea, quam quotidie timere potue-
 ramus, subito exorta est. quid quaeris? nil me in-
 fortunatius & Catulo, cum splendore uitæ, tum
 hoc tempore. nos tamen in his etiam miserijs ere-
 cto animo; & minime perturbato sumus, honestis-
 simeq. dignitatem nostram, et magna cura tuemur.
 Pompeius de Clodio iubet nos esse sine cura, et sum-
 mam in nos beneuolentiam omni ratione significat.
 Te habere consiliorum auctorem, sollicitudinum so-

cum, omni in cognitione coniunctum capio. quare, ut Numestio mandavi, tecum ut ageret, item, atque eo, si potest, acrius te rogo, ut plane ad nos aduoles. respiraro, si te uidero. Vale.

CICERO S. D. ATTICO. 15

CVM aliquem apud te laudaro tuorum familiarium, uolam illum scire ex te, me id fecisse; ut nuper me scis scripsisse ad te de Varronis erga me officio; te ad me rescripsisse, eam rem summae tibi uoluptati esse. sed mallem, ad illum scripsisses, mihi illum satisfacere; mirabiliter enim moratus est, sicut nosti, ἐλκτὰ, καὶ οὐδὲν. nos tenemus praeceptum illud, τὰς ἡμετέρας κριταῖων. at hercule alter, tuus familiaris, Hortensius quam plena manu, quam ingenue, quam ornate nostras laudes in astra sustulit, cum de Flacci praetura, et de illo tempore Allobrogum diceret, sic habeto, nec amantius, nec honorificentius, nec copiosius potuisse dici. ei te hoc scribere a me tibi esse missum, sane uolo. sed quid tu scribas? quem iam ego uenire, atque adesse arbitror, ita enim egi tecum superioribus litteris. ualde te exspecto, ualde desidero, neque ego magis, quam ipsa res, et tempus poscit. His negotiis quid scribam ad te, nisi idem, quod saepe res, nil desperatius: ijs, quorum opera, nil maiore odio. Nos, ut opinio, et spes, et coniectura nostra fert, firmissima beneuolentia hominum muniti sumus. quare aduol. aut expedies nos omni molestia, aut eris particeps. Ideo sum breuior, quod, ut spero, coram breui conferre, quae uolumus, licebit.

M. TVLLII CICERONIS
EPISTOLARVM AD
T. POMPONIVM ATTICVM
LIBER III.

CICERO S. D. ATTICO.

CVM antea maxime nostra interesse
arbitrabar, te esse nobiscum: tum ue-
ro, ut legi rogationem, intellexi, ad
iter, quod constitui, nil mihi optatibus
cadere posse, quam ut tu me quamprimum conse-
quare; ut, cum ex Italia profecti essemus, siue per
Epirum iter esset faciundum, tuo, tuorumq. praesi-
dio uteremur; siue aliud quid agendum esset, cer-
tum consilium de tua sententia capere possemus.
quamobrem te oro, des operam, ut me statim con-
sequare. facilius potes, quoniam de provincia Ma-
cedonia perlata lex est. Pluribus uerbis tecum age-
rem, nisi pro me apud te res ipsa loqueretur. Vale.

CICERO S. D. ATTICO. 2

ITINERIS nostri causa fuit, quod non habe-
bam locum, ubi pro meo iure diutius esse possem,
quam in fundo Sicae, praesertim non dum rogatione
correcta. et simul intelligebam, ex eo loco, si te ha-
berem, posse me Brundisium referre; sine te autem
non esse nobis illas partes tenendas propter Au-
tronium. nunc, ut ad te antea scripsi, si ad nos ue-
neris, consilium totius rei capiemus. iter esse mole-
stum

Stum scio ; sed tota calamitas omnes molestias habet . Plura scribere non possum . ita sum animo perculto , & abiecto . Cura ut ualeas . D . VI . id . Apr . Naryci Locridis .

CICERO S. D. ATTICO. 3

VTINAM illum diem uideam , cum tibi agam gratias , quod me uiuere coegisti . adhuc quidem ualde me paenitet . sed te oro , ut ad me Vibonem statim uenias , quo ego multis de caussis conuerti iter meum . sed , eo si ueneris , de toto itinere , ac fuga mea consilium capere potero . si id non feceris , mirabor : sed confido te esse facturum . Vale .

CICERO S. D. ATTICO. 4

MISERIAE nostrae potius uelim , quam inconstantiae , tribuas , quod a Vibone , quo te arcessebamus , subito discessimus . allata est enim nobis rogatio de pernicie mea ; in qua , quod confectum esse audieramus , erat huiusmodi , ut mihi ultra quadringenta millia liceret esse . illo cum peruenire non liceret , statim iter Brundisium uersus contuli ante diem rogationis : ne & Sica , apud quem eram , periret ; & quod Melitae esse non licebat . nunc tu propera , ut nos consequare ; si modo recipiemur . adhuc inuitamur benigne : sed , quod superest , timemus . me , mi Pomponi , ualde paenitet uiuere . qua in re apud me tu plurimum ualuisli . Sed haec coram . fac modo , ut uenias . Vale .

G CICERO

CICERO S. D. ATTICO.

5

TERENTIA tibi & saepe, et maximas gratias agit. id est mihi gratissimum. ego uiuo miserrimus, & maximo dolore conficior. ad te quid scribam, ne scio. si enim es Romae, iam me assequi non potes: sin es in uia; cum eris me affecutus, coram agemus, quae erunt agenda: tantum te oro, ut quoniam me ipsum semper amasti, eodem amore sis. ego enim idem sum: inimici mei mea mihi, non me ipsum, ademerunt. Cura ut ualeas. VIII. id. Apr. Thurij.

CICERO S. D. ATTICO.

6

NON fuerat mihi dubium, quin te Tarenti, aut Brundisij uisurus essem: idq. ad multa pertinuit, in eis, ut & in Epiro consisteremus, & de reliquis rebus tuo consilio uteremur. quoniam id non contigit, erit hoc quoque in magno numero nostrorum malorum. nobis iter est in Asiam, maxime Cyzicum. tibi meos commendo. me uix, misereq. sustento. Vale. D. III. kal. Mai. Tarenti.

CICERO S. D. ATTICO.

7

BRUNDISIUM ueni ad kal. Mai. eo die pueri tui mihi a te litteras reddiderunt: & alij pueri post diem tertium eius diei litteras alias attulerunt. Quod me rogas, & hortaris, ut apud te in Epiro sim: uoluntas tua mihi ualde grata est, & minime noua: & consilium mihi quidem optatum, si liceret
ibi

ibi omne tempus consumere. odi enim celebratam, fugio homines; lucem aspicere uix possum. esset mihi ista solitudo, praesertim tam familiari in loco, non amara: sed i itineris causa, ut diuertar, primum est denium, deinde ab Autronio, & ceteris quatruidi: deinde sine te. nam castellum munitum habitanti mihi prodesset, transeunti non est necessarium. quod si auderem, Athenas peterem. sane ita cadebat, ut uellem. nunc & nostri hostes ibi sunt; & te non habemus; & ueremur, ne interpretentur, illud quoque opidum ab Italia non satis abesse: nec scribis, quam ad diem te expectemus. Quod me ad uitam uocas: unum efficis, ut a me manus abstineam: alterum non potes, ut me non nostri consilij utique paeniteat. quid enim, est quod me retineat? praesertim si spes ea non est, quae nos proficiscentes prosequeretur. non faciam, ut enumerem misérias omnes, in quas incidi per summam iniuriam, & scelus non tam inimicorum meorum quam inuidorum; ne & meum maerorem exagitem, & te in eundem luctum uocem. hoc confirmo, neminem umquam tanta calamitate esse affectum, nemini mortem magis optandam fuisse. cuius oppetendae tempus honestissimum praetermissum est. reliqua tempora non sunt tam ad medicinam, quam ad finem doloris. De rep. uideo te colligere omnia, quae putes aliquam spem mihi posse afferre mutandarum rerum: quae quamquam exigua sunt; tamen, quoniam placet, expectemus:

Tu nihilo minus, si properaris, nos consequere. nam aut accedemus in Epirium; aut per Candauiam tarde ibimus. Dubitationem autem de Epiro non inconstantia nostra afferebat, sed quod de fratre, ubi eum uisuri essemus, nesciebamus. quem quidem ego nec quo modo uisurus, nec ubi dimissurus sim, scio. idest maximum, & miserrimum mearum omnium miseriarum. Ego & saepius ad te, & plura scriberem, nisi mihi dolor meus cum omnes partes mentis, tum maxime huius generis facultatem admisset. Videre te cupio. Cura ut ualeas. Pridie kal. Maij, Brundisij, proficiscens.

CICERO S. D. ATTICO. 8

SCRIPSERAM ad te, quas ob causas in Epirum non essemus profecti: quod & Achaia prope esset, plena audacissimorum inimicorum; & exitus difficile haberet, cum inde proficisceremur. accessit, cum Dyrrhachij essemus, ut duo nuntij afferrentur; unus, classe fratrem Epheso Athenas, alter, pedibus per Macedoniam uenire. itaque illi obuiam misimus Athenas, ut inde Thessalonicam ueniret: ipsi processimus, & Thessalonicam ad x. kal. Iun. uenimus: neque de illius itinere quidquam certi habemus, nisi cum ab Epheso ante aliquanto profectum. nunc, islic quid agatur, magnopere timeo. quamquam tu altera epistola scribis, idibus Mai. audire, fore, ut acrius postularet; altera, iam esse mitiora. sed haec pridie data, quam illa: quo
contur-

conturbor magis. itaque, cum meus me maeror quotidianus lacerat, & conficit: tum uero haec addita cura uix mihi uitam reliquam facit. sed & nauigatio perdifficilis fuit: & illè incertus, ubi ego essem, fortasse alium cursum petiuit. nam Paeto libertus eum non uidit. uento reiectus ab illo in Macedoniam, Pellae mihi praesto fuit. reliqua quam mihi timenda sint, uideo. nec, quid scribam, habeo: & omnia timeo. nec tam miserum est quidquam, quod non in nostram fortunam cadere uideatur. equidem adhuc miser in maximis meis aerumnis, & luctibus, hoc metu adiecto, maneo Thessalonicae suspensus, nec audeo quidquam. Nunc ad ea, quae scripsisti. Tryphonem Caecilium non uidi. Sermonem tuum, & Pompeij cognoui ex tuis litteris. Motum in rep. non tantum ego uideo, quantum tu aut uides, aut ad me consolandum affers. Tigrane enim neglecto, sublata sunt omnia. Varroni me iubes agere gratias: faciam: item Hypsaro. Quod suades, ne longius discedamus, dum acta mensis Maij ad nos perferantur: puto me ita esse facturum; sed, ubi, nondum statui: atque ita perturbato sum animo de Quinto, ut nihil queam statuere: sed tamen statim te faciam certiore. Ex epistolarum mearum inconstantia puto te mentis meae motum uidere. qui, etsi incredibili, & singulari calamitate afflictus sum, tamen non tam est ex miseria, quam ex culpaestrae recordatione, commotus. cuius enim sce lere impulsus, ac proditi simus, iam profecto ui-

des : atque utinam iam ante uidisses , neque totum
 animum tuum maerori mecum simul dedisses . qua-
 re , cum me afflictum , & confectum luctu audies ,
 existimato me stultitiae meae poenā ferre grauius ,
 quam euenti ; quod ei crediderim , quem esse nesa-
 rium non putaram . Me & meorum malorum me-
 moria , & metus de fratre in scribendo impedit . tu
 ista omnia uide , & governa . Terentia tibi maxi-
 mas gratias agit . Litterarum exemplum , quas ad
 Pompeium scripsi , misi tibi . Vale . D. IV.
 kal. Iunias , Thessalonicae .

CICERO S. D. ATTICO. 9

QVINCTVS frater cum ex Asia discessisset
 ante kal. Mai. & Athenas uenisset idibus , ualde
 fuit ei properandum , ne quid absens acciperet cala-
 mitatis ; si quis forte fuisset , qui contentus nostris
 malis non esset . itaque malui eum properare Ro-
 mam , quam ad me uenire . & simul (dicam enim ,
 quod uerum est ; ex quo magnitudinem miseriarum
 mearum perspicere possis) animum inducere non
 potui , ut aut illum , amantissimum mei , mollissimo
 animo , tanto in maerore aspicerem ; aut meas mise-
 rias , luctu afflictas , & perditam fortunam illi of-
 ferrem ; aut ab illo aspici paterer . atque etiam illud
 timebam , quod profecto accidisset , ne a me digre-
 di non posset . uersabatur mihi tempus illud ante o-
 culos , cum ille aut lictores dimitteret , aut ui euelle-
 retur ex complexu meo . huius acerbitalis euentum
 altera

altera acerbitate non uidendi fratris uitauit. in hunc me casus uos, uiuendi auctores, impulistis. itaque mei peccati luo poenas. quamquam tuae me litterae sustentant: ex quibus, quantum tu ipse speres, facile perspicio. quae quidem tamen aliquid habebant solatij ante, quam conuenisti, A POMPEIO. NVNC HORTENSIVM ALLICE, ET EIVSMODI VIROS. obsecro mi Pomponi, non dum perspicias, quorum opera, quorum insidijs, quorum scelere perierimus? sed tecum haec coram agemus. tantum dico, quod scire te puto: nos non inimici, sed inuidi perdiderunt. nunc si ita sunt, quae speras; sustinebimus nos, & spe, qua iubes, nitemur. sin, ut mihi uidentur, infirma sunt; quod optimo tempore facere non licuit, minus idoneo fiet. Terentia tibi saepe gratias agit. Mihi etiam unum de malis in metu est, fratris miseri negotium. quod, si sciam, cuiusmodi sit; sciam, quid agendum mihi sit. Me etiam nunc istorum beneficiorum, & litterarum expectatio, ut tibi placeat, Thessalonicae tenet. si quid erit noui allatum; sciam, de reliquo quid agendum sit. Tu, si, ut scribis, kal. Iun. Roma profectus es, propediem nos uidebis. Litteras, quas ad Pompeium scripsi, tibi misi. Vale. Idibus Iun. Thessalonicae.

CICERO S. D. ATTICO. IO

ACTA quae essent usque ad VIII. kal. Iun. cognoui ex tuis litteris: reliqua expectabam, ut tibi

G 4 place-

placebat, Thessalonicae: quibus allatis, facilius statuere potero, ubi sim. nam, si erit caussa, si quid agetur, si spem uidero; aut ibidem opperiar, aut me ad te conferam: sin, ut tu scribis, ista euauerint; aliud aliquid uidebimus. omnino adhuc nihil mihi significatis, nisi discordiam istorum; quae tamen inter eos de omnibus potius rebus est, quam de me. itaque, quid ea mihi prosit, nescio. sed tamen, quoad me uos sperare uultis, uobis obtemperabo. Nam quod me tam saepe, & tam uehementer obiurgas, & animo infirmo esse dicis: quaeso, ecquid tantum malum est, quod in mea calamitate non sit? ecquis umquam ex tam amplo statu, in tam bona causa, tantis facultatibus, ingenij, consilij, gratiae, tantis praesidijs bonorum omnium concidit? possum obliuisci, qui fuerim; non sentire, qui sim? quo caream honore? qua gloria? quibus liberis? quibus fortunis? quo fratre? quem ego (ut nouum calamitatis genus attendas) cum pluris facerem, quam me ipsum, semperq. fecissem, uitaui, ne uiderem: ne aut illius luctum, squaloremq. aspicerem; aut me, quem ille florentissimum reliquerat, perditum illi, afflictumq. offerrem. Mitto cetera intolerabilia: etenim fletu impediior. hic utrum tandem sum accusandus, quod doleo, an, quod commisi, ut haec aut non retinerem, (quod facile fuisset, nisi intra parietes meos de mea pernicie consilia inirentur) aut certe uiuus amitterem? Haec eo scripsi, ut potius releuares me, quod facis, quam aut castigatio-

ne,

ne, aut obiurgatione dignum putares: eoq. ad te minus multa scribo; quod et maerore impediior; et, quid expectem istinc, magis habeo, quam quid ipse scribam. quae si erunt allata; faciam te nostri consilij certiozem. Tu, ut adhuc fecisti, quamplurimis de rebus ad me uelim scribas; ut prorsus ne quid ignorem. Vale. XIII. kal. Quint. Thessalonicae.

C I C E R O S. D. A T T I C O. II

M E et tuae litterae, et quidam boni nuncij, non optimis tamen auctoribus, et expectatio uestrarum litterarum, et quod tibi ita placuerat, adhuc Thessalonicae tenebant. si accepero litteras, quas expecto; si spes erit ea, quae rumoribus afferebatur; ad te me conferam; si non erit, faciam te certiozem, quid egerim. Tu me, ut facis, opera, consilio, gratia iuua: consolari iam desine: obiurgare uero noli: quod cum facis, ut ego tuum amorem, & dolorem desidero; quem ita affectum mea aerumna esse arbitror, ut te ipsum consolari nemo possit. Quintum fratrem optimum, humanissimumq. sustenta. Ad me, obsecro te, ut omnia certa perscribas. Vale. D. IV. kal. Quint.

C I C E R O S. D. A T T I C O. I 2

T V quidem sedulo argumentaris, quid sit sperandum, & maxime per senatum: idemq. caput rogationis proponi scribis. quare in senatu dici nihil liceat: itaque siletur. Hic tu me accusas, quod me affli-

afflictum; cum ita sim afflictus, ut nemo unquam :
 quod tute intelligis. Spem ostendis secundum comi-
 tia. quæ ista est, eodem tribuno pl. & inimico con-
 sule designato? Percussisti autem me etiam de ora-
 tione prolata: cui uulneri, ut scribis, medere, si
 quid potes. scripsi equidem olim ei iratus, quod ille
 prior scripserat; sed ita compresseram, ut numquam
 emanaturam putarem. quo modo exciderit, nescio.
 sed quia numquam accidit, ut cum eo uerbo uno con-
 certarem; et quia scripta mihi uidetur negligentius,
 quam ceteræ: puto posse probari, non esse meam.
 id, si putas me posse sanari, cures uelim: sin plane
 perij, minus laboro. Ego etiam nunc eodem in lo-
 co iaceo, sine sermone ullo, sine cogitatione ulla. Li-
 cet tibi, ut scribis, significarem, ut ad me uenires
 Sidona: tamen intelligo te istuc prodesse, hic ne uer-
 bo quidem leuare me posse. Nō queo plura scribere:
 nec est, quod scribam: uestra magis expecto. Vale.
 XVI. kal. Sext. Thessalonicae.

CICERO S. D. ATTICO. 13

QVOD ad te scripseram, me in Epiro futu-
 rum: postea quam extenuari spem nostram, &
 euanescere uidi, mutauī consilium; nec me Thessa-
 lonica commouī, ubi esse constitueram, quoad ali-
 quid ad me de eo scriberes, quod proximis litteris
 scripseras, fore, uti secundum comitia aliquid de
 nobis in senatu ageretur; id tibi Pompeium dixisse.
 qua de re, quoniam comitia habita sunt, tuq. nil
 ad

ad me scribis; perinde habebō, ac si scripsisses nihil esse; meq. temporis non longinqui spe dictum esse, moleste feram. Quem autem motum te uidere scripseras, qui nobis utilis fore uideretur, eum nūciant, qui ueniunt, nullum fore. In tribunis pl. designatis reliqua spes est: quam si exspectaro, non erit, quod putes me causae meae, ac uoluntati meorum defuisse. Quod me saepe accusas, cur hunc meum casum tam grauer feram: debes ignoscere: cum ita me afflictum uideas, ut neminem umquam nec uideris, nec audieris. nam quod scribis te audire, me etiam mentis errore ex dolore affici: mihi uero mens integra est, atque utinam tam in periculo fuisset, cum ego ijs, quibus meam salutem carissimam esse arbitrabar, inimicissimis, crudelissimisq. usus sum: qui, ut me paulum inclinari timore uiderunt, sic impulerunt, ut omnia suo scelere, & perfidia abuterentur ad exitium meum. nunc, quoniam est Cyzicum nobis eundum; quo rarius ad me litterae perferentur, hoc uelim diligentius omnia, quae putaris me scire opus esse, perscribas. Quinetum fratrem meū fac diligas: quem ego miser si incolumem relinquo, non me totum perijsse arbitrabor. Vale. nonis Sext.

CICERO S. D. ATTICO. 14

Ex tuis litteris plenus sum expectatione de Pompeio, quidnam de nobis uelit, aut ostendat. comitia enim credo esse habita: quibus absolutis, scribis illi placuisse agi de nobis. sit tibi slutus esse,
ui-

uideor, qui sperem; facio tuo iussu; & scio te me ijs
epistolis potius, & meas spes solitum esse remorari.
nunc uelim, mihi plane perscribas, quid uideas. scio
nos nostris multis peccatis in hanc aerumnam inci-
disse. easi qui casus ex parte correxerint; minus mo-
leste feremus nos uixisse, & adhuc uiuere. Ego,
propter uia ecelebritatem, & quotidianam expecta-
tionem rerum nouarum, non commouime adhuc
Thessalonica: sed iam extrudimur, non a Plancio,
(nam is quidem retinet) uerum ab ipso loco, mini-
me appposito ad tolerandam in tanto luctu calamita-
tem. In Epirum ideo, ut scripseram, non iui, quod
subiti mihi uniuersi nuncij uenerant, & litterae,
quare nihil esset necesse quamproxime Italiam esse.
hinc, si aliquid a comitijs audierimus, nos in Asiam
conuertemus: neque adhuc stabat, quo potissimum:
sed scies. Vale. XII. kal. Sext. Thessalonicae.

CICERO S. D. ATTICO. 15

ACCEPI Idibus Sext. quattuor epistolas a
te missas; unam, qua me obiurgas, & rogas, ut
sim firmitior; alteram, qua Crassi libertum ais tibi
de mea sollicitudine, macieq. narrasse; tertiam, qua
demonstras acta in senatu; quartam de eo, quod a
Varrone scribis tibi esse confirmatum de uoluntate
Pompeij. Ad primam tibi hoc scribo; me ita dole-
re, ut non modo a mente non deferar, sed id ipsum
doleam, me, tam firma mente ubi utar, & quibus-
cum, non habere. nam si tu me uno non sine maero-
re

re cares; quid me censes, qui & te, & omnibus?
& si tu incolumis me requiris; quo modo a me ipsam incolumitatem desiderari putas? nolo commemorare, quibus rebus sim spoliatus; non solum quia non ignoras, sed etiam ne scindam ipse dolorem meum. hoc confirmo, neque tantis bonis esse priuatum quemquam, neque in tantas misérias incidisse. dies autem non modo non leuat luctum hunc, sed etiam auget. nam ceteri dolores mitigantur uetustate; hic nō potest non & sensu praesētis miseriae, & recordatione praeteritae uitae quotidie augeri. desidero enim non mea solum, neque meos, sed me ipsum. quid enim sum? sed non faciam, ut aut tuum animum angam querelis, aut meis uulneribus saepeius manus asseram. Nam quod purgas eos, quos ego mihi scripsi inuidisse, & in eis Catonem: ego uero tantum illum puto ab isto scelere abfuisse, ut maxime doleam, plus apud me similitudinem aliorum, quam istius fidem, ualuisse. ceteri, quos purgas, debent mihi purgati esse, tibi si sunt. Sed haec sero agimus. Crassi libertum nihil puto sincere locutum. In senatu rem probe scribis actam. sed quid Curio? an illam orationem non legit? quae unde sit prolata, nescio. sed Axius, eiusdem diei scribens ad me acta, non ita laudat Curionem. at potest ille aliquid praetermittere: tu, nisi quod erat, profecto non scripsisti. Varronis sermo facit expectationē Caesaris. atque utinam ipse Varro incumbat in causam. quod profecto cum sua sponte, tum te instante faciet. ego,
si me

si me aliquando uestri, & patriae compotem fortuna fecerit, certe efficiam, ut maxime laetere unus ex omnibus amicis; meaq. officia, & studia, quae parum antea luxerunt, (satendum est enim) sic exequar, ut me aequae tibi, ac fratri, & liberis nostris, restitutum putes. si quid in te peccaui, ac potius quoniam peccaui, ignosce. in me enim ipsum peccaui uehementius. neque haec eo scribo, quo te non meo casu maximo dolore esse affectum sciam: sed profecto, si, quantum me amas, & amasti, tantum amare deberes, ac debuisses; nūquam esses passus me, quo tu abundas, egere consilio; nec esses passus mihi persuaderi, utile nobis esse, legem de collegijs perferri. sed tu tantum lacrymas praebuisti dolori meo, quod erat amoris, tamquam ipse ego: quod meritis meis perfectum esse potuit, ut dies, & noctes, quod mihi faciendum esset, cogitares, id abs te meo, non tuo scelere praetermissum est. quod si non modo tu, sed quisquam fuisset, qui me Pompeij minus liberali responso perterritum a turpissimo cōfilio reuocaret, quod unus tu facere maxime potuisti: aut occubuissem honeste, aut uictores hodie ueremus: Hic mihi ignoscas: me enim ipsum multo magis accuso; deinde te, quasi me alterum: & simul meae culpa sociū quaero. si restitutor, etiā minus uidebimur deliquisse; abs teq. certe, quoniam nullo nostro, tuo ipsius beneficio diligemur. Quod te cum Culeone scribis de priuilegio locutum; est aliquid: sed multo est melius, abrogari. si enim nemq.

impediet, sit est firmitus: sin erit, qui ferri non sinat; idem S. C. intercedet. nec quidquam aliud opus est, quam abrogari. nam prior lex nos nihil lae debat. quam si, ut est promulgata, laudare uoluissimus, aut, ut erat negligenda, negligere; nocere omnino nobis non potuisset. hic mihi primū non modo consilium desuit, sed etiam obfuit. caeci, caeci, inquam, fuimus in uestitu mutando, in populo rogando. quod, nisi nominatim mecum agi coeptum esset, fieri perniciosum fuit. sed pergo praeterita. uerumtamen ob hanc causam, ut, si quid ageretur, legem illam, in qua popularia multa sunt, ne tangatis. uerum est stultum, me praecipere, quid agatis, aut quo modo. utinam modo agatur aliquid. multa occulant tuae litterae; credo, ne uehemētius desperatione perturber. quid enim uides agi posse, aut quo modo? per senatū ne? ast tute scripsisti ad me, quod dam caput legis Clodium in curiae postea fixisse, ne referri, ne ue dici liceret. quo modo igitur Domitius se dixit relaturum? quo modo autem ijs, quos tu scribis, & de re dicentibus, & ut referretur, postulantibus, Clodius tacuit? ac, si per populum, poterit ne, nisi de omnium tribunorum pl. sententia? quid de bonis? quid de domo? poterit ne restitui? aut, si non poterit, egomet quo modo potero? hanc nisi uides expediri, quam in spem me uocas? sin autem spei nihil est, quae est mihi uita? itaque exspecto Thessalonicae acta kal. Sext. ex quibus statuam, in tuos ne agros confugiam, ut neque uideam homi-
nes,

nes, quos nolim; & te, ut scribis, uideam; & propius sim, si quid agatur. idq. intellexi cum tibi, cum Quinto fratri placere; an abeam Cyzicum. Nunc Pomponi, quoniam nil impertisti tuae prudentiae ad salutem meam, quod aut in me ipso satis esse consilij decreueras, aut te nil mihi plus debere, quam ut praesto esses; quandoquidem ego proditus, indutus, coniectus in fraudem, omnia mea praesidia neglexi, totam Italiam, in me erectam ad me defendendum, destitui, & reliqui; me meis tradidi inimicis, inspectante, & tacente te; qui si non plus ingenio ualebas, quam ego, certe timebas minus: si potes, erige afflictos, & in eo nos iuuat. sin omnia sunt obstructa; id ipsum fac ut sciamus, & nos aliquando aut obiurgare, aut communiter consolari desine. Ego si tuam fidem accusarem; non me potissimum tuis testis crederem. meam amentiam accuso, quod a te tantum amari, quantum ego uellem, putauit: quod si fuisset, fidem eandem, curam maiorem adhibuisses; me certe ad exitium praecipitantem retinuisses; istos labores, quos nunc in naufragijs nostris suscipis, non subisses. quare fac, ut omnia ad me perspecta, & explorata perscribas; meque, ut facis, uelis esse aliquem; quoniam, qui fui, & qui esse potui, iam esse non possum; & ut his litteris non te, sed me ipsum a me esse accusatum putes. Si qui erunt, quibus putes opus esse meo nomine litteras dari, uelim conscribas, curesq. dandas. Vale.

D. XIV. kal. Sept.

CICERO

TOTVM iter mihi incertum facit expectatio litterarum tuarum kal. Sex. datarum, non aliud aliquid. si spes erit, Epirum, sin minus, Cyzicum, aut aliud quid sequemur. tuae quidem litterae, quo saepius a me leguntur, hoc spem faciunt mihi minorem, quam cum lectae sunt. tum id, quod attulerunt ad spem, infirmant; ut facile appareat, te & consolationi seruire, & ueritati. idq. te rogo plane, ut ad me, quae scis, ut erunt, quae putabis, ita scribas. Vale. D. XII. kal. Sep.

DE Quinto fratre nuncij nobis tristes, nec uarij uenerant ex ante diem non. Iun. usque ad prid. kal. Sept. eo autem die Liuiueius, L. Reguli libertus, ad me a Regulo missus uenit. is omnino mentionem nullam factam esse nuntiavit, sed fuisse tamen sermonem de C. Clodij filio: isq. mihi tum a fratre litteras attulit. sed postridie Sextij pueri uenerunt, qui a te litteras attulerunt, non tam exploratas a timore, quam sermo Liuiueij fuerat. sane sum in meo infinito maerore sollicitus, et eo magis, quod Appij quae filio est. Cetera, quae ad me eisdem litteris scribis de nostra spe, intelligo esse languidiora, quam alij ostendunt. ego autem, quoniam non longe ab eo tempore absimus, in quo res dijudicabitur, aut ad te conseram me, aut etiam nunc circum haec loca commorabor.

morabor. Scribit ad me frater, omnia sua per te unum suslineri. quid te aut hortet, quod facis; aut agam gratias, quod non expectas? tantum uelim, fortuna det nobis potestatem, ut incolumnes amore nostro perfruamur. Tuas litteras semper maxime expecto. in quibus, caue, ne aut diligentia tua mihi molesta, aut ueritas acerba sit. Vale.
D. prid. non. Sept.

CICERO S. D. ATTICO. 18

EXSPECTATIONEM nobis non par-
uam attuleras, cum scripseras, Varronem tibi pro
amicitia confirmasse, causam nostram Pompeium
certe suscepturum, & simul a Caesare ei litterae,
quas expectaret, remissae essent, auctorem etiam
daturum. utrum id nihil fuit, an aduersatae sunt.
Caesaris litterae? an est aliquid in spe? Etiam illud
scripseras, eundem, secundum comitia, dixisse.
fac (si uides, quantis in malis iaceam, & si putas
esse humanitatis tuae) me fac de tota causa nostra
certiore. nam Quinctus frater, homo mirus, qui me
tam ualde amat, omnia mittit spei plena, metuens,
credo, defectionem animi mei. tuae autem litterae
sunt uariae. neque enim me desperare uis, nec te-
mere sperare, fac, obsecro te, ut omnia, quae pro-
spici a te possunt, sciamus. Vale.

CICERO S. D. ATTICO. 19

QVOD eiusmodi mihi litterae a uobis affere-
bantur, ut aliquid ex ijs esset expectandum; spe, &
cupi-

cupiditate Thessalonicae detentus sum. postea quam
 omnis actio huius anni confecta nobis uidebatur, in
 Asiam ire nolui: quod & celebritas mihi odio est;
 & si fieret aliquid a nouis magistratibus, abesse
 longe nolebam. itaque in Epirum ad te statui me
 conferre: non quo mea interesset loci natura, qui
 lucem omnino fugerem: sed aut ad salutem libentis-
 sime ex tuo portu proficiscar: aut si ea praecisa erit,
 nusquam facilius hanc miserrimam uitam uel susten-
 tabo, uel, quod multo est melius, abiecero. ero
 cum paucis, multitudinem dimittam. Me tuae litten-
 rae numquam in tantam spem adduxerunt, quantam
 aliorum: attamen mea spes etiam tenuior semper
 fuit, quam tuae litterae. sed tamen, quoniam coe-
 ptum est, age, quoquo modo coeptum est, & qua-
 cumque de causa, non deferam neque optimi, atque
 unici fratris miseras, atque luctuosas preces; nec
 Sextij, ceterorumq. promissa, nec spem aerumno-
 sissimae mulieris Terentiae, nec miserrimae mulieris
 Tulliolae obsecrationem, et fideles litteras tuas. mi-
 hi Epirus aut iter ad salutem dabit; aut, quod scri-
 psi supra. te oro, & obsecro Pomponi, si me omni-
 bus amplissimis, carissimis, iucundissimisq. rebus per-
 fidia hominum spoliatum; si me a meis consiliarijs
 proditum, & proiectum uides; si intelligis me coa-
 ctum, ut ipse me, & meos perderem; ut me tua
 misericordia iuues, & Quintum fratrem, qui po-
 test esse saluus, sustentens; Terentiam, liberosq.
 meos tueare; me, si putas te istic uisurum, exspe-

Etes; si minus, inuisas, si potes; mihiq. ex agro tuo tantum assignes, quantum meo corpore occupari potest, & pueros ad me cum litteris quamprimum, & quam saepissime mittas. Vale. XVI. kal. Oct.

CICERO S. D. Q. CAECILIO Q. F.
POMPONIANO ATTICO:

20

QVOD quidem ita esse, & auunculum tuum functum esse officio, uehementissime probo: gaudere me tum dicam, si mihi hoc uerbo licebit uti. Me miserum, quam omnia essent ex sententia, si nobis animus, si consilium, si fides eorum, quibus credimus, non defuisset. quae colligere nolo, ne augeam maerorem. sed tibi uenire in mentem certo scio, quae uita esset nostra, quae suauitas, quae dignitas. ad quae recuperanda per fortunas incumbe, ut facis; diemq. natalem reditus mei, cura, ut in tuis aedibus amoenissimis agam tecum, & cum meis. Ego huic spei, & expectationi, quae nobis proponitur, maxime tamen uolui praestolari apud te in Epiro: sed ita ad me scribitur, ut putem esse commodius, nos eisdem in locis esse. De domo, & Curionis oratione, ut scribis, ita est. in uniuersa salute, si ea modo nobis restituetur, inerunt omnia. ex quibus nihil malo, quam domum. sed tibi nihil mando nominatim: me totum tuo amori, fideiq. commendo. Quod, te in tanta hereditate, ab omni occupatione expedisti, ualde mihi gratum est. Quod facultates

tuas

tuas ad meam salutem polliceris, ut omnibus rebus a te praeieter ceteros iuuer: id quantum sit praesidiū, uideo, intelligoque, te multas partes meae salutis & suscipere, & posse sustinere, neque, ut ita facias, rogandum esse. Quod me uetas quidquam suspicari accidisse ad animum tuum, quod secus a me erga te commissum, aut praetermissum uideretur: geram tibi morem, & liberabor ista cura: tibi tamen eo plus debebo, quo tua in me humanitas fuerit excelsior, quam in te mea. Velim, quid uideas, quid intelligas, quid agatur, ad me scribas, omnesq. ad nostram salutem adhortere. Rogatio Sextij neque dignitatis satis habet, nec cautionis. nam & nominatim ferre oportet, & de bonis diligentius scribi: & id animaduertas uelim. Vale.
v. non. Oct. Thessalonicae.

CICERO S. D. ATTICO. 21

TRIGINTA dies erant ipsi, cum has dabant litteras, per quos nullas a uobis acceperam. mihi autem erat in animo, iam, ut antea ad te scripsi, ire in Epirum, & ibi omnem casum potissimum expectare. Te oro, ut, si quid erat, quod perspicias, quamcunque in partem, quamplanissime ad me scribas, & meo nomine, ut scribis, litteras, quibus putabis opus esse, ut des.
Vale. v. kal. Non.

ET SI diligenter ad me Quintus frater, & Tiso, quae essent acta, scripserant: tamen uellem, tua te occupatio non impedisset, quo minus, ut consuesti, ad me, quid ageretur, & quid intelligeres, perscriberes. Me adhuc Plancius liberalitate sua retinet, iam aliquoties conatum ire in Epirum. spes homini est iniecta, non eadem, quae mihi, posse nos una decedere. quam rem sibi magno honori sperat fore. sed iam, cum aduentare milites dicentur, faciendum nobis erit, ut ab eo discedamus. quod cum faciemus, ad te statim mittemus; ut scias, ubi simus. Lentulus suo in nos officio, quod & re, & promissis, & litteris declarat, spem nobis non nullam affert Pompeij uoluntatis. saepe enim tu ad me scripsisti, eum totum esse in illius potestate. De Metello scripsit ad me frater, quantum speraret, profectum esse per te. Mi Pomponi pugna, ut tecum, & cum meis mihi liceat uiuere; & scribe ad me omnia. premor cum luctu, tum desiderio omnium rerum, quae mihi me cariores semper fuerant.

Cura, ut ualeas.

Ego, quod, per Thessaliam si irem in Epirum, per diu nihil eram auditurus; & quod mei studiosos habeo Dyrrhachinos, ad eos perrexi, cum illa superiora Thessalonicae scripsissem. inde cum ad te me conuertam, faciam ut scias. tuq. ad me uelim omnia quam diligentissime, cuiusmodi sunt, scribas.

bas. ego iam aut vem, aut ne spem quidem exspecto. Vale. VI. kal. Dec. Dyrrhachij.

CICERO S. D. ATTICO.

23

AD V. kal. Dec. tres epistolas a te accepi, unam datam ad VIII. kal. Nou. in qua me hortaris, ut sorti animo menssem Ian. expectem: eaque, quae ad spem putas pertinere, de Lentuli studio, de Metelli uoluntate, de tota Pompeij ratione, perscribis. in altera epistola, praeter consuetudinem tuam, diem non adscribis: sed satis significas tempus. lege enim ab octo tribunis pl. promulgata, scribis te eas litteras eo ipso die dedisse, id est ad IV. kal. Nou. & quid putes utilitatis eam promulgationem attulisse, scribis. in quo si etiam nostra salus cum hac lege desperata erit, uelim pro tuo in me amore hanc inanem meam diligentiam miserabilem potius, quam ineptam, putes: sin est aliquid spei, des operam, ut maiore diligentia posthac a nostris magistratibus defendamur. nam ea ueterum tribunorum pl. rogatio tria capita habuit; unum de reditu meo, scriptum incaute: nihil enim restituitur, praeter ciuitatem, & ordinem: quod mihi pro meo casu satis est: sed, quae cauenda fuerint, & quo modo, te non fugit. alterum caput est tralatitium de impunitate, si quid contra alias leges eius legis ergo factum sit. tertium caput, mi Pomponi, quo consilio, & a quo sit inculcatum, uide. scis enim Clodium sanxisse, ut uix, aut omnino non posse nec per

H 4 senatum,

senatum, nec per populum infirmari sua lex. sed uides, numquam esse obseruatas sanctiones earum legum, quae abrogarentur. nam si id esset: nulla ferre abrogari posset: (neque enim ulla est: quae non ipsa se sepiat difficultate abrogationis) sed, cum lex abrogatur, illud ipsum abrogaretur, quo modo eam abrogari oporteat. hoc cum re uera ita sit; cum semper ita habitum, obseruatumq. sit: octo nostri tribuni pl. caput posuerunt hoc: SI QUID IN HAC ROGATIONE SCRIPTVM EST, QVOD PER LEGES, PLEBIS VE SCITA; HOC EST, QVOD PER LEGEM CLODIAM PROMVLGARE, ABROGARE, DEROGARE, OBROGARE SINE FRAUDE SVA NON LICEAT, NON LICVERIT; QVOD VEL QVI PROMVLGAVIT, DEROGAVIT, OB EAM REM

* POENAE, MVLTAE VE SIT EH. INR. atque hoc in illis tribunis pl. non laedebat: lege enim collegij sui non tenebantur. quo maior est suspicio malitiae alicuius; cum id, quod ad ipsos nihil pertinebat, erat autem contra me, scripserunt: ut noui tribuni pl. si essent timidiore, multo magis sibi eo capite utendum putarent. neque id a Clodio praetermissum est. dixit enim in concione a. d. III. non. hoc capite designatis tribunis pl. praescriptum esse, quidliceret, tamen, in lege nulla esse eiusmodi caput, te non fallit. quod si opus esset, omnes in abrogando uterentur. Ninnium, ac ceteros fugerit.

rit. inuestiges, uelim, & quis attulerit; & quare
oſto tribuni pl. ad ſenatum de me reſerre non dubi-
tarint. ſi enim, quod obſeruandum illud caput non
putabant: iſdem in abrogando tam cauti ſuerunt,
ut id metuerent, ſoluti cum eſſent, quod ne iſs qui-
dem, qui lege tenentur, eſt curandum. id capud ſa-
ne nolim nouos tribunos pl. ferre: ſed perſerant mo-
do quidlibet: uno capite, quo reuocabor, (modo
res conficiatur) ero contentus. Iam dudum pudet
tam multa ſcribere: uereor enim, ne re iam deſpe-
rata legas; ut haec mea diligentia miſerabilis tibi,
alijs irridenda uideatur. ſed ſi eſt aliquid in ſpe, ui-
de legem, quam T. Fadio ſcripſit T. Viſellius. ea
mihi perplacet. nam Sextij noſtri, quam tu tibi
probari ſcribis, mihi non placet. Tertia eſt epi-
ſtola prid. id. Nou. data: in qua exponis pruden-
ter, & diligenter, quae ſint, quae rem diſtinere ui-
deantur, de Cratſſo, de Pompeio, de ceteris: qua-
re oro te, ut, ſi qua ſpes erit, poſſe ſtudijs bonorũ,
auctõritate, multitudine comparata rem confici;
deſ operam, ut uno impetu perfringatur; in eam
rem incumbas, ceterosq. tu excites. ſin, ut ego
perſpicio cum tua coniectura, tum etiam mea, ſpei
nihil eſt; oro, obteſtorq. te, ut Quintum fratrem
ames, quem ego miſerum miſere perdidici; ne ue-
quid eum patiare grauius cõſulere de ſe, quam ex-
pediat ſororis tuae filio; meum Ciceronem, cui ni-
hil miſello relinquo praeter inuidiam, & ignomi-
niam nominis mei, tueare, quoad poteris; Teren-
tiam,

tiam, unam omnium aerumnosissimam, sustentet
tuis officijs. Ego in Epirum proficiscar, cum pri-
morum dierum nuncios excepero. Tu ad me, ue-
lim, proximis litteris, ut se initia dederint, perscri-
bas. Vale. Pridie kal. Dec.

CICERO S. D. ATTICO. 24

ANTEA, cum ad me scripsissetis, uestro con-
sensu consulares prouincias ornatas esse; etsi uere-
bar, quorsum id casurum esset, tamen sperabam uos
aliquid aliquando uidisse prudentius. postquam mi-
hi & dictum est, & scriptum, uehementer consi-
lium uestrum reprehendi: grauitur sum commotus;
quod illa ipsa spes exigua, quae erat, uidetur esse
sublata. nam si tribuni pl. nobis succensent, quae po-
test spes esse? ac uidentur iure succensere: cum &
expertes consilij fuerint, qui causam nostram susce-
perant; & nostra concessione omnem uim sui iuris
amiserint: praesertim cum ita dicant, se nostra caus-
sa uoluisse suam potestatem esse de consulibus ornan-
dis, non ut eos impedirent, sed ut ad nostram caus-
sam adiungerent: nunc, si consules a nobis alienio-
res esse uelint, posse id libere facere; sin uellent no-
stra causa, nihil posse se inuitis. Nam quod scribis;
ni ita nobis placuisset, illos hoc idem per populum
affecuturos fuisse: inuitis tribunis pl. fieri nullo mo-
do potuit: ita uereor, ne & studia tribunorum ami-
serimus, & si studia maneant, uinculum illud ad-
iungendorum consulum amissum sit. Accedit aliud.

non paruum incommodum, quod gravis illa opinio, ut quidem ad nos perferebatur, senatum nihil decernere ante, quam de nobis actum esset, amissa est, praesertim in ea causa, quae non modo necessaria non fuit, sed etiam inusitata, ac noua. neque enim umquā arbitror ornatas esse provincias designatorum: ut, cum in hoc illa constantia, quae erat mea causa suscepta, immutata si sit, nihil iam possit non decerni. iam, ijs, ad quos relatum est, amicis placuisse, non mirum sit. erat enim difficile reperire, qui contra tanta commoda duorum consulum palam sententiam diceret. & fuit omnino difficile non obsequi uel, amicissimo homini, Lentulo, uel Metello, qui similitatem humanissime deponeret. sed uereor, ne, hos cum tenere potuerimus, tribunos pl. amiserimus. haec res quemadmodum ceciderit, & tota res quo loco sit, uelim ad me scribas, & ita, ut instituisti. nam ista ueritas, etiam si iucunda non est, mihi tamen grata est. Vale.

D. IV. id. Dec.

CICERO S. D. ATTICO.

25

POST tuum a me discessum litterae mihi Roma allatae sunt: ex quibus prospicio nobis in hac calamitate tabescendum esse. neque enim, (sed bonam in partem accipies) si nulla spes salutis nostrae subesset, tu pro tuo amore in me hoc tempore discessisses. sed, ne ingrati, aut ne omnia uelle nobiscum una interire uideamur, hoc omitto: illud abs te peto,

des

des operam, id quod mihi affirmasti, ut te ante kal.
Ian. ubicunque erimus, sis. Vale.

CICERO S. D. ATTICO. 16

LITTERAE mihi a Quinto fratre cum
S.C. quod de me est factum, allatae sunt. mihi in a-
nimo est, legum lationem expectare. si obtinebi-
tur, utar auctoritate senatus, & potius vita, quam
patria, carebo. Tu, quaeso, festina ad nos ueni-
re. Vale. VI. kal. Ian.

CICERO S. D. ATTICO. 27

EX TVIS litteris, & ex re ipsa nos fundi-
tus perisse uideo. Te oro, ut, quibus in rebus
mei tui indigebunt, nostris miseris ne desis. ego
te, ut scribis, cito uidebo. Plura non scribo.
Cura ut ualeas.

M. TVLLII CICERONIS
EPISTOLARVM AD

T. POMPONIVM ATTICVM

LIBER IV.

CICERO S. D. ATTICO.

CVM primum Romam ueni, fuitque,
cui recte ad te litteras darem, nil prius
faciendum mihi putavi, quam ut tibi
absenti de reditu nostro gratularer. co-
gnoram enim, (ut uere scribam) te in consilijs
mihi dandis nec fortiozem, nec prudentiozem,
quam me ipsum, nec etiam propter meam in te ob-
seruantiam nimium in custodia salutis meae diligen-
tem; eundemq. te, qui primis temporibus erroris
nostri, aut totius furoris particeps, & falsi rumoris
socius fuisses, acerbissime dissidium nostrum tulisse,
plurimumq. operae, studij, diligentiae, laboris ad
conficiendum reditum meum contulisse. itaque hoc
tibi uere affirmo, in maxima laetitia, & exopta-
tissima gratulatione unum ad cumulandum gau-
dium conspectum, aut potius complexum mihi
tuum defuisse. quem semel nactus, numquam dimi-
sero: ac, nisi etiam praetermissos fructus tuae sua-
uitatis praeteriti temporis omnes exegero, profe-
cto hac restitutione fortunae me ipse non satis dignum
iudicabo. Nos adhuc in nostro statu, quod difficilli-
me recuperari posse arbitrati sumus, splendorem

no-

nostrum illum forensem, & in senatu auctoritatem, & apud viros bonos gratiam magis, quam optaramus, consecuti sumus. In re autem familiari, quae quemadmodum fracta, dissipata, direpta sit, non ignoras, ualde laboramus, tuarumque non tam facultatum, quas ego nostras esse iudico, quam consiliorum ad colligendas, & constituendas reliquias nostras indigemus. nunc, etsi omnia aut scripta esse a tuis arbitror, aut etiam nuncijs, ac rumore perlata: tamen ea inscribam breui, quae te puto potissimum ex meis litteris uelle cognoscere. Pridie non. Sext. Dyrrhachio sum profectus, ipso illo die, quo lex est lata de nobis. Brundisium ueni nonis Sext. ibi mihi Tulliola mea fuit praestonatali suo ipso die, qui casu idem natalis erat & Brundisinae coloniae, & tuae uicinae Salutis. quae res animaduersa a multitudine, summa Brundisiorum gratulatione celebrata est: ante diem v i. id. Sext. cognoui litteris Quincti fratris, mirifico studio omnium aetatum, atque ordinum, incredibili concursu Italiae, legem comitijs centuriatis esse perlatam. inde a Brundisinis honestissimis ornatus, iter ita feci, ut undique ad me cum gratulatione legati conuenerint. ad urbem ita ueni, ut nemo ullius ordinis homo nomenclatori notus fuerit, qui mihi obuiam non uenerit, praeter eos inimicos, quibus id ipsum non liceret aut dissimulare, aut negare. Cum uenissem ad portam Capenam, gradus templorum ab infima plebe completi erant: a qua plausu

plausu maximo cum esset mihi gratulatio, significata; similis & frequentia, & plausus me usque ad Capitolium celebravit. in foro, & in ipso Capitolio miranda multitudo fuit. postridie in senatu, quæ fuit dies non. Sept. senatui gratias egimus. eo bi-duo cum esset annonæ summa caritas, & homines ad theatrum primo, deinde ad senatum concurrissent, impulsu Clodij; mea opera frumenti inopiam esse clamarent; cum per eos dies senatus de annonâ haberetur; & ad eius procurationem sermone non solum plebis, verum etiam bonorum Pompeius uocaretur; idq. ipse cuperet; multitudoq. a me nominatim, ut id decernerem, postularet: feci, & accerite sententiam dixi; cum abessent consulares, quod tuto se negarent posse sententiam dicere, præter Messallam, & Afranium. factum est S. C. in meam sententiam, ut cum Pompeio ageretur; ut eam rem susciperet, lexq. ferretur. quo S. C. recitato, cum concio, more hoc insulso & nouo, plausum, meo nomine recitando, dedisset; habui concionem. omnes magistratus præsentem, præter unum prætorem, & duos tribunos pl. dederunt. postridie senatus frequens, & omnes consulares nihil Pompeio postulanti negarunt. ille legatos quindecim cum postularet, me principem nominauit; & ad omnia me alterum se fore dixit. consules legem conscripserunt, qua Pompeio per quinquennium omnis potestas rei frumentariæ toto orbe terrarum daretur: alteram Messius, qui omnis dat pecuniæ
pe-

potestatem, & adiungit classim, & exercitum, & maius imperium in provincijs, quam sit eorum, qui eas obtineant. illa nostra lex consularis nunc modesta uidetur, haec Messii non ferenda. Pompeius illam uelle se dicit, familiares hanc. consulares duce Fauonio fremunt. nos tacemus, & eo magis, quod de domo nostra nihil adhuc pontifices responderant. qui si sustulerint religionem, aream praeclaram habebimus, superficiem consules ex S. C. aestimabunt: sin aliter, demolientur, suo nomine locabunt, rem totam aestimabunt. Ita sunt res nostrae; ut in secundis, fluxae; ut in aduersis, bonae. In re familiari ualde sumus, ut scis, perturbati. praeterea sunt quaedam domestica, quae litteris non committo. Quintum fratrem, insigni pietate, uirtute, fide praeditum, sic amo, ut debeo. Te expecto; & oro, ut matures uenire. eoque animo uenias, ut me tuo consilio egere non sinas. alterius uitae quoddam initium ordimur. iam quidam, qui nos absentes defenderunt, incipiunt praesentibus occulte irasci, aperte inuidere. uehementer te requirimus. Vale.

CICERO S. D. ATTICO. 2

SI FORTE rarius tibi a me, quam a ceteris, litterae redduntur; peto a te, ut id non modo non negligentiae meae, sed ne occupationi quidem tribuas: quae etsi summa est, tamen nulla esse potest tanta, ut interrumpat iter amoris nostri,

&

et officij mei. nam ut ueni Romam, iterum nunc sum certior factus, esse cui darem litteras: itaque has alteras dedi. prioribus tibi declaravi, aduentus noster qualis fuisset, & quis esset status, atque omnes res nostrae quemadmodum essent, ut in secundis, fluxae, ut in aduersis, bonae. Post illas datas, secuta est summa contentio de domo. diximus apud pontifices prid. kal. Oct. acta res est accurate a nobis: & si umquam in dicendo fuimus aliquid, aut etiam si numquam alias fuimus, tum profecto doloris magnitudo uim quandam nobis dicendi dedit. itaque oratio iuuentuti nostrae deberi non potest: quam tibi, etiam si non desideras, tamen mittam cito. Cum pontifices decreissent, ita, si neque populi iussu, neque plebiscito, qui se dedicasse diceret, nominatum ei rei praefectus esset, neque populi iussu, aut plebiscito id facere iussus esset, uideri, posse sine religione iam partem arcae mihi restitui; mihi facta statim est gratulatio. nemo enim dubitat, quin domus nobis esset adiudicata. tum subito ille in concionem adscendit, quam Appius ei dedit. nūciat iam populo, pontifices secundum se decreuisse, me autem ui conari in possessionem uenire. hortatur, ut se, & Appium sequantur, & suam libertatem ut defendāt. hic cum etiam illi infimi partim admirarentur, partim irriderent hominis amentiam; ego statueram illuc non accedere, nisi cum consules ex S. C. porticum Catuli restituendam locassent. kal. Oct. habetur senatus frequens. adhibentur

omnes pontifices, qui erant senatores. a quibus Marcellinus, qui erat cupidissimus mei, sententiam primus rogatus, quaesivit, quid essent in decernendo secuti. tum Lucullus de omnium collegarum sententia respondit, religionis iudices pontifices fuisse, legis senatum: se, & collegas suos de religione statuisse, in senatu de lege statuturos. quisque horum, loco sententiam rogatus, multa secundum causam nostram disputavit. cum ad Clodium ventum est, cupit diem consumere: neque ei finis est factus: sed tamen, cum horas tres fere dixisset, odio, & strepitu senatus coactus est aliquando perorare. cum fieret S. C. in sententiam Marcellini; omnibus praeter unum assentientibus, Serranus intercessit. de intercessione statim ambo consules referre coeperunt: cum sententiae gravissimae diceretur; senatui placere, mihi domum restitui, porticum Catuli locari, auctoritatem ordinis ab omnibus magistratibus defendi; si quae uis esset facta: senatum existimaturum, eius opera factum esse, quis S. C. intercessisset: Serranus pertimuit: et Cornicinus ad suam ueterem fabulam rediit: abiecta toga, se ad generi pedes abiicit. ille noctem sibi postulavit. non concedebant: reminiscebantur enim kal. Ian. uix tamen sibi de mea uoluntate concessum est. postridie S. C. factum est id, quod ad te misi, deinde consules porticum Catuli restituendam locarunt: illam porticum redemptores statim sunt demoliti libentissimis omnibus. nobis superficiem aedium consules

de

de consilij sententia aestimarunt HS uicies, cetera ualde illiberaliter, Tusculanam uillam quingentis millibus, Formianum HS ducentis quinquaginta millibus. quae aestimatio non modo uehementer ab optimo quoque, sed etiam a plebe reprehenditur. dices, quid igitur causae fuit? dicunt illi quidem; pudorem meum; quod neque negarim, neque uehementius postularim: sed non est id: nam hoc quidem etiam profuisset: uerum idem, mi T. Pompei, idem inquam illi, quos ne tu quidem ignoras, qui mihi pinnas inciderant, nolunt easdem renasci: sed, ut spero, iam renascuntur: tu modo ad nos ueni: quod uereor ne tardius interuentu Varronis tui, nostrique facias. Quoniam, aeta quae sint, habes; de reliqua nostra cogitatione cognosce. Ego me a Pompeio legari ita sum passus, ut nulla re impedirer; quin, si uellem, mihi esset integrum aut, si comitia censorum proximi consules haberent, petere posse, aut uotiuam legationem suscipere prope omnium sanorum, ac sacrorum locorum: sic enim nostrae rationes postulabant: sed uolui meam potestatem esse uel petendi, uel ineunte aestate exeundi: et, interea me esse in oculis ciuium de me optime meritorum, non alienum putauit. Ac forensium quidem rerum haec nostra consilia sunt, domestica autem ualde impedita. Domus aedificatur: scis, quo sumptu, qua molestia. reficitur Formianum; quod ego nec relinquere possum, nec uidere: Tusculanum proscripsi: suburbanum non facile careo.

amicorum benignitas exhausta est in ea re, quae nihil habuit praeter dedecus. quod sensisti tu absens, praesentes. quorum studijs ego, & copijs, si esset per meos defensores licitum, facile essem omnia consecutus. quo in genere nunc uehementer laboratur. Cetera, quae me sollicitant, *μυσικά* sunt. amamur a fratre, & a filia. te exspectamus. Vale.

CICERO S. D. ATTICO.

3

AVERE te certo scio; cum scire, quid hic agatur, tum a me scire; non quo certiora sint ea, quae in oculis omnium geruntur, si a me scribantur, quam cum ab alijs aut scribuntur tibi, aut nunciantur; uerum ut perspicias ex meis litteris, quo modo ea feram, quae geruntur, & qui sit hoc tempore aut mentis meae sensus, aut omnino uitae status. Armatis hominibus ante diem tertium non. Non. expulsi sunt feбри de area nostra, dislurbata porticus Catuli, quae ex S. C. consulum locatione reficiebatur, & ad tectum paene peruenerat. Quincti fratris domus primo fracta coniectu lapidum ex area nostra, deinde inflammata, iussu Clodij, inspectantur urbe, coniectis ignibus, magna quaerela, & gemitu, non dicam bonorum, qui, nescio, an ulli sint, sed plane hominum omnium. ille uehemens furere. post hunc uero furorem nil nisi caedem inimicorum cogitare, uicatim ambire, seruis aperte spem libertatis ostendere. etenim antea, cum iudicium nolebat, habebat ille quidem difficilem, manifestamque causam

causam, sed tamen causam: id poterat inficiari, poterat in alios deriuare, poterat etiam aliquid iure factum defendere. post has ruinas, incendia, rapinas, desertus a suis, uix iam Decimum designatorem, uix Gellium retinet: seruorum consilijs utitur: uidet, si omnes, quos uult, palam occiderit, nihilo suam causam difficiliorem, quam adhuc sit, in iudicio futuram: itaque ante diem tertium id. Nou. cum Sacra uia descenderem, insecutus est me cum suis. clamor, lapides, fustes, gladij, haec improvisa omnia: discessimus in uestibulum M. Tettij Damionis. qui erant mecum, facile operas aditu prohibuerunt. ipse occidi potuit: sed ego diaeta curari incipio: chirurgiae taedet. ille omnium uocibus cum se non ad iudicium, sed ad supplicium praesens trudi uideret, omnes Catilinas, Acidinos postea reddidit. nam Milonis domum, meamque in Ceramio prid. id Nou. expugnare, & incendere ita canatus est, ut palam hora v. cum scutis homines, eductis gladijs, alios cum accensis facibus adduxerit. ipse domum P. Sullae pro castris sibi ad eam impugnationem sumpserat. tum ex Anniana Milonis domo ^t Q. Flactus eduxit uiros acres, occidit homines ex omni latrocinio Clodiano notissimos: ipsum cupiuit; sed ille se in interiorem aedium Sulla se. in senatu po * stridie idus. domi Clodius: egregius Marcellinus, omnes acres. Metellus calumnia dicendi tempus exemit, adiuuante Oppio, etiam hercule familiari tuo; de cuius constantia, uirtute uerissimae litte-

rae. Sextius furere. ille postea, si comitia sua non
 fierent, urbi minari. proposita Marcellini senten-
 tia, quam ille de scripto ita dixerat, ut totam no-
 stram causam arcae, incendiorum, periculi mei, iu-
 dicio completeretur, eaq. omnia comitijs antefere-
 ret: proscripsit, se per omnes dies comitiales de cae-
 lo seruaturum. conciones turbulentae Metelli, te-
 merariae Appij, furiosissimae Publij. haec tamen
 summa nisi Milo in campum obnunciasset, comitia
 futura. ante diem XII. kal. Dec. Milo media no-
 cte cum magna manu in campum uenit. Clodius,
 cum haberet fugitiuorum deiectas copias, in cam-
 pum ire non est ausus. Milo permansit ad meri-
 dicem, mirifica hominum laetitia, summa cum glo-
 ria. contentio fratrum trium turpis, fracta uis, con-
 temptus furor. Metellus tamen postulat, ut sibi
 postero die in foro obnunciatur: nihil esse, quod in
 campum nocte ueniretur: se hora prima in Comitio
 fore. itaque ante diem XI. kal. Ian. in Comitium
 Milo de nocte uenit, Metellus cum prima luce fur-
 tim in campum itineribus prope deuijs currebat.
 assequitur inter lucos hominem Milo, obnunciat.
 ille se recipit, magno, & turpi Q. Flacci concilio.
 ante diem X. kal. nundinae. concio biduo nulla. an-
 te diem VIII. kal. haec ego scribebam, hora no-
 ctis nona. Milo campum iam tenebat. Marcellus
 candidatus ita stertebat, ut ego uicinus audirem.
 Clodij uestibulum uacuum sane mihi nunciabatur,
 paucis pannosis, sine laterna. meo consilio omnia il-

li fieri querebantur, ignari quantum in illo heroe esset animi, quantum etiam consilij. miranda uirtus est. noua quaedam diuina mitto. sed haec summa est. comitia fore non arbitror. Publium reum, nisi ante occisus erit, a Milone fore puto. si se inter uiam obtulerit, occisum iri ab ipso Milone uideo. non dubitat facere: praesefert: casum illum nostrum non extimescit: numquam enim cuiusquam inuidi, & perfidi cōsilio est usus: nec incerti nobili crediturus. Nos animo dumtaxat uigemus, etiā magis, quam cum florebamur: re familiari comminuti sumus. Quincti fratris tamen liberalitati pro facultatibus nostris, ne omnino exhaustus essem, illo recusante, subsidijs amicorum respondemus. quid consilij de omni nostro statu capiamus, te absente nescimus. quare appropera. Vale.

CICERO S. D. ATTICO.

4

PERIVCUNDVS mihi Cincius fuit ante diem tertium kal. Febr. ante lucem. dixit enim mihi, te esse in Italia, seseq. ad te pueros mittere: quos sine meis litteris ire nolui: non quo haberem, quod tibi, praesertim iam prope praesenti, scriberem: sed ut hoc ipsum significarem, mihi aduentum tuum suauissimum expectatissimumq. esse. quare aduola ad nos, eo animo, ut nos ames, & te amari scias. cetera coram agemus. haec properantes scripsimus. quo die uentes, utique cum tuis apud me sis. perbel-le feceris, si ad nos ueneris, offendes designationem

I 4

Tyran.

Tyrannionis, mirificam librorum meorum bibliothecam; quorum reliquiae multo meliores sunt, quam putaram. etiam uelim mihi mittas de tuis librariolis duos aliquos, quibus Tyrannio utatur glutinatoribus, ad cetera administris; ijsq. imperes, ut sumant membranulam, ex qua indices fiant, quos uos Graeci, ut opinor, συλλάβους appellatis. Sed haec, si tibi erit commodum: ipse uero utique fac uenias, si potes in his locis adhaerescere, & Piliam adducere. ita enim & aequum est, & cupit Tullia. Mediusfidius nae tu emisisti locum praeclarum. gladiatores audio pugnare mirifice. si locare uoluisses, duobus his muneribus liberaresses. Sed haec posterius. tu fac uenias & de librarijs, si me amas, diligenter. Vale.

CICERO S. D. ATTICO. 5

AIN TV? exislimas ab ullo malle mea legi, probarique, quam a te? cur igitur cuiquam misi prius? urgebar ab eo, ad quem misi, & non habebam exemplar. quid? etiam: (dudum enim circumrodo, quod deuorandum est) subturpicula mihi uidebatur esse παλινωδία. sed ualeant recta, uera, honesta consilia. non est credibile, quae sit perfidia in istis principibus, ut uolunt esse, & ut essent, si quidquam haberent fidei. senseram, noram, inductus, relictus, proiectus ab ijs: tamen hoc erat in animo, ut cum ijs in rep. consentirem. ijdem erant, qui fuerant. uix aliquando te auctore resipini. dices,

ea te monuisse, suasse, quae facerem: non etiam ut scriberem. ego mehercule mihi necessitatem uolui imponere huius nouae coniunctionis; ne qua mihi liceret labi ad illos, qui etiam tum, cum misereri mei debent, non desinunt inuidere. sed tamen modici fuimus ὑποδίσται, ut scripsi. erimus liberes, si & ille libenter accipiet, & ij subringentur, qui uillam me moleste ferunt habere, quae Catuli fuerat, aut etiam emisse non cogitant; qui domum negant oportuisse me aedificare, uendere aiunt oportuisse. sed quid ad hoc? si, quibus sententijs dixi quod & ipsi probarent, laetati sunt tamen me contra Pompeij uoluntatem dixisse. sed quoniam, qui nihil possunt, ij me nolunt amare; demus operam; ut ab ijs, qui possunt, diligamur. dices: uellem, iam pridem. scio te uoluisse, & me. aſt nugigeram manum fuisse. iam tempus est me ipsum a me amari, quando ab illis nullo modo possum. Domum meam quod crebro inuisis, est mihi ualde gratum. Viaticum Crassipes praeripit. Tu de uia recta in hortos. uidetur commodius ad te. poſtridie scilicet: quid enim tua? sed uiderimus. Bibliothecam mihi tui pinxerunt constructione, & sittybis. eos uelim laudes. Vale.

CICERO S. D. ATTICO.

6

DE LENTULO scilicet sic fero, ut debeo, uirum bonum, et magnum hominem, & in summa magnitudine animi multa humanitate temperatum per-

perdidimus; nosq. malo solatio, sed non multo, tamen consolamur, quod ipsius uicem minime dolemus, non ut Saufeius, & ueslri, mehercule quia sic amabat patriam, ut mihi aliquo deorum beneficio uideatur ex eius incendio asse ereptus. nam quid soedius nostris uita? praecipue mea? nam tu quidem, etsi es natura πολιτικός, tamen nullam habes propriam seruitutem: communi frueris nomine. ego uero, qui, si loquor de rep. quod oportet, insanus; si, quod opus est, seruus existimor; si taceo, oppressus, & captus; quo dolore esse debeo? quo sum scilicet, hoc etiam acriore, quod ne dolere quidem possum, ut non ingratus uidear. quid, si cessare libet, & in otij portum confugere? nequidquam. immo etiam in bellum, et in castra. ergo erimus ὁπαδοί, qui ταγὸν esse noluimus? sic faciendum est. tibi enim ipsi, cui utinam semper paruifsem, sic uideo placere. reliqui est: πᾶρταν ἑλαχίστην ταύτην, κίσκεται. non mehercule possum; & Philoxeno ignosco, qui reduci in carcerem maluit. uerum tamen id ipsum mecum in his locis commentor, ut ista improbem: idq. tu, cum una erimus, confirmabis. A te litteras crebro ad me scribi uideo; sed omnes uno tempore accepi. quae res etiam auxit dolorem meum: casu enim trinas ante legeram, quibus, meliuscule Lentulo esse, scriptum erat. ecce quartae fulmen. sed ille, ut scripsi, non miser, nos uero serui. Quod me admones, ut scribam illa Hortensiana: in alia incidi, non immemor illius μάδα-

ti tui : sed mehercule incipiendo refugi; ne, quod uideor stulte illius amici non intempericm tulisse, rursus stulte iniuriam illius faciam illustrem, si quid scripsero; & simul, ne Cadutus mea, quae in agendo apparuit, in scribendo sit occultior, & aliquid satisfacto lenitatis habere uideatur. Sed uiderimus. tu modo quam saepissime ad me aliquid. Epistolam, Luceio quam misi, qua, res meas ut scribat, rogo, fac, ut ab eo sumas: ualde bella est: eumque, ut a pproperet, adhorteris: &, quod mihi se ita facturum rescripsit, agas gratias. Domum nostram, quoad poteris, inuisas. Vestorio aliquid significes. ualde enim est in me liberalis. nihil *ἄχαρις* *τερον*. Vale.

CICERO S. D. ATTICO.

7

EPISTOLA tua me sollicitum de Quinto no stro, puero optimo, ualde leuauit. uenerat horis duabus ante Cherippus: mera monstra nunciarat. De Apollonio quod scribis, qui illi dii irati, homini Graeco, qui conturbare quidem putat sibi licere, quod equitibus R. nam Terentius suo iure. De Metello, *οὐχ ὅτι ἐδικέρισται*; sed tamen multis annis ciuis nemo erat mortuus. quid quidem tibi? nummi meo periculo sint: quid enim uereris; quem cumque heredem fecit? nisi Publium fecit. uerum fecit non improbe, quamquam fuit ipse. quare in hoc thecam nummariam non retexeris: in alijs eris cautior. Mea mandata de domo curabis: praesidia locabis:

locabis : Milonem admonebis . Arpinatum fremi-
tus est incredibilis de Laterio . quid quaeris ? ecqui-
dem dolui . ὁ δὲ οὐκ ἐμπαΐζeto μύθων . Quod su-
pereest , etiam puerum Ciceronem curabis , &
amabis , ut facis . Vale .

CICERO S. D. ATTICO. 8

MULTA me in epistola tua delectarunt , sed
nihil magis , quam patina tyrotarichi . nam de rau-
dusculo quod scribis , μήπω μέγ' ἔπης πρὶν τελευτή-
σαντ' ἰδης . aedificati tibi in agris nihil reperio . in o-
pido est quiddam , de quo est dubium , sit ne uenale ;
ac proximum quidem nostris aedibus . hoc scito ,
Antium Buthrotum esse Romae , ut Corcyrae illud-
tuum . nihil quietius , nihil alsius , nihil amoenius .
ΕΙΜΗΙ CΗΤΩΦ ΙΔΟC. ΚΟC. postea uero
quam Tyrannio mihi libros disposuit , mens addita
nidetur meis aedibus . qua quidem in re mirifica
opera Dionysij , & Menophili tui fuit . nihil uenu-
stius , quam illa tua pegmata . postquam misisti , li-
bros illustrarunt ualde . Et scribas ad me uelim de
gladiatoribus , sed ita , bene si rem gerunt : non
quaero male sic egisse . Apenas uix discesserat , quē
epistola . quid ais ? putas ne fore , ut legem non
ferat ? dic , oro te , clarius : uix enim mihi exaudis-
se uideor . uerum statim fac ut sciam , si modo est
commodum . Ludis quidem quoniam dies est addi-
tus , eo etiam melius hic eum diem cum Dionysio
conteremus .

De Trebonio prorsus tibi assentior. De Domitio,

Σύκω, μὰ μὴν δῆμοντα, σῦκον, ἔδδ' ἐν

Οὕτως ὁμοίον γέγονεν,

quam est ista περὶ σεαυτοῦ nostrae: uel quod ab iisdem,
uel quod praeter opinionem, uel quod uiri boni nusquam:
unum dissimile. quod huic merito. nam de ipso casu nescio,
an illud melius. quid enim hoc mihi serius, quam eum, qui tot annos, quod habet, designatus
consul fuerit, fieri consulem non posse? praesertim cum aut solus,
aut certe non plus, quam cum altero petat. si uero id est, quod nescio an sit,
ut non minus longas iam in codicillorum fastis futurorum
consulum paginulas habeat, quam factorum; quid illo miserius?
nisi resp. in qua ne speratur quidem melius quidquam. De Natta ex tuis
primum sciui litteris. oderam hominem. De poemate quod quaeris,
quid si cupiat effugere? quid si sinat? De Fabio Lusco quod eram exorsus,
homo peramans semper nostri fuit, nec mihi unquam odio:
satis enim acutus, & permodestius, ac bene frugi. eum quia non uidebam,
abesse putabam. audiui ex Gaio hoc Firmano, Romae esse hominem,
& fuisse assiduum. percussit animum. dices, tantula ne causa?
permulta ad me detulerat non dubia de Firmanis fratribus.
quid sit, quod se a me remouit, si modo remouit, ignoro. De eo,
quod me mones, ut & me geram πολιτικῶς, & in eo γράμμην
teneam; ita faciam: sed opus est maiore prudentia, quam a te,
ut soleo, potam. Tu uelim & Fabium,

si

si quem habes aditum, odorere; & istum conuiuiam tuum degustes; & ad me de istis rebus, & de omnibus quotidie scribas. ubi nihil erit, quod scribas, id ipsum scribito. Cura ut ualeas.

CICERO S. D. ATTICO. 9

PUTEOLIS magnus est rumor, Ptolemaeum esse in regno. si quid habes certius, uelim scire. Ego hic pascor bibliotheca Fausti. fortasse tu putabas his rebus Puteolanis, & Lucrinensibus. ne ista quidem desunt: sed mehercule a ceteris oblectationibus deseror, & uoluptatibus propter remp. sic litteris sustentor, & recreor; maloq. in illa tua sedecula, quam habes sub imagine Aristotelis, sedere, quam in istorum sella curuli; tecumq. apud te ambulare; quam cum eo, quocum uideo esse ambulandum. Sed de illa ambulatione fors uiderit, aut si quis est, qui curet deus. Nostram ambulationem, & Laconicum, eaque, quae Cyrea sint, uelim, cum poteris, iuuifas, & urgeas Philotimum, ut properet; possim tibi aliquid in eo genere respondere. Pompeius in Cumanum Palilibus uenit: misit ad me statim, qui salutem nunciaret. ad eum postridie mane uadebam, cum haec scripsi. Vale.

CICERO S. D. ATTICO. 10

SANE uelim scire, num censum impendant tribuni diebus uitiandis, (est enim hic rumor) totaq. de censura quid agant, quid cogitent. Nos hic
cum

cum Pompeio fuimus . multa metum de rep. sane sibi displicens ut loquebatur: (sic est enim in hoc homine dicendum) Syriam spernens, Hispaniam iactans . hic quoque, ut loquebatur: & opinor usquequaque, de hoc cum dicemus, sit hoc quasi, καὶ τόδε παυλίδου . tibi etiam gratias agebat, quod signa componenda suscepisses . in nos uero suauissime hercule est effusus . uenit etiam ad me in Cumanum; ac se nihil minus uelle, mihi uisus est, quam Messallam consulatum petere. de quo ipso si quid scis, uelim scire . Quod Lucceio scribis te nostram gloriam commendaturum, & aedificium nostrum quod crebro inuisis; gratum. Quinctus frater ad me scripsit, se, quoniam Ciceronem suauissimum secum haberet, ad te nouis Mai. uenturum. Ego me de Cumano moui ante diem v. kal. Mai. eo die Neapoli apud Laetum ante diem iiii. kal. Mai. iens in Pompeianum, bene mane haec scripsi. Vale.

CICERO S. D. ATTICO. II

DELECTARVNT me epistolae tuae: quas accepi uno tempore duas ante diem v. kal. perge reliqua. gestio scire ista omnia . etiam illud cuiusmodi sit, uelim perispicias: potes a Demetrio . dixit Pompeius, Crassum a se in Albano expectari ante diem iiii. kal. is cum uenisset, Romam esse statim uenturos, ut rationes cum publicanis putarent. quae siui, gladiatoribus ne? respondit, ante quam inducerentur . id cuiusmodi sit, aut nunc, si scias,

02. 110

aut

aut cum is Romam uenerit, ad me mittas uelim. Nos hic uoramus litteras cum homine mirifico (ita mehercule sentio) Dionysio, qui te, omnesq. uos salutat. ἔδδεν γλυκύτερον, ἢ πάντα εἰδέναι. quare, ut homini curioso, ita perscribe ad me, quid primus dies quid secundus, quid censores, quid Appius, quid illa populi Appuleia. denique, etiam quid a te fiat, ad me uelim scribas. non enim (ut uere loquamur) tam rebus nouis, quam tuis litteris, delector. Ego mecum, praeter Dionysium, duxi neminem: nec metuo tamen, ne mihi sermo desit abs te; quo magnopere delector. Tu Luceio nostrum librum dabis. Demetrii Magnetis tibi mitto; statim ut sit, qui a te mihi epistolam referat. Vale.

CICERO S. D. ATTICO. 12

EGNATIVS Romae est. sed ego cum eo de re Halimeti uehementer ante egi. grauiter se acturum cum Aquillio confirmauit. uidebis ergo hominem, si uoles. Macroni uix uideor praesto esse. idibus enim auctionem Larini uide o, & biduum praeterea. id tu, quoniam Macronem tanti facis, ignoscas mihi, uelim. Sed, si me diligis, postridie kalendis cena apud me cum Pilia. prorsus id facies. kalendis cogito in hortis Crassipedis, quasi in diuersorio, cenare. facio fraudem S. C. inde domum cenatus, ut sim mane praesto Miloni. ibi te igitur uidebo, & promouebo. Domus nostra te tota salutat. Vale.

CICERO

CICERO S. D. ATTICO. 13

Nos in Tusculanum uenisse ad xvi. kal. Dec. uideo te scire. ibi Dionysius nobis praesto fuit. Romae ad xiv. kal. uolumus esse: quid dico, uolumus? immo uero cogimur. Milonis nuptiae, comitiorum non nulla opinio est. ergo ut sit rata. *
 Absuisse me in altercationibus, quas in senatu factas audio, fero non moleste. nam aut defendissem, quod non placeret; aut desuissem, cui non oporteret. sed mehercule uelim, res istas, & praesertim statum reip. & quo animo consules ferat hunc σκυλαμὸν, rescribas ad me, quantum potes, & uales. sum ὁξύπνεος: & si quaeris, omnia mihi sunt suspecta. Crassum quidem nostrum minore dignitate aiunt profectum paludatum, quam olim aequalem eius L. Paullum, iterum consulem. o hominem nequam. De libris oratorijs factum est a me diligenter. diu, multumq. in manibus fuerunt. describas licet. Illud etiam te rogo, τὴν παροῦσαν τὰτάξασιν τυχεῖν δῶς: ne istuc hospes ueniam. Vale.

CICERO S. D. ATTICO. 14

VESTORIVS noster me per litteras facit certiore, te Roma ad vi. id. Mai. putare profectum esse; tardius, quam dixerat, quod minus ualuisset. si iam melius uales uehementer gaudeo. Velim, domum ad tuos scribas, ut mihi tui libri pateant, non secus, ac si ipse adesses, cum

K ceteri,

ceteri, tum Varronis. est enim mihi utendum quibusdam rebus ex ijs libris ad eos, quò in manibus habeo: quos, ut spero, tibi ualde probabo, uelim, si quid forte noui habes, maxime a Quinto fratre, deinde a C. Caesare, & si quid forte de comitijs, de rep. (soles enim tu haec festine odorari) conscribas ad me. si nihil habebis, tamen scribas aliquid. numquam enim mihi tua epistola aut intempestiua, aut loquax uisa est. maxime autem rogo, rebus tuis, to toq. itinere ex sententia confecto, nos quamprimum renisas. Dionysium iube saluere. Cura, ut ualeas.

CICERO S. D. ATTICO. 15

DE Eutychide, gratum; qui uetere praenomine, nouo nomine T. erat Caecilius, ut est ex me, & ex te iunctus Dionysius M. Pomponius, ualde me hercule mihi gratum, si Eutychides tuam erga me beneuolentiam cognoscet, suam illam in meo dolore ^{ἐν τῇ πένθει} neque tum mihi obscuram, neque post ingratam fuisse. Iter Asiaticum tuum puto tibi suscipiendum fuisse. numquam enim tu sine iustissima causa tam longe a tot tuis & hominibus, & rebus carissimis, & suauissimis abesse uoluisses. sed humanitatem tuam, amoremq. in tuos reditus celeritas declarabit. sed uereor, ne lepore suo detineat diutius praetor Clodius, & homo pereruditus, ut aiunt, & nunc quidem deditus graecis litteris Piturnis. sed, si uis homo esse recipe te ad nos ad quod tempus confirmasti. cum illis tum, cum salui uenerint,

rint; Romae uiuere licebit. Auere te scribis; acci-
pere aliquid a me litterarum dedi, ac multis qui-
dem de rebus ἡμῶν λέγδον perscripta omnia: sed, ut
conijcio, quoniam mihi non uideris in Epiro diu fu-
isse, redditus tibi non arbitror: genus autem mea-
rum ad te litterarum eiusmodi fere est, ut non li-
beat cuiquam dare, uisi de quo exploratum sit, tibi
eum redditurum. Nunc Romanas res accipe, Ad
III. non. Quinct. Sufenas, & Cato absoluti: Pro-
cilius condemnatus: ex quo intellectum est, tres
ἐποταγῖται: ambitum, comitia, interregrum, ma-
iestatem, totam denique remp. flocci non facere.
debemus, patrem familias domi suae occidere nolle,
neque tamen id ipsum abunde: nam absoluerunt.
XXII. condemnauerunt XXV. III. Publius sane
diserto epilogo criminans; mentes iudicum moue-
rat. Prælis in ea causa fuit, cuiusmodi solet. nos
uerbum nullum. uerita est enim pusilla, quae nunc
laborat, ne animum Publij offenderet. His rebus
actis, Reatini me ad sua τῆμῶν duxerunt; ut age-
rem causam contra Interamnates apud consulem;
& decem legatos, quod lacus Velinus, a M. Curio,
emissus, interciso monte, in Nar defluit. ex quo est
illa siccata, & humida tamen modice Rosia: uixi
cum Axio: qui etiam me ad Septem Aquas du-
xit. Redij Romam Fonteij causa: ad V. I. I. id.
Quinct. ueni: spectaculum; primum; magno &
aequabili plausu: (sed hoc ne curaris: ego ineptus
qui scripserim) deinde, Antiphonti operamus. is e-

rat ante manumissus, quam productus. ne diutius pendeas, palmam tulit. sed nihil tam pusillum, nihil tam sine uoce, nihil tam uerum. haec tu tecum habeto: in Andromacha tamen maior fuit, quam Astyanacte. nam in ceteris parem habuit neminem. quaeris nunc de Arbúscula: ualde placuit. Ludi magnifici, & grati. Venatio in aliud tempus dilata.

Sequere nunc me in campum. ardet ambitus. *οὐκ ἔστω ἰππῶ*. foenus ex triente idibus Quinti. factum erat bessibus: dices, istud quidem non moleste fero. o uirum, o ciuem. Memmii Caesaris omnes opes confirmant. cum eo Domitium consulem iunxerunt; qua pactione, epistolae committere non audeo. Pompeius fremit, queritur, Scauro studet: sed utrum fronte, an mente, dubitatur. *ἔχῃ* nulla est: pecunia omnium dignitatem exaequat. Messalla languet: non quo aut animus desit, aut amici: sed coitio consulum, & Pompeius obsunt. ea comitia, puto fore, ut ducantur. Tribunicij candidati iurauerunt se arbitrio Catonis petituros. apud eum *ἑξ* quingena deposuerunt; ut, qui a Catone damnatus esset, id perderet, & competitoribus tribueretur. haec ego pridie scribebam, quam comitia fore putabantur. sed ad te v. kal. Sext. si facta erunt, & tabellarius non erit profectus, tota comitia perscribam. quae si, ut putantur, gratuita fuerint; plus unus Cato potuerit, quam omnes quidem iudices. Messius defendebatur a uobis, e legatione renocatus. nam cum Caesari legarat Appius. Servilius edixit,

dixit, ut adesset. tribus habet Pontinam, Velinam
Maeciam. pugnatur acriter, agitur tamen satis.
deinde me expedito ad Drusum, inde ad Scaurum.
parantur orationibus iudices gloriosi. fortasse acce-
dent etiam consules designati. in quibus si Scaurus
non fuerit, in hoc iudicio ualde laborabit. Ex Quin-
ti fratris litteris suspicor iam eum esse in Britan-
nia. suspensio animo exspecto, quid agat. illud qui-
dem sumus adepti, quod multis & magnis indicijs
possumus iudicare, nos Caesari & carissimos, & in-
cundissimos esse. Dionysium uelim saluere iubeas,
& eum roges, & hortere, ut quamprimum ueniat,
ut possit Ciceronem meum, atque etiam me ipsum
erudire. Vale.

CICERO S. D. ATTICO. 16

OCCUPATIONVM mearum uel hoc signum
erit, quod epistola librarij manu est. De epistola-
rum frequentia te nihil accuso: sed pleraeque tan-
tummodo mihi nuntiabant, ubi esses, quod erat abs
te, uel etiam significabant recte esse. quo in gene-
re maxime delectarunt duae fere eodem tempore
abs te Bruto datae. scire enim uolebam, te commo-
de nauigasse. sed haec epistolarum frequentia non
tam ubertate sua, quam celeritate delectauit. illa
fuit grauis, et plena rerum, quam mihi M. Paccius,
hospes tuus, reddidit. ad eam rescribam igitur, &
hoc primum. Pacciore, & uerbis ostendi, quid tua
commendatio ponderis haberet, itaque in intimis

est meis, cum antea notus non fuisset. nunc pergam
ad cetera. Varro, de quo ad me scribis, includetur
in aliquem locum: si modo erit locus: sed nosti ge-
nus dialogorum meorum: ut in oratorijs, quos tu
in caelum fers, non mentio potuit fieri cuiusquam ab-
ijs, qui disputant. nisi eius, qui illis notus, aut au-
ditus esset. hanc ego de rep. quam institui, dispu-
tationem in Africani personam. & Philii, & Laelii,
& Manilii contuli. adiunxi adolescentes Q. Tuber-
ronem, P. Rutilium, duos Laelii generos, Scacu-
lam, & Fannium: itaque cogitabam: quoniam in
singulis libris utor prooemijs, ut Aristoteles in ijs,
quos ἑταίρους vocat, aliquid efficere, et non sine
caussa islum appellarem: id quod intelligo tibi pla-
cere. utinam modo conata efficere possim. rem e-
nim, quod te non fugit, magnam complexus sum,
& grauem, & plurimum; quo ego maxime egeo.
Quod in ijs libris, quos laudas, personam deside-
ras Scacuolae: non eam temere dimoui: sed feci idem
quod in πολιτεία deus ille noster Plato. cum in Pi-
raeum Socrates uenisset ad Cephalum, locupletem,
& festiuum senem; quo ad primus ille sermo habere-
tur, adest in disputando senex: deinde, cum ipse quo-
que commodissime locutus esset, ad rem diuinam
dicit se uelle discedere; neque postea reuertitur.
credo, Platonem uix putasse satis consonum fore, si
hominem id aetatis in tam longo sermone diutius
retinuisset: multo ego satius hoc mihi cauendum pu-
tavi in Scacuola: qui & aetate, & ualitudine erat

ea, quae meministi, & ijs honoribus, ut uix satis decorum uideretur, eum plures dies esse in Crassi Tusculano. & erat primi libri sermo non alienus a Scaenolae studijs: reliqui libri *τεχνολογία* habent, ut scis. huic ioculatoriae disputationi senem illum, ut noras, interesse sane nolui. De re filiae quod scribis, erit mihi curae. etenim est luculenta Aureliani, ut scribis, iudicijs: & in eo me etiam Tulliae meae uenditabo. Vestorio non desum. gratum enim tibi id esse intelligo, & ut ille intelligat, curo. sed scis, qui? cum habeat duos faciles, nihil difficilius. Nunc ad ea, quae quaeris de C. Catone. Lege Iunia, & Licinia scis absolutum: Fufia ego tibi nuncio absolutum iri, neque patronis suis tam libentibus, quam accusatoribus. is tamen & mecum, & cum Milone in gratiam redijt. Drusus reus est factus a Lucretio, iudicibus reiiciendis ad v. nonas Quinct. De proelio rumores non boni: sed iudicia nosti. Hir-
 rus cum Domitio in gratia est. S. C. quod hic consules de prouincijs fecerunt, Quicumque posthac, non mihi ut quod iam intelligebamus enunciationem il-
 lam Memmij ualde Caesari displicere. Messalla no-
 ster, & eius competitor Domitius liberalis in populo ualde fuit. nihil gratius. certi erant consules. ac senatus decreuit, ut tacitum iudicium ante comitia fieret ab ijs consilijs, quae erant omnibus sortita in singulos. magnus timor candidatorum. sed quidam iudices, in his Opimius Veietorantius, tribunos pl. *
 appellarunt, ne iniussu populi indicarent. rescidit, *

comitia dilata ex S. C. dum lex de tacito iudicio ferretur. uenit legi dies. Terentius intercessit. consules, qui illud leni brachio egissent, rem ad senatum detulerunt. hic Abdera, non tacente me. Dices, tamen tu non quiescis? ignosce, uix possum. uerum tamen quid tam ridiculum? senatus decreuerat, ne prius comitia haberentur, quam lex lata esset: si qui intercessisset, res integra referretur. coepta ferri leuiter. intercessum non inuitis. res ad senatum. de ea re ita censuerunt; comitia primo quoque tempore haberi censere. Scaurus, qui erat paucis diebus illis absolutus, cum ego partem eius ornatissime defendissem, obnunciationibus per Scaeuolam interpositis, singulis diebus usque ad prid. kal. Oct. quo ego haec descripsi, sublati, populo tributim domi suae satisfecerat. sed tamen, etsi uberior liberalitas huius, gratior esse uidebatur eorum, qui occuparant. Cuperem uultum uidere tuum, cum haec legeres. nam profecto rem non habes nullam, haec negotia multarum nundinarum fore. sed senatus hodie fuerat futurus, id est kal. Oct. iam enim lucefcit. ibi loquetur, praeter Antium, & Fauonium, liber nemo. nam Cato aegrotat. de me nihil timueris: sed tamen promitto nihil. Quid quaeris aliud? iudicia; credo. Drusus, Scaurus non fecisse uidentur. tres candidati fore rei putabantur, Domitius a Memmio, Messalla a. Q. Pompeio Rufo, Scaurus a Triario, aut a L. Caesare. quid poteris, iniquies, pro ijs dicere? ne uinam, si scio. in illis quidem

dem tribus libris, quos tu dilaudas, nihil reperio. Nunc ut opinionem habeas rerum, referendum est. Quaeris, ego me ut gesserim? constanter, & libere. Quid ille, inquires, ut ferebat? humaniter; meaeque dignitatis, quoad mihi satisfactum esset, habendam sibi rationem putabat. Quo modo ergo absolutus? omnino. ΠΟΡΠΑΠΤΜΝΑ accusatorum incredibilis infantia, idest L. Lentuli, L. F. quem fremunt omnes praeuaticatum: deinde Pompeij mira contentio, iudicum sordes. attamen XXXII condemnarunt, XXXVIIII absoluerunt. iudicia reliqua impendent. non dum est plane expeditus. Dices, tu ergo haec quo modo fers? belle mehercule, et in eo me ualde amo, amissimus mi Pomponi non omnem modo succum, ac sanguinem, sed etiam colorem, & speciem pristinam ciuitatis. nulla est res, quae deleat, in qua acquiescam. id ne igitur, inquires facile fers? id ipsum. recordor enim, quam bella paulisper nobis gubernantibus ciuitas fuerit. quae mihi gratia relata sit, nullus dolor me angit. posse doluerunt. multa mihi dant solatia. nec tamen ego de meo statu demigro: quaeque uia maxime est ad naturam, ad eam me refero, & litteras, & studia nostra: dicendi laborem delectatione oratoria consolor. domus me, & rura nostra delectant. non recordor, unde ceciderim, sed unde surrexerim. fratrem mecum, & te si habebo, per me ista pedibus trahuntur: uobis ἐμφιλοσοφῆσαι possum.

sum. locus ille animi nostri, stomachus ubi habitabat olim, concaluit. priuata modo, & domestica nos delectant. miram securitatem uidebis: cuius plurimae mehercule partes sunt in tuo reditu. nemo enim in terris est mihi tam consentientibus sensibus. Sed accipe alia. Res fluit ad interregnum; & est non nullus odor dictaturae; sermo quidem multus, qui etiam Gabiniū apud timidos iudices adiunxit. Candidati consulares omnes rei ambitus. accedit etiam Gabinus: quem P. Sulla; non dubitans, quin foris esset, postularat, contra dicente, & nihil obtinente Torquato. sed omnes absoluentur, nec posthac quisquam damnabitur, nisi qui hominem occiderit. Hoc tamen agitur seuerius; itaque indicia calent. M. Fuluius nobilior condemnatus est. multi alij urbani ne respondent quidem. Quid aliud noui? & tamen, absoluto Gabinio, stomachantes alij iudices, hora post, Antiochum Gabinium, nescio quem, solidis pectoribus, libertum, accensum Gabini, lege Papia condemnarunt. itaque dixit statim reus laesae maiestatis. OT CO I M P I C A M A -
 Φ I H. Pontinius uult ad i v. non. Non. triumphare. huic obuiam Cato, & Seruilius praetor aperte, & Q. Mucius trib. negant enim latum de imperio. & est latum hercule insulse. sed erit cum Pontinio Appius cos. Cato tamen affirmat, se uiuū illum non triumphare. id ego puto, ut multa eiusdem, ad nihil recasurum. Appius sine lege suo sumptu in Ciliciam cogitat. Ab Quinto fratre, & a Caesare

Caesare accepi ad ix. kal. Nou. litteras, confecta Britannia, obsidibus acceptis; nulla praeda; impetrata tamen pecunia, datas a littoribus Britanniae, proximo: ad vi. kal. Oct. exercitum Britannia reportabant. Q. Pilius erat iam ad Caesarem profectus. Tu, si aut amor in te est noster, ac tuorum; aut illa ueritas; aut si etiam sapis, ac frui tuis commodis cogitas; aduentare, & prope adesse iam debes. non mehercule aequo animo te careo: te autem, quid mirum, qui Dionysium tantopere desiderem? quem quidem abs te cum dies uenerit, & ego, & Cicero meus flagitabit. Abs te proximas litteras habebam, Epheso, ad v. id. Sext. datas. Vale.

CICERO S. D. ATTICO. 17

O EXSPECTATA mihi tuas litteras, o gratum aduentum, o constantiam promissi, & fidem miram: o nauigationem amandam; quam mehercule ego ualde timebam, recordans superioris tuae transmissionis. sed, nisi fallor, citius te, quam scribis, uidebo. credo enim te putasse, tuas mulieres in Apulia esse: quod cum secus erit, quid te Apuliamoretur? nam Vestorio dandi sunt dies, & ille latius ἀπ' ἡλίου ex intervallo regustandus. quin tu huc aduolas, & inuis illius nostrae reip. germanae putauit de nummis ante comitia tributim * uno loco diuisis palam: uide absolutum Gabinium: detur, esse ualiturum. De Messalla quod quaeris, quod

quid scribam, nescio: numquam uidi tam pares candidatos. Messallae copias nosti. Scaurum Triarius reum fecit. si quaeris, nulla est magnopere commota *συντάξις*. sed tamen habet aedilitas eius memoriam non ingratam; & est pondus apud rusticos in patris memoriam. reliqui duo plebei sic exaequantur, ut Domitius ualeat amicis, adiuuentur tamen non gratissimo munere, Menenius Caesaris commendetur militibus, Pompeij Gallia nitatur. quibus si non ualuerit; putant fore aliquem, qui comitia in aduentum Caesaris detrudat, Catone praesertim absoluto. Paccianae epistolae respondi. cognosce cetera. Ex fratris litteris incredibilia quaedam de Caesaris in me amore cognoui: eaq. sunt ipsius Caesaris uberrimis litteris confirmata. Britanni belli exitus expectatur. constat enim, aditus insulae esse munitos mirificis molibus. etiam illud iam cognitum est, neque argenti scrupulum esse ullum in illa insula, neque ullam spem praedae, nisi ex mancipijs: ex quibus nullos puto te litteris, aut musicis eruditos expectare. Paullus in medio foro basilicam iam paene texuit iisdem antiquis columnis; illam autem, quam locauit, facit magnificentissimam. quid quaeris nihil gratius illo monumento, nihil gloriosius. itaque Caesaris amici, (me dico & Oppium: disrupparis licet) monumentum illud, quod tu tollere laudibus solebas, ut forum laxaremus, & usque ad artium Libertatis explicaremus, contempsimus. sexcenties HS cum prina-

tis non poterat transigi . minore pecunia efficiemus rem gloriosissimam . nam in campo Martio septa tribunicijs comitjs marmorea sumus , & tecta saturi ; eaq. cingemus excelsa porticu ; ut mille passuum conficiatur . simul adiungetur huic operi Villa etiam Publica . Dicis , quid mihi hoc monumentum proderit ? ad quid laboramus res Romanas ? non enim te puto de lustris , quod iam desperatum est , aut de iudicijs , quae lege Plotia fiant , quaerere . Nunc te obiurgari patere , si iure . scribis enim in ea epistola , quam C. Decimius mihi reddidit Buthroto datam , in Asiam tibi eundum esse , te arbitrari . mihi mebercule nihil uidebatur esse , in quo tantulum interesset , utrum per procuratores ageres , an per te ipsum ; ne toties , & tam longe abesses . sed haec mallem , integra re , tecum egisse . profecto enim aliquid egissem . nunc reprimam susceptam obiurgationem . utinam ualeat ad celeritatem reditus tui . Ego ad te propterea minus saepe scribo , quod certum non habeo , ubi sis , aut ubi futurus sis . huic tamen nescio cui , quod uidebatur is te uisurus esse , putavi dandas esse litteras . tu , quoniam iturum te in Asiam esse putas , ad quae tempora te expectem , facias me certiore uelim , & de Eutychide quid egeris . Vale .

CICERO S. D. ATTICO. 18

PUTO te existimare , me , non oblitum consuetudinis , & instituti mei , rarius ad te scriberem quam

quam solebam: sed, cum loca, & itinera tua nihil habere certi uideo; neque in Epirum, neque Athenas, neque in Asiam, neque cuiquam, nisi ad te ipsum proficiscenti, dedi litteras. neque enim sunt epistolae nostrae, quae si perlatae non sint, nihil ea res nos offensura sit: quae tantum habent mysteriorum, ut eas ne librarijs quidem fere committamus. Lepidum quo excidat. Consules flagrant infamia, quod C. Memmius candidatus praetionem in senatu recitauit, quam ipse suus competitor Domitius cum consulibus fecisset, ut ambo HS cccc consulibus darent, si essent ipsi consules facti, nisi tres augures dedissent, qui se affuisse dicerent, cum lex curiata ferretur, quae lata non esset; & duos consulares, qui se dicerent in ornandis prouincijs consularibus scribendo affuisse, cum omnino ne senatus quidem affuisset. haec praetio non uerbis, sed nomini- bus, & perscriptionibus, multorum tabulis cum esse facta diceretur; prolata a Memmio est, nominibus inductis auctore Pompeio. hic Appius erat idem: nihil sane iacturae. corruerat alter, & plane, inquam, iacebat. Memmius autem, dirempta coitione inuito Caluino, plane refrixerat, & eo magis nunc concitare dictaturam, fauere iustitio, et omnium rerum licentiae. Perspice aequitatem animi mei, & ludum, & contemptionem Seleucianae prouinciae, & meam hercule cum Caesare suauissimam coniunctionem. haec enim me una ex hoc naufragio tabula delectat. qui quidem Quinctum meum suumque,

tuumque, dii boni, quemadmodum tractat honore, dignitate, gratia; non secus, ac si ego essem imperator. bibernam legionem eligendi optio delata commodum, ut ad me scribit. hunc tu non ames? quem igitur islorum? Sed heus tu, scripseram ne tibi me esse legatum Pompeio? & extra urbem quidem fore ex id. Ian. uisum est hoc mihi ad multa quadrare. sed quid plura? coram, opinor, reliqua; ut tutamen aliquid expectes. Dionysio plurimam salutem: cui quidem ego non modo seruaui, sed etiam aedificaui locum, quid quaeris? ad summam laetitiam meam, quam ex tuo reditu capio, magnus ex illius aduentu cumulus accedit? quo die ad me uenies, si me amas, apud me cum tuis maneas. Vale.

M. TVLLII CICERONIS
EPISTOLARVM AD T.

POMPONIVM ATTICVM

LIBER V.

CICERO S. D. ATTICO.

E
GO VERO & tuum in discessu uidi
animum, & meo sum ipse testis: quo
magis erit tibi uidendum, ne quid noui
decernatur, ut hoc nostrum desiderium
ne plus sit annum. De Annio Saturnino curaſti
probe. De ſatisdando uero te rogo, quoad eris Ro-
mae, tu ut ſatisdes. & ſunt aliquod ſatisdationes ſe-
cundum mancipium, in his & Memmianorum prae-
diorum, uel Atilianorum. De Oppio factum eſt,
ut uolui, & maxime quod DCCC aperuiſti: quae
quidem ego utique uel uerſura facta ſolui uolo; ne
extrema exactio noſtrorum nominum exſpectetur.
Nunc uenio ad tranſuerſum illum extremae epiſto-
loae tuae uerſiculum, in quo me admones de ſorore.
quae res ſe ſic habet. Ut ueni in Arpinum, cum
ad me frater ueniſſet, in primis nobis ſermo, iſq.
multus, de te fuit. ex quo ego ueni ad ea, quae fue-
ramus ego, & tu inter nos de ſorore in Tuſculano
locuti. nihil tam uidi mite; nihil tam placatum, quā-
tum meus frater erat in ſororem tuam; ut etiam,
ſi qua fuerat ex ratione ſumpta offenſio, non appa-
reret. Illo ſic die. poſtridie ex Arpinati proſecti
ſumus

sumus . ut in *Arcano* *Quinctus* maneret , dies fecit :
 ego *Aquini* . sed prandimus in *Arcano* . nosti hunc
 fundum . quo , ut uenimus , humanissime *Quin-*
ctus , *Pomponia* , inquit , tu inuita mulieres , ego
 acciuero pueros . nihil potuit , mihi quidem ut ui-
 sum est , dulcius , idq. cum uerbis , tum etiam ani-
 mo , & uultu . at illa , audientibus nobis , ego sum ,
 inquit , hic hospita : id autem ex eo , ut opinor , quod
 antecesserat *Statius* , ut prandium nobis uideret . tū
Quinctus , en , inquit mihi , haec ego patior quotidie .
 dices , quid , quaeso , istuc erat ? magnum , itaque
 me ipsum commouerat : sic absurde , & aspere uer-
 bis , uultuq. responderat . dissimulaui dolens . discu-
 buimus omnes praeter illam : cui tamen *Quinctus*
 de mensa misit ; illa reiecit . quid multa ? nihil meo
 fratre lenius , nihil asperius tua sorore mihi uisum
 est . & multa praetereo , quae tum mihi maiore sto-
 macho , quam ipsi *Quincto* , fuerunt . ego inde *A-*
quinum , *Quinctus* in *Arcano* remansit , & *Aqui-*
num ad me postridie mane uenit , mihiq. narrauit ,
 nec secum illam dormire uoluisse , & , cum disces-
 sura esset , fuisse eiusmodi , qualem ego uidissem ,
 quid quaeris ? uel ipsi hoc dicas licet , humanitatem
 ei , meo iudicio , illo die defuisse . Haec ad te scripsi
 fortasse pluribus , quam necesse fuit , ut uideres ,
 tuas quoque esse partes instituendi , & monendi .
 Reliquum est , ut ante , quam proficiscare , man-
 data nostra exhaurias , scribas ad me omnia , *Pon-*
tinium extrudas . cum profectus eris , cures , ut sciā .

sic habeads, nihil mehercule te mihi nec carius esse, nec suauius. A. Torquatum amantissime dimisi Minturnis, optimum uirum: cui, me ad te scripsisse aliquid, in sermone significes uelim. Vale.

CICERO S. D. ATTICO.

2

AD V. id. Mai. cum has dabam litteras, ex Pompeiano proficiscebam, ut eo die manerem in Trebulano apud Pontium. deinde cogitabam sine ulla mora iusta itinera facere. In Cumano cum essem, uenit ad me, quod mihi pergratum fuit, noster Hortensius: cui, deposcenti mea mandata, cetera uniuerse mandaui, illud proprie, ne pateretur, quantum esset in ipso, prorogari nobis prouincias. in quo eum tu uelim confirmes, gratumq. mihi fecisse dicas, quod & uenerit ad me, & hoc mihi, praeterea q. si quid opus esset, promiserit. confirmaui ad eam causam etiam Furnium nostrum; quem ad annum tribunum pl. uidebam fore. Habuimus in Cumano quasi pusillam Romam: tanta erat in his locis multitudo; cum interim Rufio noster, quod se a Vestorio obseruari uidebat, strata gemate hominem percussit: nam ad me non accessit. ita ne? cum Hortensius ueniret, & infirmus, & tam longe Hortensius, cum maxima praeterea multitudo, ille non uenit? non, inquam. non uidisti igitur hominem? inquires. qui potui non uidere, cum per emporium Puteolanorum iter facerem? in quo illum, agentem aliquid, credo, salutaui; post
etiam

etiam iussi ualere, cum me e Pansae uilla, num quid uellem, rogasset. hunc hominem parum gratum quisquam putet? aut non in eo ipso laudandum, quod audiri non laborarit? Sed redeo ad illud. Noli putare, mihi aliam consolationem esse huius ingentis molestiae, nisi quod spero non longiorem annua fore. hoc me ita uelle multi non credunt, ex consuetudine aliquorum. tu, qui scis, omnem diligentiam adhibebis, tum scilicet, cum id agi debebit: cum ex Epiro redieris, de rep. scribas ad me uelim, si quid erit, quod operiare. non dum enim satis huc erat allatum, quo modo Caesar ferret de auctoritate perscripta: eratq. rumor de transpadanis, eos iussos I V. uiros creare. quod si ita est, magnos motus timeo: sed aliquid ex Pompeio sciam. Vale.

CICERO S. D. ATTICO.

3

AD VI. id. Mai. ueni in Trebulanum ad Pontium. ibi mihi tuae litterae binae redditae sunt tertio abs te die. eodem autem ex Pompeiano Philotimo dederam ad te litteras. nec uero nunc erat sane, quid scriberem. quid de rep. rumores, scribe quaeso. in opidis enim summum uideo timorem. sed multa inania. quid de ijs cogites, & quando, scire uelim. Ad quas litteras tibi rescribi uelis, nescio. nullas enim adhuc acceperam, praeter quae mihi binae semel in Trebulano redditae sunt. quarum alterae edictum P. Luuij habebant, & erant

autē nonis Mai. datae) alterae rescriptae ad meas Minturnenses, quam uereor, ne quid fuerit *απο-
στατόρεον* in ijs, quas non accepi, quibus rescribi-
uis. Apud Lentulum ponam te in gratiam.
Dionysius nobis cordi est. Nicanor tuus operam
mihi dat egregiam: Iam deest, quid scribam; & lu-
cet. Beneuenti cogitabam hodie. nostra continen-
tia, & diligentia faciemus satis. A Pontio, ex
Trebulano, ad v. id. Mai.

CICERO S. D. ATTICO.

4

BENEVENTVM ueni ad v. id. Mai. ibi ac-
cepi eas litteras, quas tu superioribus litteris signi-
ficaueras te dedisse: ad quas ego ipso eo die dede-
ram ex Trebulano a Pontio. ac binas quidem tuas
Beneuenti accepi. quarum alteras Fesulanus mul-
to mane mihi dedit, alteras scriba Tullius. Gratif-
sima est mihi tua cura de illo meo primo & maxi-
mo mandato: sed tua profectio spem meam debili-
*tat. ac ne illud quidem labat, non quo, sed ino-
pia cogimur eo contenti esse. De illo altero, quem
scribis tibi uisum esse non alienum, uereor adduci,
ut nostris possit (& tuis *δυσδιάγνωστον ὁπότεν ὑ-
οίεν* esse, & quidem summe facilis. sed tu aberis, &
me absente rei habebis rationem meae. nam posset
aliquid, si uteruis nostrum adesset, agente Servio
fieri probabile. nunc, si iam res placeat, agendi
tamen uiam non uideo. Nunc uenio ad illam epi-
stolam,

stolam, quam accepi a Tullio. De Marcello, fecisti diligenter. igitur S. C. si erit factum, scribes ad me: sin minus: rem tamen conficies. mihi enim attribui oportebit, item Bibulo. sed non dubito, quin S. C. expeditum sit, in quo praesertim sit compendium populi. De Dorquato, probe. De Masone, & Ligure, cum uenerint. De illo, quod Cherippus: (quoniam hic quoque ~~opos~~ ^{reus} ~~reus~~ ^{suscepisti}) o prouincia: etiam ne hic mihi curandus est? curandus autē? hastenus, ne quid ad senatū. consule, aut numera, nam DC ceperis. sed tamen cōmode, quod cum Scrofa. De Pontionio, recte scribis. est enim ita, ut, si ante kal. Iun. Brundisii futurus sit, minus urgendi fuerint M. Annius, & Tullius. Quae de Sicinio audisti, ea mihi probantur; modo ne illa exceptio in aliquem incurrat bene de nobis meritum. sed considerabimus. rem enim probo. De nostro itinere, quod stat uero: de quinque praefectis, quid Pompeius factururus sit; cum ex ipso cognoro, faciam, ut scias. De Oppio bene curasti, quod ei DCCC exposuisti: idque, quoniam Philotimum habes, perficere, & cognosce rationem: & ut agam amplius, si me amas, prius quam proficiscaris, effice. magna me cura leuatis. Habes ad omnia. etsi paene praeterij. Cbartam tibi deesse, me cautio est, siquidem eius inopia minus multa ad me scribis. tu uero aufer ducentos. etsi meam in eo parsimoniam huius paginae contra elio significat, dum acta, & rumores uellet.

iam, si qua certa habes de Caesare, exspecto litteras: & alias Pontinio de omnibus rebus diligentes dabis. Vale.

CICERO S. D. ATTICO. 5

PLANE deest, quod scribam. nam nec, quid mandem, habeo; nihil enim praetermissum est: nec quid narrem; noui enim nihil: nec iocandi locus est; ita me multa sollicitant. tantum tamen scito, idibus Mai. nos Venusia mane proficiscentes, has dedisse: eo autem die credo aliquid actum in senatu. sequantur igitur nos tuae litterae, quibus non modo res omnes, sed etiam rumores cognoscamus. eas accipiemus Brundisii: ibi enim Pontinium ad eam diem, quam tu scripsisti, exspectare consilium est. Nos Tarenti quos cum Pompeio διαλόγου de rep. habuerimus, ad te perscribemus. etsi id ipsum scire cupio, quod ad tempus recte ad te scribere possem, id est, quam diu Romae futurus sis; ut, aut quo dem posthac litteras, sciam, aut ne dem frustra. Sed ante, quam proficiscare, utique explicatum sit illud, HS XX & DCCC. hoc, uelim, in maximis rebus, & maxime necessarijs habeas; ut, quod auctore te uelle coepi, adiutore assequar. Vale.

CICERO S. D. ATTICO. 6

TARENTVM ueni ad xv. kal. Ian. quod Pontinium statueram exspectare, commodissimum duxi,

duxi, dies eos, quoad ille ueniret, cum Pompeio consumere, eoq. magis, quod ei gratum esse id uidebam; qui etiam a me petierit, ut secum, & apud se essem quotidie; quod concessi libenter; multos enim eius praeclaros de rep. sermones accipiam: in siliis etiam consilijs idoneis ad hoc nostrum negotium. Sed ad te breuior iam inscribendo incipio fieri, dubitans, Romae ne sis, an iam profectus, quod tamen quoad ignorabo, scribam aliquid potius, quam committam, ut, tibi cum possint reddi a me litterae, non reddantur. nec tamen iam habeo, quid aut mandem tibi; aut narrem. mandavi omnia; quae quidem tu, ut polliceris, exhauries: narrabo, cum aliquid habebo noui. illud tamen non desinam, dum adesse putabo, de Caesaris nomine rogare, ut confectum relinquas. auide exspecto tuas litteras, maxime, ut norim tempus profectionis tuae. Vale.

CICERO 3. D. ATTICO.

7

QUOTIDIE, uel potius in dies singulos breuiores litteras ad te mitto. quotidie enim magis, ac magis suspicor te in Epirum iam profectum. sed tamen, ut mandatum scias me curasse; quot ante, ait se Pompeius quinos praefectos delaturum nouos, uacationes, iudicarium caussam. Ego cum triduum cum Pompeio, & apud Pompeium fuisset, proficiscebar Brundisum ad XII. kal. Ian. cum illum egregium relinquebam, & ad haec

L 4

quas

quae timentur, propulsanda paratissimum. Tuas litteras expectabo, cum ut quid agas, tum ut, ubi sis, sciam. Vale.

CICERO S. D. ATTICO.

M E ET incommoda ualetudo, qua im-
emerferam, ut pote cum sine febris laborassem, &
Pontiuij expectatio, de quo adhuc ne rumor qui-
dem uenerat, tenebat duodecimum iam diem Brun-
disii: sed cursum expectabamus. tu si modo es Ro-
mae, (nix enim puto) sin es, hoc uehementer ani-
maduertas uelim. Romae acceperam litteras, Mi-
lonem meum queri per litteras iniuria meam, quod
Philotimus socius esset in bonis suis. id ego ira fieri
uolui de C. Dronij sententia; & quem amicissi-
mum Miloni perspexeram, & talem uirum, qua-
lem tu iudicas, cognoram: eius autem consilium,
meumque hoc fuerat; primum, ut in potestate nostra
esset res; ne illum malus emptor alienis mancipijs,
quae permulta secum habet, spoliaret: deinde, ut
Faustae, cui tantum ille esse uoluisset, ratum esset.
erat etiam illud, ut ipsi nos, si quid seruari posset,
quam facillime seruaremus. nunc rem totam per-
spicias uelim, nobis enim scribuntur saepe meliora.
sed, si ille queritur, si scribit ad amicos, si idem Pau-
sta uult; Philotimus, ut ego ei coram dixeram,
mibi que receperat; ne sit inuito Milone in bonis:
nihil nobis fuerat tanti. sin haec leuiora sunt, tu iu-
dicabis. loquere cum Dronio. scripsi etiam ad Ca-
millum,

millum, ad Lamiam, eoq. magis, quod non confidebam, Romae te esse. summa erit haec: statues, ut ex fide, fama, req. mea uidebitur. Vale.

CICERO S. D. ATTICO.

9

ACTIVM uenimus ad xvii. kal. Quintil. cum quidem & Corcyrae, & Sybotis muneribus tuis, quae & Areus, & meus amicus Eutyrides opipare, & φιλοπονησάτα nobis concesserat, epulari essemus Saliarem in modum. Actio maluimus iter facere pedibus, qui incommodissime nauigassemus: & Leucaten fletlere, molestum uidebatur. aetuarijs autem minutis Patras accedere sine his impedimentis, non satis uisum est decorum. Ego, ut saepe tu me currentem hortatus es, quotidie meditor: praecipio meis: faciam. denique, ut summa modestia, & summa abstinentia munus hoc extraordinarium traducamus. Parthus, uelim, quiescat, & fortuna nos iuuet: nostra praestabimus. Tu, quaeso, quid agas, ubi quoque hoc tempore futurus sis, quales res nostras Romae reliqueris, maxime de CXX, & de DCCC, cura, ut sciamus. id unis diligenter litteris datis, quae ad me utique perferantur, consequere. Illud tamen (quoniam nunc abes, cum id non agitur: aderis autem ad tempus, ut mihi scripsisti) memento curare per te, & per omnes nostros, in primis per Hortensium, ut annus noster maneatur suo statu; ne quid noui decoratur. hoc tibi ita mando, ut dubitem,

tem, an etiam te rogem, ut pugnes, ne intercale-
tur. sed non audeo tibi omnia onera imponere. an-
num quidem utique teneto. Cicero meus, mode-
stissimus, & suauissimus puer, tibi salutem dicit.
Dionysium semper equidem, ut scis, dilexi, sed quo-
tidie pluris facio, & mehercule in primis, quod te
amat, nec tui mentionem intermittere sinit. Vale.

CICERO S. D. ATTICO. 10

VI Athenas ad xv. kal. Quint. ueneram,
expectabam ibi iam quartam diem Pontinium, ne-
que de eius aduentu certi quidquam habebam: erā
autem totus, crede mihi, tecum: & quamquam si-
ne ijs per me ipse, tamen acrius, uestigijs tuis mo-
nitus, de te cogitabam. quid quaeris? non meher-
cule alius ullus sermo, nisi de te. sed tu aliquid de
me ipso scire fortasse mauis. haec sunt. Adhuc sum-
ptus nec in me aut publice, aut priuatim, nec in quē
quam comitum. nihil accipitur lege Iulia, nihil ab
hospite. persuasum est omnibus meis, seruendum
esse famae meae. belle adhuc. hoc animaduersum,
Graecorum laude, & multo sermone celebratur.
quod superest, elaboratur in hoc a me, sicut tibi
sensi placere. sed haec tum laudemus, cum erunt
perorata. Reliqua sunt eiusmodi, ut meum consi-
lium saepe reprehendam, quod non aliqua ratione
ex hoc negotio emerferim. o rem minime aptam
meis moribus. o illum uerum, epictetis. dices, quid
adhuc? non dum enim in negotio uersaris. nescio; &

puro

puto molestiora restare, sed haec ipsa fero quidem fronte, ut puto, & uolo, bellissime; sed angor intimis sensibus: ita multa uel iracunde, uel insolenter, uel in omni genere stultitiae insulse, arroganter & dicuntur, & tacentur quotidie. quae, non, quo te caelem, non perscribo, sed quia *δυσχερόματα* sunt. itaque admirabere meam *βαδύτητα*; cum salui redierimus: tanta mihi *μελέτη* huius uirtutis datur. Ergo haec quoque haec tēnus: etsi mihi nihil erat propositum ad scribendum; quia, quid ageres: ubi terrarum esses, ne suspicabar quidem: nec hercule umquam tam diu ignarus rerum mearum fui; quid de Caesaris, quid de Milonis nominibus actum sit. hac non modo nemo; sed ne rumor quidem quisquam; ut sciremus, in rep. quid ageretur: quare si quid erit, quod scias de ijs rebus, quas putabis scire me uelle, per mihi gratum erit, si id curaris ad me perferendum. Quid est praeterea? nihil sane, nisi illud ualde me Athenae delectarunt: turbae dumtaxat & urbis ornamentum, & hominum amore in te, in nos quadam beneuolentia; sed multum ea philosophia, *αἴω; καὶ λόγος*: siquidem est in Aristo, apud quem eram: nam Xenonem tuum, uel nostrum potius, Quinto concesseram: tamen propter uicinitatem totos dies simul eramus inuicem. Cum primum poteris, tua consilia ad me scribas; ut sciam, quid agas, ubi quoque, & maxime quando Romae futurus sis. Vale.

HVI, toties ne me litteras dedisse Romam, cum
 ad te nulla darem? at uero posthac frustra potius
 dabo, quam, si recte dari potuerint, committam,
 ut non deim. Ne prouincia nobis prorogetur. per
 fortunas, dum ades, quidquid prouideri potest, pro
 uide. non dici potest, quam flagrem desiderio urbis,
 quam uix harum rerum insulsitatem feram. Mar
 * cellus sedendi comes; etsi ille magistratum non ges
 serit, erit tamen transpadanus. ita mihi uidetur non
 minus stomachi nostro Caesari fecisse. sed hoc ipse
 uiderit. Pompeius mihi quoque uidebatur, quod
 scribis Varronem dicere, in Hispaniam certe it u
 rus. id ego minime probabam: qui quidem Theo
 phani facile persuasi, nihil esse melius, quam illud,
 nusquam illum discedere. ergo Graecus incumbet.
 ualet autem auctoritas eius apud illum plurimum.
 Ego has prid. non. Quinē. proficiscens Athenis de
 di, cum ibi decem ipsos fuisset dies. uenerat Pon
 tinus. nam Cn. Volusius aderat quaestor. tuus u
 nus Tullius aberat. ἀπαρτα Rhodiorum, & dicro
 ta Mitylenaeorum habebam, & aliquid ἐπὶ τῆς πόλεως.
 De Parthis erat silentium. quod superest, dii iuuent.
 Nos adhuc iter per Graeciam summa cum admira
 tione fecimus. nec mehercule habeo, quod adhuc
 quem accussem meorum. uidentur mihi nosse nos,
 nostrā causam, & condicionem profectionis suae.
 plane seruiunt existimationi meae. quod superest, si
 uerum

uerum illud est, ὅτι τὰν δέσποιναν, certe permanebunt. nihil enim a me fieri ita uidebunt, ut sibi sit delinquendi locus: sin id parum profuerit, fiet aliquid a nobis seuerius: nam adhuc lenitate dulces sumus; & ut spero, proficimus aliquantum. sed ego hanc, ut singuli dicunt, ἀνέξιαν in unum annum meditatus sum. proinde pugna; ne, si quid prorogatum sit, turpis inueniar. Nunc redeo ad quae mihi mandas. In praefectis excusatio, ijs, quos uoles, deferro: non ero tam περὶ ἑσπέρας, quam in Appuleio fui. Xenonem tam diligo, quam tu: quod ipsum sentire certo scio. Apud Patronem, & reliquos Barones te in maxima gratia posui: & hercule merito tuo feci: nam mihi is ter dixit, te scripsisse ad se, mihi ex illius litteris rem illam curae fuisse. quod ei pergratum erat. sed cum Patro mecum egisset, ut peterem a uestro Ariopago; ὑπομνηματίουδον tolle- rent, quem Policharmo practore fecerant: commodius uisum est & Xenoni, & post ipsi Patroni, me ad Memmium scribere, qui pridie, quam ego Athenas ueni, Mitylenas profectus erat, ut is ad suos scriberet, posse id sua uoluntate fieri. non enim dubitabat Xeno, quin ab Ariopagitis inuito Memmio impetrari non posset. Memmius autem aedificandi consilium abiecerat, sed erat Patroni iratus. itaque scripsi ad eum accurate: cuius epistolae misi ad te exemplum. Tu, uelim, Piliam meis uerbis consolare. indicabo enim tibi: tu illi nihil dixeris. accepi fasciculum, in quo erat epistola Piliae: abstuli, aperui,

aperui, legi: ualde scripta est *συμπαισ*. Brundisio quae tibi epistolae redditae sunt sine mea, tum uidelicet datae, cum ego me non belle haberem. nam illam *ροῦανδρῶν* excusationem ne acceperis. Cura, ut omnia sciam, sed maxime, ut ualeas.

CICERO S. D. ATTICO. 12

NEGOTIVM magnum est nanigare, atque id mense Quinct. sexto die Delum Athenis uenimus. pridie non. Quinct. a Piraeo ad Zostera, uento molesto, qui nos ibidem nonis tenuit. ad VII. id. ad Ceo iucunde. inde Gyarum facuo uento, non aduerso: hinc Scyrum, inde Delum, utroque citius, quam uellemus, cursum confecimus. iam nostri *ἀπὸ πύργου* Rhodiorum. nihil, quod minus fluctum ferre possit. itaque erat in animo nihil festinare, De lo nec me mouere, nisi omnia *ἀνταρτήτων* iura uidissem. De Messalla ad te statim, ut audini, De Gyaro dedi litteras, & id ipsum consilium nostrum etiam ad Hortensium: cui quidem ualde *συνηγορίαν*, sed tuas de eius iudicii sermonibus, & mehercule omni de re ip. statu litteras expecto, *πολιτικώτερον* quidem scripta, (quoniam meos cum Thallumeto nostro peruolutas libros) eiusmodi inquam litteras, ex quibus ego, non quid fiat, (nam id uel Helonius, uir gratissimus, potest efficere, cliens tuus) sed quid futurum sit, sciam. Cum haec leges, habebimus consules. omnia perficere poteris, de Caesare, de Pompeio, de ipsis iudicijs. Nostra au-

tem

tem negotia, quoniam Romae commoraris, amabo te, explica. Cui rei fugerat me rescribere, de strue salinarum plane rogo. De aqua, si quid poterit fieri, eo sis animo, quo soles esse: quam ego cum mea sponte, tum tuis sermonibus aestimo plurimi. ergo quid conficies. Praeterea, si quid Philippus rogauit; quod in tua re faceres, id uelim facias. Plura scribam ad te, cum constitero: nunc eram plane in medio mari. Vale.

CICERO S. D. ATTICO. 13

EPHESVM uenimus ad XI. kal. Sext. sexagesimo, & quinto post pugnam Bouillam. nauigauius sine timore, & sine nausea, sed tardius propter aphraëtorum Rhodiorum imbecillitatem. De concurſu legationum, priuatorum, & de incredibili multitudine, quae mihi iam Sami, sed mirabilem in modum Ephesi praesto fuit, aut audisse te puto, aut quid ad me attinet? uerumtamen decumis uenissem cum imperio, Graeci quasi Ephesio praetori se alacres obtulerunt. ex quo te intelligere certo scio, multorum annorum ostentationes meas nunc in discrimen esse adductas. sed, ut spero, utemur ea palaestra, quam a te didicimus; omnibusq. satisfaciemus; & eo facilius, quod in nostra prouincia consecutae sunt passionēs. Sed haëtenus, praesertim cum cenanti mihi nuntiaret Sextius, sed de nocte proficisci. Tua negotia Ephesi curae mihi fuerunt: Thermoque, tametsi ante aduentum meum libera-

liberalissime erat pollicitus tuis omnibus, tamen Philogenem, & Seium Rhodium, & Apollonicensem Xenonem commendaui. omnino omnia se facturum recepit. Ego praeterea rationem Philogeni permutationis eius, quam tecum feci, edidi. Ergo haec quoque haftenus. redeo ad urbana. Perfortunas (quoniam Romae manes) primum illud praefulci, atque praemuni, quaeso, ut simus annui; ne intercaletur quidem: deinde exauri mea mandata, maximeque, si quid, potest, de illo domestico, scrupulum quem non ignoras; deinde de Caesare: cuius in cupiditatem te auctore incubuit; nec me piget. &, si intelligis, quam meum sit scire, & curare, quid in rep. fiat: fiat autem? immo uero etiam quid futurum sit, perscribe ad me omnia, sed diligentissime, in primisq. quid iudiciorum status aut factorum, aut futurorum etiam laboret. De aqua, si curae est, si quid Philippus aget, animaduertas. Vale.

CICERO S. D. ATTICO. 14

ANTE, quam aliquo loco consedero, neque longas a me, neque semper mea manu litteras expectabis. cum autem erit spatium, utrumque praestabo. nunc iter conficiebamus aestuosam, & puluerulentam uiam: dederam Epheso pridie: has dedi Tralibus. In prouincia mea fore me putabam kal. Sext. ex ea die, si me amas, παράγγελμα ἐναιώσιον commoueto. tamen interea haec, quae uellem, mihi

hi afferebantur: primum otium Parthicum, deinde
 confectae paſſiones publicanorum, poſtremo ſedi-
 tio militum ſedata ab Appio, ſtipendiumq. eis uf-
 que ad idus Quinct. perſolutum. Nos Aſia accepit
 admirabiliter. aduentus noſter ne nummo quidem
 ſumptui fuit. ſpero meos omnes ſeruire laudi meae
 tamen magno timore ſum: ſed bene ſperamus.
 omnes iam noſtri, praeter Tullium tuum, uenerunt.
 erat mihi in animo recta proficiſci ad exercitum,
 aeſtiuos menſes reliquos rei militari dare, hiber-
 nos iuriſdictioni. Tu, uelim, ſi me nihilo minus
 noſti curioſum in rep. quam te, ſcribas ad me om-
 nia, quae ſint, quae ue futura ſint. nihil mihi gra-
 tius facere poteſ: niſi tamen id erit mihi gratiſſi-
 mum, ſi, quae tibi mandauimus, confeceris; in primis,
 quid illud ἐνδóμυχον: quo mihi ſcis nihil eſſe carius.
 Habes epistolam plenam feſtinationis, & pulue-
 ris. reliquae ſubtiliores erunt. Vale.

CICERO S. D. ATTICO. 15

LAODICEAM ueni pridie kal. Sext. ex
 hoc die clauum amouebis. nihil exoptatius aduen-
 tu meo, nihil carius. ſed eſt incredibile, quam
 me negotij taedeat: non habeat ſatis magnum cam-
 pum illi tibi non ignotus curſus animi, & indu-
 ſtriae meae? praeclara opera ceſſet? quippe ius
 Laodicae me dicere, cum Romae A. Plotius di-
 cat? & cum exercitum noſter amicus habeat, tan-
 tum me nomē habere. duarum legionum exſilium?

M deni-

denique hoc non desidero : lucem , forum , urbem , domum , uos desidero . sed feram , ut potero : sim modo annuus . si prorogatur , actum est . uerum persacile resisti potest . tu modo Romae sis . Quae-
ris , quid hic agam : ita uiuam , ut maximos sum-
ptus facio . mirifice delector hoc instituto . admira-
bilis abstinentia ex praeceptis tuis : ut uerear , ne il-
lud , quod tecum permutaui , uersura mihi soluen-
dum sit . Appij uulnera non refrico : sed apparent ,
nec oculi possunt . iter Laodicea faciebam ad III.
non . Sext. cum has litteras dabam , in castra Ly-
caoniam , inde ad Taurum cogitabam , ut cum Mor-
phagene signis collatis , si possem , de seruo tuo de-
ciderem , clitellae boui sunt impositae . plane non est
nostrum onus : sed feremus . modo , si me amas ,
sim annuus . adsis tu ad tempus , ut senatum exci-
tes . mirifice sollicitus sum , quod iam diu ignota
sunt mihi ista omnia . quare , ut ad te ante scripsi ,
cum cetera , tum resp. cura , ut mihi nota sit . Plu-
ra scribam alias . tarde tibi reddituro , sed dabam
familiari homini , ac domestico , C. Andronico Pis-
teolano . tu autem saepe dare tabellarijs publicano-
rum poteris , pro magistris scripturae , & portus ,
& nostrarum dioecesium . Vale .

CICERO S. D. ATTICO.

16

ET SI in ipso itinere , & uia discedebant pu-
blicanorum tabellarij , & eramus in cursu : tamen
surripiendum aliquid putauimus spatij , ne me imme-
morem

morem mandati tui putares. itaque subsedi in ipsa
uia, dum haec, quae longiorem desiderant oratio-
nem, summam tibi perscriberem. Maxima
expectatione in perditam, & plane euersam in
perpetuum provinciam nos uenisse scito pridie kal.
Sext. moratus triduum Laodiceae, triduum Apa-
meae, totidem dies Synnade, audiuius nihil aliud,
nisi imperata *ἐπιτεταλμενα* soluere non posse: posses-
siones omnium uenditas: ciuitatum gemitus, plo-
ratus, monstra quaedam non hominis, sed ferae ne-
scio cuius immanis. quid quaeris, taedet omnium nos-
uitae. leuatur tamē miserae ciuitates, quod nullus
fit sumptus in nos, neque in legatos, neque in quae-
storem, neque in quemquam. scito, non modo nos
foenum, aut quod lege Iulia dari solet, non accipe-
re, sed ne ligna quidem; nec, praeter quattuor le-
ctos & tectum, quemquam accipere quidquam;
multis locis ne tectum quidem, & in tabernaculo
manere plerumque. itaque incredibilem in modum
concurfus sunt ex agris, ex uicis, ex domibus om-
nibus, nehercule etiam, aduentu nostro. reuiu-
scunt iustitia, abstinentia, clementia tui Ciceronis:
itaque opiniones omnium superauit. Appius, ut
audiuit nos uenire, in ultimam provinciam se con-
iecit Tarsum usque: ibi forum agit. De Partho si-
lentium est: sed tamen concisos equites nostros a bar-
baris nunciabant ij, qui ueniebant. Bibulus ne co-
gitabat quidem etiam nunc in provinciam suam ac-
cedere. id autem facere ob eam causam dicebant,

quod tardius uellet decedere, Nos in castra pro-
perabamus, quae aberant bidui. Vale.

CICERO S. D. ATTICO. 17

ACCEPI Roma sine epistola tua fascicu-
lum litterarum. in quo, si modo ualueris, & Romae
fueris, Philotimi duco esse culpam, non tuam, hanc
epistolam dictavi sedens in rheda, cum in castra pro-
ficiscerer, ab quibus aberam bidui. paucis die-
bus habebam certos homines, quibus darem litte-
ras: itaque eo me seruavi. Nos, tamen etsi hoc
te ex alijs audire malo, sic in prouincia nos geri-
mus, quod ad abstinentiam attinet, ut nullus terun-
tius insumatur in quemquam. id fit etiam & lega-
torum, & tribunorum, & praefectorum diligen-
tia: nam omnes mirifice *συμπλοδοῦσιν* gloriae
meae. Lepta noster mirificus est. Sed nunc pro pe-
ro. perscribam ad te paucis diebus omnia. Cicero-
nes nostros Deiotarus filius, qui rex ab senatu ap-
pellatus est, secum in regnum. dum in aestiuis nos
essemus, illum pueris locum esse bellissimum aduxi-
mus. Sextius ad me scripsit, quae tecum esset de
mea domestica, & maxima cura locutus, & quid
tibi esset uisum. amabo te, incumbe in eam rem, &
ad me scribe, quid & possit, & tu censeas. Idem
scripsit, Hortensium de proroganda nostra prouin-
cia dixisse nescio quid. mihi in Cumano, diligentis-
sime, se, ut annui essemus, defensurum, receperat.
si quidquam me amas, hunc locum ama. dici non
potest.

potest, quam inuitus a uobis absim. & simul hanc gloriam iustitiae, & abstinentiae fore illustriorem spero, si cito decesserimus. id quod Scaeuolae contigit; qui solos nouem menses Asiae praesuit. Appius noster, cum me aduentare uideret, profectus est Tarsum usque Laodicea. ibi forum agit, cum ego sum in provincia. quam eius iniuriam non insector. satis enim habeo negotij in sanâdis uulneribus, quae sunt imposita provinciae. quod, do operam, ut faciam quam minima illius contumelia. sed hoc Bruto nostro uelim dicas, illum fecisse non belle, qui aduentu meo, quam longissime potuerit, discesserit. Vale,

CICERO S. D. ATTICO. 18

QVAM uellem, Romae esses, si forte non es. nihil enim certi habebamus, nisi accepisse nos tuas litteras ad XIV. kal. Sext. datas, in quibus scriptum esset, te in Epirum iturum circiter kal. Sext. sed, siue Romae es, siue in Epiro, Parthi Euphratem transierunt duce Pacoro, Orodís, Parthorum regis, filio, cunctis referto copijs. Bibulus nondum audiebatur esse in Syria. Cassius in opido Antiochiae cum omni exercitu. nos in Cappadocia ad Taurum cum exercitu ad Cybistra. hostis in Cyrrhesica, quae Syriae pars proxima est provinciae meae. his de rebus scripsi ad senatum. quas litteras, si Romae es, uidebis, putes ne reddendas & multa, immo omnia. quorum κεφάλαιον, ne quid in-

ter caesa, & porrecta, ut aiunt, oneris mihi addatur, aut temporis. nobis enim, hac infirmitate exercitus, inopia sociorum, praesertim fidelium, certissimum subsidium est hiems, ea si uenerit, nec illi ante in meam provinciam transierint. unum uereor, ne senatus propter urbanarum rerum metum Pompeium nolit dimittere. quod si alium ad uer mittit; non laboro. nobis modo temporis ne quid prorogetur. Haec igitur, si Romae es. sin abes, aut etiam si ades; haec negotia sic se habent. Stamus animis; & quia consilijs, ut uidemur, bonis utimur, speramus etiam manu. tuto confedimus, copioso a frumento, Ciliciam prope conspiciente, expedito ad mutandum locum, paruo exercitu, sed, ut spero, ad beneuolentiam erga nos consentiente: quem nos, Deiotari aduentu cum suis omnibus copijs, duplicaturi eramus. socijs multo fidelioribus utimur, quam quisquam usus esset: quibus incredibilis uidetur & nostra mansuetudo, & abstinentia. delectus habetur cinium Romanorum: frumentum ex agris in loca tuta comportatur. si fuerit occasio, manu; sin minus, locis nos defendemus. quare bono animo es. uideo enim te, et, quasi coram adsis, ita cerno *συμπάδην* amoris tui. sed te rogo, (si ullo pacto fieri poterit) si integra in senatu nostra causa ad kal. Ian. manserit, ut Romae sis mense Ianuario. profecto nihil accipiam iniuriae, si tu aderis. amicos consules habemus, nostrum tribunum pl. Furnium. uerum tua est opus assi-

assiduitate, prudentia, gratia: tempus est necessarium: sed turpe est, me pluribus uerbis agere tecum. Cicerones nostri sunt apud Deiotarum: sed, si opus erit, deducuntur Rhodum. Tu, si es Romae; ut soles diligentissime: sin in Epiro; mitte tamen ad nos de tuis aliquem tabellarium; ut & tu, quid nos agamus, & nos, quid tu agas, quidq. aeturus sis, scire possimus. Ego tui Bruti rem sic ago, ut suam ipse non ageret. sed iam exhibeo pupillum, neque defendo: sunt enim negotia et lenta, & inania, faciam tamen satis, tibi quidem, cui difficilius est, quam ipsi: sed certe satisfaciam utrique. Vale.

CICERO S. D. ATTICO. 19

OBSIGNARAM iam epistolam, eam quam puto te modo perlegisse, scriptam mea manu, in qua omnia continentur, cum subito Appij tabellarius ad XI. kal. Oct. septimo quadragesimo die Roma celeriter (hui tam longe) mibi tuas litteras reddidit. ex quibus non dubito, quin, ut Pompeium expectaris, dum Arimino rediret, etiam in Epirum profectus sis: magisq. uereor, ut scribis, ne in Epiro sollicitus sis non minus, quam nos hic sumus. De Atiliano nomine scripsi ad Philotimum ne appellaret Messallam. Itineris nostri famam ad te peruenisse laetor, magisq. laetabor, si reliqua cognoris. Filiolam tuam tibi iam Romae incundam esse gaudeo; eamque, quam nunquam ui-

di, tamen & amo, & amabilem esse certo scio.
 Etiam atque etiam uale. De Patrone, & tuis con-
 discipulis, quae de Tarentinis in militia laboraui,
 ea tibi grata esse gaudeo. Quod scribis libenter,
 repulsam tulisse eum, qui cum sororis tuae filij pa-
 truo certaret: magni amoris signum: itaque me
 etiam admonuisti ut gauderem. nam mihi in men-
 tem non uenerat. non credo, inquis, ut libet: sed
 plane gaudeo: quoniam τὸ χρηστὸν interest τοῦ
 φθονεῖν. Vale.

CICERO S. D. ATTICO. 20

SATURNALIBVS mane se mihi Pendentissae
 dediderunt, septimo, & quinquagesimo die, post-
 quam oppugnare eos coepimus. qui (malum) isti
 Pendentissae, qui sunt? inquires: nomen audiui num
 quam. quid ego faciam? num potui Ciliciam, Aeto-
 liam, aut Macedoniam reddere? hoc iam sic habe-
 to, nec hoc exercitu hic tanta negotia geri potuisse:
 quae cognosce ἐνὶ πικρῇ. sic enim concedis mihi pro-
 ximis litteris. Ephesum ut uenerim, nosti; qui e-
 tiam mihi gratulatus es illius diei celebritate: qua
 nihil me umquam delectauit magis. inde opidis,
 ijs, quae erant, mirabiliter accepti, Laodiceam prid.
 kal. Sext. uenimus. ibi morati biduum, perillu-
 stres fuimus, honorificisq. uerbis omnes iniurias re-
 uellimus superiores. quod * Dein Apameae quin-
 que dies morati, Synnadis triduum, Philomeli quin-
 que dies; Iconij decem fecimus, nihil ea iurisdic-
 tio-

ne acquabilius, nihil lenius, nihil grauius. inde ad castra ueni ad VII. kal. Sept. ad III. exercitum Iulianum apud Iconium. ex his castris, cum graues de Parthis nuncij uenirent, perrexi in Ciliciam per Cappadociae partem eam, quae Ciliciam attingit, eo consilio, ut Armenius Artuafdes, & ipsi Parthi Cappadocia se excludi putarent. cum dies quinque ad Cybistra Cappadociae castra habuisssem, certior sum factus, Parthos ab illo adiu Cappadociae longe abesse, Ciliciae magis imminere: itaque concessim iter in Ciliciam feci per Tauripylas: Tarsum ueni ad III. non. Oct. inde ad Amanum contendidi, qui Syriam a Cilicia aquarum diuortio diuidit, qui mons erat hostium plenus sempiternorum. hic ad III. id. Oct. magnum numerum hostium caecidimus: castella munitissima, nocturno Pontinij aduentu, nostro matutino, cepimus, incendimus, imperatores appellati sumus: castra paucos dies habuimus, ea ipsa, quae contra Darium habuerat apud Issum Alexander, imperator haud paullo melior, quam aut tu, aut ego. ibi dies quinque morati, direpto, & uastato Amano, inde discessimus. Interim (scis enim quaedam *παρὰ* dici, item *τὰ νεώτατα πολέμου*.) timore aduentus nostri, & Cassio, qui Antiochia tenebatur, animus accessit, & Parthis timor iniectus est. itaque eos cedentes ab opido Cassius insecutus, rem bene gessit. qua in fuga, magna auctoritate, Osaces, dux Parthorum, uulnus accepit, eoq. interijt paucis post diebus. erat in Syria

Syria nostrum nomen in gratia . uenit interim Bibu-
 lus . credo , uoluit appellatione hac inani nobis esse
 par . in eodem Amano coepit laureolam in musta-
 ceo quaerere . at ille cohortem primam totam per-
 didit , centurionemq . primipili , nobilem sui generis ,
 Asinium Dentonem , et reliquos cohortis eiusdem ,
 & Sext . Lucilium , T . Gaij Caepionis , locupletis ,
 & splendidi hominis , filium , tribunum militum . sa-
 ne plagam odiosam acceperat cum re , tum tempo-
 re . Nos Pindenissum , quod opidum munitissimum
 Elentherocilicum omnium memoria in armis fuit ,
 (feri homines , & acres , & omnibus rebus ad de-
 fendendum parati) cinximus uallo , & fossa : agge-
 re maximo , uineis , turre altissima , magna tormen-
 torum copia , multis sagittarijs , magno labore , ap-
 paratu , multis faucijs nostris , incolumi exercitu ,
 negotium confecimus . hilara sane Saturnalia . mi-
 litibus quoque , equis exceptis , reliquam praedam
 concessimus . mancipia ueniebant Saturnalibus ter-
 tijs . cum haec scribebam in tribunali , res erat ad
 HS CXX . hinc exercitum in hiberna agri male pa-
 cati deducendum Quinto fratri dabam . ipse me
 Laodiceam recipiebam . Haec adhuc . sed ad prae-
 terita reuertamur . Quod me maxime hortaris ,
 & , quod pluris est , quam omnia , in quo laboras ,
 ut etiam Ligurino *μῶμος* satisfaciam : moriar , si
 quidquam fieri potest elegantius . nec tamen ego
 hanc continentiam appello , quae uirtus uoluptati re-
 sistere uidetur . ego in uita mea nulla unquam uo-
 luptate

luptate tanta sum affectus, quanta afficior hac integritate. nec me tam fama, quae summa est, quam res ipsa, delectat: quid quaeris? sui tanti: me ipse non noram: nec satis sciebam, quid in hoc genere facere possem: recte *πρωτοίμας*. nihil est praeclarior. interim haec *λαμπρά*. Ariobarzanes opera mea uiuit, regnat. *ἐν παρόδῳ*, consilio, & auctoritate, & quod insidiatoribus eius *ἀποτίστον* me, non modo *ἀδωποδόκῃ* praebui, regem, regnumque seruaui. interea e Cappadocia ne pilum quidem: Brutum abiectum, quantum potui, exciui: quem non minus amo, quam tu; paene dixi, quam te. atque etiam spero toto anno imperij nostri teruncium sumptus in provincia nullum fore. Habes omnia. nunc publice litteras Romam mittere parabam. uberior es erunt, quam si ex Amano misissem. at Romae non fore? sed est totum, quid kal. Martij futurum sit. uereor enim, ne, cum de provincia agatur, si Caesar resistet, nos retineamur. his tu si adesses, nihil timerem. Redeo ad urbana: quae ego diu ignorans, ex tuis incundissimis litteris ad v. kal. Ian. denique cognoui. eas diligentissime Philogenes, libertus suus, curauit, per longa, & non satis tutam, perferendas. nam quas Leny pueris scribe his datas, non acceperam. Incunde de Caesare, & quae senatus decreuit, & quae tu speras. quibus ille si cedit, salui sumus. Incendio Plaetoriano quod Leius adustus est, minus moleste fero. Lucceius de Q. Cassio cur tam uehemens fuerit, et quid actum sit,

sit, aucto scire. Ego, cum Laodiceam uenero, Quinto, sororis tuae filio, togam puram iubeor dare: cui moderabor diligentius. Deiotarus, cuius auxilijs magnis usus sum, ad me, ut scripsit, cum Ciceronibus Laodiceam uenturus erat. Tuas etiam Epiroticas exspecto litteras; ut habeam rationem non modo negotij, uerum etiam otij tui. Nicanor in officio est, & a me liberaliter tractatur: quem, ut puto, Romam cum litteris publicis mittam; ut & diligentius perferantur, & idem ad me certa de te, et a te referat. Alexis quod mihi toties salutem adscribit, est gratum: sed cur non suis litteris idem facit. quod meus ad te Alexis facit? Phemin quaeritur nepos. Sed haec haecenus. Cura, ut ualeas, et ut sciam, quando cogites Romam. etiam atque etiam uale. Tua, tuosq. Thermo & praesens Ephesti diligentissime commendaram, & nunc per litteras: ipsumq. intellexi esse perfidiosum tui. Tu uelim, quod antea ad te scripsi, de domo Pammenis, des operam, ut, quod tuo, meoq. beneficio puer habet, cures, ne qua ratione conuellatur. utrique nostrum existimo, tum mihi erit pergratum.

CICERO S. D. ATTICO. 21

TE in Epirum saluum uenisse, & ut scribis, ex sententia nauigasse, uehementer gaudeo: non esse Romae meo tempore pernecessario, submolestie fero. hoc me tamen consolor, quod non spero te istuc iucunde hiemare, & libenter requiescere. Cassius, frater

frater Q. Cassii, familiaris tui, pudentiores illas
 litteras miserat, de quibus tu ex me requiris, quid
 sibi uolerint, quam eas, quas postea misit, qui-
 bus per se scribit cōfectum esse Parthicum bellum,
 recesserant illi quidem ab Antiochia ante Bibuli ad-
 uentum, sed nullo nostro ἀνημερίῳ. hodie uero
 hieant in Cyrhestica, maximumq. bellum impen-
 det. nam & Orodis, regis Parthorum, filius in
 prouincia nostra est: nec dubitat Deiotarus, cuius
 filio pacta est Artauasdis filia, ex quo scire potest,
 quin cum omnibus copijs ipse prima aestate Eu-
 phratem transiturus sit. quo autem die Cassii litte-
 rae uictrices in senatu recitatae sunt, id est, non. Oct.
 eodem meae tumultum nunciantes. Axius noster
 ait nostras auctoritatis plenas fuisse; illis negat cre-
 ditum. Bibuli non dum erant allatae: quas certo scio
 plenas timoris fore. Ex ijs rebus hoc uereor, ne,
 cum Pompeius propter metum rerum nouarum
 nusquam dimittatur, Caesari nullus honos a senatu
 habeatur; dum hic nodus expediatur, non putet se-
 natus, nos ante, quam successum sit, oportere de-
 dere, nec in tanto motu rerum tantis prouincijs sin-
 gulos legatos praeesse. hic, ne quid mihi prorogetur,
 quod ne intercessor quidem sustinere possit, horreo,
 atque eo magis, quod tu abes, qui consilio, gratia,
 studio multis rebus occurreres. sed dices me ipsum
 mihi sollicitudinem struere. cogor: & uelim ita sit;
 sed omnia metuo. etsi bellum ἀκροτελευτιον habet
 illa tua epistola, quam dedisti nauseans Buthroto;

TIBI, VT VIDEO, ET SPERO NVLLA AD DECEDENDVM MORA. *mallet,*
 VT VIDEO: nihil opus fuit; VT SPERO.
αὐκὺν accepit autem satis celeriter Iconij per publica-
 norum tabellarios a Lentuli triumpho datas. in his
 γαυρότις illud confirmas, moram mihi nullam
 fore: deinde addis, si quid secus, te ad me fore uen-
 turum. pungunt me dubitationes tuae. simul & ui-
 des, quas acceperim litteras. nam quas Hemoni
 centurioni Scamulae ipse scribis te dedisse, non acce-
 pi. Lenij pueris te dedisse, saepe ad me scripseras.
 eas Laodiceae denique, cum eo uenissim, III. id.
 Febr. Lenius mihi reddidit, datas ad x. kal. Oct.
 Lenio tuas commendationes & statim uerbis, & re
 aliquo tempore probabo. hae litterae cetera uetera
 habebant, unum hoc nouum, de Cibyratis panthe-
 ris. multum te amo, quod respondisti M. Octauio,
 te non putare: sed posthac omnia, quae certa non e-
 runt, pro certo negato. nos enim & nostra sponte
 bene firmi, & mehercule auctoritate tua inflamma-
 ti uicimus omnes (hoc tu ita reperies) cum abstine-
 tia, tum iustitia, facilitate, clementia. caue putes
 quidquam homines magis unquam esse miratos,
 quam nullum teruncium, me obtinente provinciam,
 sumptus factum esse nec in remp. nec in quemquam
 meorum, praeterquam in L. Tullium legatum. is,
 * ceteroqui abstiniens, (sed Iulia lege transita, semel
 tamen in diem, non, ut alij solebant, omnibus ui-
 cis: praeter eum semel, nemo accepit) facit ut mihi
 excipien-

excipiendus sit, cum teruncium nego sumptus factum. praeter eum accepit nemo. has a nostro Q. Titinio sordes accepimus. Ego, aestiuis confectis, Quinctum fratrem hibernis, & Ciliciae praefeci. Q. Volusium, tui Tiberij generum, certum hominem, sed mirifice abstinentem, misi in Cyprum, ut ibi pauculos dies esset, ne ciues Romani pauci, qui illic negotiantur, ius sibi dictum negarent. nam euocari ex insula Cyprios non licet. ipse in Asiam profectus sum Tarso nonis Ian. non mehercule dici potest, qua admiratione Ciliciae ciuitatum, maximeq. Tarsensium. postea uero quam Taurum transgressus sum, mirifica expectatio Asiae nostrarum dioecesium, quae sex mensibus imperij mei nullas meas acceperat litteras, numquam hospitem uiderat. illud autem tempus quotannis ante me fuerat in hoc quaestu. ciuitates locupletes, ne in hiberna milites reciperent, magnas pecunias dabant: Cyprij talenta Attica C C. qua ex insula (non ὑπερβολῶς, sed uerissime loquor) nummus nullus me obtinente erogabatur. ob haec beneficia, quibus illi obstupefunt, nullos honores mihi, nisi uerborum, decerni sino: statuas, cana, τῷ Δριπτα prohibeo. nec * sum in ulla alia re molestus ciuitatibus, sed fortasse tibi, qui haec praedicem de me. perfer, si meas: tu enim me haec facere uoluisti. Iter igitur ita per Asiam feci, ut etiam fames, qua nihil miserius est, quae tunc erat in hac mea Asia, (messis enim nulla fuerat) mihi optanda fuerit. quacunque
iter

iter feci, nulla ui, nullo iudicio, nulla contumelia, auctoritate, & cohortatione perfeci, ut Graeci, & ciues Romani, qui frumentum compresserant, magnum numerum populis pollicerentur. Idibus Feb. quo die has litteras dedi, forum institueram agere Laodiceae Cybiraticum, & Apamense: ex idibus Mart. ibidem Synnadense, Pamphilium, cum Phemio dispiciam xépas Aonium; Isauricum: ex idibus Mai. in Ciliciam, ut ibi Iunius consumatur. uelim tranquille a Parthis. Quintilis, si erit, ut uolumus, in itinere est, per prouinciam redeuntibus, consumendus. uenimus enim in prouinciam, Laodiceam, Sulpicio, & Marcello cos. pridie kal. Sext. inde nos oportet decedere ad i v. kal. Sext. primum contendam a Quinto fratre, ut se praefici patiatur: quod & illo, & me inuitissimo fiet: sed aliter honeste fieri non potest, praesertim cum, uirum optimum, Pontinium ne nunc quidem retinere possim, rapit enim hominē Postumius Romam, fortasse etiam Postumia. Habes consilia nostra: nunc conosce de Bruto. Familiares habet Brutus tuus quosdam creditores Salaminiorum, ex Cypro, M. Scaptium, & P. Matinium; quos mihi maiorem in modum commendauit. Matinium non noui. Scaptius ad me in castra uenit. pollicitus sum curaturum me, Bruti caussa, ut ei Salaminij pecuniam soluerent. egit gratias. praefacturam petiuit: negaui me cuiquam negotianti dare: quod idem tibi ostenderam. Cn. Pompeio petenti proba-

ram

ram institutum meum : quid dicam , Torquato in Lenio tuo ? multis alijs . si praefectus uellet esse syngraphae caussae , me curaturum , ut exigeret . gratias egit : discessit . Appius noster turmas aliquot equitum dederat huic Scaptio , per quas Salaminios coerceret ; & eundem habuerat praefectum . uexabat Salaminios . ego equites ex Cypro decedere iussi . moleste tulit Scaptius . quid multa ? ut ei fidem meam praestarem ; cum ad me Salaminij Tarsum uenissent , & una Scaptius , imperaui , ut pecuniam soluerent . multa de syngrapha , de Scaptij iniurijs . negaui me audire : hortatus sum , petiui etiam pro meis in ciuitatem beneficijs , ut negotium conficerent : denique dixi me coacturum . homines non modo non recusare , sed etiam hoc dicere , se a me soluere : quod enim praetori dare consueissent , quoniam ego non acceperam , se a me quodam modo dare ; atque etiam minus esse aliquanto in Scaptij nomine , quam in uectigali praetorio . collaudaui homines . recte , inquit Scaptius : sed subducamus summam . interim cum ego in edicto translaticio centesimas me obseruaturum haberem , cum antocismi anniuersario ; ille ex syngrapha postulabat quaternas . quid ais ? inquam . possum ne contra meum edictum ? at ille profert S. C. Lentulo Philippoq. cos. ut , qui Ciliciam obtineret , ius ex illa syngrapha diceret . cohorruui primo , etenim erat interitus ciuitatis . reperio duo S. C. iisdem consulibus de eadem syngrapha . Salaminij cum Romae uersuram face-

certe probabitur, praesertim cum S. C. modo factum sit, puto, postquam tu es profectus, in creditorum causa, ut centesimae perpetuo foenore ducerentur. hoc quid intersit, si tuos digitos novi, certe habes subductum. in quo quidem ὁδοῦ πάρεργον. Lucceius M. F. queritur apud me per litteras, summum esse periculum, ne culpa senatus, his decretis, res ad tabulas novas perveniat. commemorat, quid olim mali C. Iulius. fecerit, cum dieculam dixerit. numquam resp. plus. Sed ad rem redeo: meditare adversus Brutum causam meam: si haec causa est, contra quam nihil honeste dici potest, praesertim cum integram rem, & causam reliquerim. Reliqua sunt domestica. De ἰνδομύχῳ, probo idem, quod tu, Postumiae filiae: quoniam Pontidia nugatur. sed vellem adesses. A Quinto fratre his mensibus nihil expectaris, nam Taurus propter niues ante mensem Iunium transiri non potest. Thermum, ut rogas creberrimis litteris fulcio. P. Valerium negat habere quidquam Deiotarus rex, eumque ait se sustentari. Cum scies, Romae intercalatum sit, nec ne; uelim ad me scribas certum, quo die mysteria futura sint. Litteras tuas minus paullo expecto, quam si Romae esses, sed tamen expecto. Vale.

M. TVLLII CICERONIS
EPISTOLARVM AD
T. POMPONIVM ATTICVM
LIBER VI.

CICERO S. D. ATTICO.

*

A CCEPI tuas litteras ad quintum ter
milia Laodiceae, quas legi libentissime,
plenissimas amoris, humanitatis, of-
ficij, diligentiae. is igitur respondebo:
sic enim postulas: nec οἰκονομίαν meam institutam,
sed ordinem conseruabo tuum. Recentissime a Cy-
bistris te meas litteras habere ais, ad x. kal. Oct.
datas: & scire uis, tuas ego quas acceperim. om-
nes fere, quas commemoras, praeter eas, quas scri-
bis Lentuli pueris & Equotutico, & Brundisio da-
tas. quare non οἰχεται tua industria, quod uerferis,
sed praeclare ponitur; siquidem id egisti, ut ego de-
lectarer. nam nulla res sum delectatus magis. Quod
meam Καθύπναια in Appio tibi, libertatem etiam in
Bruto probo; uehementer gaudeo. ac putaram se-
cus. Appius enim ad me ex itinere bis, ter ue ὑπο-
μνηματισμὸς litteras miserat, quod quaedam a se
constituta rescinderem. ut si medicus, cum ae-
grotus alij medico traditus sit, irasci uelit ei me-
dico, qui sibi successerit, si, quae ipse in curan-
do constituerit, mutet ille: sic Appius, cum ἡ
ἀσφαλιστικὴ provinciam curarit, sanguinem mise-
rit,

rit, quidquid potuit detraxerit, mihi tradiderit e-
nectam, *ποσάναρεποιέειν* eam a me non liben-
ter uidet; sed modo succenset, modo gratias agit.
nihil enim a me fit cum ulla illius contumelia. tan-
tummodo dissimilitudo meae rationis offendit homi-
nem. quid enim potest esse tam dissimile, quam, il-
lo imperante, exhaustam esse sumptibus, & iactu-
ris provinciam; nobis eam obtinentibus, nummum
nullum esse erogatum nec priuatim, nec publice?
Quid dicam de illius praefectis? comitibus? legatis
etiam de rapinis? de libidinibus? de contumelijs?
nunc autem domus mehercule nulla tanto consilio,
aut tanta disciplina gubernatur, aut tam modesta
est, quam nostra tota provincia. hanc non nulli a-
mici Appij ridicule interpretantur: qui me iccirco
putent bene audire uelle, ut ille male audiat; & re-
cte facere non meae laudis, sed illius contumeliae
caussa. sin Appius, ut Bruti litterae, quas ad te
misit, significabant; gratias nobis agit: non mole-
ste fero: sed tamen eo ipso die, quo haec ante lucem
scribebam, cogit abam eius multa, inique constitu-
ta, & acta, tollere. Nunc uenio ad Brutum:
quem ego omni studio, te auctore, sum comple-
xus: quem etiam amare coeperam: sed; dico? re-
uocaui me, ne te offenderem. noli enim putare,
me quidquam maluisse, quam ut mandatis satisfac-
cerem, nec ulla de re plus laborasse. mandatorum
autem mihi libellum dedit: iisdemq. de rebus tu
mecum egeras. omnia sum diligentissime persecu-

ius . primum ab Ariobarzane sic contendī , ut talenta , quae mihi pollicebatur , illi daret . quoad mecum rex fuit , per bono loco res fuit ; post a Pompeij procuratoribus sexcentis premi coeptus . Pompeius autem cum ob ceteras causas plus potest unus , quam ceteri omnes , tum quod putatur ad bellum Parthicum esse uenturus . et tamen sic nunc soluitur , tricesimo quoque die talēta Attica xxxiii , & hoc ex tributis : nec id satis efficitur in usuram menstruam sed Cnaeus noster clementer id fert : sorte caret : usura , nec ea solida , contentus est . alij neque soluit quidquam , nec potest soluere : nullum enim aerarium , nullum uectigal habet . Appij instituta tributa imperat . ea uix , in foenus Pompeij quod satis sit , efficiunt . amici regis duo , tres uerdiuites sunt : sed ij suum tam diligenter tenent , quam ego , aut tu . equidem non desino tamen per litteras rogare , suadere , accusare regem . Deiotarus etiam mihi narrauit , se ad eum legatos misisse de re Bruti : eos sibi responsum retulisse , illum non habere . & mehercule ego ita iudico . nihil illo regno spoliatus , nihil rege egentius . itaque aut tutela cogito me abdicare , aut , ut pro Glabrione Scaenola , foenus , & impendium recusare . Ego autem quas per te Bruto promiseram praefecturas M. Scaptio , & L. Gaio , qui in regno rem Bruti procurabant , detuli : nec enim in prouincia mea negotiabantur . tu autem meministi , nos sic agere , ut , quot uellet , praefecturas sumeret , dum ne negotiatori . duas ei
prae-

praeterea dederam : sed ij, quibus petierat, prouincia decesserant . Nunc cognosce de Salaminij : quod uideo tibi etiam nouum accidisse , tamquam mihi . numquam enim ex illo audiui , illam pecuniam esse suam . quin etiam libellum ipsius habeo , in quo est , Salaminij pecuniam debent . M . Scaptio , & P . Matinio , familiaribus meis , eos mihi commendat : adscribit etiam , & quasi calcar ad-mouet , intercessisse se pro ijs magnam pecuniam . confeceram , ut soluerent centesimis sexennij du-ctis cum renouatione singulorum annorum . at Scaptius quaternas postulabat . metui , si impetras-set , ne tu ipse me amare desineres . nam ab edito meo recessissem ; & ciuitatem , in Catonis , & in ip-sius Bruti fide locatam , meisq. beneficijs ornatam , funditus perdissem . Atque hoc tempore ipso im-pingit mihi epistolam Scaptius Bruti , rem illam suo periculo esse : quod nec mihi umquam Brutus dixe-rat , nec tibi : etiam , ut praefecturam Scaptio de-ferrem , id uero per te exceperamus , ne negotiato-ri : quod si cuiquam , huic tamen non : fuerat enim praefectus Appio : & quidem habuerat turmas e-quitum , quibus inclusum in curia senatum Salami-ne obsederat , ut fame senatores quinque moreren-tur . itaque ego , quo die tetigi prouinciam , cum mihi Cyprij legati Ephesum obuiam uenisset , litte-ras misi , ut equites ex insula statim decederent . His de caussis credo Scaptium iniquius de me ali-quid ad Brutum scripsisse . sed tamen hoc sum ani-



mo : si Brutus putabit me quaternas centesimas oportuisse decernere , qui in tota prouincia singulas obseruarem , itaq. edixissem , idq. etiam acerbissimis foeneratoribus probaretur ; si praefecturam negotiatori denegatam queretur , quod ego Torquato nostro in tuo Lenio, Pompeio ipsi in Sex. Statio negaui , & ijs probaui ; si equites deductos moleste ferret ; accipiam equidem dolorem , mihi illum irasci , sed multo maiorem , non esse eum talem , qualem putassem. Illud quidem fatebitur Scaptius , me ius dicente , sibi omnem pecuniam ex edicto meo auferendi potestatem fuisse. Addo etiam illud , quod , uereor , tibi ipsi ut probum : consistere usura debuit , quae erat in edicto meo. deponere uolebant : impetravi ab Salaminij , ut silerent. ueniam illi quidem mihi dederunt : sed quid ijs fiet , si huc Paullus uenerit ? sed totum hoc Bruto dedi ; qui de me ad te humanissimas litteras scripsit . ad me autem , etiam cum rogat aliquid , contumaciter , arroganter , ἀποινωμένως solet scribere . tu autem uelim , ad eum scribas de his rebus ; ut sciam , quo modo haec accipiat . facies enim me certiore . atque hoc superieribus litteris ad te diligenter perscripseram . sed plane te intelligere uolui , mihi non excidisse illud , quod tu ad me quibusdam litteris scripsisses ; si nihil aliud de hac prouincia , nisi illius beneuolentiam , deportassem , mihi satis esse . sit sane ; quoniam ita tu uis : sed tamen cum eo credo , quod sine peccato meo fiat .

* Igitur meo decreto soluta res Scaptio , statim quam de-

decretum sit, tu iudicabis: ne ad Catonem quidem
 prouocabo. sed noli me putare ἰγκελδ' σμαλα illa
 tua abieccisse, quae mihi in uisceribus haerent. flens
 mihi meam famam commendaſti. quae epistola tua
 est, in qua mentionem non facias? itaque irascatur,
 qui uolet: patiar. τὸ γὰρ δ', μετ' ἐμοῦ: praesertim
 cum sex libris tamquam praedibus me ipse obstrin-
 xerim: quos tibi tam ualde probari gaudeo: e qui-
 bus unum ἰσοπικὸν requiris de Cn. Flauio Cn. F. il-
 le uero ante decemuiros non fuit: quippe qui aedilis
 curulis fuerit: qui magistratus multis annis post de-
 cemuiros institutus est. quid ergo profecit; quod
 protulit fastos? occultatam putant quodam tempo-
 re istam tabulam, ut dies agendi peterentur a pau-
 cis. nec uero pauci sunt auctores, Cn. Flauium scri-
 bam fastos protulisse, actionesq. composuisse: ne
 me hoc, uel potius Africanum, (is enim loquitur)
 commentum putes, Οὐκ ἔλαθες illud, de gestu hi-
 strionis: tu scelestè suspicaris, ego ἀφελῶς scripsi.
 De me imperatore scribis tē ex Philotimi litteris
 cognouisse. sed credo te, iam in Epiro cum esses,
 binas meas de omnibus rebus accepisse, unas a Pin-
 denisso capto, alteras a Laodicea, utrasque tuis pue-
 ris datas: quibus de rebus, propter casum nauigan-
 di, per binos tabellarios misi Romam litteras publi-
 ce. De Tullia mea tibi assentior: scripsiq. ad eam, &
 ad Terentiā, mihi placere. tu enim ad me iam ante
 scripseras, Ac uellem, te in tuam ueterē gre-
 gem retulisses. correſta uero epistola Memmia-
 na,

na, nihil negotij fuit. multo enim malo huic a Pontidia, quam illum a Seruilia. quare adiunges Aufium nostrum, hominem semper amantem me, nunc, credo, eo magis, quod debet etiam fratris Appij amorem erga me cum reliqua hereditate creuisse; qui declarauit, quanti me faceret, cum saepe, tum in Bursa. nae tu me sollicitudine magna liberaris. Furnij exceptio mihi non placet: nec ego ullum aliud tempus timeo, nisi quod ille solum excipit. Sed scriberem ad te de hoc plura, si Romae es. In Pompeio te spem omnem otij ponere non miror. ita res est. remouendumq. censeo illum dissimulantem. sed enim, οὐκ οὐκ si perturbator est, tibi assignato: te enim sequor χεδιάζοντα. Cicero-nes pueri amant inter se, discunt, exercentur: sed alter, ut dixit Isocrates in Ephoro, & Theopompo, frenis eget, alter calcaribus. Quincto togam puram Liberalibus cogitabam dare. mandauit enim pater. ea sic obseruabo, quasi intercalatum non sit. Dionysius mihi quidem in amoribus est: pueri autem aiunt, eum furenter irasci. sed homo nec doctior, nec sanctior fieri potest, nec tui meiq. amantior. Thermum, Siluium uere audis laudari. ualde se honeste gerunt. adde M. Nonium, Bibulum, me, si uoles. iam Scrofa, uellem, haberet, ubi posset: est enim lautum negotium. ceteri infirmant πολίτδμα Catonis. Hortensio quod caussum meam commendas, ualde gratum. De Amiano, spei nihil putat esse Dionysius. Terentij nullum uestigium agnoui.

agnoui. Meragenes certe perijt. feci iter per eius
 possessionem, in qua animal reliquum nullum est.
 haec non novam tui, cum Democrito tuo locutus
 sum. Rhosij causam mandavi. Sed heus tu, quid
 cogitas infelicitatis? lancibus, & splendidissimis ca-
 nistris, olusculis nos soles pascere: quid te in uasis
 fictilibus appositurum putem? Κέρας Phemio man-
 datum est: reperietur: modo aliquid illo dignum
 canat. Parthicum bellum impendet. Cassius ine-
 ptas litteras misit: nec dum Bibuli erant allatae: qui-
 bus recitatis, puto fore, ut aliquando commovea-
 tur senatus. equidem sum magna animi perturba-
 tione. si, ut opto, non prorogatur nostrum nego-
 tium: habeo Iunium, & Quinctilem in metu. esto:
 duos quidem menses sustinebit Bibulus. quid illo
 fiet, quem reliquero, praesertim si fratrem? quid
 de me autem, si non tam cito decedo? magna tur-
 ba est. mihi tamen cum Deiotaro convenit, ut il-
 le in meis castris esset cum suis copijs omnibus. ha-
 bet autem cohortes quadringenarias, nostra arma-
 tura, xxx, equitum ∞ ∞. erit ad sustenstandum,
 quoad Pompeius veniat; qui litteris, quas ad me
 mittit, significat, suum negotium illud fore. hic man-
 t in nostra provincia Parthi: expectatur ipse Oro-
 des. quid quaeris? aliquantum est negotij. De Bi-
 buli edicto nihil novi, praeter illam exceptionem, de
 qua tu ad me scripseras, Nimis graui praedi-
 cio in ordinem nostrum. ego tamen habeo ἰσο-
 δυνάμους, sed tectiorem, ex Q. Mucij P. F. edi-

Edicto Asiatico, Extra quam si ita negotium ge-
 stum est, ut eo stari non oporteat, ex fide
 bona. multa. sum secutus Scaeuolae, in ijs illud, in
 quo sibi libertatem censent Graeci datam, ut Graeci
 inter se disceptent suis legibus. breue autem edictum
 est propter hanc meam διαίτην, quod duobus gene-
 ribus edicendum putavi: quorum unum est prouin-
 ciale, in quo est de rationibus ciuitatum, de aere a-
 lieno, de usura, de syngraphis, in eodem omnia de
 publicanis: alterum, quod sine edicto satis commo-
 de transigi non potest, de hereditatum possessioni-
 bus, de bonis possidendis, magistris faciundis, uen-
 dendis: quae ex edicto & postulari, & fieri solent.
 tertium, de reliquo iure dicendo, ἀπαρὼν reliqui:
 dixi me de eo genere mea decreta ad edicta urbana
 accommodaturum: itaq. curo: & satisfacio adhuc
 omnibus. Graeci uero exultant, quod peregrinis iu-
 dicibus utuntur. nugatoribus quidem, inquires. quid
 refert? tamen se αὐτονομίαν adeptos putant. nostri
 enim, credo, graues habent, Turpionem sutorium,
 & Vettium mancipem. De publicanis quid agam,
 uideris quaerere. habeo in delicijs, obsequor, uer-
 bis laudo, orno; efficio, ne cui molesti sint. τὸ πα-
 παδοξότατον. usuras eorum, quas pactiōibus ad-
 scripserant, seruauit etiam Seruilius. ego sic. diem
 statuo satis laxam; quam ante si soluerint, dico
 me centesimas ducturum: si non soluerint, ex pa-
 ctione. itaque & Graeci solunt tolerabili foenore:
 & publicanis res est gratissima, si illa iam habent,
 pleno

pleno modio uerborum honorem, inuitationem cre-
 bram. quid plura? sunt omnes ita mihi familiares,
 ut se quisque maxime putet. sed tamen μηδὲν αὐ-
 τοῖς. scis reliqua. De statua Africani, (ὡς πραγμα-
 τῶν ἀσυγκλώδων: sed me ipsum delectauit in tuis
 litteris) ain' tu? Scipio hic Metellus proauum su-
 um nescit censorem non fuisse? atqui nihil habuit
 aliud inscriptum, nisi, CENSOR, ea statua, quae
 ad Opis aperte posita in excelso est. in illa autem,
 quae est ad πολυδάκτυς, inscriptum est, COS. quam
 esse eiusdem, status, amictus, anulus, imago ip-
 sa declarat. at hercule ego cum in turma inaurata-
 rum equestrium, quas hic Metellus in Capitolio po-
 suit, animaduertissem in Serapionis subscriptione
 Africani imaginem, erratum fabrilē putauī, nunc
 uideo Metelli ἀνισορροπίαν turpem. Nam illud de
 Flauio, & fastis, si secus est, commune erratum
 est; & tu belle ἠπόρησας; & nos publicam prope
 opinionem secuti sumus, ut multa apud Graecos.
 quis enim non dixit, Εὐπολίη, τὸν τῆς ἀρχαίας, ab
 Alcibiade nauigante in Siciliam deiectum esse in
 mare? redarguit Erato Sthenes: afferit enim, quas
 ille post id tempus fabulas docuerit. nunc iccirco
 Duris Samius, homo in historia diligens, quod cum
 multis errauit, irridetur? Quis Zaleucum leges Lo-
 cris scripsisse non dixit? num igitur iacet Theophra-
 stus, si id a Timaeo, tuo familiari, reprehensum
 est? Sed nescire proauum suum censorem non fuis-
 se, turpe est, praesertim cum post eum consulem ne

mo Cornelius, illo uiuo, censor fuerit. Quod de Philotimo, et de solutione XX C D scribis: Philotimum circiter kal. Ian. in Chersonesum audio uenisse, ac mihi ab eo nihil adhuc, reliqua mea Camillus scribit se accepisse, ea quae sint, nescio, & aueo scire. sed haec posterius, & coram fortasse commodius. Illud me, mi Attice, in extrema fere parte epistolae commouit: scribis enim sic, τί λοιπόν? deinde me obsecras amantissime, ne obliuiscar uigilare; ut animaduertam, quae fiant. num quid de quo inaudisti? & si nihil eiusmodi est: πολλοῦ γε καὶ δεῖ, nec enim me fefellisset, nec falleret. sed ista admonitio tua tam accurata nescio quid mihi significare uisa est. De M. Octauio, iterum tibi rescribo, te illi probe respondisse. paullo uellem fidentius. Nam Coelius libertum ad me misit, & litteras accurate scriptas, * & de pantheris, sed a ciuitatibus. rescripsi, alterum me moleste ferre, si ego in tenebris laterem, nec audiretur Romae, nullum in mea prouincia nummum, nisi in aes alienum, erogari; docuique, nec mihi conciliare pecuniam licere, nec illi capere; monuiq. eum, quem plane diligo, ut, cum alios accusasset, cautiùs uiueret: illud autē alterum alienum esse existimatione mea, Cybirtas imperio meo publice uenari. Lepta tua epistola gaudio exultat: etenim scripta belle est, meq. apud cū magna in gratia posuit. Filiola tua gratum mihi fecit, quod tibi diligenter mandauit, ut mihi salutem adscriberes: gratum etiam Pilia: sed illa officiosius, quod mihi, quem iam pridem numquam.

quam uidet . igitur tu quoque salutem utrique ad-
 scribito . Litteras daturum pridie Kal. Ian.
 suauem habuit recordationem clarissimi iurisiuran-
 di: quod ego non eram oblitus : magnus enim prae-
 textatus illo die fui . Habes ad omnia , non , ut po-
 stulasti , χεῦται χαλκείων ; sed paria paribus re-
 spondemus . Ecce autem alia pusilla epistola ;
 quam non relinquebam ἀναντιρρόνητον . Bene me-
 hercule potuit Lucceius Tusculanum : nisi forte , so-
 let enim , cum suotibicine . & uelim scire , quis
 sit status eius . Lentulum quidem nostrum , praeter
 Tusculanum , proscripsisse audio . cupio hos expe-
 ditos uidere : cupio etiam Sextium : addes etiam ijs
 Coelium . quibus omnibus est : αἰδέσθην μὲν ἀνὴρα-
 ῖται , δεῖσαν δ' ὑποδέχσθαι . De Memmio restituen-
 do ut Curio cogitet , te audisse puto . De Egnatii Si-
 dicini nomine , nec nulla , nec magna spe sumus .
 Pinarium , quem mihi commendas , diligentissime
 Deiotarus curat , grauter aegrum . Respondi etiam
 minori . Tu , uelim , dum ero Laodiceae , idest ad
 idus Mai . quam saepissime mecum per litteras col-
 loquare : & cum Athenas ueneris , (iam enim scie-
 mus de rebus urbanis , de prouincijs , quae omnia in
 mensem Martium sunt collata) utique ad me ta-
 bellarios mittas . Sed heus tu , Genuarios a Caesa-
 re per Herodem , talenta Attica 1 , extorsistis : in
 quo , ut audio , magnum odium Pompeii suscepistis .
 putat enim , suis nummos uos comedisse , Caesarem
 in merito reaedificando diligentiolem fore . hoc ego *

ex P. Vedio, magno nebulone, sed Pompeij tamen familiari, audiui. hic Veditus uenit mihi obuiam cum duobus effedis, & rheda equis iuncta, & lectica, & familia magna: pro qua, si Curio legem pertulerit, HS centena pendat necesse est. erat praeterea cynocephalus in effedo: nec deerant onagri. numquam uidi hominem nequiores. sed extremum audi. Diuersatus est Laodiceae apud Pompeium Vindillum: ibi sua deposuit, cum ad me profectus est. moritur interim Vindillus: quae res ad Magnum Pompeium pertinere putabatur. C. Venno-
nius domum Vindulli uenit: cum omnia obsignaret, in Vidianas res incidit. in his inuetae sunt quinque lagunculae matronarum, in quibus una sororis amici tui, hominis Bruti, qui hoc utatur; & illius Lepidi, qui haec tam negligenter ferat. Haec te uolui παρασπονῆσαι: sumus enim ambo belle curiosi. Vnum etiam uelim cogites. audio Appium πύλαιον Eleusi ne facere. num inepti fuerimus, si nos quoque Academiae fecerimus? puto, inquires. ergo id ipsum scribes ad me. equidem ualde Athenas ipsas amo. uolo esse aliquod monumentum, odi falsas inscriptiones statuarum alienarum. sed ut tibi placebit: faciesq. me, in quem diem Romana incidunt mysteria, certiore, & quo modo hiemaris. Cura ut ualeas. Post Leuētricam pugnam die septingentesimo sexagesimo quinto.

CVM Philogenes, libertus tuus, Laodiceam ad me, salutandi causa, uenisset, & se statim ad te nauigaturum esse diceret; has ei litteras dedi; quibus ad eas rescripsi, quas acceperam a Bruti tabellario. Et respondebo primum postremae tuae paginae: quae mihi magnae molestiae fuit, quod ad te scriptum est ab Cincio de Staty sermone: in quo hoc molestissimum est, Statium dicere, a me quoque id consilium probari. probari autem? de isto haecenus. dixerim me uel plurima uincla tecum summae coniunctionis optare: & sunt amoris arctissima: tantum abest, ut ego ex eo, quo adstricti sumus, laxari aliquid uelim. illum autem multa de istis rebus asperius solere loqui, saepe sum expertus, saepe etiam leniui iratum. id scire te arbitror. in hac autem peregrinatione, militiae ue nostrae saepe incensum ira uidi, saepe placatum. quid ad Statium scripserit, nescio. quidquid acturus de tali re fuit, scribendum tamen ad libertum non fuit. mihi autem erit maxime curae, ne quid fiat secus, quam uolumus, quamq. oportet. nec satis est in eiusmodi re, se quenque praestare. ac maxime partes istius officij sunt pueri Ciceronis, siue iam adolescentis; quod quidem illum soleo hortari. ac mihi uidetur matrem ualde, ut debet, amare, teq. mirifice. sed est magnum illud quidem, uerumtamen multiplex pueri ingenium: quo ego regendo habeo negotij satis.

O Quoniam

Quoniam respondi tuae paginae postremae prima mea, nunc ad primam reuertar tuam. Peloponnesias ciuitates omnes maritimas esse, hominis non nequam, sed etiam tuo iudicio probati, Dicacarchi tabulis credidi. is multis nominibus in Trophonia Chaeronis narratione Graecos in eo reprehendit, quod mare tam secuti sunt: nec ullum in Peloponneso locum excipit. cum mihi auctor placeret, (et enim erat ἰσοπικώτατος, & uixerat in Peloponneso) admirabar tamen, & uix aggrediens, communicauit cum Dionysio. atque is primo est commotus: deinde, quod tum de isto Dicacarcho non minus bene existimabat, quam tu de C. Vestorio, ego de M. Cluuius, non dubitabat, quin ei crederemus Arcadiae cen ebat esse Lepreon quoddam maritimum: Tene autem, & Aliphera, & Tritia νεόκλισα ei uidebantur: idq. τῷ Ἰσίδωρ κατὰ λόγον confirmabat, ubi mentio non fit istorum. itaque istum ego locum totidem uerbis a Dicacarcho transtuli. Philiasios dici sciebam: & ita fac ut habeas: nos quidem sic habemus. sed primo me ἀναλογία deciperat, φλοῦς, ὀπoύς, σιποῦς, quod ὀπούντιοι, σιπούντιοι. sed hoc continuo correximus. Laetari tenonstra moderatione, & continentia uideo. tum id magis faceres, si adesses, atque hoc foro, quod egi ex idibus Febr. Laodiceae ad kal. Mai. omnium dioecesium, praeter Ciliciae. mirabilia quaedam effecimus. ita multae ciuitates omni aere alieno liberatae, multae ualde lenatae sunt: omnes suis legibus,

& iudicijs usae, αὐτονομίαις adeptae, remixerunt.
 bis ego duobus generibus facultatem ad se aere alie
 no liberandas, aut leuandas dedi: uno, quod om-
 nino nullus in imperio meo sumptus factus est, (nul-
 lum cum dico, non loquor ὑπερβολικῶς) nullus, in-
 quam, ne teruncius quidem. hac autem re, incre-
 dibile est, quantum ciuitates emerferint. accessit al-
 tera. Mira erant in ciuitatibus ipsorum surta Grae-
 corum. quae magistratus sui fecerant. quae siui ipse
 de ijs, qui annis decem proximis magistratum gesse-
 rant. aperte fatebantur: itaque sine ulla ignominia
 suis humeris pecunias populis retulerunt. populi
 autem, nullo gemitu, publicanis, quibus hoc ip-
 so lustro nihil soluerant, etiam superioris lustri red-
 diderunt. itaque publicanis in oculis sumus. gra-
 tis, inquis, uiris. sensimus. Iam cetera iurisdic-
 tio nec imperita, & clemens, cum admirabili fa-
 cilitate. aditus autem ad me minime prouinciales.
 nihil per cubicularium. ante lucem inambulabam
 domi, ut olim candidatus. grata haec, & magna,
 mihiq. non dum laboriosa ex illa uetere militia.
 Nonis Mai. in Ciliciam cogitabam: ibi cum Iu-
 nium mensem consumpsissem, atque utinam in pa-
 ce, (magnum enim bellum impendet a Parthis.)
 Quintilem in reditu ponere. annuae enim mihi o-
 perae ad III. kal. Sext. emerentur. magna autem
 in spe sum, mihi nihil temporis prorogatum iri. ha-
 bebam aëta urbana usque ad non. Mart. e quibus
 intelligebam, Curionis nostri constantia omnia po-

tius actum iri, quam de prouincijs. ergo, ut spero, propediem te uidebo. Venio ad Brutum tuum, immo nostrum: sic enim uanis. Equidem omnia feci, quae potui aut in mea prouincia perficere, aut in regno experiri. omni igitur modo egi cum rege, & ego quotidie, per litteras scilicet: ipsum enim triduum, quatrimum ue mecum habui turbulentis in rebus, quibus eum liberaui: sed & eum praesens, & postea creberrime non destiti rogare, & petere mea causa, suadere, & hortari sua. multum profeci, sed, quantum, non plane, quia longe absum, scio. Salaminios autem (hos enim poteram coercere) adduxi, ut totum nomen Scaptio uellent soluere, sed centesimis ductis a proxima quidem syngrapha, nec perpetuis, sed renouatis quotannis numerabantur nummi: noluit Scaptius. tu qui ais Brutum cupere aliquid perdere? quaternas habebat in syngrapha. fieri non poterat: nec, si posset, ego pati possem. audio omnino Scaptium praenitere. nam quod S. C. esse dicebat, ut ius ex syngrapha diceretur; eo consilio factum est, quod pecuniam Salaminij contra legem Gabiniam sumpserant. uetabat autem Aulii lex, ius dici de ita sumpta pecunia. decreuit igitur senatus, ut ius diceretur ista syngrapha. nunc ista habet iuris idem, quod ceterae, nihil praecipui. haec, a me ordine facta, puto me Bruto probaturum; tibi, nescio; Catoni certe probabo. sed iam ad te ipsum reuertor. Ain'tandem Attice, laudator integritatis, & elegantiae

gantie nostrae? ausus es hoc ex ore tuo? inquit En-
nius: ut equites Scaptio ad pecuniam cogendam
darem, me rogare? an tu, si mecum esses, qui scri-
bis inorneri te interdum, quod non simul sis, pate-
rere me id facere, si uellem? Non amplius, inquis,
quinquaginta. Cum Spartaco minus multi primo
fuerunt. quid tandem isti mali in tam tenera insula
non fecissent? non fecisset autem? immo quid an-
te aduentum meum non fecerunt? inclusum in cu-
ria senatum habuerunt Salaminium ita multos di-
es, ut interierint non nulli fame. erat enim praefe-
ctus Appij Scaptius, & habebat turmas ab Ap-
pio. id me igitur tu, cuius me hercule os mihi ante
oculos solet uersari, cum de aliquo officio, ac laude
cogito, tu me, inquam, rogas praefectus ut Sca-
ptius sit? at hoc statueramus, ut negotiatorem ne-
minem: idq. Bruto probaueramus. Habeat is tur-
mas: cur potius, quam cohortes? sumptu iam ne-
pos euadit Scaptius. Volunt, inquis, principes.
Scio: nam ad me Ephesum usque uenerunt: flen-
tesque, equitum scelera, & miserias suas detule-
runt. itaque statim dedi litteras, ut ex Cypro equi-
tes ante certam diem decederent. ob eamq. caus-
sam, tum ob ceteras, Salaminij nos in caelum de-
cretis suis susceperunt. Sed iam quid opus equitatu?
soluunt enim Salaminij nisi forte id uolumus armis
efficere, ut senus quaternis centesimis ducant. &
ego audebo legere inquit, aut attingere eos libros,
quos tu dilaudas, si tale quid fecero? nimis, inquam,

in isto Brutum amasti dulcissime Attice: nos, ne-
reor, ne parum. atque haec, scripsi ego ad Brutum,
scripsisse te ad me. cognosces nunc cetera. Pro Ap-
pio nos hic omnia facimus, honeste tamen, sed pla-
ne libenter. nec enim ipsum odimus: & Brutum a-
mamus: & Pompeius a me mirifice contendit;
quem mehercule plus plusq. in dies diligo. C. Coe-
lium quaestorem huc uenire audisti. nescio, quid sit:
sed Pammenia illa mihi non placent. Ego me spe-
ro Athenas fore mense Septembri. tuorum itine-
rium tempora scire sane uelim. Εὐὴ δὲ αὖ Σεμπρο-
νίη Ρύσι coguoui ex epistola Corcyraea. quid quae-
ris? inuideo potentiae Vestorij. Cupiebam etiam
nunc plura garrere: sed lucet: urget turba: festi-
nat Philogenes. ualebis igitur, & ualere Piliam,
& Caeciliam nostram inbebis litteris, & saluebis
a meo Cicerone.

CICERO S. D. ATTICO. 3

ET SI nil sane habebam noui, quod post acci-
disset, quam dedissem ad te Philogeni, liberto tuo,
litteras: tamen cum Philotimum Romam remitte-
rem, scribendum aliquid ad te fuit. ac primum il-
lud, quod me maxime angebat, (non quo me ali-
quid iuuare posses: quippe res est in manibus: tu
autem abes longē gentium:

- Πολλὰ δ' ἐν μεταχειρίῳ

Νότος κυλινδρεῖ πλῦμα τ' ἀρείνης ἀλός) obrepfit di-
es, ut uides, (mihi enim ad 111. kal. Sext. de
prouin-

provincia decedendum est) nec succeditur. quem relinquam, qui provinciae praesit? ratio quidem, & opinio hominum postulat fratrem: primum, quod uideatur esse honos: nemo igitur potior: deinde, quod solum habeo praetorium. Pontinius enim ex pacto, & conuentu (nam ea lege exierat) iam a me discesserat. Quaestorem nemo dignum putat: etenim est leuis, libidinosus, sagax. De fratre autem primum illud est: persuaderi ei non posse arbitror: odit enim provinciam. et hercule nihil odiosius, nihil molestius. deinde, ut mihi nolit negare; quidnam mei sit officij; cum bellum esse in Syriam magnum putetur, id uideatur in hanc provinciam erupturum; hic praesidij nihil sit; sumptus annuus decretus sit: uideatur ne aut pietatis esse meae, fratrem, aut diligentiae, nugarum aliquid relinquere. Magna igitur, ut uides, sollicitudine afficior, magna inopia consilij. quid quaeris? toto negotio nobis opus non fuit. quanto tua provincia melior? decedes, cum uoles: nisi forte iam decessisti. quem uidebitur, praeficies Thesprotiae, & Chaoniae. nec dum tamē ego Quintum conueneram; ut iam, si id placeret, scirem, posset ne ab eo impetrari: nec tamen, si posset, quid uellem, habebam. Hoc est igitur eiusmodi; reliqua plena adhuc & laudis, & gratiae, digna ijs libris, quos dilaudas. conseruatae ciuitates; cumulate publicanis satisfactum: offensus contumelia nemo, decreto iusto, & seuero perpauci, nec tamen quisquam, ut queri audeat. res gestae dignae

triumpho: de quo ipso nihil cupide agemus, sine tuo quidem consilio certe nihil. Clausula est difficilis in tradenda prouincia. sed haec deus aliquis gubernabit. De urbanis rebus scilicet plura tascis; saepius, & certiora audis. equidem doleo, non me tuis litteris certiores fieri. huc enim odiosa afferebantur de Curione, de Paullo: non quod ullum periculum uideam stante Pompeio, uel etiam sedente; ualeat modo: sed mehercule Curionis, & Paulli, meorum familiarium, uicem doleo. formam igitur mihi totius reip. si iam es Romae aut cum eris, uelim mittas; quae mihi obuiam ueniat, ex qua me fingere possim, & praemeditari, quo animo accedam ad urbem. est enim quiddam, aduenientem non esse peregrinum, atque hospitem. Et, quod paene praeterij, Bruti tui causa, ut saepe ad te scripsi, feci omnia. Cyprij numerabant: sed Scaptius centesimis, renouato in singulos annos senore, contentus non fuit. Ariobarzanes non in Pompeium prolixior per ipsum, quam per me in Brutum: quem tamen ego praestare non poteram. erat enim rex per pauper; aberamq. ab eo ita longe, ut nihil possem, nisi litteris; quibus pugnare non desisti. summa haec est. pro ratione pecuniae liberius est Brutus tractatus, quam Pompeius. Bruto curata hoc anno talenta circiter C, Pompeio in sex mensibus promissa CC. in Appij negotio quantum tribuerim Bruto, dici uix potest. quid est igitur, quod laborem? Amicos habet meras nugas, M.

Scaptium:

Scaptium : qui , quia non habuit a me turmas equitum , quibus *Cyprum* uexaret , ut ante me fecerat , fortasse succenset : aut quia praefectus non est ; quod ego nemini tribui negotiatori , non *C. Vennonio* , meo familiari , non tuo *M. Lenio* ; & quod tibi *Romae* ostenderam me seruaturum , in quo perseueraui . sed quid poterit queri is , qui , auferre pecuniam cum posset , noluit ? *Scaptio* , qui in *Cappadocia* fuit , puto esse satisfactum . is a me tribunatum cum accepisset , quem ego ex *Bruti* litteris ei detulissem , postea scripsit ad me , se uti nolle eo tribunatu . *Caius* est quidam ; cui cum praefecturam detulissem *Bruti* rogatu , multa & dixit , & fecit cum quadam mea contumelia , *P. Clodij* canis . is me nec proficiscentem *Apameam* profecutus est ; nec , cum postea in castra uenisset , atque inde discederet , numquid uellem , rogauit ; & fuit aperte mihi , nescio quare , non amicus . tunc ego si in praefectis habuissem , quem tu me hominem putares ? qui , ut scis , potentissimorum hominum contumaciam numquam tulerim , ferrem huius asseclae ? etsi hoc plus est , quam ferre , tribuere etiam beneficij aliquid , & honoris . is igitur *Caius* , cum *Apameae* me nuper uidisset *Romam* proficiscens , me ita appellauit : (*Culieolum* uix uiderem) Vnde , inquit , me iubes petere cibaria ? profecto respondi lenius , quam putabant oportuisse , qui aderant : me non instituisse ijs dare cibaria , quorum opera non essem usus . abiit iratus . huius *nebulonis* operatione si *Brutus* moneri potest ,
licebit

licebit eum solus ames, me aemulum non habebis?
 sed illum eum futurum esse puto, qui esse debet. ti-
 bi tamen causam notam esse uolui: & ad ipsum
 haec perscripsi diligentissime. omnino (soli enim su-
 mus) nullas umquam ad me litteras misit Brutus,
 ne proxime quidem de Appio, in quibus non ines-
 set arrogans, ἀνοήτων aliquid. tibi autem ualde
 * solet in ore esse, grauius autem Non contemnere
 se, & reges odisse superbos. in quo tamen ille mihi
 risum magis, quam stomachum, mouere solet. sed
 plane parum cogitat, quid scribat, aut ad quem.
 Q. Cicero puer legit, ut opinor, & certe, episto-
 lam inscriptam patri suo. solet enim aperire, idq. de
 meo consilio; si quid forte sit, quod opus sit sciri. in
 ea autem epistola erat illud idem de sorore, quod ad
 me. mirifice conturbatum uidi puerum. lacrymans
 mecum est questus. quid quaeris? miram in eo pie-
 tatem, suauitatem, humanitatemq. perspexi: quo
 maiorem spem habeo, nihil fore aliter, ac deceat.
 id te igitur scire uolui. Ne illud quidem praetermit-
 tam. Hortensius filius. fuit Laodiceae cum gladi-
 atoribus, flagitiose, et turpiter. hunc ego patris caus-
 sa uocaui ad cenam, quo die uenit: & eiusdem pa-
 tris causa nihil amplius. is mihi dixit, se Athenis
 me expectaturum, ut mecum decederet. recte,
 inquam. quid enim dicerem? omnino puto nihil es-
 se, quod dixit. non quidem; ne offendam patrem,
 quem mehercule ualde diligo. sin. fuerit meus co-
 mes; moderabor ita, ne quid eum offendam, quem
 minime

minime uolo. Haec sunt, etiam illud. Orationem Q. Celeris mihi uelim mittas contra M. Seruiliū. litteras mitte quamprimum, si nihil fuerit, uel per tui tabellarium. Piliae. & filiae salutē. Cura ut ualeas.

CICERO S. D. ATTICO.

4

TARSVM uenimus non. Iun. ibi me multa mouerunt, magnum in Syria bellum, magna in Cilicia latrocinia. Mihi difficilis ratio administrandi, quod paucos dies habebam reliquos annui muneris: illud autem difficillimum: relinquendus erat ex S. C. qui praeesset. nihil minus probari poterat, quam quaestor Messinius. nam de Coelio nihil audiebamus. rectissimum uidebatur, fratri cum imperio relinquere: in quo multa molesta, discessus noster, belli periculum, militum improbitas, sexcenta praeterea. o rem totam odiosam. sed haec fortuna uiderit: quoniam consilio non multum uti licet. Tu, quando Romam saluus, ut spero, uenisti, uidebis, ut soles, omnia, quae intelliges nostra interesse, in primis de Tullia mea: cuius de conditione quid mihi placeret, scripsi ad Terentiam, cum tu in Graecia esses: deinde de honore nostro. quod enim tu absuisti, uereor ut satis diligenter actum in senatu sit de litteris meis. Illud praeterea *μυσικωτερον* ad te scribam, tu sagacius odorabere:

τῷ δ' αμαρτὸς μου ὁ ἀπελδύδενος (οἶδα ὃν λέγω) ἔδοξε μοι φράσιν, ἐξ ὧν ἀλογόμενός παρεθέρχεται, πεφυρακέναι τὰς ψήφους ἐκ τῆς αὐτῆς οὔ ὑπαρχόντων

τοῦ

τῇ Κροτωνιάτῃ τυραννοκτόνῃ. δέδοικα δὴ, μή τι νοήσῃς, εἰς δὲ πῦρ τοῦτο φεύκε. φάμενος, τὰ λοιπὰ ἐξ ἀσφαλείας. non queo tantum quantum uereor scribere. Tu autem fac, ut mihi tue litterae uolent obuiæ. Haec festinans scripsi in itinere, atque agmine. Piliae, & puellae Caeciliae bellissimæ salutem dices. Vale.

CICERO S. D. ATTICO.

5

NUNC quidem profecto Romae es : quo te, si ita est, saluum uenisse gaudeo : unde quidem quam diu absuisti, magis a me abesse uidebare, quam si domi esses, minus enim mihi meae notae res erant, minus etiam publicae. quare uelim, etsi, ut spero, tu haec legente aliquantum tamen uiae processero, tamen obuias mihi litteras quamargutissimas de omnibus rebus crebro mittas, in primis de quo scripsi ad te antea. τῆς ξυναόρου, τῆς ἐμῆς οὐξ ἐλδύδερως, ἔδοξέ μοι θαυμάσιον ἀρῶν, καὶ ἀλύων τοῖς ξυλλόγοις, καὶ ταῖς λέξαις ὑπότι πεφυρακέναι καὶ φήρους ἐν τοῖς ὑπαρχουσι τοῖς τοῦ Κροτωνιάτου. hoc tu indaga, ut soles, ad hoc magis. ἐξ ἄσπεως ἐπὶ ἀλόφου τειχῶν παρέδωκεν ἡμῶν γάμου ὀφειλήματα ὁ Κάμιλλος, αὐτόν τε ὀφείλοντα μῆας κδ. ἐκ τῶν Κροτωνιατικῶν, καὶ ἐκ τῶν Χερρόνησιατικῶν μῆ. καὶ κληρονομούσας χι. κ. μ. τούτων δὲ μηδὲ ὁλόλον διαλύσασθαι πάντων ὀφειληθέντων τοῦ δαυτέρου μηνὸς τῇ νομηνίᾳ. τὸν δὲ ἀπελάττερον αὐτοῦ, ὄντα ἐμῶν ὅσον τῷ Κένωνος πατρὶ, μηδὲν ὀλοχερῶς πεφορτικέναι. ταῦτα δὲ, αὐτῶν μὲν, ἵνα πάντα σώζῃ : δαυτέρου δὲ, ἵνα μη-

Δὲν τῆς τόκων ὀλιγορύτης τῆς ἀπὸ τῆς προηκειμένης
 ἡμέρας, ὅσας αὐτὸν ἠνέγκαμεν, σφόδρα δέδοικα. καὶ
 γὰρ παρὴν πρὸς ἡμᾶς κατασκέφόμενος, καὶ τι χε-
 ρὸν ἐλπίζας. ἀπογνοῦς δὲ, ἀλόγως ἀπέστη ἐκείπων,
 αἰχρὸν τοι διρόντε μένειν. meq. obtingauit uete-
 re prouerbio, τὰ μὲν διδόντα. reliqua uide, &
 quantum fieri potest, perspiciamus. etsi annum
 tempus prope iam emeritū habebamus: dies enim
 xxxiii. erant reliqui: sollicitudine prouinciae ta-
 men uel maxime urgebamur. cum enim arderet Sy-
 ria bello; & Bibulus, in tanto ni aere suo, maxi-
 mam curam belli sustineret; ad meq. legati eius, et
 quaestor, & amici litteras mitterent, ut subsidio
 uenirem: etsi exercitum infirmum habebam, auxi-
 lia sane bona; sed ea Galatarum, Pisidarum, Ly-
 ciorum; (haec enim sunt nostra robora) tamen esse
 officium meum putavi, exercitum habere quampro-
 xime hostem, quoad mihi praeesse prouinciae per S.
 C. liceret. sed, quo ego maxime delectabar, Bibu-
 lus molestus mihi non erat; de omnibus rebus scri-
 bebat ad me potius. & mihi decessionis dies λεληθό-
 τως obrepebat. qui cum aduenerit: ἄλλο πρὶς ἔλημα,
 quem praeficiam, nisi Coelius quaestor uenerit; de
 quo adhuc nihil certi habebamus. Cupiebam meher-
 cule longiorem epistolam facere: sed nec erat res,
 de qua scriberem; nec iocari prae cura poteram.
 ualebis igitur, & puellae salutem articulate dices,
 nostraeq. Piliaeq.

E GO, dum in provincia omnibus rebus Appium orno, subito sum factus accusatoris eius socer. id quidem, inquis, dii approbant. ita uelim: teq. ita cupere certo scio: sed crede mihi, nihil minus putaram ego, qui de Ti. Nerone, qui mecum egerat, certos homines ad mulieres miseram: qui Romam uenerunt factis sponsalibus. sed hoc spero melius. mulieres quidem ualde intelligo delectari obsequio, & comitate adolescentis. cetera noli ἐξαρκεῖν. Sed heus tu, πρὸς ἐς δῆμον Athenis, placet hoc tibi? etsi non impediabant mei certe libri: non enim ista largitio fuit in ciues, sed in hostes liberalitas: me tamen de Academia ἐπορεύειν iubes cogitare; quoniam Appius de Eleusine non cogitet. De Hortensio te certo scio dolere: equidem excrucior: decreueram enim cum eo ualde familiariter uiuere. Nos provinciae praefecimus Coelium. puerum, inquis, & fortasse fatuum, & non grauem, & non continentem: assentior: fieri non potuit aliter. nam quas multo ante tuas acceperam litteras, in quibus ἐτίχειν te scripseras, quid esset mihi faciundum de relinquendo; eae me pungebant, uidebam enim, quae tibi essent ἐτοχῆς causae, (& erant eadem mihi) puero ne traderem. fratri autem, illud non utile nobis. nam praeter fratrem nemo erat, quem sine contumelia quaestori, nobili praesertim, anteferebam. tamen, dum impendere

Parthi

Parthi uidebantur, statueram fratrem relinquere, aut etiam reip. caussa contra S. C. ipse remanere. qui postea quam, incredibili felicitate, discesserunt; sublata dubitatio est. uidebam sermones: Hui fratrem reliquit? num est hoc non plus annum obtinere prouinciam? Quid, quod senatus eos uoluit prae esse prouincijs, qui non praefuissent? at hic triennium. Ergo haec ad populum. quid, quae tecum? nunquam essem sine cura, si quid iracundius, aut contumeliosius, aut negligentius. quae fortuita hominum? quid, si quid filius puer, & puer bene sibi fidens? qui esset dolor? quem pater non dimittebat; teq. id censere, moleste ferebat. at nunc Coelius, non dico equidem, quod egerit; sed tamen multo minus laboro. Adde illud. Pompeius, eo robore uir, ijs radicibus, Q. Cassium sine sorte delegit, Caesar Antonium: ego sorte datum offenderem? aut etiam inquirerem in eum, quem reliquissim? hoc melius; & huius rei plura exempla. senectuti quidem nostrae profecto aptius. at te apud eum, dii honi, quanta in gratia posui: eiq. legi litteras nō tuas, sed librarij tui. Amicorum litterae me ad triumphū uocant, rem a nobis, ut ego arbitror, propter hanc παλιγγενεσίαν nostram, non negligendam. quare tu quoque, mi Attice, incipe hoc cupere; quo nos minus inepti uideamur, Vale.

CICERO S. D. ATTICO. 15

QUINCTIVS filius, pie sane, me quidem
certe

certe multum hortante, sed currentem animum patris sui sorori tuae reconciliauit. eum ualde tuae litterae excitauit. quid quaeris? confido rem, ut uolumus, esse. Bis ad te ante scripsi de re mea familiarī, si modo tibi redditae litterae sunt, graece, ἐν ἀντιμῶνι. scilicet nihil est mouendum. sed tamen, ἀφελῶς percunctando de nominibus Milonis, & ut expediat, ut mihi recepit, hortando, aliquid ita tu proficies. Ego Laodiceae quaeſtorem Meſſinium expectare iuſſi, ut conſeſſas rationes lege Iulia apud ciuitates poſſim relinquere. Rhodum uolo puerorum cauſſa: inde quamprimum Athenas: etſi Eteſiae ualde reſtant: his ſed uolo magiſtratibus, quorum uoluntatem in ſupplicatione ſum expertus. Tu tamen mitte mihi, quaeso, obuiam litteras, numquid putes reip. nomine tardandum eſſe nobis.

Tiro ad te dedieſſet litteras, niſi eum grauius aegrum Eſeae reliquiſſem. ſed nunciant, melius eſſe. ego tamen angor. nihil enim illo adoleſcente caſtius, nihil diligentius. Vale.

CICERO S. D. ATTICO.

8

Cum inſtituiſſem ad te ſcribere, calamumque ſumpſiſſim, Batonius e navi recta ad me uenit domum Ephesi, & epistolam tuam reddidit prid. kal. Oct. Laetius ſum ſelicitate nauigationis tuae, oportunitate Piliae, etiam mehercule ſermone eiſdem de coniugio Tulliae meae. Batonius autem uiros terrores ad me attulit Caefarianos, cum Lepta etiam
plura

plura locutus est, spero, falsa, sed certe horribilia: exercitum nullo modo dimissurum: cum illo praetores des. Cassium tribunum, Lentulum cos. facere: Pompeio in animo esse urbem relinquere. Sed heus, tu, numquid moleste fers de illo, qui se solet anteferre patrio sororis tuae filij? at a quibus uictus, sed ad rem. Nos Etesiae uehementissime tardarunt. detraxit x x ipsos dies etiam aphraëtus Rhodiorum. kal. Oct. Epheso conscendentes hanc epistolam dedimus L. Tarquinio, simul e porto egredienti, sed expeditius nauiganti. nos Rhodiorum aphraëtis, ceterisq. longis nauibus tranquillitates aucupaturi eramus: ita tamen properabamus: ut non posset magis. De raudusculo Puteolano, gratum. Nunc uelim dispicias res Romanas; uideas, quid nobis de triumpho cogitandum putes; ad quem amici me uocant. ego, nisi Bibulus, qui, dum unus hospes in Syria fuit, pedem porta non plus extulit, quam domo sua, adniteretur de triumpho, aequo animo essem. nunc uero ἀγχιπὸν σιῶπᾶν. sed explora rem totam: ut, quo die congressi erimus, consilium capere possimus. At multa; qui & properarem, & ei litteras darem, qui aut mecum, aut paullo ante uenturus esset. Cicero tibi plurimam salutem dicit. tu dices utriusque nostrum uerbis & Piliae tuae, & filiae. Vale.

IN PIRABEA cum exissem pridie id. Oct. accepi ab Acasto, seruo meo, statim tuas litteras: quas quidem cum expectassem iam diu, admiratus sum, ut uidi obsignatam epistolam, breuitatem eius; ut aperui, rursus σόγῃσιν litterularum, quae solent tuae compositissimae, & clarissimae esse, ac ne multa, cognoui ex eo, quod ita scripseras, te Romam uenisse ad XII. kal. Oct. cum febris perculsus uehementer, nec magis, quam debui, statim quaero ex Acasto, ille & tibi, & sibi uisum, & ita se domi ex tuis audisse, ut nihil esset incommode. id uidebatur approbare, quod erat in extremo, febri- culam tum te habentem scripsisse. sed clamaui tamen; admiratusq. sum, quod nihilo minus ad me tua manu scripsisses. quare de hoc satis. spero enim, quae tua prudentia, & temperantia, & hercule, ut me iubet Acastus, confido te iam, ut uoluimus, ualere. A Turrannio te accepisse meas litteras gaudeo. παραφύλαξον, si me amas, τὴν τῷ θυρατοῦ φιλοτιμίαν αὐτόταθα. hanc, quae mehercule mihi magno dolori est, (dilexi enim hominē) procura, quantulacunque est, Praetianam hereditatem. prorsus ille ne attingat. dices, nummos mihi opus esse ad apparatus triumphi: in quo, ut praecipis, nec me κενὸν in expetendo cognosces, nec ἄτῳ φον in abiiciendo. Intellexi ex tuis litteris, te ex Turrannio audisse, a me prouinciam fratri traditā.

adeon

adeon' ego non perspexeram prudentiâ litterarum
 tuarum? ἐπέχειν te scribebas. quid erat dubitatio-
 ne dignum? si esset quidquam; cur placeret, fra-
 trem, & talem fratrem, relinqui? ἀδίτνης ista mi-
 hi tua, non ἐποχὴ, uidebatur. monebas de Q. Ci-
 cerone puero, ut eum quidem neutquam relinque-
 rem: Τοῦρὸν ὅνπερ ἐρῶν ἐμοί. eodem omnia, quasi
 collocuti essemus, uidimus. non fuit faciendum ali-
 ter, meq. ἐπιχειροῦν ἐποχὴ tua dubitatione libera-
 uit. sed puto te accepisse de hac re epistolam, scri-
 ptam accuratius. ego tabellarios postero die ad uos
 eram missurus, quos puto ante uenturos, quam no-
 strum Saufeium. sed, cum sine meis litteris ad te ue-
 nire, uix rectum erat. Tu mihi, ut polliceris,
 de Tulliola mea, id est de Dolabella, perscribas:
 de rep. quam praeuideo in summis periculis, de cen-
 soribus, maximeq. de signis, tabulis quid fiat, re-
 feratur ne. Idibus Oct. has dedi litteras: quo die,
 ut scribis, Caesar Placentiam legiones quattuor.
 quaeso, quid nobis futurum est? In arce Athenis
 statio mea nunc placet. Vale.

M. TVLLII CICERONIS
EPISTOLARVM AD
T. POMPONIVM ATTICVM
LIBER VII.

CICERO S. D. ATTICO.

D EDERAM equidem L. Saufeio literas, & dederam ad te unum; quod, cum non esset temporis mihi ad scribendum satis, tamen hominem tibi tam familiarem sine meis literis ad te venire nolebam. sed, ut philosophi ambulant, has tibi redditum iri putabam prius. sin iam illas accepisti, scis me Athenas uenisse pridie id. Oct. e naui egressum in Piraeum tuas ab Acasto nostro literas accepisse; cōturbatum, quod cum febre Romam uenisses; bono tamen animo esse coepisse, quod Acastus ea, quae uellem, de alienato corpore tuo nunciaret; corroboruisse autem, quod tuae litterae de legionibus Caesaris afferrent; & egisse tecum, ut uideres, ne quid φιλοτιμία eius, quem nosti, nobis noceret; & de quo iam pridem ad te scripseram. Turranius autem secus tibi Brundisii dixerat: quod ex ijs litteris cognoui, quas a Xenone, optimo uiro, accepi. Cur fratrem provinciae non praefecissem, exposui breuiter. Haec fere sunt in illa epistola: nunc audi reliqua. Per fortunas, omnem tuum amorem, quo me es amplexus, omnemq. tuam prudentiam, quam

quam mehercule in omni genere iudico singularem, conferto ad eam curam, ut de omni statu meo cogites. uidere enim mihi uideor tantam dimicationem, nisi idem deus, qui nos melius, quam optare auderemus, Parthico bello liberauit, respexerit remp. sed tantam, quanta nunquam fuit. age, hoc malum mihi commune est cum omnibus: nihil tibi mando, ut de eo cogites: illud meum proprium *πρόβλημα*, quaeso, suscipe. uides ne, ut te auctore sim utrunque complexus? ac uellem a principio te audisse amicissime monentem:

Ἀλλ' ἐμὸν οὐποτε θυμὸν ἐνὶ στήθεσιν ἔπειθες:

Ὡς οὐδὲν γλυκίον ἢς πατρίδος:

sed aliquando tamen persuasisti, ut alterum completerer, quia de me erat op'ime meritus; alterum, quia tantum ualebat. feci igitur, atque effeci omni obsequio, ut neutri illorum quisquam esset me carior. haec enim cogitabamus; nec mihi, iuncto cum Pompeio, fore necesse peccare in rep. aliquando, nec, cum Pompeio sentienti, pugnandum esse cum Caesare: tanta erat illorum coniunctio. nunc impen-
det, ut & tu ostendis, & ego uideo, summa inter eos contentio: me autem uterque numerat suum. nisi forte simulat alter. nam Pompeius non dubitat (uere enim induit) ea, quae de rep. nunc sentiat, mihi ualde probari. utriusque autem accepi eiusmodi literas eodem tempore, quo tuas, ut neuter quenquam omnium plus facere, quam me, uideretur. uerum quid agam? non quaero illa ultima, (si enim

castris res geretur, uideo cum altero uinci satius esse, quam cum altero uincere) sed illa, quae tum aguntur, cum uenero; ne ratio absentis habeatur, ut exercitum dimittat. dic M. Tulli. quid dicam? expecta, amabo te, dum Atticum conueniam. non est locus ad tergiversandum contra Caesarem. ubi illae sunt densae dexterae? nam, ut illi hoc liceret, adiui, rogatus ab ipso Rauennae de Coelio tribuno pl. ab ipso autem? etiam a Cnaco nostro, in illo diuino tertio consulatu. aliter sensero: αἰδέομαι non Pompeium modo, sed Τρωάς, καὶ Τρωάδας. Πουλυδάμας μοι πρῶτος ἐλέγχειν καλῶς, quis? tu ipse scilicet, laudator & factorum, & scriptorum meorum. hanc ego plagam effugi per duos superiores Marcellorum consulatus, cum est actum de provincia Caesaris. nunc incido in discrimen ipsum. itaque, ut stultus primus suam sententiam dicat, mihi ualde placet de triumpho nos moliri aliquid, extra urbem esse cum iustissima causa. tamen dabunt operam, ut eliciant sententiam meam. Ridebis hoc loco fortasse: quam uellem etiam nunc in provincia morari. plane opus fuit, si hoc impendebat. et si nil miseri. nam, ὁδοῦ πάρεργον, uolo te hoc scire: omnia illa prima, quae etiam tu litteris in caelum ferebas, ἐπίτηκτα fuerunt. quam non est facilis uirtus, quam uero difficilis eius diuturna simulatio. cum enim hoc rectum, & gloriosum putarem, ex annuo sumptu, qui mihi decretus esset, me C. Coelio quaestori relinquere annuū, referre in aerarium ad HS

CID : ingemuit nostra cohors, omnē illud putans
distribui sibi oportere : ut ego amicior inuenirer
Phrygum, & Cilicum aerarijs, quam nostro. sed
me non mouerunt. nam & mea laus apud me plu-
rimum ualuit : nec tamen quidquam honorifice in-
quenquam fieri potuit, quod praetermiserim. Sed
haec fuerit, ut ait Thucydides, ἐκβολὴ λόγου non in-
utilis. Tu autem de nostro statu cogitabis : pri-
mum quo artificio tueamur beneuolentiam Caesa-
ris : deinde de ipso triumpho : quem uideo, nisi reip.
tempora impediēt, & πόριον. iudico autem cum
ex litteris amicorum, tum ex supplicatione : quam
qui non decreuit, plus decreuit, quam si omnes de-
creuisset triumphos. ei porro assensus est unus, fa-
miliaris meus, Fauonius, alter iratus Hirrus. Ca-
to autem & scribendo affuit, & ad me de senten-
tia sua iucundissimas litteras misit. sed tamen gra-
tulans mihi Caesar de supplicatione, triumphat de
sententia Catonis ; nec scribit, quid ille sententiae
dixerit, sed tantum, supplicationem eum mihi non
decreuisse. Rudeo ad Hirrum, coeperas eum mihi
placare : perface. habes Scrofam, habes Silium. ad
eos ego etiam antea scripsi, & ad ipsum Hirrum :
locutus enim erat cum ijs, commodē se potuisse im-
pedire, sed noluisse ; assensum tamen esse Catoni,
amicissimo meo ; cum is honorificentissimam in me
sententiam dixisset ; nec me ad se ulla litteras mi-
sisse, cum ad omnes mitterem. uerum dicebat. ad
eum enim solum, & ad Crassipedem non scripse-

ram. Atque haec de rebus forensibus. redeamus domum. Diiungere me ab illo uolo. mirus est ου-
ράτης, germanus Laertidius.

Αλλὰ τὰ μὲν προτέτυχθαι ἴδσομεν ἀχνύμενοί περ.

Reliqua expediamus, hoc primum, quod accessit cura dolori meo, sed hoc tamen, quidquid est: Praetianum cum ijs rationibus, quas ille meas tractat, admisceri nolo. scripsi ad Terentiam, scripsi etiam ad ipsum, me, quidquid possem nummorum, ad apparatus sperati triumphi ad te redacturum. ita puto ἀμύμῃ fore. uerum, ut lubebit. Hanc quoque suscipe curam, quemadmodum experiamur. id & ostendisti quibusdam literis, ex Epiro, & Athenis datis; & in eo ego te adiunabo. Vale.

CICERO S. D. ATTICO.

2

BRUNDISIUM uenimus VII. kal. Dec. usque tua felicitate nauigandi, ita belle nobis flauit ab Epiro lenissimus Auster mitis. hunc πονδείας ὄρτα, si cui uoles ἤν' νεωτέρων, pro tuo uendito. Inualitudo tua me ualde conturbat. significant enim tuae litterae, te prorsus laborare. ego autem, cum sciam, quam sis fortis, uehementius esse quiddam suspicor, quod te cogat cedere, & propemodum infringat. etsi alteram quartanam Pamphilus tuus mihi dixit decessisse, & alteram leuiorem accedere. Terentia uero, quae quidem eodem tempore ad portam Brundisiam uenit, quo ego in portum, mihiq. obdian in foro fuit, L. Pontium sibi in Trebulan

lano dixisse narrabat, etiam eam decessisse. quod si ita est, quod maxime hercule opto; id spero tua prudentia, & temperantia te consecutum. Venio ad epistolae tuas, quas ego sexcentas uno tempore accepi, aliam alia iucundiorum, quae quidem erant tua manu. nam Alexidis manum amabam, quod tam prope accedebat ad similitudinem tuae litterae: manum non amabam quia indicabat te non ualere. cuius quoniam mentio iam facta est, Tironem Patris aegrum reliqui, adolescentem, ut nosti, (& adde, si quiduis) probum: nihil uidi melius: itaque careo aegre. quamquam uidebatur se non grauiter habere: tamen sum sollicitus, maximamque spem habeo in me. Curij diligentia, de qua ad me scripsit Tiro, & multi nuntiauerunt. Curius autem ipse sensit, quam tu uelles a me diligi: & eo sum admodum delectatus: & mehercule est, quem facile diligas. αὐτὶς ἄνθρωπος in homine urbanitas. eius testamentum de tortorio, Ciceronum signis obsignatum, cohortisq. praetoriae. fecit palam te ex libella, me ex teruncia. Corcyrae Alexion me opipare muneratus est. Q. Ciceroni obsisli non potuit, quo minus Thyamim uideret. Filiola tua te delectari laetor, & probari tibi σοφὴν φύσιν esse, τὴν πρὸς τὰ τέχνη. etenim, si haec non est, nulla potest homini esse ad hominem naturae adiunctio: qua sublata, uitae societas tollitur. bene eueniat, inquit Carneades, spurce, sed tamen prudentius, quam Lucius noster, & Patron: qui cum omnia ad se referant, nec quidquam alterius

alterius caussa fieri putent; et cum ea re bonum ui-
 rum oportere esse dicant, ne malum habeat, non
 quod id natura rectum sit; non intelligunt se de calli-
 do homine loqui, non de bono uiro. sed haec opinor
 sunt in ijs libris, quos tu laudando, animos mihi ad-
 didisti. Redeo ad rem. Quo modo expectabam epi-
 stolam, quam Philoxeno dedisses? scripseras enim,
 in ea esse de sermone Pompeij Neapolitano. eam
 mihi Patro Brundisij reddidit: Corcyrae, ut opi-
 nor, acceperat. nihil potuit esse iucundius. erat e-
 nim de rep. de opinione, quam is uir haberet inte-
 gritatis meae, de beneuolentia, quam ostendit eo
 sermone, quem habuit de triumpho. sed tamen hoc
 iucundissimum. quod intellexi, te ad eum uenisse,
 ut eius animum erga me perspiceres. hoc mihi in-
 quam accidit iucundissimum. De triumpho autem,
 nulla me cupiditas umquam tenuit ante Bibuli impu-
 dentissimas litteras, quas amplissime supplicatio co-
 secuta est. a quo si ea gesta sunt, quae scripsit; gaude-
 rem, & honori sauerem: nunc illum, qui pedem por-
 ta, quoad hostis cis Euphratem fuit, non extulerit,
 honore augeri; me, ut cuius exercitu spem illius e-
 xercitus habuit, idem non assequi, dedecus est no-
 strum, nostrum, inquam, te coniungens. itaque omnia
 experiar, & ut spero, assequar. quod si tu ualeres,
 iam mihi quaedam explorata essent: sed, ut spero;
 ualebis. De raudusculo Numeriana multum te a-
 mo. Hortensius quid egerit, aucto scire, Cato quid
 agat: qui quidem in me turpiter fuit moleuolus:

dedit

dedit integritatis, iustitiae, clementiae, fidei mihi testimonium, quod non quaerebam; quod postulabam, negavit. itaque Caesar ijs litteris, quibus mihi gratulatur, & omnia pollicetur, quo modo exultat Catonis, in me ingratisissimi, iniuria? at hic idem Bibulo dierum xx. ignosce mihi, non possum haec ferre, nec feram. cupio ad omnes tuas epistolas, sed nihil necesse est: iam enim te uidebo. illud tamen de Chrysippo. nam de altero illo minus sum admiratus, operario homine: sed tamen ne illo quidem quidquam improbius. Chrysippum uero, quem ego, propter litterularum nescio quid, libenter uidi, in honore habui, discedere a pucro, insciente me? mitto alia, quae audio, multa: mitto furti: fugam non sero, qua mihi nihil uisum est sceleratius. itaque usurpauit uetus illud Drusi, ut, ferunt, praetoris in eo, qui eadem liber non iuraret: me istos liberos non addixisse, praesertim cum adesset nemo, a quo recte uindicarentur. id tu, ut uidebitur, ita accipies: ego tibi assentiar. Vni tuae discretissimae epistolae non rescripsi, in qua est de periculis reip. quid rescriberem? ualde eram perturbatus: sed, ut nihil magnopere metuam, Parthi faciunt, qui repente Bibulum seminiuum reliquerunt. Vale.

CICERO S. D. ATTICO. 3

AD VIII. idus Dec. in Trebulanum ueni, & ibi tuas litteras legi, quas Philotimus mihi reddidit, e quibus hanc primo adfectu uoluptatem cepi.

quod

quod erant a te ipso scriptae, deinde earum accuratissima diligentia sum mirum in modum delectatus. Ac primum illud, in quo te Dicaearchos assentiri negas, etsi cupidissime expeditum a me sit, & approbante te, ne diutius anno in provincia essem, tamen non est nostra contentione perfectum. sic enim scito, uerbum in senatu factum esse numquam de ullo nostrum, qui provincias obtinuimus, quo in his diutius, quam ex S. C. maneremus: ut iam ne istius quidem rei culpam sustineam, quod minus diu fuerim in provincia, quam fortasse fuerit utile. sed quid, si hoc melius? oportune dici uidetur, ut in hoc ipso. siue enim ad concordiam res adduci potest, siue ad bonorum uictoriam; utriusuis rei me aut adiutorem uelim esse, aut certe non expertem: sin uincuntur boni; ubicunque essem, una cum ijs uictus essem. quare celeritas nostri reditus ἀμετάκλητος debet esse. quod si ista nobis cogitatio de triumpho iniecta non esset, quam tu quoque approbas: nae tu haud multum requireres illum uirum, qui in VI. libro informatus est. quid enim tibi faciam, qui illos libros deuorasti? qui nunc ipsum non dubitabo rem tantam abicere, si id erit reuerentius. utrumque uero simulagi non potest, & de triumpho ambitiose, & de rep. libere. sed ne dubitaris, quin, quod honestius, id mihi futurum sit antiquius. Nam quod putas utilius esse uel mihi, quod tutius sit, uel etiam ut reip. prodesse possim, me esse cum imperio: id coram considerabimus quale

le sit . habet enim res deliberationem : etsi ex parte magna tibi assentior . De animo autem meo erga remp. bene facis ; quod non dubitas ; & illud probe iudicas ; nequaquam satis pro meis officijs , pro ipsius in alios effusione illum in me liberalem fuisse ; eiusq. rei causam uere explicas ; & eis , quae de Fabio , Caninioq. acta scribis , ualde consentiunt . quae si secus essent , totumq. se ille in me profudisset ; tamen , illa quam scribis , custos urbis me praeclarae inscriptionis memorem esse cogeret ; nec mihi concederet , ut imitarer Volcatium , aut Seruim , quibus tu es contentus ; sed aliquid nos uellet nobis dignum & sentire , & defendere . quod quidem agerem , si liceret , alio modo , ac nunc agendum est . de sua potentia dimicant homines hoc tempore , periculo ciuitatis . nam , si resp. defenditur ; cur ea , consule isto ipso , defensa non est ? cur ego , in cuius causa reip. salus consistebat , defensus postero anno non sum ? cur imperium illi , aut cur illo modo pro rogatum est ? cur tantopere pugnatum est , ut de eius absentis ratione habenda decem tribuni pl. ferrent ? his ille rebus ita conualuit , ut nunc in uno ciue resp. ad resistendum imbecilla sit . quam mallet , tantas ei uires non dedisset , quam nunc tam ualenti resisteret . sed , quoniam res eo deducta est , nō quae-ram , ut scribis , τὸ σκᾶρος ἢ ὁ Ἀργεῖ δῶν . mihi σκᾶρος unum erit , quod a Pompeio gubernabitur . illud ipsum , quod ais ; quid fiet , cum erit dictum ? dic M. Tulli σὺν τοῖς μὲν . Pompeio assentiar : ipsum tamen

Pom-

Pompeium separatim ad concordiam hortabor. sic enim sentio; maximo in periculo rem esse. uos scilicet plura, qui in urbe estis. uerumtamen hoc uideo, cum homine audacissimo; paratissimoq. negotium esse; omnes damnatos; omnes ignominia affectos, omnes damnatione; ignominiaq. dignos illac facere, omnem fere iuuentutem, omnem illam urbanam, ac perditam plebem, tribunos ualentes, addito C. Cassio, omnes, qui aere alieno premantur; quos plures esse intelligo, quam putaram. causam solum illa causa non habet; ceteris rebus abundat. hic omnia facere omnis, ne armis decernatur: quorum exitus semper incerti, nunc uero in alteram partem magis timendi. Bibulus de provincia decessit; Veientonem praefecit. in decedendo erit, ut audio, tardior. quem cum ornauit Cato, declarauit, ijs se solis non inuidere, quibus nihil, aut non multum ad dignitatem posset accedere. Nunc uenio ad priuata: fere enim respondi tuis litteris de rep. & ijs, quas in suburbano, & ijs, quas postea scripsisti. ad priuata uenio. Vnum etiam de Coelio. tantum abest, ut meam ille sententiam moueat, ut ualde ego ipsi, quod de sua sententia decesserit, paenitendum putem. sed quid est, quod cuncti Luceijs sint addicti? hoc te praetermisisse miror. De Philotimo, faciam equidem, ut mones: sed ego mihi ab illo non rationes expectabam, quas tibi edidit, uerum id reliquum, quod ipse in Tusculano me referre in commentarium mea manu uoluit: quodq. idem in Asia mihi

mibi sua manu scriptum dedit. id si praeſtaret; quantum mihi aeris alieni eſſet, tibi edidit, tantum, & plus etiam ipſe mihi deberet. ſed in hoc genere, ſi modo per remp. licebit, non accuſabimur poſthac: neque hercule antea negligentes fuimus, ſed amicorum multitudine occupati: ergo utemur, ut polliceris, & opera, & conſilio tuo: nec tibi erimus, ut ſpero, i eo moleſti. De ſerperaſtris cohortis meae, nihil eſt, quod doleas. ipſi enim, ſe collegerunt ad miratione uitae integritatis meae. ſed me mouerat nemo magis, quam iſ, quem tu neminem putas. idem & initio fuerat, & nunc eſt egregius: ſed in ipſa deceſſione ſignificauit, ſperaviſſe ſe aliquid; & id, quod animum induxerat pauliſſer, non tenuit: ſed cito ad ſe rediit; meisq. honorificentiffimis erga ſe officijs uictus, pluris ea duxit, quam omnem pecuniam. Ego a Curio tabulas accepi, quas mecum porto. Hortenſij legata cognoui. nunc aueo ſcire, quid hominis ſit, & quarum rerum auktionem inſtituat. neſcio enim, cur, cum portam Flumentanam Coelius occuparit, ego Puteolos non faciã meos. Venio ad Piraeëa. in quò magis reprehendendus ſum, quod homo Romanus Piraeëa ſcripſerim, non Piraeëum, (ſic enim omnes noſtri locuti ſunt) quam quod, in, addiderim. non enim hoc ut. opido prae-poſui, ſed ut loco. & tamen Dionyſius noſter, qui eſt nobiſcum, & Nicias Cous non rebatur, opidum eſſe Piraeëa. ſed de re uidero, noſtrum quidem ſi eſt peccatum, in eo eſt, quod, non ut de opido; locutus

locutus sum, sed ut de loco: secutusque sum, non dico Caecilium, Mane ut ex portu in Piraeum; (malus enim auctor latinitatis est) sed Terentium, cuius fabellae, propter elegantiam sermonis, putabantur a C. Laelio scribi: Heri aliquot adolescentuli coimus in Piraeum. & idem, Mercator hoc addebat, captam e Sunio. quod si ὀπίδος opida uolumus esse, tam est opidum Sunium, quam Piraeum. sed quoniam grammaticus es; si hoc mihi ἑρμηνεία persolueris, magna me molestia liberaris. Ille mihi literas blandas mittit, facit idem pro eo Balbus. mihi certum est, ab honestissima sententia digitum nusquam. sed scis, illi reliquum quantum sit. putas ne igitur uerendum esse, ne aut obijciat id nobis aliquis, si languidius; aut repetat, si fortius? quid ad haec reperis? soluamus, inquis. age, a Coelio mutuabimur. hoc tu tamen consideres uelim. puto enim, in senatu si quando praeclare pro rep. dixerō, Tartessum istum tuum mihi exeunti, Iube sodes nummos curare. Quid superest? etiam. gener est suavis mihi, Tulliae, Terentiae quantumuis. uel ingenij, uel humanitatis satis. reliqua, quae nosti, ferenda. scis enim, quos aperuimus. qui omnes, praeter eum, de quo per te egimus, reum me facere rentur. ipsis enim expensum nemo offeret. Sed haec coram: nam multi sermonis sunt. Tironis reficiendi spes est in M. Curio: cui ego scripsi, tibi eum gratissimum facturum. Vale. D. V. id. Dec. a Pontio, ex Trebulano,

DIONYSIVM, flagrantem desiderio tui, mi-
 si ad te, nec mehercule aequo animo, sed fuit conce-
 dendum. quem quidem cognoui cum doctum, quod
 mihi iam ante erat notum, tum sanctum, plenum
 officij, studiosum etiam meae laudis, frugi homi-
 nem, ac, ne libertinum laudare uidear, plane ui-
 rum bonum. Pompeium uidi i v. id. Dec. fui-
 mus una horas duas fortasse. magna laetitia mihi ui-
 sus est affici meo aduentu. de triumpho hortari, su-
 scipere partes suas: monere, ne ante in senatum ac-
 cederem, quam rem consecissem; ne, dicendis sen-
 tentijs, aliquem tribunum alienarem. quid quaeris?
 in hoc iudicio, et officio sermonis nihil potuit esse pro-
 lixius. de rep. autem ita mecum locutus est, quasi
 non dubium bellum haberemus. nihil ad spem con-
 cordiae: plane illum ab se alienatum, cum ante in-
 telligeret, tum uero proxime indicasse: uenisse Hir-
 tium a Caesare, qui esset illi familiarissimus; ad se
 non accessisse; & cum ille ad viii. id. Dec. uenisse
 Balbus de tota re constituisset, ad vii.
 ad Scipionem ante lucem uenisse; multa de nocte
 profectum esse ad Caesarem. hoc illi *τεμπνισμός* ui-
 debatur esse alienationis. quid multa? nihil me al-
 liud consolatur, nisi quod illum, cui etiam inimici
 alterum consulatum, fortuna summam potentiam
 dederit, non arbitror fore tam amentem, ut haec in
 discrimen adducat. quod si ruere coeperit; ne ego

Q

multa

multa timeo ; quae non audeo scribere. sed, ut nunc est, ad III. non. Ian. ad urbem cogito. Vale.

CICERO S. D. ATTICO. 5

MULTAS uno tempore accepi epistolas tuas : quae mihi, quanquam recentiora audiebam ex ijs, qui ad me ueniebant, tamen erant iucundae. studium enim, & beneuolentiam declarabant. In ualitudine tua moueor : et, Piliam in idem genus morbi delapsam, curam tibi asserre maiorem sentio. date igitur operam, ut ualeatis. De Tirone, uideo tibi curae esse : quem quidem ego, etsi mirabiles utilitates mihi praebet ; cum ualet, in omni genere uel negotiorum, uel studiorum meorum, tamen propter humanitatem, & modestiam malo saluum, quam propter usum meum. Philogenes mecum nihil unquam de Luscenio locutus est : de ceteris rebus habes Dionysium. Sororem tuam non uenisse in Arcanum miror. De Chrysippo, meum consilium probari tibi, non moleste fero. Ego in Tusculanum nihil sane hoc tempore. deuim est τοῖς ἀπαντῶσιν, & habet alia δύχνηα. sed de Formiano Tarracinam pridie kal. Ian. inde Pontinium summam : inde Albanum Pompeij : ita ad urbem III. non. natali meo. De rep. quotidie magis timeo. non enim boni, ut putauimus, consentiunt. quos ego equites R. quos senatores uidi, qui acerrime cum cetera, tum hoc iter Pompeij uituperarent ? pace opus est. ex uictoria cum multa mala, tum certe tyrannis existet.

sed

sed haec propediem coram . Iam plane mihi deest ,
 quid ad te scribam . nec enim de rep. quod uterque
 nostrum scit eadem : & domestica nota sunt ambo-
 bus . reliquum est iocari , si hic sinat . nam ego is
 sum , qui , illi concedi , putem , utilius esse quod po-
 stulat , quam signa conferri . sero enim resistimus
 ei , quem per annos decem aluimus contra nos . quid
 sentis igitur ? inquis . nihil scilicet , nisi de sententia
 tua , nec prius quidem , quam nostrum negotium
 aut confecerimus , aut deposuerimus . Cura igitur ,
 ut ualeas . aliquando ἀπόρρητος quartanam istam
 diligentia , quae in te summa est .

CICERO S. D. ATTICO.

6

PLANE deest , quid ad te scribam . nota omnia
 tibi sunt : nec ipse habeo , a te quid expectem . tan-
 tum igitur nostrum illud sollemne seruemus , ut ne
 qucm istuc euntem sine litteris dimittamus . De rep.
 ualde timeo : nec adhuc fere inueni , qui non conce-
 dendum putaret Caesari , quod postularet , potius ,
 quam depugnandum . est illa quidem impudens po-
 stulatio , opinione ualentior : cur autem nunc pri-
 mum ei resistamus ? οὐ γὰρ ἀντὶ τοῦ μὲν ἔχει κακὸν ,
 quam cum quinquennium prorogabamus , aut cum ,
 ut absentis ratio haberetur , ferebamus . nisi forte
 haec illi tum arma dedimus , ut nunc cum bene pa-
 rato pugnaremus . dices , quid tu igitur sensurus es ?
 non idem , quod dicturus . sentiam enim omnia sa-
 cienda , ne armis decertetur : dicam idem , quod

Pompeius; neque id faciam humili animo. sed rur-
sus hoc permagnum reip. malum est, & quodam
modo mihi praeter ceteros non rectum, me in tantis
rebus a Pompeio diffidere. Vale.

CICERO S. D. ATTICO. 7

DIONYSIUS, uir optimus, ut mihi quoque
est perspectus, et doctissimus, tuiq. amantissimus,
Romam uenit xv. kal. Ian. & litteras a te mihi
reddidit. tot enim uerba sunt de Dionysio in episto-
la tua. illud putato non adscribis, Et tibi gratias
egit. atqui certe ille agere debuit: & si esset fa-
ctum, quae tua est humanitas, adscripsisses. mihi au-
tem nulla de eo *παλινοδία* datur propter superioris
epistolae testimonium. sit igitur sane bonus uir. hoc
enim ipsum bene fecit, quod mihi sui cognoscendi
penitus etiam istam facultatem dedit. Philogenes
recte ad te scripsit: curauit enim, quod debuit. eum
ego uti ea pecunia uolui, quoad liceret. itaque usui
est menses xiii. Pontinium cupio ualere: et quod
scribis in urbem introisse, uereor quid sit. nam id
nisi graui de causa non fecisset. Ego, quoniam i v.
non. Ian. compitalicias dies, nolo eo die in Al-
banum uenire molestus familiae: ueniam iiii. non.
igitur: inde ad urbem prid. non. Tua *ἀντίς* quem in
diem incurrat, nescio: sed prorsus te commoueri in-
commodum uoletudinis tuae nolo. De honore nostro,
nisi quid occulte Caesar per suos tribunos molitus
erit, cetera uidentur esse tranquilla. tranquillissi-
mus

mus autem animus meus, qui totum istuc aequi bo-
ni facit, & eo magis, quod iam a multis audio con-
stitutum esse Pompeio, & eius consilio, in Siciliam
me mittere, quod imperium habeam. id est Ἀδύπτ-
τιχόν. nec enim senatus decreuit, nec populus iussit,
me imperium in Sicilia habere. siñ hoc resp. ad Pom-
peium refert: qui me magis, quam priuatum ali-
quem, mittat? itaque, si hoc imperium mihi mole-
stum erit; uer ea porta, quam primum uidero.

Nam quod scribis, mirificam expectationem esse
mei, neque tamen quemquam bonorum, aut satis
bonorum dubitare, quid sensurus sim: ego, quos tu
bonos esse dicas, non intelligo: ipse nullos noui, sed
ita, si ordines bonorum quaerimus. nam singulares
sunt boni uiri. uerum in dissensionibus ordines bono-
rum, & genera quaerenda sunt. senatum bonum pu-
tas, per quem sine imperio provinciae sunt? num-
quam enim Curio sustinisset, si cum eo agi coeptum
esset. quam sententiam senatus sequi noluit. ex quo
factum est, ut Caesar non succederetur. an publica-
nos? qui numquam sumi. sed nunc Caesari sunt ami-
cissimi. an feneratores? an agricolae? quibus opta-
tissimum est otium. nisi eos timere putas, ne sub re-
gno sint, qui id numquam, dum modo otiosi essent,
recusarunt. quid ergo? exercitum retinentis, cum
legis dies transierit, rationem haberi placet? mihi
uero ne absentis quidem. sed, cum id datum est, il-
lud una datum est. Annorum decem imperium, &
ita latum, placet? placet igitur etiam me expul-

sum, & agrum Campanum periisse, & adoptatum patricium a plebeis, Gaditanum a Mitylenaeo. & Labieni diuitiae, & Mamurrae placent, & Balbi horti, & Tusculanum. sed horum omnium fons unus est. imbecillo resistendum fuit: & id erat facile. nunc legiones XI, equitatus tantus, quantum uolet; transpadani, plebs urbana, tot tribuni pl. tam perdita iuuentus, tanta auctoritate dux, tanta audacia. cum hoc aut depugnandum est, aut habenda e lege ratio. depugna, inquis, potius, quam seruias: ut quid? si uictus eris, proscribare: si uiceris, tamen seruias. quid ergo, inquis, acturus es? idē quod pecudes, quae dispulsae sui generis sequuntur greges. ut bos armenta, sic ego bonos uiros, aut eos, quicumque dicentur boni, sequar, etiam si ruēt. quid sit optimum male contractis rebus, plane uideo. nemini est enim exploratum, cum ad arma uentum est, quid futurum sit: at illud omnibus, si boni uicti sunt, nec in caede principum clementiorē hunc fore, quam Cinna fuerit, nec moderationem, quam Sylla, in pecunijs locupletium. Εμπειρόμαί σοι iam dudum; & facerem diutius, nisi me lucerna de sereret. Ad summam, dic M. Tulli. assentior Cn. Pompeio, id est T. Pomponio. Alexim, humanissimum puerum, nisi forte, dum ego absum, adolescens factus est, (id enim agere uidebatur) saluere iubeas uelim.

QVID opus est de Dionysio tam ualde affirmare? an mihi nutus tuus non faceret fidem? sufficionem autem eo mihi maiorem tua taciturnitas attulerat, quod & tu soles conglutinare amicitias testimonijis tuis; & illum aliter cum alijs de nobis locutum audiebam. sed prorsus ita esse, ut scribis, mihi persuades: itaque ego is in illum sum, quem tu me esse uis. Diem tuum ego quoque ex epistola quadam tua, quam incipiente febricula scripseras, mihi notaueram; & animaduerteram, posse, pro nata, te non incommode ad me in Albanum uenire III. non. Ian. sed, amabo te nihil incommodo ualitudinis feceris. quid enim est tantum in uno, aut altero die? Dolabellam uideo Liuiæ testamento cum duobus coheredibus esse in triente, sed iuberi mutare nomen. est πολιτικὸν σχῆμα, rectum ne sit nobili adolescenti mutare nomen mulieris testamento. sed id φιλοσοφώτερον διδκρινήσομεν, cum sciemus, quantum quasi sit in trientis triente. Quod putasti fore, ut ante, quam istuc uenirem, Pompeium uiderem. factum est ita. nam vi kal. ad Laueruium me consecutus est. uia Formias uenimus, & ab hora octaua ad uesperum secreto collouti sumus. Quod quaeris, ecquæ spes pacificationis sit: quantum ex Pompeii multo, & ac. urato sermone perspexi, ne uoluntas quidem est. sic enim existimat, si ille, uel dimisso exercitu, consul factus sit;

οὐ γὰρ οὐκ ἔστιν τῆς πολιτείας fore . atque etiam putat
 eum, cum audierit, contra se diligenter parari, con-
 sulatum hoc anno neglecturum, ac potius exerci-
 tum provinciamq. retenturum . sin autem ille fure-
 ret; uehementer hominem contemnebat, & suis,
 & reip. copijs confidebat . quid quaeris? etsi mihi
 crebro ξυῶς ἐνυάλως occurrebat; tamen lenabar cu-
 ra, uirum fortem, & peritum, & plurimum au-
 ctoritate ualentem audiens, πολιτικῶς de pacis si-
 mulatae periculis differentem . habebamus autem
 in manibus Antonij concionem, habitam x. kal.
 Ian. in qua erat accusatio Pompeij usque a toga pu-
 ra, querela de damnatis, terror armorum . in qui-
 bus ille, Quid censes, aiebat, facturum esse ipsum,
 si in possessionem reip. uenerit, cum haec quaestor
 eius infirmus, & inops audeat dicere? quid multa?
 non modo non expetere pacem istam, sed etiam ti-
 mere uisus est . ex illa autem sententia ira relinquen-
 dae urbis mouet hominem, ut puto . mihi autem il-
 lud molestissimum est, quod soluendi sunt nummi
 Caesari, & instrumentum triumphi eo conferen-
 dum: est enim ἀμοιβή, ἀντιπολιτομένην χρεώσε-
 αίνην esse . Sed haec, & multa alia coram . Valetu-
 dinem tuam cura diligenter .

CICERO S. D. ATTICO . 9

QVOTIDIE ne, inquis, a te accipiendae lit-
 terae sunt? si habebo, cui dem, quotidie, at iam ip-
 se ades . tum igitur, cum uenero, desinam . Vnas
 uideo

uideo mihi a te non esse redditas; quas L. Quin-
 etius, familiaris meus cum ferret, ad Bustum Ba-
 sily uulneratus, & despoliatus est. uidebis igitur,
 num quid fuerit in ijs, quod me scire opus sit. & si-
 mul ut hoc διδρακνύμενος: πρόβλημα sane πολιτικόν:
 cum sit necesse, aut haberi Caesaris rationem, illo
 exercitum uel per senatum, uel per tribunos pl.
 obtinente; aut persuaderi Caesari, ut tradat provin-
 ciam, atque exercitum, & ita consul fiat; aut, si id
 non persuadeatur, haberi comitia sine illius ratio-
 ne, illo patiente, atque obtinente provinciam; aut,
 si per tribunos pl. non patiat, tamen quiescat,
 rem adduci ad interregnum; aut, si ob eam caus-
 sam, quod ratio eius non habeatur: exercitum ad-
 ducat, armis cum eo contendere; illum autem ini-
 tium facere armorum aut statim nobis minus para-
 tis, aut tum, cum comitijs, amicis eius postulanti-
 bus ut e lege ratio habeatur, impetratum non sit:
 ire autem ad arma aut hanc unam ob causam, quod
 ratio non habetur; aut addita causa, si forte tri-
 bunus pl. senatum impediens; aut populum inci-
 tans notatus, aut senatus consulto circumscriptus,
 aut sublatus, aut expulsus sit, dicens ne se expul-
 sum, ad illum confugerit; suscepto autem bello,
 aut tenenda sit urbs; aut, ea relicta, ille a com-
 meatu, & reliquis copijs intercludendus: quod ho-
 rum malorum, quorum aliquod certe subeundum
 est, minimum putes, dices profecto, persuaderi illi,
 ut tradat exercitum, & ita consul fiat. est omnino
 id

id eiusmodi, ut, si ille eo descendat, contra dicinibil possit: id est. eum, si non obtinet, ut ratio habeatur retinentis exercitum, non facere miror. nobis autem, ut quidam putant, nihil est timendum magis, quam ille consul. at sic malo, inquires, quam cum exercitu. certe. sed istuc ipsum, si c, o magnum malum, putat aliquis: neque ei remedium est ullum. cedendum est, si id uolet. uide consulem illum iterum, quem uidisti consulatu priore. at tum imbecillus plus, inquis, ualuit, quam tota respublica. quid nunc putas? & eo consule, Pompeio certum est esse in Hispania. o rem miseram: siquidem id ipsum deterrimum est, quod recusari non potest, & quod ille si faciat, iam iam a bonis omnibus summam ineat gratiam. Tollamus igitur hoc, quo illum posse adduci negat. de reliquis quid est deterrimum? concedere illi, quod, ut idem dicit, impudentissime postulat. nam quid impudentius? tenuisti provinciam per decem annos, non tibi a senatu, sed a te ipso per uim, & per factionem datos. praeterijt tempus legitimum, non legis, sed libidinis tuae: fac tamen, legis: ut succedatur, decernitur: impedis; & ais habe mei rationem. habe tu nostrum. exercitum tu habeas diutius, quam populus iussit; inuito senatu? Depugnes oportet, nisi concedis. Cum bona quidem spe, ut ait idem, uel uincendi, uel in libertate moriendi. Iam, si pugnandum est; quo tempore, in casu; quo consilio, in temporibus situm est. itaque te in ea quaestione non exerceo: ad

ea, quae dixi, affer, si quid habes. equidem dies, noctesq. torqueor. Vale.

CICERO S. D. ATTICO. IO

SUBITO consilium cepi, ut ante, quam luce-
ret, exirem; ne qui conspectus fieret, aut sermo,
lietoribus praesertim laureatis, de reliquo, neque
hercule, quid agam, nec, quid acturus sim, scio:
ita sum perturbatus temeritate nostri amentissimi
consilij. tibi vero quid suadeam, cuius ipse consilium
exspecto? Cnaeus noster quid consilij ceperit, capiat
ne, nescio, adhuc in opidis coarctatus: & stupent om-
nes, si in Italia consistat, erimus una sin cedet, con-
silij res est. adhuc certe, nisi ego insanio, stulte om-
nia, & incante, Tu, quaeso, crebro ad me scribe,
uel quod in buccam uenerit. Vale.

CICERO S. D. ATTICO. II

IN QVAESO, quid hoc est? aut quid agitur?
mibi enim tenebrae sunt. Cingulum, inquit, nos
tenemus. Anconem amissimus. Labienus disces-
sit ab Caesare. utrum de imperatore populi R. an
de Hannibale loquuntur? o hominem amentem,
& miserum, qui ne umbram quidem unquam του
καλοῦ uiderit. atque haec ait omnia facere se digni-
tatis causa. ubi est autem dignitas, nisi ubi hone-
stas? num honestum igitur, habere exercitum nul-
lo publico consilio? occupare urbes ciuium, quo
facilior sit aditus ad patriam? καὶ ὡς ἀποκρίσας,

οὐ γὰρ ὁ καθόδης; sexcenta alia scelera moliri, τὴν
 θεῶν μεγίστην ὥς ἔχειν τυραννίδα; sibi habeat suam
 fortunam, unam mehercule tecum aplicationem
 in illo Lucretino tuo sole malim, quam omnia istius-
 modi regna; uel potius mori millies, quam semel
 istiusmodi quidquam cogitare. quid si tu uelis? in-
 quis. age quis est, cui uelle non liceat? sed ego ip-
 sum, uelle, miserius esse duco, quam in crucem
 tolli, una res est ea miserior, adipisci, quod ita uo-
 lueris. Sed haec haec tenus: libenter enim in his mo-
 lestijs ἐν χολαζοῖς. redeamus ad nostrum. Per for-
 tunas, qualis tibi consilium Pompeij uidetur? hoc
 quaero, quod urbem reliquerit. ego enim ἀπορῶ:
 tum nihil absurdus. Urbem tu relinquis? ergo
 idem, si Galli uenirent. non est, inquit, in parie-
 tibus resp. at in aris, & focis. fecit idem Themisto-
 cles. fluctum enim totius barbariae ferre urbs una
 non poterat. at idem Pericles non fecit, annum
 fere post quinquagesimum, cum praeter moenia ni-
 hil teneret. nostri olim, urbe reliqua capta, arcem
 tamen retinuerunt.

οὕτω που ἔστ' ἀπόθεν ἐπενδόμεθα κλέα ἀνδρῶν.

rursus autem ex dolore municipali, sermonibusq.
 eorum, quos conuenio; uidetur hoc consilium exi-
 tum habiturum. mira hominum querela est, (ne-
 scio istic: sed facies, ut sciam) sine magistratibus
 urbem esse, sine senatu. fugiens denique Pompeius
 mirabiliter homines mouet. quid quaeris? alia caus-
 sa facta: nihil iam concedendum putant Caesari.

haec

haec, tu mihi explica, qualia sint. Ego negotio prae-
sum non turbulento. uult enim me Pompeius esse,
quem tota haec Campana, & maritima ora habeat
ἐπισκοπον, ad quem delectus; & summa negotij
referatur. itaque uagus esse cogitabam. Te puto
iam uidere, quae sit ὁρμή Caesaris, qui populus,
qui totius negotij status. ea uelim scribas ad me, et
quidem, quoniam mutabilia sunt, quam saepissi-
me. acquiesco enim & scribens ad te, & legens
tua. Vale.

CICERO S. D. ATTICO. 12

VNAM adhuc a te epistolam acceperam, da-
tam XII. kal. Ian. in qua significabatur, aliam
te ante dedisse, quam non acceperam. sed quaeso,
ut scribas quam saepissimae, non modo si quid scies,
aut audieris, sed etiam si quid suspicabere; maxi-
meq. quid nobis faciundum, aut non faciundum
putas. Nam quod rogas, curem, ut scias, quid
Pompeius agat: ne ipsum quidem scire puto: no-
strum quidem nemo. uidi Lentulum cos. Formijs
x. kal. uidi Libonem. plena timoris, & terroris
omnia. ille iter Larinum. ibi enim cohortes, & Lu-
ceriae, & Theani, reliquae in Apulia. inde utrum
consistere uspiam uelit, an mare transire, nescitur.
si manet; uereor, ne exercitum firmum habere
non possit. sin discedit; quo, aut qua, aut quid no-
bis agendum sit, nescio. nam istum quidem, cuius
καλαρίσθαι times, omnia taeterrime facturum puto.
nec

nec enim rerum prolatio, nec senatus, magistratumq. discessus, nec aerarium clausum tardabit. Sed haec, ut scribis, cito sciemus. interim uelim mihi ignoscas, quod ad te scribo tam multa toties. acquiesco enim, & tuas uolo elicere litteras, maximeq. consilium, quid agam, aut quo me pacto geram; dimittam ne me penitus in causam, (non deterreor periculo, sed disrumpor dolore: tam ne nullo consilio, aut tam contra meum consilium gesta esse omnia?) an cuncter, & tergiverser, & ijs me dem, qui tenent, qui potiuntur. αὐτὸς ὅμως Τρωάς; nec solum ciuis, sed etiam amici officio reuocor. etsi frangor saepe misericordia puerorum. ut igitur ita perturbato, etsi te eadem soliciant, scribe aliquid, et maxime, si Pompeius Italia cedit, quid nobis agendum putes. M. quidem Lepidus (nam fuimus una) eum finem statuit, L. Torquatus eundem. me cum multa, tum etiam lictores impediunt. nihil uidi unquam, quod minus explicari posset. itaque a te nihil dum certi exquiro, sed quid uideatur. denique ipsam ἀπορίαν tuam cupio cognoscere. Labienum ab illo discessisse, propemodum constat. si ita factum esset, ut ille Romam ueniens magistratum: & senatum Romae offenderet: magno usui causae nostrae fuisset. damnasse enim sceleris hominem amicum, reip. causa, uideretur. quod nunc quoque uidetur, sed minus prodest. non enim habet, cui profuit: eumq. arbitror paenitere: nisi forte id ipsum est falsum, discessisse illum: nos quidem
pro

pro certo habebamus . et uelim , (quanquam ; ut scribis , domesticis te finibus tenes) formam mihi urbis exponas , ecquod Pompeij desiderium , ecquae Caesaris inuidia appareat ; etiam quid censeas de Terentia , & Tullia , Romae eas esse , an mecum , an aliquo tuto loco . et haec , et si quid aliud , ad me scribas uelim , uel potius scriptites . Vale .

CICERO S. D. ATTICO. 13

DE Vennonianis rebus tibi assentior . Labienum ἡρώα iudico . facinus iam diu nullum ciuile praeclarius . qui ut aliud nihil , hoc tamen profecit ; dedit illi dolorem . sed etiam ad summam profectum aliquid puto . amo etiam Pisonem : cuius iudicium de genere suspicor uisum iri graue . quanquam , genus belli quod sit , uides . ita ciuile est , ut non ex ciuium dissensione , sed ex unius perditionis ciuis audacia natum sit . is autem ualet ; exercitum tenet multa spe , & promissis ; omnia omnium concupuit . huic tradita urbs est , nuda praesidio , referta copijs . quid est , quod ab eo non metuas , qui illa templa , & tecta non patriam , sed praedum putet ? quid autem sit acturus , aut quo modo , nescio , sine senatu , sine magistratu . ne simulare quidem poterit quidquam πολιτικῶς . nos autem ubi exurgere poterimus ? aut quando ? quorum dux quam ἀσπατήντος , tu quoque animaduertis ; cui ne Picena quidem nota fuerint . quae autem sine consilio res stet ? ut enim alia omittam decem annorum peccata , quae condi-

condicio non huic fugae praestitit? nec uero nunc quid cogitet, scio: ac non desino per litteras sciscitari. nihil esse timidius constat, nihil perturbatius. itaque nec praesidium, cuius parandi causa ad urbem retentus est, nec locum, ac sedem praesidii ullam uideo. spes omnis in duabus, inuidiose retentis, paene alienis legionibus. nam delectus adhuc quidem inuitorum est, & a pugnando abhorrentium. conditionum autem amissum tempus est. quid futurum sit, non uideo. commissum quidem a nobis certe est, siue a nostro duce, ut, e portu sine gubernaculis egressi, tempestati nos traderemus. itaque de Ciceronibus nostris dubito quid agam. nam mihi interdum amandandi uidentur in Graeciam. de Tullia autem, & Terentia, cum mihi barbarorum aduentus ad urbem proponitur, omnia timeo: cum autem Dolabellae uenit in mentem, paulum respiro. sed uelim consideres, quid faciendum putes: primum *πρὸς τὸ ἀσφαλές*: (aliter enim mihi de illis, ac de me ipso, consulendum est) deinde *πρὸς τὰς δόξας*; ne reprehendamus, quod eas Romae uelimus esse in communi bonum fuga. quin etiam tibi, & Peduceo, (scripsit enim ad me) quid faciatis, uidendum est. is enim splendor est uestrum, ut eadem postulentur a uobis, quae ab amplissimis ciuibus. sed de hoc tu uidebis, quippe cum de ipso, ac de me ista considerare uelim. Reliquum est, ut, & quid agatur, quoad poteris, explores, scribasque ad me, & quid ipse coniectura assequare. quod etiam a te magis

gis expecto. nam acta omnibus nunciantibus, a te expecto futura. μάρτυς δ' ἄριστος. Loquacitati ignoscas, quae & me leuat ad te quidem scribentem, & elicit tuas litteras.

AENIGMA Oppiorum ex Velia plane non intellexi: est enim numero Platonis obscurius. iam intellexi tuum aenigma. Oppios enim de Velia Saccones dicis in eo aestu, aut diu. quo aperto, reliqua patebant, & cum Terentiae summa congruebant. L. Caesarem uidi Minturnis ad VI II. kal. Febr. mane, cum absurdissimis mandatis, non hominem, sed scopas solutas: ut id ipsum mihi ille uideatur irridendi causa fecisse, qui tantis de rebus huic mandata dederit: nisi forte non dedit, & hic sermone aliquo arrepto pro mandatis abusus est. Labienus, uir mea sententia magnus, Theanum uenit ad IX. kal. Febr. ibi Pompeium, consulesq. conuenit. qui sermo fuerit, & quid actum sit, scribam ad te, cum certum sciam. Pompeius ab Theano Larinum uersus profectus est ad VI II. kal. eo die mansit Venafri. aliquantum animi uidetur nobis attulisse Labienus. sed ego non dum habeo, quid ad te ex his locis scribam. ista magis expecto, quid illinc afferatur, quo pacto de Labieno ferat, quid agat Domitius in Marsis, Tignij Thermus, P. Atius Cinguli, quae sit populi urbani uoluntas, quae tua coniectura de rebus futuris. haec uelim crebro, & quid tibi de mulieribus nostris placeat, & quid acturus ipse sis, scribas. Si scriberem ipse, lon-

R gior

gior epistola fuisset : sed dictavi propter lippitudinem . Vale .

CICERO S. D. ATTICO. 14

AD VI. kal. Febr. Capuam Calibus proficiens, cum leuiter lippirem, has litteras dedi. L. Caesar madata Caesaris detulit ad Pompeiū VIII. kal. cum is esset cum consulibus Theani. probata condicio est, sed ita, ut ille de ijs opidis, quae extra suam prouinciam occupauisset, praesidia deduceret. id si fecisset, responsum est, ad urbem nos redituros esse, & rem per senatum consecuturos. spero etiam in praesentia pacem nos habere. nam & illum furoris, & hunc nostrum copiarum suppaenitet. Me Pompeius Capuam uenire uoluit, & ad inuare delectum. in quo parum prolixè respondent, Campani coloni. gladiatores Caesaris, qui Capuae sunt, de quibus ante ad te falsum ex Torquati litteris scripseram, sane cominade Pompeius distribuit, binos singulis patribus familiarum. secutorum in ludo LXX fuerunt. eruptionem facturi fuisse dicebantur. sane multum in eo reip. prouisum est. De mulieribus nostris, in quibus est tua soror, quaeso uideas, ut satis honestum nobis sit, eas Romae esse, cum ceterae ulla dignitate discesserint. hoc scripsi ad eas, & ad te ipsum antea. uelim, eas cohortere, ut cxeant; praesertim cum ea praesidia in ora maritima habeamus, cui ego praesum, ut in his pro re nata non incommode possint esse. nam si quid offendi-

dimus in genere nostro, quod quidem ego praestare non debeo; id sit maius, quod mulieres nostrae praeter ceteras Romae remanserunt. tu ipse cum Sexto, scire uelim, quid cogites de exendo, de totaq. re quid existimes. equidem ad pacem hortari non desino: quae uel iniusta utilior est, quam iustissimum bellum. sed haec, ut fors tulerit. Vale.

CICERO S. D. ATTICO.

15

UT AB urbe discessi, nullum adhuc intermisi diem, quin aliquid ad te litterarum darem; non quo haberem magnopere, quid scriberem; sed ut loquerer tecum absens: quo mihi, cum coram id non liceret, nihil est iucundius. Capuam cum uenissem ad VI. kal. pridie, quam has litteras dedi, consules conueni, multosq. nostri ordinis. omnes cupiebant, Caesarem, abductis praesidijs, stare condicionibus ijs, quas tulisset. uni Fanonio leges ab illo nobis imponi non placebat: sed is auditus in consilio. Cato enim ipse iam seruire, quam pugnare, mauult: sed tamen ait, in senatu se adesse uelle, cum de condicionibus agatur, si Caesar adductus sit, ut praesidia deducat. ita, quod maxime opus est, in Siciliam ire non curat: quod metuo ne obsit, in senatu esse uult. Postumus autem, de quo nominatim senatus decreuit, ut statim in Siciliam iret, Furfanoq. succederet, negat se iturum sine Catone, et suam in senatu operam, auctoritatemq. magnae stimat. ita res ad Fannium peruenit. is cum im-

R 2 perio

perio in Siciliam praemittitur. In disputationibus nostris summa uarietas est. plerique negant, Caesarem in condicione mansurum; postulataq. haec ab eo interposita esse, quo minus, quod opus esset ad bellum, a nobis pararetur. ego autem eum puto facturum, ut praesidia deducat. uicerit enim, si consul factus erit, & minori scelere uicerit, quam quo est ingressus. sed accipienda plaga est. sumus enim flagitiose imparati cum a militibus, tum a pecunia: quam quidem omnem non modo priuatam, quae in urbe est, sed etiam publicam, quae in aerario, illi reliquimus. Pompeius ad legiones Atianas est profectus; Labienum secum habet. ego tuas opiniones de his rebus expecto. Formias me continuo recipere cogitabam. Vale.

CICERO S. D. ATTICO. 16

OMNES arbitror mihi tuas litteras redditas esse, sed primas praepostere, reliquas ordine, quo sunt omissae, per Terentiam. De mandatis Caesaris, aduentuq. Labieni, & responsis consulum ad Pompeium, scripsi ad te litteris ijs, quas ad v. kal. Capua dedi: pluraq. praeterea in eandem epistolam conieci. nunc has expectationes habemus duas; unam, quid Caesar acturus sit, cum acceperit ea, quae referenda ad illum data sunt L. Caesari; alteram, quid Pompeius agat: qui quidem ad me scribit, paucis diebus se firmum exercitum habiturum; spemq. affert, si in Picenum agrum ipse uenerit,

rit, nos Romam redituros esse. Labienum secum habet, non dubitantem de imbecillitate Caesaris copiarum: cuius aduentu Cnaeus noster multo animi plus habet. nos a consulibus Capuam uenire iussus sumus ad non. Febr. Capua profectus sum Formias ad 111. kal. eo die cum Calibus tuas litteras hora fere nona accepissem, has statim dedi. De Terentia, & Tullia tibi assentior; ad quas scripseram, ad te ut referrent. si non dum profectae sunt, nihil est, quod se moucant, quoad perspiciamus, quo loco sit res. Tuae litterae mihi gratae, iucundaeque sunt. De pueris in Graeciam transportandis tum cogitabam; cum fuga ex Italia quaeri uidebatur. nos enim Hispaniam peteremus: illis hoc aeque commodum non erat. tu ipse cum Sextio etiam nunc mihi uideris Romae recte esse posse. etenim minime amici Pompeio nostro esse debetis. nemo enim umquam tantum de urbanis praesidijs detraxit. Vides ne me etiam iocari? scire iam te oportet, L. Caesar quae responsa referat a Pompeio, quas ab eodem ad Caesarem ferat litteras. scriptae enim, et datae ita sunt, ut proponerentur in publico. in quo accusaui mecum ipse Pompeium, qui, cum scriptor luculentus esset, tantas res, atque eas, quae in omnium manus uenturae essent, Sextio nostro scribendas dederit. itaque nihil umquam legi scriptum consuevit. perspicui tamen ex litteris Pompeij potest, nihil Caesari negari, omniaque, & cumulate, quae postulet, dari: quae ille, amentissimus fuerit, nisi acceperit,

praesertim cum impudentissime postulauerit. quis
 enim tu es, qui dicas, si in Hispaniam profectus e-
 rit, si praesidia dimiserit? tamen conceditur, minus
 honeste nunc quidem, uiolata iam ab illo rep. illa-
 toq. bello, quam si olim de ratione habenda impe-
 trasset: tamen uereor, ut his ipsis contentus sit.
 nam cum ista mandata dedisset L. Caesari, debuit
 esse paullo quietior, dum responsa reserrentur: dici-
 tur autem nunc esse acerrimus. Trebulano quidem
 scribit, se ab illo 1 x. kal. Febr. rogatum esse, ut
 scriberet ad me, ut essem ad urbem: nihil ei me gra-
 tius facere posse. haec uerbis plurimis. intellexi ex
 dierum ratione, ut primum de discessu nostro Cae-
 sar audisset, laborare eum coepisse, ne omnes abes-
 semus: itaque non dubito, quin ad Pisonem, quin
 ad Seruium scripserit. illud admiror, non ipsum ad
 me scripsisse, non per Dolabellam, non per Coelium
 egisse. quamquam non aspernor Trebatij litteras, a
 quo me unice diligi scio. rescripsi ad Trebatium,
 (nam ad ipsum Caesarem, qui mihi nihil scripsis-
 set, nolui) quam illud hoc tempore esset difficile:
 me tamen in praedijs meis esse, neque delectum ul-
 lum, neque negotium suscepisse. in quo quidem ma-
 nebo, dum spes pacis erit. sin bellum geretur; non
 deero officio, nec dignitati meae, pueros uero ex-
 ire in Graeciam. totam enim Italiam flagranturam
 bello intelligo: tantum mali excitatum partim ex
 improbis, partim ex inuidis ciuibus. sed haec pau-
 cis diebus ex illius ad nostra responsa responsis intel-
 ligen.

liger, quorsum euasura sint. tum ad te scribam
plura, si erit bellum: sin autem etiam indutiae, te
ipsum, ut spero, uidebo. Ego 1 V. non. Febr.
quo die has litteras dedi, in Formiano, quo Capua
redieram, mulieres expectabam: quibus quidem
scripseram, tuis litteris admonitus, ut Romae ma-
nerent: sed audio maiorem quendam in urbe timo-
ren esse. Capuae nonis Febr. esse uolebam, quia
consules iusserant. quidquid huc erit a Pompeio al-
latum, statim ad te scribam: tuasq. de istis rebus
litteras expectabo. Vale.

CICERO S. D. ATTICO. 17

17. non. Feb. mulieres nostrae Formias us-
nerunt, tuasq. erga se officia, plena tui suauissimi
studij, attulerunt. eas ego, quoad scirem usque
turpe pace nobis, an misere bello esset utendum, in
Formiano esse uolui, & una Cicerones. ipse cum
fratre Capuam ad consules (nonis enim adfuisse iussi
sumus) 111. non. profectus sum, cum has litte-
ras dedi. Responsa Pompeij grata populo, et pro-
bata concioni esse dicuntur. ita putaram. quae qui-
dem si illi repudiaret, iacebit: si acceperit. Vtrum
igitur, inquires, mauis? responderem, si, quemad-
modum parati essemus, scirem. Cassium, erat hic
auditum, expulsam Ancone, eamq. urbem a no-
bis teneri. si bellum futurum est, negotium utile.
Caesarem quidem, L. Caesarem cum mandatis de pa-
ce misso, tamen aiunt acerrime delectum habere.

loca occupare, uincire praesidijs. o perditum latro-
nem, uix ullo otio cumpensandam hanc reip. turpi-
tudinem. sed stomachari desinamus, tempori pa-
reamus, cum Pompeio in Hispaniam eamus. haec
opto in malis; quoniam illius alterum consulatum
a rep. ne data quidem occasione repulimus. Sed
haec haecenus. De Dionysio, fugi me ad te antea
scribere: sed ita constitui, expectare responsa Cae-
saris: ut, si ad urbem rediremus, ibi nos expecta-
ret; sin tardius id fieret, tum eum arcesseremus.
omnino quid ille facere debuerit in nostra illa fuga,
quid docto homine, & amico dignum fuerit, tum
praesertim rogatus esset: sed haec non nimis exuiro
a Graecis. tu tamen uidebis, si erit, quod nelim,
arcessendus, ne molesti simus inuito. Quinctus
frater laborat, ut tibi, quod debet, ab Egnatio sol-
uat. nec Egnatio uoluntas deest: nec parum locu-
ples est: sed, cum tale tempus sit, ut Q. Titinius
(multum enim est nobiscum) uaticum se neget ha-
bere; idemq. debitoribus suis denunciari, ut eo-
dem fenore uerentur; atque hoc idem etiam L. Li-
gus fecisse dicatur; nec hoc tempore aut domi num-
mos Quinctus habeat, aut exigere ab Egnatio, aut
uersuram usquam facere possit, miratur, te non
habuisse rationem huius publicae difficultatis. ego
autem, etsi illud ἡδονοῖόδειον (ita enim putatur)
obseruo; unde δὲ δίκην, praesertim in te, a quo nihil um-
quam uidi temere fieri; tamen illius querela moue-
bar. hoc, quidquid est, te scire uolui. Vale.

CICERO S. D. ATTICO. 18

NIHIL habeo, quod ad te scribam. quin etiam eam epistolam, quam eram elucubratus, ad te non dedi. erat enim plena spei bonae; quod et concionis uoluntatem audieram, & illum condicionibus usurum putabam, praesertim suis. ecce tibi I V. non Febr. mane accepi litteras tuas, Philotimi, Furnij, Curiionis ad Furnium, quibus irridet L. Caesaris legationem. plane oppressi uidemur: nec, quid consilij capiam, scio: nec mehercule de me laboro: de pueris quid agam, non habeo. Capuam tamen proficiscebar haec scribens, quo facilius de Pompeij rebus cognoscerem. Vale.

CICERO S. D. ATTICO. 19

BREVILOQVENTEM iam me tempus ipsum facit. pacem enim desperaui: bellum nostri nulum administrant. caue enim putes, quidquam esse minoris his consulibus: quorum ego spe audiendi aliquid, & cognoscendi nostri apparatus, maximo imbri Capuam ueni prid. non. ut eram iussus. illi autem non dum uenerant, sed erant uenturi, inanes, imparati. Cnaeus autem Luceriae dicebatur esse, et adire cohortes legionum Atianarum non firmissimarum. at illum ruere nunciant, & iam iamq. adesse, non ut manum conserat, (quicum enim?) sed ut fugam intercludat. ego autem in Italia regi suuato. nec te id consulo. sin extra, quid ago? ad manendum

manendum hiems, lictores, improvidi, & negligentes ducēs, ad fugam hortatur amicitia Cnaei. causa bonorum, turpitudine coniungendi cum tyranno: qui quidem, incertum est, Phalarim ne, an Pisistratum sit imitaturus. Haec uelim explices, & me iuves consilio: etsi te ipsum istic iam calere puto: sed tamen quantum poteris. ego si quid hic bodie noui cognoro, scies. iam enim aderunt consules ad suas nonas. Tuas quotidie litteras expectabo. ad has autem, cum poteris, rescribes. Mulieres, & Cicerones in Formiano reliqui. Vale.

CICERO S. D. ATTICO.

5

DE malis nostris tu prius audis, quam nos: istinc enim emanant. boni autem hinc quod expectes, nihil est. Veni Capuam ad non. Febr. ita ut iusserant consules. eo die Lentulus uenit sero. alter consul omnino non uenerat VII. idus. eo enim die ego Capua discessi, & mansi Calibus. inde has litteras postridie ante lucem dedi. haec, Capuae dum fui, cognoui, nihil in consulibus, nullum usquam delectum. nec enim conquisitores *φαινομενωπαι* audent; cum ille adsit contra; cum noster dux nusquam sit, nihil agat: nec nomina dant; deficit enim non uoluntas, sed spes. Cnaeus autem noster (o rem miseram, & incredibilem) ut totus iacet. non animus est, non consilium, non copiae, non diligentia. mitto illam fugam ab urbe turpissimam, timidissimas in oppidis conciones, ignorationē non
solum

solum aduersarij, sed etiam suarum copiarum. hoc cuiusmodi est? VII. id. Febr. Capuam C. Cassius trib. pl. uenit, attulit mandata ad consules, ut Romam uenirent, pecuniam de sanctiore aerario auferrent, statim exirent urbe relicta. redeant, quo praesidio? deinde exeant, quis finat? consul ei rescripsit, ut prius ipse in Picenn. at illud totum erat amissum: sciebat nemo, praeter me ex litteris Dolabellae. mihi dubium non erat, quin ille iam iamq. foret in Apulia, Cnaeus noster in naui. ego quid agam? *σάμα* *μα* magnum, neque mehercule mihi quidem ullum, nisi omnia essent acta turpissime: neque ego ullius consilij particeps. sed tamen, quod me deceat. ipse me Caesar ad pacem hortatur: sed antiquiores litterae, quam ruere coepit. Dolabella, Caetius, me illi ualde satisfacere. mira me *ἀπορία* torquet. iuuam me consilio, si potes: & tamen ista, quantum potes, provide. nihil habeo, tanta rerum perturbatione, quod scribam. tuas litteras expecto. Vale.

CICERO S. D. ATTICO.

21

PEDem in Italia uideo nullum esse, qui non in istius potestate sit. De Pópeio scio mihi; eumq.; nisi in nauim se contulerit, exceptum iri puo. ocelleritatem incredibilem; huius autem nostri: sed non possum sine dolore accusare eum, de qua angor, & crucior. Tu caedem non sine carissatimmes: non quo minus quidquam Caesari expediat ad diuturnitatem uictoriae, & dominationis: sed

ni-

uideo, quorum arbitrio sit aeternus. recte sit. censeo cedendum de opidis his. ego consilij. quod optimum factu uidebitur, facies. cum Philotimo loquere: atque adeo Terentiam habebis idibus. Ego quid agam? qua aut terra, aut mari persequar eum, qui ubi sit, nescio? etsi terra quidem qui possum? mari, quo? tradam igitur isti me? fac posse tuto: multi enim hortantur: num etiam honeste? nullo modo quidem. a te petam consilium, ut soleo. explicari res non potest: sed tamen, si quid in mentem uenit, uelim scribas, & ipse quid sis aeternus. Vale.

CICERO S. D. ATTICO. 22

V. id. Feb. uespero e Philotimo litteras accepi; Domitium exercitum firmum habere; cohortes ex Piceno, Lentulo, & Thermo ducentibus, cum Domitij exercitu coniunctas esse; Caesarem intercludi posse, eumque id timere; bonorum animos recreatos Romae, improbos quasi percussos. haec, metuo e quidem, ne sint insomnia: sed tamen ne. Lepidum, L. Torquatum, C. Cassium trib. pl. (ij enim sunt nobiscum, id est, in Formiano) Philotimi litterae ad uitam reuocarunt. ego autem illa metuo ne ueriora sint, nos omnes paene iam captos esse, Pompeium Italia cedere. quem quidem (o rem acerbam) persequi Caesar dicitur. persequi Caesar Pompeium? quid? ut interficiat? o me miserum: et non omnes nostra corpora opponimus? in quo tu quod
que

que ingemiscis . sed quid faciamus ? uicti, oppressi, capti plane sumus . Ego tamen , Philotimi litteris lectis , mutauī consiliū de mulieribus : quas , ut scripseram ad te , Romam remittebam : sed mihi tēnit in mentem , multum fore sermonem , me iudiciū iam de causā publica fecisse ; quā desperata , quasi hunc gradum mei reditus esse , quod mulieres reuertissent . De me autem ipso tibi assentior , ne me dem incertae , & periculosae fugae : cum reip. nihil prosim , nihil Pompeio ; pro quo emori cum pie possum , tum libenter . manebo igitur : etsi uiuere .

Quod quaeris , hic quid agatur : tota Capua , & omnis hic delectus iacet : desperata res est ; in fuga omnes sunt ; nisi quid eiusmodi fuerit , ut Pompeius istas Domitij copias cum suis coniungat . sed uidehamur omnia biduo , triduo uescituri . Caesaris litterarum exemplum tibi misi : rogaras enim . cui nos ualde satisfacere , multi ad me scripserunt . quod patior facile ; dum , ut adhuc , nihil faciam turpiter . Vale.

CICERO S. D. ATTICO. 13

PHILOTIMI litterae me quidem non nimis , sed eos , qui in his locis erant , admodum delectauerunt . ecce postridie Cassii litterae Capuam a Lucretio , familiari eius , Nigidum a Domitio Capuam uenisse ; eum dicere , Vibullium cum paucis militibus e Piceno currere ad Cnaeum , confestim sequi Caesarem , Domitium non habere militum uim . idē scripsit ,

scripsit, consules Capua discessisse. non dubito, quin Cnaeus in fuga sit. modo effugiat. a consilio fugiendi, ut tu censes, absun. Vale.

CICERO S. D. ATTICO.

24

CVM dedissem ad te litteras tristes, & metuo ne ieras, de Lucretij ad Cassium litteris Capua missis: Cephalio uenit a uobis, attulit etiam a te litteras hilariores, nec tamen firmas, ut soles. omnia facilius credere possum, quam quod scribitis, Pompeium exercitum habere. nemo huc ita affert; omniaque, quae nolim. rem miseram: malas causas semper obtinuit, in optima concidit. quid dicam? nisi; illud eum scisse; neque enim erat difficile; hoc nescisse; erat enim ars difficilis, recte remp. regere. Sed iam iamq. omnia sciemus, & scribemus ad te statim. Vale.

CICERO S. D. ATTICO.

25

NON uenit idem usu mihi, quod tui tibi scribis; Quoties exorior. ego enim nunc paullum exorior, & maxime quidem his litteris, quae Roma afferuntur, de Domitio, de Picentium cohortibus. omnia erant facta hoc biduo laetiora: itaque fuga, quae parabatur, repressa est. Caesaris interdicta. Si te secundo lumine hic offerendo, respiciuntur. bona de Domitio, praeclara de Afranio fama est. Quod me amicissime admones, ut me integrum, quoad possim, seruem; gratum est. Quod addis, ne propensior

penſior ad turpem cauſſam uidear : certe uideri poſſum . ego me ducem in civili bello , quoad de pace ageretur , negaui eſſe : non quin rectum eſſet : ſed quia , quod multo rectius fuit , id mihi fraudem tulit . plane eum , cui Cnaeus noſter alterum conſulatum deferret , & triumphum , at quibus uerbis ? pro ſuis geſtis ampliſſimis , inimicum habere uolueram . ego ſcio , & quem metuam , & quam ob rem . ſi erit bellum , ut uideo fore : partes meae non deſiderabuntur . De HS x x Terentia tibi reſcripſit . Dionyſio , dum exiſtimabam uagos nos fore , nolui moleſtus eſſe . tibi autem , crebro ad me ſcribenti de eius officio , nihil reſcripſi ; quod diem ex die expectabam , ut ſtatuerem , quid eſſet faciendum . nunc , ut uideo , pueri certe in Formiano uidentur hiematuri : num & ego , neſcio . ſi enim erit bellum , cum Pompeio eſſe conſtitui . quod habebo certi , faciam , ut ſcias . ego bellum foediſſimum futurum puto ; niſi qui , ut tu ſcis , Parthicus caſus extiterit . Vale .

M. TVLLII CICERONIS
EPISTOLARVM AD
T. POMPONIVM ATTICVM
LIBER VIII.

CICERO S. D. ATTICO.

CVM ad te litteras dedissem, redditae
mihi litterae sunt a Pompeio. cetera de
rebus in Piceno gestis, quae ad se Vi-
bullius scripsisset, de dilectu Domitij;
quae sunt nobis nota, nec tam laeta erant in his litte-
ris, quam ad me Philotimus scripserat: (ipsam ti-
bi epistolam misissem; sed subito fratris puer profi-
ciscebatur: cras igitur mittam) sed in ea Pompeij
epistola erat in extremo ipsius manu: Tu, censeo,
Luceriam uenias: nusquam eris tutius. Id ego in
eam partem accepi, haec opida, atque oram ma-
ritimam illum pro derelicto habere: nec sum mira-
tus, eum, qui caput ipsum reliquisset, reliquis mem-
bris non parcere. ei statim rescripsi, hominemq. cer-
tum misi de comitibus meis, non me quaerere, ubi
tutissimo essem: si me uellet sua, aut reip. causa Lu-
ceriam uenire, statim esse uenturum: hortatusq.
sum, ut oram maritimam retineret, si rem frumen-
tariam sibi ex prouincijs suppeditari uellet. Haec me
frustra scribere uidebam: sed uti in urbe retinenda
tunc, sic nunc in Italia non relinquenda testificabar
sententiam meam. sic enim parari uideo, ut Luce-
riam

riam omnes copiae contrahantur : & ne is quidem locus stabilis : sed ex eo ipso , si urgeamur , paretur fuga . quo minus mirere , si inuitus in eam caussam descendo , in qua neque pacis , neque uictoriae ratio quaesita sit umquam , semper flagitiosae , et calamitosae fugae . eundem ; ut , quemcunque fors tulerit , casum subeam potius cum ijs , qui dicuntur esse boni , quam uidear a bonis dissentire . etsi propediem uideo bonorum , id est lautorum , & locupletum , urbem refertam fore , municipijs uero his relictis , refertissimam . quo ego in numero essem , si hos lictores molestissimos non haberem : nec M. Lepidi , L. Volcatij , Ser. Sulpicij comitum paeniteret : quorum nemo nec stultior est , quam L. Domitius ; nec inconstantior , quam Ap. Claudius . unus Pompeius me mouet , beneficio , non auctoritate . quam enim ille habeat auctoritatem in hac caussa , qui , cum omnes Caesarem metuebamus , ipse eum diligebat ? postquam uero ipse metuere coepit , putat omnes hostes illi oportere esse . ibimus tamen Luceriam : nec eum fortasse delectabit noster aduentus . dissimulare enim non potero , mihi , quae adhuc aetia sunt , displicere . Ego , si somnum capere possem , tam longis te epistolis non obtunderem . tu , si tibi eadem caussa est , me remunerere sane uelim . Vale .

CICERO S. D. ATTICO.

6

MIHI uero omnia grata ; & quod scripsisti ad me , quae audieras ; & quod non credidisti , quae di

S

gnz

gna diligentia mea non essent; & quod monuisti,
 quod sentiebas. Ego ad Caesarem unas Capua lit-
 teras dedi, quibus ad ea rescripsi, quae mecum ille
 de gladiatoribus suis egerat, breues, sed beneuolen-
 tiam significantes, non modo sine contumelia, sed
 etiam cum maxima laude Pompeij. id enim illa sen-
 tentia postulabat, quia illum ad concordiamhorta-
 bar. eas si quo ille misit, in publico proponat ue-
 lim. Alteras eodem die dedi, quo has ad te. non po-
 tui non dare, cum & ipse ad me scripsisset, & Bal-
 bus. earum exemplum ad te misi. nihil arbitror
 fore, quod reprehendas. si qua erunt, doce me. quo
 modo enim effugere possum? nihil, inquires, omni-
 no scripseris. qui magis effugias eos, qui uolent sin-
 gere? ueruntamen ita faciam: quoad fieri poterit.
 Nam quod me hortaris ad memoriam factorum,
 dictorum, scriptorum etiam meorum: facis amice
 tu quidem, mihiq. gratissimum: sed mihi uideris
 aliud tu honestum, meq. dignum in hac caussa iu-
 dicare, atque ego existimem. mihi enim nihil illa
 in gente umquam ab ullo auctore reip. ac duce tur-
 pius factum esse uidetur, quam a nostro amico fa-
 ctum est. cuius ego uicem doleo. qui urbem reli-
 quit, id est patriam; pro qua, & in qua mori prae-
 clarum fuit. ignorare mihi uideris, haec quanta sit
 clades. es enim etiam nunc domi tuae: sed, inuitis
 perditissimis hominibus, esse diutius non potes. hoc
 miserius, hoc turpius quidquam? uagamur egen-
 tes, cum coniugibus, & liberis. in unius hominis,
 quotannis

quotannis periculose aegrotantis, anima positas omnes nostras spes habemus, non expulsi, sed euocati e patria, quam non seruandam ad reditum nostrum, sed diripiendam, inflammandamq. reliquimus. ita multi nobiscum sunt, non in suburbanis, non in hortis, non in ipsa. & si non sunt, non erunt. * nos interea, ne Capuae quidem, sed Luceriae. & oram quidem maritimam iam relinquemus. Afranium expectabimus, & Petreium. nam in Labieno parum est dignitatis. hic tu in me * illud desideras. nihil de me dico: alij uiderint. hic quidem quae est * domi uestrae eslis, & eritis omnes boni. quis tum se mihi non ostendit? quis nunc adest hoc bello? sic enim iam appellandum est. Vibullij res gestae sunt adhuc maximae. id ex Pompeij litteris cognoscas. in quibus animaduertito illum locum, ubi erit διπλή. uidebis, de Cnaeo nostro ipse Vibullius quid existimet. Quo igitur haec spectat oratio? ego pro Pompeio libenter emori possum. facio pluris omnium hominum neminem. sed non ita non meo iudicio stem de salute reip. significas enim aliquanto secus, quam solebas: ut etiam, Italia si ille cedat, putes cedendum: quod ego nec reip. puto esse uile, nec liberis meis: praeterea neque rectum, neque honestum. sed cur? poteris ne uidere tyrannum? quasi intersit, audiam, an uideam; aut locupletior mihi sit quaerendus auctor, quam Socrates; qui, cum triginta tyranni essent, pedem porta non extulit. Est mihi praeterea praecipua causa manendi: de qua

utinam aliquando tecum loquar. Ego XIII. kal. cum eadem lucerna hanc epistolam scripsissem, qua inflammaram tuam, Formijs ad Pompeium, si de pace ageretur, profecturus eram; si de bello, uidero. Vale.

CICERO S. D. ATTICO. 3

MAXIMIS, & miserrimis rebus perturbatus, cum coram tecum mihi potestas deliberandi non esset, uti tamen tuo consilio uolui. deliberatio autem omnis haec est: si Pompeius Italia cedat, quod eum facturum esse suspicor, quid mihi agendum putes. & quo facilius consilium dare possis; quid in utramque partem mihi in mentem ueniat, explicabo breui. Cum merita Pompeij summa erga salutem meam, familiaritasque, quae mihi cum eo est, tum ipsa reip. causa me adducit, ut mihi uel consilium meum cum illius consilio, uel fortuna coniungenda esse uideatur. Accedit illud: si maneo, et illum comitatum optimorum, & clarissimorum ciuium desero; cadendum est in unius potestatem, qui etsi multis rebus significat se nobis esse amicum; et, ut esset, a me est (tute scis) propter suspicionem huius impendentis tempestatis multo ante prouisum: tamen utrunque considerandum est, & quanta ei fides sit habenda; & si maxime exploratum sit, eum nobis amicum fore, sit ne uiri fortis, et boni ciuis, esse in ea urbe, in qua cum summis honoribus, imperijsq. usus sit, res maximas gesserit, sacerdo-

cerdotio sit amplissimo praeditus, non futurus sit sui iuris, subeundumq. periculum sit cum aliquo sorte dedecore, si quando Pompeius remp. recuperarit. In hac parte haec sunt: uide nunc, quae sint in altera. Nihil actum est a Pompeio nostro sapienter, nihil fortiter; adde etiam, nihil nisi contra consilium auctoritatemq. meam. Omitto illa uetera, quod istum in remp. ille aluit, auxit, armauit; ille legibus per uim, & contra auspicia ferendis auctor, ille Galliae ulterioris adiunctor; ille gener; ille in adoptando P. Clodio augur; ille restituendi mei, quam retinendi, studiosior; ille prouinciae propagator; ille absentis in omnibus adiutor: idem etiam tertio consulatu, postquam esse defensor reip. coepit, contendit, ut decem tribuni pl ferrent, ut absentis ratio haberetur: quod idem ipse sanxit lege quadam sua; Marcoq. Marcello consuli, finienti prouincias Gallias kal. Mart. restituit: sed, ut haec omittam, quid foedius, quid perturbatius hoc ab urbe discessu, siue potius turpissima fuga? quae condicio non accipienda fuit potius, quam relinquenda patria? malae condiciones erāt, fateor: sed numquid hoc peius? at recuperabit remp. quando? aut quid ad eam spem est parati? non ager Picenus amissus? non patefactum iter ad urbem? non pecunia omnis & publica, & priuata aduersario tradita? denique nulla causa, nullae uires, nulla sedes, quo concurrant, qui remp. defensam uelint. Apulia delecta est, inanissima pars Italiae, & an impetu hu-

ius belli remotissima. fuga, & maritima oportunitas uisa quaeri desperatione. inuite cepi Capuam; non quo munus illud defugerem, sed sine causa, in qua nullus esset ordinum, nullus apertus priuatorum dolor, bonorum autem esset aliquis, sed hebes, ut solet; &, ut ipse sensissem, multitudo, & infimus quisque propensus in alteram partem; multi mutationis rerum cupidi. dixi ipsi, me nihil suscepturum sine praesidio, & sine pecunia: itaque habui nihil omnino negotij: quod ab initio uidi, nihil quaeri praeter fugam. Eum si nunc sequor, quoniam? cum illo non. ad quem cum essem profectus, cognoui in ijs locis esse Caesarem, ut tuto Luceriam uenire non possem. infero mari nobis, incerto cursu, hieme maxima nauigandum est. Age iam, cum fratre, an sine? cum filio, an quo modo? in utraque enim re summa difficultas erit, summus animi dolor. Qui autem impetus illius erit in nos absentes, fortunasque nostras? acrior, quam in ceterorum; quod putabit fortasse in nobis uiolandis aliquid se habere populare. Age iam has compedes, fasces inquam hos laureatos efferre ex Italia, quam molestum est? Qui autem locus erit nobis tutus, (ut iam placatis utamur fluctibus) ante quam ad illum uenerimus? qua autem, aut quo, nihil scimus. At si restitero, & fuerit nobis in hac parte locus; idem fecero, quod in Cinnae dominatione Philippus. quod L. Flaccus, quod Q. Mucius; quoquo modo ea res huic quidem cecidit: qui tamen ita dicere solebat

libet, se id fore uidere, quod factum est; sed hoc malle, quam armatum ad patriae moenia accedere. aliter Thrasylbulus, & fortasse melius. sed est certa quaedam illa Mucij ratio, atque sententia; est illa etiam Philippi; &, cum sit necesse, seruire temporis; & non amittere tempus, cum sit datum. sed in hoc ipso habent tamen iidem fascēs molestiam. sit enim nobis amicus, quod incertum est; sed sit; deferet triumphum. non accipere ne periculosum sit, an accipere inuidiosum ad bonos? o rem, inquis, difficilem, & inexplicabilem. atqui explicanda est. qui enim fieri potest? ac ne me existimaris ad manendum esse propensio-rem, quod plurā in ea parte uerba fecerim. potest fieri, quod sit in multis quaestionibus, ut res uerbosior haec fuerit, illa uerior. quamobrem, ut maxima de re aequo animo deliberanti, ita mihi des consilium uelim. nauis & in Caieta est parata nobis, & Brundisij. sed ecce nunciū, scribente me haec ipsa noctu in Caleno, ecce litterae, Caesarem ad Corfinium, Domitium Corfinij cum firmo exercitu, & pugnare cupiente. non puto etiam hoc Cnaeum nostrum commissurum, ut Domitium relinquat. etsi Brundisium Scipionem cum cohortibus duabus praemis-erat: legionem a Fausto conscriptam, in Siciliam sibi placere a consule duci, scripserat ad consules. sed turpe Domitium erit deserere, implorantem eius auxilium. est quaedam spes mihi quidem non magna, sed in his locis firma, Afranium in Pyrenaeo cum Tre-

bonio pugnasse, pulsum Trebonium, etiam Fabium tuum transisse cum cohortibus: summum autem, Afranium cum magnis copijs aduentare. id si est, in Italia fortasse manebitur. ego autem, cum esset incertum iter Caesaris, quod uel ad Capuam, uel ad Luceriam iturus putabatur, Leptam ad Pompeium misi, & litteras; ipse, ne quod inciderem, reuerti Formias. Haec te scire nolui, scripsiq. sedatiore animo, quam proxime scripseram, nullum meum iudiciũ interponens; sed exquirens tuum. Vale.

. C I C E R O S. D. A T T I C O . 4

DIONYSIVS quidem tuus potius, quam noster, cuius ego cum satis cognossem mores, tuo tamen potius slabam iudicio, quam meo, ne tuum quidem testimonium, quod ei saepe apud me dederas, ueritus, superbum se praebuit in fortuna, quam putauit nostram fore: cuius fortunae nos, quantum humano consilio effici poterit, motum ratione quadam gubernabimus. cui qui noster honos, quod obsequium, quae etiam ad ceteros contẽpti cuiusdam hominis commendatio defuit? ut meum iudiciũ reprehendi a Quinctio fratre, uulgoq. ab omnibus malletm, quam illum non efferre laudibus; Cicero-nesq. nostros meo potius labore subdoceri, quam me alium uis magistrum quaerere. atquẽ ego quas litteras, dij immortales, miseram, quantum honoris significantes, quantum amoris. Dicæarchum mehercule, aut Aristoxenum dices arcessi, non
unum

unum omnium loquacissimum, & minime aptum ad docendum. sed est memoria bona. me dicet esse meliore. Quibus litteris ita respondit, ut ego nemi ni, cuius causam non reciperem. semper enim, si potero, si ante suscepta causa non impediar. numquam reo cuiquam, tam humili, tam sordido, tam nocenti, tam alieno, tam praecise negavi, quam hic mihi. plane sine ulla exceptione praecidit. nihil cognoui ingratus: in quo vitio nihil mali non inest. Sed de hoc nimis multa. Ego nauem paravi: tuas litteras tamen exspecto; ut sciam, quid respondeant consultationi meae. Sulmone C. Atium Pelignum aperuisse Antonio portas, cum essent cohortes quinque, Q. Lucretium inde effugisse scis, Cnaem mire Brundisium desertum. confecta res est. Vale.

CICERO S. D. ATTICO. 5

CVM ante lucem VIII. kal. ad te litteras dedissem, uespero ad nos eodem die uenit ipse Dionysius, auctoritate tua permotus, ut suspicor. quid enim putem aliquid? etsi solet, cum aliquid furiose fecit, paenitere. numquam autem certior fuit, quam in hoc negotio. nam quod ad te non scripseram, postea audiui, a tertio milliaro tum eum esse πολλὰ τε μάλιν ΚΑΙ ΠΕCCINECΗE παθυμὲν δῆτα. multa, inquam, mala cum dixisset, suo capiti, ut aiunt. sed meam mansuetudinem. conieceram in fasciculum una cum tua uenientem ad illum epistolā: hanc ad me referri uolo; nec ullam ob aliam causam

sam Pollicem, seruum a pedibus meum Romanum misi. eo autem ad te scripsi, ut, si tibi forte reddita esset, mihi curares referendam; ne in illius manus perueniret. Noui si quid esset, scripsissem. pendeo animi expectatione Corfiniensi; in qua de salute reip. decernitur. Tu fasciculum, qui est M. Curio inscriptus, uelim cures ad eum perferendum; Tironemq. Curio commendes; ut ei, ut petijt, si quid opus erit, insumptum eroget. Vale.

CICERO 3. D. ATTICO. 6

OBSIGNATA iam epistola, quam de nocte daturus eram, sicut dedi, (nam eam uesperis scripseram) C. Sossius praetor in Formianum uenit ad M. Lepidum, uicinum nostrum, cuius quaestor fuit; Pompeij litterarum ad consulem exemplum attulit. Litterae mihi a L. Domitio ad VII. kal. Mart. alletae sunt, earum exemplum infra scripsi. nunc, ut ego non scribam, tua sponte te intelligere scio, quanti reip. intersit, omnes copias in unum locum primo quoque tempore conuenire. tu, si tibi uidebitur, dabis operam, quamprimum ad nos uenias. praesidij Capuae, quantum constitueris esse satis, relinquas. Vale. Deinde supposuit exemplum epistolae Domitij, quod ego ad te pridie miseram. Dij immortales, qui me horror persudit. quam sum sollicitus, quidnam futurum sit. hoc tamen spero, magnum nomen imperatoris fore, magnum in aduentu terrorem, spero etiam, quoniam adhuc nihil nobis

bis obsuit, nihil mutasse, nec tegentia hoc, quod *
 cum fortiter, & diligenter, tum etiam mehercule: *
 modo enim audiui, quartanam a te discessisse. mori-
 riar, si magis gauderem, si id mihi accidisset. Ti-
 liae dic, non esse aequum, eam diutius habere, nec
 id esse uestrae concordiae. Tironem nostrum ab alte-
 ra relictum audio. sed eum uideo in sumptum ab
 alijs mutuatum. ego autem Curium nostrum, si quid
 opus esset, rogaram. malo Tironis uerecundiam in
 culpa esse, quam illiberalitatem Curij. Vale.

CICERO S. D. ATTICO.

7

VNUM etiam restat amico nostro ad omne de-
 decus, ut Demitio non subueniat. at nemo dubi-
 tat, quin subsidio uenturus sit: ego non puto. de-
 seret igitur talcm ciuem, & eos, quos una suis es-
 se? cum habeat praesertim & ipse cohortes xxx?
 nisi me omnia fallent, deseret: incredibiliter perti-
 nuit. nihil spectat, nisi fugam: cui tu (uideo enim,
 quid sentias) me comitem putas debere esse. ego ue-
 ro, quem fugiam, habeo; quem sequar, non ha-
 beo. quod enim tu meum laudas, & memorandum
 dicis, malle quod dixerim me cum Pompeio uinci,
 quam cum istis uincere: ego uero malo, sed cum il-
 lo Pompeio, qui tum erat, aut qui mihi esse uide-
 batur: cum hoc uero, qui ante fugit, quem scit,
 aut quem fugiat, aut quo, qui nostra tradidit, qui
 patriam reliquit, Italiam relinquit. si malui, con-
 tigit; uictus sum: quod superest, nec ista uidere pos-
 sum,

sum, quae, numquam timui, ne uiderem; nec me-
hercule istum, propter quem mihi non modo meis,
sed memet ipso carendum est. Ad Philotimum
scripsi de uiatiko, siue a Moneta, (nemo enim sol-
uit) siue ab Oppijs, tuis contubernalibus. cete-
ra apposita tibi mandabo. Vale.

CICERO S. D. ATTICO.

8

O REM turpem, & ea re miseram. sic enim
sentio, id demum, aut potius id solum esse mise-
rum, quod turpe sit. aluerat Caesarem: eundem
repente timere coeperat: condicionem pacis nullam
probarat: nihil ad bellum pararat: urbem relin-
quat: Picenum amiserat culpa: in Apuliam se com-
pegerat: ibat in Graeciam: omnes nos ἀποσφονύ-
τους, expertes sui tanti, tam inusitati consilij, relin-
quebat. ecce subito litterae Domitij ad illum, ipsius
ad consules. fulsisse mihi uidebatur τὸ καλὸν ad ocu-
los eius, & exclamasse ille uir, qui esse debuit,
Πρὸς ταῦτ' ὅ, τί χεῖν, καὶ παλαμάδων,
καὶ πάντ' ἐπ' ἐμοὶ τεκταινέδων.

Τὸ γὰρ δ', μετ' ἐμοῦ.

at ille tibi, πολλὰ χαίρειν τῷ καλῷ dicens, pergit
Brundisium. Domitium autem aiunt, re audita,
& eos, qui una essent, se tradidisse. o rem lugu-
brem: itaque intercludor dolore, quo ad te plura
scribam, tuas litteras expecto. Vale.

CICERO

CICERO S. D. ATTICO. 9

EPISTOLAM meam quod peruulgatam scribis esse, non fero moleste: quin etiam ipse multis dedi describendam. ea enim & acciderunt iam, & impendent, ut testatum esse uelim, de pace quid censuerim. cum autem ad eam hortarer, eum praefertim hominē, non uidebar ullo modo facillius moturus, quam si id, ad quod eum hortarer, conuenire eius sapientiae dicerem. eam si admirabilem dixi, cum eum ad salutem patriae hortabar; non sum ueritus, ne uiderer assentari; cui tali in re libenter me ad pedes abiēcissē. Qua autem est, Aliquid impertias temporis; non est de pace, sed, de me ipso, & de meo officio ut aliquid cogitet. Nam quod testificor, me expertem belli fuisse; etsi id re perspectum est, tamen eo scripsi, quo in suadendo plus auctoritatis haberem. Eodemq. pertinet, quod causam eius probo. Sed quid haec nunc? utinam aliquid profectum esset: nae ego istas litteras in concione recitari uelim. siquidem ille ipse ad eundem in publico proposuit epistolam illam, in qua est, pro tuis rebus gestis amplissimis. amplioribus ne, quam suis, quam Africani? ita tempus ferebat. siquidē etiam uos duo tales ad quinctum milliarium. quid, nunc ipsum, unde se recipienti, quid agēti, quid acturo? quanto autem ferocius ille causae suae confidet, cum uos, cum uestri similes non modo frequentes, sed laeto uultu gratulantes uiderit? Num igitur pecca-

peccamus? minime uos quidem: sed tamen signa conturbantur, quibus uoluntas a simulatione distinguisset. Quae uero S. C. uideo? sed apertius, quam proposueram. Ego Arpini uolo esse prid. kal. deinde circum uillulas nostras errare, quas uisurum me postea desperavi. Eūyev̄ntua consilia, & tamen pro temporibus non incauta, mihi ualde probantur. Lepido quidem (nam fere quod in uap̄d'ouev: quod gratissimum illi est) numquam placuit ex Italia exire, Tullo multo minus. crebro enim illius litterae ab alijs ad nos commeant. sed me illorum sententiae minus mouebant. minus multa dederant illi reip. pignora. tua mehercule auctoritas uehementer mouet. affert enim & reliqui temporis recuperandi rationem, & praesentis tuendi. sed, obsecro te, quid hoc miserius, quam alterum plausus in foedissima causa quaerere, alterum offensiones in optima? alterum existimari conseruatores inimicorum, alterum desertorem amicorum? & mehercule quamuis amemus Cnaeum nostrum; ut & facimus, & debemus: tamen hoc, quod talibus uiris non subuenit, laudare non possum. nam siue timuit; quid ignauius? siue, ut quidam putant, meliorem suam causam illorum caede fore putauit; quid iniustius? Sed haec omittamus: augemus enim dolorem retractando. v i. kal. uesperis Balbus minor ad me uenit, occulta uia currens ad Lentulum cos. missu Caesaris, cum litteris, cum mandatis, eum promissione provinciae, Romam ut redeat. cui per-

persuacri posse non arbitror, nisi erit conuictus. idem aiebat, nihil malle Caesarem, quam ut Pompeium assequeretur: id credo: ut rediret in gratiam, id non credo: & metuo, ne omnis haec clementia ad unam illam crudelitatem colligatur. Balbus quidem maior ad me scribit, nihil malle Caesarem, quam principe Pompeio sine metu uiuere, tu puto haec credis, sed, cum haec scribebam v. kal. Pompeius iam Brundisium poterat uenisse: expeditus enim antecesserat legiones Luceria. sed hoc τῆρας horribili uigilantia, celeritate, diligentia est. plane, quid futurum sit, nescio. Vale.

CICERO S. D. ATTICO. IO

DIONYSIVS cum ad me praeter opinionem meam uenisset, locutus sum cum eo liberalissime: tempora exposui: rogaui, ut diceret, quid haberet in animo: me nihil ab ipso inuito contendere. respondit: se, quod in nummis haberet, nescire quo loci esset: alios non soluere, aliorum diem non dum esse. dixit etiam alia quaedam de seruulis suis, quare nobiscum esse non posset. morem gessi: dimisi a me, ut magistrum Ciceronum, non libenter; ut hominem ingratum, non inuitus. Volui te scire, quid ego de eius facto iudicarem. Vale.

CICERO S. D. ATTICO. II

QVOD me magno animi motu perturbatum putas; sum equidem, sed non tam magno, quam tibi

bi fortasse uideor. leuatur enim omnis cura, cum
 aut consistit consilium, aut cogitando nihil explica-
 tur. lamentari autem licet: illud tamen totos dies:
 sed uereor, ne, nihil cum proficiam, etiam dedeco-
 ri sim studijs, ac litteris nostris. consumo igitur o-
 mne tempus, considerans, quanta uis sit illius uiri,
 quem nostris libris satis diligenter, ut tibi quidem
 uidetur, expressimus. tenes ne igitur, moderato-
 rem illum reip. quo referre uelimus omnia? nam sic
 quincto, ut opinor, in libro loquitur Scipio. VT e-
 nim gubernatori cursus secundus, medico salus, im-
 peratori uictoria, sic huic moderatori reip. beata ci-
 uium uita proposita est, ut opibus firma, copijs lo-
 cuples, gloria ampla, uirtute honesta sit. huius e-
 nim operis, maximi inter homines, atque optimi,
 illum esse effectorem uolo. Hoc Cnaeus noster cum
 antea numquam, tum in hac caussa minime cogita-
 uit. dominatio quaesita ab utroque est, non id actū,
 beata, & honesta ciuitas ut esset. Nec uero ille ur-
 bem reliquit, quod eam tueri non posset; nec Ita-
 liam, quod ea pelleretur: sed hoc a primo cogitauit,
 omnes terras, omnia maria mouere, reges barba-
 ros incitare, gentes feras armatas in Italiam addu-
 cere, exercitus conficere maximos. genus illud Sul-
 lani regni iampridem appetitur, multis, qui una
 sunt, cupientibus. an censes, nihil inter eos conue-
 nire? nullam passionem fieri potuisse? hodie po-
 test. sed neutri σκοπὸς est ille, ut nos beati simus.
 uterque regnare uult. Haec, a te inuitatus, breui-

ter exposui . uoluisti enim me , quid de his malis sentirem , ostendere . *ποθὶ μὲν* igitur , noster Attice , non ariolans , ut illa , cui nemo credidit , sed coniectura prospiciens . Iamq. mari magno . non multo inquam secus possum uaticinari : tanta malorum impendet *ἰλιάς* . atque hoc nostra grauior est caussa , qui domi sumus , quam illorum , qui una transierunt , quod illi quidem alterum metuent , nos utrumque . cur igitur , inquis , remansimus ? uel tibi paruimus ; uel non occurrimus ; uel hoc fuit rectius . conculcari , inquam , miseram Italiam uidebis proxima aestate ab utriusque mancipijs ex omnigenere collectis . nec tam proscripio pertimescenda , quae Luceriae multis sermonibus denunciata est , quam uniuerse interitus : tantas in confligendo utriusque uires uideo futuras . Habes coniecturam meam . tu autem consolationis fortasse aliquid expectasti . nihil inuenio . nihil fieri potest miserius , nihil perditius , nihil foedius . Quod quaeris , quid Caesar ad me scripserit : quod saepe : gratissimum sibi esse , quod quierim : oratque , in eo ut perseuerem . Balbus minor haec eadem mandata . iter autem eius erat ad Lentulum cos. cum litteris Caesaris , praemiorumq. promissis , si Romam reuertisset . uerum , cum habeo rationem dierum , ante puto transmissurum , quam potuerit conueniri . Epistolarum Pompeij duarum , quas ad me misit , negligentiam , meamq. in rescribendo diligentiam uolui tibi notam esse . earum exempla ad te misi . Caesaris hic per

T Apuliam

Apuliam ad Brundisium cursus quid efficiat, exspecto. utinam aliquid simile Parthicis rebus, simul aliquid audiero, scribam ad te. tu ad me uelim bonorum sermones. Romanae frequentes esse dicuntur. scio equidem te in publicum non prodire: sed tamen, audire te multa, necesse est. Memini tibi librum afferri, a Demetrio Magnete ad te missum, περί ὁμολίας. eum mihi uelim mittas. uides, quam causam mediter. Vale. Cn. Pompeius procos.

M. Ciceroni imp. S. Q. Fabius ad me uenit ad IV. id. Febr. is nunciat L. Domitium cum suis cohortibus x i. & cohortibus x i v. quas Vibullius adduxit, ad me iter habere; habuisse in animo proficisci Corfinio: & ad v. id. Febr. C. Hirrum cum v. cohortibus subsequi. censeo, ad nos Luceriam uenias. nam te hic tutissime puto fore. Vale.

Cicero imp. Cn. Pompeio procos. S. Ad xv. kal. Mart. Formijs accepi tuas litteras: ex quibus ea, quae in agro Piceno gasla erant, cognoui commodiora esse multo, quam ut erat nobis nuntiatum: Vibullijq. uirtutem, industriamq. libenter agnoui. Nos adhuc in ea ora, ubi praepositi sumus, ita sumus, ut nauem paratam haberemus. ea enim audiebamus, & ea uerebamus, ut, quodcumque tu consilium praecepisses, id nobis persequendum putaremus. nunc, quoniam auctoritate, & consilio tuo in spe firmiore sumus; si teneri posse putas Tarracinam, & oram maritimam, in ea manebo. & si praesidia in opidis nulla sunt, nemo enim nostri ordinis

dinis in his locis est praeter M. Eppium, quem ego
 Minturnis esse uolui, uigilantem hominem, & in-
 dustrium. L. Torquatum, uirum fortem, & cum
 auctoritate, Formijs non habemus: ad te profe-
 ctum arbitramur. ego omnino, ut proxime tibi
 placuerat, Capuam ueni eo ipso die, quo tu Thea-
 no Sidicino es profectus. uolueras enim me cum M.
 Considio propraet. Illa negotia tueri. cum eo uenif-
 sem, uidi T. Ampium delectum habere diligentis-
 sime, ab eo accipere Libonem summa item diligen-
 tia, & in illa colonia auctoritate. fui Capuae, quoad
 consules. iterum, ut erat dictum ab consulibus, ueni
 Capuam ad non. Febr. cum fuisset triduum, recepi
 me Formias. nunc quod tuum consilium, aut quae
 ratio belli sit, ignoro. tenendam hanc oram putas,
 quae & opportunitatem, & dignitatem habet, &
 egregios ciues, &, ut arbitror, teneri potest: o-
 pus est esse, qui praesit. sin omnia in unum locum
 contrahenda sunt: non dubito, quin ad te statim ue-
 niam: quo mihi nihil optatius est: idq. tecum, quo
 die ab urbe discessimus, locutus sum. ego, si cui ad-
 huc uideor segnior fuisse, dum ne tibi uideor, non
 laboro. & tamen, si, ut uideo, bellum gerendum
 est, cōfido me omnibus facile satisfacturum. M. Tul-
 lium, meum necessarium, ad te misi, cui tu, si tibi
 uideretur, ad me litteras dares. Vale.

Cn. Pompeius procos. M. Ciceroni imp. S.

Tuas litteras libenter legi. recognoui enim tuam
 pristinam uirtutem etiam in salute communi. con-

T 2 fules

sules ad eum exercitum, quem in Apulia habui, uenerunt. Magnopere te hortor pro tuo singulari, perpetuoq. studio in remp. ut te ad nos conferas; ut communi consilio reip. afflictæ opem, atque auxilium feramus. censeo, uia Appia iter facias, & celeriter Brundisium uenias. Cura ut ualeas.

M. Cicero imp. Cn. Pompeio procos. S. Cum ad te litteras misissem, quæ tibi Canusij redditæ sunt, suspicionem nullam habebam, te reip. causam mare transiturum; eramq. in spe magna, fore, ut in Italia possemus aut concordiam constituere, qua mihi nihil utilius uidebatur, aut remp. summa cum dignitate defendere. interim, non dum meis litteris ad te perlatis, ex ijs mandatis, quæ D. Laelio ad consules dederas, certior tui consilij factus, non expectaui, dum mihi a te litteræ redderentur; conestimq. cum Quinto fratre, & cum liberis nostris iter ad te in Apuliam facere coepi. cum Theanum Sidicinum uenissem, C. Messius, familiaris tuus, mihi dixit, alijsque complures; Caesarem iter habere Capuam, & eo ipso die mansurum esse Eserniae. sane sum commotus; quod, si ita esset, non modo iter meum interclusum, sed me ipsum plane exceptum putabam. itaque tum Cales processi, ut ibi potissimum consisterem, dum certum nobis ab Esernia de eo, quod audieram, referretur. at mihi, cum Calibus essem, assertur litterarum tuarum exemplum, quas tu ad Lentulum cos. misisses. hæc scriptæ sic erant: litteras tibi a L. Domitio ad XII I.

kal.

kal. Mart. allatas esse: earumq. exemplum sub-
scripseras: magniq. interesse reip. scripseras, om-
nes copias primo quoque tempore in unum locum
conuenire; & ut, praesidij quod satis esset, Capuae
relinqueret. His ego litteris lectis, in eadem opinio
ne fui, quae reliqui omnes, te cum omnibus copijs
ad Corfinium esse uenturum: quo mihi, cum Caesar
ad oppidum castra haberet, tutum iter esse non arbi-
trabar. cum res in summa expectatione esset,
utrumque simul audimus, & quae Corfinij acta es-
sent, & te iter Brundisium facere coepisse. cumque
nec mihi, nec fratri meo dubium esset, quin Brun-
disium contenderemus, a multis, qui e Samnio,
Apuliaq. ueniebant, admoniti sumus, ut cauere-
mus, ne exciperemur a Caesare; quod is in eadem
loca, quae nos petebamus, profectus, celerius e-
tiam, quam nos possemus, eo, quo intenderat, uen-
turus esset: quod cum ita esset; nec mihi, nec fratri
meo, nec cuiquam amicorum placuit committere,
ut temeritas nostra non solum nobis, sed etiam
reip. noceret; cum praesertim non dubitaremus,
quin, si etiam tutum nobis iter fuisset, te tamen
iam consequi non possemus. interim accepimus tu-
as litteras, Canusio ad x. kal. Mart. datas, qui-
bus nos hortaris, ut celerius Brundisium uenia-
mus. quas cum accepissimus ad iii. kal. Mart.
non dubitabamus, quin tu iam Brundisium perue-
nisses: nobisq. iter illud omnino interclusum uide-
bamus, neque minus nos esse captos, quam qui Cor-

finium uenissent. neque enim eos solos arbitrabamur
 capi, qui in armatorum manus incidissent, sed
 eos nihilominus, qui regionibus exclusi, intra prae-
 sidia, atque intra arma aliena uenissent. quod cum
 ita sit; maxime uellem primum tecum semper fuis-
 se; quod quidem tibi ostenderam, cum a me Capu-
 am reijciebam: quod feci non uitandi oneris causa,
 sed quod uidebam, teneri illam urbem sine exercitu
 non posse: accidere autem mihi nolebam, quod do-
 leo uiris fortissimis accidisse. quoniam autem, te-
 cum ut essem, non contigit: utinam tui consilij cer-
 tior factus essem. nam suspicione assequi non potui;
 quod omnia prius arbitratus sum fore, quam ut haec
 reip. causa in Italia non posset duce te consiste-
 re. neque uero nunc consilium tuum reprehendo,
 sed fortunam reip. lugeo: nec, si, egeo, quid tu sis se-
 cutus, non perspicio, iccirco minus existimo, te ni-
 hil, nisi summa ratione, fecisse. mea quae semper
 fuerit sententia, primum de pace uel iniqua condi-
 cione retinenda, deinde de urbe, (nam de Italia qui-
 dem nihil mihi umquam ostenderas) meminisse te
 arbitror. sed mihi non sumo, ut meum consilium ua-
 lere debuerit: secutus sum tuum, neque id reip.
 causa, de qua desperaui, quae & nunc afflicta est,
 nec excitari sine ciuili perniciosissimo bello potest:
 sed te quaerebam: tecum esse cupiebam: neque eius
 rei facultatem, si qua erit, praetermittam. Ego me
 in hac omni causa facile intelligebam pugnandi cu-
 pidis hominibus non satisfacere. primum enim prae-
 me

me tuli, me nihil malle, quam pacem: non quin eadem timèrem, quae illi: sed ea bello civili leuiora ducebam. inde, suscepto bello, cum pacis condiciones ad te afferri, a teq. ad ea honorifice, & large responderi uiderem; duxi meam rationem; quam tibi facile me probaturum, pro tuo in me beneficio, arbitrabar. Memineram me esse unum, qui pro meis maximis in remp. meritis supplicia miserrima, & crudelissima pertulissem: me esse unum, qui, si offendissem eius animum, cui tum, eum iam in armis essemus, consulatus tamen alter, & triumphus amplissimus deferebatur, subiicerer eiusdem proelis: ut mea persona semper ad improborum ciuium impetus aliquid uideretur habere populare. atque haec non ego prius sum suspicatus, quam mihi palam denuuciata sunt: neque ea tam pertimui, si subeunda essent, quam declinanda putauì, si honeste uitare possem. Quoniam breuem illius temporis, dum in spe pax fuit, rationem nostras uides; reliqui facultatem res ademit. Iis autem, quibus non satisfacìo, facile respondeo. neque enim ego amicior C. Caesari umquam fui, quam illi: neque illi amiciores reip. quam ego. hoc inter me, & illos interest; quod, cum & illi ciues optimi sint, & ego ab ista laude non absim, ego condicionibus, quod idem te intellexeram uelle, illi armis disceptari maluerunt. quae quoniam ratio uicit; perficiam profecto, ut neque resp. ciuis a me animum, neque tu amici desideres. Vale.

MIHI molestior lippitudo erat, etiam, quam ante fuerat: dictare tamen hanc epistolam malui, quam Gallo Fabio, amantissimo utriusque nostrum, nihil ad te litterarum dare. nam pridie quidem, quoquo modo potueram, scripseram ipse eas litteras, quare uaticinationem falsam esse cupio. huius autem epistolae non solum ea caussa est, ut ne quis a me dies intermittatur, quin dem ad te litteras; sed etiam haec iustior, ut ad te impetrarem, ut sumeres aliquid temporis; quo quia tibi perexiguus opus est, explicari mihi tuum consilium plane uolo, ut penitus intelligam. Omnia sunt integra nobis, nihil praetermissum est, quod non habeat sapientem excusationem, non modo probabilem. nam certe neque tum peccaui, cum, imparatam iam Capuam, non solum ignauiae delectus; sed etiam perfidiae, suspicionem fugiens, accipere nolui; neque, cum, post conditiones pacis per L. Caesarem, & Fabium allatas, caui, ne animum eius offenderem, cui Pompeius iam armatus armato consulatum triumphumque deferret. Nec uero haec extrema quisquam potest iure reprehendere, quod mare non transierim. id enim, etsi erat deliberationis, tamen obire non potui; neque enim suspicari debui: praesertim cum ex ipsius Pompeij litteris, idem quod uideo te existimasse, non dubitarim, quin is Domitio subuenturus esset. & plane, quid rectum, & quin facien-

dum

dum mihi esset, diutius cogitare malui. Primum igitur, haec qualia tibi esse uideantur, etsi saepius significata sunt a te, tamen accuratius mihi perscribas, uelim: deinde aliquid etiam in posterum prospicias,ingasque, quem me esse deceat, & ubi me plurimum prodesse reip. sentias: ecquae pacifica persona desideretur, an in bellatore sint omnia. Atque ego, qui omnia officio metior, recordor tamen tua consilia. quibus si paruisssem, tristitiam illorum temporum non subuisssem. memini, quid mihi tum suaseris per Theophanem, per Culeonem: idq. saepe in gemiscens sum recordatus. quare nunc saltem ad illos calculos reuertamur, quos tum abiecimus, ut non solum gloriosis consilijs utamur, sed etiam paulo salubrioribus. sed nihil praescribo. accurate uelim perscribas tuam ad me sententiam. Volo etiam exquiras, quam diligentissime poteris, (habebis autem, per quos possis) quid Lentulus noster, quid Domitius agat, quid acturus sit, quemadmodum nunc se gerant, num quem accusent, num cui succenseant: quid dico, num cui? num Pompeio. omnino culpam omnē Pompeius in Domitium confert: quod ipsius litteris cognosci potest: quarum exemplum ad te mitto. Haec igitur uidebis: &, quod ad te ante scripsi, Demetrii Magnetis librum, quem ad te misit: de concordia, uelim mihi mittas. Vale.

Cn. Magnus procos. M. Marcello L. Lentulo cos. S.

Ego, quod existimabam, dispersos nos, neque reip. utiles, neque nobis praesidio esse posse, iccirco

ad

ad L. Domitium litteras misi, primum uti ipse cum omni copia ad nos ueniret: si de se dubitaret, ut cohortes XIX. quae ex Piceno ad me iter habebant, ad nos mitteret. quod ueritus sum, factum est, ut Domitius implicaretur, neque ipse satis firmus esset ad castra facienda: quod meas XIX. & suas XII cohortes tribus in opidis distributas haberet; (nam partim Albae, partim Sulmone collocauit) neque, si uellet, expedire posset. nunc scitote, me esse in summa sollicitudine. nam & tot, & tales uiros periculo obsidionis liberare cupio: neque subsidio ire possum; quod his duabus legionibus non puto esse committendum, ut illuc ducantur. ex quibus tamen non amplius XIV. cohortes contrahere potui, quas Brundisium misi; neque Canusium sine praesidio, dum abessem, putauit esse dimittendum. D. Aelio mandaram, quod maiores copias sperabam nos habituros, ut, si uobis uideretur, alteruter uestrum ad me ueniret, alter in Ciliciam cum ea copia, quam Capuae, & circum Capuam comparastis, & cum ijs militibus, quos Faustus legit, profiscisceretur; Domitius cum XII. suis cohortibus eodem adiungeretur; reliquae copiae omnes Brundisium cogerentur, & inde nauibus Dyrrhachium transportarentur. nunc, cum hoc tempore nihilo magis ego, quam uos, subsidio Domitio ire possim; seu per montes explicare; non est nobis committendum, ut ad has XIV. cohortes, quas dubio animo habeo, hostis accedere, aut in itinere me consequi possit. Quam

ob

obrem placitum est mihi, (etiam uideo C. Marcello, & ceteris nostri ordinis, qui hic sunt) ut Brundisium ducerem hanc copiam, quam mecum habeo. uos hortor, ut, quodcumque militum contrahere poteritis, contrahatis, & eodem ueniatis quamprimum. arma, quae ad me missuri eratis, ijs, censeo, armetis milites, quos uobiscum habetis. quae arma superabunt, ea si Brundisium iumentis deportaretis, uehementer reip. profueritis. de hac re uelim nostros certiores faciatis. ego ad P. Lapum, & C. Coponium praetores misi, ut se uobis coniungerent, & militum quod haberent, ad uos deducerent. Vale. Cn. Pompeius procos. L. Domitio procos. S. Miror, te ad me nihil scribere, & potius ab alijs, quam a te, de rep. certiores fieri. Nos, disiecta manu, pares aduersarijs esse non possumus. contractis nostris copijs, & spero nos & reip. & communi saluti prodesse posse. quamobrem cum constituisses, ut Vibullius mihi scripserat, ad v. id. Febr. Corfinio proficisci cum exercitu, & ad me uenire: miror, quid causae fuerit, quare consilium mutaris. nam illa causa, quam mihi Vibullius scribit, levis est, te propterea moratum esse, quod audieris, Caesarem Firmo progressum in Castrum Truentinum uenisse. quanto enim magis appropinquare aduersarius coepit, eo tibi celerius agendum erat, ut te mecum coniungeres, prius, quam Caesar aut tuum iter impedire, aut me abs te excludere posset. Quamobrem etiam te rogo, et hor-

tor, id quod non destiti superioribus litteris a te petere, ut primo quoque die Luceriam aduenias antequam copiae, quas instituit Caesar contrahere, in unum locum coactae nos a nobis distrahant. sed si erunt, qui te impedian, ut illas suas seruent: aequum est me a te impetrare, ut cohortes, quae ex Piceno, & Camerino uenerunt, quae fortunas suas reliquerunt, ad me missum facias. Vale.

Cn. Pompeius procos. L. Domitio procos. S.

Litteras abs te M. Calenius ad me attulit ad XIII. kal. Mart. in quibus litteris scribis, tibi in animo esse, obseruare Caesarem, & si secundum mare ad me ire coepisset, confestim in Samnium ad me uenturum; sin autem ille circum istaec loca commoraretur, te ei, si propius accessisset, resistere uelle. te animo magno, & forti istam rem agere existimo: sed diligentius nobis est uidendum, ne distracti pares esse aruersario non possimus; cum ille magnas copias habeat, & maiores breui habiturus sit. non enim pro tua prudentia debes illud solum animaduertere, quot in praesentia cohortes, contra te habeat Caesar, sed quantas breui tempore equitum, & peditum copias contrahiturus sit. cui rei testimonio sunt litterae, quas Bussenius ad me misit; in quibus scribit, id quod ab alijs quoque mihi scribitur, praesidia Curionem, quae in Umbria, & Tuscis erant, contrahere, & ad Caesarem iter facere. quae si copiae in unum locum fuerint coactae, ut pars exercitus ad Albam mittatur; pars ad se accedat,

cedat, ut non pugnet, sed locis suis repugnet: haerebis, neque solus cum ista copia tantam multitudinem sustinere poteris, ut frumentatum eas. Quamobrem te magnopere hortor, ut quamprimum cum omnia copia huc uenias. cōsules constituerunt idem facere. ego Metuscilio ad te mandata dedi, providendum esse, nec duae legiones sine Picentinis cohortibus in conspectum Caesaris committerentur.

Quamobrem nolito commoueri, si audieris me regredi, si forte Caesar ad me ueniet. cauendum enim puto esse, ne implicatus haeream. nam neque castra, propter anni tempus, & militum animos, facere possum: neque ex omnibus opidis contrahere copias expedit; ne receptum amittam. itaque non amplius xiv. cohortes Luceriam coegi. consules praesidia omnia deducturi sunt, aut in Siciliam ituri. nam aut exercitum firmum habere oportet, quo confidamus percurrere nos posse; aut regiones eiusmodi obtinere, e quibus repugnemus. id quod neutrum nobis hoc tempore contingit: quod & magnam partem Italiae Caesar occupauit; & nos non habemus exercitum tam amplum, neque tam magnum, quam ille. itaque nobis providendum est, ut summam reip. rationem habeamus. Etiam atque etiam te hortor, ut cum omni copia quamprimum ad me uenias. possumus etiam nunc remp. erigere si communi consilio negotium administrabimus: sin distrahemur, infirmi erimus. mihi hoc constitutum est. His litteris scriptis, Sica a te mihi litteras attulit,

lit, & mandata. Quod me hortare, ut istuc ueniam: id me facere non arbitror posse; quod non magnopere his legionibus confido. Vale. Cn. Pompeius L. Domitio S. Litterae mihi a te redditae sunt ad XII. kal. Mart. in quibus scribis, Caesarem apud Corfinium castra posuisse. quod putavi, & praemonui, fit, ut nec in praesentia committere tecum proelium uelit, & omnibus copijs conductis, te implicet, ne ad me iter expeditum tibi sit, atque istas copias coniungere optimorum ciuium possis cum his legionibus, de quarum uoluntate dubitamus. quo etiam magis tuis litteris sum commotus. neque enim eorum militum, quos mecum habeo, uoluntati satis confido, ut de omnibus fortunis reip. dimicem: neque etiam, qui ex delectibus conscripti sunt a consulibus, conuenerunt. Quare da operam, si ulla ratione etiam nunc efficere potes, ut te explices, huc quamprimum uenias ante, quam omnes copiae aduersariorum conueniant. neque enim celeriter ex delectibus huc homines conuenire possunt: & si conuenirent, quantum ijs committendum sit, quod inter se ne noti sunt, contra ueteranas legiones, non te praeterit. Vale.

CICERO S. D. ATTICO. 13

LIPPITVDINIS meae signum tibi sit librarij manus, & eadem caussa breuiatis. etsi nunc quidem, quod scriberem nihil erat. omnis expectatio nostra erat in nuncijs Brundisij. si nactus hic esset Cnaeum

Cnaeum nostrum, spes dubia pacis: sin ille ante trās-
misisset, exitiosi belli metus. sed uides ne, in quem
hominem inciderit resp. ? quam acutum, quam ui-
gilantem, quam paratum? si mehercule neminem
occiderit, nec cuiquam quidquam ademerit; ab ijs,
qui eum maxime timuerant, maxime diligitur.
multum mecum municipales homines loquuntur,
multum rusticani. nihil prorsus aliud curant, nisi
agros, nisi uillulas, nisi nummulos suos. & uide,
quam conuersa res est. illum, quo antea confide-
bant, metuunt; hunc amant, quem timebant. id
quantis nostris peccatis, uitijsq. euenerit, non pos-
sum sine molestia cogitare. quae autem impendere
putarem, scripseram ad te; & iam tuas litteras
exspectabam. Vale.

CICERO S. D. ATTICO. 14

NON dubito, quin tibi odiosae sint epistolae quo-
tidianae, cum praesertim neque noua de re aliqua
certiorem te faciam, neque nouam denique iam re-
periam scribendi ullam sententiam. sed, si dedita
opera, cum caussa nulla esset, tabellarios ad te cum
inanibus epistolis mitterem; facerem inepte: eun-
tibus uero, domesticis praesertim, ut nihil ad te de
litterarum, facere non possum. & simul (crede mi-
hi) requiesco paullulum in his miserijs, cum quasi
tecum loquor; cum uero tuas epistolas lego, multum
etiam magis. omnino intelligo, nullum fuisse tem-
pus post has fugas, & formidines, quod magis de-
buerit

buerit mutum esse a litteris: propterea quod neque Romae quidquā auditur noui, nec in his locis, quae a Brundisio absunt propius quam tu, biduum, aut triduum. Brundisii autem omne certamen uertitur huius primi temporis. qua quidem expectatione terqueor. sed omnia ante nos sciemus. eodem enim die uideo Caesarem a Corfinio post meridiem profectum esse, quo Canusio mane Pompeium. eo modo autem ambulat Caesar, & ijs diarijs militum celeritatem incitat, ut timeam, ne citius ad Brundisium, quam opus sit, accesserit. Dices, Quid igitur proficis, qui anticipes eius rei molestiam, quam triduo sciturus sis? Nihil equidem: sed, ut supra dixi, tecum perlibenter loquor. & simul scito, labare meum consilium, illud, quod satis iam fixum uidebatur. non mihi satis idonei sunt auctores ij, quia a te probantur. quod enim umquam eorum in rep. forte factum extitit? aut quis ab ijs ullam rem laude dignam desiderat? nec mehercule laudandos existimo, qui trans mare belli parandi causa profecti sunt (quamquam haec ferenda non erant) uideo enim, quantum id bellum, & quam pestiferum futurum sit. sed me mouet unus uir; cuius fugientis comes, remp. recuperantis socius uideor esse debere. toties ne igitur sententiam mutas? ego tecum, tāquam mecum, loquor. quis autem est, tanta quidem de re, quin uarie secum ipse disputet? simul & elicere cupio sententiam tuam; si manet, ut firmior sim; si mutata est, ut tibi assentiar. omnino ad
id, de

id, de quo dubito, pertinet, me scire, quid Domitius acturus sit, quid noster Lentulus. de Domitio uaria audimus, modo esse in Tiburti, aut Lepidi; * quo cum Lepidus accessisset ad urbem. quod item falsum uideo esse. ait enim Lepidus eum nescio quo penetrasse itineribus; occultandi sui causa, an maris apiscendi, ne id quidem scit. ignorat enim de filio. addit illud, sane molestum: pecuniam Domitio satis grandem, quam is Coreni habuerit, non * esse redditam. de Lentulo autem nihil audimus. haec uelim exquiras, ad meq. perscribas. Vale.

CICERO S. D. ATTICO. 15

AD V. non. Mart. epistolas mihi tuas Aegypta reddidit, unam ueterem i v. kal. quam te scribis dedisse Pinario, quem non uidimus; in qua expectas, quidnam praemissus agat Vibullius qui omnino nō est uisus a Cesare. in altera epistola, uideo, te scire ita esse: & quemadmodum redeuntem excipiam Caesarem, quem omnino uitare cogito: & aut Hemonis fugam tendis, commutationemq. uitae tuae: quod tibi puto esse faciendum. & ignoras, Domitius cum fascibus ne sit. quod cum scies, facies, ut sciamus. Habes ad primam epistolam. secutae sunt duae, pridie kal. ambae datae, quae me conuellerunt de pristino statu, iam tamen, ut ante ad te scripsi, labantem. Nec me mouet, quod scribis, Ioui ipsi iniquum. nam periculum in utriusque iracundia positum est: uictoria autē ita incerta, ut

V. dete-

daterior caussa paratior mihi esse uideatur . nec me
 consules mouent , qui ipsi pluma , aut folio facilius
 mouentur : officij me deliberatio cruciat , crucia-
 uitq. adhuc . cautior certe est mansio . honestior exi-
 stimatur traiectio : malo interdum , multi me non
 caute , quam pauci non honeste , fecisse existiment .
 De Lepido , & Tullo quod quaeris : illi uero non du-
 bitant , qui Caesari praesto futuri , in senatumq. uen-
 turi sint . Recentissima tua est epistola kal. data , in
 qua optas congressum , pacem non desperas : sed e-
 go , cum haec scribebam , nec illos cōgressuros , nec , si
 congressi essent , Pompeium ad ullam condicionem
 accessurum putabam . Quod uideris non dubitare ,
 si consules transeant , quid nos satere oporteat : cer-
 te transeunt , uel , quomodo nunc est , transierunt .
 sed momento , praeter Appium , neminem esse fe-
 re , qui non ius habeat transeundi . nam aut cum im-
 perio sunt , ut Pompeius , ut Scipio , Setenas , Fan-
 nius , Voconius , Sextius , ipsi consules ; quibus mo-
 re maiorum concessum est uel omnes adire prouin-
 cias : aut legati sunt eorum . sed nihil desero . quid
 placeat tibi , & quid propemodum rectum sit , in-
 telligo . Plura scriberem , si ipse possem : sed , ut mi-
 hi uideor , potero biduo . Balbi Cornelij litterarum
 exemplum , quas eodem die accepi , quo tuas , misi
 ad te , ut meam uicem dolores , cum me derideri ui-
 deres . Vale . Balbus Ciceroni imp. S.
 Obsecro te Cicero , suscipe curam , & cogitationem
 dignissimam tuae uirtutis , ut Caesarem , & Pom-
 peium

peium, perfidia hominum distraētos, rursus in pristinam concordiam reducas. crede mihi, Caesarem non solum in tua fore potestate, sed etiam maximum beneficium te sibi dedisse iudicaturum, si huc te reijcias. uelim, idem Pompeius faciat: qui ut adduci tali tempore ad ullam condicionem possit, magis opto, quam spero. sed, cum constiterit, & timere desierit; tum incipiam non desperare, tuam auctoritatem plurimum ualituram. Quod Lentulum cos. meum uoluisti hoc remanere; Caesari gratum, mihi uero gratissimum mediusfidius fecisti. nam illum tanti facio, qui non Caesare magis diligam. qui si passus esset, nos secum, ut consueueramus, loqui; & non se totum etiam & etiam ab sermone nostro auertisset: minus miser, quam sum, essem. nam caue putes, hoc tempore plus me quem quam cruciari; quod eum, quem ante me diligo, uideo in consulatu quiduis potius esse, quam consulem. quod si uoluerit tibi obtemperare, & nobis de Caesare credere, & consulatum reliquum Romæ peragere: incipiam sperare, etiam, consilio senatus, auctore te, illo relatore, Pompeium, & Caesarem coniungi posse. quod si factum erit, me satis uixisse putabo. Factum Caesaris de Corfinio totum me probaturum scito, & quo modo in huiusmodi re commodius cadere non potuit, quam ut res sine sanguine confieret. Balbi mei, tuiq. aduentu delectatum te, ualde gaudeo. is quaecumque tibi de Caesare dixit, quæq. Caesar scripsit, scio re tibi pro

abit, quaecumque fortuna eius fuerit, bellissime scripſiſſe. Vale.

CICERO S. D. ATTICO. 16

OMNIA mihi prouiſa ſunt, praeter occultum,
 * Et tum iter ad mare ſuperum. hoc enim mari
 uti non poſſumus hoc tempore anni. illuc autem,
 quo ſpectat animus, & quo res uocat, qua ueniam?
 cedendum enim eſt celeriter; ne force qua re impe-
 diar, atque alliger. nec uero ille me ducit, qui ui-
 detur: quem ego hominem ἀπολιτικάτατων omnium
 iam ante cognoram, nunc uero etiam ἀſπατηγικάτα
 τον. non me igitur is ducit, ſed ſermo hominum, qui
 ad me a Philotimo ſcribitur. is enim me ab opti-
 matibus ait conſcindi. quibus optimatibus, diſſi-
 ni? qui nunc quo modo occurrunt, quo modo autem
 ſe uenditant Caefari? municipia uero deum: nec ſi-
 mulant, ut cum de illo aegroto uota faciebant. ſed
 plane, quidquid mali hic Piſiſtratus non fecerit,
 tam gratum eſt, quam ſi alium facere prohibuerit.
 hunc propitiū ſperant: illum iratum putant. quas
 fieri cenſes ἀπαμύσεις ex opidis? quos honores?
 metuunt, inquit. credo, ſed hercule illum magis.
 huius inſidioſa clementia delectantur: illius iracun-
 diam formidant. iudices D C C C L, qui praecipue
 Cnaeo noſtro delectabantur, ex quibus quotidie ali-
 quem uideo, neſcio quas eius Lucerias horrent. ita-
 que quaero, qui ſint iſti optimates, qui me extur-
 bent, cum ipſi domi mancant. ſed tamen, quicumque
 ſunt,

sunt, αὐτὸς ἐποιεῖ Τρωάς. etsi, qua spe proficiscar, uide-
deo: coniungoq. me cum homine magis ad uastan-
dam Italiam, quam ad uincendum parato, domum *
quem exspecto. & quidem, cum haec scribebam
I V. non. iam exspectabam aliquid à Brundisio. quid
autem aliquid? quam inde turpiter fugisset, & ui-
ctor hic qua se referret, & quo. quod ubi audis-
sem; si ille Appia ueniret, ego Arpinum cogita-
bam. Vale.

M. TVLLII CICERONIS
EPISTOLARVM AD
T. POMPONIVM ATTICVM
LIBER IX.

CICERO S. D. ATTICO.

E TSI, cum tu has litteras legeres, pu-
tabam fore, ut scirem iam, quid Brun-
disii actum esset; nam Canusio VIII.
kal. profectus erat Cnaeus; haec autem
scribebam prid. non. XIV. die postquam ille Canu-
sio mouerat: tamen angebar singularum horarum
expectatione; mirabarque, nihil allatum esse ne ru-
moris quidem: nam erat mirum silentium. sed haec
fortasse *νεοκτενέειν* sunt: quae tamen iam sciantur,
necesse est. illud molestum, me adhuc inuestigare
non posse, ubi Lentulus noster sit, ubi Domitius.
quaero autem, quo facilius scire possim, quid acturi
sint, ituri ne ad Pompeium, & si sint, qua, quan-
do ue ituri sint. urbem quidem iam refertam esse
optimatum audio, Sositum, et Lupum, quos Cnaeus
noster ante putabat Brundisium uenturos esse,
quam se, ius dicere. hinc uero uulgo uadunt. etiam
M. Lepidus, quocum diem contererere solebam, cras
cogitabat. nos autem in Formiano morabamur,
quo citius audiremus. deinde Arpinum uoleba-
mus. inde, iter quam maxime ἀνὰ τὰ ἑσπέρια esset, ad
mare superum, remotis, siue omnino missis lieto-
ribus.

nibus, audio enim, bonis uiris, qui & nunc, & saepe antea magno praesidio reip. fuerunt, hanc cunctationem nostram non probari, multa q. in me, & seuerè in conuiujs tempestiuus quidem disputari. cedimus igitur; &, ut boni ciues simus, bellum Italiae terra, mariq. inferamus; & odia improborum rursus in nos, quae iam extincta erant, incendamus; & Lucej consilia, ac Theophanis persequamur. nam Scipio uel in Syriam proficiscitur, forte; uel cum genere, honeste; uel Caesarem fugit, iratum. Marcelli quidem, nisi gladium Caesaris timuissent, manerent. Appius & eodem timore, & inimicitiarum recentium. & tamen, praeter hunc, & C. Cassium, reliqui legati, Faustus pro quaes. ego unus, cui utrumuis licet, frater accederet; quem socium huius fortunae esse, non erat aequum; cui magis etiam Caesar irascetur: sed impetrare non possum, ut maneat. dabimus hoc Pompeio, quod debemus. nam me quidem alius nemo mouet; non sermo bonorum, qui nulli sunt; non caussa, quae acta rimi de est, agetur improbe. uni uni hoc damus, nec id quidem roganti, nec suam causam, ut ait, agenti, sed publicam. Tu quid cogites de transendo in Epirum, scire uelim. Vale.

CICERO S. D. ATTICO.

2

ET SI nonis Mart. die tuo, ut opinor, exspectabam a te epistolam longiorem: tamen ad eam ipsam breuem, quam 111. non. ὑπὲρ τὴν διάληψιν dedisti,

disti, rescribendum putavi. Gaudere ais te, mansisse me; & scribis, in sententia te manere. mihi autem superioribus litteris uidebare non dubitare, quin cederem, ita si & Cnaeus bene comitatus cõscendisset, & consules transissent. utrum, hoc tu parum commeminiſti, an ego non satis intellexi, an mutaſti ſententiam? ſed aut ex epiſtola, quam exſpecto, perſpiciam, quid ſentias; aut alias abs te litteras eliciam. Brundisio nihil dum erat allatum. o rem difficilem, planeq. perditam. quam nihil prætermittis in conſilio dando. quam nihil tamen, quod tibi ipſi placeat, explicas. Non eſſe me una cum Pompeio, gaudes: ac proponis, quam ſit turpe me adeſſe, cum quid de illo detrahatur: neſas eſſe approbare. certe. contra igitur? dii, inquis, auerruncent. quid ergo fiet, ſi in altero ſcelus eſt, in altero ſupplicium? impetrabis, inquis, a Caſare, ut tibi abeſſe liceat, et eſſe otioſo. ſupplicandum igitur? miſerum. quid, ſi non impetraro? Et de triumpho erit, inquis, integrum. quid, ſi hoc ipſo premar? accipiam? quid foedius? negem? repudiari ſe totum, magis etiam, quam olim in xx uiratu, putabit. ac ſolet, cum ſe purgat, in me conferre omnem illorum temporum culpam: ita me ſibi fuiſſe inimicum, ut ne honorem quidem a ſe accipere uellem. quanto nunc hoc idem accipiet aſperius? tanto ſcilicet, quanto et honor hic illo eſt amplior, & ipſe robuſtior. Nam quod negas te dubitare, quin magna in offenſa ſim apud Pompeium hoc tempore:

re: non uideo caussam, cur ita sit, hoc quidem tempore. qui enim, amisso Corfinio denique, certio rem me sui consilij fecit, is queretur Brundisium me non uenisse, cum inter me, & Brundisium Caesar esset? deinde, etiam scit, ἀπαρρησίαν esse in ea causa querellam suam. me putat de municipiorum imbecillitate, de delectibus, de pace, de urbe, de pecunia, de Piceno occupando plus uidisse, quam se. sin, cum potuero, non uenero: tum erit inimicus. quod ego non eo uereor, ne mihi noceat: (quid enim faciet? τίς δ' ἐστὶ δούλος, τοῦ θανεῖν ἀφροντίς ὢν;)

sed quia ingrati animi crimen horreo. confido igitur aduentum nostrum illi, quoquo tempore fuerit, ut scribis, ἀσμένισον fore. Nam quod ais, si hic temperantius egerit, consideratius consilium te daturum: qui hic potest se gerere non perdit? uita, mores, ante facta, ratio suscepti negotij, socij, uires bonorum, aut etiam constantia. Vix dum epistolam tuam legeram, cum ad me, currens ad illum, Postumus Curtius uenit, nihil nisi classes loquens, & exercitus. eripiebat Hispanias: tenebat Asiam, Siciliam, Africam, Sardiniam: confestim in Graeciam persequabatur. eundem igitur est, nec tam ut belli, quam ut fugae socij simus: nec enim ferre potero sermones istorum, quicumque sunt. non sunt enim certe, ut appellantur, boni. sed tamen id ipsum scire cupio, quid loquantur: idq. ut exquiras, meq. certio rem facias, te uehementer rogo. Nos adhuc, quid Brundisii actum esset, plane

plane nesciebamus. cum sciemus, tum ex re,
& ex tempore consilium capiemus, sed utemur
tuo. Vale.

CICERO S. D. ATTICO.

3

DOMITII filius transiit Formias VII. id.
currens ad matrem Neapolim; mihiq. nunciari ius
sit, patrem ad urbem esse; cum de eo curiose qua-
sisset seruus noster Dionysius. nos autem audiera-
mus eum profectum siue ad Pompeium, siue in Hi-
spaniam. id cuiusmodi sit, scire sane uelim. nam ad
id, quod delibero, pertinet, si ille certe nusquam
discessit, intelligere Cnaeum, non esse faciles nobis
ex Italia exitus, cum ea tota armis, praesidijsq. te-
neatur, hieme praesertim. nam si commodius an-
ni tempus esset; uel infero mari liceret uti. nunc ni-
hil potest, nisi supero, transmitti, quo iter interclu-
sum est. quaeres igitur & de Domitio, & Lentulo.
A Brundisio nulla adhuc fama uenerat: & erat hic
dies VII. id. quo die, suspicabamur, aut pridie Brun-
disium uenisse Caesarem. nam kalendis Arpis man-
serat. sed si Postumum audire uelles, persecuturus erat
Cnaeum: transiisse enim iam putabat, coniectura
tempestatum, ac dierum. ego nautas eu non puta-
bam habiturum: ille confidebat, & eo magis, quod
audita nauicularijs hominis liberalitas esset. sed, to-
ta res Brundisina iam quo modo habeat se, diutius
nescire non possum. Vale.

CICERO

EGO etsi tam diu requiesco, quam diu aut ad
 te scribo, aut tuas litteras lego: tamen & ipse e-
 geo argumento epistolarum, & tibi idem accidere
 certo scio. quae enim soluto animo familiariter scri-
 bi solent, temporibus his excluduntur: quae autem
 sunt horum temporum, ea iam contriuiimus. sed ta-
 men, ne me totum aegritudini dedam, sumpsit mihi
 quasdam tamquam θείας, quae et politiae sunt, et tem-
 porum horū, ut et abducam animum ab querellis, et
 in eo ipso, de quo agitur, exercear. eae sunt huiusmo-
 di. Εἰ μενετέον ἐν τῇ πατρίδι τυραννουμένη: τυραννου-
 μένης δὲ αὐτῆς. εἰ παντὶ τρόπῳ τυραννίδος καταλύσιν
 πειρατέον, καὶ ἢ μέλλῃ διὰ τοῦτο περὶ τῆς ὅλων ἢ πό-
 λης κινδυνώσῃ. εἰ δ' λαβητέον τὸν καταλύοντα, μὴ
 αὐτὸς ἀρῆσθαι. εἰ πειρατέον ἀρήγειν τῇ πατρίδι εἰρήνην
 μάλλον, ἢ πολέμῳ εἰ πολιτικὸν τὸ ἡσυχάζειν ἀναχω-
 ρήσαντά ποι τῆς πατρίδος τυραννουμένης, ἢ διὰ παν-
 τὸς ἰτέον κινδύνου τῆς ἐλευθερίας περὶ. εἰ πόλεμον ἢ
 πακτέον τῇ χώρᾳ, καὶ πολιορκητέον αὐτὴν τυραννου-
 μένην. εἰ καὶ μὴ δοκιμάζοντα τὴν διὰ πολέμου κατα-
 λυσιν τῆς τυραννίδος σωμαπογραπτέον ὁμοῖς τοῖς ἀρί-
 στοις. εἰ τοῖς διεργέταις, καὶ φίλοις συγκινδυνωτέον ἢ
 τοῖς πολιτικοῖς, καὶ μὴ δοκῶσιν δὲ βεβουλεύσθαι περὶ
 τῆς ὅλων. εἰ ὁ μεγάλα τὴν πατρίδα διεργετήσας, δὲ
 αὐτὸ δὲ τοῦτο ἀνήκεσα παθὼν, καὶ εὐθονειδῆς, κινδυ-
 νώσῃ ἂν θελοντὴς ὑπὲρ τῆς πατρίδος: ἢ ἀφετέον αὐ-
 τῷ ἑαυτοῦ ποτε, καὶ τῇ οἰκιοτάτῳ ποιῆσαι ὀρί-

νοίαν ἀφεμένω τὰς πρὸς τοὺς ἰχθύοντας διαπολιτείας.
 in his ego me consultationibus exercens, & disse-
 rens in utramque partem tum græce, tum latine,
 & abduco parumper animum a molestiis, & ἡ
 πρὸς τὸ τί delibero. Sed uereor, ne tibi ἀχαιρὸς sim.
 si enim recte ambulauit is, qui hanc epistolam tulit,
 in ipsum tuum diem incidit. Vale.

CICERO S. D. ATTICO. 5

NATALI die tuo scripsisti epistolam ad me ple-
 nam consilij, summamq. tum beneuolentiæ, tum e-
 tiam prudentiæ. eam mihi Philotimus postridie,
 quam a te acceperat, reddidit. Sunt ista qui-
 dem, quæ disputas, difficillima, iter ad superum,
 nauigatio infero, discessus Arpinum, ne hunc fu-
 gisse; mansio Formijs, ne obtulisse nos gratulatio-
 ni uideamur: sed miserius nihil, quam ea uidere,
 quæ tamen iam, iam inquam uidenda erunt. Fuit
 apud me Postumus: scripsi ad te, quàm grauis.
 uenit ad me etiam Q. Fufius, quo uultu, quo spi-
 ritu? properans Brundisium, scelus accusans Pom-
 peij, lenitatem, & stultitiam senatus. hæc qui in
 mea uilla non feram, cur tum in curia potero fer-
 re? Age, finge me quamuis ὡς οὐδὲν hæc feren-
 tem: quid illa, dic M. Tulli, quem habebunt exit-
 um? Et omitto causam reip. quam ego amissam
 puto cum uulneribus suis, tum medicamentis his,
 quæ parantur. de Pompeio quid agam? cui plane
 (quid cum negem?) succensui. semper enim caus-
 sæ

sae euentorum magis mouent, quam ipsa euenta.
 haec igitur mala, quibus maiora esse quae possunt?
 considerans, uel potius iudicans eius opera accidisse,
 & culpa inimicior eram huic, quam ipsi Caesar.
 ut maiores nostri funestiores diem esse uoluerunt
 Alliensis pugnae, quam urbis captae; quod
 hoc malum ex illo; itaque alter religiosus etiam nunc
 dies, alter in uulgus ignotus: sic ego, decem annorum
 peccata recordans, in quibus inerat ille etiam
 annus, qui nos, hoc defendente, ne dicam grauius,
 afflixerat; praesensque temporis cognoscens te
 meritatem, ignauiam, negligentiam, succensebam.
 sed ea iam mihi exciderunt. beneficia eiusdem cogito,
 cogito etiam dignitatem. intelligo serius equidem,
 quam uellem, propter epistolas, sermonesque.
 Balbi; sed uideo plane. nihil aliud agi, nihil actum
 ab initio, quam ut hunc occideret. ego igitur. si quis
 apud Homerum, cum ei & mater, & dea dixisset,
 Αὐτίκα γὰρ τοι ἔπειτα μεδ' Ἐκτορα πότμος ἑτοίμος,
 matri ipse respondit,
 Αὐτίκα τεθναίην, ἔπει οὐκ ἄρ' ἔμελλον ἑτέρῳ
 Κτεινομένῳ ἐπαμύῃαι. quid, si non ἑτέρῳ solum, sed
 etiam ἑεργέτῃ? adde, tali uiro, talem causam agentem.
 & ego uero haec officia mercanda uita puto.
 optimatibus uero tuis nihil confido, nihil iam ne in
 seruiο quidem. uideo, ut se huic dent, ut daturi
 sint. quidquam tu illa putas fuisse de uoletudine decreta
 municipiorum praeter his de uictoria gratulationibus?
 timent, inquires. at ipsi tum se timuisse dicunt.

cunt. sed uideamus; quid actum sit Brundisij. ex eo fortasse mea cōsilia nascētur, aliaeq. litterae. Vale.

CICERO S. D. ATTICO. 6

Nos adhuc Brundisio nihil. Roma scripsit Balbus, putare iam Lentulum cos. transmississe, nec eum a minore Balbo conuentum; quod is hoc iam Canusij audisset; inde ad se eum scripsisse: cohortesq. sex, quae albae fuissent, ad Curtium Minucia transisse: id Caesarem ad se scripsisse, & breui tempore eum ad urbem futurum. ego utār tuo consilio: neque me in Arpinum hoc tempore abdam. etsi, Ciceroni meo togam puram cum dare Arpini uellem, hanc eram ipsam excusationem relicturus ad Caesarem. sed fortasse in eo ipso offendetur, cur non Romae potius. sed tamen, si est conueniendus, hic potissimum. tum reliqua uidebimus, idest & quo, & qua, & quando. Domitius, ut audio, in Cossano, & quidem, ut aiunt, paratus ad nauigandum: si in Hispaniam, non probo: si ad Cnaeum, laudo: quoniam potius certe, quam ut Curtium uideat; quem ego patronus adspicere non possum. quid alios? sed, opinor, quiescamus; ne nostram culpam coarguamus; qui, dum urbem, idest patriam, amamus, dumq; rem conuenturam putamus, ita nos gessimus, ut plane interclusi, captiq. simus. Scripta iā epistola, Capuae litterae sunt allatae hoc exemplo. Pompeius mare transiit cum omnibus militibus, quos secum habuit. hic numerus est hominum

minum millia xxx, & consules duo, & tribuni pl. & senatores, qui fuerant cum eo, omnes cum uxoribus, & liberis. Conscendisse dicitur ad iu. non. Mart. ex ea die fuere septemtriones uenti. naues, quibus usus non est, omnes aut praecidisse, aut incendisse dicunt. de hac re litterae L. Metello trib. pl. Capuam allatae sunt ab Clodia socru, quae ipsa transiit, ante sollicitus eram, & angebar, sicut res scilicet ipsa cogebat, cum consilio explicare nihil possem: nunc autem, postquam Pompeius, & consules ex Italia exierunt, nō angor, sed ardeo dolore.

- εἰ δέ μοι ἦτορ

ἐμπεδον, ἀλλ' ἀλαλύκτημαι.

non sum, inquam, mihi crede, mentis compos: suatum mihi dedecoris admisisse uideor. me non primum cum Pompeio, qualicumque consilio uso, deinde cum bonis esse, quamuis caussa temere instituta? praesertim cum y ipsi, quorum ego caussa timidius me fortunae committebam, uxor, filia, Cicerones pueri, me illuc sequi mallent, hoc turpe, & me indignum putarent. nam Quinctus quidem frater, quidquid mihi placeret, id rectum se putare aiebat, id animo aequissimo sequetur. tuas nunc epistolas a primo lego. hae me paululum recreant. primae monent, & rogant, ne me proijciam. proximae gaudere te ostendunt, me remansisse. eas cum lego, minus mihi turpis uideor, sed tam diu, dum lego: deinde emergit rursum dolor & αἰχρὸν κατὰσία. Quamobrem obsecro te, mi Tite, eripe mihi

mihi nunc dolorem, aut minue saltem, aut consolatione, aut consilio, aut quacumque re potes. quid tu autem possis? aut quid homo quisquam? uix iam deus. equidem illud molior, quod tu mones, sperasque fieri posse; ut mihi Caesar concedat, ut absim, cum aliquid in senatu contra Cnaeum agatur. sed ti meo, ne non impetrem. uenit ab eo Furnius: (ut quidem scias, quos sequamur: Q. Titinij filium cum Caesare esse nunciat) sed illum maiores mihi gratias agere, quam uellem. quid autem me roget, (paucis ille quidem uerbis, sed ἰν ὁμαίμῃ) cognosce ex ipsius epistola. me miserum, quod tu non ualuisti. una fuisset: consilium certe non defuisset, οὐκ ἔστι δὲ ἐπ' αὐτῷ sed acta ne agamus: reliqua paremus. me adhuc haec duo fefellerunt, initio spes compositionis; qua facta uolebam, ut populari, ut ea sollicitudine senectutem nostram liberari: deinde bellum crudele, & exitiosum suscipi a Pompeio intellegebam. melioris mediusfidius ciuis, & uiri putabam, quouis supplicio affici, quam illi crudelitati non solum praesse, uerum etiam interesse. uidetur uel mori satius fuisse, quam esse cum ijs. Ad haec igitur cogita, mi Attice, uel potius excogita. quemuis euentum fortius feram, quam hunc dolorem.

Vale. Caesar imp. S. D. Ciceroni imp. Cum Furnium nostrum tantum uidissem; neque loqui, neque audire me commodo potuisset; cum properarem, atque essem in itinere, praemissis iam legionibus: praeterire tamen non potui, quin & scriberem

rem ad te, & illum mitterem, gratiusq. agerem. eisi hoc officium & feci saepe, & saepius mihi facturus uideor: ita de me mereris. in primis a te peto, quoniam confido me celeriter ad urbem uenturum, ut te ibi uideam; ut tuo consilio, gratia, dignitate, ope omnium rerum uti possim. Ad propositum reuertar: festinationi meae, breuitatiq. litterarum ignoscens. reliqua ex Furnio cognoscēs.

CICERO S. D. ATTICO.

7

SCRIPSERAM ad te epistolam, quam darem IV. id. sed eo die is, cui dare uolueram, non est profectus. uenit autem eo ipso die ille celeripes, quem Saluius dixerat: attulit uberrimas tuas litteras; quae mihi quiddam, quo stare, instillarunt. recreatum enim me non queo dicere. sed plane τὸ σωτήριον effecisti. ego enim non iam id ago, mihi crede, ut prosperos exitus consequar. sic enim uideo; nec, duobus his uiuis, nec, hoc uno, nos umquam remp. habituros. ita neque de otio nostro spero iam, nec ullam acerbitatem recusō. unum illud eximecebam, ne quid turpiter facerem, uel, dicam, iam effecissem. sic ergo habeto, salutes te mihi litteras misisse, neque solum has longiores, quibus nihil potest esse explicatius, nihil perfectius, sed etiam illas breuiores, in quibus hoc mihi iucundissimum fuit, consilium, factumq. nostrum ab Sexto probari. pergratumq. mihi tu fecisti; a quo diligere me, & quid rectum sit, intelligi, scio. Longior uero

X tua

tua epistola non me solum, sed meos omnes aegritudine leuauit. itaque ut ar tuo consilio, & ero in Formiano: ne aut ad urbem ἀπάντησις mea animaduertatur; aut, si nec hic, nec illic eum uidero, deuitatum se a me putet. Quod autem suades, ut ab eo petam, ut mihi concedat, ut idem tribuam Pompeio, quod ipsi tribuerim, id me iam pridem agere intelliges ex litteris Balbi, & Oppij: quarum exempla tibi misi: misi etiam Caesaris ad eos sana mente scriptas: quo modo in tanta insania? sin mihi Caesar hoc non concedat; uideo tibi illud placere, me πολίτῳ de pace suscipere: in quo non ex timesco periculum. cum enim tot impendeant, cur non bonestissimo depacisci uelim? sed uereor, ne Pompeio quid oneris imponam;

μή μοι γοργεῖν κεφαλὴν δεινοῖα πελώρου intorqueat. mirandum enim in modum Cnæus nos Siler Sullani regni similitudinem cōcupiuit. εἰ δ' ὥς σοι λέγω. nihil, inquam, ille minus obscure tulit. Cum hoc ne igitur, inquires, esse uis? Beneficium sequor mihi crede, non caussam, ut in Milone, ut in. sed hactenus. Causa igitur non bona est? immo optima: sed agetur (memento) foedissime. primum, consilium est, suffocare urbem, & Italiam fame: deinde, agros uastare, urere, pecunijs locupletum non abstinere. sed, cum eadem metuum ab hac parte; si illinc beneficium non sit, rectius pueri quiduis domi perpeti: sed ita meruisse illum de me puto, ut ἀχαριστίας crimen subire non audeam. quāquam

a te eius quoque rei iusta defensio est explicita. De triumpho tibi assentior, quem quidem totum facile, & libenter abiecero. egregie probo fore, ut dum agamus, ὁπλοῦς ὠρεῖται obrepatur: si modo, inquis, satis ille erit firmus. est firmior etiam, quam putabamus. de isto licet bene speres. promitto tibi, si ualebit, tegulam illum in Italia nullam relicturum. te ne igitur socio? contra mehercule meum iudicium, & contra omnium antiquorum auctoritatem: nec tam ut illa adiuuem, quam ut haec ne uideam, cupio discedere. noli enim putare tolerabiles horum insanias, nec uniusmodi fore. etsi quid te horum fugit, legibus, iudicijs, senatu sublato, libidines, audacias, sumptus, egestates totae gentissimorum hominum nec priuatas posse res, nec remp. sustinere? abeamus igitur qualibet navigatione: etsi id quidem, ut tibi uidebitur: sed certe abeamus. sciemus enim, id quod exspectas, quid Brundisii actum sit. Bonis uiris quod ais probari, quae adhuc fecerimus, sciriq. ab ijs non profectis: ualde gaudeo; si est nunc ullus gaudendi locus. De Lentulo inuestigabo diligentius: id mandauit Philotimo, homini forti, ac nimium optimati. Extremum est, ut tibi argumentum ad scribendum fortasse iam desit. nec enim alia de re nunc ulla scribi potest: & de hac quid iam amplius inueniri potest? sed quoniam & ingenium suppeditat, (dico mehercule, ut sentio) & amor, quo & meum ingenium incitatur: perge, ut facias, & scribe,

be, quantum potes. In Epirum quod me non inuitas, comitem non molestum: subirascor: sed uale. nam, ut tibi ambulandum, ungendum, sic mihi dormiendum. etenim litterae tuae mihi somnium attulerunt. Cenantibus pridie idus nobis, ac noctu quidam; Statius a te epistolam breuem attulit. De L. Torquato quid modo quaeris? non modo Lucius, sed etiam Aulus profectus est, alij multi. De Reatinorum corona, quod scribis; moleste fero, in agro Sabino sementem fieri proscriptionis. Senatores multos esse Romae, nos quoque audieramus. ecquid potes dicere, cur exierint? in his locis opinio est, coniectura magis, quam nuncio, aut litteris, Caesarem Formijs ad x i. kal. Apr. fore. hic ego uellem habere Homeri illam Mineruam simulatam Mentori, cui dicerem:

Μέντορ πῶς τ' ἀρ' ἴω, πῶς τ' ἀρ' προσμύσομαι αὐτόν? nullam rem unquam difficiliorem cogitari: sed cogito tamen; nec ero, ut in maiis, imparatus. sed cura, ut ualeās. puto enim diem tuum heri fuisse, Cæsar Oppio, Cornelio S. Gaudeo mehercule nos significare litteris, quam ualde probatis ea, quae apud Corfinium sunt gesta. consilio uestro utar libenter, & hoc libentius, quod mea sponte facere constitueram, ut quamlenissimum me praeberem; & Pompeium, darem operam, ut reconciliarem. tentemus, hoc modo si possumus omnium uoluntates recuperare, & diuturna uictoria uti: quoniam reliqui crudelitate odium effugere non potue-

tuerunt; neque uictoriam diutius tenere, praeter unum L. Sullam, quem imitaturus non sum. haec noua sit ratio uincendi; ut misericordia, & liberalitate nos muniamus. id quemadmodum fieri possit, non nulla mihi in mentem ueniunt, & multa reperiri possunt. De his rebus, rogo uos, ut cogitationem suscipiatis. Cn. Magium, Pompeij praefectum, deprehendi: scilicet meo insituo usus sum, & eum statim missum feci. iam duo praefecti sabrum Pompeij in meam potestatem uenerunt, & a me missi sunt. si uolent grati esse, debebunt Pompeium hortari, ut malit mihi esse amicus, quam is, qui & illi, & mihi semper fuerunt inimicissimi: quorum artificijs effectum est, ut resp. in hunc statum perueniret. Vale.

Balbus Ciceroni imp. S. Subito, postea quam litteras communes cum Oppio ad te dedi, ab Caesare epistolam accepi, cuius exemplum tibi misi; ex quibus perspicere poteris, quam cupiat concordiam, & Pompeium reconciliare, & quam remotus sit ab omni crudelitate: quod eum sentire, ut debeo, ualde gaudeo. Dete, & tua fide, & pietate idem mehercule, mi Cicero, sentio, quod tu, non posse tuam famam & officium sustinere, ut contra eum arma feras, a quo tantum beneficium te accepisse praedices. Caesarem hoc idem probaturum, exploratum, pro singulari eius humanitate, habeo: eiq. cumulatissime satisfacturum te certo scio, cum nullam partem belli contra eum suscipias, neque socius

eius aduersarijs fueris : atque hoc non solum in te ,
tali , & tanto uiro , satis habebit ; sed etiam mihi
ipse sua concessit bonitate , ne in ijs castris essem ,
quae contra Lentulum , aut Pompeium futura es-
sent ; quorum beneficia maxima haberem : sibi q. sa-
tis esse dixit , si togatus urbana officia sibi praestitiss-
sem ; quae etiam illi , si uellem , praestare possem .
itaque nunc Romae omnia negotia Lentuli procu-
ro , sustineo , meumq. officium , fidem , pietatem
ijs praesto . sed mehercule rursus tam abiectam
compositionis spem non desperatissimam esse puto :
quoniam Caesar est ea mente , qua optare debe-
mus . hac re mihi placet , si tibi uidetur , te ad eum
scribere , & ab eo praesidium petere , ut petisti a
Pompeio , me quidem approbante , temporibus
Milonianis . praestabo (si Caesarem bene noui)
eum prius tuae dignitatis , quam suae utilitatis ra-
tionem habiturum . Haec quam prudenter tibi scri-
bam , nescio : sed illud certe scio , me ab singulari
amore , ac beneuolentia , quaecunque scribo , tibi scri-
bere : quod te (ita , incolumi Caesare , moriar) tanti
facio , ut paucos aequae ac te caros habeam . De hac
re cum aliquid constitueris , uelim mihi scribas .
nam non mediocriter laboro , ut utrique , ut uis ,
tuam beneuolentiam praestare possis : quam meher-
cule te praestaturum confido . Fac naleas .
Balbus , & Oppius S. D. M. Ciceroni . Ne-
dum hominum humilium , ut nos sumus , sed etiam
amplissimorum uirorum consilia ex euentu , non ex

uoluntate, a plerisque probari solent: tamen freti
tua humanitate, quod uerissimum nobis uidebitur,
de eo, quod ad uos scripsisti, tibi consilium dabi-
mus: quod si non fuerit prudens, at certe ab opti-
ma fide, & optimo animo proficietur. Nos,
nisi id, quod nostro iudicio Caesarem facere oportere
existimamus, ut, simul Romam uenerit, agat
de reconciliatione gratiae suae, & Pompeij; id eum
facturum, ex ipso cognouissemus: te hortari desine-
remus, ut uelles his rebus interesse, quo facilius,
& maiore cum dignitate per te, qui utrique es con-
iunctus, res tota consieret: aut, si ex contrario pu-
taremus, Caesarem id non facturum; & eum uelle
cum Pompeio bellum gerere, sciremus; numquam
tibi suaderemus, contra hominem optime de te me-
ritum arma ferres; sicuti te semper orauimus, ne
contra Caesarem pugnares. sed cum etiam nunc, quid
facturus Caesar sit, magis opinari, quam scire,
possimus; non possumus nisi hoc, non uideri eam
tuam esse dignitatem, neque fidem omnibus cogni-
tam; ut contra alterutrum, cum utrique sis ma-
xime necessarius, arma feras: & hoc, non dubi-
tamus, quin Caesar pro sua humanitate maxime
sit probaturus. nos tamen (si tibi uidebitur) ad
Caesarem scribemus, ut nos certiores faciat, quid
in hac re acturus sit. a quo si erit nobis rescriptum,
statim, quae sentiemus, ad te scribemus, & tibi
fidem faciemus, nos ea suadere, quae nobis uiden-
tur tuae dignitati, non Caesaris rationi, esse utilissi-

ma. & hoc Caesarem, pro sua indulgentia in suos, probaturum putamus. Vale.

CICERO S. D. ATTICO.

8

TRES epistolae tuas accepi postridie idum :
 erant autem IV. III. prid. id. datae : igitur anti-
 quissimae cuique primum respondebo. Assenti tibi,
 ut in Formiano potissimum commorer. & iam de
 * supero mari plaboque, ut antea ad te scripsi, et quo-
 nam modo possem uoluntate eius nullam reip. par-
 tem attingere. Quod laudas, quia obliuisci me scri-
 psi ante facta, & dicta nostri amici : ego uero ita
 facio : quin ea ipsa, quae a te commemorantur, se-
 cus ab eo in me ipsum facta esse, non memini : tan-
 to plus apud me ualere beneficij gratiam, quam in-
 iuriae dolorem, uolo. faciamus igitur, ut censes, col-
 * ligamusq. nos : festiuo enim simili urus decurro, at-
 que cursu. *Θίςτις* meas commentari non desino : sed
 sunt quaedam earum perdifficiles ad iudicandum.
 De optimatibus, sit sane ita, ut uis : sed nosli il-
 lud, *Διόνυσος ἐν Κορίνθῳ*. Titinij filius apud Cae-
 sarem est. Quod autem quasi uereri uideris, ut
 mihi tua consilia displiceant : me uero nihil delectat
 aliud, nisi consilium, & litterae tuae. quare
 fac, ut ostendis, ne desliteris ad me, quidquid tibi
 in mentem uenerit, scribere. mihi nihil potest esse
 gratius. Venio ad alteram nunc epistolam.
 Recte non credis de numero militum. ipso dimidio
 plus scripsit Clodia. falsum etiam de corruptis na-
 uibus.

uibus. Quod consules laudas; ego quoque animum laudo, consilium reprehendo. discessu enim illorum, actio de pace sublata est: quam quidem ego medita-
bar: itaque postea Demetrii librum de concordia tibi remisi, & Philotimo dedi. nec uero dubito, quin exitiosum bellum impendeat, cuius initium du-
cetur a fame. & me tamen doleo non interesse huic bello; in quo tanta uis sceleris futura est, ut, cum parentes non alere nefarium sit, nostri princi-
pes antiquissimam, & sanctissimam parentem pa-
triam fame necandam putent. atque hoc non opi-
nione timeo, sed interfui sermonibus. omnis haec
classis Alexandria, Colchis, Tyro, Sidone, Andro,
Cypro, Pamphylia, Licia, Rhodo, Chio, Byzantio,
Lesbo, Smyrna, Mileto, Co, ad intercludendos
commeatus Italiae, & ad occupandas frumētarias
provincias comparatur. at quam uenit iratus, &
ijs quidem maxime, qui eam maxime saluam uo-
lebant, quasi relictus ab ijs, quos reliquit. itaque
mihi dubitanti, quid me facere par sit, permagnum
pondus affert beneuolentia erga illum; qua dempta;
perire melius esset in patria, quam patriam ser-
uando euertere. De septemtrione, plane ita est.
metuo, ne uexetur Epirus. sed quem tu locum Grae-
ciae non direptum iri putas? praedicat enim palam,
& militibus ostendit, se largitione ipsa superiorem,
quam hunc, fore. Illud me praeclare admones, cum
illum uidero, ne nimis indulgenter, & ut cum graui-
tate potius lequar. plane sic faciendum. Arpinum,

cum

cum cum conuenero, cogito; ne forte aut absint, cum ueniet, aut cursem huc illuc uia deterrima. Bibulum, ut scribis, audio uenisse, & redisse prid. id. Philotimum, ut ais epistola tertia, expectabas: at ille idibus a me profectus est. eo serius ad tuam illam epistolam, cui ego statim rescripseram, redditae sunt meae litterae. De Domitio, ut scribis, ita opinor esse, ut & in Cossano sit, & consilium eius ignoretur. Ille omnium turpissimus, & sordidissimus, qui consularia comitia a praetore aut haberi posse, est idem, qui semper in rep. fuit. itaque nimirum hoc illud est, quod Caesar scribit in ea epistola, cuius exemplum ad te misi, se uelle uti consilio meo: age, esto hoc commune: gratia: ineptum id quidem: sed puto, hoc simulat ad quasdam senatorum sententias: dignitate, fortasse sententia consularis. illud extremum est, ope omnium rerum. id, ego suspicari coepi tum ex tuis litteris, aut hoc ipsum esse, aut non multo secus. nam permagni eius interest, rem ad interregnum non uenire. id assequitur, si per praetorem consules creantur. nos autem in libris habemus, non modo consules a praetoribus; sed ne praetores quidem creari ius esse, idq. factum esse numquam: consules, eo non esse ius, quod maius imperium a minore rogari non sit ius: praetores autem, cum a rogentur, ut collegae consulum sint, quorum est maius imperium. aberit non longe, quin hoc a me decerni uelit, neque sit contentus Galba, Scaenola, Cassio, Antonio.

- τότε μοι χάρις ἀπὸ τοῦ θεοῦ. *sed quanta tempestas impendeat, uides. Qui transierint senatores, scribam ad te, cum ceptum habebō. De re frumentaria recte intelligis; quae nullo modo administrari sine uectigalibus potest, nec sine causa & eos, qui circum illum sunt, omnia postulantes, & bellum nefarium times. Trebatium nostrum, etsi, ut scribis, nihil bene sperat, tamen uidere sano uelim. quem fac horteris, ut properet. opportune enim ad me ante aduentum Caesaris uenerit. De Lanuino, statim, ut audiui Phameam mortuum, optaui, si modo esset futura res. ut id aliquis emeret meorum: neque tamen ad te, qui maxime meus, cogitaui. sciebam enim, de quoto anno, & quantum in solo, solere quaerere: neque solum Romae, sed etiam Deli tuum digamma uideram. uerum tamen ego illud, quamquam est bellum, minoris aestimo, quam aestimabatur Marcello consule; cum ego istos hortulos propter domum, Antij quam tum habebam, iucundiores mihi fore putabam, & minore impensa, quam si Tusculanum refecissem. uolui HS Q. egi per praedem, illi daret, Antij cum haberet uenale: noluit. sed nunc omnia ista iacere puto propter nummorum caritatem: mihi quidem erit aptissimum, uel nobis potius, si tu emeris. sed eius dementias caue contemnas. ualde est uenustum. quamquam mihi ista omnia iam addicta uasilitati uidentur. Respondi epistolis tribus:*
sed

sed exspecto tuas. nam me adhuc tuae litterae sustentant. Dec. Liberalibus.

CICERO S. D. ATTICO. 6.

NIHIL habebam, quod scriberem: neque enim novi quidquam audieram: et ad tuas omnes rescripseram pridie: sed, cum me aegritudo non solum somno priuaret, uerum ne uigilare quidem sine summo dolore pateretur; tecum ut quasi loquerer, in quo uno acquiesco, hoc nescio quid, nullo argumento proposito, scribere institui. Amens mihi fuisse uideor a principio, et me una haec res torquet, quod non omnibus in rebus labentem, uel potius ruentem Pompeium tãquam unus manipularis secutus sim. uidi hominem xiv. kal. Febr. plenum formidinis. illo ipso die sensi, quid ageret. numquam mihi postea placuit: nec umquam aliud in alio peccare destitit. nihil interim ad me scribere, nihil nisi fugã cogitare. quid quaeris? sicut ἐν τοῖς ἐρωτικαῖς alienantur immundae, insulsaе, indecorae: sic me illius fugae, neglectiaeque deformitas auertit ab amore. nihil enim dignum faciebat, quare eius fugae comitem me adiungerem. nunc em ergit amor: nunc desiderium ferre non possum: nunc mihi nihil libri, nihil litterae, nihil doctrina prodest. itaque dies & noctes, tamquam auis illa, mare prospecto, euolare cupio. do, do paenas temeritatis meae. etsi quae fuit illa temeritas? quid feci non consideratissime? si enim nihil
praeter

praeter fugam quaereretur; fugissem libentissime: sed genus belli crudelissimi, & maximi, quod, nondum vident homines, quale futurum sit, perhorruí. quae minae municipijs? quae nominatim viris bonis? quae denique omnibus, qui remansissent? quam crebro illud? Sulla potuit; ego non potero? mihi autem haeserunt illa. Male Tarquinius, qui Porſenam, qui Octauium Mamilium contra patriam: impie Coriolanus, qui auxilium petijt a Volſcis: recte Themistocles, qui mori maluit: nefarius Hippias, Pisistrati filius, qui in Marathonía pugna cecidit, arma contra patriam ferens. At Sulla, at Marius, at Cinna recte. immo iure fortasse: sed quid eorum uictoria crudelius? quid furestius? huius belli genus fugi, & eo magis, quod crudeliora etiam cogitari, & parari uidebam. me, quem non nulli conseruatorem istius urbis, quem parentem esse dixerunt, Getarum, & Armeniorum, & Colchorum copias ad eam adducere? me meis ciuibuscum famem, uastitatem inferre Italiae? hunc primum mortalem esse, deinde etiam multis modis posse extingui cogitabam: urbem autem, & populum nostrum seruandum ad immortalitatem, quantum in nobis esset, putabam. & tamen spes quaedam me obtentabat, fore, ut aliquid conueniret potius, quam aut hic tantum sceleris, aut ille tantum flagitij admitteret. alia res nunc tota est, alia mea. Sol, ut est in tua quadam epistola, excidisse mihi e mundo uidetur. ut aegroto, dum anima est,

est, spes esse dicitur; sic ego, quo ad Pompeius in Italia fuit, sperare non desisti. haec me sefellerunt; & ut uerum loquar, aetas iam a diuturnis laboribus deuexa ad otium, domesticarum me rerum delectatione molliuit. nunc siue periculo experiundum erit, experiar certe, ut hinc auolem. ante oportuit fortasse: sed ea, quae scripsisti, me tardarunt, & auctoritas maxime tua. nam cum ad hunc locum uenissem, euolui uolumen epistolarum tuarum, quod ego sub signo habeo, seruoque diligentissime. erat igitur in ea, quam x. kal. Febr. dederas, hoc modo. SED uideamus, & Cnaeus quid agat, & illius rationes quorsum fluant. quod si iste Italiam relinquet, faciet omnino male, & ut ego existimo, ἀλολύσως; sed tum domum consilia nostra commutanda erunt. Hoc scribis post diem quartum, quam ab urbe discessimus. deinde viii. kal. Febr. TANTUMMODO Cnaeus noster ne, ut urbem ἀλολύσως reliquit, sic Italiam relinquat. Eodem die das alteras litteras, quibus mihi consulenti planissime respondes: est enim sic. SED uenio ad consulatorem tuam. si Cnaeus Italia cedit, in urbem redeundum puto. qui enim finis peregrinationis? hoc mihi plane haesit: & nunc ita uideo, infinitum bellum iunctum miserima fuga; quam tu peregrinationem ὑποκρίσιν. Sequitur ἡντιμὸς v. i. kal. Feb. EGO si Pompeius manet in Italia, nec res ad pacem uenit, longius bonum puto fore: sin Italiam relinquit, ad posterum bellum ἀμωδὸν στρῦν existimo, huius

Huius igitur belli ego particeps, & socius, & adiutor esse cogor; quod & ἀσπασθον, & cum ciuibus. Deinde VI. id. Febr. cū iam plura audires de Pompeij consilio, concludis epistolam quandam hoc modo. EGO quidem tibi non sim auctor, si Pompeius Italiam relinquit, te quoque profugere. summo enim periculo facies, nec reip. proderis; cui quidem posterius poteris prodesse, si manseris. Quem αἰδότητι, ac πολιτικῶν hominis prudentis, & amicitia admonitū non moueret auctoritas? Deinceps III. id. Febr. iterum mihi respondes consulēti, sic. QVOD quaeris a me, fugam ne fidam, an moram deserēdam utiliorem putem; ego uero in praesentia * subitum discessum, & praecipitem profectionem cura tibi, tum ipsi Cnaeo inutilem, & periculosam puto: & satius esse existimo, nos dispersitos, & in speculis esse: sed medijs fidijs turpe nobis puto esse de fuga cogitare. Hoc turpe Cnaeus noster biennio ante cogitauit; ita Sullaturit animus eius, & proscripturit diu. Inde, ut opinor, cum tu ad me quaedam γεινόςτερον scripssisses, & ego mihi a te quaedam significari putassē, ut Italia cederem; detestaris hoc diligenter xi. kal. Mart. EGO uero nulla epistola significani, si Cnaeus Italia cederet, ut tu una cederes: aut, si significani, non dico fui inconstans, sed demens. In eadē epistola alio loco. NIHIL relinquitur, nisi fuga; cui te socium ne utiquā puto esse oportere, nec umquam putari. Totam autem hanc deliberationem enoluisti accuratius in litteris

VII. kal. Mart. datis . si M'. Lepidus, & L. Volcatius remanent, manendum puto, ita, ut, si saluus sit Pompeius, & constiterit alicubi, hanc vexiā relinquis; & te in certamine uinci cum illo facilius patiaris, quam cum hoc in ea, quae perspicitur futura, colluue regnare. Multa disputas huic sententiae conuenientia. inde ad extremum. QUID SI, inquis, Lepidus, & Volcatius discedunt? plane ἀπορῶ quod euenerit igitur; & quod egeris, id σεπτεῖον putabo. Si tum dubitares, nunc certe non dubitas, istis manentibus. Deinde in ipsa fuga V. kal. Mart. INTEREA non dubito, quin in Formiano mansurus sis. commodissime enim τὸ μέλλον ibi καραδοκῆσεις. Ad kal. Mart. cum ille quintum iam diem Brundisij esset. TUM poterimus deliberare, non scilicet integrare, sed certe minus infra-Elā, quam si una proieceris te. Deinde IV. non. Mart. ὑπὸ τὴν λῆψιν cum breuiter scriberes, tamen ponis hoc. C R A S scribam plura, & ad omnia: hoc tamen dicam, non paenitere me consilij de tua mansione: & quamquam magna sollicitudine, tamen, quia minus mali puto esse, quam in illa profectioe, maneo in sententia, & gaudeo te mansisse. Cum uero iam angerer, & timerem, ne quid a me dedecoris esset admissum; III. non. Mart. T A M E N, te non esse una cum Pompeio, non fero moleste. postea, si opus fuerit, non erit difficile: & illi, quoquo tempore fiet, erit ἀσμένιος sed hoc ita dico: si hic, qua ratione initium fecit, eadem cetera

cetera aget, sincere, temperate, prudenter; ualde uidero, & consideratius utilitatis nostrae consulero. VII. id. Mart. scribis, Peducaeo quoque nostro probari, quod quierim: cuius auctoritas multum apud me ualet. His ego tuis scriptis me consolor, ut nihil a me adhuc delictum putem. tu modo, auctoritatem tuam defendito aduersus me. nihil opus esse, conscius ego, alijs. ego, si nihil peccavi, reliqua tuebor. ad ea tute hortare, & me omnino tua cogitatione adiuuu. Hic nihil dū de reditu Caesaris audiebatur. Ego his litteris hoc tamen profeci: perlegi omnes tuas, & in eo acquieui. Lentulum nostrum scis Puteolis esse? quod cum e niatore quodam esset auditum, qui se diceret, eum in Appia, cum is paullum lecticam aperuisset, cognosse, & si uix ueri simile, nisi tamen Puteolos pueros, qui peruestigarent, & ad eum litteras. inuentus est. uix, in hortis suis se occultans: litterasq. mihi remisit, mirifice gratias agens Caesari: de suo autem consilio C. Caecio mandata ad me dedisse. eum ego hodie expectabam, idest XI V. kal. Apr. Venit etiam ad me Matius Quinquatribus, homo mehercule, ut mihi uisus est, temperatus, & prudens: existimatus quidem est semper auctor otij. quam ille haec non probare mihi quidem uisus est, quam illam *νῆξιν*, ut tu appellas, timere. huic ego in multo sermone epistolam ad me Caesaris ostendi, eam, cuius exemplum ad te antea misi: rogauique, ut interpretaretur, quid esset, quod ille scriberet.

consilio meo se uti uelle, gratia, dignitate, ope rerum omnium. respondit, se non dubitare, quin & opem, et gratiam meam ille ad pacificationem quaereret. utinam aliquod in hac miseria reip. πολιτικόν opus efficere, & nauare mihi liceat. Matius quidem & illum in ea sententia esse. confidebat, & se auctorem fore pollicebatur. Pridie autem apud me Crassipes fuerat, qui se pridie non. Mart. Brundisio profectum, atque ibi Pompeium reliquisse dicebat: quod etiam, qui VII. id. illinc profecti erant, nunciabant: illa uero omnes, in quibus etiam Crassipes, qui prudentia potuit attendere, sermones minaces, inimicos optimatum, municipiorum hostes, meras proscriptiones, meros Sullas: quae Lucceium loqui, quae totam Graeciam, quae uero Theophanem. & tamen omnis spes salutis in illis est: & ego excubo animo, nec partem ullam capio quietis: & ut has pestes effugiam, cum dissimillimis nostri esse cupio. quid enim tu illuc Scipionem, quid Faustum, quid Libonem praetermissurum sceleris putas? quorum creditores conuenire dicuntur. quid eos autem, cum uicerint, in ciues effecturos? quam uero putas μακροθυμίαν Cnaei nostri esse? nunciant, Aegyptum, & Arabiam & dauidiora cogitare, Hispaniam abiēcisse. monstra narrant: quae falsa esse possunt: sed certe et haec perditae sunt, & illa non salutaria. Tuas litteras iam desidero. post fugam nostram numquam tantum earum intervallum fuit. Misi ad te exemplum litterarum mearum ad Caesarem;

sarem; quibus me aliquid profecturum puto. *Vale.* Cicero imp. s. d. Caesari imp. *Vt legi*
tuas litteras, quas ab Furnio nostro acceperam,
quibus mecum agebas, ut ad urbem essem; te uel-
le uti consilio, & dignitate mea: minus sum admi-
ratus: de gratia, & de ope quid significarer, me-
cum ipse quaerebam: spe tamen deducebar ad eam
cogitationem, ut te pro tua admirabili, ac singula-
ri sapientia de otio, de pace, de concordia ciuium
agi uelle arbitrarer: & ad eam rationem existima-
bam satis aptam esse & naturam, & personam
meam. quod si ita est; & si qua de Pompeio nostro
tuendo, & tibi, ac reip. reconciliando cura te attin-
git: magis idoneum, quam ego sum, ad eam caus-
sam profecto reperies neminem: qui & illi semper,
& senatui, cum primum potui, pacis auctor fui;
nec, sumptis armis, belli ullam partem attingi; iu-
dicauiq. te eo bello uiolari, contra cuius honorem,
populi R. beneficio concessum, inimici, atque inui-
di niterentur. sed ut eo tempore non modo ipse au-
ctor dignitatis tuae fui, uerum etiam ceteris auctor
ad te adiuuandum: sic me nunc Pompeij dignitas
uehementer mouet. aliquot enim sunt anni, cum
uos duos delegi, quos praecipue colerem, & quibus
essem, sicut sum, amicissimus. Quamobrem a te pe-
ro, uel potius precibus omnibus oro, & obtestor,
ut in tuis maximis curis aliquid impertias tēporis
huic quoque cogitationi, ut tuo beneficio bonus uir;
gratus, pius denique esse in maximi beneficij me-

moria possim . quae si tantum ad me ipsum pertine-
rent , sperarem me a te tamen impetraturum : sed ,
ut arbitror , & ad tuam fidem , & ad remp. perti-
net , me & pacis , et utriusque uestrum , et ad ciuium
concordiam , per te , quam accomodatissimum , con-
seruari . Ego , cum antea tibi de Lentulo gratias
egissem , cum ei salutem , qui mihi fuerat , fuisses ; ta-
men , eius litteris lectis , quas ad me gratissimo ani-
mo de tua liberalitate , beneficioq. misit , eandem
me salutem a te accepisse putavi , quam ille . in quem
si me intelligis esse gratum ; cura , obsecro , ut etiam
in Pompeium esse possim . Vale .

CICERO S. D. ATTICO. 10

LEGEbam tuas litteras XIII. kal. cum mi-
hi epistola affertur a Lepta , circumuallatum esse
Pompeium , ratibus etiam exitus portus teneri .
non mediusfidius prae lacrymis possum reliqua nec
cogitare , nec scribere . nisi ad te exemplum . mi-
seros nos , cur non omnes factum illius una executi
sumus ? ecce eadem a Matio , & Trebatio : quibus
Minturnis obuij Caesaris tabellarij . torqueor infe-
lix , ut iam illum Mucianum exitum exoptem . at
quam honesta , at quam expedita tua consilia , quam
euigilata tuis cogitationibus qua itineris , qua nau-
igationis , qua congressus , sermonisq. cum Caesare ?
omniatum honesta , tum cauta . in Epirum uero
inuitatio quam suavis , quam liberalis , quam fra-
terna ? De Dionysio , sum admiratus : qui apud me
honoratior

honoratior fuit, quam apud Scipionem Panaetius :
 a quo impurissime haec, haec nostra fortuna despe-
 cta est. odi hominem, & odero: utinā ulcisci possem:
 sed illum ulciscuntur mores sui. Tu, quaeſo, nunc
 uel maxime, quid agendum nobis sit, cogita. Popu-
 li R. exercitus Cn. Pompeium circumſidet: foſſa &
 uallo ſeptum tenet: fuga prohibet: nos uiuimus, &
 ſtat urbs iſta? praetores ius dicunt? aediles ludos pa-
 rant? uiri boni uſuras perſcribunt? ego ipſe ſedeo?
 coner illuc ire, ut inſanus? implorare fidem munici-
 piorum? boni non ſequentur; leues irridebunt; re-
 rum nouarum cupidi, uiſtores praefertim, & ar-
 mati, uim, & manus afferent. Quid cenſes igitur?
 ecquidnam eſt tui conſilij? ad finis huius miſerrimae
 uitae? nunc doleo, nunc torqueor, cum quibuſdam
 aut ſapiens uideor, quod una non ierim, aut felix
 fuiſſe. mihi contra: numquam enim illius uictoriae
 ſocius eſſe uolui; calamitatis malleſſe fuiſſe. quid ego
 nunc tuas litteras, quid tuam prudentiam, aut be-
 neuolentiam implorem? actum eſt. nulla re iam
 poſſum iuuari, qui ne quid optem quidem iam ha-
 beo, niſi ut aliqua inimici miſericordia liberetur.
 οὐκ ἐς ἐτυμος λόγος, ut opinor, ille de ratibus. quid
 enim eſt, quod Dolabella iſs litteris, quas I I I.
 id. Mart. a Brundisio dedit, hanc ἀντιγράψαν quaſi
 Caesaris ſcriberet, Pompeium in fuga eſſe? eumq.
 primo uento nauigaturum? quod ualde diſcrepat
 ab iſs epistoſis, quarum exempla antea ad te miſi:
 hic quidem mera ſcelera loquuntur: ſed non erat

nec recentior auctor, nec huius rei quidem melior
Dolabella. Vale.

CICERO S. D. ATTICO. II

TVAS XI. kal. accepi litteras, quibus omnia
consilia differs in id tempus, cum scierimus, quid
actum sit. & certe ita est: nec interim potest quid-
quam statui, ne cogitari quidem. quamquam hae mi-
hi litterae Dolabellae iubent ad pristinas cogitatio-
nes reuerti. fuit enim pridie Quinquatrus egregia
tempestas, qua ego illum usum puto. *σωταριον*
consiliorum tuorum non est a me collecta ad querel-
lam, sed magis ad consolationem meam. nec enim
me tam haec mala angebant, quam suspicio culpaе,
ac temeritatis meae. eam nullam puto esse; quo-
niam cum consilijs tuis mea et facta, & consilia con-
sentiunt. Quod mea praedicatione factum esse scri-
bis magis, quam illius merito, ut tantum ei debe-
re uiderer: est ita. ego illa extuli semper, & eo
quidem magis, ne quid illi superiorum meminisse
me putaret. quae si maxime meminissem, tamen
illius temporis similitudinem iam sequi deberem.
nihil me adiunxit, cum posset: & postea fuit amicus,
& tam ualde: & quam ob causam, plane scio. ergo
ego quoque illi. quin etiam illud par in utroque no-
strum, quod ab eisdem ille et i sumus. sed utinam
tantum ego ei prodesse potuissem, quantum ille mi-
hi potuit. mihi tamen, quod fecit, est gratissimum,
nec ego, cum nunc iuuare qua re possim, scio: nec
si

si possem, cum tam pestiferum bellum pararet, adiuvandum putarem. tantum offendere animum eius hic manens nolo. nec mehercule ista uideri, quae tu potes iam animo providere, nec interesse istis malis possem: sed eo tardior ad discedendum fui, quod difficile est de discessu uoluntario sine ulla spe reditus cogitare. nam ego hunc ita paratum uideo peditatu, equitatu, classibus, auxilijs Gallorum, quos Matus *ἰσάλλει*, ut puto, sed certe dicebat, peditum, equitum se polliceri sumptu suo annos decem. sed sit hoc *λάττωμα*: magnas habet certe copias, & habebit non ille *νεκτίγας*, sed civium bona. adde confidentiam hominis. adde imbecillitatem bonorum iutorum; qui quidem, quod illum sibi merito iratum putant, oderunt, ut tu scribis ludum. ac uellem, scribis, quisnam hic significasset. sed & iste, quia plus ostenderat, quam fecit, & uulgo illum, qui amarunt, non amant. municipia uero, & rustici Romani illum metuunt, hunc adhuc diligunt. quare ita paratus est, ut, etiam si uincere non possit, quo modo tamen ipse uinci possit, non uideā: ego autem non tam *γοντεῖαν* huius timeo, quam *πειθανάγκην*. αἱ γὰρ οὗτοι τυράννων δειήσεις, inquit Πλάτων, οἷδ' ὅτι μεμιγμέναι ἀνάγκαις. Illa *ἀλόμενα* uideo tibi non probari, quae ne mihi quidem placebant: sed habebam in illis & occultationem; & ὑπὸ πρεσβίαν fidelem, quae si mihi Brundisij suppetant, malle: sed ibi occultatio nulla est. uerum, ut scribis, cum sciemus. Viris bonis me non nimis excuso.

quas enim eos cenas & facere, & obire scripsit ad me Sextus? quam lautas, quam tempestiuas? sed sint quamuis boni; non sunt meliores, quam nos: mouerent me, si essent fortiores. De Lanuino Pba meae erraui: Troianum somniaueram. id ego uolui Q. sed pluris est. istuc tamen cuperem emerere, si ullam spem fruendi uiderem. Nos quae monstra quotidie intelligamus, ex illo libello, qui in epistolâ coniectus est. Lentulus noster Puteolis est, ἀδελφεῶν, ut Caecius narrat. quid agat? διαγορεύει Corfiniensem reformidat: Pompeio nunc putat satisfactum: beneficio Caesaris mouetur, sed tamen mouetur magis prospecta re.

Men' haec posse ferre? omnia misera: sed hoc nihil miserius. Pompeius Cn. Magium de pace misit, & tamen oppugnatur: quod ego non credebam: sed habeo a Balbo litteras, quarum ad te exemplum misi. lege, quae so, & illud infimum caput ipsius Balbi, optimi, cui Cnaeus noster locum, ubi hortos aedificaret, dedit: quem cui nostrum non saepe praetulit? itaque miser torquetur. sed, ne bis eadem legas, ad ipsam te epistolam reijcio. spem autem pacis habeo nullam. Dolabella suis litteris, id. Mart. datis, merum bellum loquitur. maneamus ergo in illa eadem sententia misera, & desperata: quando hoc miserius esse nihil potest. Balbus Ciceroni imp. S. Caesar nobis litteras perbreues misit, quarum exemplum subscripsi. breuitate epistolae scire poteris eum ualde esse dissentum, qui tanta de

re tam breuiter scripserit. si quid praeterea noui fuerit, statim tibi scribam. Caesar Oppio, Cornelio S. Ad VII. id. Mart. Brundisium ueni: ad murum castra posui. Pompeius est Brundisij: misit ad me Cn. Magium de pace. quae uisa sunt, respondi. hoc uos statim scire uolui. cum in spem uenero, de compositione aliquid me conficere; statim uos certiores faciam. Valete. Quo modo me nunc putas, mi Cicero, torqueri, postquam rursus in spem pacis ueni, ne quares compositionem eorum impediatur? namque, quod absens facere possum, opto. quod si una essem, aliquid fortasse proficere possem. nunc expectatione crucior. Vale.

CICERO 3. D. ATTICO. 12

MISERAM adte VIII. kal. exemplum epistolae Balbi ad me, & Caesaris ad eum. ecce tibi eodem die Capua litteras accepi ab Q. Pedio, Caesarem ad se prid. id. Mart. misisse litteras hoc exemplo. Pompeius se opido tenet: nos ad portas castra habemus: conamur opus magnum, & multorum dierum, propter altitudinem maris: sed tamen nihil est, quod potius faciamus. ab utroque portus cornu moles iacimus, ut aut illum quamprimum traicere quod habet Brundisij copiarum cogamus, aut exitu prohibeamus. Vbi illa pax, de qua Balbus scripserat torqueri se? ecquid acerbius? ecquid crudelius? atque eum loqui quidem *audierunt* narrant:

rant: Cn. Carbonis, M. Bruti se poenas persequi, omniumq. eorum, in quos Sulla crudelis hoc socio fuisset; nihil Ciceronem se duce facere, quod non hic Sulla duce fecisset: ad ambitionē, quibus exsilij poe-
 * na superioribus legibus non fuisset, ab illo patriae proditores de exsilio reductos esse: queri de Milone per uim expulso: neminem tamen se uiolaturum, nisi qui arma haec contra Baebium quidam a Curione 111. id. profectus, homo non infans, sed quis, ulli non dicat: plane nescio, quid agam. illinc quidem Cnaeum profectum puto. quidquid est, biduo sciemus.

CICERO S. D. ATTICO.

13

A TE nihil: ne ante prorsus quidem quid litterarum. nec mirum: quid enim est, quod scribamus? ego tamen nullum diem praetermitto. Scripta epistola, litterae mihi ante lucem a Lepta Capua redditae sunt, id. Mart. Pompeium a Brundisio conscendisse, at Caesarem ad VII. kal. Apr. Capuae fore. Vale.

CICERO S. D. ATTICO.

24

CUM dedissem ad te litteras, ut scires Caesarem Capuae VI. kal. fore; allatae mihi sunt litterae, cum in Albano apud Curionem V. kal. fore. eum cum uidero, Arpinum pergam. si mihi ueniam, quam peto, dederit, utar condicione: sin minus, impetrabo aliquid a me ipso. ille, ut ad me scripsit, legio-

legiones singulas posuit Brundisij, Tarenti, Sipo-
 ti. claudere mihi uidetur maritimos exitus, & ta-
 men ipse Graeciam spectare potius, quam Hispani-
 as. sed haec longius absunt. Me nunc & congressus
 huius stimulat; (is uero adest) & primas eius a-
 ctiones horreo. uolet enim, credo, senatus consul-
 tum facere: uolet augurum decretum: rapiemur,
 aut absentes uexabimur. uel ut consules roget prae-
 tor, uel dictatorem dicat: quorum neutrum ius est.
 at si Sulla potuit efficere, ab interrege ut dictator
 diceretur, & magister equitum: cur hic non possit?
 nihil expedio, nisi ut aut ab hoc, tamquam Q. Mu-
 cius, aut ab illo, tamquam L. Scipio. Cum tu haec
 leges, ego illum fortasse conuenero τίτλα: κούτε-
 pov. ne illud quidem nostrum proprium: erat enim
 spes propinqui reditus, erat hominum querella. nunc
 exire cupimus; qua spe reditus, mihi quidem num-
 quam in mentem uenit. non modo autem nulla que-
 rella est municipalium hominum, ac rusticorum,
 sed contra metuant ut crudelcm, iratum: nec ta-
 men mihi quidquam est miserius, quam remansisse;
 nec optatius, quam euolare, non tam ad belli:
 quam ad fugae societatem. sed tu omnia consilia dis-
 ferebas in id tempus, cum sciremus, quae Brundi-
 sij acta essent: scimus nempe, haeremus nihilo mi-
 nus. uix enim spero mihi hunc ueniam daturum: et-
 si multa afferro iussula ad impetrandum. sed tibi om-
 nem illius, meumq. sermonem, omnibus uerbis ex-
 pressum, statim mittam. Tu nunc omni amore eni-
 tere

tere, ut nos cura tua, & prudentia iuues . ita subito accurrit , ut ne Trebatium quidem ut constitueram , possim uidere . omnia nobis imparatis agenda : sed tamen

- ἄλλα μὲν αὐτὸς, ut ait ille ,

Ἀλλὰ δὲ καὶ δαίμων ὑποθήσεται .

quidquid egero , continuo scies . Mandata Caesaris ad consules , & ad Pompeium , quae rogas , nulla habeo . quae descripta attulit illa e uia misi ad te : e quibus mandata puto intelligi posse . Philippus Neapoli est , Lentulus Puteolis . de Domitio , ut facis , sciscitare , ubi sit , quid cogitet . Quod scribis , asperius me , quam mei patiantur mores , de Dionysio scripsisse : uide , quam sim antiquorum hominum : te mediisfidiis hanc rem grauius putauilaturum esse , quam me . nam , praeterquam quod te moueri arbitror oportere iniuria , quae mihi a quoquam facta sit ; praeterea te ipsum quonam modo hic uiolauit , cum in me tam improbus fuit ? sed tu id quanti aestimes , tuum iudicium est : nec tamen in hoc tibi quidquam oneris impono : ego autem illum male sanum semper putauim , nunc etiam impurum , & sceleratum puto , nec tamen mihi inimiciorem , quam sibi . Philargyro bene : caussam certe habuisti & ueram , & bonam : relictum esse me potius , quam reliquisse . Cum dedissem iam litteras ad V I I I . kal . quos cum Matio pueros , & Trebatio miseram , epistolam mihi attulerunt hoc exemplo .

Matius & Trebatius Ciceroni imp. S. Cum Capua

pua exissemus, in itinere audiuius Pompeium Brundisio ad xvi. kal. Apr. cum omnibus copijs, quas habuerat, profectum esse: Caesarem postero die in opidum introisse, concionatum esse, inde Romam contendisse: uelle ante kal. esse ad urbem, & paucos dies ibi commorari, deinde in Hispanias proficisci. Nobis non alienum uisum est, quoniam de aduentu Caesaris pro certo habebamus, pueros tuos ad te remittere, ut id tu quamprimum scires. Mandata tua nobis curae sunt, eaque, ut tempus postularit, agemus. Trebatius Scaeuola facit ut antecedit. Epistola conscripta, nunciatum est nobis, Caesarem ad viii. kal. Capuae, ad vii. Sinuessae. hoc pro certo putamus, Vale.

CICERO S. D. ATTICO. 15

CVM, quid scriberem ad te, nihil haberem, tamen, ne quem diem intermitterem, has dedi litteras. Ad vii. kal. Caesarem Sinuessae mansurum nunciabāt. ab eo mihi litterae redditae sunt ad vii. kal. quibus iam opes meas, non, ut in superioribus litteris, opem, expectat. cum eius clementiam Corfiniensem illam per litteras collaudauissem, rescripsit hoc exemplo. Caesar imp. Ciceroni imp. S. Recte auguraris de me, (bene enim tibi cognitus sum) nihil a me abesse longius crudelitatem. atque ego cum ex ipsa re magnam capio uoluptatem: tum, meum factum probari abs te, triumpho, & gaudeo. neque illud me mouet, quod ij, qui

qui a me dimissi sunt, discessisse dicuntur; ut mihi
 rursus bellum inferrent. nihil enim malo, quam
 & me mei similem esse, & illos sui. Tu uelim mi-
 hi ad urbem praesto sis, ut tuis consilijs, atque opi-
 bus, ut consueui, in omnibus rebus utar. Dola-
 bella tuo nihil scito mihi esse iucundius. hanc adeo
 habebo gratiam illi. neque enim aliter facere pote-
 rit: tanta eius humanitas, is sensus, ea in me est
 beneuolentia. Vale.

CICERO S. D. ATTICO.

16

TREBATIVM VI. kal, quo die has litteras
 dedi, expectabam. ex eius nuncio, Matijq. litte-
 ris meditabor, quo modo cum illo loquar. o tem-
 pus miserum. nec dubito, quin a me contendat, ad
 urbem ueniam. senatum enim kal. uelle se frequen-
 tem adesse, etiam Formijs proscribi iussit. ergo ei
 negandum est? sed quid praeripi? statim ad te per-
 scribam omnia. ex illius sermone statuam, Arpi-
 num ne mihi eundum sit, an quo alio. Volo Cicero-
 ni meo togam puram dare, istic puto. tu quaeso co-
 gita, quid deinde. nam me hebetem molestia reddi-
 derunt. A Curio, uelim scire, ecquid ad te scri-
 ptum sit de Tirone. ad me enim ipse Tiro ita scri-
 psit, ut uerear, quid agat. qui autem ueniunt in-
 de, id modo nunciant. sane in magnis curis etiam
 haec me sollicitat. in hac enim fortuna perutilis eius
 & opera, & fidelitas esset.

CICERO

VTRVM QVE ex tuo consilio . nam & ora-
 tio fuit ea nostra , ut bene potius ille de nobis existi-
 maret , quam gratias ageret : & in eo mansimus ,
 * ne ad urbem . illa sefellerunt , facilem quod putara-
 mus . nihil uidi minus . damnari se nostro iudicio ,
 tardiores fore reliquos , si in his non ueniremus , di-
 cere . ego , dissimilem illorum esse causam . cum mul-
 ta : ueni igitur , & age de pace . nec ne , inquam ,
 arbitrati ? an tibi , inquit , ego praescribam ? sic , in-
 quam , agam , senatui non placere in Hispanias iri ,
 nec exercitus in Graeciam transportari : multa in-
 quam de Cnaeo deplorabo . tum ille , ego uero ista
 dici nolo . ita putabam , inquam : sed ego eo nolo
 adesse , quod aut sic mihi dicendum est , multaue ,
 quae nullo modo possem silere , si adessem ; aut non
 ueniendum . summa fuit , ut ille quasi exitum quae-
 rens , ut deliberarem . non fuit negandum . ita di-
 scessimus . credo igitur hunc me non amare . at ego
 me amaui ; quod mihi iam pridem usu non uenit .
 reliqua , o dii , qui comitatus , quae , ut tu soles dice-
 re , uerba : in qua erat Eros Celeri . o rem perdi-
 tam , o copias desperatas . quid ? Sernij filius . quot
 in his castris fuerunt , quibus Pompeius circum-
 sideretur ? sex legiones . multam uigilat , audet ,
 nullum uideo finem mali . nunc certe premen-
 da tibi sunt consilia . Hoc fuerat extremum . il-
 la tamen κατὰ πρῶτον illius est odiosa , quam pae-

ne praeterij: si sibi consilijs nostris uti non liceret, usurum, quorum posset, ad omniaq. esse descensurum. uidiſti igitur uirum, ut scripſeras? ingemuiſti? certe. cedo reliqua, quid? continuo ipse in Puteolanum, ego Arpinum. inde exspecto quidem AATECAN illam tuam. tu (malum) inquires, actum ne agas. etiam illum ipsum, quem sequimur, multa fefellerunt. sed ego tuas litteras exspecto. nihil est enim, ut iam antea, Videamus hoc quorsum euadat. Extremum fuit de congressu nostro. quo quidem non dubito quin istum offenderim. eo maturius agendum est. amabo te epistolam, & πολιτικὴν. ualde tuas litteras nunc exspecto. Vale.

CICERO S. D. ATTICO. 18

EGO meo Ciceroni, quoniam Roma caremus; Arpini potissimum togam puram dedi: idq. municipibus nostris fuit gratum. etsi omnes, & illos, & qua iter feci, maestos, afflictosq. uidi: tam tristis, & tam atrox est ἀναισθησίας huius ingentis mali. delectus habetur. in hiberna deducuntur ea, quae, etiam cum a bonis uiris, cum iusto in bello, cum modeste fiunt, tamen ipsa per se molesta sunt, quam censes acerba nunc esse, cum a perditis, in ciuili nefario bello, petulantissime fiant? caue autem putes, quemquam hominem in Italia turpem esse, qui hinc absit. uidi ipse Formijs uniuersos. neque mebercule unquam homines putauī; & noram omnes, sed
numquam

numquam uno loco uideram. Pergamus igitur, quo placet; & nostra omnia relinquamus. proficiscamur ad eum, cui gratior noster aduentus erit, quam si una fuissetus. tum enim eramus in maxima spe; nunc, ego quidem, in nulla. nec, praeter me, quisquam Italia cessit, nisi qui hunc inimicum sibi putaret. nec mehercule hoc facio reip. causa, quam funditus deletam puto, sed ne quis me putet ingratum in eum, qui me leuauit ijs incommodis, quibus idem affecerat: & simul, quod ea, quae sunt, aut quae certe futura sunt, uidere non potero. etiam quidem S. C. facta quaedam iam puto, utinam in Volcatij sententiam. sed quid refert? est enim una sententia omnium. sed erit iniustissimus Seruius, qui filium misit ad affligendum Cn. Pompeium, aut certe capiendum, cum Pontio Titiniano. etsi hic quidem timoris causa, ille uero? sed stomachari desinamus, & aliquando sententiam, ut nihil noui, nisi id; quod minimum uellem spiritum reliquum esse. Nos, quoniam superum mare obsidetur, infero nauigabimus: & si Puteolis erit difficile, Crotonem petemus, aut Thurios; & boni ciues, amantes patriae, mare infestum habebimus. aliam rationem huius belli gerendi nullam uideo. in Aegyptum nos abdimus. exercitu pares esse non possumus. pacis fides nulla est. sed haec satis deplorata sunt.

Tu uelim litteras Cephalioni des de omnibus rebus

Z actis,

actis, denique etiam sermonibus hominum; nisi plane obmutuerunt. Ego tuis consilijs usus sum, maxime quod & gravitatem in congressu nostro tenui, quam debui; & ad urbem ut non accederem, perseucravi. Quod superest, scribe, quæso, quam accuratissime, (iam enim extrema sunt) quid placeat, quid censeas. etsi iam nulla dubitatio est. tamen, si quid, uel potius quidquid ueniet in mentem, scribes uelim. Vale.

M. TVLLII CICERONIS
EPISTOLARVM AD

T. POMPONIVM ATTICVM

LIBER X.

CICERO S. D. ATTICO.

TERTIO non. cum in Laterium fratris uenissem, accepi litteras, & paulum respiraui: quod post has ruinas mihi non acciderat. per enim magni aestimo, tibi firmitudinem animi nostri & factum nostrum probari. Sexto enim nostro quod scribis probari, ita laetor, ut me quasi patris eius, cui semper uni tribui plurimum, iudicio comprobari putem: qui mihi, quod saepe soleo recordari, dixit olim, non is illis Decembribus, cum ego, Sexte, quidnam ergo?

Μὴ μὰν, inquit ille, ἀπεδεῖγε καὶ ἀκλειῶς ἀπολοίμην, Ἀλλὰ μέγα ῥέξας τι, καὶ ἰασημένοισι πυθέσθαι.

eius igitur mihi uiuit auctoritas; & simillimus eius filius eodem est apud me pondere, quo fuit ille: quem saluere uelim iubeas plurimum. Tu tuum consilium etsi non in longum tempus differs, (iam enim illum emptum pacificatorem perorasse puto, iam actum aliquid esse in confesſu senatorum) tamen suspensum me detines, sed eo minus; quod non dubito, quid nobis agendum putes. quid enim Flauio legionem, & Siciliam dari scribis, & id iam

Z 2 fieri?

fieri? quae tu scelera partim parari, et iam cogitari, partim ex tempore futura censes? ego uero Solonis, popularis tui, & ut puto, etiam mei, legem negligam, qui capite sanxit, si qui in seditione non alterutrius partis fuisset. nisi tu aliter censes. & hinc abero, & filij. sed alterum mihi est certius: nec praecipiam tamen; expectabo tuum consilium, & eas litteras, nisi alias iam dedisti, quas, scripsi, ut Cephaliōni dares. Quod scribis, non quo aliunde audieris, sed te ipsum putare, me attractum iri, si de pace agatur: mihi omnino non uenit in mentem, quae possit actio esse de pace, cum illi certissimum sit, si possit, exspoliare exercitu, & provincia Pompeium. nisi forte iste summaris ei potest persuadere, ut, dum oratores eant, & redeant, quiescat. nihil uideo, quod sperem, aut quod iam putem fieri posse. sed tamen hominis hoc ipsum probi est, & magnum τῷ πολιτικωτάτῳ σκεμμάτων, ueniendum ne sit in consilium tyranni, si is aliqua de re bona deliberaturus sit. quare, si quid eiusmodi euenerit, ut accersamur: (quod equidem non curo: quid enim essem de pace dicturus, dixi; ipse ualde repudians) sed tamen, si quid acciderit, quid censes mihi faciendum, utique scribito. nihil enim mihi adhuc accidit, quod maioris consilij esset. Trebatij, boni uiri, & ciuis, uerbis te gaudeo delectatum: tuaq. ista crebra ἐκφώνοις, ἸΠΕΡΕΙ me sola, adhuc delectauit. Litteras tuas uehementer expecto, quas quidem credo iam datas esse. Tu cum

Sexto seruasti grauitatem eandem, quam mihi prae-
cipis. Celer tuus disertus magis est, quam sapiens.
De iuuenibus, quae ex Tullia audisti, uera sunt. M.
Antonij istud, quod scribis, non mihi uidetur tam
re esse triste, quam uerbo. haec est ἄλγος, in qua nunc
sumus, mortis instar. aut enim mihi libere inter
malos πολιτῶν fuit, aut uel periculose cum bo-
nis: aut nos temeritatem hominum sequamur: aut
audaciam improborum insecutemur. utrumque pericu-
losum est. at hoc, quod agimus, & turpe, nec tamen
tutum. Istum, qui filium Brundisium de pace misit,
(de pace idem sentio, quod tu; simulationem esse
apertam; parari autem bellum acerrime) legatum
iri non arbitror; cuius adhuc, ut optauī, mentio
facta nulla sit. eo minus habeo necesse scribere, aut
etiam cogitare, quid sim factururus, si acciderit, ut
legarer. Vale.

CICERO S. D. ATTICO.

2

E GO cum accepissem tuas litteras nonis Apr.
quas Cephalio attulerat, essi inq. Minturnis postri-
die mansurus, & inde protinus; sustinui me in Ar-
cano fratris, ut, dum aliquid certius afferretur, oc-
cultiore in loco essemus, agerenturq. nihilo minus,
quae sine nobis agi possunt. ΜΜΕΥΚΑ iam adest, *
& animus ardet: nec est quidquam, quo, & qua.
sed haec nostra erit cura, & peritorum. tu tamen,
quod poteris, ut adhuc fecisti, nos consilijs iuuabis.
res sunt inexpli cabiles. fortunae sunt committenda

2 3 omnia.

omnia. sine spe conamur ulla. melius si quid acciderit, mirabimur. Dionysium nolim ad me profectum: de quo ad me Tullia mea scripsit: sed & tempus alienum est; & homini non amico nostra incommoda, tanta praesertim, spectaculo esse nollem: cui te meo nomine inimicum esse nolo. Vale.

CICERO S. D. ATTICO. 3

CUM, quid scriberem, plane nihil haberem; haec autem reliqua essent, quae scire cuperem, profectus ne esset, quo in statu urbem reliquisset, in ipsa Italia quem cuique regioni, aut negotio praefecisset, et qui essent ad Pompeium, & ad consules ex S.C. de pace legati: ut igitur haec scirem, dedit opera has ad te litteras misi. feceris igitur commode, mihiq. gratum, si me de his rebus, & si quid erit aliud, quod scire opus sit, feceris certiore. ego in Arcano opperor, dum ista cognosco. Ad VII. id. alteram tibi eodem die hanc epistolam distulaui; & pridie dederam mea manu longiorem. Visum te ajunt in Regia: nec reprehendo: quippe cum ipse istam reprehensionem non fugerim. sed expecto tuas litteras. neque iam sane uideo, quod expectem: sed tamen, etiam si nihil erit, id ipsum ad me uelim scribas. Caesar mihi ignoscit per litteras, quod non uenerim; seseq. in optimam partem id accipere dicit. facile patior, quod scribit, secum Tullum, & Seruium questos esse, quia non idem sibi, quod mihi, remisisset. homines ridiculos, qui
cum

cum filios misissent ad Cn. Pompeium circumfidentum, ipsi in senatum uenire dubitarent. sed tamen exemplum nisi ad te Caesaris luterarum. Vale.

CICERO S. D. ATTICO. 4

MULTAS a te accepi epistolas eodem die, omnes diligenter scriptas, eam uero, quae uoluminis instar erat, saepe legendam, sicuti facio: in qua non frustra laborem suscepisti: mihi quidem pergratum fecisti. quare, ut id, quoad licebit, id est, quoad scies ubi sumus, quam saepissime facias, te uehementer rogo. at deplorandi quidem, quod quotidie facimus, sit iam nobis aut finis omnino, si potest, aut moderatio quaedam, quod profecto potest. non enim, quam dignitatem, quos honores, quem uitae statum amiserim, cogito, sed quid consecutus sim, quid praestiterim, qua in laude uixerim, his denique in malis quid intersit inter me, & istos, quos propter omnia amisimus. hi sunt, qui, nisi me ciuitate expulissent, obtinere se non posse putarunt licentiam cupiditatum suarum: quorum societas, et sceleratae consensionis fides quo eruperit, uides. alter ardet furore, & scelere, nec remittit aliquid, sed in dies ingrauescit: modo Italia expulit: nunc alia ex parte persequi, ex alia provincia spoliare conatur: nec iam recusat, sed quodam modo postulat, ut, quemadmodum est, sic etiam appelletur tyrannus. alter, is, qui nos sibi quondam ad pedes stratos ne subleuabat quidem, qui se nihil contra hu-

ius uoluntatem aiebat facere posse, clapsus e socer-
 ri manibus, ac ferro, bellum terra, & mari com-
 parat, non iniustum ille quidem, sed tum pium,
 tum etiam necessarium, suis tamen ciuibus exitia-
 bile, nisi uicerit; calamitosum etiam, si uicerit. ho-
 rum ego summorum imperatorum non modo res ge-
 stas non antepono meis, sed ne fortunam quidem ip-
 sam, qua illi florentissima, nos duriore conflictati
 uidemur. quis enim potest, aut deserta per se pa-
 tria, aut oppressa, beatus esse? et, si, ut nos a te
 admonemur, recte in illis libris diximus, nihil esse
 bonum, nisi quod honestum; nihil malum, nisi quod
 turpe sit: certe uterque istorum est miserrimus;
 quorum utrique semper patriae salus, & dignitas
 posterior sua dominatione, & domesticis commo-
 dis fuit. Praeclara igitur conscientia sustentor, cum
 cogito me de rep. aut meruisse optime, cum potue-
 rim, aut certe numquam, nisi diuine, cogitasse,
 eaq. ipsa tempestate euersam esse remp. quam ego
 xlv. annis ante prospexerim. hac igitur conscien-
 tia comite proficiscar, magno equidem cum dolore,
 nec tam id propter me, aut propter fratrem meum,
 quorum iam aetate aetas, quam propter pueros,
 quibus interdum uidemur praestare etiam remp.
 debuisse: quorum quidem alter, non tam, quia
 maiore pietate est, me mirabiliter excruciat; al-
 ter, (orem miseram; nihil enim mihi accidit in
 omni uita acerbius) indulgentia uidelicet nostra
 deprauatus, eo progressus est, quo non audeo di-
 cere:

cere: & expecto tuas litteras. scripsisti enim, te scripturum esse plurima, cum ipsum uidisses. omne meum obsequium in illum fuit cum multa seueritate: neque unum eius, nec paruum, sed multa magna delicta compressi. patris autem lenitas amanda potius ab illo, quam tam crudeliter negligenda. nam litteras eius ad Caesarem missas ita grauiter tulimus, ut te quidem caelaremus; sed ipsius uidemus uitam insuauem reddidisse. hoc uero eius iter, simulatioq. pietatis qualis fuerit, non audeo dicere. tantum scio, post Hirtium conuentum, accersitum ab Caesare: cum eo de meo animo ab suis rationibus alienissimo, & consilio relinquendi Italiam. et haec ipsa timide. sed nulla nostra culpa est: natura metuenda est. haec Curionem, haec Hortensii filium, non patrum culpa, corripit. iacet in maerore meus frater, neque tam de sua uita, quam de mea metuit. huic tu, huic tu malo offer consolationes, si ulla s. potes: maxime quidem illam uelim, ea, quae ad nos delata sint, aut falsa esse, aut minora. quae si uera sint; quid futurum sit in hac fuga, nescio. nam si haberemus remp. consilium mihi non deesset nec ad seueritatem, nec ad indulgentiam. Haec, siue iracundia, siue dolore, siue metu permotus, grauius scripsi, quam aut tuus in illum amor, aut meus postulabat. si uera sunt, ignosces: si falsa, me libente eripies mihi hunc errorem. quoquo modo uero seres habeat, nihil assignabis nec patruo, nec patri. Cum haec scripsissem, a Curione mihi

hi nunciatum est, cum ad me uenire : uenerat enim
is in Cumanum uespero pridie, id est idibus. si quid
eius igitur sermo eiusmodi attulerit, quod ad te scri-
bendum sit; id in litteris adiungam. Praeterijt
uillam meam Curio, iussitq. mihi nunciari, mox se
uenturum: Curritq. Puteolos, ut ibi concionaretur.
concionatus est: redijt: fuit ad me sane diu. o-
rem foedam. nosti hominem: nihil occultauit, in pri-
mis nihil esse certius, quam ut omnes, qui lege Pom-
peia condemnati essent, restituerentur; itaque se in
Sicilia eorum opera usurum. de Hispanijs, non du-
bitabat, quin Caesaris essent: inde ipsum cum exer-
citu, ubique Pompeius esset: eius interitu finem
belli fore: propius factum esse nihil; cum plane,
iracundia elatum, uoluisse occidi Metellum tribu-
num pl. quod si esset factum, caedem magnam fu-
turam esse: permultos hortatores esse caedis; ipsum
autem non uoluntate, aut natura non esse crudelem,
sed quod putaret, popularem esse clementiam: quod
si populi studium amisisset, crudelem fore: cumq.
perturbatum, quod intelligeret, se apud ipsam ple-
bem offendisse de aerario: itaque ei cum certissimum
fuisset, ante, quam proficisceretur, concionem ha-
bere ausum non esse, uehementerq. animo pertur-
bato profectum. Cum autem ex eo quaererem, quid
uideret, quod exemplum, quam remp. plane fate-
batur nullam spem reliquam: Pompeij classem ti-
mebat: quae si esset, se de Sicilia abiturum. Quid
isti, inquam, sex tui fascis? si ab senatu, cur lau-
reati?

creati? si ab ipso, cur sex? Cupiui, inquit, ex S. C. surrepto; nam aliter non poterat. at ille impendio nunc magis adit senatum: a me, inquit, omnia proficiscuntur. sex autem, quia duodecim nolui: nam licebat. Tum ego, quam uellem, inquam, petuisse ab eo, quod audio Philippum impetrasse: sed ueritus sum, quia ille a me nihil impetrabat. Libenter, inquit, tibi concessisset. uerum puta te impetrasse. ego enim ad eum scribam, ut tu ipse uoles, de ea re nos inter nos locutos. quid autem illius interest, quoniam in senatum non uenis, ubi sis? quin nunc ipsum minime offendisses, eius causa si in Italianon fuisses. Atque ego, me recessum, & solitudinem quaerere, maxime quod lictores haberem. laudabat consilium. Quid ergo, inquam? nam mihi cursus in Graeciam per tuam provinciam est; quoniam ad mare superum milites sunt. Quid mihi, inquit, optatius? hoc loco multa perliberaliter. ergo hoc quidem est uerum profecto, ut non modo tuto, uerum etiam palam nauigaremus. Reliqua in posterum diem distulit: ex quibus scribam ad te, si quid erit epistola dignum. Sunt autem, quae praeteri, interregnum ne esset expectaturus, an, quo modo dixerim? Ad se ille quidem deferri consilium, sed se nolle, in proximum annum. Et alia sunt, quae exquiram. Iurabat ad summam, quod nullo negotio faceret, amicissimum mihi Caesarem. esse debet. quid enim, inquam, scripsit ad me Dolabella? dico, quid? affirmabant, cum scripsisset, quod
me

me cuperet ad urbem uenire, illum quidem gratias agere maximas, & non modo probare, sed etiam gaudere. quid quaeris? atque iubebat. est enim suspicio illa domestici mali, & sermonis Hirtiani. quam cupio illum dignum esse nobis, & quam ipse
 * me inuio, quae pro illo sit suspicandum. sed opus fuit Hirtio conuento. est profecto nescio quid. sed uelim quamminimo. et tamen eum non dum redisse miramur. sed haec uidebimus. Tu Oppios Teretiae dabis. iam enim urbis unum periculum est. Me tamen consilio iuuat, pedibus ne Rhegium, an hinc statim in nauem. ceterum, quoniam commoror, ego ad te statim habebō, quod scribam, simul ut uidero Curionem. De Tirone cura, quaeso, quod facis, ut sciam, quid is agat.

CICERO 3. D. ATTICO 5

DE tota mea cogitatione scripsi ad te antea satis, ut mihi uisus sum, diligenter: de die nihil sane potest scribi certi, praeter hoc, non ante Lunam nouam. Curionis sermo postridie eandem habuit ferre summam, nisi quod apertius significauit, se harum rerum exitum non uidere. Quod mihi mandas de quodam regendo, ἀρχαδιαν. tamen nihil praetermittam. atque utiuam tu. sed modestior non ero. Epistolam ad Vestorium statim de Tullia. ac ualde requirere solebat. Commodius tecum Velle nus est locutus, quam ad me scripserat: sed mirari satis hominis negligentiam non queo. cum enim mi
 bi

hi Philotimus dixisset, HS L emere de Canuleio diuersorium illud posse, minoris etiam empturum, si Veetenum rogassem; rogavi, ut, si quid posset, ex ea summa detraheret: promisit: ad me nuper HS xxx emisse: ut scriberem, cui uellem addici: diem pecuniae id. Nou. esse. rescripsi ei Stomachosius, cum ioco tamen familiari. nunc, quoniam agit liberaliter, nihil accuso hominem, scripsiq. ad eum, me a te certiore esse factum. Tu, de tuo itinere quid, & quando cogites, uelim me certiore facias. ad xv. kal. Mai. Vale.

CICERO S. D. ATTICO. 6

ME adhuc nihil, praeter tempestatem, moratur. astute nihil sum acturus. fiat in Hispania quidlibet: & tamen retice. meas cogitationes omnes explicauit tibi superioribus litteris. quocirca hae sunt breues: & tamen, quia festinabam, eramq. occupatior de Quinto fratre: ita me quidem sedulo; sed nosti reliqua. Quod deinde mones, & amice, & prudenter mones: sed erunt omnia facilia, si ab uno illo cauero. magnum opus est. mirabilia multa. nihil simplex, nihil sincerum. uellem, suscepisses iuuenem regendum. pater enim nimis indulgens, quidquid ego astringi, relaxat. si sine illo possem, regerem; quod tu potes: sed ignosco. magnum, inquam, opus est. Pompeium pro certo habemus per Illyricum proficisci in Galliam. ego nunc, qua, & quo, uidebo. Ego uero Apuliam,

liam, & Sipontum, & tergiuersionem istam probō: nec tuam rationem eandem esse duco, quam meam: non quin in rep. rectum idem sit utrique nostrum: sed ea non agitur: regnandi contentio est; in qua pulsus est modestior rex, & probior, & integrior, & is, qui nisi uincit, nomen populi R. deleatur necesse est: sin autem uincit, Sullano more, exemploq. uincet. ergo hac in contentione neutrum tibi palam sentiendum, & tempori seruiendum est. Mea causa autem alia est, quod beneficio uinctus, ingratus esse non possum: nec tamen in acie, sed Melitae, aut alio in loco, siue in opidulo futurum puto. Nihil, inquires, iuuas eum, in quem ingratus esse non uis? Immo minus fortasse uoluisset. sed de hoc uidebimus. exeamus modo: quod ut meliore tempore possimus, facit Adriatico mari Dolabella, freto Siciliensi Curio. Iniecta autem mihi spes quaedam est, uelle mecum Ser. Sulpicium colloqui. ad eum misi Philotimum cum litteris. si uir esse uolet praeclara quodāda. sin autem; erimus nos, qui solemus. Curio mecum uixit, iacere Caesarem putans offensione populari, Siciliaeq. diffidens, si Pompeius nauigare coepisset. Quinctum puerum accepi uehementer. auaritiam uideo fuisse, & spem magni congiarij. magnum hoc malum est: sed scelus illud, quod timueramus, spero nullum fuisse. hoc autem uitium, puto te existimare non nostra indulgentia: sed a natura profectum. quem tamen nos disciplina regimus. De Oppijs Veliensibus quid placeat, cum

Philo-

Philotimo uidebis. Epirum nostram putabimus :
sed alios cursus uidebamur habituri. Vale.

CICERO S. D. ATTICO. 7

ET res ipsa monebat, & tu ostenderas, & ego
uidebam, de ijs rebus, quas intercipi periculosum
esset, finem inter nos scribendi fieri tempus esse:
sed, cum ad me saepe mea Tullia scribat, orans, ut,
quid in Hispania geratur, & expectem, & semper
adscribat idem uideri tibi, idq. ipse etiam ex tuis lit-
teris intellixerim; non puto esse alienum, me ad te
quid de ea re sentiam, scribere. Consilium istud
tunc esset prudens, ut mihi uidetur, si nostras ra-
tiones ad Hispaniensem casum accommodaturi esse-
mus: quod fieri dicitis oportere. necesse est enim,
aut, id quod maxime uelim, pelli istum ab Hispa-
nia; aut trahi id bellum; aut istum, ut confidere ui-
detur, apprehendere Hispanias. si pelletur: quam
gratus, aut quam honestus tum erit ad Pompeium
noster aduentus; cum ipsum Curionem ad eum tran-
siturum putes? si trahitur bellum: quid expec-
tem, aut quam diu? relinquitur, ut, si uincimur
in Hispania, quiescamus. id ego contra puto. istum
enim uictorem magis relinquendum puto, quam ui-
ctum, & dubitantem magis, quam fidentem suis
rebus. nam caedem uideo, si uicerit, & impetum
in priuatorum pecunias, & exulum reditum, &
tabulas novas, & turpissimorum honores, & re-
gnum non modo Romano homini, sed ne Persae qui-
dem

dem cuiquam tolerabile. tacita esse poterit in id dignitas nostra? pati poterunt oculi, me cum Gabinio sententiam dicere? & quidem illum rogari prius? praesto esse clientem tuum Cloelium, Catuli Plaguleium, ceteros? sed tur inimicos colligo? qui meos necessarios, a me defensos, nec uidere in curia sine dolore, nec uersari inter eos sine dedecore potero. quod si ne id quidem est exploratum, fore, ut mihi liceat: (scribunt enim ad me amici eius, me illi nullo modo satisfacisse, quod in senatum non uenerim) tamen ne dubitemus, an ei nos etiam cum periculo uenditemus, qui eum coniuncti ne cum praemio quidem uoluimus esse? deinde hoc uide, non esse iudicium de tota contentione in Hispaniis: nisi forte, his amissis, arma Pompeium abiecturum putas: cuius omne consilium Themistocleum est. existimat enim, qui mare teneat, cum necesse rerum potiri. itaque, qui numquam egit, ut Hispaniae per se tenerentur, naualis apparatus ei semper antiquissima cura fuit. nauigabit igitur, cum erit tempus, maximis classibus, & ad Italiã accedet: in qua nos sendentes quiderimus? nam medios esse iam non licebit. classibus aduersabimur igitur? quod malum maius scilicet tantum? denique quid turpius? Hannibal hic in absentis solus tuli scelus: eiusdem cum Pompeio, et cum reliquis principibus non feram? quod si iam, misso officio, periculi ratio habenda est: ab illis est periculum, si peccaro, ab hoc, si recte fecero: nec ullum in his malis consilium periculo uacuum inueniri

niri potest: ut non sit dubium, quin cum periculo fugiamus, quod fugeremus etiam cum salute. Non simul cum Pompeio mare transferimus. Omnino non potuimus: extat ratio dierum: sed tamen (fateamur enim, quod est: ne condamus quidem, ut possumus) fefellit ea res, quae fortasse non debuit, sed fefellit: pacem putavi fore: quae si esset, iratum mihi Caesarem esse, cum idem amicus esset Pompeio nolui. senseram enim, quam iidem essent. hoc ueritus in hac tarditatem incidi, sed assequar omnia, si propero; si cunctor, amitto. Et tamen, mi Attice, auguria quoque me incitant quadam spe non dubia, non haec collegij nostri ab Appio, sed illa Platonis de tyrannis. nullo enim modo posse uideo stare istum diutius, quin ipse per se, etiam languentibus nobis, concidat, quippe qui florentis, ac novos, ut * uti diebus ipsi illi egenti, ac perditae multitudini in odium acerbissimum uenerit, qui duarum rerum simulationem tam cito amiserit, mansuetudinis in Metello, diuitiarum in aerario. Iam, quibus utatur uel socijs, uel ministris, si ij prouincias, si remp. regent, quarum nemo duo menses potuit patrimonium suum gubernare? Non sunt omnia colligenda: quae tu acutissime perspicis. sed tamen ea pone ante oculos: iam intelliges id regnum uix semestire esse posse, quod si me fefellerit, feram, sicut multi praeclarissimi homines in rep. excellentes, tulerunt. nisi forte me Sardanapali uice in suo lectulo mor mal * le censueris, quam exsilio Themistocleo: qui cum

fuiſſet, ut ait Thucydides, ἥν τε παρασπῆμα δι' ἐλα-
 χίστης βουλῆς κράτιστος γνώμων, καὶ ἥν μελλόντων ἐπὶ
 πλείστον τῷ γενησομένῳ ἄριστος εἰκασθε, tamen incidit
 in eos casus, quos uitasset, si eum nihil fefellisset.
 et si is erat (ut ait idem) qui τό, τε ἄμεινον. ἢ χεῖρον
 ἐν τῷ ἀφανεί ἐτι προεώρα μάλιστα: tamen non uidit,
 nec quo modo Lacedaemoniorum, nec quo modo
 suorum ciuium inuidiam effugeret, nec quid Arta-
 xerxi polliceretur. non fuiſſet & illa nox tam acer-
 ba Africano, sapientissimo uiro, non tam dirus il-
 le dies Sullanus callidissimo uiro C. Mario, si nihil
 utrumque eorum fefellisset. nos tamen hoc confir-
 mamus illo augurio, quo diximus: nec nos fallit,
 nec aliter accidet. corruat isle, necesse est, aut per
 aduersarios, aut ipse per se, qui quidem sibi est ad-
 uersarius unus acerrimus. id spero uiuis nobis fore.
 quamquam tempus est nos de illa perpetua iam, non
 de hac exigua uita cogitare. sin quid acciderit ma-
 turius; haud sane mea multum interfuerit, utrum
 factum uideam, an futurum esse multo ante uide-
 rim. quae cum ita sint, non est committendum, ut
 ijs paream, quos contra me senatus, ne quid resp.
 detrimenti acciperet, armauit. Tibi sunt omnia
 commendata: quae commendationis meae pro tuo in
 nos amore non indigent. ne hercule quidem repe-
 rio, quid scribam: sedeo enim πλεδοκῶν: & si nihil
 umquam tam fuit scribendum, quam nihil mihi um-
 quam ex plurimis tuis iucunditatibus gratius ac-
 cidisse, quam quod meam Tulliam suauissime, dili-
 gen-

gentissimeq. coluisti. ualde eo ipsa delectata est, ego autem non minus. cuius quidem uirtus mirifica. quo modo illa fert publicam cladem? quo modo domesticas tricas? quantus autem animus in discessu nostro? σοφῆς sit summa σοφίας: tamen nos recte facere, & bene audire uult. Sed hac super re nimis; ne meam ipse συμπαθείαν euocem. Tu, si quid de Hispaniis certius, & si quid aliud, dum adsumus, scribes: & ego fortasse discedens dabo ad te aliquid, eo etiam magis, quod Tullia te non putabat ex Italia hoc tempore. Cum Antonio item est agendum, ut cum Curione, Melitae me uelit esse: huic bello nolle interesse. eo uelim tam facili uti possem, & tam bono in me, quam Curio. is ad Misennum VI. non. uenturus dicebatur, idest hodie: sed praemisit mihi odiosas litteras, hoc exemplo.

Antonius trib. propraet. Ciceroni imp. S.

Nisi te ualde amarem, & multo quidem plus, quam putas, non extimuissem rumorem, qui de te prolatus est, cum praesertim falsum esse existimarem: sed quia te nimio plus diligo, non possum dissimulare, mihi famam quoque, quamuis sit falsa, magni esse. Te iturum trans mare, credere non possum, cum tanti facias Dolabellam, et Tulliam tuam, feminam lectissimam, tantiq. ab omnibus nobis fias; quibus mehercule dignitas, amplitudoq. tua paene carior est, quam tibi ipsi. sed tamen non sum arbitratus esse amici, non commoueri etiam improborum sermone. eo feci studiosius, quod iudicabam

duriores partes mihi impositas esse ab offensione nostra, quae magis a *ζηλοτυπία* mea, quam ab iniuria tua nata est. sic enim uolo te tibi persuadere, mihi neminem esse cariorum te, excepto Caesare; meque illud una iudicare, Caesarem maxime in suis M. Ciceronem reponere. Quare, mi Cicero, te rogo, ut tibi omnia integra serues, eius fidem improbes, qui tibi, ut beneficium daret, prius iniuriam fecit: contra, eum ne profugias, qui te, & si non amabit, (quod accidere non potest) tamen saluum, amplissimumque esse cupiet. Dedita opera ad te Calpurnium, familiarissimum meum, misi; ut mihi magnae curae tuam uitam, ac dignitatem esse scires. Eodē die a Caesare Philotimus litteras attulit, hoc exemplo. Caesar imp. M. Ciceroni imp. S. Etsi te nihil temere, nihil imprudenter facturum iudicaram: tamen permotus hominum fama, scribendum ad te existimaui, & pro nostra beneuolentia petendum, ne quo progredereris inclinata iam re, qua integra etiam progrediendum tibi non existimasses. namque & amicitiae grauiorem iniuriam feceris; & tibi minus commode consulueris, si non fortunae obsecutus uidebere; omnia enim secundissima nobis, aduersissima illis accidisse uidentur; nec causam secutus; eadem enim tum fuit, cum ab eorum consilijs abesse iudicasti; sed meum aliquod factum condemnauisse: quo mihi grauius abs te nil accidere potest. quod ne facias, pro iure nostrae amicitiae a te peto. Postremo, quid uiro bono, & quieto,

to, & bono ciui magis conuenit, quam abesse a ciuilibus controuersis? quod non nulli cum probarēt, periculi causa sequi non potuerunt. tu, explorato et uitae meae testimonio, et amicitiae iudicio, neque tutius, neque honestius reperiēs quidquam, quam ab omni contentione abesse. xv. kal. Mai. ex itinere. Vale. Aduentus Philotimi (at cuius hominis, quam insulsi, & quam saepe pro Pompeio mentientis) exanimauit omnes, qui mecum erant: nam ipse obdurui. Dubitauit nostrum nemo, quin Caesar itinera repressisset: uolare dicitur. Petreius cum Afranio se coniunxisset: nihil affert eius modi. Quid quaeris? etiā illud erat persuasum, Pompeium cum magnis copiis iter in Germaniam per Illyricum fecisse. id enim ἀντιτύχως nunciabatur.

Melitam igitur, opinor, capeſsemus, dum, quod in Hispania: quod quidem propemodum uideor ex Caesaris litteris ipsius uoluntate facere posse; qui negat neque honestius, neque tutius mihi quidquam esse, quam ab omni contentione abesse. dices, ubi ille, ergo tuus animus, quem proximis litteris? adest, & idem est: sed utinam meo solum capite decernerem: lacrymae meorum me interdū molliunt, precantium, ut de Hispaniis expectemus. M. Coeli quidem epistolam, scriptam miserabiliter, quae hoc idem obsecraret, ut expectarem, ne fortunas meas, ne unicam filiam, ne meos omnes tam tamen proderem, non sine magno fletu legerunt pueri nostri. etsi meus quidem est fortior, eoq, ipso uehementius

commouet, nec quidquam, nisi de dignatione, laborat. Melitam igitur; deinde, quod uidebitur. tu tamen etiam nunc mihi aliquid litterarum, & maxime si quid ab Afranio. Ego, si cum Antonio locutus ero, scribam ad te, quid actum sit: ero tamen in credendo, ut mones, cautus. nam occultandi ratio tum difficilis, tum etiam periculosa est. Seruium exspecto ad nonas, & adijcit a Postumia, & Seruii filij.

Quartanam leniorem esse gaudeo. Misi ad te Coelii etiam litterarum exemplum.

Coelius M. Ciceroni imp. S. Exanimatus tuis litteris, quibus te nihil, nisi triste, cogitare ostendisti; neque, id quod esset, perscripsisti; neque non tamen, quale esset, quid cogitares, aperuisti; has ad te illico litteras scripsi. Per fortunas tuas Cicero, per liberos te oro, & obsecro, ne quid grauius de salute, & incolumitate tua consulas. nam deos, hominesque, amicitiamque nostram testificor, me tibi praedixisse, neque temere monuisse, sed, postquam Caesarem conuenerim, sententiamque eius, qualis futura esset parua uictoria cognorim, te certiores fecisse. Si existimas eandem rationem fore Caesaris in dimittendis aduersarijs, & condicionibus ferendis, erras. nihil, nisi atrox, & saeuum, cogitat, atque etiam loquitur: iratus senatui exijt: his intercessionibus plane incitatus est. non mehercule erit deprecationi locus. Quare, si tibi tu, si filius unicus, si domus, si spes tuae reliquae tibi carae sunt; si aliquid apud te nos, si, uir optimus, gener tuus ualeat:

let: eorum fortunam non debes uelle conturbare; ut
eam caussam, in cuius uictoria salus nostra est, o-
disse, aut relinquere cogamur, aut impiam cupidi-
tatem contra salutem tuam habeamus. Denique il-
lud cogita, quod offensae fuerit, in ista cunctatione
te subisse. nunc te contra uictorem facere, quem
dubys rebus laedere noluisti, & ad eos fugatos ac-
cedere, quos resistentes sequi nolueris, summae stul-
titiæ est. uide, ne, dum pudet te parum optimatem
esse, parum diligenter, quod optimum sit, eligas.
quod si totum tibi persuadere non possum; saltem,
dum, quid de Hispanijs agamus, scitur, expecta;
quas tibi nuncio aduentu Caesaris fore nostras. quam
isti spem habeant amissis Hispanijs, nescio. quod
porro tuum consilium sit ad desperatos accedere,
non mediusfidius reperio. Hoc, quod tu non dicendo
mibi significasti, Caesar audierat: ac simul atque
aue, mihi dixit, statim, quid de te audisset, expo-
suit. negaui me scire: tamen ab eo petiui, ut ad te
litteras mitteret, quibus maxime ad remanendum
commoueri posses. me secum in Hispaniam ducit.
nam, nisi ita faceret, ego potius, quam ad urbem
accederem, ubicumque esses, ad te percurrissem, &
hoc a te praesens contendissem, atque omni ui te re-
tinuisssem. Etiam atque etiam, Cicero, cogita, ne te,
tuosq. omnes funditus euertas, nec te sciens, pru-
densq. eo demittas, unde exitum uides nullum esse.
quod si te aut uoces optimatum commouent; aut
non nullorum hominum insolentiam, & iactatio-

nem ferre non potius : eligas , censeo , aliquod opidum uacuum a bello ; dum haec decernuntur , quae iam erunt confecta . id si feceris , & ego te sapienter fecisse iudicabo , & Caesarem non offendes . Vale .

CICERO S. D. ATTICO. 8

ME CAECVM qui haec ante non uiderim . nisi ad te epistolam Antoni . & cum ego saepissime scripsissem , nihil me contra Caesaris rationes cogitare ; meminisse me generi mei , meminisse amicitiae ; potuisse , si aliter sentirem , esse cum Pompeio ; me autem , quia cum licitoribus inuitus cursarem , abesse uelle , nec id ipsam certum etiam nunc habere : uide , quam ad haec τυραννικὸς .

Tuum consilium quam uerum est . nam qui se medium esse uult , in patria manet : qui proficiscitur , aliquid de alterutra parte iudicare uidetur . sed ego is non sum , qui statuere debeam , iure quis proficiscatur , nec ne . partes mihi Caesar has imposuit , ne quem omnino discedere ex Italia paterer . quare parui refert me probare cogitationem tuam , si nihil tamen tibi remittere possum . ad Caesarem mitas , censeo , & ab eo hoc petas . non dubito , quin impetraturus sis , cum praesertim te amicitiae nostrae rationem habitaturum esse pollicearis .

Habes σκυτάλην λακωνικὴν . omnino excipiam hominem . erat autem v . non . uenturus uesperis , id est hodie . cras igitur ad me fortasse ueniet . tentabo audeam , nihil properare . missurum ad Caesarē
clama-

clamabam. tum paucissimis alicubi occultabor. certe hinc istis inuitissimis euolabo, atque uinam ad Curionem. *σὺν θεῷ τοι λέγω.* magnus dolor accessit. efficietur aliquid dignum nobis. *δυστυχία* tua mihi ualde molesta. medere amabo, dum est *ἀρχή*. De Massiliensibus gratiae tuae mihi litterae. quaeso, ut sciam, quidquid audieris. Siciliam cuperem, si possem palam: quod a Curione effeceram. Hic ego Seruium exspecto: rogor enim ab eius uxore, & filio: & puto opus esse. Hic tamen Cyteridem secum lectica aperta portat, altera uxorem. septem praeterea cōiunctae lecticae amicarum. hae sunt amicorum. uide, quam turpi leto pereamus. & dubita, si potes, quin ille, seu uictus, seu uictor redierit, caedem facturus sit. ego uero uel lintriculo, si naui non erit, eripiam me ex istorum paricidio. Sed plura scribam, cum illum conuenero. Iuuenem nostrum non possum non amare: sed ab eo nos non amari, plane intelligo. nihil ego uidi tam *ἀνθοποιόν*, tam auersum a suis, tam nescio quid cogitans. uim incredibilem molestiarum. sed erit curae, & est, ut regatur. mirum est enim ingenium: *ἔδεε ἐπιμελητέον*.

CICERO S. D. ATTICO. 9

OBSIGNATA iam epistola superiore, non placuit ei dare, cui constitueram, quod erat alienus: itaque eo die data non est. interim uenit Philotimus, & mihi a te litteras reddidit: quibus quae
de

de fratre meo scribis, sunt ea quidem parum firma, sed habent nihil ὑπαλον, nihil fallax, nihil non flexibile ad bonitatem, nihil, quod non, quo uelis, uno sermone possis perducere. ne multa, omnes suos, etiam quibus irascitur crebrius, tamen caros habet, me quidem se ipso carionem. Quod de puero aliter ad te scripsit, & ad matrem de filio, non reprehendo. De itinere, & de sorore, quae scribis, molesta sunt, eoq. magis, quod ea tempora nostra sunt, ut ego his mederi non possim: nam certe mederer. sed quibus in malis, & qua in desperatione rerum simus, uides. Illa de ratione nummaria non sunt eiusmodi, (saepe enim audio ex ipso) ut non cupiat tibi praestare, & in eo laboret. sed si mihi Q. Axius in hac mea fuga HS XIII. non reddit, quae dedi eius filio mutua, & utitur excusatione temporis; si Lepta, si ceteri: soleo mirari, de nescio quibus HS XX cum audio ex illo se urgeri. uides enim profecto angustias. curari tamen ea tibi utique iubet. an existimas illum in isto genere lentulum, aut restrictum? nemo est minus. De fratre satis. de eius filio, indulgit illi quidem suus pater semper; sed non facit indulgentia mendacem, aut auarum, aut non amantem suorum: ferocem fortasse, & arrogantem, & infestum facit. itaque habet haec quoque, quae nascuntur ex indulgentia: sed ea sunt tolerabilia: (quid enim dicam, hac inuentute?) ea uero, quae mihi quidem, qui illum amo, sunt his ipsis malis, in quibus sumus, miseriora, non sunt

sunt ab obsequio nostro, non; suas radices habent: quas tamen euellerem profecto, si liceat. sed ea omnia mihi sunt patienda. ego meum facile teneo. nihil est enim eo tractabilius. cuius quidem miseri cordia languidiora adhuc consilia cepi: & quo ille me fortiozem uult esse, eo magis timeo, ne in eum existam crudelior. Sed Antonius uenit heri uesp̄ri. iam fortasse ad me ueniet, aut ne id quidem, quoniam scripsit, quid fieri uellet. sed scies continuo, qui actum sit. Nos iam nihil, nisi occulte. De pueris quid agam? paruo ne nauigio committam? quid mihi animi in nauigando censes fore? recordor enim, aestate cum illo Rhodiorū ἀπράγματος nauigans, quam fuerim sollicitus. quid, duro tempore anni, actuariolo fore censes? o rem undique miseram. Trebatius erat mecum, uir plane, & ciuis bonus. quae ille monstra, dii immortales. etiam ne Balbus in senatum uenire cogitet? sed ei ipsi cras ad te litteras dabo. Velle enim mihi amicum, ut scribis, ita puto esse. cum eo, quod ἀποτόμως ad me scripserat de nummis curandis, θυμικότερον erat. id tu, si ille aliter acceperit, ac debuit, lenies. Monetali autem adscripsi, quod ille ad me, Proconsuli: sed quoniam est homo, & nos diligit, ipse quoque a nobis diligatur. Vale.

CICERO S. D. ATTICO. IO

QVID NAM mihi futurum est? aut quis me non solum infelicioꝝ, sed iam etiam timpior? nominatim

minatim de me sibi imperatum dicit Antonius: nec me tamen ipse adhuc uiderat, sed hoc Trebatio narravit. Quid agam nunc, cui nihil procedit, caduntque ea, quae diligentissimae sunt cogitata, taeter rime? ego enim Curionem nactus, omnia me consecutum putavi. is de me ad Hortensium scripserat. Reginus erat totus noster. huic nihil suspicabamur cum hoc mare negotij fore. quo me nunc uertamus undique custodior. sed satis lacrymis. παραπλουτέον igitur, & occulte in aliquam onerariam corrependum, non committendum, & etiam compacto prohibiti uideamur. Sicilia petenda: quam si erimus nacti, maiora quaedam consequemur. sit modo recte in Hispanijs. quamquam de ipsa Sicilia utinam sit uerum: sed adhuc nihil secundi. concursus Siculorum ad Catonem dicitur factus; orasse, ut resisteret; omnia pollicitos: commotum illum, delectum habere coepisse. non credo, ut est luculentus auctor. potuisse certe tenere illam prouinciam scio. ab Hispanijs autem iam audietur. Hic nos C. Marcellum habemus, eadem de re cogitantem, aut bene simulantem. quamquam ipsum non uideram, sed ex familiarissimo eius audiebam. tu, quaeso, si quid habebis noui. ego, si quid moliti erimus, ad te statim scribam. Quintum filium seuerius adhibebo. utinam proficere possem. tu tamen eas epistolas, quibus asperius de eo scripsi, aliquando concerpito, ne quando quid emanet: ego item tuas. Seruium expecto, nec ab eo quidquam vides. scies, quid erit.

Sine

Sine dubio errasse nos, confitendum est. at semel?
 at una in re? immo omnia, quo diligentius cogitata,
 eo facta sunt imprudentius. ἀλλὰ τὰ μὲν ὁροτέτυχ-
 δαι ἰδόμεν ἀχρῦμενοι περ: in reliquis modo ne ruam-
 us. iubes enim profectiōem meam providere.
 quid provideam? ita patent omnia, quae accidere
 possunt, ut, ea si uitem, sedendum sit cum dedeco-
 re, & dolore; si negligam, periculum est, ne in
 manus incidam perditorum. sed uide, quantis in mi-
 serijs simus. optandum interdum uidetur, ut ali-
 quam accipiamus ab istis quamuis acerbam iniuri-
 am, ut tyranno in odio fuisse uideamur. quod si no-
 bis is cursus, quem speraram, pateret; effecissem
 aliquid profecto, ut tu optas, & hortaris, dignum
 nostra mora: sed mirificae sunt custodiae: & quidem
 ille ipse Curio suspectus. ui, aut clam agendum est:
 &, si ui, forte ne cum tempestate: clam autem,
 iſtis. in quo si quod σφάλμα, uides quam turpe est.
 trahimur: nec fugiendum, si quid uiolentius. De
 Coelio, saepe mecum agito; nec, si quid habuero tale,
 dimittam. Hispanias spero firmas esse. Massiliensiū
 factum cum ipsum per se luculentum est, tum mihi
 argumēto est, recte esse in Hispanijs. minus enim au-
 derent, si aliter esset. & scirent. nam & iuncti, &
 diligētes sunt. Odium autem recte animaduertis si-
 gnificatum theatro. Legiones autē has, quas in Ita-
 lia assumpsit, alienissimas esse uideo: sed tamen nihil
 inimicius, quam sibi ipse. illud recte times, ne ruat.
 si desperarit, certe ruet. quo magis efficiendum ali-
 quid

quid est, fortuna uelim meliore, animo Coeliano. sed primum quidque: quod, quaecumque erit, continuo scies. Nos iuueni, ut rogas, suppeditabimus, & Peioponnesum ipsam. sustinebimus. est enim indoles: modo aliquid hoc sit ἄδως AKIMO
 * ΔON: quod si adhuc nullum est, esse tamen potest: aut ἀρετὴ non est διδακτὸν: quod mihi persuaderi non potest. Vale.

CICERO S. D. ATTICO. II

EPISTOLA tua gratissima fuit meae Tulliae, & mehercule mihi. semper secum aliquid afferunt tuae litterae. scribes igitur: ac, si quid ad spem poteris, ne dimiseris. Tu Antonij leones pertimescas caue. nihil est illo homine incundius. attende πρᾶξιν πολιτικῇ. Euocauit litteris e mūicipijs denos: & 15 uiri uenerunt ad uillam eius mane. primum dormiūt ad horam tertiam: deinde, cum esset nunciatum, uenisse Neapolitanos, & Cumanos, (his enim est Caesar iratus) postridie redire iussit: lauari se uelle, & αὐτὸ κοιλιολεκσίαν γίνεσθαι. hoc heri effecit. hodie autem in Aenariam transire constituit. exulibus reditum pollicetur. Sed haec comittamus. de nobis aliquid agamus. Ab Axio accepi litteras. De Tirone gratum. Vestenum diligo. Vestio reddidi. Seruius prid. non. Mai. Minturnis mansisse dicitur, hodie in Liternino mansurus apud C. Marcellum. cras igitur nos mature uidebit, mihiq. dabit argumentum ad te epistolae. iam enim non re
 perio,

perio, quid tibi scribam. Illud admiror, quod Antonius ad me ne nuncium quidem, cum praesertim me ualde obseruarit. uidelicet (aut aliquid atrocius de me imperatum est) coram negare mihi non uult. quod ego nec rogaturus eram, nec, si impetrassem, crediturus. nos tamen aliquid excogitabimus. Tu, quaeso, si quid in Hispanijs. iam enim poterit audiri: & omnes ita expectant, ut, si recte fuerit, nihil negotij futurum putent. ego autem nec, retentis his, confectam rem puto; neque, amissis, desperatam. Silium, & Ocellam, & ceteros credo retardatos. te quoque a Curtio impediri uideo. etsi, ut opinor, habes Scythia ^{ὄν}uitam miseram, maiusq. malum, tam diu timere, quam est illud ipsum, quod timetur.

CICERO S. D. ATTICO.

12

SERVIVS, ut antea scripsi, cum uenisset nonis Mai. postridie ad me uenit, ne diutius te teneam, nullius consilij exitum inuenimus. numquam uidi hominem perturbatiorem metu. neque hercule quidquam timebat, quod non esset timendum: illum sibi iratum, hunc non amicum: horribilem utriusque uictoriam, cum propter alterius crudelitatem, alterius audaciam, tum propter utriusque difficultatem pecuniarum, qua frui nusquam, nisi ex priuatorum bonis, posset. atque haec ita multis cum lacrymis loquebatur, ut ego mirarer eas tam diuturna miseria non exaruisse. mihi quidem etiam lippitudo

do

do haec, propter quam non ipse ad te scribo, sine ulla lacryma est, sed saepius odiosa est propter uigilias. quamobrem quidquid habes ad consolandum, collige, & illa scribe, non ex doctrina, neque ex libris: nam id quidem domi est; sed nescio quo modo imbecillior est medicina, quam morbus: haec potius conquire, de Hispanijs, de Massilia: quae quidem satis bella Seruius affert: qui etiam de duabus legionibus luculentos auctores esse dicebat. haec igitur si habebis, & talia: & quidem paucis diebus aliquid audiri necesse est. sed redeo ad Seruium. Distulimus omnino sermonem in posterum, sed tardus ad exeundum: multo se in suo lectulo malle, quidquid foret. odiosus scrupulus de filij militia Brundisina. unum illud fortissime asseuerabat, si damnati restituerentur, in exilium se iturum. nos autem ad haec, & ipsum certo fore, &, quae iam fiebant, non esse leuiores: multa quoque colligebamus. uerum ea non animum eius augebant, sed timorem; ut iam caelandus magis de nostro consilio, quam adidem uideretur. quare in hoc non multum est. Nos a te admoniti de Coelio cogitabimus. Vale.

CICERO S. D. ATTICO. 13

SERVIUS cum esset apud me, Cephalio cum tuis litteris VI. id. uenit, quae nobis magnam spem attulerunt meliorum rerum de octo cohortibus. etenim hae quoque, quae in his locis sunt, labare dicuntur. Eodem die Funisulanus a te attulit litteras,

teras, in quibus erat confirmatius idem illud. ei de suo negotio respondi cumulate, cum omni tua gratia. adhuc non satisfaciebat: debet autem mihi multos nummos, nec habetur locuples. nunc ait se daturum: cui expensum tulerit, morari. tabellarijs, si apud te esset, qua satisfacisses, dares. quantum sit, Eros Philotimi tibi dicet. sed ad maiora redeamus. Quod optas, Coelianum illud maturescit. itaque torqueor, utrum uentum expectem. uexillo opus est: conuolabunt. Quod suades, ut palam: prorsus assentior. itaque me profecturum puto. tuas tamen interim litteras expecto. Seruij consilio nihil expeditur. omnes capitones in omni sententia occurrunt. unum C. Marcello cognoui timidiorem; quem consulem fuisse paenitet. ὁ πολλὰ δεινέας: qui etiam Antonium confirmasse dicitur, ut me impediret; quo ipse, credo, honestius. Antonius autem v l. id. Capuam profectus est. ad me misit, se, pudore deterritum, ad me non uenisse, quod me sibi succensere putaret. ibitur igitur, et ita quidem, ut censes; nisi cuius grauioris personae suscipiendae spes erit ante oblata. sed uix erit tam cito. Allienus autem praetor putabat aliquem, si ego non, ex collegis suis. quiniis licet, dummodo aliquis. De sorore, laudo. De Quincto puero, datur opera. spero esse meliora. De Quincto fratre, scito eum non mediocriter laborare de usura: sed adhuc nihil a L. Egnatio expressit. Axijs de xii. millibus pudens: saepe enim adscipit, ut Gallio, quā-

tum is uellet, darem. quod si non scripsisset, possem
ne aliter? & quidem saepe sum pollicitus, sed tantum
uoluit cito, me uero adiuuarent his in angustiis. sed
tu istos. uerum alias. Te a quartana liberatum
gaudeo; itemque Piliam. Ego, dum panes, & ce-
tera in nauem parantur, excurro in Pompeianum.
Veſtēno uelim gratias, quod studiosus. si quemquam
naſtus fueris, qui perferat; litteras des ante, quam
discedimus. Vale.

CICERO S. D. ATTICO. 14

COMMODOVM ad te dederam litteras de plu-
ribus rebus, cum ad me bene mane Dionysius fuit,
cui quidem ego non modo placabilem me praeuiſ-
sem, sed totum remisſſem, si ueniſſet qua mente tu
ad me scripſeras. erat enim sic in tuis litteris, quas
Arpini acceperam: cum uenturum, faſturumque
quod ego uellem. ego uolebam autem, uel cupie-
bam potius, eſſe cum nobiſcum. quod quia plane,
cum in Formianum ueniſſet, praeciderat, aſperius
ad te de eo ſcribere ſolebam. at ille per pauca locu-
tus, hanc ſummam habuit orationis; ut ſibi ignoſce-
rem; ſe rebus ſuis impeditum nobiſcum ire non poſ-
ſo. pauca reſpondi. magnum accepi dolorem: intel-
lexi fortunam ab eo noſtram deſpectam eſſe. quid
quaeris? fortasſe miraberis: in maximis herum tem-
porum doloribus hunc mihi ſcito eſſe. uelim, ut tibi
amicus ſit. hoc cum tibi opto, opto ut beatus ſis. e-
rit enim tam diu. Conſilium noſtrum ſpero uacuum
periculo

periculo fore . nam & dissimulabimus , & , ut opi-
nor , accerrimè obseruabimus . nauigatio modo sit ,
qualem opto . cetera , quae quidem consilio provide-
ri poterunt , cauebuntur . tu , dum adsumus , non mo-
do quas scieris , audieris ue , sed etiam quae futura
prouidebis , scribas uelim . Cato , qui Siciliam te-
nere nullo negotio potuit , & , si tenuisset , omnes bo-
ni ad eum se contulissent , Syracusis profectus est an-
te diem v i i i . kal . Mai . ut ad me Curio scripsit :
utinam , quod aiunt , Cotta Sardiniam teneat . est e-
nim rumor . v . si id fuerit , turpem Catonem . Ego , ut
minuerem suspicionem profectiois , aut cogitationis
meae , profectus sum in Pompeianum ad i v . id . ut
ibi essem , dum , quae ad nauigandum opus essent , pa-
rarentur : cum ad uillam uenissem , uentum est ad
me : centuriones trium cohortium , quae Pompeijs
sunt , me uelle postridie (haec mecum Ninnius no-
stet) uelle eos mihi se , & opidum tradere . at ego
tibi postridie a uilla ante lucem , ut me omnino illi
ne uiderent . quid enim erat in tribus cohortibus ?
quid si plures , quo apparatu ? cogitari eadem illa
Coeliana , quae legi epistola tua ; quam accepi , si-
mul in Cumanum ueni , eodem die . & simul fieri po-
terat , ut tentaremur . omnem igitur suspicionem sus-
tuli . sed cum redeo , Hortensius uenerat , ad Teren-
tiam salutatam diuerterat , sermone erat usus hono-
rifico erga me . tamen eum , ut puto , uidebo : misit
enim puerum , se ad me uenire . hoc quidem melius
quam collega noster Antonius : cuius inter lictores

lectica mimia portatur . Tu , quoniam quartana ca-
res , non modo morbum remouisti , sed etiam gra-
uedinem , te uegetum nobis in Graecia siste ; & lit-
terarum aliquid interea .

CICERO . S. D. ATTICO . 15

PRID. id. Hortensius ad me uenit scripta epi-
stola . uellem cetera eius . quam in me incredibilem
ἐκτένεια , qua quidem cogito uti . deinde Serapion
cum epistola tua . quam prius quam aperuissem , di-
xi ei , te ad me de eo scripsisse antea , ut feceras de-
inde , epistola lecta , cumulatissime cetera . & hercu-
le hominem probo . nam & doctum , & probum exi-
stimo . quin etiam naui eius me , & ipso conuectore
usurum puto . Crebro refricat lippitudo , non illa
quidem perodiosa , sed tamen quae impediat scriptio-
nem meam . Valetudinem tuam iam confirmatam
esse & a uetere morbo , et a nouis tentationibus , gau-
deo . Ocellam uellem haberemus . uidentur enim
esse haec paullo faciliora . nunc quidem aequinoctiū
nos moratur , quod ualde perturbatum erat . id s-
cras erit . utinam idem maneat Hortensius : siquidē
adhuc erat . liberalius esse nihil potest . De diplo-
mate admiraris , quasi nescio cuius te flagitij insimu-
larem . negas enim te reperire , qui mihi id in men-
tem uenerit . ego autem , quia scripseras te profici-
sci cogitare , (etenim audieram , nemini aliter lice-
re) eo te habere censebam , & quia pueris diplo-
ma sumpseras . habes caussam opinionis meae . et ta-
men

men uellem scire, quid cogites, in primisq. si quid etiam nunc noui est XVII. kal. Ian.

CICERO S. D. ATTICO. 16

TULLIA mea peperit XIV. kal. Iun. puerum ἐπαιμνιστόν. quod νυτόχουεν, gaudebam. quod quidem est natum, perimbecillū est. Me mirificae tranquillitates adhuc tenuerunt, atque maiore impedimento fuerunt, quam costudiae, quibus asseruor. nam illa Hortensiana omnia fuere infantia. ita fiet homo nequissimus. a Saluio liberto deprauatus est. itaque posthac non scribam ad te, quid facturus sim, sed quid fecerim. omnes enim κορυφαῖοι uidentur subauscultare, quae loquor. Tu tamen, si quid de Hispanijs, siue quid aliud, perge, quaeso, scribere: nec meas litteras expectaris, nisi cum, quo opto, peruenierimus, aut si quis ex cursu. Sed hoc quoque timide scribo. ita omnia adhuc tarda, & spissa. ut male posuimus initia, sic cetera sequuntur. furias nunc sequimur: caedem nos fortasse furiae persequetur. ex Balbi autem sermone, quem tecum habuit, non probamus de Melita. dubitas igitur, quia nos in hostium numero habeat? scripsi equidem Balbo, te ad me de beneuolentia scripsisse, & de suspitione. de altero egi gratias: de altero ei me purgari. ecquem tu hominem infeliciorem? non loquor plura, ne te quoque excruciem. ipse conficior, uenisse tempus, cum iam nec fortiter, nec prudenter quidquam facere possim. Vale.

M. TVLLII CICERONIS
EPISTOLARVM AD T.

POMPONIVM ATTICVM
LIBER XI.

CICERO S. D. ATTICO.

A CCEPI ate signatum libellum, quem
Anteros attulerat; ex quo scire nihil
potui de nostris domesticis rebus: de
quibus acerbissime afflictor, quod, qui
eas dispensauit, neque, adest islic, neque, ubi terra-
rum sit, scio. omnem autem spem habeo existima-
tionis, priuatarumq. rerum in tua erga me mihi
perspectissima beneuolentia: quam si his temporibus
miseris, & extremis praestiteris; haec pericu-
la, quae mihi communia sunt cum ceteris, fortius fe-
ram. idq. ut facias, te obtestor, atque obsecro. ego
in cistophoro in Asia habeo ad HS bis uicies. hu-
ius pecuniae permutatione fidem nostram facile tue-
bere. quam quidem ego nisi expeditam relinquere
putassem, credrens ei cui tu scis iam pridem mini-
me credere; commoratus essem paullisper, nec dome-
sticas res impeditas reliquissem. ob eamq. causam
serius ad te scribo, quod sero intellexi, quid timēdū
esset. Te etiam atque etiam oro, ut me totum tuen-
dum suspicias; ut, si ij salui erunt, quibuscum sum,
una cum ijs possim incolumis esse, salutemq. meam
beneuolentiae tuae acceptam referre. Vale.

LITTERAS tuas accepi prid. non. Febr. eoq. ipso die ex testamento creui hereditatem. ex multis meis, & miserrimis curis est una enata, si, ut scribis, ista hereditas fidem, & famam meam tueri potest: quam quidem te intelligo, etiam sine hereditate, tuis opibus defensurum fuisse. De dote quod scribis, per omnes deos te obtestor, ut totam rem suscipias, & illam miseram mea culpa, & negligentia, tueare meis opibus, si quae sunt, tuis, quibus tibi molestum non erit, facultatibus. cui quidem deesse omnia, quod scribis, obsecro te noli pati. in quos enim sumptus abeunt fructus praediorum? Iam illa HS L X, quae scribis, nemo mihi umquam dixit ex dote esse detracta: numquam enim essem passus. sed haec minima est ex ijs iniurijs, quam accepi; de quibus ad te dolore, & lacrymis scribere prohibeor. Ex ea pecunia, quae fuit in Asia, partem dimidiam fere exegi. tutius uidebatur fore ibi, ubi est, quam apud publicanos. Quod me hortaris, ut firmo sim animo: uellem posses aliquid afferre, quamobrem id facere possem: sed si ad ceteras misérias accessit etiam id, quod mihi Chrysipus dixit parari, (tu nihil significasti) de domo; quis me miserior uno iam fuit? oro; obsecro, ignore: non possum plura scribere. quanto maerore urgear, profecto uides. quod si mihi commune cum ceteris esset, qui uidentur in eadem causa esse; mi-

normea culpa uideretur, & eo tolerabilior esset: nunc nihil est, quod consoletur; nisi quid tu efficis, si modo etiam nunc effici potest, ut ne qua singulari afficiar calamitate, & iniuria. Tardius ad te remisi tabellarium, quod potestas mittendi non fuit. At tuis & nummorum accepi HS LX x, & uestimentorum quod opus fuit. Quibus tibi uidebitur, uelim des litteras nomine meo. nosli meos familiares. signum requirent, aut manum: dices ijs, me propter custodias ea uitasse. Vale.

CICERO 3. D. ATTICO. 3

QVID hic agatur, scire poteris ex eo, qui litteras attulit: quem diutius tenui, quia quotidie aliquid noui expectabamus. neque nunc mittendi tamen ulla caussa fuit, praeter eam, de qua tibi rescribi uolusti. Quod ad kal. Quint. pertinet, quid uellem utrumque graue est, & tam graui tempore, periculum tantae paecuniae, & dubio rerum exitu, ista, quam scribis, abruptio. quare, ut alia, sic hoc uel maxime tuae fidei, beneuolentiaeque permitto, & illius consilio, & uoluntati: cui miseriae consuluissem melius, si tecum olim coram potius, quam per litteras, de salute nostra, fortunisque deliberauissem. Quod negas. praecipuum mihi ullum incommodum impendere: etsi ista res nihil habet consolationis, tamen etiam praecipua multa sunt, quae tu profecto uides grauissima esse, & me facillime uitare potuisse. ea tamen eunt minora, si, ut adhuc factum est, admini-

administratione, diligentiaq. tua leuabuntur. Pecunia apud Egnatium est. sit a me, ut est. neque enim hoc, quod agitur, uidetur diuturnum esse posse, ut scire iam possim, quid maxime opus sit. etsi ego rebus omnibus; quod is quoque in angustijs est, qui cum sumus; cui magnam dedimus pecuniam mutuam, opinantes, nobis, constitutis rebus, eam rem etiam honorifere. Tu, ut antea fecisti, uelim, si qui erunt, ad quos aliquid scribendum a me existimes ipse conficias. Tuis salutē dic. Cura, ut ualeas. in id quoque, quod scribis, omnibus rebus cura, & provide, ne quid ei desit, de qua scis me miserrimum esse. Idibus Iun. ex castris.

CICERO S. D. ATTICO. 4

ACCEPI ab Isidoro litteras, & postea datas binas. ex proximis cognoui praedia non uenisse. uidebis ergo, ut sustentetur per te. de Frusinati, si modo futuri sumus, erit mihi res opportuna. Meas litteras quod requiris, impediō inopia rerum, quas nullas habeo litteris dignas, quippe cui nec, quae accidunt, nec, quae aguntur, ullo modo probentur. utinam coram tecum olim potius, quam per epistolas. Hic tua, ut possum, tueor apud hos. cetera Celler. ipse fugi adhuc omne munus, eo magis, quod ita nihil poterat agi, ut mihi, & meis rebus aptum esset. Quid sit gestum noui, quaeris: ex Isidoro scire poteris: reliqua non uidentur esse difficiliora. Tu id uelim, quod scis me maxime uelle, cures, ut scribis,

scribis, ut facis. Me conficit sollicitudo, ex qua etiam summa infirmitas corporis: qua leuata, ero una cum eo, qui negotium gerit, estq. in spe magna. Brutus amicus in causa uersatur acriter. Haecenus fuit, quod caute a me scribi posset. De pensione altera, oro te, omni cura considera, quid sit faciendum, ut scripsi ijs litteris, quas Pollex tulit. Vale.

CICERO. S. D. ATTICO. 5

QVAB me causae mouerint, quam acerbae, quam graues, quam nouae, coegerintq. impetu magis quodam animi uti, quam cogitatione, non possum ad te sine maximo dolore scribere: fuerunt quidem tantae, ut id, quod uides, effecerint. itaque nec quid ad te scribam de meis rebus, nec quid a te petam, reperio. rem, & summam negotij uides. equidem ex tuis litteris intellexi, & ijs, quas communiter cum alijs scripsisti, & ijs, quas tuo nomine, quod etiam mea sponte uidebam; te subdebilitatum nouas rationes tuendi mei quaerere. Quod scribis placere, ut propius accedam, iterq. per opida noctu faciam: non sane uideo, quemadmodum id fieri possit. neque enim ita apta habeo diuersoria, ut tota tempora diurna in his possim consumere: neque ad id, quod quaeris, multum interest, utrum me homines in opido uideant, an in uia. sed tamen hoc ipsum, sicut alia. considerabo quemadmodum commodissime fieri posse uideatur. ego propter incredibilem & animi, & corporis molestiam

Etiam conficere plures litteras non potui: ijs tantum rescripsi, a quibus acceperam: tu uelim & Basilio, & quibus praeterea uidebitur; etiam Seruilio conscribas, ut tibi uidebitur, meo nomine. Quod tanto interuallo nihil omnino ad uos: profecto intelligis, rem mihi deesse; de qua scribam, non uoluntatem. Quod de Vatinio quaeris: neque illius, neque cuiusquam mihi praeterea officium deest, si reperire possent, qua in re me iuuarent. Quinctus auerfissimo a me animo Patris fuit. eodem Corcyra filius uenit: inde profectos eos una cum ceteris arbitror. Vale.

CICERO S. D. ATTICO. 6

SOLLICITVM esse te cum de tuis, communibusq. fortunis, tum maxime de me, ac de dolore meo, sentio. qui quidem dolor meus non modo non minuitur, cum socium sibi adiungit dolorem tuum, sed etiam augetur. omnino pro tua prudentia sentis, qua consolatione leuari maxime possim. probas enim meum consilium; negasq. mihi quidquam tali tempore potius faciendū fuisse. addis etiam, (quod etsi mihi leuius est, quam tuum iudicium, tamen non est leue) ceteris quoque, id est qui pondus habeant, factum nostrum probari. id si ita putarem, leuius dolerem. crede, inquis, mihi: credo equidem: sed scio, quam cupias minui dolorem meum. Me discessisse ab armis, numquam paenituit. tanta erat in illis crudelitas, tanta cum barbaris gētibus

con-

coniunctio, ut non nominatim, sed generatim proscriptio esset informata; ut iam omnium iudicio constitutum esset, omnium uestrum bona praedam esse illius victoriae: uestrum, plane dico. numquam enim de te ipso, nisi crudelissime, cogitatum est. quare uoluntatis me meae numquam paenitebit: cōsiliū paenitet. in opido malle resedisse, quoad accerserer: minus sermonis subiissem: minus accepissem doloris: ipsum hoc me non angeret. Brundisij iacere, in omnes partes est molestum, propius accedere, ut suades, quo modo sine liētoribus, quos populus dedit, possum? qui mihi incolumi adimi non possunt: quos ego modo paullisper cum bacillis in turbā conieci ad opidum accedens, ne quis impetus militum fieret. recipio tempore me domo. te nunc ad Oppium, quoniam ijs placeret modo propius accedere, ut hac de re considerarent. credo fore auctores. sic enim recipiunt, Caesari non modo de conseruanda, sed etiam de augēda mea dignitate curae fore: meque hortantur, ut magno animo sim, ut omnia summa sperem: ea spondent, confirmant. quae quidem mihi exploratiora essent, si remansissem. sed ingero praeterita. uide, quae so, igitur ea, quae restant; & explora cum istis: & si putabis opus esse, & si istis placebit, quo magis factum nostrum Caesar probet, quasi de suorum sententia factum; adhibeantur Trebonius, Pansa, si qui alij, scribantque ad Caesarem, me, quidquid fecerim, de sua sententia fecisse. Tulliae meae morbus, & imbecillitas corporis me
exani

exanimat: quam tibi intelligo magnae curae esse; quod est mihi gratissimum. De Pompeij exitu mihi dubium numquam fuit: tanta enim desperatio rerum eius, omnium regum, & populorum animos occuparat, ut, quocumque uenisset, hoc putarem futurum. non possum eius casum non dolere. hominem enim integrum, & castum, & grauem cognoui. De Fannio consoler te? perniciose loquebatur de mansione tua. Lucius uero Lentulus Hortensij domum sibi, & Caesaris hortos, et Baias, desponderat, omnino haec eodem modo ex hac parte fiunt. nisi illud erat infinitum. omnes enim, qui in Italia remanserant, hostium numero habebantur. sed uelim haec aliquando solutius animo. Quintum fratrem audio profectum in Asiam, ut deprecaretur. de filio nihil audiui sed quaerere ex Diochare, Caesaris liberto, quem ego non uidi, qui istas Alexandrinās litteras attulit. is dicitur uidisse an euntem, an iam in Asia? Tuas litteras, prout res postulat, expecto: quas uelim cures quamprimum ad me perferendas. Vale. IV. kal. Dec.

CICERO S. D. ATTICO. 7

GRATAE mihi tuae litterae sunt, quibus accurate perscripsisti omnia, quae ad me pertinere arbitratus es. Factum igitur, ut scribis istis placere, iisdem istis lictoribus me uti, quod concessum Sextio sit. cui non puto suos esse concessos, sed ab ipso datos, audio enim eum ea S. C. improbare, quae
post

post discessum tribunorum facta sunt. quare poterit, si uolet sibi constare, nostros liſtores comprobare. quamquam quid ego de liſtoribus, qui paene ex Italia decedere ſim iuſſus? nam ad me miſit Antonius exemplum Caesaris ad ſe litterarum, in quibus erat: ſe audiuiſſe, Catonem, & L. Metellum in Italiam ueniſſe Romae ut eſſent palam: id ſibi non placere; ne qui motus ex eo fierent: prohiberi. omnes Italia, niſi quorum ipſe cauſſam cognouiſſet. deq. eo uehementius erat ſcriptum. itaque Antonius petebat a me per litteras, ut ſibi ignoſcerem: ſacere ſe non poſſe, quin iſ litteris pareret. tum ad eum miſi L. Lamiam, qui demonſtraret, illum Dolabellae dixiſſe, ut ad me ſcriberet, ut in Italiam quamprimum uenirem: eius me litteris ueniſſe. tum ille edixit ita, ut me exciperet, & Laelium nominatim. quod ſane nollem. poterat enim, ſine nomine, re ipſa excipi. o multas, & graues offenſiones: quas quidem, tu das operam, ut lenias; nec tamen nihil proficis: quin hoc ipſo minuis dolorem meum, quod, ut minuas, tam ualde laboras: idq. uelim ne graueri quamſaeppiſſime ſacere, maxime autem aſſequere quod uiſ, ſi me adduxeris, ut exiſtimem, me bonorum iudicium non ſunditus perdidiffe. quamquam quid tu in eo potes? nihil ſcilicet: ſed, ſi quid res dabit tibi facultatis, id me maxime conſolari poterit: quod nunc quidem uideo non eſſe. ſed ſi quid ex euentis: ut hoc nunc accidit. dicebar debuſſe cum Pompeo proficiſci. exitus illius mi-

nuit

nuit eius officij praetermissi reprehensionem. sed ex omnibus nihil magis tamē desideratur, quam quod in Africam non ierim. iudicio hoc sum usus, non esse barbaris auxilijs fallacissimae gentis remp. defendendam, praesertim contra exercitum saepe uictorem. non probant fortasse. multos enim uiros bonos in Africam uenisse audio. & scio fuisse antea. ualde hoc loco urgeor. hic quoque opus est casu aliqui sint ex eis, aut, si potest, omnes, qui salutem anteponant. nam si perseverant, & obtinent, quid nobis futurum sit, uides. dices, quid illis, si uicti erunt? honestior est plaga. Haec me excruciant. Sulpicij autem consilium, non scripsisti, cur meo non anteponeres: quod etsi non tam gloriosum est, quam Catonis, tamen & periculo uacuum est, & dolore. Extremum est eorum, qui in Achaia sunt. ij tamen ipsi se hoc melius habent, quam nos; quod & multi sunt uno in loco, & cum in Italiam uenerint, domum statim uenerint. Haec tu perge, ut facis, mitigare, & probare quamplurimis. Quod te excusas: ego uero & tuas causas nosco: & meq̃ interesse puto, te istic esse, uel ut cum ijs, quibus oportebit, agas, quae erunt agenda de nobis, ut ea quae egisti. in primisq. hoc uelim animaduertas. multos esse arbitror, qui ad Caesarem detulerint, delaturi ue sint, me aut paenitere consilij mei, aut non probare, quae fiant. quorum etsi utrumque uerum est; tamen ab illis dicitur animo a me alienato, non quo ita perspexerint. sed totum ut hoc Balbus sustineat,

suſlineat & Oppius, & eorum crebris litteris illius uoluntas erga me confirmetur, & hoc plane ut fiat, diligentiam adhibebis. Alterum eſt, cur te no-
lim diſcedere, quod ſcribis Terentiam flagitare. o-
rem miſeram. quid ſcribam? aut quid uelim? bre-
ue faciam: lacrymae enim ſe ſubito profuderunt: ti-
bi permitto: tu conſule. tantem uide, ne hoc tem-
poris Terentiae obefſe aliquid poſſit. ignoſce, obſe-
cro te: non poſſum prae fletu, & dolore diutius in
hoc loco commorari. tantum dicam, nihil mihi gra-
tius eſſe, quam quod eam diligis. Quod litteras,
quibus putas opus eſſe, curas dandas, facis com-
mode. Quintum filium, uidi, qui Sami uidiſſet, pa-
trem Sicyone: quorum deprecatio eſt facilis. uti-
nam illi, qui prius illum uiderunt, me apud eum ue-
lint adiutum tantum, quantum ego illos uellem, ſi
quid poſſem. Quod rogas, ut in bonam partem ac-
cipiam, ſi qua ſint in tuis litteris, quae me mordeat:
ego uero in optimam; teq. rogo, ut aperte, quem-
admodum facis, ſcribas ad me omnia, idq. facias
quamſaepiſſime. Vale. XIV. kal. Ian.

CICERO S. D. ATTICO. 8

QUANTO curis afficiar, etſi proſecto uides,
tamen cognosces ex Lepta, & Trebatio. maximas
poenas pendo temeritatis meae; quam tu pruden-
tiam mihi uideri uiſ; neque te deterreo, quo minus
id diſputes, ſcribaſq. ad me quamſaepiſſime, non ni-
hil enim me leuant tuae litterae hoc tempore. Per
eos,

eos, qui nostra caussa uolunt, ualentq. apud illum, diligentissime contendas opus est, per Balbum, & Oppium maxime, ut de me scribant quamdiligentissime. oppugnamur enim, ut audio, & a praesentibus quibusdam, & per litteras. ijs ita occurrendum, ut rei magnitudo postulat. Furnius est illic, mihi inimicissimus. Quintus misit filium non solum sui deprecatorem, sed etiam accusatorem mei. dicitat, se a me apud Caesarem oppugnari. quod refellit Caesar ipse, omnesq. eius amici. neque uero desistit, ubicumque est, omnia in me maledicta conferre. nihil mihi umquam tam incredibile accidit, nihil in his malis tam acerbum. qui ex ipso audissent, cum Sicyone palam multis audientibus loqueretur, nefaria quaedam ad me pertulerunt. nosti genus, etiam expertus es fortasse: in me id est omne conuersum. sed augeo commemorando dolorem, & facio etiam tibi. quare ad illud redeo. cura, ut huius rei caussa, dedita opera, mittat aliquem Balbus. ad quos uidebitur, uelim cures litteras meo nomine. Vale. xv. kal. Ian.

CICERO S. D. ATTICO.

9

E G O uero & incaute, ut scribis, & celerius, quam oportuit, feci: nec in ulla sum spe, quippe qui exceptionibus edictorum retinear. quae si non essent sedulitate effectae, beneuolentia tua, liceret mihi abire in solitudines aliquas. nunc ne id quidem licet. quid autem me iuuat, quod ante initum tribuna-

C C tum

tum ueni, si ipsum, quod ueni, nihil inuat? iam,
 quid sperem ab eo, qui mihi amicus numquam fuit;
 cum iam lege etiam sim confectus, & oppressus?
 quotidie Balbi ad me litterae languidiores multaeq;
 multorum ad illum, fortasse contra me. meo uitio
 pereo. nihil mihi mali causa attulit: omnia culpa
 contracta sunt. ego enim, cum genus belli uiderem,
 imparata, & infirma omnia contra paratissimos
 iueram, (quid facerem?) ceperamq; consilium non
 tam forte, quam mihi praeter ceteros concedendum,
 cessimus, uel potius parui. ex quibus unus qua men-
 te fuerit, is, quem tu mihi commendas, cognosces
 ex ipsius litteris, quas ad te, & ad alios misit. quas
 ego numquam aperuissim, nisi res acta sic esset, de-
 latus est ad me fasciculus: solui, si quid esset ad me
 litterarum: nihil erat. epistola Vatinio, & Ligu-
 rio altera: iussi ad eos deferri. illi ad me statim ar-
 dentes dolore uenerunt, scelus hominis clamantes.
 epistolas mihi legerunt plenas omnium in me pro-
 brorum. hic Ligurius furere: se enim scire, summo
 illum in odio fuisse Caesari: illum tamen non modo
 fouisse, sed & tantam pecuniam illi dedisse honoris
 mei causa. hoc ego dolore accepto, uolui scire, quid
 scripsisset ad ceteros. ipsi enim illi putari permicio-
 sum fore, si eius hoc tantum scelus percubisset. co-
 gnoui. eiusdem generis litteras ad te misi. quas si
 putabis illi ipsi utile esse reddi, reddes: nil me laedet.
 nam quod resignatae sunt: habet, opinor, eius si-
 gnum Pomponia. hac ille acerbitate initio neuiga-
 tionis

tionis cum usus esset, tanto me dolore affecit, ut postea iacuerim. neque nunc tam pro se, quam contra me, laborare dicitur. ita omnibus rebus urgeor, quas sustinere uix possum, uel plane nullo modo possum. quibus in miseris una est pro omnibus, quod istam miseram, patrimonio, fortuna omni spoliata, relinquam. quare te, ut polliceeris, uidere plane uelim. alium enim, cui illam commendem, habeo neminem: quoniam matri quoque eadem intellexi esse parata, quae mihi. sed, si me non offendes, satis tamen habeto commendatam, patremque in ea, quantum poteris, mitigato. Hae c ad te die natali meo scripsi: quo uinam susceptus non essem, aut ne quid ex eadem matre postea natum esset: plura scribere fletu prohibeor.

CICERO S. D. ATTICO. 10

AD meas incredibiles aegritudines aliquid noui accedit ex ijs, quae de Q. fratre ad me afferuntur. P. Terentius, meus necessarius, operas in portu, & scriptura Asiae pro magistro dedit. is Quintum filium Ephesi uidit v. 1. id. Dec. eumque studiosè propter amicitiam nostram inuitauit. cumque ex eo de me cunctaretur, eum sibi ita dixisse narrabat, se mihi esse inimicissimum; uolumenque sibi ostendisse orationis, quam apud Caesarem contra me esset habiturus: multa a se dicta contra eius amentiam: multa postea Patris consimili scelere secum Quintum patrem locutum: cuius furorem ex ijs episto-

lis, quas ad te misi, perspicere potuisti. haec tibi do-
lori esse certo scio: me quidem excruciant, & eo
magis, quod mihi cum illis ne querendi quidem lo-
cum futurum puto. De Africanis rebus longe alia
nobis, ac tu scripseras, nunciantur. nihil enim fir-
mius esse dicunt, nihil paratius. accedit Hispania,
& alienata Gallia, legionum nec uis eadem, nec uo-
luntas, urbanae res perditae. quid est, ubi acquirere
possum? nisi quam diu tuas litteras lego. quae essent
profecto crebriores, si quid haberes, quo putares
meam molestiam minui posse. sed tamen te rogo, ne
intermittas scribere ad me, quidquid erit; eosque,
qui mihi tam crudeliter inimici sunt, si odisse non po-
tes, accuses tamen; non ut aliquid proficias, sed ut
tibi me carum esse sentiant. Plura ad te scribam, si
mihi ad eas litteras, quas proxime ad te dedi, re-
scripseris. Vale. XII. kal. Febr.

CICERO S. D. ATTICO. II

CONFECTVS iam cruciatu maximorum do-
lorum, ne si sit quidem, quod ad te debeam scribe-
tur, facile id exequi possem, hoc minus, quod res
nulla est, quae scribenda sit; cum praesertim ne spes
quidem ulla ostendatur, fore melius. ita iam ne tuas
quidem litteras expecto. quamquam semper aliquid
afferunt, quod uelim. quare tu quidem scribito,
cum erit, cui des. ego tuis proximis, quas tamen
iam pridem accepi, nihil habeo, quod rescribam.
longo enim intervallo uideo immutata esse omnia,
illa

illa esse firma, quae debeant, nos stultitiae nostrae
grauissimas poenas pendere. P. Sallustio curanda
sunt HS xxx, quae accepi a Cn. Sallustio. uelim
uideas, ut sine mora curentur. de eare scripsi ad
Terentiam. atque hoc ipsum iam prope consum-
ptum est. quare id quoque uelim, cum illa uideas,
ut sit, qui utamur. hic fortasse potero sumere, si
sciam istuc paratum fore: sed prius, quam id scirem,
nihil sum ausus sumere. Qui sit omnium rerum sta-
tus noster, uides. nihil est mali, quod non & susti-
neam, & expectem. quarum rerum eo grauior est
dolor, quo culpa maior. ille in Achaia non cessat
de nobis detrahere. nihil uidelicet tuae litterae pro
fecerunt. Vale. VIII. id. Martij.

CICERO S. D. ATTICO.

12

CEPHALIO mihi a te litteras reddidit ad
VIII. id. Mart. uespere. eo autem die mane tabel-
larios miseram, quibus ad te dederam litteras. tuis
tamen lectis litteris, putauit aliquid rescribendum
esse, maxime, quod ostendis te pendere. animi,
quamnam rationem sim Caesari allaturus profectio-
nis meae tum, cum ex Italia discesserim. nihil opus
est mihi noua ratione. saepe enim ad eum scripsi,
multisq. mandauit, non potuisse, cum cupissem,
sermone hominum sustinere. multa. in eam sen-
tentiam. nihil enim erat, quod minus eum uellem
existimare, quam me tanta de re non meo consilio
usum esse. postea, cum mihi litterae a Balbo Cor-

nelio minore missae essent, illum existimare, Quin-
 etum fratrem lituum meae profectionis fuisse, (ita
 enim scripsit) qui non dum cognosset quae de pace
 Quintus scripsisset ad multos: etsi multa praesens
 in praesentem acerbè dixerat, & fecerat, tamen
 * L. in eo his uerbis ad Caesarem scripsi. De Quinto
 fratre meo non minus laboro, quam de me ipso:
 sed eum tibi commendare hoc meo tempore non au-
 deo. illud dumtaxat tamen audebo petere ab te,
 quod te oro, ne quid existimes ab illo factum esse,
 quo minus mea in te officia constarent, minus ue te
 diligerem, potiusq. illum semper auctorem nostrae
 coniunctionis fuisse, meiq. itineris comitem, non
 ducem. quare ceteris in rebus tantum ei tribues,
 quantum humanitas tua, amicitiaq. uestra poslu-
 lat: ego ei ne quid apud te obsem, id te uehementer
 etiam atque etiam rogo.

Quare, si quis congressus fuerit mihi cum Caesare,
 (etsi non dubito, quin is lenis in illum futurus sit,
 idq. iam declarauerit) ego tamen is ero, qui sem-
 per fui: sed, ut uideo, multo magis est nobis labo-
 randum de Africa. quam quidem tu scribis confir-
 mari quotidie magis ad condicionis spem, quam ui-
 ctoriae. quod utinam ita esset: sed longe aliter esse
 intelligo; teq. ipsum ita existimare arbitror, aliter
 autem scribere non fallendi, sed confirmandi mei
 caussa, praesertim cum adiungatur ad Africam etiā
 Hispania. Quod me admones, ut scribam ad An-
 tonium, & ad ceteros: si quid uidebitur tibi opus
 esse,

esse, uelim facias id, quod saepe fecisti: nihil enim
 uenit mihi in mentem, quod scribendum putem.
 Quod me audis fraktionem esse animo: quid putas,
 cū uideas accessisse ad superiores aegritudines prae-
 claras generi actiones? Tu tamen uelim ne intermit-
 tas, quoad eius facere poteris, scribere ad me, e-
 tiam si rem, de qua scribas, non habebis. semper
 enim afferunt aliquid mihi litterae tuae. Galeonis
 hereditatem creui. puto enim cretionem simplicem
 fuisse, quoniam ad me nulla missa est. Vale.
 VIII. id. Mart.

CICERO C. D. ATTICO. 13

A MURENAE liberto nihil adhuc acceperam
 litterarum. P. Sifer reddiderat eas, quibus rescri-
 bo. De Serui patris litteris quod scribis, item,
 Quinctum in Syriam uenisse, quod ais esse qui nun-
 cient: ne id quidem uerum est. Quod certiore te
 uis fieri, quo quisque in me animo sit, aut fuerit eo-
 rum, qui huc uenerunt: neminem alieno intellexi:
 sed, quantum id mea interfit, existimare te posse
 certo scio. mihi cum omnia sunt intolerabilia ad do-
 lorem, tum maxime, quod in eam causam uenisse
 me uideo, ut sola utilia mihi esse uidentur, quae
 semper nolui. P. Lentulum patrem Rhodi esse a-
 iunt, Alexandriae filium: Rhodoq. Alexandriam
 C. Cassium profectum esse constat. Quinctus mihi
 per litteras satisfacit, multo asperioribus uerbis,
 quam cum grauissime accusabat. ait enim se ex lit-

teris tuis intelligere, tibi non placere, quod ad multos de me asperius scripsit: itaque se paenitere, quod animum tuum offenderit: sed se iure fecisse. deinde perscribit spurcissima, quas ob causas fecerit. sed neque hoc tempore, nec antea patres fecisset odium suum in me, nisi omnibus rebus me esse oppressum uideret. atque utinam uel nocturnis, quemadmodum tu scripseras, itineribus propius te accessissem. nunc nec ubi, nec quando te sim uisurus, possum suspicari. De coheredibus Fufidianis nihil fuit, quod ad me scribere. nam et aequum postulant: & quidquid egisses, recte esse actum putarem. De fundo Frusinati redimendo iam pridem intellexisti uoluntatem meam. etsi tum meliore loco res erant nostrae, neque tam mihi desperaturi uidebamur. tamen in eadem sum uoluntate. id quemadmodum fiat, tu uidebis. Et uelim, quoad poteris, consideres, ut sit, unde nobis suppeditentur sumptus necessarij si quas habuimus facultates, eas Pompeio tum, cum id uidebamur sapienter facere, detulimus. itaque tum et a tuo uillico sumpsimus, et aliunde mutuati sumus, cum Quintus quereretur per litteras, sibi nos nihil dedisse, qui neque ab illo rogati sumus, neque ipsi eam pecuniam aspeximus, sed uelim uideas, quid sit, quod confici possit, quidq. mihi de omnibus des consilij: & causam nosse. Plura ne scribam, dolore impediatur. si quid erit, quod ad quos scribendum meo nomine putes, uelim, ut soles, facias quotiesq. habebis, cui des ad me litteras, nolim praetermittas. Vale.

NON me offendit ueritas litterarum tuarum, quod me, tum communibus, tum praecipuis malis oppressum, ne incipis quidem, ut solebas, consolari, faterisq. id fieri iam non posse. nec enim ea sunt, quae erant antea, cum, ut nihil aliud: comites me, & socios habere putabam. omnes enim Achaici de precatore, item qui in Asia, quibus non erat ignotum, etiam quibus erat, in Africam dicuntur nauigaturi. ita, praeter Laelium, neminem habeo culpae socium: qui tamen hoc meliore in causa est, quod iam est receptus. de me autem, non dubito, quin ad Balbum, & ad Oppium scripserit: a quibus, si quid esset laetius, certior factus essem, tecum etiam essent locuti: quibuscum tu de hoc ipso colloquare uelim, & ad me, quid tibi responderint, scribas: non quod ab isto salus data quidquam habitura sit firmitudinis; sed tamen aliquid consuli, & prospici poterit: etsi omnium conspectum horreo, praesertim hoc genero: tamen, in tantis malis quid aliud uelim, non reperio. Quinctus pergit, ut ad me et Pansa scripsit, et Hirtius: isq. item Africam petere cum ceteris dicitur. Ad Minucium parentem scribam, & tuas litteras mittam. ad te scribam, num quid egerit. HS xxx potuisse mirarer, nisi multa de Fufidianis praedijs. & id uideo tamen. Te exspecto: quem uidere, si ullo modo potes uenire, peruellem. iam extremum concluditur.

* tur. ibi facile est, quod quale sit, grauius existimare. Vale.

CICERO S. D. ATTICO. 15

QVONIAM iustas causas affers, quod te hoc tempore uidere non possum: quaeso, quid sit mihi faciendum. ille enim ita uidetur Alexandriam tenere, ut eum scribere etiam pudeat de illis rebus. ij autem ex Africa iam affuturi uidentur. Achaei item ex Asia redituri ad eos, aut libero aliquo loco commoraturi. quid mihi igitur putas agendum? uideo difficile esse consilium. sum enim solus, aut cum altero, cui neque ad illos reditus sit, neque ab his ipsis quidquam ad spem ostendatur. sed tamen scire uelim, quid censeas: idque erat cum alijs, cur te, si fieri posset, cuperem uidere. Minucium XII. sola curasse, scripsi ad te antea. quod superest, uelim uideas, ut curetur. Quinctus non modo non cum magna prete ad me, sed acerbissime scripsit. filius uero mirifico odio. nihil fingi potest mali, quo non urgear: omnia tamen sunt faciliora, quam peccati dolor, qui & maximus est, & aeternus. cuius peccati si socios essem habiturus ego; quos putari, tamen esset ea consolatio tenuis: sed habet aliorum omnium ratio exitum, mea nullum. alij capti, alij interclusi non ueniunt in dubium de uoluntate, eo minus scilicet; cum se expedierint, & una esse coeperint. ij autem ipsi, qui sua uoluntate ad Fufum uenerunt, nihil possunt, nisi timidi, existimari. multi autem sunt, qui,

qui, quicumque sunt, modo ad illos se recipere uolent, recipientur. quo minus debes mirari, non posse me tanto dolori resistere. solius enim meum peccatum corrigi non potest, et fortasse Laely: sed quid me id leuat? Caium quidem Cassium aiunt consiliū Alexandriam eundem mutauisse. Haec ad te scribo, nō ut queas tu demere sollicitudinē, sed ut cognoscā, ecquid tu ad ea afferas, quae me conficiunt: ad quae gener accedit, & cetera, quae, fletu reprimor, ne scribam. quin etiam Aesopi filius me excruciat. prorsus nihil abest, quin sim miserrimus. Sed ad primum reuertor: quid putes faciendum, occulte ne aliquo proprius ueniendum, an mare transeundum. nā hic maneri diutius non potest. De Fusidianis quare nihil potuit confici? genus enim condicionis eiusmodi fuit, in quo non solet esse controuersia; cum ea pars, quae uidetur esse minor, licitatione expleri posset. haec ego nō sine caussa quaero: sufficor enim, coheredes dubiam nostram caussam putare, & eorum in integro esse, Vale. Pridie id Mai.

CICERO S. D. ATTICO. 16

NON meo uitio fit, hoc quidem tempore, (ante enim est peccatum) ut me ista epistola nihil consoletur. nam & exigue scripta est, et suspiciones magnas habet, non esse ab illo, quas animaduērīse te existimo. De obuiam itione ita faciam, ut suades neque enim ualde aduentus eius opinio est: neque, si qui ex Asia ueniunt, quidquam auditum esse dicunt

cunt de pace : cuius ego spe in hanc fraudem incidi. nihil uideo, quod sperandum putem ; nunc praefer-
tim, cum ea plaga in Asia sit accepta, in Illyrico, in Cassiano negotio, in ipsa Alexandria, in urbe, in Italia, ego uero, etiam si rediturus ille est, qui adhuc bellum gerere dicitur, tamen ante reditum eius negotiū confectum iri puto. Quod autem scribis, quandam laetitiam bonorum esse commotam, ut sit auditum de litteris : tu quidem nihil praetermittis, in quo putes aliquid solatij esse : sed ego non adducor, quemquam bonum ullam salutem putare mihi tanti fuisse, ut eam peterem ab illo, & eo minus, quod huius consilij iam ne socium quidem habeo quemquam : qui in Asia sunt, rerum exitum exspectant. Achaici etiam Fusio spem deprecationis asserunt. horum & timor idem fuit primo, qui meus, & constitutum : mora Alexandrina caussam illorum cor-
rexit, meam evertit. quamobrem idem a te nunc pe-
to, quod superioribus litteris, ut, si quid in perdi-
tis rebus dispiceres, quod mihi putares faciendum, me moneres. si recipior ab his, quod uides non fie-
ri ; tamen, quoad bellum erit, quid agam, aut ubi sim, non reperio. sin iactor, eo minus. itaque tuas litteras exspecto ; easq. ut ad me sine dubitatione scribas, rogo. Quod suades, ut ad Quintum scri-
bam de his litteris : facerem, si me quidquam istae litterae delectarent. etsi quidam scripsit ad me his uerbis : Ego, ut in his malis, Patris sum non inui-
tus : essem libentius, si frater tuus ea de te loqueretur,

tur; quae ego audire uellem. Quod ais illum ad te scribere, me sibi nullas litteras remittere: semel ab ipso accepi: ad eas Cephalioni dedi, qui multos menses tempestatibus retentus est. Quintum filium ad me acerbissime scripsisse, iam ante ad te scripsi. Extremum est, quod te orem, si putas rectum esse, & a te suscipi posse, cum Camillo communices, ut Terentiam moneatis de testamento. tempora monent, ut uideat, ut satisfaciât, quibus debeat. auditum ex Philotimo est, eam scelerate quaedam facere. credibile uix est: sed certe, si quid est, quod fieri possit, providendum est. de omnibus rebus uelim ad me scribas, & maxime quid scribas de ea: in quo tuo consilio egeo, etiam si nihil excogitas: id enim mihi erit pro desperato. Vale. III. non. Iun.

CICERO S. D. ATTICO. 17

PROPERANTIBVS tabellarijs alienis hanc epistolam dedi, eo breuiorem, quod eram missurus meos. Tullia mea uenit ad me prid. id. Iun. deq. tua erga se obseruantia, beneuolenti aq. mihi plurima exposuit, litterasq. reddidit trinas. ego autem ex ipsius uirtute, humanitate, pietate nō modo eam uoluptatem non cepi, quam capere ex singulari filia debui; sed etiam incredibili sum dolore affectus, tale ingenium in tam misera fortuna uersari, idq. accidere nullo ipsius delicto, summa culpa mea. itaque a te neque consolationem iam, qua capere te uti uideo, neque consilium, quod capi nullum potest, exspecto:

elo, teq. omnia cum superioribus saepe litteris, tum proximis tentasse intelligo. Ego cum Sallustio Ciceronem ad Caesarem mittere cogitabam. Tulliam autem, non uidebam esse causam, cur diutius mecum tanto in communi maerore retinerem. itaque eram tibi eam, cum primum per ipsam liceret, remissurus. pro ea, quemadmodum consolandis scripsisti,

* P. tanta eo me scripsisse, quae tu ipse intelligis responderi potuisse. Quod Oppium tecum scribis locutum, non abhorret a mea suspitione eius oratio: sed non dubito quin istis persuaderi nullo modo possit, ea, quae faciant, mihi probari posse; quoquo modo loquar. ego tamen utar moderatione, qua poterō. quamquam, quid mea intersit, ut eorum odium subeam, non intelligo. Te ista causa impediri, quo minus ad nos uenias, uideo; idq. mihi ualde molestum est. Illum ab Alexandria discessisse, nemo nunciat; constatque, ne profectum quidem illo quinquam post id. Mart. nec post id. Dec. ab illo datas uel las litteras. ex quo illud intelligis, illud, de litteris ad v. id. Febr. datis, quod inane esset, etiam si uerum esset, non uerum esse. L. Terentium discessisse ex Africa scimus, Paestumq. uenisse. quid is asserat, aut quo modo exierit, aut quid in Africa fiat, scire uelim. dictur enim per Nasidium emissus esse: id quale sit, uelim, si inueneris, ad me scribas. De HS x, ut scribis, faciam. Vale.

xviii. kal. Quint.

CICERO S. D. ATTICO. 18

DE illius ab Alessandria discessu, nihil adhuc rumoris, contraq. opinio, ualde esse impeditum; itaque nec mitto, ut constitueram, Ciceronem; & te rogo, ut me hinc expedias. quoduis enim supplicium leuius est hac permāsione. hac de re & ad Antonium scripsi. & ad Balbum, & ad Oppium. siue enim bellum in Italia futurum est, siue classibus utetur; hic esse me, minime conuenit; quorum fortasse utrumque erit: alterum certe intellexi omnino ex Oppij sermone, quem tu mihi scripsisti, quae istorum uia esset: sed, ut eam flectas, te rogo. nihil omnino iam exspecto, nisi miserū. sed hoc perditius, in quo nunc sum, fieri nihil potest. quare, cum Antonio loquare, uelim, & cum istis; & rem, ut poteris, expedias; & mihi quamprimum de omnibus rebus rescribas. Vale. XII. kal. Quint.

CICERO S. D. ATTICO. 19

CVM tuis dare possem litteras, non praetermisi: etsi, quid scriberem, non habebam. tu ad nos & rarius scribis, quam salebas, & breuius: credo, quia nihil habes, quod me putes libenter legere, aut audire posse. uerumtamen uelim, quid erit, qualecumque erit, scribas. est autem unum, quod mihi sit optandum, si quid agi de pace possit: quod nulla equidem habeo in spe: sed, quia, ut leuiter interdum significas, cogis me sperare, quod optan-

optandum uix est. Philotimus dicitur idibus Sext. nihil habeo de illo amplius. tu uelim, ad ea mihi rescribas, quæ ad te antea scripsi: mihi tantum temporis satis est, dum, ut in pessimis rebus, aliquid caueam, qui nihil umquam caui. Vale.
XI. kal. Sext.

CICERO S. D. ATTICO. 20

XVII. kal. Sept. uenerat die XXVIII. Se-
leucea Peria C. Trebonij, is, qui se Antiochiæ dice-
ret apud Caesarem uidisse Quintum filium cū Hir-
tio: eos de Quinto, quæ uoluissent, impetrasse, nul-
lo quidem, negotio. quod ego magis gauderem, si
istâ nobis impetrata quidquam ad spem explorati
haberent. sed & alia timenda sunt, ab alijsque; &
ab hoc ipso quæ dantur, ut a domino, rursus in eius-
dem sunt potestate. etiam Sallustio ignouit. omni-
no dicitur nemini negare: quod ipsum est suspectû,
notionem eius differri. M. Gallius Q. F. mancipia
Sallustio reddidit. is uenit, ut legiones in Siciliam
traduceret: & protinus iturum Caesarem Patris.
quod si faciet; ego, quod ante mallet, aliquo pro-
pius accedam. Tuas litteras ad eas, quibus a te pro-
xime consilium petiui, uehementer expecto.
Vale. XVI. kal. Sept.

CICERO S. D. ATTICO. 21

ACCEPI VI. kal. Sept. litteras a te, datas
XII. kal. doloremque, quem ex Quinti scelere
iam pridem

iam pridem acceptum iam abiecerā, lecta eius epistola grauissimum cepi. tu etsi non potuisti ullo modo facere, ut mihi illam epistolam non mitteres: ita tamen mallem non esse missam. Ad ea autem, quae scribis de testamento, uidebis, quid, & quo modo. De nummis, & illa sic scripsit, ut ego ad te antea; & nos, si quid opus erit, utemur ex eo, de quo scribis. Ille ad kal. Sept. Athenis non uidetur fore. multa enim in Asia dicuntur morari, maxime Pharnaces. legio XII, ad quam primum Sulla uenit, lapidibus egisse hominem dicitur. nullam putant se commoturam illum arbitrantur protinus Patris in Siciliam. sed, si hoc ita est, huc ueniat necesse est. ac mallem illum. aliquo enim modo hinc euasissem. nunc metuo, ne sit expectandum. & cum reliquis etiam loci grauitas hic miserrime perferenda. Quod me mones ut ea uideam, quae ad tempus accommodum: facerem, si res pareretur. & si ullo modo fieri posset: sed in tantis nostris peccatis, tantisque nostrorum iniurijs, nihil est, quod aut facere dignum nobis, aut simulare possem. Sullana confers: in quibus omnia genere ipso praeclearissima fuerunt, moderatione paullo minus temperata; haec autem eiusmodi sunt, ut obliuiscar; multiq. malim quod omnibus sit melius, quorum utilitati meae iunxi. Tu ad me tamen uelim quam saepissime scribas, eoq. magis, quod praeterea nemo scribit: ac si omnes, tuas tamen maxime expectarem. Quod scribis, illum per me. Quinto. fore placatiorem:

D D. scripsi

scripsi ad te antea, eum statim Quinto filio omnia tribuisse, nostri nullam mentionem. Vale.

CICERO G. D. ATTICO, 22

DILIGENTER mihi fascisculum reddidit Balbi tabellarius. accepi enim a te litteras, quibus uideris uereri, ut epistolas illas acceperim: quas quidem uellem mihi numquam redditas. auxerunt enim mihi dolorem: nec, si in aliquem incidissent, quidquam noui attulissent. quid enim tam peruiulgatum, quam illius in me odium, et genus hoc litterarum? quod ne Caesar quidem ad istos uidetur misisse, quasi quo illius improbitate offenderetur, sed, credo, uti notiora nostra mala essent. Nam, quod te uereri scribis, ne illi obsint, ei, rei mederi: ne, rogari quidem se passus est de illo. quod quidem mihi molestum non est: illud molestius, istas impetrationes nostras nihil ualere. Sulla, ut opinor, cras erit hic cum Messalla. currunt ad illum pulsati a militibus; qui se negant usquam, nisi acceperint. ergo, ille huc ueniet: quod non putabant: tarde quidem: itinera enim ita facit, ut multos dies in operam ponat. Pharnaces autem, quo modo agit, asseret moram. quid mihi igitur censes? iam enim corpore uix sustineo grauitatem huius caeli, qui mihi laborem affert in dolore. An his illuc euntibus mande, ut me excusent, ipse accedam propius? quaeso, attende; & me, quod adhuc saepe rogatus non fecisti, consilio iuuas. scio rem difficilem esse: sed, ut in malis.

lis. Etiam illud mea magni interest, te ut uideam. profecto aliquid profecero, si id acciderit. De testamento, ut scribis, animaduertes. Vale.

CICERO S. D. ATTICO. 23

QVOD ad te scripserim, ut cum Camillo communicares, de eo Camillus mihi scripsit, te cum eo locutum. tuas litteras expectabam: nisi illud quidem mutari, si aliter est ut oportet, non uideo posse: sed cum a nullo accepissem litteras, desiderauit tuas, (etsi putabam te fortiozem factum non esse) modo ualeres. scripseras enim te quodam ualitudinis genere tentari. Augustus quidam Rhodo uenerat VIII. id. Quint. is nunciabat, Quintum F. ad Caesarem profectum IV. kal. Iun. Philotimum Rhodum pridie eius diei uenisse, habere ad me litteras. ipsum Augustum audies. sed tardius iter faciebat. eo feci, ut celeriter eunti darem. quid sit in ijs litteris, nescio: sed mihi ualde Quintus frater gratulatur. equidem in meo tanto peccato nihil ne cogitatione quidem assequi possum, quod mihi tolerabile possit esse. Te oro, ut de hac miseria cogites, & illud, de quo ad te proxime scripsi, ut aliquid conficiatur ad inopiam propulsandam, & etiam de ipso testamento. illud quoque uellem antea: sed omnia timuimus. melius quidem in pessimis nihil fuit dissidio. aliquid fecissemus, ut uiui uel tabularum nouarum nomine, uel nocturnarum expugnationum, uel Metellae, uel omnium maiorum.

nec res perisset, & uideremur aliquid doloris uirilis habuisse. memini omnino tuas litteras; sed & tempus illud: etsi quiduis praeſtitit. nunc quidem ipsa uidetur denunciare. audimus enim de statu reip. o dij, generum ne nostrum potissimum, ut hoc uel tabulas novas? placet mihi igitur, & idem tibi, nuncium remitti. petet fortasse tertiam pensionem.
 * considera igitur tum, ne uim abuso nascetur, an prius. ego, si ullo modo potuero, uel nocturnis itinibus experiar, ut te uideam, tu & haec, & si quid erit, quod intersit me scire, scribe uelim. Vale.

CICERO S. D. ATTICO. 12

QVAE dudum ad me, & quae etiam ad meam Tulliam de me scripsisti, ea sentio esse uera. eo sum inferior, (etsi nihil uidebatur addi posse) quod mihi non modo irascei grauissima iniuria accepta, sed ne dolere quidem impune liceat. quare istud feramus: quod cum tulerimus, tamen eadem erunt perpetienda, quae tu, ne accidant, ut caueamus, mones. ea enim est a nobis contracta culpa, ut omni statu, omniq. populo eundem exitum habitura uideatur. sed ad meam manum rediero. etenim haec occultius agenda. uide quaeso etiã nunc de testamento, quod tum factum, cum illa quaerere coeperat.
 * non credò, & commoti neque eum rogari, nè me quidem. sed quasi ita sit: quoniam in sermonem iã uenisti, poteris eam mouere, ut alicui committat, cuius

cuius extra periculū huius belli fortuna sit. equidē tibi potissimum uelim, si idem illa uellet: quam quidem caecia miserā, me hoc timere. De illo altero, scio equidem uenire nunc nil posse: sed seponi, & occultari possunt, ut extra ruinam sint eam, quae impendet. Nam quod scribis, nobis nostra, & tua Terentiae fore parata: tua credo: nostra quae poterunt esse? de Terentia autem (mitto cetera, quae sunt innumeralia) quid ad hoc addi potest? scripseras, ut HS xlii. permutaret, tantum esse reliquum de argento. misit illa CC LXX mibi, & adscripsit, tantum esse reliquum. cum hoc tam paruum de paruo detraxerit, perspicis quid in maxima re fecerit? Philotimus non modo nullus uenit, sed ne per litteras quidem, aut per nuncium certiozem facit me, quid egerit. Epheso qui ueniunt, ibi se eum de suis controuersis in ius adeuntem uidisse nunciant: quae quidem (ita enim uerisimile est) in aduentum Caesaris fortasse reijciuntur. ita aut nihil puto eum habere, quod putet ad me celerius proferendum, & eo me magis esse despectum: aut, etiam si quid habet; id, nisi omnibus suis negotijs confectis, ad me referre non curet. ex quo magnum equidem capio dolorem, sed non tantum, quantum uideor debere. nihil enim mea minus interesse puto, quam quid illinc afferatur. id quamobrem, te intelligere certo scio. Quod me mones de uultu, & oratione ad tempus accommodanda: etsi difficile est, tamen impetrarem mibi, si mea quidquam interesse putarem.

Quod scribis, litteris, putare, *Africanum negotium* confici posse: uelim scriberes, cur ita putares. mihi quidem nihil in mentem uenit, quare id putem fieri posse. tu tamen, uelim, si quid erit, quod consolationis aliquid habeat, scribas ad me. sin, ut perspicio, nihil erit, scribas id ipsum: ego ad te, si quid audiero citius, scribam. Vale. VIII. id. Sext.

CICERO S. D. ATTICO. 35

FACILE assentior tuis litteris; quibus exponis pluribus uerbis, nullum te habere consilium, quo a te possim inuari. consolatio certe nulla est, quae leuare possit dolorem meum. nihil est enim contractum casu: nam id esset ferendum: sed omnia fecimus ijs erroribus, & miserijs & animi, & corporis, quibus proximi utinam mederi maluissent, quam obesse. quoniam neque consilij tui, neque consolationis cuiusquam spes ulla mihi ostenditur; non quaeram haec a te posthac. tantum uelim, ne pristinum hoc officium intermittas: scribas ad me, quidquid ueniet tibi in mentem, cum habebis, cui des, & dum erit, ad quem des: quod longum non erit. Illum discessisse *Alexandria*, rumor est non firmus, ortus ex *Sulpicij* litteris: quas cuncti postea nuncij confirmarunt. quod uerum, an falsum sit, quoniam me nihil interest, utrum malim, nescio. Quod ad
* te iam pridem de testamento scripsit apud epistolas uelim ut possim aduersas ego huius miserrima facultate confectus conflctor. nihil unquam simile natum

tum puto. cui si qua re consulere aliquid possum, cupio a te admoneri. uideo eandem esse difficultatem, quam in consilio dato: attamen hoc me magis sollicitat, quam omnia. In pensione secunda caeci fuimus. alium mallem. sed praeteriit. te oro, ut in perditis rebus, si quid cogi, conficiq. potest, quod sit in tuto, ex argento, neque satis multa ex suppellectile, des operam. iam enim mihi uidetur adesse extremum, nec ulla fore condicio pacis, eaque, quae sunt, etiam sine aduersario peritura. haec etiam, si uidebitur, cum Terentia loquare opportune. non quo omnia scribere. Vale. III. non. Quint.

M. TVLLII CICERONIS
EPISTOLARVM AD
T. POMPONIVM ATTICVM
LIBER XII.

CICERO S. D. ATTICO.

V NDECIMO die postquam a te disces-
seram, hoc litterularum exaravi, egre
diens e nulla ante lucem: atque eo die
cogitabam in Anagnino, postero autē
in Tusculano, ibi unum diem. v. kal. igitur ad con-
stitutum: atque utinam continuo ad complexum
meae Tulliae, ad osculum Atticae possim currere.
quod quidem ipsum scribe quaeso ad me; ut, dum cō-
sisto in Tusculano, sciam, quid garriat: sin rustica-
tur, quid scribat. eiq. intereat aut scribes salutem,
aut nunciabis, itemq. Piliae: & tamen, etsi conti-
nuo congressuri sumus, scribes ad me, si quid habē-
bis. Cum complicarem hanc epistolam, noctua-
bundus ad me uenit cum epistola tua tabellarius.
qua lecta, de Atticae febricula scilicet ualde dolui.
reliqua, quae exspectabam, ex tuis litteris cognoui
omnia. sed quod scribis, igniculum matutinum γε-
ροντικώτερον est memoriola uacillare. ego enim
iv. kal. Axio dederam, tibi iii. Quinto quo
die uenissem, idest v. kal. hoc igitur habebis, no-
ui nihil. quid ergo opus erat epistola? quid, cum co-
ram sumus, & garrimus quidquid in buccam? est
profecto

profecto quaedam λέγειν, quae habet, etiam si nihil subest, collocutione ipsa suauitatem. Vale.

CICERO S. D. ATTICO. 2

HIC rumor est, T. Murcum perisse naufragio, Asinium delatum uiuum in manus militum, L. naues delatas Vticam reflatu hoc, Pompeium non comparere, nec in Balearibus omnino fuisse, ut Patietus affirmat. sed auctor nullius rei quisquam. Habes, quae, dum tu abes, locuti sunt. Ludi inter ea Praeneste. ibi Hirtius, & isti omnes. & quidem ludi dies octo. quae cenae? quae deliciae? res interea fortasse transacta est. o miros homines. at Balbus aedificata: τί γὰρ αὐτῷ μέλει? uerū, si quaeris, homini non recta, sed uoluptaria quaerenti non ne βεβίωται? Tu interea dormis. iam explicandum est ποῦ βλημα, si quid acturus es. si quaeris quid putem, ego fructum puto. sed quid multa? iam te uidebo. & quidem, ut spero, de uia recta ad me. simul enim & diem Tyrannioni constituemus, & si quid aliud. Vale.

CICERO S. D. ATTICO. 3

VNUM te puto minus blandum esse, quam me: aut, si uterque nostrum est aliquando aduersus aliquem, in nos certe numquam sumus. audi igitur me hoc δὲ γοντ δ' τῶς dicentem. ne uiuam mi Attice, si mihi non modo Tusculanum, ubi ceteroqui sum libenter, sed μακάρον νῆσοις tantum sunt, ut sine te
sim

sim tatos dies . quare obduretur hoc triduum : ut te quoque ponam in eodem πᾶσι : quod ita est profecto : sed uelim scire , hodie ne statim de auctione , aut quo die uenias . ego me interea cum libellis . ac moleste fero Vennonij historiam non habere . sed tamen , ne nihil de re , nomen illud , quod a Caesare , tres habet condiciones , aut emptionem ab hasta , (perdere malo : etsi , praeter ipsam turpitudinem , hoc ipsum puto esse perdere) aut delegationem a mancipe , annua die ; (quis erit , cui credam ? aut quando iste Metonis annus ueniet ?) aut Vectenā condicione , semisse . καὶ ἴα igitur . ac uereor , ne ista iam auctiōnem nullam faciat , sed ludis factis , clypo subsidio currat , ne talis uir ἀγορεύῃ . sed μελίσσει .

CICERO 3. D. ATTICO. 4

O GRATAS tuas mihi , iucundasq. litteras quod quaeris ? restitutus est mihi dies festus . angebar enim , quod Tiro ἐπεδίδεσσε por te sibi esse uisum dixerat . addam igitur , ut censes , unum diem . Sed de Catone τοῦ βληνῆ ἀρχιμῦνδον est . non assequor , ut scribam , quod tui conuiuiae non modo libenter , sed etiam aequo animo legere possint . quin etiā , si a sententijs eius dictis , si ab omni uoluntate , consilijsque , quae de rep. habuit , recedam , ἴα δὲ sq. uelim grauitatem , constantiamq. eius laudare ; hoc ipsum tamen ijs odiosum ἄκουσμα sit . sed uere laudari ille uir non potest , nisi haec ornata sint ; quod ille ea , quae non sunt , & futura uiderit , & ne fierent , conten-

tenderit, & facta ne uideret, uitam reliquerit. horum quid est, quod Atedio probare possimus? sed cura obsecro, ut ualeas; eamque, quam ad omnes res adhibes, in primis ad conualescendum adhibe prudentiam.

CICERO S. D. ATTICO. §

QVINCTVS pater quartum, uel potius milesimum nihil sapit, qui laetetur Luperco filio, & Statio, ut cernat duplici dedecore cumulatam domum. addo etiam Philotimum tertium. o stultitiam, nisi mea maior esset, singularem: (quod autem osim hanc rem, ἔραρον αὐτὸν) fac, non ad δειψάν χρέην, sed ad πειρήν eum uenisse: ἀμπνδμα σερμὸν ἀλφεῖ πειρήν, ut scribis, haurire, in tantis suis praesertim angustiis? ποῦ τὰυτ' ἀρ' ἀποσκήλη; sed ipse uiderit. Cato me quidem delictat, sed etiam Bassum Lucilium sua. De Coelio, tu quaeres, ut scribis. ego nihil noni. noscenda est natura, non facultas modo. De Hortensio, & Virginio tu, si quid dubitabis. etsi, quod magis placeat, ego quantum adspicio, non facile inueneris. Cum Mustella, quem admodum scribis, cum uenerit Crispius. Ad Aulum scripsi, ut ea, quae bene nosses de auro, Pisoni demonstrarem. tibi enim sane assentior, & istud nimium duci, & omnia nunc undique contrahenda. Te quidem nihil agere, nihil cogitare aliud, nisi quod ad me pertineat, facile perspicio, meisq. negotiis impediri cupiditatem tuam ad me ueniendi. sed me-

cum

cum esse, te puto; non solum quod meam rem agis, uerum etiam quod uidere uideor, quo modo agas. neque enim ulla hora tui mihi est operis ignota. Tubulum praetorem uideo L. Metello, Q. Maximo consulibus. nunc uelim, P. Scaeuola pontifex maximus, quibus consulibus tribunus pl. equidem puto Caepione, & Pópeio: praetor enim P. Furio, Sex. Atilio. dabis igitur tribunatum, & si poteris, Tubulus quo crimine. & uide quaeso, L. Libio, ille, qui de Ser. Galba, Censorino, & Manilio, an Quinctio, Manio consulibus tribunus pl. fuerit: conturbor enim. in Bruti epitoma Fannianorum, scripsi, quod erat in extremo: idq. ego secutus, hunc Fannium qui scripsit historiam, generum esse scripseram Laelii. sed tu me γεωμετρικῶς reselleras: te autem nunc Brutus, & Fānius. ego tamen de bono auctore Hortensio sic acceperam, ut apud Brutum est. hunc igitur locum expedies. Ego misi Tironem Dolabellae obuiam. is ad me idibus reuertetur. te expectabo postridie. de Tullia mea tibi antiquissimum, esse uideo: idq. ita ut sit, te uehementer rogo. Ergo & in integro omnia: sic enim scribis. mihi etsi kalendae uitandae fuerunt, incessionumq. ἀπέρτυτα fugienda, conficiendaeq. tabulae: nihil tamen tanti, ut a te abessem, fuit. cum Romae essem, & te iam iamq. uisurum me putarem quotidie: tamen horae, quibus expectabam, longae uidebantur. scis me minime esse blandum: itaque minus aliquanto dico, quam sentio.

CICERO S. D. ATTICO. 14.

DE COELIO, uide, quaeso, ne quae lacuna sit in auro. ego ista non noni. sed certe in collybo est detrimenti satis. huc aurum si accedit: sed quid loquor? tu uidebis. Habes Hegesiae genus, quod Varro laudat. uenio ad Tyrannionem: An tu uerum hoc fuit, sine me? at ego quoties, cum essem otiosus. sine te tamen nolui? quo modo hoc ergo lues? uno scilicet, si mihi librum nuseris: quod ut facias, etiam atque etiam rogo. Etsi me non magis liber ipse delectabit, quam tua admiratio delectauit. amo enim πάντα φιλόδημον: teque istam tam tenuē deoplas tam ualde admiratum esse gaudeo. etsi tua quidem sunt eiusmodi omnia. scire enim uis, quo uno animus alitur. sed, quaeso, quid ex ista acuta, & graui refertur ad τέλος? sed longa oratio est, & tu occupatus in meo fortasse aliquo negotio: & pro isto asso sole, quo tu abusus es in nostro pratulo, a te nitidū solem, undūmq; repetemus: sed ad prima redeo. librum, si me amas, mitte. tuus est enim profecto, quoniam quidem est missus ad te. Vale.

CICERO S. D. ATTICO. 11.

TANTVM ne ab re tua est otij tibi, ut etiam Oratorem legas? maxime uirtute. mihi quidē gratum: et erit gratius, si nō modo in libris tuis, sed etiam in aliorū per librarios tuos Aristophanē reposueris pro Eupoli. Caesar autē mihi irridere uisus est QVAE-

so illud tuum, quod erat & πινὲς, & urbanum: ita porro te sine cura esse iussit; ut mihi quidem dubitationem omnem tolleret. Atticam doleo tam diu: sed quoniam iam sine horrore est, spero esse, ut uolumus. Vale.

CICERO S. D. ATTICO. 8

QVAE desideras, omnia scripsi in codicillis, eosq. Eroti dedi, breuiter, sed etiam plura quam quaeris; in ijs de Cicerone: cuius quidem cogitatio- nis initium tu mihi attulisti. locutus sum cum eo li- beralissime: quod ex ipso, uelim, si modo tibi erit commodum, sciscitare. sed quid differo? exposui, te ex me detulisse, ecquid uellet, ecquid requireret. uelle Hispaniā, requirere liberalitatem. de libera- litate, dixi, quantum Publius, quantum flamen Lentulus filio. de Hispania, duo attuli, primum idem, quod tibi, me uereri uituperationem: non sa- tis esse, si haec arma reliquissimus? etiam contraria? deinde fore, ut angeretur, cum a fratre familiarita- te, et omnia gratia uinceretur. uelim magis liberali- tate uti mea, quam sua libertate: sed tamen permi- si. tibi enim intellexeram non nimis displicere. ego etiam atque etiam cogitabo: teque, ut idem facias, rogo. magna res: simplex est manere: illud anceps. uerum uidebimus. De Balbo, & in codicillis scri- pseram, & ita cogito, simul ac redierit. sin ille tar- dius, ego tamen triduum. Et, quod praeterij, Do- labella etiam mecum. Vale.

CICERO

CICERO S. D. ATTICO.

9

DE Cicerone, multis res placet. comes est idoneus. sed de prima pensione ante videamus. adest enim dies, & ille currit. Scribe, quaeso, quid referat Celer egisse Caesarem cum candidatis, utrum ipse in foenicularium, an in campum Martium cogitet. & sane scire uelim, numquid necesse sit comitijs esse Romae. nam & Piliae satisfaciendum est, et utique Atticae. Vale.

CICERO S. D. ATTICO.

10

NAE ego essem hic libenter, atque id quotidie magis, ni esset ea causa, quam tibi superioribus litteris scripsi. nihil hac solitudine iucundius, nisi paululum interpellasset. Amyntae filius, & ἀπεραντολογίας δ' εἶς. cetera noli putare amabilia fieri posse ulla litore, prospectu maris, tum his rebus omnibus. sed neque haec digna longioribus litteris; nec erat, quod scriberem, & somnus urgebat. Vale.

CICERO S. D. ATTICO.

II

MALE mehercule de Athamante. tuus autem dolor humanus is quidem, sed magnopere moderandus. consolationum autem multae viae, sed illa rectissima. impetret ratio, quod dies impetratura est. Alexim uero curemus, imaginem Tironis; quem aegrum Romam remisi: & si quid habet collis ἐπιδήμιον, ad mecum testamento transferamus.

toti

tota domus superior uacat, ut scis. hoc puto ualde ad rem pertinere. Vale.

CICERO S. D. ATTICO. 12

MALE de Seio. sed omnia humana tolerabilia ducenda. ipsi enim quid sumus? aut quam diu haec curaturi sumus? ea uideamus, quae ad nos magis pertinent, nec tamen multo, quid agamus de senatu. Et, ut ne quid praetermittam, Caesonius ad me litteras misit, Postumiam sulphicij domum ad se uenisse. De Pompeij Magni filia, tibi rescripsi, nihil me hoc tempore cogitare. alteram uero illam, quam tu scribis, puto nosti. nihil enim uidi foedius. sed adsum: coram igitur. Obsignata epistola, accepi tuas. Atticae hilaritatem libenter audio: commotiunculis συμμάχα. Vale.

CICERO S. D. ATTICO. 13

DE dote, tanto magis perpurga. Balbi regia condicio est delegandi. quoquo modo confice. turpe est rem impeditam iacere. Insula Arpinas habere potest germanum ἀποθήωτιν. habere uideatur: ἐκγόγιμος est: igitur animus in hortis: quod tamen inspiciam, cum uenero. De Epicuro, ut uoles; eisi μεδαιμόζουαι in posterum genus hoc personarum. incredibile est, quam ea quidam requirant. ad antiquos igitur ἀρετέων τον γὰρ. nihil habeo, ad te quod perscribam: sed tamen institui quotidie mittere, ut eliciam tuas litteras; non quo aliquid ex his exspectem;

Etlem; sed nescio quo modo tamen expecto. quare siue habes quid, siue nihil babes, scribe tamen aliquid, teq. cura. Commouet me Attica. etsi assentior Cratero. Bruti litterae, scriptae & prudenter, & amice, multas mihi tamen lacrymas attulerunt. Me haec solitudo minus stimulat, quam ista celebritas. te unum desidero: sed litteris non difficilius utor, quam si domi essem. ardor tamen ille urget, & manet, non mehercule indulgente me, sed tamen non repugnante. Quod scribis de Appuleio, nihil praeto opus esse tua contentione, nec Balbo, & Oppio; quibus quidem ille receperat, mihiq. etiam iusserat nunciari, se molestum omnino non futurum. sed cura, ut excuset morbi causa in dies singulos Laenas hoc receperat. prende C. Septimium, L. Statilium. denique nemo negabit se iuraturum, quem rogaris. quod si erit durius, ueniam, & ipse perpetuum morbum iurabo. cum enim mihi carendum sit conuiuijs, malo id lege uideri facere, quam dolore. Cocceium uelim appelles: quod enim dixerat, non facit. ego autem nolo aliquod emere latibulum, persugium doloris mei. Vale.

CICERO S. D. ATTICO.

14

DE me excusando apud Appuleium dederam ad te pridie litteras. nihil esse negotij arbitror. quemcunque appellaris, nemo negabit. sed Septimium uide, & Laenatem, & Statilium. tribus enim opus est. sed mihi Laenas totum receperat.

EE Quod

Quod scribis, a Iunio te appellatum: omnino Cornificius locuples est: sed tamen scire uelim, quando dicar sponondisse; & pro patre, an ne pro filio: neque eo minus, ut scribis, procuratores Cornificij, & Appuleium praediatorem uidebis. Quod me ab hoc maerore recreari uis; facis, ut omnia: sed, me mihi non defuisse, tu testis es. nihil enim de maerore minuendo scriptum ab ullo est, quod ego non domi tuae legerim. sed omnem consolationem uincit dolor. quin etiam feci, quod profecto ante me nemo, ut ipse me per litteras consolaretur. quem librū ad te mitam, si descripserint librarij, affirmo tibi nullam consolationem esse talem. totos dies scribo; non quo proficiam quid; sed tantisper impediatur, non equidem satis, (uis enim urget) sed relaxor tamē, ad omniaq. mitior, non ad animū, sed ad uultum ipsum, si queam, reficiendum: idq. faciens, interdum mihi peccare uideor, interdum peccaturus esse, nisi faciam. solitudo aliquid adiuuat; sed multo plus proficeret, si tu tamen interesses. quae mihi una caussa est hinc discedēdi. nam, pro malis, recte habebat. quamquam ipsum doleo. non enim iam in me idem esse poteris: perierunt illa, quae amabas. De Bruti ad me litteris scriptae ad te antea. prudenter scriptae: sed nihil, quod me adiuuarent. quod ad te scripsit, id uellem ut ipse adesset: certe aliquid, quoniam me tam ualde amat, adiuuaret. quod si quid scies, scribas ad me uelim, maxime autē, Pansa quādo. De Atica, doleo. credo tamen Cratēro. Piliam angere uetabat. is mihi

bi est pro omnibus. Vale.

CICERO S. D. ATTICO. 15

A P V D Appuleium, quoniam in perpetuum non placer, in dies ut excuser, uidebis. in hac solitudine careo omnium colloquio: cumq. mane me in filiam abstrusi densam, & asperam, non exeo inde ante uesperum. secundum te, nihil est mihi amicis solitudine. in hac mihi omnis sermo est cum litteris. cum tamen interpellat fletus: cui repugno, quoad possum: sed adhuc pares non sumus. Bruto, ut suades, rescribam. eas litteras cras habebis. cum erit cui des, dabis. Vale.

CICERO S. D. ATTICO. 16

T E, TVIS negotijs relictis, nolo ad me uenire. ego enim potius accedam, si diutius impediere: etsi ne decessissem quidem e conspectu tuo, nisi me plane nihil ulla res adiuuaret. quod si esset aliquod leuamen, id esset in te uno: & cum primum ab aliquo poterit esse, a te erit. nunc tamen ipsum sine te esse non possum: sed nec tuae domi probatur, nec meae poteram: nec, si propius essem uspiam, tecum tamen essem. idem enim te impediret, quo minus mecum esses; quod nunc etiam impedit. mihi adhuc nihil aptius fuit hac solitudine: quam uereor ne Philippus tollat. heri enim uesperu uenerat. Me scriptio, & litterae non leniunt, sed obturbant. Vale.

CICERO S. D. ATTICO. 17

MARCIANVS ad me scripsit, me excusatum esse apud Appuleium a Laterensi, Nasone, Laenate, Torquato, Strabone, his uelim meo nomine reddendas litteras cures, gratū mihi eos fecisse, Quod pro Cornificio me abhinc amplius annis xxy. spondidisse dicit Flavius: & si reus locuples est, & Appuleius praediator liberalis, tamen uelim des operam, ut inuestiges ex conspensorum tabulis, sit ne ita. mihi enim ante aedilitatem meam nihil erat cū Cornificio. potest tamen uideri, sed scire certum uelim: & appelles procuratores, si tibi uidetur: quam quam quid ad me? uerum tamen. Pansae profectio-nem scribes, cum scies. Atticam saluere iube, & eam cura obsecro diligenter. Piliae salutem. Vale.

CICERO S. D. ATTICO. 18

DVM recordationes fugio, quae quasi morsu quodam dolorem efficiunt, refugio a te admonendo. quod uelim mihi ignoscas, eiusmodi est. etenim habeo non nullos ex ijs, quos nunc lectito, auctores, qui dicant, fieri id oportere, quod saepe tecum egi, & quod a te approbari uolo. de sano illo dico; de quo tantum, quantum me amas, uelim cogites. equidem neque de genere dubito; placet enim mihi Clu-atij: neque de re; statutum est enim: de loco non numquam. uelim igitur cogites. ego, quantum his temporibus tam eruditis fieri poterit, profecto il-lam

lam consecrabo omni genere monumentorum, ab omnium ingenij scriptorum, & Graecorum, & Latinorum : quae res forsitan sit refecitura uulnus meum. sed iam quasi uoto quodam, & promisso me teneri puto : longumq. illud tempus, cum non ero, magis me mouet, quam hoc exiguum, quod mihi tamen nimium longum uidetur. habeo enim uihil, tentatis rebus omnibus, in quo acquiescam. nam, dum illud trahebam, de quo antea scripsi ad te, quasi fouebam dolores meos : nunc omnia resuo; nec quidquam habeo tolerabilius, quam solitudinem : quam, quod eram ueritus, non obturbauit Philippus. nam, ut heri me salutauit, statim Romam profectus est. Epistolam, quam ad Brutum, ut tibi placuerat, scripsi, misi ad te. curabis cum tua perferendam. eius tamen misi ad te exemplum, ut, si minus placeret, ne mitteres. Domestica quod ais ordine administrari, scribes, quae sunt ea: quaedam enim exspecto. Cocceius uide ne frustretur. nam Libro quod pollicetur, ut Eros scribit, non incertum puto. de sorte mea Sulpicio confido, & Egnatio scilicet. de Appuleio, quid est, quod labores? cum sit excusatio facilis. Tibi ad me uenire, ut ostendis, uide, ne non sit facile. est enim longum iter; discedentemq. te, quod celeriter tibi erit fortasse faciendum, non sine magno dolore dimittam. sed omnia, ut uoles. ego enim, quidquid feceris, id cum recte, tum etiam mea causa factum putabo. Heri, cum ex aliorum litteris cognouissem de Antoni aduen-

tu, admiratus sum, nihil esse in tuis: sed erant pri-
die fortasse scriptae, quam datae. neque ista quidem
curo, sed tamē opinor propter praedes suos accurris-
se. Quod scribis, Terentiam de obsignatoribus mei
testamenti loqui: primum tibi persuade, me istaec
non curare, neque esse quidquam aut parvae curae,
aut nouae loci: sed tamen quid simile? illa eos non
adhibuit, quos existimauit quæsituros, nisi scissent,
quid esset: num id etiam mihi periculi fuit? sed ta-
men faciat illa, quod ego. dabo meum testamentum
legendum cui uoluerit: intelliget, non potuisse ho-
norificentius a me fieri de Nepote, quam fecerim.
nam quod non aduocaui ad obsignandum: primum
mihi non uenit in mentem: deinde ea re non uenit,
quia nihil attinuit. tute scis, (si modo meministi)
me tibi tum dixisse, ut de tuis aliquos adduceres:
quid enim opus erat multis? equidem domesticos
iusseram: tum tibi placuit, ut mitterem ad Silium.
inde est natum, ut ad Publium. sed necesse neutrum
fuit. hoc tu tractabis, ut tibi uidetur. Vale.

CICERO S. D. ATTICO. 19

EST hic quidem locus amoenus, & in mari ip-
so, qui & Antio, & Circaeis adspici possit: sed in-
eunda nobis ratio est, quemadmodum in omni mu-
tatione dominorum, qui innumerabiles fieri possunt
in infinita posteritate, (si modo haec stabunt) illud,
quasi consecratum, remanere possit. equidem iam
nihil egeo uectigalibus, et paruo contentus esse pos-
sum.

sum. cogito interdum trans Tiberim hortos aliquos parare, & quidem ob hanc causam maxime: nihil enim uideo, quod tam celebre esse possit: sed quos, coram uidebimus; ita tamen, ut hac aestate sanum absolutum sit. tu tamen cum Appella Chio confice de columnis. De Cocceio, & Libone quae scribis, approbo, maxime, quod de iudicatu meo responsum sit. si quid perspexeris, & tamen quid procuratores Cornificij dicant, uelim scire, ita ut in ea re, cum tam occupatus sis, non multum operae uelim ponere. De Antonio quoque Balbus ad me cum Oppio conscripsit, idq. tibi placuisse, ne perturbarer. illis egi gratias. te tamen, ut iam ante ad te scripsi, scire uolo, me neque isto nuncio esse perturbatum, nec iam ullo perturbatum iri. Pansa si hodie, ut putabas, profectus est, posthac iam incipito scribere ad me, de Bruti aduentu quid expectes, idest, quos ad dies. id, si scies ubi iam sit, facile coniectura assequere. Quod ad Tironem de Terentia scribis, obsecro te; mi Attice, suscipe totum negotium. uides & officium agi meum quoddam, cui tu es conscius, & ut non nulli putant, Ciceronis rem. me quidem id multo magis mouet, quod mihi est & sanctius, & antiquius; praesertim cum hoc alterum neque sincerum, neque firmum putem fore. Vale.

CICERO S. D. ATTICO. 20

NONDVM uideris perspicere, quam me nec Antonius commouerit, nec quidquam iam eiusmodi

di possit commouere. De Terentia autem scripsi ad te ijs litteris, quas dederam pridie. Quod me hortaris, idq. a ceteris desiderari scribis, ut dissimulem me tam grauius dolere: possum ne magis, quod totos dies consumo in litteris? quod etsi non dissimulationis, sed potius leniendi, & sanandi animi causa facio: tamen, si mihi minus proficio simulationi certe facio satis. Minus multa ad te scripsi, quod expectabam tuas litteras ad eas, quas ad te pridie dederam. expectabam autem maxime de fano, non nihil etiam de Terentia. Velim me facias certiore proximis litteris, Cn. Caepio, Seruiliae Claudij pater, uiuo ne patre suo naufragio perierit, an mortuo; item Rutilia uiuo ne C. Cotta, filio suo, mortua sit, an mortuo. pertinet ad eum librum, quem de luctu minuendo scripsimus. Vale.

CICERO S. D. ATTICO. 15

LEGI Bruti epistolam, eamq. tibi remisi, sane non prudenter rescriptam ad ea, quae requisieras. sed ipse uiderit. quamquam illud turpiter ignorat. Catonem primum sententiam putat de animaduersione dixisse; quam omnes ante dixerant, praeter Caesarem. et cum ipsius Caesaris tam seuera fuerit, qui tum praetorio loco dixerit; consularium putat leniores fuisse, Catuli, Seruili, Lucullorum, Curionis, Torquati, Lepidi, Gellij, Volcatij, Figuli, Cottae, L. Caesaris, C. Pisonis, etiam M. Acilij Glabrionis, Silani, Murenarum, designatorum consul.

lum . cur ergo in sententiam Catonis ? quia uerbis
luculentioribus , & pluribus rem eandem compre-
henderat . Me autem hic laudat , quod retulerim ,
non quod patefecerim , quod cohortatus sim , quod
denique ante , quam consulerem , ipse iudicauerim .
quae omnia quia Cato laudibus extulerat in caelū ,
perscribendaq. censuerat ; iccirco in eius sententiam
est facta discessio . hic autem se etiam tribuere mul-
tum mihi putat , quod scripserit , Optimum consu-
lem . quis enim ieiunius dixit inimicus ? Ad cetera
uero tibi quemadmodum rescripsit ? tantum rogat
de S. C. ut corrigas . hoc quidem secisset , etiam si
Ranio admonitus esset . Sed haec iterū ipse uiderit .
De hortis , quoniam probas , effice aliquid . rationes
meas nosse . si uero etiam a Faberio recedit ; nihil
negotij est . sed etiam sine eo posse uideor contende-
re . ueuales certe sunt Drusi . fortasse et Lamiani ,
& Cassiani . sed coram . De Tetentiano non possum
commodius scribere , quam tu scribis . officium sit
nobis antiquissimum . si quid nos fefellerit , illius ma-
lo me , quam mei paenitere , Quia C. Lollij curan-
da sunt HS $\bar{\tau}$. negat Eros posse , sine me ; credo ,
quod accipienda aliqua sit ; & danda aestimatio .
uellem tibi dixisset . si enim res est , ut mihi scribit ,
parata ; nec in eo ipso mentitur : per te confici po-
tuit . cognoscas , & conficias , uelim . Quod me
in forum uocas ; eo uocas , unde , etiam bonis meis
rebus , fugiebam . quid enim mihi cum foro sine cu-
ria ? in oculos incurrentibus ijs , quos aequo animo
uide-

uidere non possum. Quod autem homines a me postulare scribis, ut Romae sim, neque mihi, ut absim, concedere, aut quatenus eos mihi concedere: iam pridem scito esse, cum unū te pluris, quam omnes illos, putem. ne me quidē contemno; meoq. iudicio multo stare malo, quam omnium reliquorum. neque tamen progredior longius, quam mihi doctissimi homines concedunt: quorum scripta omnia, quaecumque sunt in eam sententiam, non legi solum, quod ipsum erat fortis aegroti, accipere me dicinam, sed in mea etiam scripta transtuli, quod certe afflicti, & fracti animi non fuit. ab his me remedijs noli in istam turbam uocare, ne recidam. De Terentia, quod mihi omne onus imponis; non cognosco tuam in me indulgentiam. ista enim sunt ipsa uulnera, quae non possum tractare sine maximo gemitu. moderare igitur, quaeso, ut potes. neque enim a te plus, quam potes, postulo. potes autem, quid ueris sit, perspicere tu unus. De Rutilia, quoniam uideris dubitare, scribes ad me, cum scies, sed quamprimum, num Clodia, D. Bruto consulari, filio suo, mortuo, uixerit. id de Marcello, aut certe de Postumia sciri potest, illud autem de M. Cotta, aut de Syro, aut de Satyro. De hortis, etiam atque etiam rogo. omnibus meis, eorumque, quos scio mihi non defuturos, facultatibus, sed potero meis, enitendum mihi est. sunt etiam, quae uendere facile possim: sed, ut non uendam, eiq. usuram pendam, a quo emero, non plus annum, possum asse-

assequi, quod uolo, si tu me adiuuas. paratissimi sunt Drusi. cupit enim uendere. proximos puto Lamiae. sed abest. tu tamen, si quid potes, odorare. ne Silius quidem quidquam utitur, & ijs usuris facillime sustentabor. habe tuum negotium; nec, quid res mea familiaris postulet, quam ego non curo, sed quid uelim, existima. Vale.

CICERO S. D. ATTICO. 22

PVTARAM te aliquid noui; quod eiusmodi fuerat initium litterarum; quamuis nō curarem, quid in Hispania fieret, tamen te scripturum: sed uidelicet meis litteris respondisti, ut de foro, & de curia. sed domus est, ut ais, forum. quid ipsa domo mihi opus est, carenti foro? occidimus, occidimus, Attice, iam pridem nos quidem, sed nunc facemur, postea quam unum, quo tenebamur, amissimus. itaque solitudinem sequor. et tamen, si qua me res isto abduxerit, enitar, si quo modo potero, (potero autem) ut praeter me nemo dolorē meum sentiat; si ullo modo poterit, ne tu quidem. Atque etiam illa caussa est non ueniendi. meministi, quid ex te Atedius quaesierit: quin etiam nunc molesti sunt: quid existimas, si uenero? De Terentia ita cura, ut scribis, meq. hac ad maximas aegritudines accessione non maxima libera. Et, ut scias me ita dolere, ut non iaceam, quibus consulibus Carneades, & ea legatio Romam uenerit, scriptum est in tuo annali. haec nunc quaero, quae caussa fuerit.

de

de Oropo, opinor, sed certum nescio: & , si ita est, quae controuersiae: praeterea, qui eo tempore nobilis Epicureus fuerit Athenis. qui praefuerit hortis: qui etiam Athenis πολιτικοὶ fuerint illustres. quae etiam ex Apollodori puto posse inueniri. De Attica, molestum: sed quoniam leniter: recte esse confido. De Megala dubium mihi non erat, unde enim tam felix Ligus pater? nam quid de me dicam? cui ut omnia contingant, quae uolo, leuari non possum. De Drusi hortis, quantilicuisse tu scribis, id ego quoque audieram, & , ut opinor, heri ad te scripseram: sed quanti quanti, bene emitur, quod necesse est. mihi, quoquo modo tu existimas, (scio enim, ego ipse quid de me existimem) leuatio quaedam est, si minus doloris, at officij debiti. Ad Sicam scripsi, quod utitur L. Cotta, si nihil conficeretur de transtiberinis, habet in Ostiensi Cotta celeberrimo loco, sed pusillum loci, ad hanc rem tamen plus etiam satis. id uelim cogites. nec tamen ista pretia hortorum pertimueris. nec mihi argento iam, nec ueste opus est, nec quibusdam amoenis locis: hoc opus est. uideo etiam, a quibus adiuuari possim. sed loquere cum Silio: nihil enim est melius. mandauit etiam Sicae. rescripsit, constitutum se cum eo habere. scribat igitur ad me, quid egerit, & tu uidebis.

CICERO S. D. ATTICO. 23

BENE fecit A. Silius, qui transegerit. neque enim ei deesse uolebam, & , quid possem, timebam.

De

De Onia, confice, ut scribis. De Cicerone, tempus esse iam uidetur: sed quaero, quod illi opus erit Athenis, permutari ne possit, an ipsi ferendum sit: de totaq. re, quemadmodum, & quando placeat, uelim consideres. Publius iturus ne sit in Africam, & quando, ex Atedio scire poteris. quaeras, & ad me scribas, uelim. Et, ut ad meas ineptias redeam, uelim me certiore facias, P. Crassus, Vinuliae filius, uiuo ne P. Crasso, consulari, patre suo, mortuus sit, ut ego meminisse uideor, an post. item quaero de Regillo, Lepidi filio, recte ne meminerim, patre uiuo mortuum. Cispiana explicabis, itemq. Praeterea. De Attica, optime: & ei salutem dices, Piliae.

CICERO S. D. ATTICO.

24

SCRIPSIT ad me diligenter Sica de Silio, seq. ad te rem detulisse: quod tu idem scribis. mihi & res, & condicio placet, sed ita, ut numerato malim, quam aestimatione. uoluptarias enim possessiones nolet Silius: uectigalibus autem ut his possum esse contentus, quae habeo, sic uix minoribus. unde ergo numeratos? HS DC exprimes ab Hermogene, cum praesertim necesse erit. & domi uideo esse HS DC. reliquae pecuniae uel usuram Silio pendemus, dum a Faberio, uel ab aliquo, qui Faberio debet, repraesentabimus. erit etiam aliquid alicunde. sed totam rem tu gubernabis. Drusianis uero hortis multo antepono: neque sunt numquam comparati,
mi-

mibi crede. una me caussa mouet, in qua scio me τὸ τοῦ ὁδοῦ: sed, ut facias, obsequere huic errori meo. Nam quod scribis ἐγγράμμα: actum iam de isto est; alia magis quaero. Vale.

CICERO S. D. ATTICO. 25

SICA, ut scribit, etiam si nihil confecerit cum A. Silio, tamen se scribit x. kal. esse uenturum. cuius occupationibus ignosco: eaeq. mihi sunt notae. De uoluntate tua, ut simul simus, uel studio potius, & cupiditate, non dubito. De Nicia quod scribis: si ita me haberem, ut eius humanitate frui possem, in primis uellem illum mecum habere: sed mihi solitudo & recessus prouincia est. quod quia facile ferebat Sica, eo magis illum desidero. praeterea nosti Niciae nostri imbecillitatem, molliciem. consuetudinem uictus. cur ego illi molestus uelim, cum mihi ille iucundus esse non possit? uoluntas tamen eius mihi grata est. Vnam rem ad me scripsisti, de qua decreui nihil tibi rescribere. spero enim me a te impetrasse, ut priuares me ista molestia. Piliae, & Atticae salutem. Vale.

CICERO S. D. ATTICO. 26

DE SILIANO negotio, etsi mihi non est ignota condicio, tamen hodie me ex Sica arbitror omnia cogniturum. Cottae quidem negas te nosse. sed ultra Silianam uilla est, quam puto tibi notam esse, uillula sordida, & ualde pusilla: nihil agri: ad
aliam

aliā rem loci satis, nihil ad eam, quam quaero. sequor celebritatem. sed, si perficitur de hortis Silij, hoc est, si perficis; (est enim totum positum in te) nihil est scilicet, quod de Cotta cogitemus. De Cicerone, ut scribis, ita faciam: ipsi permittam de tempore: nummorum quantum opus erit, ut permutetur, tu uidebis. Ex Atedio, quod scribis, si quid inueneris, scribes. Et ego ex tuis animaduertito litteris, & profecto tu ex meis, nihil habere nos, quod scribamus. eadem quotidie: quae iam, iamque ipsa contrita sunt: tamen facere non possum, quin quotidie ad te mittam, ut tuas accipiam. De Bruto tamen, si quid habebis. scire enim iam puto, ubi Pansam expectet. si, ut consuetudo est, in prima prouincia; circiter kalendas affuturus uidetur. uellem, tardius. ualde enim urbem fugio multas ob causas. itaque id ipsum dubito, an excusationem aliquam ad illum parem: quod quidem uideo facile esse. sed habemus satis temporis ad cogitandum. Piliae, Atticae salutem. Vale.

CICERO S. D. ATTICO. 27

DE SILIO nihilo plura cognoui ex praesente Sica, quam ex litteris tuis. scripseras enim diligenter. si igitur tu illum conueneris, scribes ad me, si quid uidebitur. De quo putas ad me missum esse; sit missum, nec ne, nescio; dictum quidem mihi certe nihil est. tu igitur, ut coepisti: & si quid ita conficies, (quod equidem non arbitror fieri posse) ut il-

li probetur; Ciceronem, si tibi placebit, adhibebis. eius aliquid interest, uideri illius causa uoluisse: mea quidem nihil, nisi id quod tu scis, quod ego aestimo. Quod me ad meam consuetudinem reuocas, fuit meum quidem iam pridem remp. regere, quod faciebam: sed interea erat, ubi acquiescerem. nunc plane nec ego uictum, nec uitam illam colere possum: nec in ea re, quid alijs uideatur, mihi puto curandum. mea mihi conscientia pluris est, quam omnium sermo. Quod me ipse per litteras consolatus sum; non paenitet me, quantum profecerim. maerorem minui. dolorem nec potui, nec, si possem, uellem. De Triario, bene interpretatis uoluntatem meam. tu uero nihil, nisi ut illi uolent. amo illum mortuum: tutor sum liberis: totam domum diligo. De Castricino negotio, si Castricius pro mancipijs pecuniam accipere uolet, eamq. ei solui, ut nunc soluitur; certe nihil est commodius. sin autem ita actum est, ut ipsa mancipia abduceret; non mihi uidetur esse aequum. rogas enim me, ut tibi scribam, quid mihi uideatur. nolo enim negotij Quintum fratrem quidquam habere: quod uideor mihi intellexisse, tibi uideri idem. Publius, si aequinoctium exspectat, ut scribis. Atedium dicere, nauigaturus uidetur. mihi autem dixerat, per Siciliam. utrum, & quando, uelim scire. Et uelim aliquando, cum erit tuum commodum, Lentulum puerum uisas, eiq. de mancipijs. quae tibi uidebitur, attribuas. Piliae, Atticae salutem. Vale.

SILIVS, ut scribis, hodie. cras igitur, uel potius cum poteris, scribes, si quid erit, cum uideris. Nec ego Brutum uito, nec tamen ab eo leuationem ullam exspecto: sed erant causae, cur hoc tempore istuc esse nollem: quae si manebunt, quae-renda erit excusatio ad Brutum: & ut nunc est, mansurae uidentur. De hortis, quaeso explica. caput illud est, quod scis. sequitur, ut etiam mihi ipsi quiddam opus sit. nec enim esse in turba possum, nec a uobis abesse. huic meo consilio nihil reperio isto loco aptius. & de hac re quid tui consilij sit, mihi persuasum est, & eo magis, quod idem intellexi tibi uideri, me ab Oppio, & Balbo ualde diligere: cum ijs communices, quantopere, & quare uelim hortos; sed ita posses, si expediatur illud Faberianum. sin igitur auctor es futuri, quae etiam iactura faciunda sit representabo: (quod possum) adducito tum enim illud desperandum denique intelliges, & quid inclinent ad hoc meum consilium adiuvandum. si quid erit, magni est adiumentum: sin minus, quacunque ratione contendamus. uetus illud ὑγίαινα, quemadmodum scripsisti, uel ἐν τὰ φρον putato. de illo Ostiensi nihil est cogitandum, si hoc non assequimur. a Lamia non puto posse. Damasippi experiendum est. Vale.

QVAERO, quid ad te scribam : sed nihil est : eadem quotidie . Quod Lentulum inuisis, ualde gratum . pueros attribue ei, quot, & quos uidebitur . De Silij uoluntate uendendi, & de eo, quanti; tu uereri uideris, primum ne nolit, deinde ne tanti, Sica aliter : sed tibi assentior . quare, ut ei placuit, scripsi ad Egnatium . Quod Silius te cum Clodio loqui uult : potes id mea uoluntate facere ; commodiusq. id est, quam, quod ille a me petit, me ipsum scribere ad Clodium . De mancipijs Castricianis, commodissimum esse credo, transigere Egnatium : quod scribis te ita futurum putare . Cum Ouia, quaeso, quidem ut conficiatur . Quoniam, ut scribis, nox erat, in hodierna epistola plura exspecto . Vale .

SILIVM mutasse sententiam, Sica mirabatur . equidem magis miror, quod, cum in filium causam conferret, quae mihi non iniusta uidetur ; (habet enim qualem uult) ais te putare, si addiderimus aliud, a quo refugiat, cum ab ipso id fuerit destinatum, uenditurum . Quaeris a me, quod summum pretium constituam; & quantum anteire istos hortos . Drusi : accessi numquam : Coponianam uillam, & ueterem, & non magnam, noui ; siluam nobilem, fructum autem neutrius : quod tamen putato nos scire oportere . sed mihi, utrius istorum, tempore

pore magis meo, quam ratione, aestimanda sunt. possim autem assequi, nec ne, tu uelim cogites. si enim Faberianum uenderem, explicare uel repraesentatione non dubitarem, de Silianis, si modo adduce retur, ut uenderet: si uenales non haberet, transferam ad Drusum, uel tanti, quanti Egnatius illum uelle tibi dixit. magno etiam adiumento nobis Hermodogenes potest esse in repraesentando. at concede mihi, quaeso, ut eo animo sim, quo is debeat esse, qui emere cupiat. & tamen sermo ita cupiditati, & dolori meo, ut a te regi uelim. Egnatius mihi scripsit. is si quid tecum locutus erit, (commodissime enim per eum agi potest) ad me scribes: & id agendum puto. nam cum Silio non uideo confici posse. Piliæ, & Atticæ salutem. Haec ad te mea manu. uide, quaeso, quid agendum sit. Vale.

CICERO S. D. ATTICO. 31

PUBLILIA ad me scripsit, matrem suam cum Publilio loqui, eam ad me cum illo uenturam, & se una, si ego paterer. orat multis, & supplicibus uerbis, ut liceat, & ut sibi rescribam. res quam molesta sit, uides. rescripsi, me etiam grauius esse affectum, quam tum, cum illi dixissem, me solum esse uelle; quare nolle me hoc tempore eam ad me uenire. putabam, si nihil rescripisssem, illa cum matre uenturam: nunc non puto. apparebat enim illas litteras non illius esse. illud autem, quod fore uideo, ipsum uolo uitare, ne illae ad me ueniant. &

FF 2 una

una est uitatio: & ego nollem: sed necesse est. te hoc nunc rogo, ut explores, ad quam diem hic ita possum esse, ut ne opprimar. ages, ut scribis, temperate. Ciceroni uelim hoc proponas, (ita tamen, si tibi non iniquum uidebitur) ut sumptus huius peregrinationis (quibus, si Romae esset, domumq. conduceret, quod facere cogitabat, facile contentus futurus erat) accommodet ad mercedes Argileti, & Auentini. & cum ei proposueris: ipse uelim reliqua moderere, quemadmodum ex his mercedibus suppeditemus ei quod opus sit. praeſtabo, nec Bibulum, nec Acidinum, nec Messallam, quos Athenis futuros audio, maiores sumptus facturos, quam quod ex eis mercedibus recipietur. itaque uelim uideas, primum, conductores qui sint, & quanti; deinde, ut sit, qui ad diem soluat; & quid uiatitici, quid instrumenti satis sit. iumento certe Athenis nihil opus sit, quibus autem in uia utatur, domi sunt plura. quam opus erat: quod etiam tu animaduertis. Vale.

CICERO S. D. ATTICO. 8

EGO, ut heri ad te scripsi, si & Silius is fuerit, quem tu putas, nec Drusus facilem se praebuerit, Damasippum uelim aggrediare. is, opinor, ita partes fecit in ripa nescio quotenorum iugerum, ut certa pretia cōstitueret; quae mihi nota non sunt. scribes ad me igitur, quidquid egeris. Vehementer me sollicitat Atticae nostrae ualetudo; ut uerear
etiam,

etiam, ne qua culpa sit. sed & paedagogi probitas,
& medici assiduitas, & tota domus in omni genere
diligens me rursus id suspicari uetat. cura igitur.
plura enim non possum. Vale.

CICERO S. D. ATTICO. 33

E GO hic uel sine Sica (Tironi enim melius
est) facillime possem esse, ut in malis: sed, cum
scribas uidendum mihi esse, ne opprimar; ex quo
intelligam, te certum illius profectiois diem non
habere; putavi esse commodius. me istuc uenire,
quod idē uideo tibi placere. cras igitur in Sicae sub-
urbano: inde, quemadmodum suades, puto me in
Ficulensi fore. quibus de rebus ad me scripsisti, quo-
niam ipse uenio, coram uidebimus. tuam quidem
& in agendis nostris rebus, & in consilijs ineundis;
mihique dandis, in ipsis litteris, quas mittis, benuo-
lentiam, diligentiam, prudentiam mirice diligo.

CICERO S. D. ATTICO. 34

Tamen, si quid cum Silio, uel illo ipso die,
quo ad Sicam uenturus ero, certiore me uelim fa-
cias, & maxime cuius loci detractionem fieri uelit.
quod enim scribis, extremi, uide; ne is ipse locus
sit, cuius causa de tota re, ut scis est, a nobis cogi-
tatum. Hirtiij epistolam tibi misi, & recentem, &
beneuole scriptam. Ante, quam proxime discessi,
numquam mihi uenit in mentem, quo plus insum-
ptum in monumentum esset, quam nescio quid,

quod lege conceditur tantundem populo dandum
 esse: quod non magnopere moueret, nisi nescio quo
 modo, *ἀλόγως* fortasse, nollem illud ullo nomine,
 nisi fani, appellari, quod si uolumus; uereor, ne as-
 sequi non possimus, nisi mutato loco. hoc quale sit,
 quaeso considera. nam etsi minus urgeor, meq. ipse
 propemodum collegi: tamen indigeo tui consilij.
 itaque te uehementer etiam atque etiam rogo, ma-
 gis quam a me uis, aut pateris te rogari, ut hanc
 cogitationem toto pectore amplectare. Vale.

CICERO S. D. ATTICO.

35

FANVM fieri uolo; neque hoc mihi erui potest:
 sepulcri similitudinem effugere, non tam propter
 poenam legis studeo, quam ut maxime assequar
ἀποθέωσιν: quod poteram, si in ipsa uilla facerem:
 sed, ut saepe locuti sumus, commutationes domino-
 rum reformido. in agro ubicumque fecero, mihi ui-
 deor assequi posse, ut posteritas habeat religionem.
 hae meae tibi ineptiae (fatebor enim) ferēdae sunt.
 non habeo, ne me quidem ipsum, quicum tam au-
 daeler communicem, quam te. si tibi res, si locus,
 si institutum placet, lege, quaeso, legem, mihiq. eam
 mitte. si quid in mentem ueniet, quo modo eum ef-
 fugere possimus; utemur. Ad Brutum si quid scri-
 bes, nisi alienum putabis, obiurgato eum, quod in
 Cumano esse noluerit propter eam causam, quam
 tibi dixi. cogitanti enim mihi, nihil tam uidetur po-
 tuisse facere rustice. Et, si tibi placebit sic agere de
 fano,

fano, ut coepimus; uelim cohortere & exacuas Cluatium. nam etiam si alio loco placebit; illis nobis opera, consilioq. utendum puto. Tu ad uillam fortasse cras. Vale.

CICERO S. D. ATTICO. 26

A TE heri duas epistolas accepi, alteram pri die datam Hilario, alteram eodem die tabellario: accepiq. ab Aegyptia litteras eodem die, Piliam, & Atticam plane belle se habere. tuae litterae mihi redditae sunt tertiodecimo die. Quod mihi Bruti litteras, gratum. ad me quoque misit. eam ipsam ad te epistolam misi, & ad eam exemplum mearum litterarum. De fano, si nihil mihi hortorum inuenis; qui quidem tibi inueniendi sunt, si me tanti facis, quanti certe facis; ualde probo rationem tuam de Tusculano. quamuis prudens ad cogitandum sis, sicut es: tamen, nisi magnae curae tibi esset, ut ego consequerer id, quod magnopere uellem, numquam ea res tibi tam belle in mentem uenire potuisset. sed nescio quo pacto celebritatem requiro: itaque hortos mihi conficias, necesse est. maxima est in Scapulae celebritas, propinquitas praeterea ubi sis, ne totum diem in uillam. quare, antequam discedit, Othonem, si Romae est, conuenias peruelim. si nihil erit, etsi tu meam stultitiam consuefli ferre, eo tamen progrediar, ut mihi stomachere. Drusus enim certe uendere uult. si ergo aliud erit, non mea erit culpa, nisi cmero? qua in re ne labar,

FF 4 quac-

quaeso prouide. prouidendi autem una ratio est, si quid de Scapulanis possumus. Et uelim me certiorrem facias, quam diu in suburbano sis futurus. Apud Terentiam gratia opus est nobis, tuaque auctoritate, sed facies, ut uidebitur. scio enim, si quid mea interfit, tibi maiori curae solere esse, quam mihi. Hirtius ad me scripsit, Sex. Pompeium Corduba exisse, & fugisse in Hispaniam citeriorem, Cnaeum fugisse nescio quo: neque enim curo: nihil praeterea. noui litteras Narbone dedit xiv. kal. Mai. Tu mihi de Caninij naufragio, quasi dubia re, misisti. scribas igitur, si quid erit certius. Quod me a maeslitia auocas, multum proficies, si locum sano dederis. multa mihi eius ἀπορίων in mentem ueniunt: sed loco ualde opus est. quare etiam Othonem uide. Vale.

CICERO S. D. ATTICO, 37

NON dubito, quin occupatissimus fueris, qui ad me nihil litterarum. sed homo nequam, qui tuum commodum non expectarit, cum ob eam unam causam missus esset. nunc quidem, nisi quid te tenuit, suspicor esse in suburbano. at ego hic, scribendo dies totos, nihil equidem leuor, sed tamen aberro. Asinius Pollio ad me scripsit de impuro nostro cognato. quod Balbus minor nuper satis plane, Dolabella obscure, hic apertissime. ferrem grauiter, si nouae aegrimoniae locus esset. sed tamen quid impurius? o hominem cauendum: quamquam mihi quidem.

dem. sed tenendus dolor est. Tu, quoniam necesse nihil est, sic scribes aliquid, si uacabis. Quod putas oportere prouideri iam animi mei firmitatem, grauiusq. quosdā scribis de me loqui, quam aut te scribere, aut Brutum: si, qui me fractum animo, & debilitatum putant, sciant, quid litterarum, & cuius generis conficiam; credo, si modo homines sint, existiment me, siue ita lenatus sim, ut animum uacuum ad res difficiles scribendas asseram, reprehendendum non esse; siue hanc aberrationem a dolore delegerim, quae maxime liberalissima, doctoq. homine dignissima, laudari etiam oportere. sed, cum ego faciā omnia, quae facere possim ad me adiuvandum; tu effice id, quod uideo te non minus, quam me, laborare. hoc mihi debere uideor, neque lenari posse, nisi soluero, aut uidero me posse soluere, id est locum, qualem uolo, inuenero. Heredes Scapulae si istos hortos, ut scribis tibi Othonem dixisse, partibus quattuor faētis, liceri cogitant: nihil est scilicet emptori loci. sin uenibunt: quid fieri possit, uidebimus. nam ille locus publicatus, qui est Trebonij, & Cusini, erat ad me allatus. sed scis aream esse. nullo pacto probo. Cle diae sane placent; sed non puto esse uenales. De Drusi hortis, quamuis ab ijs abhorreas, ut scribis; tamen eo confugiam, nisi quid inueneris. aedificatio me nō mouet. nihil enim aliud aedificabo, nisi id, quod etiam si illos non habuero. Kόπιος mihi sic placuit, ut cetera Antisthenis, hominis acuti magis, quam eruditi. Vale.

CICERO S. D. ATTICO. 38

TABELLARIUS cum ad me sine litteris tuis uenisset, existimaui, tibi eam causam non scribendi fuisse, quod pridie scripsisses ea ipsa, ad quae rescripsi hac epistola. exspectaram tamen aliquid de litteris Asinij Pollionis. sed nimium ex meo otio tuum spectro. quamquam tibi remitto, nisi quid necesse erit, necesse ne habeas scribere, nisi eris ualde otiosus. Detabellarijs facerem, quod suades, si essent ullae necessariae litterae, ut erant olim, cum, breuioribus diebus, tamen quotidie respondebant tempori tabellarij. & erat aliquid, Silius, Drusus, alia quaedam. nunc, nisi Otho extitisset, quid scriberemus, non erat. id ipsum dilatum est: tamen alleuor, cum loquor tecum absens, multo etiam magis, cum tuas litteras lego. sed quoniam & abes; (sic enim arbitror) & scribendi necessitas nulla est, conquiescent litterae, nisi quid noui extiterit. Vale.

CICERO S. D. ATTICO. 39

QUALIS futura sit Caesaris uituperatio contra laudationem meam, perspexi ex eo libro, quem Hirtius ad me misit, in quo colligit uitia Catonis, sed cum maximis laudibus meis. itaque misi librũ ad Muscam, ut tuis librarijs daret. uolo enim eum diuulgari: quod quo facilius fiat, imperabis tuis. συμβουλῶν saepe conor: nihil reperio: & quidem mecum habeo. & Ἀριστοτέλους, & Θεοπόμου

ἔπος Ἀλέξανδρον: sed quid simile? illi, quae & ipsis
 honesta essent, scribebant, & grata Alexandro.
 ecquid tu eiusmodi reperis? mihi quidem nihil in
 mentem uenit. Quod scribis te uereri, ne & gra-
 tia, & auctoritas nostra hoc meo maerore minua-
 tur: ego, quid homines aut reprehendat, aut po-
 stulent, nescio; ne doleam? qui potest? ne iaccam?
 quis umquam minus? dum tua me domus leua-
 bat, quis a me exclusus? quis uenit, qui offenderet-
 tur? Asturam sum a te profectus. legere isti leti,
 qui me reprehendunt, tam multa non possunt, quam
 ego scripsi. quam bene, nihil ad rem. sed genus scri-
 bendi id fuit, quod nemo abiecto animi facere pos-
 set. triginta dies in hortis fui. quis aut congressum
 meum, aut facilitatem sermonis desiderauit? nunc
 ipsum, ea lego, ea scribo, ut ijs, qui mecum sunt,
 difficilius otium ferant, quam ego laborem. si quis
 requirit, cur Romae non sim: quia discessus est: cur
 non sim in his meis praediolis, quae sunt huius tēpo-
 ris: quia frequentiam illam non facile ferrem. ibi
 sum igitur, ubi is, qui optimas Baias habebat, quo-
 tannis hoc tempus consumere solebat. cum Romam
 uenero, nec uultu, nec oratione reprehendar. hila-
 ritatem illam, qua hanc tristitiam temporum con-
 diebamus, in perpetuum amisi. constantia, & fir-
 mitas nec animi, nec orationis requireretur. De hor-
 tis Scapulanis hoc uidetur effici posse, aliud tua gra-
 tia, aliud nostra, ut praeconi subijciantur. id nisi fit,
 excludemur. sin ad tabulam uenimus, uincemus
 facul-

facultates Othonis nostra cupiditate. Nam quod ad me de Lentulo scribis, non est in eo. Faberianas modo res certa sit; tuque enitare, quod facis: quod uolumus, consequemur. Quod quaeris, quam diu hic: paucos dies: sed certum non habeo: simul ac constituero, ad te scribam: et tu ad me, quam diu in suburbano sis futurus. quo die ego ad te haec misi, de Pilia, & Attica mihi quoque eadem, quae scribis, & scribuntur, & nunciantur. Vale.

CICERO S. D. ATTICO. 40

NIHIL erat, quod scriberem: scire tamen uolebam, ubi esses; si abes, aut absuturus es, quando rediturus esses, facias igitur me certiozem. Et quod tu scire uolebas, ego quando ex hoc loco: postridie iduum Ianuarij contistui manere, inde postridie in Tusculano, aut Romae. utrum sim factururus, eo ipso die scies. Scis, quam sit φιλαίτιον σύμφορον, mini me in te quidem: sed tamen auide sum affectus de fano: quod nisi, non dico, effectum erit sed fieri uidero; audebo hoc dicere, & tu, ut soles, accipies; incurfabit in te dolor meus, non iure ille quidem sed tamen feres hoc ipsum quod scribo, ut omnia mea fers, ac tuliisti. omnes tuas consolationes unam hanc in rem uelim conferas. si quaeris, quid optem: primum Scapulae, deinde Clodiae, postea, si Silius nolit, Drusus aget iniuste, Cusini, & Trebonij. puto Terentium esse dominum, Rebilum fuisse certo scio. sin autem tibi Tusculanum placet, ut signifi-

casti

casti quibusdam litteris : tibi assentiar . hoc quidem utique perficies , si me leuari uis ; quem iam etiam grauius accusas , quam patitur tua consuetudo : sed facis summo amore , & uictus fortasse uitio meo : sed tamen , si me leuari uis , haec summa leuatio , uel , si uerum scire uis , una . Hirtij epistolam si legeris , quae mihi quasi *ἐπιπλάσμα* uidetur eius uituperationis , quam Caesar scripsit de Catone ; facias me , quid tibi uisum sit , si tibi erit commodum , certior . Redeo ad sanum . nisi hac aestate absolutum erit , quam uides integram restare ; scelere me liberatum non putabo . Vale .

CICERO S. D. ATTICO. 41

NVL LVM a te desiderauī diem litterarum . ui debam enim quae scribis : & tamen suspicor , uel potius intelligebam , nihil fuisse , quod scriberes . ad VI. id. uero & abesse te putabam , & plane uidebam , nihil te habere . ego tamen ad te fere quotidie mittam . malo enim frustra , quam te non habere , cui des ; si quid forte sit , quod putes me scire oportere . itaque accepi VI. id. litteras tuas inanes . quid enim habebas , quod scriberes ? mihi tamen illud , quidquid erat , non molestum fuit , nihil aliud scire me , noui te nihil habere . scripsisti tamen nescio quid de Clodia . ubi ergo ea est , aut quando uentura ? placet mihi res sic , ut secundum Othonem nihil magis . sed neque hanc uendituram puto : delectatur enim , & copiosa est : & illud alterum quam sit

fit, difficile, te non fugit. sed obsecro enitamur, ut aliquid ad id, quod cupio, excogitemus. Ego me hinc postridie exiturum puto, sed aut in Tusculanum, aut domum, inde fortasse Arpinum. cum certum sciero, scribam ad te. Venerat mihi in mentem monere te, ut id ipsum, quod facis, faceres. putabam enim commodius te idem istud domi agere posse, interpellatione sublata. Vale.

CICERO S. D. ATTICO. 42

Ego postridie iduum, ut scripsi ad te ante, Lanuvij manere constitui, inde aut Romae, aut in Tusculano. scies ante utrumque. Quod scies recte illam rem fore levamento; bene facis; cum id esset, mihi crede, perinde, ut existimare tu non posses. res indicat, quantopere id cupiam, cum tibi audeam confiteri, quem id non ita valde probare arbitrer. sed ferendus tibi in hoc meus error: ferendus? immo uero etiam adiuuandus. De Othone, diffido, fortasse quia cupio: sed tamen maior etiam res est quam facultates nostrae, praesertim aduersario & cupido, & locuplete, & herede. Proximum est, ut uelim Clodiae, si ista minus confici possunt, effice quiduis. ego me maiore religione, quam quisquam fuit ullius uoti, obstrictum puto. uidebis etiam Trebonianos: etsi absunt domini. sed, ut ad te heri scripsi, considerabis etiam de Tusculano: ne aestas effluat: quod certe non est committendum. Vale.

CICERO

ET Hirtium aliquid ad te συμπαθῶς de me scripsisse, facile patior; (fecit enim humane) & te eius epistolam ad me non misisse, multo facilius: tu enim etiam humanius. Illum librum, quem ad me misit de Catone, propterea uolo diuulgari ab tuis, ut ex istorum uituperatione sit illius maior laudatio. Quod per Mustellam agis; habes hominem ualde idoneum, meiq. sane studiosum iam inde a Pontiano. perfice igitur aliquid: quid autem aliud, nisi ut aditus sit emptori? quod per quemuis heredem potest effici. sed Mustellam id perfecturum, si rogaris, puto. Mihi uero & locum, quem opto, ad id, quod uolumus, dederis, & praeterea ἑγνύματα. Nam illa Sily, & Drusi non satis οἰκονομικὰ mihi uidentur. quid enim sedere totos dies in uilla ista? igitur malim primum Othonis, deinde Clodiae. si nihil fiet: aut Druso ludus est suggerendus, aut utendum Tusculano. Quod domi te inclusisti, ratione fecisti: sed quaeso confice, et te uacuum redde nobis. Ego hinc, ut scripsi antea, postridie idus Ianuarium, deinde postridie in Tusculano. contudi enim animum, & fortasse uici, si modo permansero. scies igitur fortasse cras, summum perendie. Sed quid est quaeso? Philotimus nec Cartini Pompeium teneri, * (qua de re litterarum ad Clodium Patavinum missarum exemplum mihi Oppius, & Balbus miserant, se id factum arbitrari) bellumq. narrat reliquum

quum satis magnum. solet omnino esse Fuluiaster : sed tamen , si quid habes . uolo etiam scire de naufragio Caniniano , quid sit . Vale .

CICERO S. D. ATTICO. 44

E G O hic duo magna συντάγματα absolui . nullo enim alio modo a miseria quasi aberrare possum . tu mihi , etiam si nihil erit , quod scribas , quod fore ita uideo ; tamen id ipsum scribas uelim , te nihil habuisse , quod scriberes , dum modo ne his uerbis . De Attica , optime . Ἀνδρία tua me mouet : etsi scribis nihil esse . In Tusculano eo commodius ero , quod & crebrius tuas litteras accipiam , & te ipsum non numquam uidebo . nam ceteroqui ἀρεστότερα erant Asturæ : nec , quæ refricant , hic me magis angunt . etsi tamen , ubicumque sum , illa sunt mecum . De Caesare uicino scripseram ad te , quia cognoram ex tuis litteris . eum οὐνόμαον Quirini malo , quam Salutis . Tu uero peruulga Hirtium . id enim ipsum putaram , quod scribis ; ut , cum ingenium amici nostri probaretur , ὑπόδικος uituperandi Catonis irrideretur . Vale .

CICERO S. D. ATTICO. 45

V I N C A M , opinor , animum , & Lanuuium pergam in Tusculanum . aut enim mihi in perpetuum fundo illo carendum est : (nam dolor idem manebit , tantum mediocrius) aut nescio quid intersit , utrum illuc nunc ueniam , an ad decem annos . neque enim

enim ista maior admonitio, quam quibus assidue conficior & dies, & noctes. quid ergo, inquires, nihil litterae? in hac quidem re, uereor, ne etiam contra. nam essem fortasse durior. exulto enim animo nihil agreste, nihil inhumanum est. Vale.

CICERO S. D. ATTICO.

46

TV igitur, ut scripsisti, nec id incommodo tuo. uel binae enim poterunt litterae. occurram etiam, si necesse erit. ergo id quidem, ut poteris. De Mustella, ut scribis. etsi magnum opus est. eo magis de labor ad Clodium: quamquam in utroque Faberionum nomen explorandum est. de quo, nihil nocuerit, si aliquid cum Balbo eris locutus, & quidem, ut res est, emere nos uelle, nec posse sine isto nomine, nec audere incerto. sed quando Clodia Romae futura est, & quia tanti rem aestimas; eo prorsus specto; non quid illud malim; sed & magna res est, & difficile certamen cum cupido, cum locuplete, cum herede. etsi de cupiditate nemini concedam: ceteris rebus infirmiores sumus. sed haec coram. Hirtij librum, ut facis, diuulga. De Philotimo, idem & ego arbitrabar. Domum tuam pluris uideo futuram uicino Caesare. Tabellarium meum hodie exspectamus. nos de Pilia, et Attica certiores facit. Vale.

CICERO S. D. ATTICO.

47

DOMI te libenter esse, facile credo: sed uelim scire, quid tibi restet, aut iam ne confecerim. ego te

GG in

in Tusculano exspecto, eoq. magis, quod Tirōni statim te uenturum scripsisti, & addidisti, te putare opus esse. sentiebam omnino, quantum mihi praesens prodesse; sed multo magis post discessum tuum sentio. quamobrem, ut ante ad te scripsi, aut ego ad te totus, aut tu ad me, quot licebit. Vale.

CICERO S. D. ATTICO. 48

HERI non multo post, quam tu a me discessisti, puto, quidam urbani, ut uidebantur, ad me mandata, & litteras attulerunt a C. Mario C. F. eum multis uerbis agere mecum per cognationem, quae mihi secum esset, per eum Marium, quem scripsissem, per eloquentiam L. Crassi, cui sui, ut se defenderem: causamq. suam mihi perscripsit. rescripsi, patrono illi nihil opus esse, quoniam Caesaris, propinqui eius, omnis potestas esset, uiri optimi, & hominis liberalissimi: me tamen ei futurum. O tempora: fore, cum dubitet Curtius consulatum petere? Sed haec haecenus. De Tirone mihi curae est: sed iam sciam, quid agat. heri enim misi, qui uideret: cui etiam ad te litteras dedi. Epistolam ad Caesarem tibi misi. Horti quam in diem proscripti sint, uelim ad me scribis. Vale.

CICERO S. D. ATTICO. 49

UT me leuarat tuus aduentus, sic discessus afflixit: quare, cum poteris, id est cum Sexti auctioni operam dederis, renises nos. uel unus dies mihi erit utilis, quid dicam, gratus? ipse Romam uenirem

rem, ut una essemus, si satis consilium quadam de
re haberem. Vale

CICERO S. D. ATTICO. 50

TIRONEM habeo citius, quam uerebar. ue-
nit etiam Nicias: & Valerium hodie audiebam es-
se uenturum. quamuis multi sint, magis tamen ero
solus, quam si unus esses. sed exspecto te a Peducaeo
utique. tu autem significas aliquid, etiam ante ue-
rum id quidem, ut poteris: De Virgilio, ut scribis.
hoc tamen uelim scire, quando auctio. Epistolam ad
Caesarem mitti, uideo tibi placere. quid quaeris?
mihi quoque idem maxime placuit, & eo magis,
quod nihil est in ea, nisi optimi cuius, sed ita optimi
ut tempora, quibus parere omnes πολιτικοὶ praeci-
piunt. sed scis nobis esse uisum, ut istrante legerent.
tu igitur id curabis. sed, nisi plane ijs intelliges pla-
cere, mittenda non est. id autem utrum illi sentiant,
an uero simulent, tu intelliges. sed mihi simulatio
pro repudiatione fuerit, τοῦτο δὲ μὴ θέλω. De Cae-
rellia quid tibi placeret, Tiro mihi narrauit: debe-
re, non esse dignitatis meae: per se tibi placere:
hoc metuere, alterum in metu non ponere.
sed & haec, & multa alia coram sustinenda sa-
men, si tibi uidebitur, solutio est nominis Caerellia-
ni, dum & de Metone, & de Faberio sciam. Vale.

CICERO S. D. ATTICO. 51

L. TVLLIVM Montanum nosti, qui cum Ci-
cerone

cerone profectus est. ab eius sororis uiro litteras accepi, Montanum Planco debere, quod praes pro Flaminio sit, HS xx; de ea re nescio quid te a Montano rogatum. sane uelim, siue Plancus est rogandus, siue qua re potes illum iuuare, iuues. pertinet ad nostrum officium. si res tibi forte notior est, quam mihi; aut si Plancum rogandum putas; scribes ad me uelim; ut, quid rei sit, & quid rogandum, sciam. De epistola ad Caesarem quid egeris, exspecto. De Silio, non ita sane laboro. tu mihi aut Scapulanos, aut Clodianos efficias, necesse est. sed nescio quid uideris dubitare de Clodia; utrum, quando ueniat, an, sint ne uenales? Sed quid est, quod audio, Spintherem fecisse diuortium? De lingua latina securi es animi, dices, qui talia conscribis. ἀπρόσφορα sunt: minore labore fiunt: uerba tantum affero, quibus abundo. Vale.

CICERO S. D. ATTICO.

52

EGO, etsi nihil habeo, quod ad te scribam, scribo tamen, quia tecum loqui uideor. Hic nobiscum sunt Nicias, & Valerius. hodie tuas, litteras exspectabamus matutinas. erunt fortasse alterae pomeridianae, nisi te Epiroticae litterae impediant: quas ego non interpello. Misi ad te epistolas ad Maritianum, & ad Montanum, eas in eundem fasciculum uelim addas, nisi forte iam dedisti. Vale.

M. TVL-

M. TVLLII CICERONIS
EPISTOLARVM AD

T. POMPONIVM ATTICVM

LIBER XIII.

CICERO S. D. ATTICO.

A D CICERONEM ita scripsisti, ut ne-
que seuerius, neque temperatius scribi
potuerit, nec magis quam quemadmo-
dum ego maxime uellem. prudentissi-
me etiam ad Tullios. quare aut ista proficient, aut
aliud agamus. De pecunia uero, uideo a te omnem
diligentiam adhiberi, uel potius iam adhibitam: et,
si efficis, a te hortos habebō. nec uero ullum genus
possessionis est, quod malim, maxime scilicet ob eam
causam, quae suscepta est; cuius seclinationem mihi
tollis, quoniam de aestate polliceris, uel potius reci-
pis: deinde etiam ad καταλιπον, maestitia mq. in-
nuēdam nihil mihi reperiri potest aptius. cui rei
cupiditas impellit me interdum, ut te hortari uelim.
sed me ipse reuoco. non enim dubito, quin, quod me
ualde uelle putes, in eo tu me ipsum cupiditate uin-
cas. itaque istuc iam profecto habeo: Exspecto. quid
istis placeat de epistola ad Caesarem. Nicias te, ut
debet, amat, uehementerq. tua sui memoria delecta-
tur. Ego uero Paeducaem nostrū uehemēter diligo.
nam et quāti patrem feci, totum in hunc: ipsum per
se aeque amo, atque illum amaui, te uero plurimū,

qui hoc ab utroque nostrum fieri uelis. Si hortos inspexeris, etsi de epistola certiore me feceris, dederis mihi quod ad te scribam: sin minus, scribam tamen aliquid: numquam enim deerit. Vale.

CICERO S. D. ATTICO. 2

GRATIOR mihi celeritas tua, quam ipsa res. quid enim indignius? sed iam ad ista obduruimus, & humanitatem omnem exuimus. Tuas litteras hodie exspectabam, nihil equidem ut ex ijs noui: quid enim? uerumtamen. Oppio, et Balbo epistolas deferri iubebis: & tamen Pisonem sicubi de auro. Faberius uenerit, uidebis, ut tantum attribuat, si modo attribuetur, quantum debetur. accipies ab Erote. Ariarathes Ariobarzani filius Romam uenit. uult, opinor, regnum aliquod emere a Caesare. nam, quo modo nunc est, pedem ubi ponat in suo, non habet. omnino eum Sextius noster parochijs publicis occupauit: quod quidem facile patior. uerumtamen, quod mihi, summo beneficio meo, magna cum fratribus illius necessitudo est, inuito eum per litteras, ut apud me diuersetur. ad eam rem cum mitterem Alexandrum, has ei dedi litteras. Cras igitur auctio Peducaei: cum poteris ergo: etsi impedit fortasse Faberius: sed tamen, cum licebit. Dionysius noster grauer queritur, et tamen iure, a discipulis abesse tam diu. multis uerbis scripsit ad me, credo item ad te. mihi quidem uidetur etiam diutius absuturus. ac nollem: ualde enim hominem desidero. Vale.

CICERO

CICERO S. D. ATTICO, 3

A TE litteras expectabam, non dum scilicet: nam has mane rescribebam. Ego uero ista omnia sic probo, ut nihil aliud me moueat, nisi quod tu uideris dubitare. illud enim non accipio in bonam partem, quod ad me refers. quid? ipse negotium meum gererem, nisi consilio tuo? sed tamen intelligo, magis te id facere diligentia, qua semper uteris, quam quod dubites de nominibus istis. etenim Coelium nō probas: plura non uis. utrumque laudo: his igitur inēdum est. praes aliquando factus esset, in his quidem tabulis. a me igitur omnia, quod dies longiores: teneamus modo, quod uolumus. puto fore istam etiam a praecone diē, certe ab heredibus. De Crispo, & Muslela uidebis: & uelim scire, quae sit pars duorum. De Brui aduentu erā factus certior. attulerat enim ab eo Aegypti libertus litteras. mihi si ad te epistolam, quia commode scripta erat. Vale.

CICERO S. D. ATTICO. 4

HABEO munus a te elaboratum decem legatorum. & quidem puto. nam filius anno post quaestor fuit, quam consul Mummius. sed quoniam saepius de nominibus quaeris quid placeat: ego quoque tibi saepius respondeo, placere. Si quid poteris cum Pisone, conficies: Aulus enim uidetur in officio futurus. uelim ante possis: si minus, utique simul, cum Brutus ueniet in Tusculanum. magni interest

G. G. 4 mea,

mea, una nos esse - scies autem, qui dies is futurus sit, si puerò negotium dederis, ut qua erat. Spiritum Mammium putaram in deeem legatis fuisse: & uidelicet: etenim *Δολορον* fratri fuisse: fuit etenim ad Corinthum.

CICERO S. D. ATTICO. 5

MISI tibi Torquatum. colloquere tu quidem cum Silio, ut scribis, & urge. illam diem negabat esse mense Maio, ista negabat. sed tu, ut omnia, istuc quoque ages diligenter. De Crispo, & Mustela scilicet, cum quid egeris. Quoniam ad Bruti aduentum fore te nobiscum polliceris, satis est, praesentim cum hi tibi dies in magno nostro negotio consumantur.

CICERO S. D. ATTICO. 6

DE aquae ductu probe fecisti. columnarium, uide, ne nullum debeamus. quamquam mihi uideor audisse a Camillo, commutatam esse legem. Pisoni, quid est, quod honestius respondere possimus, quam solitudinem Catonis? nec coheredibus solum Herennianis, sed etiam, ut scis (tu enim mecum egisti) de puero Lucullo: quam pecuniam tutor (nam hoc quoque ad rem pertinet) in Achaia sumpserat. sed agit liberaliter, quoniam negat se quidquam facturum contra nostram uoluntatem. coram igitur, ut scribis, constituerimus, quemadmodum rem explicemus. Quod reliquos coheredes conuenisti, plane bene. Quod epistolam meam ad Brutum poscis, non habeo

habeo eius exemplum, sed tamen saluum est, & ait Tiro te habere oportere, & ut recordor, una cum illius obiurgatoria tibi meam quoque, quam ad eum rescripseram, misi. Iudiciali molestia ut caream, ui debis. Tuditanum istum, proauum Hortensii, plane non noram; & filium, qui tum non potuerat esse legatus, fuisse putaram. Mumminum fuisse ad Corinthum, pro certo habeo. saepe enim hic Spurius, qui nuper est * epistolae mihi pronuntiabat uersiculis facietis ad familiares missas a Corintho. sed non dubito, quin fratri fuerit legatus, non in decem. atque hoc etiam accepi, non solitos maiores nostros legare in decem, qui essent imperatorum necessarii, ut nos, ignari pulcherrimorum institutorum, aut negligētes potius, M. Lucillum, & L. Muraenam, & ceteros ad L. Lucillum misimus. illudq. *Ἐλογώτατον*, illum fratri in primis eius legatis fuisse. Vale.

CICERO S. D. ATTICO. 7

OPERAM tuam multum, qui & haec cures, & mea expedias, & sis in tuis multo minus diligens, quam in meis. Sextius apud me fuit, et Theopompus pridie: uenisse a Caesare narrabat litteras: hoc scribere, sibi certum esse Romae manere; causamq. eā adscribere, quae erat in epistola nostra, ne se absente leges suae negligerentur, sicut esset neglecta sumptuaria. est *Ἐλογον*: idq. eram suspicatus. sed istis mos gerendus est; nisi placet hanc ipsam

eam sententiam nos persequitur Lentulum cum Metella fecisse diuortium: haec omnia tu melius. rescribes igitur quidquid uoles, dum modo quid. iam enim non reperio, quid te rescripturum putem, nisi forte de Mustela, aut si Silium uideris: Brutus heri uenit in Tusculanum post horam decimam. hodie igitur me uidebit: ac uellem, cum tu adesses. nisi equidem ei nunciari, te, quoad potuisses, expectasse eius aduentum, uenturumque, si audisses, meque, ut facio, continuo te certiores esse facturum. Vale.

CICERO S. D. ATTICO. 8

PLANE nihil erat, quod ad te scriberem. modo enim discesseras, et paullo post triplices remiseras. uelim cures fasciculum ad Vestorium deferendum: & alicubi des negotium, qui quaerat, Q. Faberij fundus num quis in Pompeiano, Nolano uenalis sit. Epitomen Bruti Coelianorum uelim mihi mittas, & a Philoxeno Παλαιῶν καὶ ὁπορίας. Te idibus uidebo cum tuis. Vale.

CICERO S. D. ATTICO. 9

COMMODOVM discesseras heri, cum Trebatius uenit, paullo post Curtius, hic salutandi causa, sed mansit inuitatus. Trebatium nobiscum habemus. hodie mane Dolabella. multus sermo ad multum diem. nihil possum dicere ἐκτενέστερον, nihil φιλοσοφώτερον, uentum est tamen ad Quinctum. multa ἄφρατα, ἀδιήγτητα, sed unum eiusmodi, quod, nisi

ni si exercitus sciret, non modo Tironi dictare, sed ne ipse quidem auderem scribere. sed haecenus, d'xi p'us ad me uenit, cum haberem Dolabellam, Torquatus; humanissimeque Dolabella, quibus uerbis secum egissem, exposuit. commodum enim egeram diligentissime. quae diligentia grata est uisa Torquato. A te exspecto, si quid de Bruto. quamquam Nicias confectum putabat, sed diuortium non probari. quo etiam magis laboro idem, quod tu. si quid est enim offensionis, haec res mederi potest. mihi Arpinum eundem est. nam & opus est constitui a nobis illa praediola: & uereor, ne exeundi potestas non sit, cum Caesar uenerit: de cuius aduentu eam opinionem Dolabella habet, quam tu coniecturam faciebas ex litteris Messallae. cum illuc uenero, intellexeroq. quid negotij sit; tum, ad quos dies reditorus sim, scribam ad te. Vale.

CICERO S. D. ATTICO. IO

MINIME miror, te & grauiter ferre de Marcello, & plura uereri periculi genera. quis enim hoc timeret, quod neque acciderat antea, nec uidebatur natura ferre, ut accidere posset? omnia igitur metuenda. sed illud παρὰ τῆς ἰσότητος tu, praesertim me reliquum consularum. quid tibi Seruius, quid uidetur? quamquam hoc nullam ad partem ualet scilicet, mihi praesertim, qui non minus bene aetum cum illis putem. quid enim sumus? aut quid esse possumus? domi ne, an foris? quod nisi hoc mihi

hi uenisset in mentem, scribere ista nescio quae; quou-
 uerterem me, non haberem. ad Dolabellam, ut scri-
 bis. ita puto faciendum, καὶ ἄλλα quaedam, & πο-
 λὺν ἄλλα. faciendum certe aliquid est. ualde enim
 desiderat. Brutus si quid, curabis ut sciam. cui qui-
 dem quamprimum agendum puto, praesertim si sta-
 tuit. fermunculum enim omnem aut restinxerit, aut
 sedarit. sunt enim, qui loquantur etiam mecum,
 Sed haec ipse optime, praesertim si etiam tecum lo-
 quetur. Mihi est in animo proficisci xi. kal. hic e-
 nim nihil habeo quod agam, ne hercule illic quidem
 nec usquam, sed tamen illic. Hodie Spintherem ex-
 specto. misit enim Brutus ad me: per litteras purgat
 Caesarem de interitu Marcelli: in quem, ne si insi-
 dijs quidem ille interfectus esset, caderet ulla suspi-
 cio. nunc uero, cum de Magio constet, non ne furor
 eius omnem causam sustinet? plane, quid sit, non
 intelligo. explanabis igitur. quamquam nihil habeo,
 quod dubitem, nisi, ipso Magio quae fuerit causa
 amentiae; pro quo quidem etiam sponsor factus est.
 nimirum id fuit. soluendo enim non erat. credo cum
 petisset a Marcello aliquid, & illum, ut erat con-
 stantius respondisse. οὐ γὰρ ὁρῶσιν. Vale.

CICERO S. D. ATTICO. 21

CREDEREM esse facile: totum est aliud, po-
 stea quam sum a te diiunctior. sed fuit faciendum, ut
 & constituerem mercedulas praediorum, & ne ma-
 gnum onus obseruantiae Bruto nostro imponerem.

post

posthac enim potuerimus cōmodius colere inter nos
in Tusculano: hoc autem tempore, cum ille me quo-
tidie uidere uellet, ego ad illum ire non possem, pri-
uabatur omni delectatione Tusculani. tu igitur, si
Seruilia uenerit, si Brutus quid egerit, etiam, si
constituerit quando obuiam, quidquid denique eris,
quod scire me oporteat, scribes. Pisonem, si pote-
ris, conuenias. uides, quam maturum sit. sed ta-
men, quod commodo tuo fiat. Vale.

CICERO S. D. ATTICO.

12

VALDE me momorderunt epistolae tuae de At-
tica nostra: eadem tamen sanauerunt. quod enim
te ipse consolabare eiusdē litteris, id mihi erat satis
firmum ad leniendam aegritudinem. Ligurianam
praeclare uendidisti. post hac quidquid scripsero, ti-
bi praeconium deferam. Quod ad me, de Varrone
scribis; scis, me antea orationes, aut aliquid id ge-
nus solitum scribere, ut Varronem nusquam possem
intexere. postea autem quam haec coepi φιλαλετώ-
τερα, iam Varro mihi denunciauerat magnum sane,
et grauem προσφάνειν. biennium praeteriit, cum
ille Καλλιπίδης assiduo cursu cubitum nullum pro-
cesserit. ego autem me parabam ad id, quod ille mi-
hi misisset, ut αὐτῷ τῷ μέτεσθαι, καὶ λῶτον, si modo po-
tuissem. nam hoc etiam Hesiodus adscribit, αἶνε-
δωμένη. nunc illam αὖτε τελεῶν σῶταξιν, sane mihi
probatam, Bruto, ut tibi placuit, despondimus.
idq. eum non nolle mihi scripsisti. ergo illam ἀλαδνη-
μικὴν,

frustra descripta sunt. multo tamen haec erunt splē
 didiora, breuiora, meliora. nunc autem ἀπορῶ,
 quo me uertam. nolo Dolabellae ualde desideranti.
 non reperio, quid: & simul ἀδύναμις. Τῶς δέ: ne-
 que, si aliquid, potero μὲν εὐχεσθαι effugere, aut cessandū
 igitur, aut aliquid ex cogitandum: sed quid haec le-
 uia curamus? Attica mea, obsecro te, quid agit?
 quae me ualde angit. sed crebro regusto tuas litte-
 ras: in his acquiesco: tamen exspecto nonas. Vale.

CICERO S. D. ATTICO. 14

BRINNII libertus, coheres noster, scripsit
 ad me, uelle, si mihi placet, coheredes, & Sabinum
 Albium ad me uenire. id ego plane nolo. hereditas
 tanti non est. & tamen obire auktionis diem facile
 poterunt, (est enim I. I. idus) si me in Tusculano
 postridie nonas mane conuenerint. quod si laxius uo-
 lent proferre diem, poterunt uel bi diuum, uel tri-
 diuum, uel ut uidebitur. nihil enim interest. qua-
 re, nisi iam profecti sunt, retinebis homines. De
 Bruto, si quid erit, de Caesare, si quid scies praete-
 rea, scribes. Illud etiam atque etiam consideres ue-
 lim placeat ne tibi mitti ad Varronem, quod scripsi-
 mus; etsi etiam ad te aliquid pertinet, nam scito, te
 ei dialogo adiunctum esse tertium. opinor igitur cō-
 sideremus. etsi nomina iam facta sunt: sed uel indu-
 ci, uel mutari possunt. Vale.

CICERO S. D. ATTICO. 15

QVID agit, obsecro te, Attica nostra? nam triduo abs te nullus acceperam: nec mirum: nemo enim uenerat: nec fortasse caussa fuerat. itaque, ipse quid scriberem, non habebam. quo autem die has Valerio dabam, expectabam aliquem meorum: qui si uenisset, & a te quid attulisset, uidebam non defuturum, quid scriberem. Vale.

CICERO S. D. ATTICO. 16

NOS cum flumina, & solitudinem seque-
mur, quo facilius sustentare nos possemus, pedem
e uilla adhuc egressi non possumus: ita magnos, & as-
siduos imbres habebamus. Illam Academicen συν-
ταξιν totam ad Varronem traduximus: modo fuit
Catuli, Luculli, Hortensij: deinde, quia τὰ παρὰ τὸ
ἐπίπλεον uidebatur, quod erat hominibus non igno-
ta, non illa quidem ἀταξία, sed in ijs rebus ἀντι-
κίεσι; simul ac ueni ad uillam, eosdem illos sermones
ad Catonem, Brutumq. transtuli. ecce tuae litterae
de Varrone. nemini uisa est aptior Ἀντιόχεια ratio.
sed tamen uelim scribas ad me, primum placeat ne
tibi aliquid ad illum; deinde, si placebit, hoc nec po-
tissimum. Quid Seruilia, iam ne uenit? Brutus
ecquid agit, ecquando? De Caesare quid auditur?
Ego ad nonas, quemadmodum dixi. Tu cum Pi-
sone, si quid poterit. Vale.

CICERO

CICERO S. D. ATTICO. 17

DE VI. *exspectabam Roma aliquid. non imperassem igitur aliquid tuis. nunc eadem illa, quid Brutus cogitet, aut si aliquid egit, & quid a Caesare. sed quid ista, quae minus curo? Attica nostra quid agat, scire cupio. etsi tuae litterae (sed iam nimis ueteres sunt) recte sperare iubent. tamen exspecto recens aliquid. Vale.*

CICERO S. D. ATTICO. 18

VIDES, propinquitas quid habet. nos uero conficiamus hortos. colloqui uidebamur, in Tusculano cum essem: tanta erat crebritas litterarum. sed id quidem iam erit, ego interea admonitu tuo perfeci sane argutulos libros ad Varronem: sed tamen exspecto, quid ad ea, quae scripsi ad te: primum qui intellexeris eum desiderare a me, cum ipse homo πολυγραφώτατος numquam me laceffisset: deinde, quem ζηλοτυπήν: multo Hortensium minus, aut eos, qui de rep. loquuntur. plane hoc mihi explices uelim: in primis, maneat ne in sententia, ut mittam ad eum, quae scripsi; an nihil necesse putes. sed haec coram. Vale.

CICERO S. D. ATTICO. 19

COMMODOVM discesserat Hilarus librarius
IV. kal. cui dederam litteras ad te, cum uenit
tabellarius cum tuis litteris pridie datis: in quibus
HH illud

illud mihi gratissimum fuit, quod Attica nostra rogat te, ne tristis sis, quodq. tu ἀκινδυνα esse scribis, Ligarianam, ut uideo, praeclare auctoritas tua commendauit. scripsit enim ad me Balbus, ac Oppius, mirifice se probare, ob eamq. causam ad Caesarem meam se oratiunculam misisse. hoc igitur idem tu mihi antea scripseras. In Varrone ista causam me non moueret, ne uiderer φιλένδοξος. sic enim constituebam, neminem includere in dialogos eorum, qui uiuerent: sed, quia scribis & desiderari a Varrone, & magni illum aestimare; eos confeci, & absolui, nescio quam bene, sed ita accurate, ut nihil posset supra: Academicam omnem quaestiones libris quattuor. in eis, quae erant contra ἀκαταληΐαν, praeclare collecta ab Antiocho, Varroni dedi: ad ea ipse respondeo: tu es tertius in sermone nostro. si Cottam, & Varronem secissem inter se disputantes, ut a te proximis litteris admoneor; meum κωφὸν πρόσωπον esset. hoc in antiquis personis suauiter fit, ut & Heraclides in multis, & nos sex de rep. libris fecimus, sunt etiam de oratore nostri tres, mihi uehementer probati. in eis quoque eae personae sunt, ut mihi tacendum fuerit. Crassus enim loquitur, Antonius, Catulus senex, C. Iulius, frater Catuli, Cotta, Sulpicius. puero me hic sermo a me inducitur, ut nullae esse possent partes meae. quae autem his temporibus scripsi, Ἀριστοτέλειον morem habent; in quo sermo ita inducitur ceterorum, ut penes ipsum sit principatus. ita confeci

quin-

quinque libros *ἑλ τελῶν*, ut Epicurea L. Torquato, Stoica M. Catoni, *ὑπερστυμνικὰ* M. Pisoni daremus. *ἀλλότῳ* id fore putaram, quod omnes illi accefferant. haec Academica, ut scis, cum Catullo, Lucullo, Hortensio contuleram. sane in personas non cadebant. erat enim *λογικώτερα*, quam ut illi de ijs somniasse umquam uiderentur. itaque, ut legi tuas de Varrone, tanquam *ἔρμαιο* arripui. aptius esse nihil potuit ad id philosophiae genus, quo ille maxime mihi delectari uidetur, easq. partes, ut non sim consecutus, ut superior mea causa uideatur. sunt enim uehementer *πιδανὰ* Antiochia: quae diligenter a me expressa, acumen habent Antiochi, nitorem orationis nostrum: si modo is est aliquis in nobis. sed tu, dandos ne putes hos libros Varro, etiam atque etiam uidebis. mihi quaedam occurrunt: sed ea coram. Vale.

CICERO S. D. ATTICO. 20

A CAESARE litteras accepi consolatorias: datas prid. kal. Mai. Hispali. De urbe augenda quid sit promulgatum, non intellexi. id sane scire uelim. Torquato nostra officia grata esse, facile patior: eaq. augere non desinam. De uxore Tiberonis, & priuigna, neque possum iam abdere, (est enim res peruulgata) neque Tiberonem uolo defendere: mirifice est enim *φιλαιτίας*. theatrum quidem sane bellum habuisti. ergo, etsi hoc loco facillime sustentor, tamen te uidere cupio: itaque, ut con-

stuitui, adero: Fratrem credo a te esse conuentum, scire igitur studeo, quid egeris. De fama nihil sane laboro. etsi scripseram ad te tunc stulte, nihil melius, curandum enim non est: atque hoc: in omni uita sua quæque a recta conscientia transuersum unguem non oportet discedere. uiden', quam philosophor? an tu nos frustra existimas hæc in manibus habere? δὲ ἰδὲ ἤχθαι te nollēm, quod nihil erat. redeo enim rursus eodem. quidquam ne me putas curare in toto, nisi ut ei ne desim? id ago scilicet, ut iudicia uidear tenere. μὴ γὰρ αὐτὸς. uellem tam domestica ferre possem, quam ista contemnere. putas autem me uoluisse aliquid, quod perfectum non sit? non licet scilicet sententiam suam: sed, tamen, quæcumque acta sunt, non possum non probare: & tamen non curare pulchre possum, sicuti facio. sed nimium multa de nugis.

DE CICERO S. D. ATTICO. 21

AD Hirtium dederam epistolam sane grandem, quam scripseram proxime in Tusculano huic, quam tu mihi misisti, rescribam alias: nunc alijs malo. Quid possum de Torquato, nisi aliquid a Dolabella? quod simul ac, continuo scietis. expectabam hodie, aut summum cras ab eo tabellarios: qui simul ac uenerint, mittentur ad te. A Quinto expecto. proficiscens enim Tusculano VIII. kal. ut scis, misi ad eum tabellarios. Nunc, ad rem ut redeam, inhibere illud tuum, quod ualde mihi arriserat,

rat, uehementer difflicet: est enim uerbum totum nauticum. quamquam id quidem sciebam; sed arbitrabar sustineri remos, cum inhiberi essent remiges iussi. id non esse eiusmodi didici heri, cum ad nullam nostram nauis appelleretur. non enim sustinent, sed alio modo remigant. id ab ἐπαχὺς remotissimum est. quare facies, ut ita sit in libro, quemadmodum fuit. dices hoc idem Varroni, si forte mutauit. nec est melius quidquam, quam ut Lucullus

Sustineat currū, ut bonu'saepe agitator, equosque. semperq. Carneales προκολῆν pugilis; & retentionem aurigae similem facit ἐπαχὺς. inhibitiō autē remigum motum habet, & uehementiorem quidem, remigationis nauem conuertentis ad puppim. uides, quanto hoc diligentius curem, quam aut de rumore, aut de Pollione. De Pansa etiam, si quid certius. crēdo enim palam factum esse De Critonio, si quid esset. Certe ne de Metello, & Balbino? dic mihi, placet ne tibi primum edere iniussu meo? hoc ne Hermodorus quidem faciebat, is, qui Platonis libros solitus est diuulgare; ex quo λόγους Ἐρμόδορος. quid illud? rectum ne existimas cuiquam quidquam ante, quam Bruto? cui te auctore προσφωνῶ. scripsit enim Balbus ad me, se a te quintum de finibus librum descripsisse: in quo non sane multa mutauit, sed tamen quaedam. tu autem commode feceris, si reliquos continueris; ne & ἀδιόρθωτα habeat Balbus, & ἰωλὰ Brutus. sed haec haftenus: ne uidear οὐκ ἐμικρὰ ἀπεδύξην. et si nunc

quidē maxima mihi sunt haec: quid est enim aliud?
Varroni quidem quae scripsit te auctore, ita prope
romittere, ut iam Romam miserim describenda.
ea si uoles, statim habebis: scripsi enim ad librari-
os, ut fieret tuis, si uelles, describendi petestas. ea
uero continebis, quoad ipse te uideam, quod dili-
gentissime facere soles, cum a me tibi dictū sit. Quo
modo autem fugit me, tibi dicere? mirifice Caerellia,
studio uidelicet philosophiae flagrans, describit a
tuis. istos ipsos de finibus habet; ego autem tibi non
firmo. (possum falli, ut humanus) a me non habe-
re. numquam enim ab oculis meis absuerunt. tan-
tum porro aberat, ut binos scriberent: uix singulos
confecerunt. tuorum tamen eo nullum delictum ar-
bitror: idemq. te uolo existimare. a me enim prae-
termissum est, ut dicerem eos exire non dum uelle.
Hui quā diu de nugis. de re enim nihil habeo, quod
loquar. De Dolabella tibi assentior. coheredes, ut
scribis, in Tusculano: De Caesaris aduentu, scri-
psit ad me Balbus, non ante kal. Sext. De Attica
optime, quod leuius, ac leuius, & quod fert & xō-
xos. Quod autem de illa nostra cogitatione scribis,
i qua nihil tibi credo ea, quae noui: ualde probo ho-
minem, domum, facultates: quod caput est, ipsum
non noui: sed audio laudabilia de Scrofa. etiam pro-
xime accedit, si quid hoc ad rem. & γένεσις est e-
tiam, quam pater. coram igitur, & quidem pro-
penso animo ad probandum. accedit enim, quod pa-
trem, ut scire te puto, plus etiam, quam non mo-
do

do tu, sed quam ipse scit, amo, idq. & merito;
& iam diu. Vale.

CICERO S. D. ATTICO. 22

DE VARRONE, non sine caussa, quid tibi
placeat, tam diligenter exquiro. occurrunt mihi
quaedam: sed ea coram te autem àquiescata inte-
xui, faciamq. id crebrius. proximis enim tuis lit-
teris primum, te id non nolle, cognoui. De Mar-
cello, scripserat ad te Cassius antea, τὰ κατὰ μέρος
Seruius. rem acerbam. ad prima redeo. Scripta
nostra nusquam malo esse, quam apud te, sed ea
tam feras dari, cum utrique nostrum uidebitur.
ego & librarios tuos culpa libero, nequete accuso,
& tamen aliud quiddam ad te scripseram, Caerel-
liam quaedam habere, quae nisi a te non potuerit.
Balbo quidem intelligebam satis iaciendum fuisse:
tantum nolebam, aut obsoletum Bruto, aut Balbo
inehoatum dari. Varroni, simul ac te uidero, si ti-
bi uidebitur, mittam. quid autem dubitarim, cum
uidero te, scies. Attributos quod appellas, ualde
probe. Te de praedio auiae exerceri, moleste fero.
De Bruto nostro, perodiosum: sed uita fert. mulie-
res autem uix satis humane, quae inimico animo fe-
rant, cum utraque officio pareat. Tullium scribam,
nihil fuit, quod appellares. nam tibi mandassem, si
fuiisset. nihil enim est apud eum positum nomine uo-
ti. sed est quiddam apud illum meum. id ego in hac
rem statui conferre. itaque & ego recte tibi dixi,

ubi esset: & tibi ille recte negavit. hoc quoque ipsum continuo adoriamur. locum hominibus non sane probo, quod est desertior: sed habet & λόγος. verum hoc quoque, ut censueris; quippe qui omnia. Ego, ut constitui, adero: atque utinam tu quoque eodem die. sin quid; multa enim; utique postridie. etenim coheredes: a queis sin te opprimi, malitia est. Alteris iam litteris nihil ad me de Attica. sed id quidem mihi in optima spe pono. illud accuso, non te, sed illam, ne salutem quidem. at tu & illi, & Piliae plurimam; nec me tamen irasci iudicaris. Epistolam Caesaris misi, si minus legisses. Vale.

CICERO S. D. ATTICO. 23

ANTEMERIDIANIS tuis litteris heri statim rescripsi: nunc respondebo uespertinis. Brutus, mallem, me arcesseret. nam & aequius erat, cum illi iter instaret & subitum, & longum: et mehercule nunc, cum ita finis affecti, ut non possimus plane simul uiuere, (intelliges enim profecto, quo maxime posita sit σπουδῆς) facile patiebar, nos potius Romae una esse, quam in Tusculano. libri ad Varronem non morabantur: sunt enim defecti, ut uidisti: tantum librariorum menda tolluntur. de quibus libris scis me dubitasse: sed tu uideris. item, quos Bruto mittimus, in manibus habent librarij. Mea mandata, ut scribis, explica. quamquam ista retentione omnes ait uti Trebatius: quid tu istos putas? nosti domum, quam confice & λόγος. incredibile

bile est, quam ego ista non curem. omni tibi asse-
 ueratione affirmo, quod mihi credas uelim, mihi
 maiori offensionem esse, quam delectationi, possessionu-
 culas meas. magis enim doleo, me non habere cui
 tradam, quam habere, qui utar. atque illud Tre-
 batiussibi tibi dixisse narrabat. tu autem ueritus es
 fortasse, ne ego inuitus audirem. fuit id quidem hu-
 manitatis: sed, mihi crede, iam ista non curo. qua-
 re da te in sermonem, & persequere, & confice, exci-
 ta, compella, loquere, ut te cum illa Scacua loqui
 putes. ne existimes eos, qui non debita consecrari
 soleant, quod debeatur, remissuros. de die tantum
 uideto, & id ipsum bono modo. Vale.

CICERO S. D. ATTICO. 24

QVID est, quod Hermogenes mihi Clodius,
 Andromenem sibi dixisse, se Ciceronem uidisse Cor-
 cyrae; ego enim audita tibi putaram. nil igitur ne
 ei quidem litterarum? an non uidit? facies ergo ut
 sciam. Quid tibi ego de Varrone rescribam? quat-
 tuor Diophani sicut in tua potestate. quod egeris, id
 probabo. nec tamen ai dēo quai Tpeas: quid enim?
 sed, ipsi quam res illa probaretur, magis uerebar.
 sed quoniam tu suscipis, in alteram aurem. Vale.

CICERO S. D. ATTICO. 25

DE RETENTIONE, rescripsi ad tuas accu-
 rate litteras scriptas. conficies igitur, & quidem
 sine ulla dubitatione, aut retractatione. hoc fieri
 &

& oportet, & opus est. De *Andromene*, ut scri-
 bis, ita putavam: scisses enim, mihiq. dixisses. Tu
 tamen ita mihi de *Bruto* scribis, ut de te nihil. quā-
 do autē illum putas? nam ego *Romam* pridie idus.
 ita uolui *Bruto* scribere: sed quoniam tu te legisse
 scribis, fui fortasse ἀπαίσιμος, me ex tuis litteris in-
 tellexisse, nolle cum me quasi prosequendi sui caus-
 sa *Romam* nunc uenire. sed quoniam iā adest meus
 aduentus; fac quaeso, ne quid eum idus impedi-
 ant, quo minus suo commodo in *Tusculano* sit. nec enim
 ad tabulam eum desideraturus erā. in tali enim ne-
 gotio cur tu unius non satis es? sed ad testamentū uo-
 lebam: quod iam malo alio die; ne ob eam caus-
 sam *Romam* uenisse uidear. scripsi igitur ad *Brutum*,
 iam illud, quod putassem, idibus, nihil opus esse.
 uelim ergo totum hoc ita gubernes, ut ne minima
 quidem re ulla *Bruti* commodum impediamus. Sed
 quid est tandem, quod perhorrescas, quia tuo peri-
 culo iubeam libros dare *Varroni*? etiam nunc, si
 dubitas, fac, ut sciamus. nihil est enim illis ele-
 gantius. uolo *Varronem*, praesertim cum ille de-
 sideret: sed est, ut scis,

θεῖος ἀνὴρ: τάχα καὶ καὶ ἀναίτιον αὐτίκωτο.

ita mihi saepe occurrit uultus eius, querentis fortas-
 se pel hoc, meas partes in ijs libris copiosius defen-
 sas esse, quam suas: quod mehercule intelliges non
 esse, si quando in *Epirum* ueneris: nam nunc *Ale-*
xionis epistolis cedimus: sed tamen ego non despero
 probatum iri *Varroni*: & id, quoniam impensam
 feci-

fecimus in macrocola, facile patior teneri. sed etiā
 atque etiam dico, tuo periculo fiet. quare, si addu-
 bitas, ad Brutum transeamus: est enim is quoque
 Antiochius. o Academiam uolaticam, & sui simi-
 lem, modo huc, modo illuc. sed, quaeso, epistola
 mea ad Varronem ualde ne tibi placuit? male mihi
 sit, si umquam quidquam tam enitar. at ego ne Ti-
 roni quidem dictaui, qui totas *περιοχάς* persequiso
 let, sed Spintberi syllabatim. Vale.

DE VIRGILII parte ualde probo. sic ages
 igitur. & quidem id erit primum, proximum Clo-
 diae. quod si neutrum metuo, ne turbem, & ir-
 ruam in Drusum. intemperans sum in eius rei cu-
 piditate, quam nosti. itaque reuoluor idem idem in
 Tusculanum. quiduis enim potius, quam ut non
 hac aestate absoluator. Ego, ut tempus est nostrum,
 locum habeo nullum, ubi facilius esse possim, quam
 Asturae. sed quia qui mecum sunt, credo, quod
 maestitiam meam non ferunt, domum properant:
 etsi poteram remanere, tamen, ut scripsi tibi, pro-
 ficiscar hinc, ne relictus uidear. quo autem Lanu-
 uio? conor equidem in Tusculanum: sed faciam te
 statim certiorum. tu litteras conficies. equidem,
 credibile non est, quantum scribam die: quin etiam
 noctibus: nihil est enim somni. heri etiam effeci epi-
 stolam ad Caesarem: tibi enim placebat. quam non
 fuit malum scribi, si sorte opus esse putares. ut qui
 dem

dem nunc est ; nihil sane est necesse mittere . sed id quidem , ut tibi uidebitur . mittam tamen ad te exemplum fortasse Lannuio , nisi forte Romam ; sed cras scies .

CICERO S. D. ATTICO.

27

EPISTOLAM ad Caesarem, nobis uero semper rectissime placuit , ut isti ante legerent . aliter enim fuissenius & in hos inofficiosi, & in nosmet ipsos , si illum offensuri fuimus, paene periculosi. isti autem ingenue . mihiq. gratum , quod , quid sentirent . non reticuerunt : illud uero uel optime , quod ita multa mutari uolunt, ut mihi de integro scribendi causa non sit. quamquam de Parthico bello quid spectare debui , nisi quod illum uelle arbitrabar ? quod enim aliud argumentum epistolae nostrae, nisi *πολλὰ*, fuit ? an, si ea, quae optima putarim, suadere uoluissim, oratio mihi defuisset ? totis igitur litteris nihil opus est. ubi enim *τόπῳ* magnum nullum fieri possit , *ἀπὸ τῶν* uel non magnum molestum futurum sit ; quid opus est *παρὰ τὸν δυνάστην* ? praesertim cum illud occurrat, illum, cum antea nihil scripserim, existimaturum, me, nisi toto bello confecto, nihil scripturum fuisse. atque etiam uereor , ne putet, me hoc quasi Catonis *μελέτη* esse uoluisse. quid quaeris ? ualde me paenitebat : nec in hac quidem re quidquam magis ut uellem accidere potuit , quam quod *αὐτὸν* nostra non est probata . incidissemus etiam in illos, in eis in cognatum tuum.

sed

sed redeo ad hortos. Plane illuc te ire, nisi tuo magno commodo, nolo: nihil enim urget. quidquid erit, operam Faberio uonamus. de die tamen autionis, si quid scies. Eum, qui e Cumano uenerat, quod & plane ualere Atticam nunciabat, & litte-
ras se habere aiebat, statim ad te misi. Vale.

CICERO S. D. ATTICO.

28

HORTOS quoniam hodie eras inspecturus, quid nifum tibi sit, cras scilicet. De Faberio autem, cum uenerit. De epistola ad Caesarem, iurato mihi crede, non possum: nec me turpido deterret, & si maxime debeat, quam enim turpis est assentatio, cum uiuere ipsum turpe sit nobis? sed ut coepi, non me hoc turpe deterret: (ac uellem quidem: essem enim, qui esse debebam) sed in mentem nihil uenit. nam, quae sunt ad Alexandrum hominum eloquentium, & doctorum suasiones, uides quibus in rebus uersentur. adolescentem incensum cupiditate uerissimae gloriae, cupientem sibi aliquid consilij dari, quod ad laudem sempiternam ualeret, cohortantur ad decus: non deest oratio. ego quid possum? tamen nescio quid e quercu exsculpseram, quod uideretur simile simulacri. in eo quod non nulla erant, paullo meliora, quam ea, quae fiunt, & facta sunt, reprehenduntur. quod me minime paenitet. si enim peruenissent istae litterae; mihi crede, nos paenitet. quid? tu non uides, ipsum illum Aristotelis discipulum, summo ingenio, summa modestia, postea
quam

quam rex appellatus sit, superbum, crudellem, immoderatum fuisse? quid, tu hunc de pompa, Quirini contubernalem, his nostris moderatis epistolis lataturum putas? ille uero potius non scripta desiderat, quam scripta non probet. postremo, ut uolet, abiit illud, quod tum me stimulabat, quod tibi dabam *ὁ δὲ ληψα ἀρχιμείδην*. multo mehercule magis nunc opto casum illum, quam tum timebam, uel quemlibet. Nisi quid te aliud impediet, mihi optato ueneris. Nicias a Dolabella magno opere accersitus, (legi enim litteras) etsi inuito me, tamen eodem me auctore profectus est. Hoc manu mea. Vale.

CICERO S. D. ATTICO. 29

Cum quasi alias res quaererem de philologis et Nicia, incidimus in Talnam: ille de ingenio nihil nimis: modestum, et frugi. sed hoc mihi non placuit. se scire aiebat ab eo nuper petita Conificiam, Quincti filiam, uetulam sane, et multarum nuptiarum: non esse probatam mulieribus, quod ita reperirent, rem non maiorem DCCC. hoc putavi te scire oportere. De hortis ex tuis litteris cognoui, et Chrysippo, in uilla, cuius insulsi tatem bene noram, uideo nihil, aut pauca mutata. balnearia tamen laudat maiora. de minoribus ait hiberna effici posse. tecta igitur ambulatiuncula addenda est: quam ut tantam faciamus, quantam in Tusculano fecimus, prope dimidio minoris constabit isto loco, ad id autem, quod uolu-

nolumus. ἀξιόπνημα, nihil aptius uidetur, quam lucus, quem ego noram: sed celebritatem nullam tum habebat; nunc audio maximam. nihil est, quod ego malim. hoc τὸν τύπον μου πρὸς θεῶν προποφάνου. Reliquum est. si Faberius nobis nomen illud explicat; noli quaerere, quanti: Othonem uidebas uolo. nec tamen insaniturum illum puto: nosse enim mihi hominem uideor. ita male autem audio ipsum esse tractatum, ut mihi ille emptor non esse uideatur: quid enim pateretur? sed quid argumentor? si Faberianum explicas, emamus uel magno: sin minus, ne paruo quidem possumus. Clodiam igitur: a qua ipsa ob eam causam sperare uideor, quod & multo minoris sunt, & Dolabellae nomen iam expeditum uidetur, ut etiam repraesentatione concludam. De hortis satis. Cras aut te, aut causam: quam quidem futuram Faberianam: sed si poteris. Vale.

CICERO S. D. ATTICO 30.

CICERONIS epistolam tibi remisi. o te ferreum, qui illius periculis non moueris. me quoque accusat. eam epistolam tibi misissem. nam illam alteram de rebus gestis eodem exemplo puto. In Cumanum hodie misi tabellarium. ei dedi tuas ad Vestorium, quas Pharnaci dederas. Commodum ad te miseram Demeam, cum Eros ad me uenit. sed in eius epistola nihil erat noui, nisi, auctionē biduū. ab ea igitur, ut scribis: et uelim, confecto negotio Faberiano: quem quidem negat Eros hodie. cras ma-

ne

ne putat, a te colendus est. iste autem καλὰ κίαι non longe absunt a scelere. te, ut spero, perendie. Si-
cunde potes, erues, quid decem legati Mummius fue-
runt. Polybius non nominat. ego memini, Albi-
num consulerem, & Sp. Mummius: uideor au-
disse ex Hortensio, Tuditanium: sed in Libonis an-
nali, XIV annis post praetor est factus Tuditanus,
quam consul Mummius. non sane quadrat. uolo a-
quem Olympiae, aut ubi uisum πολιτικὸν σύλλογον,
more Dicaearchi, familiaris tui. Vale.

CICERO S. D. ATTICO. 31

V. KAL. mane accepi a Demea litteras pridie
datas, ex quibus aut hodie, aut cras te expectare
deberem. sed, ut opinor, idem ego, qui expecto
tuum aduentum, morabor te. non enim puto tam
expeditum Faberianum negotium futurum, etiam
si est futurum, ut non habeat aliquid morae. cum po-
teris igitur: quoniam etiamdum abes. Dicaearchi,
quos scribis, libros sane uelim mihi mittas: addas
etiam καταβίσεις. De epistola ad Caesarē, κεντρικά.
atque id ipsum, quod isti aiunt illum scribere, se, ni-
si constitutis rebus, non iturum in Parthos; idem
ego suadebam in illa epistola; utrum liberet, face-
re posse, auctore me. hoc enim ille expectat uideli-
cet, neque est factururus quidquam, nisi de meo con-
silio. obsecro, abijciamus ista, & semiliberi saltem
simus: quod assequemur & tacendo, & latendo,
Sed aggredere Othonem, ut scribis. confice, mi At-
tice,

tice, istam rem. nihil enim aliud reperio, ubi & in foro non sim, & tecum esse possim. quanti autem, hoc mihi uenit in mentem. C. Albanus proximus est uicinus. is ∞ iugerum de M. Pilio emit, ut mea memoria est, HS C x v. omnia scilicet nunc minoris: sed acced. t cupiditas: in qua, Praeter Othonem, non puto nos ullum aduersarium habituros. sed eum ipsum tu poteris mouere, facilius etiam, si Canium haberes. o gulam insulsam. pudet me patris. rescribes, si quid uoles.

CICERO S. D. ATTICO. 32

ALTERAM a te epistolam cum hodie accepis-
sem, nolui te una mea contentum. Tu uero age,
quod scribis, de Faberio. in eo enim totum est posi-
tum id, quod cogitamus. quæ cogitatio si non inci-
disset, (mihi crede istuc, ut cetera) non laborarem.
quamobrem, ut facis, (istuc enim addi nihil potest)
urge, insta, persequere. Dicaearchi & Ἰσυχῆος utro-
que uelim mittas, & καλαβάτους περιπατικὸν non
inuenio, & epistolam eius. quam ad Aristoxenum
misit. tres eos libros maxime nunc uellem: apti es-
sent ad id, quod cogito. Torquatus Romæ est. ius-
si, ut tibi daretur. Catulum, & Lucillum, ut o-
pinor, antea. his libris noua prooemia sunt addita,
quibus eorum uterque laudatur. eas litteras uolo
habeas. & sunt quædam alia. Et quod ad te de de-
cem legatis scripsi; parum intellexti, credo, quia
διὰ σμυτικῶν scripseram. de C. Tuditano enim quæ-
rebam.

rebam, quae ex Hortensio audieram fuisse in decem, cum uideo in Libonis praetorem L. Popilio P. Rupilio cos. annis XVI ante, quam praetor factus est, legatus esse potuisset: nisi admodum sero quaestor est factus: quod non arbitror. uideo enim curules magistratus eum legitimis annis perfacile cepisse. Postulium autem, cuius statuam in Isthomo meminisse te dicis, sciebam fuisse. is autem est, qui cum Lucullo fuisse; quem tu mihi addidisti, sane ad illum συλλογον personam idoneam. uidebis igitur, si poteris, ceteros; ut possumus πομπὴ ὄσαι καὶ τοῖς ἀποτάποις. Vale.

CICERO S. D. ATTICO.

33

NEGLIGENTIAM miram. semel ne putas mihi dixisse Balbum, & Faberium, professionem relatum? quin etiam eorum iussu miseram, qui profiteretur: ita enim oportere dicebant. professus est Philotimus libertus. nosti credo librarium: sed scribis, & quidem confectum. Ad Faberium, ut tibi placet, litteras misi. cum Balbo autem puto te aliquid secisse H. in Capitolio. In Virgilio mihi nulla est δυσωπία. nec enim eius causa sane debeo: & si emero, quid erit, quod postulet? sed uidebis, ne is cum sit in Africa, ut Coelius. De nomine tu uidebis, cum Cispio: sed, si Plancus destinat, tum haberes difficultatem. Te ad me uenire uterque nostrum cupit: sed ista res nullo modo relinquenda est. Othonem quod speras posse uinci, sane bene narras,

de

de aestimatione, ut scribis, cum agere coeperimus; et si nihil scripsit nisi de modo agri. Cum Pisone, si quid poteris. Dicaearchi librum accepi: κατὰ βάρους expecto. negotium dederis. reperiēs ex eo libro, in quo sunt S. C. Cn. Cornelio, & L. cos. De Tudiano autem, quod putas, & λόγος est, tum illum; quoniam fuit ad Corinthum. non enim temere dixit Hortensius, aut quæstor, aut tribunum mil. idq. potius fuisse credo. sed tu de Antiocho scire poteris. uide etiam, quo anno quæstor, aut tribunus mil. fuerit: si neutrum, eodem in præfectis, aut con-
 tubernalibus fuerit, modo fuerit in eo bello. De Varrone loquebamur: lūpus in fabula. uenit enim ad me, & quidem id temporis, ut retinendus esset; sed ego ita egi, ut non sciderem paenulam. memini enim tui; & multi erant, nosq. imparati. qui refert? paullo post C. Capito cum C. Carinate. horum ego uix attigi paenulam: tamen remanserunt. cecidit belle, sed casu sermo a Capitone de urbe augenda, a ponte Muluio Tiberim duci secundum montes Vaticanos, campum Martium tuum aedificari, illum autem campum Vaticanum fieri quasi Martium campum. quid ais? inquam. at ego ad tabulam, ut, si recte possem, Scapulanos hortos. caue facias, inquit: nam ista lex perferetur: uult enim Caesar. Audire me, facile passus sum: fieri autem, moleste fero. sed tu quid ais? quamquam quid quaero? nosti diligentiam Capitonis in rebus bonis perquirendis. non concidit Camilo. facies igitur me

certiorem de idibus . ista enim me res adducebat ,
eo adiunxeram ceteras : quas consequi tamen bi-
duo , aut triduo post facile potero . te tamen in uia
confici minime uolo . quin etiam Dionysio ignosco .
De Bruto quod scribis , feci ut ei liberum esset , quod
ad me attineret . scripsi enim ad eum heri , idibus
Mai . eius opera mihi nihil opus esse . Vale .

CICERO S. D. ATTICO. 34

ASTVRAM ueni VIII. kal. Iul. uitandi enim
caloris causa , Lanuij tres horas acquieueram . tu
uelim , si graue non erit , efficias , ne ante nonas mi
hi illuc ueniendum sit . id potes per Egnatium Ma-
ximum . Illud in primis cum Publilio me paene ab-
sente conficies : de quo quae fama sit , scribes . id po-
pulus curat scilicet . non me hercule arbitror : ele-
nim haec decantata erat fabula : sed complere pagi-
nam uolui . quid plura ? ipse enim adsum , nisi quid
tu prorogas : scripsi enim ad te de hortis . Vale .

CICERO S. D. ATTICO. 35

O REM indignam : Gentilis tuus urbem auget
quam hoc biennio primum uidit : & ei parum ma-
gna uisa est , quae etiam ipsum capere potuerit . hac
de re igitur exspecto litteras tuas . Varroni , scribis ,
te , simul ac uenerit . dati igitur iam sunt ; nec tibi
integrum est : (cui , si scias quanto periculo tuo)
aut fortasse litterae meae te retardarunt : sed eas
non dum legeras , cum has proximas scripsisti . scire
igitur aueo , quo modo res se habeat . Vale .

CICERO

CICERO S. D. ATTICO. 36

DE Bruti amore, uestraq. ambulatione; etsi mihi nihil noui affers; sed idem, quod saepe, tamen hoc audio libentius, quo saepius: eoq. mihi iucundius est, quod tu eo laetaris; certiusq. eo est, quod a te dicitur. Vale.

CICERO S. D. ATTICO, 37

HAS alteras hodie litteras. De Xenonis nomine, & de Epiroticis XL, nihil potest fieri nec commodius, nec aptius, quam ut scribis. id erat locutus mecum eodem modo Balbus minor. Noui nihil sane, nisi Hirtium cum Quinto acerrime pro me litigasse: omnibus eum locis facere, maximeq. in conuiuijs: cum multa de me, tum redire ad patrem: nihil autem ab eo tam aegrotius dici, quam alienissimos nos esse a Caesare: fidem nobis habendam non esse, me uero etiam cauendum, & δεῖν ἂν, nisi uiderem scire regem, me animi nihil habere. Ciceronem uero meum uexari, sed id quidem arbitratus sum. Laudationem Porciae gaudeo me ante dedisse Leptae tabellario, quam tuas acceperim litteras, eam tu igitur, si me amas, curabis, si modo mittetur, isto modo mittendam Domitio, & Bruto. De gladiatoribus, de ceteris, quae scribis ἀντιποθέμενα, facis me quotidie certiolem. Velim, si tibi uideatur, appelles Balbum, & Offiliū de auctione proscribenda. equidem locutus sum cum Balbo. place.

bat . puto conscripta habere Offilium omnia . habet
 & Balbus ; sed Balbo placibat , propinquum diem ,
 & Romae : si Caesar moraretur , posse in diem dif-
 ferri . sed is quidem adesse videtur . totum igitur
 considera . placet enim Vestorio . Vale .

CICERO S. D. ATTICO. 38

ANTE lucem cum scriberem contra Epicureos ,
 de eodem oleo , & opera exaravi nescio quid ad
 te , & ante lucem dedi . deinde cum somno repetito ,
 simul cum Sole experrectus essem , datur mihi epi-
 stola a sororis tuæ filio , quam ipsam tibi misi , cuius
 est principium non sine maxima contumelia : sed for-
 tasse ~~conueniens~~ . est autem sic . EGO enim non
 probo , quidquid non belle in te dici potest . posse uult
 in me multa dici non belle , sed ea se negat approba-
 re . hoc quidquam potest esse impurius ? iam cetera
 leges , (nisi enim ad te) iudicabisque . Bruti no-
 stri quotidianis , assiduisq. laudibus , quas ab eo de
 nobis haberi , permulti mihi renunciauerunt , com-
 morum istum , aliquando scripsisti aliquid ad me :
 credo , & ad te , idq. ut sciam , facies nam , ad pa-
 trem de me quid scripserit , nescio : de matre , quam
 pie ? VOLVERAM , inquit , ut quamplurimum te-
 tu n essem , conduci mihi domum : & id ad te scri-
 pseram : neglexisti . ita minus multum una erimus .
 non ego istam domum uidere non possum : qua de
 causa , scis . Hanc autem causam pater odium ma-
 tris esse dicebat . nunc me iuua , mi Attice , consi-
 lio ,

lio, ποτερον διχας τῆχος ὕψιον, id est utrum aperte
hominem asperner, ac respuam; ἢ σχολιας ἀτάτας:
ut enim Pindaro, sic διχαιοι τοὺς ἀπείχεται πᾶν,
omnino moribus meis illud aptius, sed hoc fortasse
temporibus. tu autem, quod ipse tibi suaseris, idem
mibi persuasum putato. equidem uereor maxime,
ne in Tusculano opprimar. in turba haec esse nt faci
liora. utrum igitur Asturæ? quid? Caesar subito.
inua me, quaeso, consilio: utar eo, quod tu decre
ueris. Vale.

CICERO S. D. ATTICO. 39

O INCREDBILEM uanitatem: ad patrem,
domo sibi cavendum propter matrem, plenam pie
tatis. hic autem iam languescit, & ait tibi illum il
le iratum. sed utar tuo consilio. σχολιας enim tibi illi
deo placere. Romam, ut censes, ueniam, sed inuit
tus. ualde enim in scribendo haereo. Brutum, in
quis, eadem. scilicet: sed nisi hoc esset, res me ista
non egeret. nec enim inde uenit, unde mallet: ne
que diu absuit: neque ulla litteram ad me. sed ta
mē scire aueo, qualis ei totius itineris sūma fuerit.
Libros mihi, de quibus ad te antea scripsi, uelim mit
tas, & maxime παῖδρα τοῦ θεῶν & ΠΙΣΑΝΟΣ.*
Ita ne nunciat Brutus, illum ad bonos uiros & γυ
λια? sed ubi eos? nisi forte suspenderit. hic autem,
ut sultum est? ubi igitur φιλοτέχνημα illud tuum,
quod nidi in Parthenone? Abalam, & Brutum.
sed quid faciam? illud optime; quod ne is quidem,

qui omnium flagitiorum auctor, bene de nostro. at-
ego uerebar, ne etiam Brutus eum diligeret. ita e-
nim significarat ijs litteris, quas ad meas. at uellem
aliquid degustasse de fabulis. sed coram, ut scribis.
etsi quid mihi auctor es, aduolo ne, an maneo? equi-
dem & in libris haereo, & illum hic excipere nolo.
ad quem, ut audio, pater hodie ad Saxa Acrimonia.
mirum, quam inimicus ibat, ut ego obiurgarem.
sed ego ipse κίπρωμα. itaque posthac. tu tamen ui-
de, quid de aduentu meo censeas; & τὰ ὅλα. cras
si perspici potuerint, mane statim ut sciam. Vale.

CICERO S. D. ATTICO. 40

E G O uero Quinto epistolam ad sororem misi.
cum ille quereretur filio cum matre bellum, & se
ob eam caussam domo cessurum filio diceret; dixi,
illum commodas ad matrem litteras, ad te nullas.
ille alterum mirabatur: de te autem suam culpam,
quod saepe grauitur ad filium scripsisset de tua in il-
lum iniuria. quod autem relanguisse se dicit; ego
ei, tuis litteris lectis, σχολιαὶς ἀπάτας significauim me
non fore. tum enim mentio Canai. omnino, si id
consilium placeret, esset necesse. sed, ut scribis, ra-
tio est habenda grauitatis, & utriusque nostrum
idem consilium esse debet: etsi in me grauiore iniu-
riae, & certe notiores. si uero etiam Brutus ali-
quid asseret, nulla dubitatio est. sed coram. ma-
gna enim res, & multae cautionis. cras igitur, nisi
quid a te commotus. Vale.

CICERO

CICERO S. D. ATTICO. 41

VENIT ille ad me, καὶ μάλα κατηγόησεν. & ego, οὐ δὲ τι πάροςτις? rogas? inquit. quod iter instet, & iter ad bellum, idq. tum periculosum, tum etiam turpe. quae vis igitur? inquam. aes, inquit, alienum, & tamen ne viaticum quidem. hoc loco ego sumpsi quiddam de tua eloquentia: nam tacui. at ille: sed me maxime angit auunculus: quidnam? inquam. quod mihi, inquit, iratus est. cur pateris? inquam. malo enim ita dicere, quam, cur commit- tis? non patiar, inquit: causam enim tollam. & ego, rectissime quidem: sed, si graue non est, uelim scire, quid sit causae. quia dum dubitabam, quam ducerem, non satisfaciebam matri, ita ne illi quidem. nunc nihil mi tanti est: faciam, quod uolunt. salaciter uelim, inquam; teq. laudo, sed quando? nihil ad me, inquit, de tempore, quoniam rem probo. at ego, inquam, censeo, prius, quam proficiscaris, ita patri quoque morem gesseris. faciam, inquit, ut censes. Hic dialogus sic conclusus est. Sed heus tu, diem meum scis esse. non. Iam? aderis igitur. scripseram iam: ecce tibi, orat Lepidus, ut ueniam (opinor augures nihil habere) ad templum effandum Saturni ἱερῶν δού. uidebimus te igitur. Vale.

CICERO S. D. ATTICO. 41

EGO uero utar prorogatione diei: tuq. humanissime

nissime fecisti, qui me certiore feceris, atque ita, ut eo tempore acciperem litteras, quo non expectarem, tuque ut ab ludis scriberes. sunt omnino mihi quaedam agenda Romae: sed consequemur bi duo post. Vale.

CICERO S. D. ATTICO. 43

SVAVES tuas litteras: etsi acerba pompa: uerum tamen scire omnia non acerbum est, uel de Cotta: populum uero praeclarum, quod propter malum uicinium ne Victoriae quidem plauditur. Brutus apud me fuit: cui quidem ualde placebat, me aliquid ad Caesarem annueram: sed pompam uideret. Tu autem ausus es Varro ni dare. expecto, quid indicet, quando autem perleget? De Attica probo, est quiddam, etiam animi leuari tum speculatione, tum etiam religionis opinione, & fama. Cottam mihi uelim mittas. Libonem mecum habeo, & habueram ante Cascam. Brutus mihi T. Ligarij uerbis nunciavit, quod appelletur L. Curfidius in oratione Ligariana, erratum esse meum, sed, ut aiunt, περὶ τοῦ ὀνόματος ἀπρὸς τὴν ἀλήθειαν. sciebam, Curfidium pernecessarium Ligariorum: sed enim uideo ante esse mortuum. da igitur, quaeso, negotium Pharnaci, Antaeo, Saluio, ut id nomen ex omnibus libris tollatur. Vale.

CICERO AS. CD. ATTICO. 44

FUIT apud me Lamia post discessum tuum,
episto-

epistolamq. ad me attulit missam sibi a Caesare: quae quamquam ante data erat, quam ille Diochari-
 mae, tamen plane declarabat, illum ante ludos Ro-
 manos esse uenturum: in qua extrema scriptum e-
 rat, ut ad ludos cuncta pararet, ne ue committe-
 ret, ut frustra ipse properasset. prorsus ex his litte-
 ris non uidebatur esse dubium, quin ante eam diem
 uenturus esset: idemq. Balbo, cum eam epistolam
 legisset, uideri Lamia dicebat. Dies feriarum mi-
 hi additos uideo, sed quam multos, fac, si me amas,
 sciam. de Babio poteris, & de altero uicino Eгна-
 tio. Quod me hortaris, ut eos dies consumam in
 philosophia explicanda: currentem tu quidem: sed
 cum Dolabella uiuendum esse istis diebus uides,
 quod nisi me Torquati causa teneret, satis erat
 dierum, ut Puteolos excurrere possem, & ad tem-
 pus redire. Lamia quidem a Balbo, ut uidebatur,
 audiuerat, multos nummos domi esse numeratos,
 quos oporteret quamprimum diuidi: magnum pon-
 dus argenti: auctiorem, praeter praedia, primo quo-
 que tempore fieri oportere. scribas ad me uelim,
 quid tibi placeat. equidem, si ex omnibus esset eli-
 gendum, nec diligentiores, ne offusiores facile
 delegissem Vellorio, ad quem accuratissimas litte-
 ras dedi: quod idem te fecisse arbitror. mihi qui-
 dem hoc satis uiderur. tu quid dicis? unum enim
 pungit, ne negligentiores esse uideamur. expecta-
 bo igitur tuas literas. Vale.

CICERO S. D. ATTICO. 45

POLLEX quidem, ut dixerat, ad idus Sext. ita mihi Lanuij pridie iduum praesto fuit. sed plane pollex, non index. cognosces igitur ex ipso. Balbum conueni: (Lepta enim de sua ui in curatione laborans, me ad eum perduxerat) in eo autem Lanuiino, quod Lepido tradidit. ex eo hoc primum. Paullo ante acceperam eas litteras, in quibus magnopere confirmat, ante ludos Romanos. legi epistolam. multa de meo Catone: quem saepissime legendo, se dicit copiosorem factum; Bruti Catone lecto, se sibi uisum disertum. Ex eo cognoui cretionem Cluij, (o Vestorium negligentem) liberam, testibus praesentibus sexaginta duobus. metuebam, ne ille arcessendus esset: nunc mittendum est, ut meo iussu cernat. idem igitur Pollex. Etiam de hortis Clunianis egi cum Balbo. liberalius: se enim statim ad Caesarem scripturum. Cluium autem a T. Hordeonio legare & Terentiae HS 1000, & sepulcro, multisq. rebus, nihil a nobis. sub accusa quaeso Vestorium. quid minus probandum, quam Plotium unguentarium per suos pueros omnia tanto ante Balbo, illum mihi ne per meos quidem? De Cosinio doleo. dilexi hominem. Quinto delegabo, si qui aeri meo alieno superabit, & eruptionibus; ex quibus mihi etiam aes alienum faciendum puto. De domo Arpini nihil scio. Vestorium, nil est, quod accuses. iam enim obsignata hac epistola, noctu tabellaris

bellarius noster uenit, & ab eo litteras diligenter scriptas attulit, & exemplum testamenti. Vale.

CICERO S. D. ATTICO. 46

POSTEA QVAM abs te Agamemno, non ut uenirem, (nam id quoque fecissem, nisi Torquatus esset) sed ut scriberem, tetigit; omisi ea, quae manibus habebam, abieci; quod iusseras, edolui. Tu uelim e Pollice cognoscas rationes nostras sumptuarias. turpe est enim nobis, illum, qualiscumque est, hoc primo anno agere: post moderabimur diligentius. Idem Pollex remittendus est, ut ille cernat. Plane Tuteolos non fuit eundum, cum ob ea, quae ad te scripsi, tum quod Caesar adest. Dolabella scribit, se ad me postridie iduum. o magistrum molestum. Lepidus ad me heri uesperilitteras misit Antio, nam ibi erat. habet enim domum, quam nos uendidimus: rogat magnopere, ut sim kalendis in senatu: me & sibi, & Caesari uehementer gratum esse facturum. puto equidem nihil esse. dixisset enim tibi fortasse aliquid Oppius: quoniam Balbus est aeger: sed tamen malum uenire frustra, quam desiderari, si opus esset: moleste ferrem postea: itaque hodie Antij, cras ante meridiem domi. tu uelim, nisi te impediuisti, apud nos pridie kal. cum Pilia. Te spero cum Publilio confecisse. equidem kalendis in Tusculanum recurram. me enim absente omnia cum illis transigi malo. Quincti fratris epistolam ad te misi,

non

non satis humane illam quidem respondentem meis litteris, sed tamen quod tibi satis sit, ut equidem existimo. tu uidebis. Heri nescio quid in strepitu uideor exaudisse, cum diceret te in Tusculanum uenturum: quod uinam, iterum utinam, tuo tamen commodo. Lepta me rogat, ut, si quid sibi opus sit, accurram. mortuus enim Babulius. Caesar opinor ex uncia: etsi nihil adhuc: sed Lepta ex triente. ueretur autem, ne non liceat tenere hereditatem, ἀδός-
ως omnino, sed ueretur tamen. is igitur si acciderit, accurram: sin minus, haud ante, quam necesse erit. Tu Pollicem, cum poteris.

CICERO S. D. ATTICO. 47

LAUDATIONEM Porciae tibi misi correctam: ac eo properavi, ut, si forte aut Domitio filio, aut Bruto mitteretur, haec mitteretur. id, si tibi erit commodum, magnopere cures uelim. Et uelim M. Varronis, Et Lollij mittas laudationem, Lollij utique. nam illam legi: uolo tamen reguſtare. quaedam enim uix mihi credo legiſſe. Atticae primum salutem, quam quidem ruri eſſe arbitror. multam igitur salutem Et Piliae. De Tigellio, ſi quid noui: qui quidem, ut mihi Gallus Fabius ſcripſit, μέμνηται ἀναρίπεται mihi quandam iniquiſſimam, me Phameae deſuiſſe, cum eius cauſſam recipiſſem: quam quidem receperam contra pueros Octauios Cn. F. non libenter: ſed Phameae cauſſam uolebam. erat enim ſi me miniſtri, in conſulatus petitone per te mihi pollicitus,

tus, si quid opus esset : quod ego perinde tuebar, ac si usus essem. is ad me uenit, dixitque iudicem operam dare sibi constituisse ea die ipso, quo de Sextio nostro lege Pompeia in concilium iri necesse erat. scis enim dies illorum iudiciorum praestitutos fuisse. respondi non ignorare eum, quid ego deberem Sextio: quem uellet alium diem si sumpisset, me ei non defuturum. ita tum ille discessit iratus. puto me tibi narrasse. non laboraui scilicet, nec hominis alieni iniustissimam iracundiam mihi curandum putauit. Gallo autem narraui, cum proxime Romae fui, quid audissem, neque nominaui Balbum minorem. habuit suum negotium Gallus, ut scribit. ait illum, me animi conscientia, quod Phameam deflituissem, de se suspicari. quare tibi haecenus mando, de illo nostro, si quid poteris, exquiras: de me ne quid labores. est bellum, aliquem libenter odisse, & quemadmodum non omnibus seruire. etsi me hercule, ut tu intelligis, magis mihi isti seruiunt: si obseruare seruire est.

CICERO S. D. ATTICO. 48

ADMONITVS quibusdam tuis litteris, ut ad Caesarem uberius litteras mitterem, institueram, cum mihi Balbus nuper, in Lanuuium dixisset se, et Oppium scripsisse ad Caesarem, me legisse libros contra Catonem, & uehementer probasse: conscripsi de his ipsis libris epistolam Caesari, quae deferretur ad Dolabellam: sed eius exemplum misi ad Oppium,

pium, & Balbum; scripsiq. ad eos ut tum deferri ad Dolabellam iuberent meas litteras, si ipsi exemplum probassent, ita mihi rescripserunt, nihil umquam se legisse melius: epistolamq. meam iusserunt dari Dolabellae. Vestorius ad me scripsit, ut iuberem mancipio dari seruo suo pro mea parte Petreio cuiusdam fundum Brinnianum, ut ipse ei Puteolis recte mancipio dare posset. eum seruum, si tibi uidebitur, ad me mittes. opinor enim ad te etiam scripsisse Vestorium. De aduentu Caesaris idem, quod a te, mihi scriptum est ab Oppio, & Balbo, Miror te nihil dum cum Tigellio, uel ut hoc ipsum, quantum acceperit. prorsus aueo scire: nec tamen floccifacio. Quæris, quid cogitem de obuiam itione: quid censes, nisi Alsum? & quidem ad Murenæ de hospitio scripseram: sed opinor cum Matio profectum. Sallustius igitur urgebitur. Scripto iam superiore uersiculo, Eros mihi dixit, sibi Murenæ liberalissimè respondisse. eo igitur utamur. nam Silius culcitra non habet. Didia autem, opinor, hospitibus totam uillam concessit.

CICERO. S. D. ATTICO. 49

AD Caesarem quam misi epistolam, eius exemplum fugit me tum tibi mittere. nec id fuit, quod suspicaris, ut me puderet tui; ne ridicule Micillus. nec me hercule scripsi aliter, ac si *ἡμεῖς ἴσμεν ὁμοίως*. scriberem. bene enim existimo de illis libris, ut tibi coram. itaque scripsi *ἡμεῖς ἴσμεν ὁμοίως*, et tamē sic, ut nihil

hil eum existimem lecturum libentius. De Attica, nunc demum mihi est exploratum. itaque ei deintegro gratulare. Tigellium totum mihi, & quidem quamprimum: nam pendeo animi. Narrabo tibi. Quintus cras; sed ad me, an ad te, nescio. mihi scripsit, Romam VIII. kal. sed misi, qui inuiteret. etsi hercle iam Romam ueniendum est; ne ille ante aduolet. Vale.

CICERO S. D. ATTICO, 50

HOSPITEM mihi tam grauem ἀμεταμέλητον. fuit enim periucunde. sed cū secuūdis Saturnalibus ad Philippum uesperu uenisset, uilla ita completa militibus est, ut uix triclinium, ubi cenaturus ipse Caesar esset, uacaret: quippe hominum ∞ ∞. sane sum commotus, quid futurum esset postridie. ac mihi Barba Cassius subuenit: custodes dedit: castra in agro: uilla defensa est. ille tertijs Saturnalibus apud Philippum ad horam VII. nec quēquam admisit. rationes opinor cum Balbo. inde ambulauit in litore. post horam VIII. in balneum. tū audiuit: de Mamurra non mutauit. unctus est, accubuit, ἐμετικὴν agebat: itaque & edit, & bibit ἀδεῶς, & iucunde: opipare sane, & apparate: nec id solum, sed bene, cocto, condito, sermone bono, si quaeris, libenter. praeterea tribus triclinijs accepti αἰσχροῦ ualde copiose. libertis minus lautis, seruisq. nihil defuit: nam lautiores eleganter accepti. quid multa? homines uisi sumus: hospes tamen non is, cui

KK diceres,

diceres : amabo te , eodem ad me cum reuertere .
 semel satis est . *αὐτὸν δ' αὖτ' οὐδὲν* in sermone , *φιλόλογα*
 multa . quid quaeris ? delectatus est , & libenter fuit .
 Puteolis se aiebat unum diem fore , alterum ad Ba-
 ias . Habes hospitium , siuc *ἐπιστάμιαν* . odiosam mi-
 hi duxi , non moleſtam . Ego paulisper hic , deinde in
 Tusculanum . Dolabellae uillam cum praeteriret ,
 omnis arinatorum copia dextra sinistra ad equum ,
 nec usquam alibi . hoc ex Nicia . Vale .

M. IVL-

M. T. V. L. L. I. C. I. G. E. R. O. N. I. S.

E. P. I. S. T. O. L. A. R. V. M. A. D.

T. P. O. M. P. O. N. I. V. M. A. T. T. I. C. V. M.

L. I. B. E. R. H. X. I. V.

C. I. C. E. R. O. S. J. O. D. A. T. T. I. C. O.

I. V. E. R. T. I. ad illum, de quo tecum ma-

ne. nihil perditius: explicari rem non

posse. etenim, si ille tali ingenio exitum

non reperiēbat, quis nunc reperiet?

quid quaeris? perisse omnia aiebat: quod band scio

an ita sit: uerum ille gaudens, affirmatq. minus

diebus, x. x. tumultum Gallicum: in sermonem se

post idus Mart. praeterquam Lepidi, uenisse nemi-

ni: ad summam, non posse istaec sic abire. o pruden-

tem Oppium, qui nihilo minus illud desiderat, sed

loquitur nihil, quod quemquam bonum offendat. Sed

haec haec tenus. Tu, quaeso, quidquid noui, (mul-

ta autem exspecto) scribere ne pigresce in his, de

Sexto, satis ne certum, maxime autem de Bruto

nostro: de quo quidem ille, ad quem diuertit, Caesq.

rem solitum dicere: Aliqui refert, hic quid uelit,

sed, quidquid uult, ualde uult: idq. eum animadu-

eruisse, cum pro Deiotaro Niceae dixerit: ualde ue-

hementer eum uisum, & libere dicere, atque etiam

(ut enim quidque succurri, libet scribere) proxi-

me, cum Sexto rogatu apud eum fuisse, exspecta-

remq. sedens: quoad uocaren, dixisse eum: Ego du-

bitem, quin summo in odio sim, cum M. Cicerone se
deat, nec suo commodo me convenire possit? atqui,
si quisquam est facilis, hic est: tamen non dubito,
quin me male aderit. Haec, & eiusmodi multa sed
ad propositum. Quidquid erit, non modo magnum,
sed etiam paruum, scribes. equidem nihil inter
mittam. Vale.

CICERO S. D. ATTICO. 2

DVAS a te accepi epistolas beri. ex priorē thea-
trum, Publiumq; cognoui; bona signa consentien-
tis multitudinis. plausus uero L. Cassio datus etiam
facetus mihi quidem uisus est. Altera epistola de
Madro scripta. apud quem nullum *σαράνα*, ut
puras, processi enim, sed minus diu: eius sermone
enim sum retentus. Quod autem ad te scripseram,
obscurē fortasse, id eiusmodi est. aiebat, Caesarem
secum, quo tempore, Sextij rogatu, ueni ad eum,
cum exspectarem sedens: dixisse: ego nunc tam sim
stultum, ut hunc ipsum, facilem hominem, putem
mibi esse amicum, cum tam diu sedens meum com-
modum exspectet? Habes igitur *σαράνα*, inimi-
cissimum otij, id est Bruti. In Tusculanum hodie,
Lanuvij cras, inde Asturæ cogitabam. Piliæ para-
tum est hospitium: sed uellem Atticam. uerum tibi
ignosco, quarum utrique salutem. Vale.

CICERO S. D. ATTICO. 3

TRANQVILLAE quidem tuæ litteræ: quod
uti.

utinam diutius : nam Matius posse negabat : Ecce
autem structores nostri frumentum profecti , cum
inanes redissent , rumore ad afferunt magnum , Ro-
mae domum ad Antonium frumentum , omne por-
tari *πανικόν* certe : scripsisses enim . Corumbus Bal-
bi nullus adhuc : & mihi notum nomen . bellus enim
esse dicitur architectus . Ad obsignandum tu adhi-
bitus non sine caussa uideris . uolunt enim nos ita pu-
tare : nescio , cur non animo quoque sentiant , sed
quid haec ad nos odorare tamen Antonij *διάνοι* :
quem quidem ego epularum magis arbitror ratio-
nem habere , quam quidquam mali cogitare . tu , si
quid *πραγματικόν* habes , scribe : sin minus , populi
ἐπισημασίαν & minorum dicta perscribito . Tiliae,
& Atticae salutem . Vale ,

CICERO S. D. ATTICO. 4

NUNC quid putas me Lanuuij ? at ego te islic
quotidie aliquid noui suspicor . tument negotia . nam
cum Matius , quid censis ceteros ? equidem doleo ,
quod numquam in ulla ciuitate accidit , non una cum
libertate remp . recuperatam . horribile est , quae lo-
quantur , quae minitentur . ac uereor Gallica etiam
bella , ipse Sextus quo euadat . sed omnia licet concu-
rant , idus Martiae consolantur . nostri autem *ἱππες* ,
quod per se ipsos confici potuit , gloriosissime , & ma-
gnificentissime consecrunt . reliquae res opes , & co-
pias desiderant ; quas nullas habemus . Haec ego ad-
te , ut , si quid noui , (nam quotidie aliquid exspecto)

CICERO

KK 3 con-

confestim ad me: & si noui nihil: nost ro more ta-
men ne patiamur intermitti litteras; equidem
non committam. Vale.

CICERO S. D. ATTICO.

S P E R O tibi iam esse, ut uolumus; quoniam
quidem ἐξ ἡντίας, quam leuiter commotus esses: sed
tamen uelim scire, quid agas. Signa bella, quod Cal-
uena moleste fert, se suspectum esse Bruto illa si-
gna non bona, si cum signis legiones ueniunt e Gal-
lia: quid tu illas putas, quae fuerunt in Hispania?
non ne idem postulaturas? quid eas, quas Annius
transportauit? Caninium uolui, sed μὴ μίονον ἀμάρ-
τημα, ab aleatore φουρμὸς πολὺς: nam ista quidem Cae-
saris libertorum coniuratio facile opprimeretur, si
recta saperet Antonius. Meam stultam uerecun-
diam, qui legari noluerim ante res prolatas, ne de-
serere uiderer hunc rerum tumorem: cui certe si pos-
sem mederi, deesse non deberem: si uides magistra-
tus: siquidem illi magistratus: uides tamen tyran-
ni satellites in imperijs: uides eiusdem exercitus,
uides in latere ueteranos: quae sunt ἀπὸ πᾶσα omnia:
eos autem, qui orbis terrae custodijs non modo se-
pti, uerum etiam magni esse debebat, tantummodo
laudari, atque amari, sed parietibus contineri. at-
que illi quoquo modo beati, ciuitas misera: Sed ue-
lim scire, quid aduentus Octauij, num qui concur-
sus ad eum, num quae res ἐπεσσομένη suspicio non pu-
to equidem: sed tamen, quidquid est, scire cupio.
Haec scripsi ad te proficiscens Astura, 111. id. Vale.

CICERO

CICERO S. D. ATTICO. 6

PRID. id. Fundis accepi tuas litteras cenans. primum igitur, melius esse: deinde, meliora te nuntiare. Odiosa illa enim fuerant, legiones uenire. Nam de Octavio susq. de qua. Exspecto, quid de Mario: quem quidem ego sublatum rebar a Caesare. Antonij colloquium cum heroibus nostris pro re nata non incommodum: sed tamen adhuc me nihil delectat praeter idus Mart. nam quoniam Fundis sum cum Ligure nostro, discrucior, Sextilij fundum a Verberone Curtilio possideri. quod cum dico, de toto genere dico. quid enim miserius, quam ea nos tueri, propter quae illum oderamus? etiam ne consules, & tribunos pl. in biennium, quos ille uoluit? nullo modo reperio, quemadmodum possim πολιτῶν δα. nihil enim tam σέλοικον, quam τυραννοκτόνους in caelo esse, tyranni facta defendi. sed uides consules: uides reliquos magistratus; si si magistratus; uides languorem bonorum. exultant laetitia in municipiis. dici enim non potest, quantopere gaudeant, ut ad me concurrant, ut audire cupiant uerba mea de re: nec ulla interea decreta. sic enim πεπολιτῶμεθα, ut uictos metueremus. Haec ad te scripsi. apposita secunda mensa. plura, & πολιτικώτερά ποσtea: & tu, quid agas, quidq. agatur.

CICERO S. D. ATTICO. 7

POSTRIDIE id. Paullum Caietae uidi. is mi-

KK 4

bi

hi de Mario, & de rep. alia quaedam sane pessima. a te scilicet mihi: nemo enim meorum. sed Brutum nostrum audio uisum sub Lanuuiio. ubi tandem est futurus? nam cum reliqua, tum de hoc scire aueolo-
 minia. Ego e Formiano exiens xvii. kal. ut inde altero die in Puteolanum, scripsi haec. A Cicero-
 ne mihi litterae sane *πεπρωμέναι* & bene *λόγαι*. ce-
 terea autem uel fingi possunt: *πῖνος* litterarum signi-
 ficat doctiorem. nunc magnopere a te peto, de quo
 sum nuper tecum locutus, ut uideas, ne quid ei de-
 sit. id cum ad officium nostrum pertinet, tum ad
 existimationem, & dignitatem: quod idem intelle-
 xi tibi uideri omnino. si ergo est, uolo mense Quin-
 tili in Graeciam. sunt omnia facilia. sed cum sint
 ea tempora, ut certi nihil esse possit, quid hone-
 stum mihi sit, quid liceat, quid expediat: quaeso,
 da operam, ut illum quam honestissime, copiosi-
 meq. tueamur. haec, & cetera, quae ad nos perti-
 nebunt, ut soles, cogitabis, ad meque, aut quod ad
 rem pertineat, aut, si nihil erit, quod in buccam ue-
 nerit, scribes. Vale.

CICERO S. D. ATTICO. 8

TV ME iam rebare, cum scribebas, in agris es-
 se nostris: at ego accepi xvii. kal. in diuersorio-
 lo Sinuessano tuas litteras. De Mario probe. eisi
 doleo L. Crassi nepotem. Optime, tam etiam Bru-
 to nostro probari Antonium. nam quod Iuniani
 scribis moderate, & amice scriptas litteras attulif-
 se:

se: mihi Paullus dedit ad se a fratre missas, quibus in extremis erat, si insidias fieri, se id certis aucto-ribus comperisse. hoc nec mihi placebat, & multo illi minus. Reginae fuga mihi non molesta: sed, Clo-dia quid egerit, scribas ad me uelim. De Byzan-tijs curabis, ut cetera: & Pelopem ad te arcesse. Ego, ut postulas, Baiana negotia, chorumq. illum, de quo scire uis, cum perspexero, tum scribam, ne quid ignores. Quid Galli, quid Hispani, quid Sex-tus agat, uehementer exspecto. ea scilicet tu decla-rabis, qui cetera. Nauseolam tibi tum caussam otij dedisse, facile patiebar. uidebar enim mihi, legenti tuas, quiescere paulisper. De Bruto semper ad me omnia perscribito, ubi sit, quid cogitet: quem qui-dem ego spero iam tuto uel solum tota urbe uagari posse. ueruntamen. Vale.

CICERO S. D. ATTICO. 9

DE rep. multa cognoui ex tuis litteris: quas qui-dem multiinges accepi uno tempore a Vestorij li-berto. ad ea autem, quae requiris, breui responde-bo. Primum, uehementer me Cluiana delectant. Sed, quod quaeris, quid arcesserim Chrysippum: ta-bernae mihi duae corrureunt, reliquae rimas agunt: itaque non solum inquilini, sed mures etiam migra-uerunt. hanc ceteri calamitatem uocant, ego ne in-commodum quidem. o Socrates, o Sotratichi uiri, numquam uobis gratiam referam. dii immortales, quam mihi ista pro nihilo. sed tamen ea ratio aedifi-candi

candi initur, consiliario quidem, & auctore Veslorio, ut hoc damnum quaestuosum sit. Hic turba magna est, eritque, ut audio, maior: duo quidem quasi designati consules. o dij boni, uiuit tyrannis. tyrannus occidit? eius interfecti morte laetamur, cuius facta defendimus? itaque quam seuerè nos M. Curtius accusat: ut pudeat uiuere: neque iniuria. nam mori millies praestitit, quam haec pati, quae mihi uidentur habitura etiam uetustatem. & Balbus hic est, multumq. mecum: ad quem a Vetere litterae, datae pridie kal. Ian. cum a se Caecilius circumsideretur, & iam teneretur, uenisse cum maximis copijs Pacorum Parthum: ita sibi esse eum ereptum, multis suis amissis: in qua re accusat Volcatium. ita mihi uidetur bellum illud instare. sed Dolabella, & Nicias uiderint. idem Balbus meliora de Gallia: XXI. die litteras habebat: Germanos, illasq. nationes, re audita de Caesare, legatos misisse ad Aurelium, qui est praepositus ab Hirtio, se, quod imperatum esset, esse facturos. quid quaeris? omnia plena pacis, aliter ac mihi Caluena dixerat.

CICERO S. D. ATTICO.

10

ITA ne uero? hoc meus, & tuus Brutus egit, ut Lanuij esset? ut Trebonius itineribus deuijs proficeretur in prouinciã? ut omnia facta, scripta, dicta, promissa, cogitata Caesaris plus ualeret, quam si ipse uiueret? meministi ne clamare, illo ipso primo Capitolino die senatum in Capitolium a praetoribus nocari?

cari? diu immortales, quae tū opera effici potuerunt,
 laetantibus omnibus bonis, etiā sat bonis, fractis la-
 tronibus. Liberalia tu accusas. quid fieri tū potuit?
 iam pridem perieramus. meministi ne te clamare,
 causam perisse, si funere elatus esset? at ille etiam
 in foro combustus, laudatusq. miserabiliter: ser-
 uique; & egentes in tecta nostra cum facibus im-
 missi. quae deinde? ut audiant d. cere, tunc contra
 Caesaris nutum? haec, & alia ferre non possum.
 itaque γῆν καὶ γῆς cogito. Tu tamen ὑπὸ τῆς
 nausea iam ne plane abijs? mihi quidem ex tuis lit-
 teris coniectanti ita uidebatur. redeo ad Thebasos,
 Sceuas, Frangones. hos tu existimas confidere, se
 illa habituros, stantibus nobis? in quibus plus uir-
 tutis putarunt, quam experti sunt. pacis isis scili-
 cet amatores, & non latrocinij auctores; at ego
 cum tibi de Curtilio scripsi, Sextilianoq. fundo, scri-
 psi de Censorino, de Messalla, de Plancio, de Po-
 thumio, de genere toto. melius fuit perisse illo in-
 terfecto, quod numquam accidisset, quam haec ui-
 dere. Octavius Neapolim uenit xlv. kal. ibi cum
 Balbus mane postridie: eodemq. die mecum in Cu-
 mano: illum hereditatem aditurum. sed, ut scribis,
 πῶς δὲ quā magnam cum Antonio. Butbrotia mihi
 tua res est, ut debet, eritq. curae. Quod quaeris, iam
 ne ad centena Clutianum: adueniāre uidetur: sed
 primo anno lxx. deterimus. Quindus pater
 ad me grania de filio, maxime quod matri nunc in-
 dalgeat, cui antea bene merenti fuerit inimicus. ar-
 dentes

dentes in eum litteras ad me misit : ille autem quid agat, si scis, neque dum Romae es profectus, scribas ad me uelim, & hercule si quid aliud. uehementer delector tuis litteris. Vale.

CICERO S. D. ATTICO. II

NVDIVS tertius dedi ad te epistolam longiorum : nunc ad ea, quae proxime. Velim me hercule, Asturae Brutus. ἀκολασίαν istorum scribis. an censebas aliter ? equidem etiam maiora expecto. cum equidem concionem lego, De tanto uiro, de clarissimo ciue, ferre non queo. etsi ista iam adrisum. sed memento : sic alitur consuetudo perditarum concionum : ut nostri illi, non heroes, sed dii, futuri quidem in gloria sempiterna sint, sed non sine periculo quidem. uerum illis magna consolatio, conscientia maximi, & clarissimi facti : nobis quae ? qui, interfecto rege, liberi non sumus. sed haec fortuna uiderit, quoniam ratio non gubernat. De Cicerone, quae scribis, iucunda mihi sunt : uelim, sint prospera. quod uero curae tibi est, ut ei suppedietur ad usum, & cultum copiose ; per mihi gratum est ; idque ut facias, te etiam rogo. De Buthrotijs, & tu recte cogitas, & ego non dimitto istam curam : suscipiam omnem etiam actionem ; quam uideo quotidie faciliorem. De Cluuiano, quoniam in re mea me ipsum diligentia uincis, res ad centena perducitur. ruina rem non fecit deteriorem, haud scio an iam fructuosiore. Hic mecum Balbus.

bus, Hirtius, Pansa, modo uenit Octavius, et quidem in proximam uillam Philippi; mihi totus deditus. Lentulus, Spinther hodie apud me: cras mane uadit! *hē. Kalē.*

CICERO S. D. ATTICO. 12

Οἱ μὲν ἄνθρωποι τῶν ἡμετέρων καὶ τῶν ἐναντίων.
 OM. Attice, uereor, ne nobis idus Martiae nihil dederint praeter laetitiam, & odij poenam, ac doloris, quae mihi istinc afferuntur, quae hic uideo. *Ἐπεὶ γὰρ οὐκ ἔστιν ἐν τῇ πόλει, ἀλλὰ καὶ ἐν τῇ οἰκίᾳ.* Scis quam diligam Siculos; & quam illam clientelam honestam iudicem. multa illis Caesar, neque me inuito. etsi Latinitas erat non ferenda: uerum tamen, ecce autem Antonius, accepta grandi pecunia, fixit legem, a dictatore comitijs latam, qua Siculi ciues Romani: cuius rei, uino illo, mentio nulla. Quid? Dejotari nostri caussa non similis? dignus ille quidem omni regno, sed non per Fuluiam: sexcenta similia. uerum illuc refero. tam claram, tamq. testatam rem, tamq. iustam Buthrotiam non tenebimus aliqua ex parte? & eo quidem magis, quo ista plura. Nobiscum hic perhonorifice, & amice Octavius: quem quidem sui Caesarem salutabant, Philippus non: itaque ne nos quidem: quem nego posse bonum ciuem: ita multi circumstant, qui quidem nostris mortem minitantur. negat haec ferri posse. quid censes, cum Romam puer uenerit, ubi nostri liberatores tuti esse non possunt? qui quidem semper erunt clari, conscientia uero facti sui etiam beati: sed nos, nisi

si me falli, iacebimus. itaque exire a quo; ubi nec
Pelopidarum; inquit. haud amo vel hos designa-
tos; qui etiam declamare me coegerunt; ut ne ap-
ud aquas quidem aqua scire liceret. sed hoc meae
nimiae facilitatis. nam id erat quondam quasi neces-
se: nunc, quoquo modo se res habet, non est item,
quam dudum. Nihil habeo, quod ad te scribam:
scribo tamen, non ut deleeter meis litteris, sed ut
eliciam tuas. tu, si quid erit de ceteris, de Bruto uti-
que quidquid. Haec conscripsi x. kal. accubans ap-
ud Nestorium; hominem remotum a dialecticis,
in arithmeticis satis exercitatum.

CICERO S. D. ATTICO. 13

SEPTIMO denique die litterae mihi redditae
sunt; quae erant a te xii. kal. datae: quibus quae-
ris, atque etiam me ipsum nescire arbitraris, utrum
magis tumulis, prospektuque, an ambulatione ale-
teret deleeter. est mehercule, ut dicis, utirusque loci
tanta amoenitas, ut dubitem, utra anteponenda sit.

Αλλὰ οὐδαμὸς ἐπὶ τῆς τοῦ ἐργαζομένου, ἢ
Ἀλλὰ λίην μέγα πῆμα διαστρέφει τοιοῦτον.
Δείδω μὲν, ἐν σοὶ δὲ σώσει μιν, ὡς ἀπὸ λέξαι.
quamvis enim tu magna, et mihi iucunda scripseris
de D. Bruti aduentu ad suas legiones; in quo spem
maximam uideo: tamen, si est bellum civile futu-
rum, quod certe erit, si Sextus in armis permane-
bit, quem permansurum esse certo scio; quid nobis
faciendum est, ignoro. neque enim iam licebit, quod

Caesaris

Caesaris bello licuit, neque huc, neque illuc. quem-
cumque enim haec pars perditorum laetatum morte
Caesaris putabit, (laetitiam autem apertissime tuli-
mus omnes) hunc in hostium numero habebit. quae-
ries ad caedem maximam spectat. restat, ut in ca-
stra Sexti, aut, si forte, Bruti nos conseramus. res
odiosa, & aliena nostris aetatibus, & incerto exitu
belli: & nescio quo pacto tibi ego possim, mihi
tu dicere.

Τέκνον ἐμὸν οὗτοι δέδοται πολεμικά ἔργα,
 Ἀλλὰ σύ γ' ἡμερόεντα μετέρχῃς ἔργα λόγοις.

sed haec fors uiderit, ea, quae talibus in rebus plus,
quam ratio, potest, nos autem id uideamus, quod
in nobis ipsis esse debet, ut, quidquid acciderit, for-
titer, & sapienter feramus, & accidisse hominibus
meminerimus; nosq. cum multum litterae, tunc
non minimum idus quoque Martiae consolentur.

Suscipe nunc meam deliberationem, qua sollicitor.
ita multa ueniunt in mentem in utramque partem.

Proficiscor, ut constitueram, legatus in Graeciam:
caedis impendentis periculum non nihil uitare ui-
deor, sed causurus in aliquam uituperationem, quod

reip. defuerim tam graui tempore. sin autem man-
sero; equidem uideo in discrimine, sed accidere pos-
se suspicor, ut prodesse possim reip. Tam illa consilia

priuata sunt, quod sentio ualde esse utile, ad confir-
mationem Ciceronis, me illuc uenire. nec alia caus-
sa profectionis mihi ulla fuit, cum consilium cepi le-
gari ab Caesare. tota igitur hac de re, ut soles, si

quid

quid ad me pertinere putas, cogitabis. Redeo nunc ad epistolam tuam. scribis enim esse rumores, me, ad lacum quod habeo, uenditurum, minusculam uero quillam utique Quinto traditurum, uel impenso pretioso, quo introducatur, ut tibi Quintus F. dixerit, dotata Aquillia. ego uero de uenditione nihil cogito, nisi quid, quod magis me delectet, inueniero. Quintus autem de emendo nihil curat hoc tempore: satis enim torquetur debitione dotis: in qua mirificas Q. Egnatio gratias agit: a ducenda autem uxore sic abhorret, ut quidquam libero letulo neget esset iucundius. Sed haec quoque hactenus. redeo enim ad miseram, seu nullam potius remp. M. Antonius ad me scripsit de restitutione Sex. Clodij: quam honorifice, quod ad me attinet, ex ipsius litteris cognosces: nisi enim tibi exemplum: quam dissolute, quam turpiter, quamq. perniciose, ut non numquam Caesar desiderandus esse uideatur, facile existimabis: quae enim Caesar numquam neque fecisset, neque passus esset, ea nunc ex falsis eius commentarijs proferuntur. ego autem Antonio facillimum me praebui. etenim ille, quoniam semel induxit animum, sibi licere quod uellet, fecisset nihilo minus me inuito. itaque mearum quoque litterarum mihi tibi exemplum. Antonius consul S. D. Ciceroni. Occupationibus est factum meis, & subita tua professione, ne tecum coram de hac re agerem. quam ob causam ue-reor, ne absentia mea leuior sit apud te. quod si bonitas

nitas tua responderit iudicio meo, quod semper habui de te, gaudebo. A Caesare petij, ut Sex. Clodium restitueret: impetraui. erat mihi in animo etiam tum sic uti beneficio eius, si tu concessisses. quo magis laboro, ut tua uoluntate id per me facere nunc liceat. quod si duriores te eius miserae, & afflictæ fortunæ præbes; non contendam ego aduersus te. quamquam uideor debere tueri commensarium Caesaris. sed mehercule, si humaniter, & sapienter, & amabiliter in me cogitare uis, facilem te profecto præbebis, & uoles P. Clodium, in optima spe puerum repositum, existimare, non te infestatum esse, cum potueris, amicos paternos. patere, obsecro te, pro rep. uideri gessisse similitatem cum patre eius: non contempseris hanc familiam. honestius enim, et libentius deponimus inimicitias reip. nomine susceptas, quam contumaciae. Me deinde sine ad hanc opinionem iam nunc dirigere puerum, & tenero animo eius persuadere, non esse tradendas posteris inimicitias. quamquam, tuam fortunam, Cicero, ab omni periculo abesse, certum habeo: tamen arbitror malle te quietam senectutem, & honorificam potius agere, quam sollicitam. Postremo, meo iure te hoc beneficium rogo. nihil enim non tua causa feci. Quod si non impetro, per me Clodio daturus non sum: ut intelligas, quanti apud me auctoritas tua sit, atque eo te placabilior rem præbeas. Vale. Cicero Antonio cos. S.

Quid mecum per litteras agis, unam ob causam

L L sam

*sam malle mi coram egisses. non enim solum ex ora-
 tione, sed etiam ex uultu, & oculis, & fronte, ut
 aiunt, meum erga te amorem perspicere potuisses.
 nam cum te semper amauim, primum tuo studio, post
 etiam beneficio prouocatus: tum his temporibus
 resp. te mihi ita commendauit, ut carior em habeam
 neminem: litterae uero tuae, tum amantissime, tum
 honorificentissime scriptae, sic me affecerunt, ut non
 dare tibi beneficiũ uiderer, sed accipere a te ita pe-
 tente, ut inimicum meum, necessarium tuum, me
 inuito seruare nolles: cum id nullo negotio facere
 posses. Ego uero tibi istuc, mi Antoni, remitto, at-
 que ita, ut me a te, cum his uerbis scripseris, libera-
 lissime, atque honorificentissime tractatum existi-
 mem. idq. cum totum, quoquo modo se res haberet,
 tibi dandum putarem, tum do etiam humanitati, &
 naturae meae. nihil enim umquam non modo acer-
 bum in me fuit, sed ne paullo quidem tristius, aut se-
 uerius, quam necessitas reip. postulauit. Accedit,
 ut ne in ipsum quidem Clodium meum insigne odiũ
 fuerit umquam: semperq. ita statui, non esse inse-
 ctando inimicorum amicos, praesertim humiliores,
 nec his praesidijs nosmet ipsos esse spoliandos. Nam
 de puero Clodio tuas partes esse arbitror, ut eius
 animum tenerum, quemadmodum scribis, his opi-
 nionibus imbuas, ut ne quas inimicitias residere
 in familijs nostris arbitretur. contendi cum P. Clo-
 dio, cum ego publicam causam, ille suam defende-
 ret. nostras contentiones resp. diiudicauit. si uiue-
 ret,*

ret, mihi cum illo nulla contentio iam maneret. Quare, quoniam hoc a me sic petis, ut, quae tua potestas est, ea neges te me invito usurum; puero quoque hoc a me dabis, si tibi uidebitur: non quo aut aetas nostra ab illius aetate quidquam debeat periculi suspicari, aut dignitas mea ullam contentionem extimescat: sed ut nosmet ipsi inter nos coniunctiores simus, quam adhuc fuimus interpellantibus enim his inimicijs animus tuus mihi magis patuit, quam domus. Sed haec haecenus: illud extremum ego, quae te uelle, quaeq. ad te pertinere arbitrabor, semper sine ulla dubitatione summo studio faciam. hoc uelim tibi penitus persuadeas.

CICERO S. D. ATTICO. II

ITERA dum eadem ista mihi coronatus Quintus noster Parilibus? Parilibus solus ne? etsi addis Lamiam: quod demiror equidem: sed scire cupio, qui fuerint alij: quamquam satis scio, nisi improbum neminem. explanabis igitur hoc diligentius. ego autem casu cum dedisse ad te litteras. v. kal. satis multis uerbis, tribus fere horis post accipi tuas, & magni quidem ponderis, itaque ioca tua plena facetiarum, de haeresi Vestoriana, & de Phetionum more Puteolano, risisse me satis, nihil est necesse rescribere. *παρακατα* illa uideamus. Ita Brutos, Cassiumq. defendis, quasi eos ego reprehendam: quos satis laudare non possum. rerum ego uitia collegi, non hominum. sublato enim tyranno,

tyrannida manere uideo. nam quae ille facturus non fuit, ea sunt, ut de Clodio: de quo mihi exploratum est, illum non modo non facturum, sed etiam ne passurum quidem fuisse. sequetur Rufio Vestorianus, Victor numquam scriptus, ceteri quis non? cui seruire ipsi non potuimus, eius libellis paremus. Nam Liberalibus quis potuit in senatum non uenire? fac id potuisse aliquo modo: num, etiam cum uenissimus, libere potuimus sententiam dicere? non ne omni ratione ueteri, qui armati aderant, cum praesidiu nos nihil haberemus, defendendi fuerunt? illam sessionem Capitolinam mihi non placuisse, tu testis es. quid ergo? culpa ista Brutorum? minime illorum quidem, sed aliorum Brutorum, qui se cautos, ac sapientes putant: quibus satis fuit, laetari; nonnullis etiam gratulari; nullis, permanere: sed praeterita omittamus: istos omni cura, praesidioque tueamur; & quemadmodum tu praecipis, contenti idibus Mart. simus: quae quidem nostris amicis, diuinis uiris, aditum ad caelum dederunt, libertatem populo R. non dederunt. Recordare tua non ne meministi clamare te, omnia perisse, si ille funere elatus esset? sapienter id quidem: itaque ex eo quae manarint, iudes. Quae scribis kalendis Iunij Antonium de prouincijs relaturum, ut & ipse Gallias habeat, & utriusque dies prorogetur: licebit ne discerni libere? si licuerit; libertatem esse recuperatam laetabor. si non licuerit, quid mihi attulerit ista domini mutatio praeter laetitiam, quam oculis cepi

iusto interitu tyranni? Rapina scribis ad Opis fieri: quas nos quoque tum uidebamus. nae nos & liberati ab egregijs uiris, nec liberi sumus. ita laus illorum est, culpa nostra. & hortaris me, ut historias scribam: ut colligam tanta eorum scelera, et qui bus etiam nunc obsidamur? potero ne eos ipsos non laudare, qui te obsignatorem adhibuerunt? nec me hercule me raudusculum mouet: sed homines beneuolos, qualescumque sunt, graues est insequi contumelia. sed de omnibus meis consilijs, ut scribis, existimo exploratius nos ad kal. Iun. statuere posse: ad quas adero, & omni ope, atque opera enitar, adiuuante me scilicet auctoritate tua, & gratia, & summa aequitate caussae, ut de Buthrotijs S.C. quale scribis, fiat. Quod me cogitare iubes, cogitabo equidem. etsi tibi dederam superiore epistola cogitandum. tu autem, quasi iam recuperata rep. uicinis tuis Massiliensibus sua reddis. haec armis, quae quam firma habeamus, ignoro; restitui fortasse possunt, auctoritate non possunt. Vale.

CICERO S. D. ATTICO. 15

EPISTOLA breuis, quae postea a te scripta est, sane mihi fuit iucunda, de Bruti ad Antonium, & de eiusdem ad te litteris. posse uidentur esse meliora, quam adhuc fuerint: sed nobis, ubi finis, & quo iam nos conferamus, prouidendum est. o mirificum Dolabellam meum. iam enim dico meum, antea, crede mihi, subdubitabam. magnam aua-

Quæpiam res habet: de saxo, in crucem, columnam tol-
lere, locum illum sternendum locare. quid quaeris?
heroica. sustulisse mihi uidetur simulationem deside-
rij, adhuc quæ serpebat in dies, & inueterata, ue-
rebar, ne periculosa nostris tyrannoctonis esset.
nunc prorsus assentior tuis litteris, speroq. meliora.
quamquam istos ferre non possum: qui, dum se pa-
cem uelle simulant, acta nefaria defendunt. sed non
possunt omnia. incipit res melius ire, quam putā-
ram. nec uero discedam, nisi cum tu id me honeste
putabis facere posse. Bruto certe meo nullo loco de-
ero: idque, etiam si mihi cum illo nihil fuisset, face-
rem propter eius singularem, incredibilemque uirtu-
tem. Piliae nostrae uillam totam, quæq. in uilla sunt
trado, in Pompeianum ipse proficiscens kal. Mai.
quam uelim Bruto persuadeas, ut Asturæ sit. Vale.

CICERO S. D. ATTICO. 16

V. NON. conscendens ab hortis Cluuianis in
phaselum epicopum has dedi litteras, cum Piliae no-
strae uillam ad Lucrinum, uillicosq. procuratores
tradidissem. ipse autem eo die in Paeti nostri tyro-
tarichum imminebam, per paucis diebus in Pompe-
ianum, post in haec Puteolana, & Cumana regna
renauigare. o loca ceteroqui valde expetenda, in-
terpellantium autem multitudine paene fugienda.
Sed ad rem ut ueniam, o Dolabellæ nostri magnam
aspiciam. quanta est ἀνδραγόρας, equidem laudare
eum, & hortari non desiste recte tu omnibus epi-
stolis

Stolis significas, quid de re, quid de uiro sentis. mihi quidem uidetur Brutus noster iam uel coronam auream per forum ferre posse. quis enim audeat uiolare, proposita cruce, uel saxo? praesertim tantis plausibus, tanta approbatione infirmorum? Nunc, mi Attice, me fac ut expedias. cupio, cum Bruto nostro affatim satisfecerim, excurrere in Graeciam. magni interest Ciceronis, uel mea potius, uel mehercule utriusque, me interuenire discenti. nam epistola Leonidae, quam ad me misisti, quid habet, quae so, in quo magnopere laetemur? numquam illa mihi satis laudari uidebitur, cum ita laudabitur, QVO
MODO NUNC EST. non est fidentis hoc testimonium, sed potius timentis. Herodi autem mandaram, ut mihi κατὰ μίτον scriberet: a quo adhuc nulla littera est. uereor, ne nihil habuerit, quod mihi, cum cognossem, iucundum putaret fore. Quod ad Xenonem scripsisti, ualde mihi gratū est. nihil enim deesse Ciceroni, tum ad officium, tum ad existimationem meam pertinet.

Flammam Flaminium audio Romae esse. ad eum scripsi, me tibi mandasse per litteras, ut de Montani negotio cum eo loquerere. & uelim cures epistolam, quam ad eum misi, reddendam, & ipse, quod commodum tuo fiat, cum eo colloquere. puto, si quid in homine pudoris est, praestaturum eum, ne pro se quodam modo dependatur. De Attica pergratum mihi fecisti, quod curasti, ante scirem recte esse, quam non belle fuisse. Vale.

IN Pompeianum ueni v. kal. Mai. cum pridie, ut antea ad te scripsi, Piliam in Cumano collocauissem. ibi mihi cenanti litterae tuae sūt redditae, quas dederas Demetrio liberto prid. kal. in quibus multa sapienter, sed tamen talia, quemadmodum tu scribebas, ut omne consilium in fortuna positum uideretur. itaque his de rebus ex tempore, & coram. De Buthrotio negotio, utinam quidem Antonium conueniam: multum profecto proficiam. sed non arbitrantur eum a Capua declinaturum. quo quidem, metuo, ne magno reip. malo uenerit. quod idem L. Caesari uidebatur; quem pridie Neapoli affectum grauius uideram. quamobrem ista nobis ad kal. Iun. tractanda, & perficienda sunt. Sed haecenus: Quintus filius ad patrem acerbissimas litteras misit: quae sunt ei redditae, cum uenissemus in Pompeianum: quarum tamen erat caput, Aquilliam nouercam non esse latiturum: sed hoc tolerabile fortasse, illud uero? se ab Caesare habuisse omnia, nihil a patre, reliqua sperare ab Antonio. o perditum hominem. sed μελίσσι. Ab Brutum nostrum, & Cassium, & ad Dolabellam epistolas scripsi. earum exempla tibi misi, non ut deliberarem reddendae ne essent, (plane enim iudico esse reddendas) sed quod non dubito, quin tu idem existimaturus sis. Ciceroni meo, mi Attice, suppeditabis quantum uidebitur; meq. tibi hoc onus imponere patiere.

re : quae adhuc fecisti, mihi sunt gratissima. Librum meum illum ~~ex~~ ^{ex} doro non dum, ut uolui, perpoliui. ista uero, quae tu contexi uis, aliud quiddam se paratum uolumen expectant. ego autem (credas mihi uelim) minore periculo existimo contra illas nefarias partes, uiuo tyranno, dici potuisse, quam mortuo. ille enim nescio quo pacto ferebat me quidem mirabiliter : nunc, quacumque nos commouimus, ad Caesaris non modo acta, uerum etiam cogitata reuocamur. De Montano, quoniam Flamma uenit, uidebis. puto rem meliore loco esse debere. Vale. Cicero S. D. Dolabellae cos. suo.

Etsi contentus eram, mi Dolabella, tua gloria, satisq. ex ea magnam laetitiam, uoluptatemq. capiebam : tamen non possum non confiteri, cumulari me maximo gaudio, quod uulgo hominum opinio socium me adscribat tuis laudibus. neminem conueni, (conuenio autem quotidie plurimos : sunt enim permulti optimi uiri, qui, uoletudinis causa, in haec loca conueniant, praeterea ex mancipijs frequentes necessarii mei) quin omnes, cum te summis laudibus ad caelum extulerunt, mihi continuo maximas gratias agant. negat enim se dubitare, quin tu, meis praeceptis, & consilijs obtemperans, praestantissimum te ciuem, & singularem consulem praebeas. quibus ego quamquam uerissime possim respondere, te, quae facias, tuo iudicio, & tua sponte facere, nec cuiusquam egere consilio : tamen neque plane assentior, ne imminuam tuam laudem, si omnis a meis consilijs

consilijs profecta uideatur; neque uale. nego: sum enim audior etiam, quam satis est, gloriae. Et tamen non alienum est dignitate tua; quod ipsi Agan-
 nennoni, regi regum, fuit honestum, habere ali-
 quem in consilijs capiundis Nestorem. mihi uero
 gloriosum, te iuuenem consulem florere laudibus,
 quasi aluminum disciplinae meae. Lucius quidem Cae-
 sar, cū ad eum aegrotum Neapolim uenissem, quam
 quā erat oppressus totius corporis doloribus, tamen
 ante, quam me plane salutauit, o mi Cicero, inquit,
 gratulor tibi, cum tantum uales apud Dolabellam,
 quantum si ego apud sororis filium ualerem, iā salui
 esse possemus. Dolabellae uero tuo et gratulor, et gra-
 tias ago: quem quidem, post te consulem, solū possu-
 mus uere consulē dicere. deinde multa de facto, ac
 de re gesta: tum nihil magnificentius, nihil praecla-
 rius actum umquā, nihil reip. salutarius. atque haec
 una uox omnium est. A te autem peto, ut me hanc
 quasi falsā hereditatē alienae gloriae sīmas cernere,
 meq. aliqua ex parte in societatem tuarum laudum
 uenire patiare. quamquam, mi Dolabella, (haec e-
 nim iocatus sum) libentius omnes meas, si modo
 sunt aliquae meae laudes, ad te transfuderim, quam
 aliquam partem exhauserim ex tuis. nam cum te
 semper tantum dixerim, quantum tu intelligere
 potuisti; tum his tuis factis sic incensus sum, ut ni-
 hil umquam in amore fuerit ardentius. Nihil
 est enim, mihi crede, uirtute formosius, nihil pul-
 chrius, nihil amabilius. semper amavi, ut scis, M.

Brutum

Brutum, propter eius summum ingenium, suauissimos mores, singularem probitatem, atque constantiam; tamen idibus Mart. tantum accessit ad amorem, ut mirarer locum fuisse augendi in eo, quod mihi iam pridem cumulatam etiam uidebatur, quis erat, qui putaret ad eum amorem, quem erga te habebam, posse aliquid accedere? tantum accessit, ut mihi nunc denique amare uidear, antea dilexissam. Quare quid est, quod ego te horter, ut dignitati & gloriae seruias? proponam tibi claros uiros, quod facere solent, qui hortantur? neminem habeo clariorem, quam te ipsum. te imitere oportet, tecum ipse certes. nec licet quidem tibi iam, tantis rebus gestis, non tui similem esse. quod cum ita sit; hortatio non est necessaria, gratulatione magis utendum est. contigit enim tibi, quod haud scio an nemini, ut summa seueritas animaduersionis non modo non inuidiosa, sed etiam popularis, esset, & cum bonis omnibus, tum infimo cuique gratissima. Hoc si tibi fortuna quadam contigisset, gratularer felicitati tuae: sed contigit magnitudine tum animi, tum etiam ingenij, atque consilij. legi enim concionem tuam: nihil illa sapientius: ita pedetentim, & gradatim tum accessus a te ad causam facti, tum recessus, ut res ipsa maturitatem tibi animaduertendi omnium concessu daret. Liberasti igitur & urbem periculo, & ciuitatem metu: neque solum ad tempus maximam utilitatem attulisti, sed etiam ad exemplum. quo facto, intelligere debes, in te pos-

tam

tam esse remp. tibiq. non modo tuendos, sed etiam
ortandos illos viros, a quibus initium libertatis pro
fectum est. Sed his de rebus coram plura prope-
diem, ut spero. Tu, quoniam remp. nosq. conser-
uas, fac, ut diligentissime te ipsum, mi Dolabella,
custodias. Vale.

108

CICERO. S. D. ATTICO. 18

SABRIVS me iam agitas, quod rem gestam Do-
labellae nimis in caelum uidear efferre. ego autem,
quamquam sane probo factum, tamen, ut tanto pe-
re laudarem, adductus sum tuis & unis, & alte-
ris litteris. sed totum se a te abalienavit Dolabella,
ea de causa, qua me quoque sibi inimicissimum red-
didit. o hominem pudentem. kal. Iun. debuit: ad-
huc non soluit, praesertim cum se maximo aere alie-
no Faberij manu liberarit, & Opem ab eo petierit.
licet enim iocari, ne me valde conturbatum putes.
atque ego ad eum vix id litteras dederam bene
mane. eodem autem die tuas litteras uespero acce-
peram in Pompeiano, sane celeriter, tertio abs te
die. sed, ut ad te eo ipso die scripseram, satis acu-
leatas ad Dolabellam litteras dedi: quae si nihil pro-
fecerint, puto fore, ut me praesentem non suslineat.
Albanius te confecisse arbitror. De Petulciano
nomine, quod mihi suppeditatus es, gratissimum
est, & simile tuorum omnium. sed ego Erotem ad
ista expedienda factum mihi uidebar reliquisse: cu-
ius non sine magna culpa macillarunt. sed cum ipso
uideor

uidero . De Montano , ut saepe ad te scripsi , erit tibi tota res curae . Seruius proficiscens , quod desperanter tecum locutus est , minime miror , neque ei quid quam in desperatione concedo . Brutus noster , singularis uir , si in senatum non est kal . Iun . uenurus ; quid factururus sit in foro , nescio . sed hoc ipse melius . Ego ex his , quae parari uideo , non multum idibus Martijs profectum iudico : itaque de Graecia quotidie magis & magis cogito . nec enim Bruto meo , exsilium , ut scribis ipse , meditati , uideo quid prodesse possim . Leonidae me litterae satis delectarunt . De Herode tibi assentior . Saufeium legisse uellem . Ego ex Pompeiano vi . idus Mai . cogitabam . Vale .

CICERO . S . D . ATTICO .

12

NONIS Mai . cum essem in Pompeiano , acciperi binas a te litteras , alteras sexto die , alteras quarto . ad superiores igitur prius . Quam mihi iucundum , oportune tibi Barnachum litteras reddidisse . Tu uero cum Cassio , ut cetera . quam commodè autem , quod id ipsum , quod me mones , quadriduo ante ad eum scripseram , exemplumq . mearum litterarum ad te miseram : sed cum Dolabellae auaritia (sic enim tu ad me scripseras) magna desperatione affectus essem ; ecce tibi & Bruti , & tuae litterae , ille exsilium meditari , nos autè alium portum propiorem huic aetati uidebamus : in quem mallet e-
quidem peruehi florente Bruto nostro , consiliutaq .
rep .

rep. sed nunc quidem, ut scribis, non utrum uis :
 assentiris enim mihi, nostram aetatem praesertim a
 castris civilibus adhorrere. M. Antonius ad me
 tantum de Clodio rescripsit, meam lenitatem, &
 clementiam & sibi esse gratiam, & mihi uoluptati
 magnae fore : sed Pansa furere uidetur de Clodio ;
 itemq. de Deiotaro ; & loquitur seuerè, si uelis cre
 dere. illud tamen non belle, ut mihi quidem uide
 tur, quod factum Dolabellae uehementer improbat.
 De coronatis, cum sororis tuæ filius a patre accusa
 tus esset, rescripsit, se coronam habuisse honoris Cae
 saris causa, posuisse luctus gratia ; postremo, se li
 benter uituperationem subire, quod amaret etiam
 mortuum Caesarem. Ad Dolabellam, quemadmo
 dum tibi dicis placere, scripsi diligenter : ego etiam
 ad Sicam. tibi hoc oneris non impono. nolo te illum
 ratum habere. Serui orationem cognosco : in qua
 plus timoris uideo, quam consilij : sed quoniam per
 territi omnes sumus, assentior Seruio. Publilius
 tecum tricatus est, huc enim Caerellia missa ab istis
 est legata ad me : cui facile persuasi, mihi id, quod
 rogaret, ne licere quidem, non modo non libere.
 Antonium si uidero, accurrate agam de Buthroto.
 Venio ad recentiores litteras, quamquam de Seruio
 iam rescripsi, me facere magnam. Dolabel
 lae mihi mehercule ita uidetur, non potuisse maior
 talire, talique tempore. sed tamen, quidquid ei tri
 buo, tribuo ex tuis litteris. tibi uero assentior, ma
 iorem eius fore, si mihi, quod debuit ; dissol

uerit: Brutus, uelim, sit Asturae: Quod autem laudas me, quod nihil ante de professione constitutam, quam, ista quo euasura sint, uidero: muto sententiam, neque quidquam tamen ante, quam te uidero. Atticam meam gratias mihi agere de matre gaudeo: cui quidem ego totam uillam, cellamque tradidi, eamque cogitabam uide. tu Atticae salutem dices: nos Piliam diligenter tuebimur. Vale.

CICERO S. D. ATTICO. 20

E POMPEIANO nauis aduentus sum in Luculli nostri hospitium VI. id. hora fere tertia. egressus autem e nauis, accepi tuas litteras, quas tuus tabellarius in Cumanum attulisse dicebatur, nonis Maii datas, a Lucullo postridie eadem fere hora, qua ueni, VII. id. Laniuius datas. audi igitur ad omnes. Primum, quae de re mea gesta & in solutione, & in Albano negotio, grata. de tuo autem, cum in Pompeiano essem, Misenum uenit. Antonius inde ante discessit, quam illum uenisse audissem a quo in Samnium. uide, quid speres. Romae igitur de Buthroto L. Antonij horribilis concio, Dolabellae praeclara. iam uel sibi habeat nummos, modo numeret idibus. Tertullae nollem abortum. tam enim Cassii sunt iam, quam Bruti ferendi. De regina uelim, atque etiam de Caesare illo. Persolui primae epistolae: uenio ad secundam. De Quinctis, Buthroto, cum uenero, ut scribis. Quod Ciceroni suppeditas, gratum. Quod errare me putas, qui rem

remp. putem pendere a Bruto: sic se res habet: aut
 nulla erit, aut ab isto, istis uel seruabitur. Quod me
 hortaris, ut scriptam concionem mittam: accipe, a
 me, mi Attice, καὶ δόξα δὲ δὲ ἐν ταῖς earum rerum,
 in quibus satis exercitati sumus. nemo umquam ne
 que poeta, neque orator fuit, qui quemquam melio
 rem, quam se, arbitraretur. hoc etiam malis con
 tigi: quid tu Bruto putas, & ingenioso, & erudito?
 de quo etiam experti sumus nuper in edicto. scri
 pseram rogatu tuo. meum mihi placebat, illi suum.
 quoniam etiam, cum, ipsius precibus paene adductus,
 scripsissem ad eum de optimo genere dicendi, non
 modo mihi, sed etiam tibi scripsit, sibi illud, quod
 mihi placeret, non probari, quare sine quaeso sibi
 quemque scribere: suam cuique sponsam, mihi meam;
 suum cuique amorem, mihi meum. non scite: hoc
 enim Atilius, poeta durissimus, atque utinam li
 ceat isti contionari: cui si esse in urbe tuto licebit,
 uitimus. ducem enim noui belli ciuilis aut nemo se
 quetur, aut ij sequentur, qui facile uincantur. Ve
 nio ad tertiam: Gratas fuisse meas litteras Bruto,
 & Cassio, gaudeo: itaque ijs rescripsi. Quod Hir
 tius per me meliorem fieri uolunt: do equidem ope
 ram; & ille optime loquitur; sed uiuit, habitatq.
 cum Balbo; qui item bene loquitur. quid credas,
 uideris. Dolabellam ualde placere tibi uideo. mihi
 quidem egregie. Cum Pansa uixi in Pompeiano,
 is plane mihi probabat se bene sentire, & cupere
 pacem. Caussam armorum quaeri plane uideo.

Edictum

Edictum Bruti, & Cassii probo. Quæris, ut suscipi
am cogitationem, quid nam istis agendum putem.
consilia temporum sunt; quæ in horas commutari
uides. Dolabellæ & prima illa actio, & hæc contra
Antonium concio mihi profecisse permultum uide-
tur. prorsus ibat res. nunc autem uidemur habitu-
ri ducem: quod unum municipia, boniq. desiderant.
Epicuri mentionem facis, & audes dicere μή ποτε
τῷ ἑδῶν. non te Bruti nostri multculus ab ista oratio-
ne deterret? Quintus filius, ut scribis, est dextel-
la. per eum igitur, quod uolumus, facile aufere-
mus. expecto, si, ut putas, L. Antonius produ-
xit Octauium, qualis concio fuerit. Hæc scripsi.
Statim enim Cassii tabellarius. eram continuo Pi-
liam salutaturus: deinde ad epulas Vestorij, nauicu-
la. Atticæ plurimam salutem. Vale.

CICERO S. D. ATTICO. 21

C V M paullo ante dedissem ad te Cassii tabella-
rio litteras, v. id. uenit noster tabellarius, & qui-
dem portenti simile, sine tui litteris. sed cito con-
ieci, Lanuuij te fuisse. Eros autem festinauit, ut
ad me litteræ Dolabellæ perferrentur, non de re
mea, (non dum enim meas acceperat) sed rescri-
psit ad eas, quarum exemplum tibi miseram, sane
luculente. Ad me autem, cum Cassii tabellarium
dimissem, statim Balbus. o dñ boni, quam facile
perspiceres timere otium. & nosti uirum, quam

M M tectus:

*tectus : sed tamen Antonij consilia narrabat ; illum
 circuire ueteranos , ut acta Caesaris sancirent , idq.
 se facturos esse iurarent : ut rata omnes haberent ,
 eaq. diuini omnibus mensibus inspicerent . que-
 stus est etiam de sua inuidia , eaq. omnis eius oratio
 fuit , ut amare uideretur Antonium . quid quaeris ?
 nihil sinceri . mihi autem non est dubium , quin res
 spectet ad castra . acta enim illa res est animo uiri-
 li , consilio puerili . quis enim hoc non uidit , regi
 heredem relictum ? quid autem absurdius , hoc me-
 tuere , alterum in metu non ponere ? quin etiam hoc
 ipso tempore multa ὑπολόγια , Pontij Neapoli-
 tanum a matre tyrannoctoni possideri . legendus mi-
 hi saepius est Cato maior , ad te missus . amariorem
 enim me senectus facit ; stomachor omnia . sed mihi
 quidem Cερίαι : uiderint iuuenes . tu mea curabis ,
 ut curas . Haec scripsi , seu dictaui , opposita secun-
 da mensa , apud Vestorium . postridie apud Hirtium
 cogitabam , & quidem πεντέλοισιν . sic hominem
 traducere ad optimates paro . λῆρος πολὺς . nemo est
 istorum , qui otium non timeat . quare talaria ui-
 deamus . quiduis enim potius , quam castra . Atti-
 cae salutem plurimam uelim dicas . Exspecto Octa-
 uij concionem , & si quid aliud , maxime autem ec-
 quid Dolabella tinniat , an in meo nomine tabulas
 nouas fecerit . Vale .*

CICERO S. D. ATTICO. 22

CERTIOR a Piliis factus, mitti ad te idibus
 tabellarios, statim hoc nescio quid exaravi. Pri-
 mum igitur scire te uolui, me hinc Arpinum XVI.
 kal. Iun. eo igitur mittes, si quid erit posthac.
 (quamquam ipse iam iamq. adero) cupio enim an-
 te, quam Romam uenio, odorari diligentius, quid
 futurum sit. quamquam uereor, ne nihil coniectura
 aberrem. minime enim obscurum est, quid isti mo-
 liantur. meus uero discipulus, qui hodie apud me
 cenat, ualde amat illum, quem Brutus nocter sau-
 ciavit. & si quaeris, (perspexi enim plana) timent
 otium. ὁ νόθος autem hanc habent, eamq. praese-
 ferunt, uirum clarissimum interfectum, totam
 remp. illius interitu perturbatam: irrita fore, quae
 ille egisset, simul ac desistemus timere: clementiam
 illi malo fuisse: qua si usus non fuisset, nihil ei tale
 accidere potuisset. Mihi autem uenit in mentem, si
 Pompeius cum exercitu firmo ueniat, quod est εὖ-
 λογος, certe fore bellum. haec me species, cogitatioq.
 perturbat. neque enim, quod tibi tum licuit,
 nobis nunc licebit. nam aperte laetati sumus. deinde
 habent in ore, nos ingratos. nullo modo licebit,
 quod tum & tibi licuit, & multis. φαινοπροσωπι-
 τίων ergo, & ἰτέον in castra? millies mori melius,
 huic praesertim aetati. itaque me idus Martiae non
 tam consolantur, quam antea, magnum enim men-

dum continent . et si illi iuuenes

ἄλλοις ἐν ἐδραῖς τὸν δ' ἀποθουῶται ψόγον .

Sed , si tu melius quippiam speras ; quod & plura
audis , & interes consilijs ; scribas ad me uelim ;
simulq. cogites , quid agendum nobis sit super lega-
tione uotina . equidem in his locis moneor a multis ,
ne in senatu kalendis . dicuntur enim occulte mili-
tes ad eam diem comparati , & quidem in istos . qui
mibi uidentur ubiuis tutius , quam in senatu , fo-
re . Vale .

M. TULLII CICERONIS
EPISTOLARVM AD
T. POMPONIVM ATTICVM
LIBER XV.

CICERO 3. D. ATTICO.

FACTVM male de Alexione. incre-
dibile est, quanta me molestia affece-
rit; nec mehercule ex ea parte maxi-
me, quod plerique mecum; ad quem
igitur medicum te conferes? quid mihi iam medico?
aut, si opus est, tanta inopia est? amorem erga me,
humanitatem, suauitatemq. desidero. etiam illud:
quid est, quod non pertimescendum sit; cum homi-
nem temperantem, summum medicum, tantus im-
prouise morbus opprofferit? sed ad haec omnia una
consolatio est, quod ea condicione nati sumus, ut ni-
hil, quod homini accidere possit, recusare debea-
mus. De Antonio, iam antea tibi scripsi, non es-
se eum a me conuentum. uenit enim Missenum, cum
ego essem in Pompeiano. inde ante professus est,
quam ego eum uenisse cognoui. sed casu, cum lege-
rem tuas litteras, Hirtius erat apud me in Puteola-
no. ei legi, & egi primum, quod attinet. nihil mi-
hi concedebat. deinde ad summum, arbitrum me
statuebat non modo huius rei, sed totius consulatus
sui. Cum Antonio autem sic agemus, ut persficiat,
si in eo negotio nobis satisfecerit; totum me futu-

rum suum. Dolabellam spero donū esse. Redeamus ad nostros: de quibus tu bonam spem te significas habere propter editorum humanitatem. ego autem perspexi, cum a me xvii. kal. de Puteolano Neapolim Pansae conueniēdi causa proficisceretur Hirtius, omnem eius sensum: seduxi enim, & ad pacem sum cohortatus. non potuerat scilicet negare se uelle pacem, sed non minus se nostrorum arma timere, quam Antonij, & tamen utrosque non sine causa praesidium habere, se autem utraque arma metuere. quid quaeris? εὐδὲν ὕμεις. De Quinto F. tibi assentior: patri quidem gratissimae, & bellae tuae litterae fuerūt. Cacerelliae uero facile satisfeci. nec ualde laborare mihi uisa est: & si illa, ego certe non laborarem. istam uero, quam tibi molestam scribis esse, auditam a te esse omnino demiror. nam quod eam collaudari apud amicos, audientibus tribus filiis eius, & filia: τοῦτο & λόγον. quid est hoc? quid est autem, cur ego personatus ambulem? parum ne foeda persona est ipsius senectutis? Quod Brutus rogat, ut ante kalendas, ad me quoque scripsit: & fortasse faciam: sed plane, quid uelit, nescio. quid enim illi afferre consilij possum, cum ipse egeam consilio? & cum ille suae immortalitati melius, quam nostro otio, consuluerit? De Regina, rumor extinguetur. De Flamma, obsecro te, si quid potes. Heri dederam ad te litteras exiens e Puteolano, diuiter amq. in Cumanum. ibi paene ualentem uideram Piliam. quin etiam paullo clamijs
eam

eam uidi: uenerat enim in funus: cui funeri ego quoque operam dedi. Cn. Lucullus, familiaris noster, matrem efferebat. mansi igitur eo die in Sinuessano: atque inde mane postridie Arpinum proficiscens, hanc epistolam ex arani. erat autem nihil noui quod aut scriberem, aut ex te quaererem: nisi forte hoc ad te patas pertinere. Brutus misit ad me orationem suam, habitam in concione Capitolina; petiuitque a me, ut eam ne arbutiose corrigerem ante, quam cederet. est autem oratio scripta elegantissime sententijs, uerbis, ut nihil possit ultra. ego tamen, si illam causam habuissem, scripsissem ardentius ὑπερθετικῶς, uides, quae sit, persona dicentis. itaque eam corrigere non potuit. quo enim in genere Brutus noster esse uult, & quod iudicium habet de optimo genere dicendi, ita consecutus est ea oratione, ut elegantius nihil esse possit. sed ego solus alius sum, siue hoc recte, siue non recte. tu tamen uelim orationem legas, nisi forte iam legis, certiolemque me facias, quid iudices ipse. quamquam uereor, ne cognomine tuo lapsus ὑπερπατηνὴς sis in iudicando. sed si recordaberē Διποδῆρος flumina, tum intelliges posse ὑπερθετικῶς, & grauissime dici. sed haec coram. nunc nec sine epistola, nec cum inani epistola uolui ad te Metrodorum uenire, Vale.

CICERO S. D. ATTICO.

2

xv. kal. e Sinuessano proficiscens, cum dedissem ad te litteras, diuertissemque a Cumis in Ves-

MM 4

sliano,

stiano, accepi a tabellario tuas litteras: in quibus n̄
 mis multa de Buthroto. non enim tibi ea res maio-
 ri curae aut est, aut erit, quam mihi. sic enim de-
 cet, te mea curare, tua me. quamobrem id quidem
 sic susceptum est mihi, ut nihil sim habiturus anti-
 quius. L. Antonium concionatum esse, cognoui tuis
 litteris, & alijs, sordide: sed, id quale fuerit, ne-
 scio: nihil enim scripsisti. De Menedemo, probe.
 Quintus certe ea dicitur, quae scribis. Consilium
 meum a te probari, quod ea non scribam, quae tu a
 me postularis, facile patior: multoq. magis id pro-
 babis, si orationem eam, de qua hodie ad te scripsi,
 legeris. Quae de legionibus scribis, ea uera sunt.
 sed nō satis hoc mihi uideris tibi persuasisse, quid de
 Buthrotijs nostris per senatum speres confici posse.
 quod puto, (tātum enim uideo) non uidemur esse ui-
 cturi. sed, si etiam nos hoc fallat, de Buthroto te
 non fallat. De Octanij concione idem sentio, quod
 tu: ludorumq. eius apparatus, & Matius, ac Po-
 stumus mihi procuratores non placent. Saserua col-
 lega dignus. sed isti omnes, quemadmodum sentis,
 non minus otium timent, quam nos arma. Balbum
 leuari inuidia per nos uelim: sed ne ipse, quidem id
 fieri posse confidit: itaque alia cogitat. Quod pri-
 ma disputatio Tusculana te confirmat, sane gaudeo,
 neque enim ullum est persugium aut melius, aut pa-
 ratius. Flamma quod bene loquitur, non moleste
 fero. Tyndaritanorum caussa, de qua laboras, quae
 sit, ignoro. hos tamen πεντέλοιπον mouere ista uiden-
 tur,

tur in primis erogatio pecuniae. De Alexione doleo; sed, quoniam inciderat in tam grauem morbum; bene actum cum illo arbitror. quos tamen secundos heredes, scire uellem, & diem testamenti. Vale.

CICERO S. D. ATTICO.

3

XI. kal. accepi duas epistolas tuas; quibus duabus meis respondisti. una erat x v. kal. altera x i i data. ad superiorem igitur. Prius accurre in Tusculanum, ut scribis: quo me v i. kal. uenturum arbitrabar. Quod scribis parendum uictoribus: non mihi quidem, cui sunt multa potiora. nam illa, quae recordaris Lentulo, & Marcello cos. acta in aede Apollinis; nec causa eadem est, nec simile tempus; praesertim cum Marcellum scribas, aliosq. discedere. erit igitur nobis coram odorandum, & constituendum, tuto ne Romae esse possimus. noui conuentus habitatores sane mouet. in magnis enim uersamur angustiis. sed sint ista parui: quin & maiora contemnimus. Caluae testamentum cognoui. hominis turpis, ac sordidi. Tabula Demonici quod tibi curae est, gratum. De Mario scripsi iam pridē ad Dolabellā accuratissime; modo litterae redditae sint. eius causa & cupio, & debeo. Venio ad propiorem. Cognoui de Alexione, quae desiderabam. Hirtius est tuus. Antonio, quam est, uolo peius esse. De Quinto filio, ut scribis, A. M. cato de patre coram agemus. Brutum omni re, qua possum, cupio iuuare. cuius de oratiuncula idem te, quod me,

me, sentire uideo: sed parum intelligo, quid me uelis scribere, quasi a Bruto habita oratione, cum ille ediderit. qui tandem conuenit? an, sicut in tyrannia iure optimo caesum multa dicentur, multa scribentur a nobis? sed alio modo, & tempore. De sella Caesaris, bene tribuni. praeclaros etiam xiv. ordines. Brutum apud me fuisse gaudeo, modo & libenter fuerit, & sat diu.

CICERO S. D. ATTICO. 4

x. Kal. viii. ferre a Q. Fusio uenit tabellarius, nescio quid ab eo litterularum, ut me sibi restituerem, sane insulse, ut solet: nisi forte, quem non ames, omnia uidentur insulse fieri. scripsi ita, ut te probaturum existimem. mihi duas a te epistolas reddidit, unam xi. alteram x. kal. ad recentiore prius. & leuiorem laudo: si uero etiam Calpurnius, ἀποτομαῖον Antonij consilia narras turbulenta: itaque utinam potius per populum agat, quam per senatum: quod quidem ita credo. se mihi totum eius consilium ad bellum spectare uidetur, siquidem D. Bruto prouincia eripitur. quo modo ego de illius neruis existimo, non uidetur fieri posse sine bello: sed non cupio; quoniam cauetur Buthrotijs, rides? ast condoleo, non mea potius assiduitate, diligentia, gratia per ci. Quod scribis te nescire. * quid nostris faciundum sit: iam pridem me illa ἀποπλη sollicitat: itaque stulta iam iduum Martiarum est consolatio, animis enim usi sumus uirilibus, consilijs,

filijs, mihi crede, puerilibus. excisa enim est arbor,
 non euulsa: itaque, quam fruticetur, uides. redea-
 mus igitur, quoniam saepe usurpas, ad Tusculanas
 disputationes. Sausaeum pete. caelemus: ego num
 quam iudicabo. Quod te a Bruto scribis, ut cer-
 tior fieret, quo die in Tusculanum essem futurus: ut
 ad te ante scripsi, v. kal. & quidem ibi te quam
 primum peruidere uelim. puto enim nobis Lanuu-
 um eundum, & quidem non sine multo sermone. sed
 μάλιστα. Redeo ad superiorem: ex qua praetereo
 illa prima de Buthrotijs: quae mihi sunt inclusa me-
 dullis: sit modo, ut scribis, locus agendi. De ora-
 tione Bruti, prorsus contendis committere: tam
 multis uerbis agis. ego ne ut eam causam, quam is
 scripsit? ego scribam non rogatus ab eo? nulla πα-
 ρερχείρισι fieri potest contumeliosior: at, inquis:
 παρακλείδιν aliquod. non recuso id quidem; sed &
 componendum argumentum est, & scribendi ex-
 spectandum tempus maturius. licet enim de me, ut
 libet, existimes: uelim quidem quamoptime. si
 haec ita manant, ut uidentur, (feres, quod dicam)
 me idus Martiae non delectant. ille enim numquam
 reuertisset: nos timor confirmare eius acta non eo-
 gisset: aut (ut in Sausaeianam, reliquasq. Tuscula-
 nas disputationes, ad quas tu etiam Vestorinum bor-
 taris) ita gratiosi eramus apud illum, quem diu mor-
 tuum perdant, ut nostrae aetati, quoniam interfecto
 domino liberi non sumus, non fuerit dominus ille su-
 giendus. rubeo, mihi crede; sed iam scripseram; dele-

delere nolui. De Menedemo, uellem uerum fuisset. De Regina, uelim uerum sit. Cetera coram & maxime, quid nostris faciendum sit, quid etiam nobis, si Antonius militibus obsessurus est senatum. Hanc epistolam si illius tabellario dedissem, ueritus sum, ne solueret: itaque misi dedita opera: erat enim rescribendum tuis. Quam uellem, Bruto studium tuum nauare potuisses. ego igitur ad eum litteras. Ad Dolabellam Tironem misi cum mandatis, & litteris. eum ad te uocabis; & si quid habebis, quod placeat scribes. Ecce autem de transuerso L. Caesar, ut ueniam ad se, rogat, in nemus; aut scribam, quo se uenire uelim: Bruto enim placeat, se a me conueniri. o rem odiosam, & inexplicabilem. puto me ergo iturum, & inde Romam, nisi quid mutaro. Summatim adhuc ad te: nihil enim a Balbo. tuas igitur expecto, nec actuum solum, sed etiam futurorum. Vale.

CICERO S. D. ATTICO. 5

A BRUTO tabellarius redijt: attulit & ab eo, & Cassio. consilium meum magnopere exquirunt, Brutus quidem, utrum de duobus. o rem miseram. plane non habeo, quid scribam: itaque silentio puto me usurum: nisi quid aliud tibi uidetur. sin tibi quid uenit in mentem, scribe quaeso. Cassius uero uehementer orat, ac petit, ut Hirtium quamoptimum faciam. sanum putas? ὁ θνητὰς ἀνθρώπους. epistolam tibi misi. Ut tu de provincia Bruti, & Cassii per
S.C.

S. C. ita scribit & Balbus; & Hirtius quidem, se acturum. etenim iam in Tusculano est: mihiq; ut absim, uehementer auctor est: ille quidem, periculi causa; quod sibi etiam fuisse dicit: ego autem, etiam ut nullum periculum sit, tantum abest, ut Antoni suspitione fugere non curem, ne uidear eius secundis rebus non delectari, ut mihi causa sit, cur Romam uenire nolim, ne illum uideam. Varo autem noster ad me epistolam misit, sibi a nescio quo missam, (nomen enim delebat) in qua scriptum erat, ueteranos eos, qui reijciantur, (nam partem esse dimissam) impossibile loqui; ut magno periculo Romae sint futuri, qui ab eorum partibus dissentire uideantur. Quis porro noster itus, reditus, uultus, incessus inter istos? quod si, ut scribis, L. Antonius in Decimum, reliqui in nostros; ego quid faciam? aut quo me pacto geram? mihi uero deliberatum est, ut nunc quidem est, abesse ex ea urbe, in qua non modo florui cum summa, uerum etiam seruiui cum aliqua dignitate. nec tã statui ex Italia exire, de quo tecum deliberabo, quam istuc non uenire.

CICERO S. D. ATTICO.

6

CVM ad me Brutus noster scripsisset, & Cassius, ut Hirtium, quem adhuc bonum fuisse sciebant, neque confidebant fore, mea auctoritate meliorem facerem, (Antonio est enim fortasse iratior, causae uero amicissimus) tamen ad eum scripsi, ei; dignitatem Bruti, & Cassii commendauim.

ille

ille quid mihi rescripsisset, scire te uolui, si forte idem tu, quod ego, existimares, istos etiam nunc uereri, ne forte ipsi nostri plus animi habeant, quam habent. Hirtius Ciceroni suo S.

Rure an redierim, quaeris, an ego, cum omnes caleant, ignauiter aliquid faciam? etiam ex urbe sum profectus: utilius enim statui abesse. has tibi litteras exiens in Tusculanum scripsi. noli autem me tam strenuum putare, ut ad nonas recurram. nihil enim iam uideo opus esse nostra cura: quoniam praesidia sunt in tot annos prouisa. Brutus, & Cassius utinam, quam facile a te de me impetrare possunt, ita per te exorentur, ne quod callidius in-eant consilium. cedentes enim haec ais scripsisse: quo? aut quare? retine, obsecro te, Cicero illos: noli sinere haec omnia perire, quae funditus medius fidius rapinis, incendijs, caedibus peruertuntur. tantum, si quid timent, caueant, nihil praeterea moliantur. non medius fidius acerrimis consilijs plus, quam etiam inertissimis, dum modo diligentibus, consequentur. haec enim, quae fluunt, per se diuturna non sunt, in contentione praesentes ad nocendum habent uires. quid speres de illis, ad me scribe. Habes Hirtiij epistolam: cui rescripsi; nil illos callidius cogitare, idq. confirmaui. hoc quaecumque esset, te scire uolui. Vale.

OBSIGNATA iam epistola, Balbus ad me, Seruiliam rediisse, confirmare non discessuros. nunc exspecto a te litteras.

CICERO S. D. ATTICO. 7

GRATVM, quod mihi epistolae: quae quidem me delectarunt, in primis Sexti nostri. dices, quia te laudat. puto mehercule id quoque esse causae: sed tamen etiam ante, quam ad eum locum ueni, ualde mihi placebat cum sensus eius de rep. tum scribendi cura. Seruius uero pacificator cum librariolo suo uidetur obijisse legationem, & omnes captiunculas pertimescere. debuerat autem, Non ex iure manu consertum, sed quae sequuntur. Tu quoque scribes.

CICERO S. D. ATTICO. 8

POST tuum discessum binas a Balbo; nihil noui: itemq. ab Hirtio, qui se scribit uehementer offensum esse ueteranis, expectat animus, quidnam agant de kal. Martijs. nisi igitur Tironem, et cum Tirone plures, quibus singulis, ut quid accidisset, daret litteras. atque etiam scripsi ad Antonium de legatione: ne, si ad Dolabellam solum scripsissem, iracundus homo commoueretur. quod autem aditus ad eum difficilior esse dicitur, scripsi ad Eutrapelum, ut is ei meas litteras redderet, legatione mihi opus esse. honestior est notitia: sed licet uti utraque. De te quaeso, etiam atque etiam uide, uelim possis coram: si minus, litteris idem consequemur. Graeceius ad me scripsit, C. Cassium sibi scripsisse, homines comparari, qui armati in Tusculanum mit-

teren-

terentur. id quidem mihi non uidebatur: sed cauendum tamen, ut ille, quae plures uident. debet aliquid crastinus dies ad cogitandum nobis dare. Vale.

CICERO S. D. ATTICO. 9

III. non. uespera a Balbo redditae mihi litterae, fore nonis senatum, ut Brutus in Asia, Cassius in Sicilia frumentum emendum, & ad urbem mittendum curarent. o rem miseram: primum ullam ab istis, dein si aliquam, hanc legatariam prouinciam: atque haud scio, an melius sit, quam ad Eurotam sedere. sed haec casus gubernabit. ait autem, eodem tempore decretum iri, ut & ijs, & reliquis praetorij prouinciae decernantur. hoc certe melius, quam illa Persicae porticus. nolo enim Lacedaemonem longinquam Lanuuium existimari. rides, inquires, in talibus rebus? quid faciam? plorando fessus sum.

Dij immortales, quam me conturbatum tenuit epistolae tuae prior pagina. quid autem iste in domo tua casus armorum? sed hunc quidem nimbum cito transisse laetor. tu quid egeris tua cum tristitia, tum etiam difficili ad consiliandum legatione, uehementer expecto. est enim inexplicabilis: ita circumsidemur copijs omnibus. me quidem Bruti litterae, quas ostendis a te lectas, ita perturbarunt, ut, quamquam ante egebam consilio, tamen animi dolore sim tardior. sed plura, cum ista cognoro. hoc autem tempore, quod scriberem, nihil erat, eoq. minus, quod dubitabam, tu has ipsas litteras esses ne accepturus.

rus. erat enim incertum, uisurus ne te esset tabellarius. ego tuas litteras uehementer exspecto.

CICERO S. D. ATTICO. IO

O BRVTII amanter scriptas: o iniquum tuum tempus, qui ad eum ire non possis. ego autem quid scribam? ut beneficio istorum uiantur? quid turpius? ut moliantur aliquid? nec audent, nec iam possunt. age, quiescant auctoribus nobis? quid incolumitatem praestat? si uero aliquid de Decimo gratius; quae nostris uita, etiam si nemo molestus sit? ludos uero non facere, quid foedius? frumentum imponere, quae est alia Dionis legatio? aut quod munus in rep. sordidius? prorsus quidem consilia tali in re ne ijs quidem tuta sunt, qui dant: sed possim id negligere proficiens: frustra uero quid ingrediar? matris consilio cum utatur, uel etiam precibus, quid me interponam? sed tamen cogitabo, quo genere utar litterarum: nam silere non possum. statim igitur mittam uel Antium, uel Circaeos. Vale.

CICERO S. D. ATTICO. II

ANTIVM ueni ante v. i. kal. Bruto iucundus noster aduentus. deinde, multis audientibus, Seruilia, Turtella, Porcia, quaerere, quid placeret. aderat etiam Fauonius. ego, quod eram meditatus in uia, suadere, ut uteretur Asiatica curatione frumenti; nihil esse iam reliqui, quod agere-

NN mus,

mus, nisi ut saluos esse; in eo etiam ipsi reip. esse
 praesidium. quam orationem cum ingressus essem,
 Cassius interuenit. ego eadem illi repetui. hoc lo-
 co, fortibus sane oculis, Cassius, (Martem spirare
 dices) se in Siciliam non iturum. ego ne ut be-
 neficium accepisse in contumelia? quid ergo agis?
 inquam. at ille, in Achaïam se iturum. quid tu, in-
 quam, Brute? Romani, inquit, si tibi uidetur.
 mihi uero minime: tuto enim non eris. quid, si
 possem esse? placeret ne? atque ut omnino neque
 nunc, neque ex praetura in prouinciam ires: sed
 auctor non sum, ut te urbi committas. dicebam ea,
 quae tibi profecto in mentem ueniunt, cur non esset
 tuto futurus. multo inde sermone querebantur, at-
 que id quidem Cassius maxime, amissas occasiones;
 Decimumq. grauiter accusabat. ea negabam oportere
 praeterita: assentiabar tamen. cumq. ingressus
 essem dicere, quid oportuisset, nec uero quidquam
 noui, sed ea, quae quotidie omnes; nec tamen illum
 locum attingere; quinquam praeterea oportuisse
 tangi, sed senatum uocari, populum ardentem stu-
 dio uehementius incitari, totam suscipere remp.
 exclamat tua familiaris: Hoc uero neminem unquam
 audiui. ego reprepsi. sed & Cassius mihi uidebatur
 iturus; (etenim Seruilia pollicebatur se curatu-
 ram, ut illa frumenti curatio de s. c. tolletur.)
 & noster cito deiectus est de illo inani sermone. uel
 le enim se dixerat: constituit igitur, ut ludi, ab-
 sente se, fierent suo nomine. proficisci autem mi-
 hi

bi in *Asiam* uidebitur ab *Antio* uelle. ne multa
 nihil me in illo itinere, praeter conscientiam. dele-
 tavit. non enim fuit committendum, ut ille ex
Italia prius, quam a me conuentus esset, disce-
 deret. hoc dempto munere amoris, atque officij,
 sequebatur, ut mecum ipse:

Ἡ δὲ πρόδος τοι τὶ δυνάται νῦν θεοπόσι?
 prorsus dissolutum offendi nauigium, uel potius
 dissipatum. nihil consilio, nihil ratione, nihil ordi-
 ne. itaque etsi ne antea quidem dubitavi, tamen
 nunc eo minus, euolare hinc, idq. quāprimum, ubi
Nec Pelopidarum facta, neque famam audiam.
 Sed heus tu, ne forte sis nescius, *Dolabella* me. sibi
 legauit ad *IV.* non. *Arp.* id mihi heri uespero nun-
 ciatum est. uotiuā ne tibi quidem placebat. etenim
 erat absurdum, quae, si steterisset resp. uouissem, ea
 me, euersa illa, uota dissoluere. Et habent, opi-
 nor, liberae legationes definitum tempus lege *Julia*,
 nec facile addi potest: idq. adeo genus legationis,
 ut, cum uelis, introire, exire liceat. quod nunc
 mihi additum est. bella est autem huius iuris quin-
 quennij licentia. quamquam quid de quinquennio
 cogitem? contrahi mihi negotium uidetur. sed
Χάρισμα mittamus. Vale.

CICERO S. D. ATTICO. 12

BENE mehercule de *Buthroto*. at ego *Tiro-*
nem ad *Dolabellam* cum litteris, quia iusseras, mi-
 seram. quid nocet? De nostris autem *Antiatibus*

NN 2 satis

satis uidebar plane scripsisse, ut non dubitares, essent quin otiosi futuri, usuriq. beneficio Antonij cōtumelioso. Cassius frumentariam rem aspernabatur. eam Seruilia sublaturam s. c. se esse dicebat. noster uero, καὶ μάλ᾽ αἰμιῶς, in Asiam; postea quam mihi est assensus, tuto se Romae esse non posse. ludos enim absens facere malebat. statim autem se iturum, simul ac ludorum apparatus ijs, qui curaturi essent, tradidisset. nauigia colligebat: erat animus in cursu. interea in eisdem locis erant futuri. Brutus quidem se aiebat Asturae. L. quidem Antonius liberaliter litteris sine cura me esse iubet: habeo unum beneficium: alterum forte, si in Tusculanum uenerit. o negotia non ferenda, quae feruntur tamen. τὰν δ' αἰτίαν. ἢ βροῦται τίς εἶχεν? Octauiano, ut perspexi, satis ingenij, satis animi: uidebaturq. erga nostros ἡρώας ita fore, ut nos uellemus, animatus. sed quid aetati credendum sit, quid uomini, quid hereditati, quid κατηχηται, magni consilij est: utricus quidem nihil censebat; quem Asturae uidimus. sed tamen alendus est, & ut nihil aliud, ab Antonio seiungendus. Marcellus praeclare, si praecipit nostro nostri: cui quidem ille deditus mihi uidebitur: Pansae autem, & Hirtio non nimis credebat. bona indoles, ἰὰν διακρίν.

CICERO S. D. ATTICO. 13

VIII. kal. duas a te accepi epistolas: respondebo igitur priori prius. Assentior tibi, ut nec duces

ces sumus, nec agmen cogamus, faueamus tamen. Orationem tibi misi. eius custodiendae, & proferendae arbitrium tuum. sed quando illum diem, cum tu edendam putes? Inducias, quas scribis, non intelligo fieri posse. melior est ἀνατιθέμενη : quam me usurum arbitror. Quod scribis, legiones duas Brundisium uenisse: nos omnia prius: scribes igitur, quidquid audieris. Varronis διάλογον expecto. Iam probō ἱππακλειδίου, praesertim cum tu tantopere delectere. sed, quale uis, uelim scire. Quod ad te antea, atque adeo prius scripsi, (sic enim mauis ad scribendum tibi uere dicere) fecisti me acriorem. ad tuum iudicium, quod mihi erat notum, addidisti Peducei auctoritatem, magnam quidem apud me, & in primis grauem. enitar igitur, ne desideres aut industriam meam, aut diligentiam. Vectenū, ut scribis, & Faberium foueo. Clodium nihil arbitror malitiose. quamquam, si quid egerit de libertate retinenda, qua certe nihil est dulcius, tibi assentior. Ita ne Gallo? o hominem nequam. quid enim dicam aliud? cautum Marcellum, me sic, sed non tamen cautissimum. Longiori epistolae, superioriique respondi. nunc breuiori, propriorique quid respondeam, nisi eam fuisse dulcissimam? Res Hispanienses ualde bonae. modo Balbium incolumem uideam, subsidium nostrae senectutis. De Anniano item, quod me ualde obseruat Visellia. sed haec quidem humana. De Bruto te nihil scire dicis: sed Selicia,

uenisse M. Scaptium, eumq. non qua pompa, ad se-
 tamē clam uenturum, sciturumq. me omnia. quae
 ego statim. interea narrat eadem, Bassi seruum ue-
 nisse, qui nunciaret, legiones Alessandrinas in ar-
 mis esse, Bassum arcessi; Cassium expectari. quid
 quaeris? uidetur resp. ius suum recuperatura. sed
 ne quid ante. nosli horum exercitationem in latro-
 cinio, & amentiam. Dolabella, uir optimus, etsi
 cum scribebam; secunda mensa apposita, uenisse
 eum ad Baias audiebam, tamen ad me ex Formia-
 no scripsit. quas litteras, cum e balneo. exisset,
 accepi, sese de attributione omnia summa fecisse.
 Veclenum accusat. tricatur scilicet, ut homo talis.
 sed ait totum negotium Sextium nostrum suscepisse,
 optimum quidem illum uirum, nostriq. amantissi-
 mum: quaero autem, quid tandem Sextius in hac re
 facere possit, quod non quiuis nostrum? sed, si quid
 praeter spem erit, facies ut sciam. sin est, ut arbi-
 tror, negotium perditum; scribes tamen, neque ista
 res commouebit. Nos hic φιλοσοφούμεθα, (quid e-
 nim aliud?) & τὰ περὶ τοῦ καδύκοντος magnifice
 explicamus, προσφωνοῦμενq. Ciceroni. qua de re e-
 nim potius pater filio? deinde alia. quid. queris?
 extabit opera peregrinationis huius. Varronem ho-
 die, aut eras uenturum putabant. ego autem in
 Pompeianum properabam; non quo hoc loco quid-
 quam pulchrius; sed interpellatores illic minius mo-
 lesti. sed perscribere quaeso, quae causa sit Myrtillo:
 (poenas quidem illum pependisse audiui) et satis ne
 pa-

patet; unde corruptus. Haec cum scriberem, tantum quod existimabam ad te orationem esse perlatam. huiusquam timeo, quid existimes. etsi quid ad me? quae non sit foras proditura, nisi recuperata: de quo quid sperem, non audeo scribere. Vale.

CICERO S. D. ATTICO. 14

VI. KAL. accepi a Dolabella litteras, quarum exemplum tibi misi: in quibus erat, omnia se fecisse, quae tu uelles. Statim ei rescripsi, & multis uerbis gratias egi: sed tamen, ne miraretur, cur idem iterum facerem, hoc causae sumpsi, quod ex te ipso coram antea nihil potuissem cognoscere. sed quid multa? litteras hoc exemplo dedi. Cicero S. D. Dolabellae cos. suo. Antea cum per litteras Attici nostri de tua summa liberalitate, summoque erga se beneficio certior factus essem; cumque tu ipse etiam ad me scripsisses, te fecisse ea, quae nos uoluissimus: egi tibi gratias per litteras ijs uerbis, ut intelligeres, nihil te mihi gratius facere potuisse. postea uero quam ipse Atticus ad me uenit in Tusculanum huius unius rei causa, tibi ut apud me gratias ageret, cuius eximiam quandam, & admirabilem in causa Buthrotia uoluntatem, & singularem erga se amorem perspexisset: teneri non potui, quin tibi apertius illud idem his litteris declararem. ex omnibus enim, mi Dolabella, studiis in me, & officiis; quae summa sunt, hoc, scito mihi & amplissimum uideri, & gratissimum esse, quod perfeceris,

ut Atticus intelligeret, quantum ego te, quam tu me amares. quod reliquum est, Buthrotiam & caussam, & ciuitatem, quamquam a te constituta est, (beneficia autem nostra tueri solemus) tamen uelim, receptam in fidem tuam, a meq. etiam tibi commendatam, auctoritate, & auxilio tuo tectam uelis esse. satis erit in perpetuum Buthrotijs praesidijs; magnaq. cura, & sollicitudine Atticum, & me liberaris; si hoc honoris mei caussa susceperis, ut eos semper a te defensos uelis. quod ut facias, te uehementer etiam atque etiam rogo. His litteris scriptis, me ad *συντάξις* dedi: quae quidem, uereor, ne miniata caerula tua pluribus locis notandae sint: ita sum, *μετέωρος*, & magnis cogitationibus impeditus.

CICERO S. D. ATTICO. 15

L. ANTONIO male sit, siquidem Buthrotijs molestus est. Ego testimonium composui: quod, cum uoles, obsignabo. Tu nummos Arpinatum, si L. Fadius aedilis petet, uel omnes reddito. ego ad te alia epistola scripsi de HS CX, quae Statio curarentur. si ergo petet Fadius, ei uolo reddi; praeter Fadium, nemini. apud me item puto depositum. id scripsi ad Erotem, ut redderet. Reginam odi. me iure facere scit. sponzor promissorum eius. Ammonius: quae quidē erant *φιλόλεγα*, et dignitatis meae, ut uel in concione dicere auderem. Saram autem praeterquam quod nefarium hominē cognoui, prae-

terea in me contumacem . semel cum omnino domi
 meae uidi . cum φιλόφρονος ex eo quaererem , quid
 opus esset ; Atticum se dixit quaerere . superbiam
 autem ipsius reginae , cū esset trans Tiberim in hor-
 tis , commemorare sine magno dolore non possum .
 nihil igitur cum istis : nec tam animum me , quam
 stomachum , non habere arbitrantur . Professionem
 meam , ut uideo , Erotis dispensatio impedit . nam
 cum ex reliquis , quae nonis Apr. fecit , abundare
 debeam ; cogor mutuari ; quodq. ex istis fructuosis re-
 bus receptum est , id ego ad illud fanum sepositum
 putabam . sed haec Tironi mandauī , quem ob eam
 causam Romam misi . te nolui impeditum impedi-
 re . Cicero noster quo modestior est , eo me magis
 commouet : ad me enim de hac re nihil scripsit , ad
 quem nimirum potissimum debuit . scripsit hoc au-
 tem ad Tironem , sibi post kal. Apr. (sic enim an-
 nuum tempus confici) nihil datum esse ; tibi pro tua
 natura semper placuisse , teq. existimasse id etiam
 ad dignitatem meam pertinere , eum non modo libe-
 raliter a nobis , sed etiam ornate , cumulateq. tra-
 ctari . quare uelim cures , (nec tibi essem molestus
 si per alium hoc agere possem) ut permutetur
 Athenas , quod sit in annum sumptum . &
 scilicet Eros numerabit . eius rei causa Tironem
 misi . curabis igitur , & ad me , si quid tibi de eo ui-
 debitur , scribes .

TANDEM a Cicerone tabellarius: et mehercule litterae *περιωμύλιος* scriptae: quod ipsum *προκοπὴν* aliquam significaret. itemq. ceteri praeclara scribūt. Leonidas tamen retinet suum illud ADHVC. summis uero laudibus Herodes. quid quaeris? uel uerba mihi dari facile patior in hoc, meq. libenter praebeo credulum. Tu uelim, si quid tibi est a tuis scriptum, quod pertineat ad me, certiore me facias.

NARRO tibi: haec loca uenusta sunt, abdita certe, & si quid scribere uelis, ab arbitris libera: sed nescio quo modo *οἶκος φίλος*: itaque me referunt pedes in Tusculanum: & tamen haec *πότο-γγραφία* ripulae uidetur habitura celerem satietatē. equidem etiam pluuias metuo, si prognostica nostra uera sunt: ranae enim *ῥῆντορας*. Tu, quaeso, fac sciam, ubi Brutum nostrum, & quo die uidere possim. Vale.

DVAS accepi postridie idus, alteram eo die datam, alteram idibus, prius igitur superiori. De Bruto, cum scies. De consulum fēto timore cognoueram. Sica enim *θίλος ὄργως* ille quidem, sed tumultuosus ad me etiam illam suspicionem pertulit. Quid tu autem, *τὰ μὲν δίδόμενα*? nullum enim uerbum a Siregio. non placet. De Plaetorio uicino tuo, permolestē tuli, quemquam prius audisse, quam me

De Syro prudenter. L. Antonium per Marcum fratrem, ut arbitror, facillime deterrebis auctoritate, uel ui. sed non dum acceperas litteras: nec cuiquam, nisi L. Fadio aedili. aliter enim nec ante, nec iure fieri potest. Quod scribis tibi deesse, & S. C., quae Ciceroni curata sint: uelim ab Erote quaeras, ubi merces insularum. Arabioni de Sito nihil irascor: ego de itinere, nisi explicato A., nihil cogito. quo idem tibi uideri puto. Habes ad superiorem: nunc audi ad alteram. Tu uero facis, ut omnia, quod Seruiliae non dees, id est Bruto. De Regina gaudeo te non laborare, certe etiam tibi probari. Erotis rationes & ex Tirone cognoui, & uocaui ipsum. Gratissimum, quod polliceris, Ciceroni nihil defuturum: de quo mirabilia Messalla, qui, Lanuuium rediens ab illis, uenit ad me. & mehercule ipsius litterae sic et *φιλὰς ὀφρὸς*, & *πινὴς* scriptae, ut eas uel in acroasi audeam legere, quod magis illi indulgendum puto. De Buciliano Sextium puto non moleste ferre. Ego, si Tiro ad me, cogito in Tusculanum. Tu uero, quid quid erit, quod me scire par sit, statim. Vale.

CICERO S. D. ATTICO. 18

XVII. kal. etsi satis uidebar scripsisse ad te, quid mihi opus sit, & quid te facere uellem, si tibi commodum esset: tamen, cum profectus essem, & in lacu nauigarem, Tironem statui ad te esse mittendum, ut ijs negotijs, quae agerentur, interesset. atque etiam scripsi ad Dolabellam, me si ei uideretur

retur, uelle proficisci: petuq. ab eo de mulis uestu-
rae itineris: ut in eis, cum intelligo te distentissimum
esse qua de Buthrotijs, qua de Bruto, cuius etiam
ludorum suorum curam, etiam administrationem
suspicio ex magna parte ad te pertinere: ut ergo in
eiusmodi re, tribues nobis paulum operae: nec enim
multum opus est. mihi res ad caedem, & eam qui-
dem propinquam, spectare uidetur. uides homines:
uides arma. prorsus non mihi uideor esse tutus. sin-
tu aliter sentis, uelim ad me scribas. domi enim
manere si recte possum, multo malo. Vale.

CICERO S. D. ATTICO. 19

QVIDNAM est, quod audendum amplius
de Buthrotijs? stetit enim te frustra scribis. quid
autem si refert Brutus? doleo mehercule te tam
esse detentum. Quod decem hominibus referendum
est acceptum, est illud quidem ἱππῶδες sed ἀναι-
στόν, mihiq. gratissimum. De armis, nihil uidi aper-
tius, fugiamus igitur, & ut ais, coram. Theopha-
nes quid uelit, nescio. scripserat enim ad me. cui
rescripsi, ut potui. mihi autem scripsit. uenire ad
me se uelle, ut & de suis rebus, & quaedam, quae
ad me pertinerent. tuas litteras exspecto, uide quae
so, ne quid temere fiat. Stadius scripsit ad me, lo-
cutum secum esse Q. Ciceronem ualde asseueran-
ter, se haec ferre non posse, certum sibi esse ad Bru-
tum, & Cassium transire. hoc enim uero nunc di-
scere aueo. hoc ego, quid sit, interpretari non pos-
sum.

sum. potest aliquid iratus Antonio: potest gloriā nouam quaerere: potest totum esse *Ædlaqua*: & nimirum ita est: sed tamen & ego uereor, & pater conturbatus est: scit enim, quae ille de hoc mecum quidem *ἀπαρτα*. nolim. plane, quid uelit, nescio. A Dolabella mandata habebo, quae mihi uidebuntur, id est nihil. Dic mihi, C. Antonius uoluit ne fieri semptemuir? fuit certe dignus. De Mene demo est, ut scribis. facies omnia mihi nota. Vale.

CICERO S. D. ATTICO. 20

EGI gratias *Veſtēno*. nihil enim potuit humanius. Dolabellae mandata sint quaelibet, modo aliquid, uel quod *Niciae* nunciem. quis enim haec, ut scribis anteno? nunc dubitare quemquam prudenter, quin meus discessus desperationis sit, non legationis? Quod ais, extrema quaedam iam homines de rep. loqui, & eos quidem uiros bonos: ego quo die audiui illum tyrannum in concione clarissimum uirum appellari, subdiffidere coepi: postea uero quam tecum *Laniuij* uidi nostros tantum spei habere ad uiuendum, quantum acceperant ab Antonio, desperaui. itaque, mi Attice, fortiter hoc uelim accipias, ut ego scribo. genus illud interitus, quo casurus es, foedum duces, & quasi denuncia-
tum non ab Antonio. ex hac nassa exire constitui, non ad fugam, sed ad spem mortis melioris. haec omnis culpa *Bruti*. *Pompeium* *Cartheciae* receptū scribis, iam igitur cōtra hunc exercitum. ultra ergo
ca-

castra? media enim tollit Antonius. illa infirma, haec nefaria. properemus igitur. sed iuua me consilio, Brundisio ne, an Puteolis. Brutus quidem subit: sed sapienter: πᾶσι quando enim illum? sed humana ferenda. tu ipse eum uidere non potes. dii illi mortuo; qui umquam Buthrotium: sed acta missa. uideamus, quae agenda sint. Rationes Erotis, etsi ipsum non dum uidi, tamen & ex litteris eius, & ex eo, quod Tiro cognouit, propemodum cognitae habeo. uersuram scribis esse faciendam mensium quinque, id est ad kal. Nou. HS C C: in eam diem cadere nummos, qui a Quinto debentur. uelim igitur, quoniam Tiro negat tibi placere, me eius rei causa Romam uenire; si te ea res nihil offendet, uideas, unde nummi sint, mihi seras expensum. hoc uideo in praesentia opus esse. reliqua diligentius ex hoc ipso exquiram, in his, de mercedibus dotalium praediorum: quae si fideliter Ciceroni curabuntur, quamquam uolo laxius, tamen ei propemodum nihil deerit. equidem uideo mihi quoque opus esse uiaticum: sed id ex praedijs, ut cadet, ita soluetur. mihi autem opus est uniuerso quidem: etsi mihi uidetur iste, qui umbras timet, ad caedem spectare: tamen, nisi explicata solutione, non sum discessurus. sit ne autem excitata, nec ne, tecum cognoscam. Hanc putavi mea manu scribendam: itaque feci. De Fadio, ut scribis: utrique alij nemini. rescribas uelim hodie. Vale.

CICERO S. D. ATTICO. 21

NARRO tibi: Quintus pater exultat laetitia: scripsit enim filius, se iccirco profugere ad Brutum uoluisse, quod, cum sibi negotium daret Antonius, ut eum dictatorem efficeret, praedictum occuparet, id recusasset: recusasse autem se, ne patris animum offenderet: ex eo sibi illum hostem. tum me, inquit, collegi, uerens, ne quid mihi ille iratus tibi noceret, itaque eum placui. & quidem ccc certa, reliqua in spe. scripsit autem Staius, illum cum patre habitare. uelle. hoc uero mirum: & id gaudet, quem tu illo certiore nebulonem? Ε πούνη uestram de re Canij deliberationis probo. nihil eram suspicatus de tabulis: ἀπαίως restitutam arbitrabar. Quae differs, ut mecum coram: exspectabo. Tabellarios, quoad uoles, tenebis: es enim occupatus. Quod Xenonem, probe. Quod scribis, eum absoluero. Quinto scripsisti, te ad eum litteras, nemo attulerat: Tiro negat iam tibi placere Brundisium, & quidem dicere aliquid de militibus, at ego iam destinaram, Hydruntem quidem. mouebant me tuae, quinque horae. hic autem, quantus πλούς? sed uidebimus. Nullas a te x i. kal., quippe: quid enim iam noui? cum primum igitur poteris, uenies. ego propero, ne ante Sextus; quem aduentare aiunt. Vale.

CICERO S. D. ATTICO. 22

GRATVLOR nobis Quintum filium exisse: molestus non erit. Pansa bene loqui credo: semper enim coniunctum esse cum Hirtio scio amicissimum Bruto, & Cassio puto, si expediet: sed quando illos uidebit? inimicum Antonio: quando, aut cur? quousque ludemur? Ego autem scripsi Sextum aduentare, non quo iam adesset, sed quia certe id ageret, ab armisq. nullus discederet. certe, si pergit, bellum paratum est. hic autem noster Cytherius, nisi uictorem, neminem uicturum. quid ad haec Pansa? utro erit, si bellum erit; quid uidetur fore? sed & haec, & alia coram, hodie quidem, ut scis, aut cras. Vale.

CICERO S. D. ATTICO. 23

MIRIFICE torqueor, sine dolore tamen: sed permulta mihi de nostro itinere in utramque partem occurrit. quousque? inquires. quoad erit integrum: erit autem usque dum ad nauem. Pansa si rescripserit, & meam tibi, & illius epistolam mitam. Silium expectabam: cui ~~utroque~~ compositum, si quid noui. Ego litteras misi ad Brutum: cuius de itinere etiam ex te uelim, si quid scies, cognoscere.

CICERO S. D. ATTICO. 24

TABELLARIUS, quem ad Brutum miseram, ex itinere rediit VII. kal. ei Seruilia dixit,

eo die Brutum Puteolis profectum. sane dolui meas redditas non esse. Silius ad me non uenerat. causam composui. eum libellum tibi misi. te quo die expectem, uelim scire.

CICERO S. D. ATTICO. 25

DE meo itinere uariae sententiae: multi enim ad me. sed tu incumbe quaeso in eam curam. magna res est. an probas, si ad kal. Ian. cogitamus? meus animus est aequus, sic tamen, ut si nihil offensionis sit. & tu etiam scribe, quo die Olympia cum mysteria scilicet, ut tu scires. casus consilium nostri itineris iudicabit. dubitemus igitur. hiberna enim nauigatio odiosa; eoq. ex te quaesieram mysteriorum diem. Brutum, ut scribis, uisum iri a me puto. ego hinc uolo prid. kal. Vale.

CICERO S. D. ATTICO. 26

DE Quinti negotio uideo a te omnia facta, ille tamen dolet, dubitans, utrum morem gerat Leptae, an idem infirmet Silio Mandibili. L. Pisonem uellem exire legatum. Ad δὲ γράφει S.C. uelim scire, quid sit. Tabellarius ille, quem tibi dixeram a me ad Brutum esse missum in Anagninum, ad me uenit ea nocte, quae proxima ante kal. fuit, litterasq. ad me attulit: in quibus unum alienum summa sua prudentia, ut spectem ludos suos. rescripsi scilicet, primum me iam profectum, ut non integrum sit: dein, ἀποπύδατον esse, me, qui Romam omnino possit

OO haec

haec arma non accesserim, neque id tam periculi mei
 causa fecerim, quam dignitatis, subito ad ludos ue-
 nire. tali enim tempore ludos facere illi honestum
 est. cui non necesse est spectare, mihi ut non est ne-
 cesse, sic nec honestum est. equalem illos celebrari,
 & esse quamgratissimos mirabiliter cupio: idq. ita
 futurum esse confido; & tecum ago, ut iam ab ipsa
 commissione ad me, quemadmodum accipiantur;
 deinde omnino reliquorum dies singulos prosequa-
 re. sed de ludis haftenus. Reliqua pars epistolae: il-
 la namque in utranque. sed tamen non nullos inter-
 dum tacit igniculos uiriles, quod quale uideretur,
 ut posses interpretari, nisi ad te exemplum episto-
 lae. quamquam mihi tabellarius noster dixerat, ti-
 bi quoque se attulisse litteras a Bruto, easq. a Tu-
 sculano esse delatas. Ego itinera sic composueram,
 ut nonis Quint. Puteolis essem. ualde enim festi-
 no, ita tamen, ut, quantum homo possit, quam cau-
 tissime nauigem. M. Aelium cura libera, ei sine
 paucos specus in extremo fundo, & eos quidem sub
 terraneos, seruitutis apud Thalnae quid habu uros:
 id me iam iam nolle; neque mihi quidquam esse tani-
 ti, sed, ut mihi dicebat, quam lenissime, potius ut
 cura liberetur, quam ut me succensere aliquid su-
 spiatur. Item de illo Tulliano, cupide libero. cum
 Caselio loquare, parua res est: sed tu bene attendi-
 sti. nimis callide agebatur. ego autem, si mihi impo-
 sui, set aliquid, quod praene fecit, nisi tua malitia af-
 fuisset; animo iniquo tulissem. itaque, ut erit, rem
 impe-

impediri malo. Octauam partem Tullij luminarium in aedum ad strane meminervis. cui Caerellia uideris mancipio dare ad eam summam, quae sub praecone fuit maxima. id opinor esse CCCLXXX. Non si quid erit, atque etiam si quid prospicies, quod futurum putes, scribas ad me quam saepissime uelim. Varroni, quemadmodum tibi mandauit, meminervis excusare tarditatem litterarum mearum. Mundus istum. M. Ennius quid egerit de testamento, (curiosus enim) facias me uelim certiore. Ex Arpinati, VI. non. Vale.

CICERO S. D. ATTICO. 27

G A V D E O id te mihi suadere, quod ego mea sponte pridie feceram. nam cum ad te VI. non. darem, eidem tabellario dedi etiam ad Sextium, scriptas πάνυ φιλοστόργως. Ille eutem, quod Puteolos prosequitur, humane: quod queritur, iniuste. non enim ego tam illum expectare, cum de Cossano rediret, debui, quam ille aut non ire ante, quam me uidisset, aut citius reuerti, sciebat etiam me celeriter uelle proficisci, seseq. ad me in Tusculanum scripserat esse uenturum. Te, ut a me discesseris, lacrymasse, moleste ferebam. quod si me praesente fecisses, consilium totius itineris fortasse mutassem. sed illud praeclare, quod consolata est spes breui tempore congregiendi: quae quidem expectatio me maxime sustentat. meae tibi litterae non deerunt. De Bruto, scribam ad te omnia. Librum tibi celeriter

ter mittam de gloria . excudam aliquid ἱρακλῆ-
 διοῦ , quod lateat in thesauris tuis . De Planco ,
 memini . Attica iure queritur . Quod me de Bac-
 chi , de statuarum coronis certior fecisti , ual-
 de gratum : nec quidquam posthac non modo tan-
 tum , sed ne tantulum quidem praeterieris . Et de
 Herode , & Metio meminero , & de omnibus , quae
 te uelle suspicor . Modo turpem sororis tuae filium ,
 cum haec scriberem . aduentabat autem εὐλύσει
 cenantibus uobis . Vale .

CICERO 8. D. ATTICO. 28

EGO , ut ad te pridie scripseram , nonis consti-
 tueram uenire in Tusculanum . ibi igitur quotidie
 tuas litteras expectabo , & maxime de ludis ; de
 quibus etiam ad Brutum tibi scribendum est . cuius
 epistolae , quam interpretari ipse uix poteram , ex-
 emplum pridie tibi miseram . Atticae meae uelim
 me ita excuses , ut omnem culpam in te transferas ,
 & ei tamen confirmes , me minime totum amorem
 eo mecum abstulisse .

CICERO 9. D. ATTICO 29

BRUTUS ad te epistolam misi . dii boni , quanta
 ἀμνηστία cognoscas , cum legeris . De celebratio-
 ne ludorum , tibi assentior . Ad M. Aelium nullus tu
 quidem domum , sed sicubi inciderit . De Tulliano
 semisse , M. Axianum adhibebis , ut scribis . Quod
 cum Cosiano egisti , optime . Quod non solum mea,
 uerum

uerum etiam tua expedis, gratum. Legationem probari meam, gaudeo. Quod promittis, dii faxint: quid enim mihi, meis, iucundius? sed istam quam tu excipis, metuo: Brutum com conuenero, perscribam omnia. De Planco, & Decimo, sane uelim Sextum scutum abijcere. De Mundo, si quid scies. Rescripsi ad omnia. nunc nostra accipe. Quin Elus filius Puteolos: mirus ciuis, ut tu Fauonium, Asinium dicas: & quidem duas ob causas, & ut mecum, & ~~αἰσάδα~~ uult cum Bruto, & Cassio. Sed tu quid ais? scio enim te familiarem esse Othonum. ait hic sibi Iuliam ferre: constitutum enim esse dissidium. quaesuit ex me pater, qualis esset fama. dixi, nihil sane me audisse, (nesciebam enim cur quaereret) nisi de ore, & patre. sed cur tu, inquam? at ille, filium uelle. tum ego, etsi ~~ἰδελυπρόμην~~, tamen negaui. putaui illa esse uera. σκοπὸς hoc est enim huic nostro, nihil praeberet. illa autem οὐ παρὰ τοῦτο. ego tamen suspicor hunc, ut solet, alucinari. sed uelim quaeras, (facile autem potes) & me certiolem. Obsecrote, quid est hoc? signata iam epistola, Formiani, qui apud me cenabant, Plancum se aiebant, hunc Buthrotium, pridie, quam hoc scribebam, id est III. nonarum, uidisse demissum, sine phaleris; seruulos autem dicere, eum, & agripetas eiectos a Buthrotijs. macte. sed amabo te, perscribe mihi totum negotium. Vale.

M. TVLLII CICERONIS
EPISTOLARVM AD

T. POMPONIVM ATTICVM

LIBER XVI.

CICERO S. D. ATTICO.

N ONIS Quint. ueni in Puteolanum,
iens ad Brutum. in Nesidie haec scripsi,
sed eo die, quo ueneram, cenanti Eros
tuas litteras. Ita ne? nonis Iulij? me-
hercule istis. sed stomachari totum diem licet. quid-
quam ne turpius, quam Bruto, Iulij? redeo ad
meum, igitur. ἐλθων. nihil uidi. Sed quid est quae-
so, quod agripetas Buthroti concisos audio? quid
autem Plancus tam cursim (ita enim audiebam)
diem, & noctem? sane cupio scire, quid sit. Meam
profectionum laudari gaudeo. Dymaeos agro pul-
sos, mare infestum habere, nil mirum uidendum
est, ut mansio laudetur. ἐν ὁμοπλοίᾳ Bruti uidetur
aliquid praesidij esse: sed, opinor, minuta nauigia.
sed iam sciam, & ad te cras. De Ventidio, πανικὸν
puto. De Sexto, pro certo habebatur, ad arma.
quod si uerum est; sine bello ciuili uideo seruien-
dum. quid ergo? καὶ. Ian. in Pansa spes. ἄνθρωπος πο-
λὺς, in uino & in somno istorum. DE CCX, opti-
me. Ciceronis rationes explicentur. Obius enim re-
cessis multa, quae uellem: in his ne hoc quidem ma-
lum, in mandatis sat abunde: HS LXXII satis es-
se,

se affatim prorsus, sed Xenonem perexigue, & ὀλίγους praeberere, id est minutatim. quo plus permutasti, quam ad fructum insularum, id ille annus habeat, in quem itineris sumptus accessit. hinc ex kal. Apr. ad HS Lxxx accommodetur. nunc enim insulae tantum. uidendum enim est, quid, cum Romae erit, non enim puto socrum illam ferendam. Pindaro decumano negaram. Nunc, cuius rei causa tabellarium miserim, accipe. Quinctus filius mihi pollicetur se Catonem. egit autem & pater, & filius, ut tibi sponderem, sed ita, ut tum crederes, cum ipse cognosces. huic ego litteras ipsius arbitratu dabo: eae te ne mouerint. has scripsi in eam partem, ne me motum putares. dii faxint, ut faciat ea quae promittit. commune enim gaudium: sed ego: nihil dico amplius. is hinc vii. idus. ait enim attributionem in idus, se autem urgeri acriter. tu ex meis litteris, quo modo respondeas, meditabere. Plura, cum & Brutum uidero, & Erotem remittam. Atticae meae excusationem accipio, eamq. amo plurimum: cui, & Piliae salutem. Vale.

CICERO S. D. ATTICO.

2

VI. idus duas epistolas accepi, unam a meo tabellario, alteram Bruti. De Buthrotijs longe alia fama in his locis fuerat: sed cum alijs uultis hoc ferendum. Erotem remisi citius, quam constitueram ut esset cum Hortensio, & quia equitibus quidem ait se idibus constituisse. Hortensius uero impuden-

ter, nihil enim debetur ei, nisi ex tertia pensione, quae est kal. Sext. ex qua pensione ipsa maior pars est ei soluta aliquanto ante diem. sed haec Eros uidebit idibus. De Publilio autem, quod perscribi oportet, moram non puto esse faciendam. sed cum uideas, quantum de iure nostro decesserimus, qui de residuis cccc HS, cc praesentia soluerimus, reliqua perscribamus; loqui cum eo, si tibi uidebitur, poteris, eum commodum nostrum expectare debere, cum tanta sit a nobis iactura facta iuris. Sed amabo te, mi Attice, (uides ne quam blande?) omnia nostra, quoad eris Romae, ita gerito, regito, gubernato, ut nihil a me expectes. quamquam enim reliqua satis apta sint ad soluendum; tamen sit saepe, ut ij, qui debent, non respondeant ad tempus. si quid eiusmodi acciderit, ne quid tibi sit fama mea potius. non modo uersura, uerum etiam uenditione, si ita res coget, nos uindicabis. Bruto tuae litterae gratae erant. fui enim apud illum multas horas in Neside, cum paullo ante tuas litteras accepissem. delectari mihi Tereo uidebatur, & habere maiorem Attio, quam Antonio, gratiam. mihi autem quo laetiora sunt, eo plus stomachi, & molestiae est, populum R. manus suas non in defendenda rep. sed in plaudendo consumere. mihi quidem uidentur istorum animi incendi etiam ad repraesentandam improbitatem suam. sed tamen, dum modo dolant aliquid, doleant quidlibet, Consilium meum quod ais quotidie magis laudari;

non

non moleste fero; expectabamque, si quid de eo ad me scriberes. ego enim in uarios sermones incidebam: quin etiam iccirco trahebam, ut quamdiutissime integrum esset. sed quoniam Euro ulla extrudimur, Brundisium cogito. facilius enim, & exploratio deuitatio legionum fore uidetur, quam piratarum, qui apparere dicuntur. Sextius vi. id. expectabatur, sed non uenerat quod sciam. Cassius cum classicula sua uenerat. ego, cum eum uidissem v. kalendas, in Pompeianum cogitabam, inde Aculanum. nosli reliqua. De Tuiia ita putaram. De C. Metio non credo, nec tamen curo plus quam tu. Planco, & Oppio scripsi equidem, quoniam rogaras: sed, si tibi uidebitur, ne necesse habueris reddere. cum enim tua causa fecerint omnia; uereor, ne meas litteras superuacaneas arbitrentur. Oppio quidem utique: quem tibi amicissimum cognoui. uerum, ut uoles tu. Quoniam scribis hiematurum te in Epiro, feceris mihi gratum, si ante eo ueneris, quam mihi in Italiam te auctore ueniendum est. litteras ad me quamsaepissime, sed de rebus minus necessarijs aliquem nactus: sin autem erit quid maius, domo mittito. Ηρακλειδιον, si Brundisium salui, adoriemur. de Gloria misit tibi. custodies igitur, ut soles: sed notentur eclogarij. quos Saluius, bonos auditores nactus, in conuiuio dumtaxat legat. mihi ualde placent: mallem tibi. Etiam atque etiam uale.

TV VERO sapienter. nunc demum enim re-
 scribo ijs litteris, quas mihi misisti, conuento An-
 tonio Tiburi. sapienter igitur, quod manus dedisti,
 quodq. etiam ultro gratias egisti. certe enim, ut
 scribis, deferemur ocyus a rep. quam a re familia-
 ri. quod uero scribis te magis delectari, O TITE
 SI QUID EGO: addis mihi scribendi alacrita-
 tem. Quod Erotem non sine munusculo expecta-
 re dicis; gaudeo non fefellisse eam rem opinionem
 tuam. sed tamen idem σωτάγμα nisi ad te retra-
 ctatus, & quidem ἀρχιτυπον ipsum, crebris locis
 inculcatum, & refectum. hunc tu translatum in ma-
 crocolum lege arcano conuiuiis tuis, sed si me amas,
 hilaris, & bene acceptis; ne in me stomachum erū-
 pant, cum sint tibi irati. De Cicerone, uelim ita
 sit, ut audiuius. De Xenone, coram cognoscam:
 quamquam nihil ab eo arbitror neque indiligenter,
 neque illiberaliter. De Herode, faciam, ut man-
 das, & ea, quae scribis, ex Saufeio, & e Xenone
 cognoscam. De Quinto filio, gaudeo tibi meas lit-
 teras prius a tabellario meo, quam ab ipso, reddi-
 tas. quamquam te nihil fefellisset. ueruntamen. sed
 expecto, quid ille tecum, quid tu uicissim: nec du-
 bito, quin suo more uterque. sed eas litteras Cu-
 rium mihi spero redditurum: qui quidem etsi per se
 est amabilis, a meq. diligitur; tamen accedet ma-
 gnus cumulus commendationis tuae. Litteris tuis
 satis

satis responsum est. nunc audi, quod, etsi intelligo scribi necesse non est, scribo tamen. Multa me mouent in discessu, in primis mehercule, quod disiungor a te. mouet etiam nauigationis labor, alienus non ab aetate solum nostra, uerum etiam a dignitate; tempusq. discessus subabsurdum. relinquimus enim pacem, ut ad bellum reuertamur; quodq. temporis in praediolis nostris, & belle aedificatis, & satis amoenis, consumi potuit, in peregrinatione consumimus. Consolantur haec, aut proderimus aliquod Ciceroni: aut, quantum profici possit, iudicabimus. deinde tu iam, ut spero, & ut promittis, aderis. quod quidem si acciderit, omnia nobis erunt meliora. Maxime autem me angit ratio reliquorum meorum. quae quamquam explicata sunt; tamen, quod & Dolabellae nomen in ijs est, & attributio est mihi nominum ignota, conturbor, nec ulla res magis angit ex omnibus. itaque non mihi uideor errasse, quod ad Balbum scripsi apertius, ut, si quid tale accidisset, ut non concurrerent nomina, subuenirent; meq. tibi etiam mandasse, ut, si quid eiusmodi accidisset, cum eo communicares. quod facies, si tibi uidebitur, eoq. magis, si proficisceris in Epirum. Haec ego conscendens e Pompeiano tribus aëtuariolis decemscalmis. Brutus erat in Neside etiam nunc, Neapoli Cassius. Ecquid amas Deiotarum, & non amas Eram? qui, ut Blesamius uenit ad me, cum ei praescriptum esset, ne quid sine Sextij nostri sententia ageret, neque

que ad illum, neque ad quemquam nostrum retulit. Atticum nostrum cupio suauari: ita mihi dulcis salus uisa est, per te missa ab illa. refers igitur ei plurimam, itemq. Piliae dicas uelim. Vale.

CICERO S. D. ATTICO. 4

ITA ut heri tibi narraui, uel fortasse hodie, (Quinctus enim altero die se aiebat) in Nesida VIII. idus. ibi Brutus. quam ille doluit de nonis Iulij. mirifice est conturbatus. itaque sese scripturum aiebat, ut uenationem etiam, quae postridie ludos Apollinares futura est, proscriberent, III. idus Quinct. Libo interuenit. is Philonem, Pompeij libertum, & Hilarum suum uenisse a Sexto cum litteris ad consules, siue quo alio nomine sunt. earum exemplum nobis legit, si quid uideretur. pauca παρα λέξις: ceteroqui & satis grauitur, & non contumaciter. tantum addi placuit, quod erat, COS. solum, ut esset, PRAET. TRIB. PL. SENATV; ne illi non proferrent eas, quae ad ipsos missae essent. Sextum autem nunciauit cum una solum legione fuisse Carthagine, eiq. eo ipso die, quo opidum Boriā cepisset, nunciatum esse de Caesare: capto opido, miram laetitiam, commutationemq. animorum, concursumq. undique, sed illum ad sex legiones, quas in ulteriore reliquisset, reuertisse. ad ipsum autem Libonem scripsit, nihil esse, nisi ad larem suum liceret. summa postulatorum, ut omnes exercitus dimittantur, qui ubique sint. Haec fere de Sexto. De Buthrotijs undique quae-

rens

rens nihil reperiēbam. alij, concisos agripetas : alij, Plancum, acceptis nummis, reliētis illis, au-
fugisse. itaque non uideo sciturum me, quid eius sit, ne statim aliquid litterarum. Iter illud Brun-
disium, de quo dubitabam, sublatum uidetur. le-
giones enim aduentare dicuntur : haec autem nauigatio habet quasdam suspiciones periculi : itaque constituebam ut ὁμοπλοία. paratiorem offendi Bru-
tum, quam audiebam. nam & ipse Domitius bona plane habet dicrota, suntq. nauigia praeterea luculenta Sextij, Buciliani, ceterorum. nam Cassij classem, quae plane bella est, non numero, ultra Fretum. illud est mihi submolestum, quod parum Brutus properare uidetur. primum confectorum ludorum nuncios expectat, deinde, quantum intelligo, tarde est nauigaturus. consistens in locis pluribus. tamen arbitror esse commodius tarde nauigare, quam omnino non nauigare. etsi, cum processerimus, exploratiora uidebuntur, & tectis utemur. Tuas iam litteras Brutus expectabat : cui quidem ego non nouum attuleram de Tereo Attij. ille Brutum putabat. sed tamen rumoris nescio quid afflauerat, commissione Graecorum, frequentiam non fuisse : quae quidem me minime fefellit : scis enim, quid ego de graecis ludis existimem. nunc audi quod plurius est, quam omnia Quinctus fuit mecum dies complures, & si ego cuperem, ille uel plures fuisset : sed, quantum fuit, incredibile est, quam me in omni genere delectarit, in eoq. maxime, in quo minime

nime satisfaciebat. sic enim commutatus est totus
 & scriptis meis quibusdam, quae in manibus habe-
 bam, & assiduitate orationis, & praeceptis, ut tali
 animo in remp. quali nos uolumus, futurus sit. hoc
 cum mihi non modo confirmasset, sed etiam persua-
 sisset; egit mecum accurate multis uerbis, tibi ut
 sponderem, se dignum & te, & nobis futurum;
 neque se postulare, ut statim crederes, sed, cum ip-
 se perspexisset, tum ut se amares. quod nisi fidem mi-
 hi fecisset, iudicassemq. hoc, quod dico, firmum fo-
 re; non fecissem id, quod dicturus sum. duxi enim
 mecum adolescentem ad Brutum. sic ei probatum
 est, quod ad te scribo, ut ipse crediderit, me sponso-
 rem accipere noluerit, eumq. laudans amicissime
 mentionem tui fecerit, complexus, oscultusq.
 dimiserit. quamobrem etsi magis est, quod gratul-
 ler tibi, quam quod te rogem; tamen etiam rogo,
 ut, si quae minus antea propter infirmitatem aeta-
 tis constanter ab eo fieri uidebantur, ea iudices
 illum abieciisse; mihiq. credas, multum allatu-
 rum uel plurimum potius, ad illius iudicium con-
 firmandum, auctoritatem tuam. Bruto cum sae-
 pe iniecissem de ὁμολοίᾳ, non perinde, atque
 ego putaram, arripere uisus est. existimabam
 μεταωρότερον esse: & hercule erat, & maxime de
 ludis. at mihi, cum ad uillam redissem, Cn. Luc-
 ceius, qui multum utitur Bruto, narrauit, illum
 ualde morari, non tergiuersantem, sed expectan-
 tem, si qui forte casus. itaque dubito, an Venu-
 sian

siam tendam, & ibi expectem de legionibus: si aberunt, ut quidam arbitrantur, Hydruntem: si neutrum erit ἀπαλὲς, eodem reuertar. iocari me putas? moriar, si quisquam me tenet praeter te: etenim circumspice: sed ante erubesco. O dies in auspicijs Lepidi descriptos, & aptos ad consilium reditus nostri. magna ποτὶ ad proficiscendum tuis litteris. atque uti nam te illic, sed ut conducere putabis. Nepotis epistolam expecto. cupidus ille meorum? qui ea, quibus maxime γαυριῶ, legendi non putet. & ais μετ' ἀμύμονα: tu uero ἀμύμων: ille quidem ἀμύμωνος. Meorum epistolarum nulla est σωαγωγή. sed habet Tiro instar septuaginta. & quidem sunt a te quaedam sumendae. eas ego, oportet, perspiciam, corrigam. tum denique edentur.

CICERO S. D. ATTICO. 5

EGO adhuc (perueni enim Vibonem ad Sicam) magis commode, quam strenue nauigavi: remis enim magnam partem: prodromi nulli. illud satis opportune. duo sinus fuerunt, quos transmitti oportet, Paestanus, & Vibonensis: utrumque pedibus equis transmisimus. ueni igitur ad Sicam, octauo, die e Pompeiano; cum unum diem Veliae constitissem: ubi quidem fui sane libenter apud Thalnam nostrum: nec potui accipi, illo absente praesertim, liberalius. καὶ καὶ igitur ad Sicam. ibi tanquam domi meae. scilicet: itaque obduxi posterum diem. sed putabam, cum Rhegium uenissem, fore, ut illic,

lic, δολιχὸν πλῶον ὁρμαίνοντες, cogitaremus, corbi-
 ta ne Patras, an ἀδναριολis ad Leucopertam Ta-
 rentinorum, ἀστinde Corcyram: &, si oncraria,
 statim ne Freto, an Syracusis. hac super re scribam
 ad te Rhégio. Mehercule, mi Attice, saepe tecum,
 ἢ δεῦρ' ὁδός σοι τί δυνάται; cur ego tecum non sum?
 cur, ocellos Italiae, uillulas meas non uideo? sed id
 satis, superque, tecum me non esse, fugientem pe-
 riculum. nec id nunc quidem, nisi fallor, ullum est.
 ad ipsum enim reuocat me auctoritas tua. scribis
 enim, in caelum ferri profectiōnem meam, sed ita,
 si ante kal. Ian. redeam: quod quidem certe eni-
 tar; malo enim uel cum timore domi esse, quam si-
 ne timore Athenis tuis. sed tamen prospice, quo
 ista uergant, mihiq. aut scribe, aut, quod multo
 malim, affer ipse. haec haec tenus. Illud uelim in bo-
 nam partem accipias, me agere tecum, quod tibi
 maiori curae sciam esse, quam ipsi mihi. nomina
 mea, per deos, expedi, exsolue: bella reliqui. sed
 opus est diligentia, coheredibus pro Cluuiano kal.
 Sext. persolutum ut sit. cum Publio quomodo a-
 gendum sit, uidebis. non debet urgere, quoniam
 iure non utimur: sed tamen ei quoque satisfieri i pla-
 ne uolo. Terentiae uero quid ego dicam? etiam an-
 te diem, si potes. quin, si, ut spero, celeriter in Epi-
 rum; hoc, quod satis dato debeo, peto a te, ut ante
 prouideas, planeq. expedias, & solutum relin-
 quas. sed de his satis; metuoque, ne tu nimium putes.
 nunc negligentiam meam cognosce. De Gloria li-
 brum

brum ad te misi: & in eo prooemium, id est, quod in Academico tertio. id euenit ob eam rem, quod habeo uolumen prooemiorum, ex eo eligere soleo, cum aliquid *συγγραμματα* institui. itaque iam in Tusculano, qui non meminissem meo abusum isto prooemio, conieci id in eum librum, quem tibi misi. cum autem in naui legerem Academicos, agnouit erratum meum: itaque statim nouum prooemium exaravi. & tibi misi. tu illud desecabis, & hoc agglutinabis. Piliae salutem dices, & Atticae, delicijs, atque amoribus meis. Vale.

CICERO S. D. ATTICO. 6

VIII. id. Sext. cum a Leucopetra profectus, (inde enim trans mittebam) *Stadia* circiter CCC processissem, reiectus sum *Astro* uehementi ad eandem Leucopetram. ibi cum uentum exspectarem, (erat enim uilla *Valerij* nostri, ut familiariter essem, & libenter) *Rhegini* quidem, illustres homines, eo uenerunt, Roma sane recentes, in ijs *Bruti* nostri hospes, qui *Brutum* *Neapoli* reliquisset, haec afferebant, edictum *Bruti*, & *Cassii*, & fore frequentem senatum kalendis; a *Bruto*, & *Cassio* litteras missas ad consulares, et praetorios; ut adessent, rogare. summam spem nunciabant, fore, ut *Antonius* cederet, res conueniret, nostri Romam redirent. Addebant etiam, me desiderari, subac cusari. quae cum audissem, sine ulla dubitatione abieci consilium profectiois; quo mehercule ne an-

P P tea

teā quidem delectabar. lectis uero tuis litteris, ad-
 miratus equidem sum, te tam uehementer senten-
 tiam commutasse; sed, non sine caussa, arbitrabar.
 etsi quamuis non fueris fautor, & impulsor pro-
 fectionis meae, approbator certe fuisti, dummodo
 kal. Ian. Romae essem. ita fiebat, ut, dum minus
 periculi uideretur, abessem, in flammam ipsam ue-
 nirem. sed haec, etiam si non prudenter, tamen
 ἀνεύχοντα sunt; primum, quod de mea sententia
 acta sunt; deinde, etiam si te auctore quid debet,
 qui consilium dat, praestare praeter fidem? Illud
 admirari satis non potui, quod scripsisti his uerbis:
 Bene igitur tu, qui εὖ δὲ ἀνασῶν, bene relin-
 quis patriam? An ego relinquebam? aut tibi tū
 relinquere uidebar, tū id non modo non prohibebas,
 uerum etiam approbabas? grauiora, quae restant.
 Velim χείλιον aliquod elimes ad me, oportu-
 ius te istuc facere. Ita ne, mi Attice, defen-
 sione eget meum factum, praesertim apud te, qui id
 mirabiliter approbasti? ego uero istum ἀπολογισμὸν
 οὐκ ἔχομαι, sed ad eorum aliquem, quibus inuitis,
 & dissuadentibus profectus sum, etsi quid iam opus
 est χείλιον? si perseuerassem, opus fuisset. at hoc ip-
 sum non constanter, nemo doctus umquam (multa
 autem de hoc genere scripta sunt) mutationem con-
 silij inconstantiam dixi esse. deinceps igitur haec
 NAM si a Phaedro nostro, expedita excusatio esset,
 nunc quid respondemus? Ergo id erat meum factū,
 quod Catoni probare non possim, flagitij scilicet
 plenum,

plenum, & dedecoris. utinam a primo ita tibi esset uisum. tu mihi. sicut esse soles, fuisses Cato. Extremum illud uel molestissimū. Nam Brutus noster silet: hoc est, non audet hominem id aetatis monere. aliud nihil habeo, quod ex ijs a te uerbis significari putem. & hercule ita est. Nam xv kal. Sept. cum uenissem Veliam, Brutus audiuit. erat enim cum suis nauibus apud Heletem fluuium citra Veliam millia passuum III. pedibus ad me statim. dii immortales, quam ualde ille reditu, uel potius reuersione mea laetatus ē effudit illa omnia, quae tacuerat: ut recordarer illud tuum, Nam Brutus noster silet. maxime autem dolebat, me kal. Sext. in senatu non fuisse. Pisonem ferebat in caelum: se autem laetari, quod effugissem duas maximas uituperationes, unam, quam itinere faciendo me intelligebam suscipere, desperationis, ac relictionis reip. (flentes mecum uulgo quaerebantur, quibus de meo celeri reditu non probabam) alteram, de qua Brutus, & qui una erant, (multi autem erant) laetabantur, quod eam uituperationem effugissem, me existimari ad Olympia. hoc uero nihil turpius quouis reip. tempore. sed hoc ἀνατολόγῃ. ego uero Austro gratias miras, qui me a tanta infamia auerterit. Reuersionis has speciosas causas habes, iustas illas quidem, & magnas, sed nulla iustior, quam quod tu idem alijs litteris: Prouide, si cui quod debetur, ut sit unde par pari respondeatur. mirifica enim

aetatem . atque a me postulat , primum ut clam colloquatur ; uel Capuae . puerile hoc quidem , si id putat clam fieri posse . docui litteris , id nec opus esse , nec fieri posse . misit ad me Caecinam quendam Volaterranum , familiarem suum , qui hoc pertulit , Antonium cum legione Alaudarum ad urbem pergere , pecunias Mancipijs impetrare , legionem sub signis ducere . consultabat , utrum Romam cum ∞ ∞ ∞ ueteranorum proficeretur , an Capulam teneret , & Antonium uenientem excluderet , an iret ad tres legiones Macedonicas , quae iter secundum mare superum faciunt , quas sperat suas esse . haec cōgiarium ab Antonio accipere noluerunt , ut hic quidem narrat , & ei conuictum grande fecerunt , concionantemq . reliquerunt . quid quaeris ? ducem se . profitetur , nec nos sibi putat deesse oportere . equidem suasi , ut Romam pergeret uidetur enim mihi & plebeculam urbanam , & , si fidem fecerit , etiam bonos secum habiturus . o Brute ubi es ? quantam & nauis amittis . non equidem hoc diuinari , sed aliquid tale putari fore . Nunc tuum consilium exquiro , Romam ne uenio , an hic maneo , an Arpinum ? ἀσφαλείαν habet is locus . fugiam Romam , ne desideremur , si quid adiuu uidebitur . hoc igitur explica . numquam in maiore ἀπορία fui . Vale .

CICERO S. D. ATTICO. 8

BINAE mihi uno die litterae ab Oclanio . nunc quidem , ut Romam statim ueniam : uelle se

TP 3 rem

rem agere per senatum : cui ego , non posse senatum ante kal. Ian. quod quidem ita credo. ille autem addit , consilio tuo . quid multo ille urget : ego autem *οὐκ ἔχω* . non confido aetatis ; ignoro , quo animo : nil sine Pansa tuo uolo ; uereor , ne ualeat Antonius : nec a mari discedere libet : & metuo , ne quae ἀπείρα me absente . Varroni quidem displicet consilium pueri , mihi non . firmas copias habet , Brutum habere potest : & rem gerit palam : centuriat Capuae , dinumerat . iam , iamq. uideo bellum . ad haec rescribe . Tabellarium meum kalendis Romae profectum sine tuis litteris , miror . Vale .

CICERO S. D. ATTICO. 9

VI. ueni , ad me , in Sinuessanum . eodem die , uulgo loquebantur , Antonium mansurum esse Casilini . itaque mutavi consilium . statueram enim recta Appia Romam . facile me ille esset affecutus . aiunt enim eum Caesariana uti celeritate . uerti igitur me a Minturnis Arpinum uersus . constitueram , ut pridie idus aut Aquini manerem , aut in Arcano , nunc , mi Attice , tota mente incumbere in hanc curam . magna enim res est : tria sunt autem , maneam ne Arpini , an propius accedam , an ueniam Romam . quod censuris , faciam : sed quamprimum . auide expecto tuas litteras . VI. idus mane , n. Sinuessano . Vale .

CICERO

NONIS accepi a te duas epistololas: quarum alteram kal. dederas, alteram pridie. igitur prius ad superiorem. Nostrium opus tibi probari laetor. ex quo ante ipse posuisti, quae mihi florentiora sunt uisa tuo iudicio. caerulas enim tuas miniatulas illas extimescebam. De Sica ita est, ut scribis. ast aegre me tenui. itaque perstringam sine ulla contumelia Sicae, & Septimiae: tantum, ut sciant τὰς δὲ παῖδας sine uallo Luciliano, eum ex C. Fadij filia liberos habuisse. atque utinam eum diem uideam, cum ista oratio ita libere uagetur, ut etiam in Sicae domum introeat. sed illo tempore opus est, quod fuit illis triumuiris. moriar, nisi facete. tu uero leges Sexto, eiusque iudicium mihi perscribes ἡς ἰμορφίαι. Caleni interuentum, & Caluenae cauebis. Quod uereris, ne ἀδόλεγος: mihi tu? quis minus? cui, ut Aristophani Archilochi iambus, sic epistola longissima quaeque optima uidetur. Quod me admones, tu uero etiam si reprehenderes, non modo facile paterer, sed etiam laetarer, quippe cum in reprehensione est prudentia cum ἀμελείᾳ. ita libenter ea corrigam, quae a te animaduersa sunt, eodem iure, quo Rubriana potius, quam quo Scipionis: & de laudibus Dolabellae deruam cumulum. attamen est isto loco bella, ut mihi uidetur, ἀπορία, quod cum contra ciues in acie. illud etiam malo, indignius esse hunc uiuere, quam, quid in-

dignius. Πεπλογραΐαν Varronis tibi probari non moleste fero: quo adhuc ἡρακλείδιον illud non abstuli. Quod me hortaris ad scribendum; amice tu quidem, sed me scito agere nihil aliud. Grauedo tua mihi molesta est. quaeso adibe, quam soles, diligentiam. ΟΤΙΤΕ, tibi prodesse laetor. Anagnini sunt, Mustela ταξιάρχης, & Laco, qui plurimum bibit. Librum; quem rogas, perpoliam & mittam. Haec ad posteriorem. Τὰ δὲ τοῦ καθήκοντος, quatenus Panaetius; absolui duobus: illius tres sunt. sed cum initio diuississet ita; tria genera exquirendi officij esse; unum, cum deliberamus; honestum, an turpe sit; alterum, utile, an inutile; tertium, cum haec inter se pugnare uideantur, quo modo iudicandum sit: qualis causa Reguli; redire honestum, manere utile: de duobus primis praeclara differuit; de tertio polliceiur se deinceps sceipturum, sed nihil scripsit. eum locum Posidonius persecutus. ego autem & eius librum accersiui, & ad Athenodorum Caluum scripsi, ut ad me τὰ κεφάλαια mitteret: quem exspecto: quem uelim cohortere, & roges, ut quamprimum; in eo est δὲ τοῦ κατὰ δέξασιν καθήκοντος. Quod de inscriptione quaeris; non dubito, quin τό καθήκον officium sit, nisi quid tu aliud: sed inscriptio plenior, de officijs. προσφώνω autem Ciceroni filio. uisum est non ἀνοικεῖν. De Myrtilo, dilucide. o qualis tu semper istos. ita ne in D. Brutum? de istis. Ego me, uiscripseram, in Pompeianum non abdidi,

abdidi, primo tempestatibus, quibus nihil taetrius:
 deinde ab Octauio quotidie litterae, ut negotium sus-
 cipere, Capuam uenire, iterum temp. salua-
 rem, Romam utique statim. αὐτὸς δὲ μὲν ἀντίπαυ-
 δέσται δ' ὑποδέχεται. is tamen egit sane strenue, &
 agit. Romam ueniet cum manu magna. sed est
 plane puer. putat senatum statim. quis ueniet? si
 uenerit, quis, incertis rebus, offendet Antonium?
 kal. Ian. erit fortasse praesidio: aut quidem ante
 depugnabitur. puero municipia mire fauent. iter
 enim faciens in Samnium uenit Cales, mansit Thea-
 ni: mirifica ἀπαρτήσις & cohortatio. hoc tu pu-
 tares? ob hoc ego citius Romam, quam constitue-
 ram. simul ac constituerem, scribam. etsi non dum
 stipulationes legeram: nec enim Eros uenerat. ta-
 men rem pridie idus uelim conficias. Epistolas Ca-
 tinam, Tauromenium, Syracusas commodius mit-
 tere potero, si Valerius interpretes ad me nomina
 gratiosorum scripserit. alij enim sunt alias, nostriq.
 familiares fere demortui. publice tamen scripsi, si
 uti uellet eis Valerius, aut mihi nomina mitteret.
 De Lepidianis feris Balbus ad me. Usque ad 111.
 kal. expectabo tuas litteras: deq. Torquati nego-
 tiolo scituum poto. Quinti litteras ad te misi, ut
 scires, quam ualde eum amaret, quem dolet a te
 minus amari. Atticae, quoniam, quod optimum
 in pueris est, hilarula est, meis uerbis suauium di-
 ces. Vale.

OPPII epistolae, quia perhumana erat, tibi misi exemplum. De Ocella, dum tu muginaris, nec mihi quidquam rescribis, cepi consilium domesticum: itaque me pridie idus arbitror Romae futurum. commodius est uisum, frustra me istic esse, cum id non necesse esset, quam, si opus esset, non adesse. & simul, ne intercluderem, metuebam. ille enim iam aduentare potest: etsi uarij rumores, multique, quos cuperem ueros: nihil tamen ce. ti. ego uero, quidquid est, tecum potius, quam animi pendeam, cum a te absim, & de te, & de me. sed quid dicam? bonum animum. ἡρακλείδιω Varronis, negotia falsa. me quidem nihil umquam sic deletauit. sed haec, & alia maiora coram. Vale.

OCASVM mirificum. v. idus cum ante lucem de Sinuessano surrexissem, uenissemq. diluculo ad Pontem Tarentium, qui est Minturnis, in quo flexus est iter Arpinas, obuiam mihi fit tabellarius, qui me offendit δολιχὸν πλὸν ὁρμαίνοντα. ego statim, cedo, inquam, si quid ab Attico. nondum legere poteramus. nam & lumina dimiseramus; nec satis lucebat. cum autem luceret, ante scripta epistola ex duabus tuis prior mihi legi coepta est. illa omnium quidem elegantissima. ne sim saluus, si aliter scribo, ac sentio. nihil legi humanius.

nus. itaque ueniam, quo uocas, modo adiutore te. sed nihil tam ἀποδοίονος mihi primo uidebatur, quam ad eas litteras, quibus ego a te consilium petieram, te mihi ista rescribere. ecce tibi altera, qua hortaris παρ' ἡμετέρας μίμναι, Νῆστον ἐν ἑσπέρῃ, Appiam ἐν ἀπὸς ἡμέρας. itaque eo die mansi Aquinī. longulum sane iter, & uia inepta. inde postridie mane proficiscens, has litteras dedi. & quidem, ut a me dimitterem inuitissimus, fecerunt Erotis litterae. rem tibi Tiro narrabit. tu, quid faciendum sit, uidebis: praeterea, possim ne propius accedere, (malo enim esse in Tusculano, aut uspiam in suburbano) an etiam longius discedendum putas. crebro ad me uelim scribas: erit autem quotidie, cui des. Quod praeterea consulis, quid tibi censeam faciundum: difficile est, cum absim: uerumtamen, si pares aequae inter se, quiescendum: sin, latius manabit, & quidem ad nos, deinde communiter. auide tuum consilium exspecto, timeo, ne absim, cum adesse me sit honestius: uenire non audeo. De Antonij itineribus nescio quid aliter audio, atque ut ad te scribebam. omnia igitur uelim explices, & ad me certa mittas. De reliquo quid ego tibi dicam? ardeo studio historiae. incredibiliter enim me commouet tua cohortatio. quae quidem nec institui, nec effici potest sine tua ope. coram igitur hoc quidem conferemus. In praesentia mihi uelim scribas, quibus cos. C. Fannius M. F. tribunus pl. fuerit. uideor mihi audisse, P. Africano, L. Mummiō. id

igi-

igitur quaero. tu mihi de ijs rebus, quae nouantur, omnia certa, clara. III. id. ex Arpinati. Valc.

CICERO S. D. ATTICO. 13

Nihil erat plane, quod scriberem. nam, cum Puteolis essem, quotidie aliquid noui de Octauiano, multa etiam salsa ad Antonio. ad ea autem, quae scripsisti, (tres enim acceperam III. id. a te epistolas) ualde tibi assentior, si multum possit Octavianus, multo firmitus aëta tyranni comprobatum iri, quam in Telluris, atque id contra Brutum fore. sin autem uincitur, uides intolerabilem Antonium: ut, quem uelis, nescias. O Sextij tabellarium hominem nequam. postridie Puteoli Romae se dixit fore. Quod me mones, ut pedetentim assentior, etsi aliter cogitabam. nec me Philippus, aut Marcellus mouet. alia enim eorum ratio: etsi non est, tamen uidetur. sed in isto iuene, quamquam animi satis, auctoritatis parum est. tamen uide, si forte in Tusculano recte possim, ne id melius sit: (ero libentius: nihil enim ignorabo) an hoc, cum Antonius uenerit. Sed, ut aliud ex alio, mihi non est dubium, quin, quod Graeci καθήκον nos officium. id autem, quid dubitas, quin etiam in remp. praeclare caderet? non ne dicimus, consulum officium, senatus officium? praeclare conuenit; aut da melius. Male narras de Nepotis filio. ualde me hercule moueor. & moleste fero, nescieram omnino esse istum puerum. Caninium perdidisti, hominem,

minem, quod ad me attinet, non ingratum. Athenodorum, nihil est, quod bortere: misit enim satis bellum in praesentia; Grauedini, quae so, omni ratione subueni. Quintus, tui patris nepos, scribit ad patris mei nepotem, se ex nonis iis, quibus nos magna gessimus, aedem Opis explicaturum, idq. ad populum: uidebis igitur, & scribes. Sexti iudicium exspecto. Vale.

CICERO S. D. ATTICO. 14

NOLI putare, pigritia facere me, quod non mea manu scribam: sed mehercule pigritia; nihil enim habeo aliud, quod dicam. & tamen in tuis quoque epistolis Alexim uideor agnoscere, sed ad rem uenio. Ego, si me non improbissime Dolabella tractasset, dubitassem fortasse, utrum remissior essem, an summo iure contenderem: nunc uero etiam gaudeo mihi causam oblatam, in qua & ipse sentiat, & reliqui omnes me ab illo alienatum: idq. praemisera, & quidem me mea facere, & rep. causa, cur illum oderim, quod, cum eam me auctore defendere coepisset, non modo deseruit emptus pecunia, sed etiam, quantum in ipso fuerit, euerterit. Quod autem quaeris, quo modo agi placeat, cum dies uenerit: primum uelim eiusmodi sit, ut non alienum sit, me Romae esse; de quo ut de ceteris faciam, ut tu censueris: summa autem agi prorsus uehementer, & senere uolo. etsi sponsores appellare, uidetur habere quandam dignitatem tamen,

men, hoc quale sit, consideres uelim. possumus enim, ut sponsores appellentur, procuratorem introducere. neque enim illi litem contestabuntur. quo facto, non sum nescius sponsores liberari. sed & illi turpe arbitror, eo nomine, quod satisfato debeat, procuratores eius non dissoluere: & nostrae grauitatis, ius nostrum sine summa illius ignominia persequi. de hoc quid placeat, rescribas uelim. non dubito, quin hoc totum lenius administraturus sis. Redeo ad remp. Multa mehercule a te saepe in πολιτικῷ genere prudenter: sed his litteris nihil prudentius: Quamquam enim posset in praesentia belle iste puer retundere Antonium, tamen exitum exspectare debemus. at, quae concio? nam est missa mihi. iurat, ita sibi parentis honores consequi liceat: & simul dextram intendit ad statuam. μὴ δὲ τοῦδε ἵνυ, εἴ ποτε τοιοῦτο. sed, ut scribis, certissimum esse uideo discrimen Cascae nostri tribunatum: de quo quidem ipso dixi Oppio, cum me hortaretur, ut adolescentem, totamque caussam, manumque ueteranorum complecterer, me nullo modo facere posse, ni mihi exploratum esset, eum non modo non inimicum tyrannoctonis, uerum etiam amicum fore. cum ille diceret, ita futurum: quid igitur festinamus? inquam. illi enim mea opera ante kal. Ian. nihil opus est: nos autem eius uoluntatem ante idus Dec. perspiciemus in Casca. mihi ualde assensus est. Quamobrem haec quidem habetenus. Quod reliquum est, quotidie tabellarios habebis,

bebis, & ut ego arbitror, etiam, quid scribas, quotidie. Leptae litterarum exemplum tibi misi: ex quo mihi uidetur *σπατηλὰς* ille deiectus de gradu. sed tu, cum legeris, existimabis...

OBSIGNATA iam epistola, litteras a te, & a Sexto accepi. nihil iucundius litteris Sexti, nihil amabilius. nam tuae breues: priores erunt uberri-
mae. Tu quidem & prudenter, & amice suades, ut in his locis potissimum sim; quoad audiamus, haec, quae commota sunt quorsum euadant. sed me, mi Attice, non sane hoc quidem tempore mouet resp. non quo ea sit mihi quidquā carius, aut esse debeat: sed desperatis etiā Hippocrates uetat adhibere me-
dicinam. quare ista ualeant. Me rex familiaris mo-
uet: rem dico? immo uero existimatio. cum enim tanta reliqua sint; ne Terentiae quidem adhuc quod soluam expeditum est. Terētiam dico? scis nos pri-
dem iam constituisse Montani nomine HS XXII. dissoluere. prudentissime hoc Cicero petierat, uti de suo. liberalissime, ut tibi quoque placuerat, promi-
seram; Erotiq. dixeram, ut sepositum haberet. non modo, sed iniquissimo foenore uersuram facere Au-
relius coactus est. nam de Terentiae nomine Tiro ad me scripsit, te dicere, nummos a Dolabella fore. ma-
le eum credo intellexisse, si quisquam male intelli-
git; potius, nihil intellexisse. tu enim ad me scripsi-
sti Cocceij responsum, & iisdem paene uerbis Eros. ueniendum est igitur uel in ipsam flammam. turpius est enim priuatim cadere, quam publice. itaque ce-
teris

teris de rebus, quas ad me suauissime scripsisti, perturbato animo, non potui, ut consueueram, rescribere. consenti in hac cura, ubi sum, ut me expediā. quibus autem rebus, uenit quidem mihi in mentem; sed certo constituere nihil possum, prius quam te uidero. qui minus autem ego istis recte esse possim, quam est Marcellus? sed non id agitur: neque id maxime curo: quid curem, uides. adsum igitur. Vale.

CICERO S. D. ATTICO. 15

• IVCUNDISSIMAS tuas legi litteras. ad Plancum scripsi. habes exemplum. cum Tirone quid sit locutus, cognoscam ex ipso. Cum sorore ages attentius, si te occupatione ista relaxaris. Vale.

M. Cicero L. Planco praet. des. S. Attici nostri te ualde studiosum esse cognoui, mei uero ita cupidum, ut me hercule paucos aeque obseruātes, atque amantes me habere existimem. ad paternas enim magnas, & ueteres, & iustas necessitudines magnam attulit accessionem tua uoluntas erga me, meaq. erga te par, atque mutua. Buthrotia tibi causa ignota non est: egi enim saepe, tibiq. totam rem demonstraui: quae est acta hoc modo. Vt primum Buthrotium agrum proscriptū uidimus; commotus Atticus libellum composuit. eum mihi dedit, ut darem Caesari; eram enim cenaturus apud eum illo die. cum libellum Caesari dedi, probauit causam, rescripsit Attico aequa eum postulare: admonuit tamen, ut pecuniam reliquam Buthrotij ad diē soluerent.

soluerunt. Atticus, qui ciuitatem conseruatam cu-
peret, pecuniam numerauit de suo. quod cum esset
factum, adiuius ad Caesarem, uerba fecimus pro
Buthrotijs, liberalissimum decretum abstulimus;
quod est obsignatum ab amplissimis uiris. quae cum
essent acta mirari quidem solebam, pati Caesarem
conuenire, eos, qui agrum Buthrotium concupissent,
neque solum pati, sed etiam ei negotio te praeficere.
itaque & ego cum illo locutus sum, & saepius qui-
dem; ut etiam accusarer ab eo, quod parum con-
stantiae suae considerem: & M. Messallae, & ipsi
Attico dixit, ut sine cura essent: aperteque osten-
debat, se praesentium animos (erat enim popula-
ris, ut noras) offendere nolle: cum mare transis-
sent, curaturum se, ut in alium agrum deduceren-
tur. haec illo uiuo. post interitum uero Caesaris, ut
primum ex S. C. causas consules cognoscere insti-
tuerunt, haec, quae scripsi, ad eos delata sunt. pro-
bauerunt causas sine ulla dubitatione, seq. ad te
litteras daturos esse dixerunt. Ego autem, mi Plan-
ce, etsi non dubitabam, quin & S. C. & lex, &
consulum decretum, ac literae apud te plurimum
auctoritatis haberent, teq. ipsius Attici causa uel
le intellexeram: tamen hoc pro coniunctione, &
beneuolentia nostra mihi sumpsi, ut id a te peterem,
quod tua singularis humanitas, suauissimiq. mores
a te essent impetraturi. id autem est, ut hoc, quod
te tua sponte facturum esse certo scio, honoris no-
stri causa libenter, prolixè, celeruer. facias. mi-

hi nemo est amicior, nec iucundior, nec carior. Attico: cuius antea res solum familiaris agebatur, eaq. magna; nunc accessit etiam exilimatio, ut, quod consecutus est magna & industria, & gratia, & uiuo Caesare, & mortuo, id te adiuuante obtineat. quod si a te erit impetratum, sic uelim existimes, me de tua liberalitate ita interpretaturum, ut tuo summo beneficio me affectum iudicem. ego, quae te uelle, quaeq. ad te pertinere arbitror, studiose, diligenterq. curabo. da operam, ut ualeas. Vale.

Cicero Planco praet. des. S. Iam antea petiui abs te per litteras, ut cum caussa Buthrotiorum probata a consulibus esset, quibus & lege, & S. C. permissum erat, ut de Caesaris actis cognoscerent, statuerent, iudicaret eam rem tu adiuuares, Atticumq. nostrum, cuius te studiosum cognoui, & me, qui non minus laboro, molestia liberares. omnibus enim rebus magna cura, multa opera, & labore confectis, in te positum est, ut nostrae sollicitudinis finem quamprimum facere possimus. quamquam intelligimus, ea te esse prudentia, ut uideas, si ea decreta consulum, quae de Caesaris actis interposita sunt, non seruentur, magnam perturbationem rerum fore. equidem, cum multa, quod necesse erat in tanta occupatione, non probentur, quae Caesar statuerit; tamen otij, pacisq. caussa acerrime illa soleo defendere: quod tibi idem magnopere faciendum censeo. quamquam haec epistola non suavis est, sed rogatoris. Igitur mi Plance rogo te, & etiam

etiam oro, sic mediis fidius, ut maiore studio, max-
gisq. ex animo agere non possim, ut totum hoc ne-
gotium ita agas, ita tractes, ita conficias, ut, quod
sine ulla dubitatione apud consules obtinuimus pro-
pter summam bonitatem, & aequitatem causae, id
tu nos obtinuisse non modo facile patiari, sed etiam
gaudeas. quia quidem uoluntate esse erga Atticum,
saepe praesens & illi ostendisti, & uero etiam mihi.
quod si feceris, me, quem uoluntate, & paterna
necessitudine coninnetum semper habuisti, maximo
beneficio deuinctum habebis. idq. ut facias, te uehe-
menter etiam atque etiam rogo. Vale. Cicero
Capitoni suo S. Numquam putavi fore, ut sup-
plex ad te uenirem: sed hercule facile patior datum
tempus, in quo amorem experirer tuum. Atticum
quanti faciam, scis. amabo te, da mihi & hoc: obli-
uiscere mea causa, illum aliquando suo familiari,
aduersario tuo, uoluisse consultum, cum illius ex-
stimatio ageretur. hoc primum ignorare, est hu-
manitatis tuae: suos enim quisque debet tueri: dein-
de, si me amas, omitte Atticum Ciceroni tuo: quem
quanti facias, prae te soles ferre. totum hoc, ut,
quod semper existimaui. nunc plane intelligam, me
a te multum amari. Buthrotios cum Caesar decreto
suo, quod ego obsignaui cum multis amplissimis ui-
ris, liberauisset, ostendissetq. nobis, se, cum agrar-
um mare transissent, litteras missurum, quem in
agrum deducerentur: accidit, ut subito ille interi-
ret. deinde, quemadmodum tu scis, (interfuissti

enim, cum consules oporteret ex S. C. de actis Caesaris cognoscere, res ab ijs in kal. Iun. dilatae accessit ad S. C. lex, quae lata est ad v. 1. non. Iun. quae lex earum rerum, quas Caesar statuisset, decreuisset, egisset, consulibus cognitionem dedit. causa Buthrotiorum delata est ad consules. decretum Caesaris recitatum est, & multi praeterea libelli Caesaris prolati. consules de consilij sententia decreuerunt secundum Buthrotios; Plancum dederunt.

Nunc mi Capito (scio enim quantum semper apud eos, quibuscum sis, posse soleas, eo plus apud hominem facillimum, atque humanissimum Plancum) enitere, elabora, uel potius eblandire, effice, ut Plancus, quem spero optimum esse, sit etiam melior opera tua. omnino res huiusmodi uidetur esse, ut sine cuiusquam gratia Plancus ipse pro ingenio, & prudentia sua non sit dubitaturus, quin decretum consulum, quorum & lege, & S. C. cognitio, & iudicium fuit, conseruet, praesertim cum, hoc genere cognitionum labesacto, acta Caesaris in dubium uentura uideantur: quae non modo ij, quorum interest, sed etiam ij, qui illa non probant, otij causa confirmare uelint. quod cum ita sit; tamen interest nostra. Plancum hoc animo libenti prolixoq. facere. quod certe faciet, si tu neruulos tuos, mihi saepe cognito, suauitatemque, qua nemo tibi par est, adhibueris. quod ut facias, te uehementer rogo. Vale. Cicero Cupiennio S. Patrem tuum plurimi feci; meq. ille mirifice & coluit, & amauit.

uit. nec mehercule umquam mihi dubium fuit, quin
a te diligerer. ego quidem id facere non destiti. quā
obrem peto a te in maiorem modum, ut ciuitatem
Buthrotiam subleues, decretumq. consulum, quod
ij secundum Buthrotios fecerunt, cum & lege, &
S. C. statuendi potestatem haberent, des operam,
ut Plancus nosler quamprimum confirmet, & pro
bet: hoc te uehementer, mi Capienni, etiam atque
etiam rogo. Vale. Cicero Planco praet. des. S.
Ignosce mihi, quod, cum antea accuratissime de
Buthrotijs ad te scripserim, eadem de re saepius scri
bam: non mehercule mi Plance facio, quod parum
cōfidam aut liberalitati tuae, aut nostrae amicitiae;
sed cum tanta res agatur Attici nostri, nunc uero
etiam existimatio, ut id, quod probauit Caesar,
nobis testibus, & obsignatoribus, qui & decretis,
& responsis Caesaris interfueramus, uideatur obti
nere potuisse, praesertim cum tota potestas eius rei
tua sit, ut ea, quae consules decreuerunt secundum
Caesaris decreta, & responsa, non dicam compro
bes, sed studiose, libenterq. comprobēs. id mihi sic
erit gratum, ut nulla res gratior esse possit. etsi iam
sperabam, cum has litteras accepisses, fore, ut ea,
quae superioribus litteris a te petiissemus, impetra
ta essent: tamen non faciam finem rogandi, quoad
nobis nunciatum erit, te id fecisse, quod magna cū
spe expectamus. deinde enim, confido fore, ut alio
genere litterarum utamur, tibiq. pro tuo summo
beneficio gratias agamus. quod si acciderit, uelim

sic existimet, non tibi tam Atticum, cuius perman-
gna res agitur, quam me, qui non minus laboro,
quam ille, obligatum fore. Vale. Cicero Capi-
toni S. Non dubito, quin mirere, atque etiam sto-
machere, quod tecum de eadem re agam saepius.
Hominis familiarissimi, et mihi omnibus rebus con-
iunctissimi, permagna res agitur Attici. cognoui
ego tua studia in amicos, etiam in te amicorum. mul-
tum potes nos apud Plancum iuuare. noui humani-
tatem tuam: scio, quam sis amicis iucundus. nemo
nos in hac causa plus iuuare potest, quam tu. &
res ista est firma, ut debet esse, quam consules de
consilij sententia decreuerunt, cum & lege, & S.
C. cognoscerent. tamen omnia posita putamus in
Planci tui liberalitate: quem quidem arbitramur
cum officij tui, & reip. causa decretum consulum
comprobaturum, tum libenter nostra causa esse
facturum. adiuuabis igitur, mi Capito: quod ut fa-
cias, uehementer etiam atque etiam rogo. Vale.

EDITTA
T. POMPONII ATTICI
VITA PER CORNELIVM
NEPOTEM.

POMPONIVS Atticus, ab origine ultima stirpis Romanae generatus, perpetuo a maioribus acceptam equestrem obtinuit dignitatem. patre usus est diligente, iudulgente, & ut tum erant tempora, diti, in primisq. studio sol litterarum. hoc, prout ipse amabat litteras, omnibus doctrinis, quibus puerilis aetas impertiri debet, filium erudiuit. erat autem in puero, praeter docilitatem ingenij, summa suauitas oris, & uocis, ut non solum celeriter acciperet, quae tradebantur, sed etiam excellenter pronunciaret. qua ex re a pueritia nobilis inter aequales ferebatur, clariusq. exsplendescibat, quam generosi condiscipuli animo aequo ferre possent. itaque incitabat omnes studio suo. quo in numero fuerunt L. Torquatus, C. Marij filius, M. Cicero: quos consuetudine sua sic sibi deuinxit, ut nemo ijs perpetuo fuerit carior. pater mature decessit. ipse adolescentulus propter affinitatem P. Sulpicij, qui tribunus pl. interfectus est, non expers fuit illius periculi. namque Anicia, Pomponij consobrina, nupsit Servio fratri Sulpicij. itaque, interfecto Sulpicio, postea quam uidit Cinnamo tumultu ciuitatem esse perturbatam, neque sibi dari facultatem

pro dignitate uiuendi, quin alterutram partem offenderet, dissociatis animis ciuium, cum alij Sullanis, alij Cinnanis fauerent partibus, idoneum tempus ratus studijs obsequendi suis, Athenas se contulit: neque eo secius adolescentem Marium, hostem iudicatum, iuuat opibus suis: cuius fugam pecunia subleuauit. ac, ne illa peregrinatio detrimentum aliquod afferet rei familiari, eodem magnam partem fortunarum traiecit suarum. hic ita uixit, ut uniuersis Atheniensibus merito esset carissimus. nam praeter gratiam, quae iam in adolescentulo magna erat, saepe suis opibus inopiam publicam leuauit. cum enim uersuram facere publice necesse esset; neque eius condicionem aequam haberent; semper se interposuit, atque ita, ut neque uersuram umquam ab ijs acceperit, neque longius, quam dictum esset, debere passus sit. quod utrumque erat ijs salutare. nam neque indulgendo inueterascere eorum aes alienum patiebatur, neque multiplicandis usuris crescere. auxit hoc officium alia quoque liberalitate: nam uniuersos frumento donauit, ita ut singulis \vee I. modij tritici darentur, qui modus mēsurae medimnus Athenis appellatur. hic autem sic se gerebat, ut communis infimis, par principibus uideretur. quo factum est, ut huic omnes honores, quos possent, publice haberent, ciuemq. facere studerent. quo beneficio ille uti noluit. quod non nulli ita interpretantur. amitti ciuitatem Romanā alia adscita. Quam diu affuit, ne qua sibi

Statua

statua poneretur, restitit; absens prohibere non potuit. itaque aliquot ipsi, & Phidiae locis sanctissimis posuerunt. hunc enim in omni procuratione reip. actorem, auctoremq. habebant. Igitur primum illud munus fortunae, quod in ea potissimum urbe natus est, in qua domicilium orbis terrarum esset imperij, ut eandem & patriam haberet, & domum: hoc specimen prudentiae, quod, cum in eam se ciuitatem contulisset, quae antiquitate, humanitate, doctrinaq. praestaret omnes, ei unus ante alios fuerit carissimus. Huc ex Asia Sulla decedens cum uenisset; quam diu ibi fuit, secum habuit Pomponium, captus adolescentis & humanitate, et doctrina. sic enim Graece loquebatur, ut Athenis natus uideretur. tanta autem erat suauitas sermonis Latini, ut appareret in eo natiuum quendam leporem esse, non adscitum. idem poemata pronuntiabat & Graece, & Latine. sic, ut supra nihil posset. quibus rebus factum est, ut Sulla nunquam a se dimitteret, cuperetq. secum deducere. qui cum persuadere tentaret, Noli, oro te, inquit Pomponius, aduersum eos me uelle ducere, cum quibus ne contra te arma ferrem, Italiam reliqui. at Sulla, adolescentis officio collaudato, omnia munera ei, quae Athenis acceperat, proficiscens iussit deferri. Hic complures annos moratus, cum & rei familiari tantum operae daret quantum non indiligens deberet paterfamilias; & omnia reliqua tempora aut litteris, aut Atheniensium reip. tribueret, nihil minus amicis urbana officia

ficia praestitit, nam & ad comitia eorum uentita-
 uit : & si qua res maior acta est, non defuit: sicut
 Ciceroni omnibus eius periculis singularem fidem
 praebuit: cui ex patria fugienti HS. CC. & quin-
 quaginta millia donauit. Tranquillatis autem rebus
 Romanis, remigrauit Romam, ut opinor, L. Cotta,
 & L. Torquato cos. quem diem sic uniuersa ciuitas
 Atheniensium prosecuta est, ut lacrymis desiderij
 futuri dolorem indicaret. Habebat auunculum Q.
 Caecilium, equitem Romanum, familiarem L.
 Luculli diuitem, difficillima natura: cuius sic aspe-
 ritatem ueritus est, ut, quem nemo ferre posset,
 huius sine offensione ad summam senectutem reti-
 nuerit beneuolentiam. quo facto, tulit, pietatis
 fructum: Caecilius enim moriens testamento ad-
 optauit eum, heredemq. fecit ex dodrante. ex qua
 hereditate accepit circiter centies HS. erat nupta
 soror Attici Q. Tullio Ciceroni: easq. nuptias M.
 Cicero conciliarat, cum quo a condiscipulatu uiue-
 bat coniunctissime, multo etiam familiaris, quam
 cum Quinto: ut iudicari possit, plus in amicitia
 ualere similitudinem morum, quam affinitatem.
 utebatur autem intime Q. Hortensio, qui ijs tem-
 poribus principatum eloquentiae tenebat, ut intelli-
 gi non posset, uter eum plus diligeret, Cicero, an
 Hortensius: & id, quod erat difficillimum, efficie-
 bat, ut, inter quos tantae laudis esset aemulatio, nul-
 la intercederet obtrektatio, essetq. talium uirorum
 copula. In rep. ita est uersatus, ut semper optima-

rum partium & esset, & existimaretur, neque ta-
men se ciuilibus fluctibus committeret; quod non
magis eos in sua potestate existimabat esse, qui se
ijs dedissent, quam qui maritimis iactarentur.
honores non petijt, cum ei paterent propter uel gra-
tiam, uel dignitatem; quod neque peti more maio-
rum, neque capi possent cōseruatis legibus, in tam
effusis ambitus largitionibus; neque geri sine peri-
culo, corruptis ciuitatis moribus. ad hastam publi-
cam numquam accessit. nullius rei neque praes, ne-
que manceps factus est. neminem suo nomine, ne-
que subscribens accusauit. in ius de sua re numquā
ijt, iudicium nullum habuit. multorum consulum,
praetorumq; praefecturas delatas sic accepit, ut ne
minem in provinciam sit secutus, honore fuerit con-
tentus, rei familiaris despexerit fructum, qui ne
cum Q. quidem Cicerone uoluerit ire in Asiam,
cum apud eum legati locum obtinere posset. non e-
nim decere se arbitrabatur, cum praeturam gerere
uoluisset, asseclam esse praetoris. qua in re non so-
lum dignitati seruebat, sed etiam tranquillitati,
cum suspiciones quoque uitaret criminum. quo fie-
bat, ut eis obseruantia omnibus esset carior, cum
eam officio, non timori, neque spei tribui uiderent.
Incidit Caesarianum ciuile bellum, cum haberet an-
nos circiter sexaginta. usus est aetatis uacatione,
neque quoquam se mouit ex urbe. quae amicis suis
opus fuerant ad Pompeium proficiscentibus, omnia
ex sua re familiari dedit. ipsum Pompeium con-

iunctum non offendit. nullum ab eo habebat orna-
 mentum, ut ceteri, qui per eum aut honores, aut
 diuitias ceperant: quorum partim inuitissimi castra
 sunt secuti, partim summa cum eius offensione do-
 mi remanserunt. Attici autem quies tantopere
 Caesari fuit grata, ut uictor cum priuatis pecunias
 per epistolas imperaret, huic non solum molestus
 non fuerit, sed etiam sororis filium Q. Ciceronem
 ex Pompeij castris concesserit. sic uetere instituto ui-
 tae effugit noua pericula. Secutus est illud occiso Cae-
 sare, cum respub. penes Brutos uideretur esse, &
 Cassium, ac tota ciuitas se ad eum conuertisse uide-
 retur: sic M. Bruto usus est, ut nullo ille adolescens
 aequali familiaris; quam hoc sene, neque solum
 eum principem consilij haberet, sed etiam in conui-
 etu. Excogitatum est a quibusdam, ut priuatum
 aerarium Caesaris intersectoribus ab equitibus Ro-
 manus constitueretur. id facile effici posse arbitrati
 sunt, si & principes illius ordinis pecunias contulif-
 sent. itaque appellatus est a C. Flauio, & Bruti fami-
 liari, Atticus, ut eius rei princeps esse uellet. at il-
 le, qui officia amicis praestanda sine factione existi-
 maret, semperq. a talibus se consilijs remouisset; re-
 spondit, si quid Brutus de suis facultatibus uti uo-
 luisset, usurum, quantum eae paterentur; sed ne-
 que cum quoquam de ea re collocuturum, neque
 coiturum. sic ille consensionis globus huius unius
 dissensione disiectus est. Neque multo post superior
 esse coepit. Antonius, ita, ut Brutus & Cassius pro-
 uin-

vinciarum, quae ijs dicis caussa datae erant a consuli-
bus ; desperatis rebus , in exsilium proficiscerentur :
Atticus , qui pecuniam simul cum ceteri conferre
noluerat florenti illi parti , abiecto Bruto , Italiaque
cedeti HS C M muneris misit : eidem in Epiro ab-
sens CCC iussit dari : neque eo magis potenti adu-
latus est Antonio , neque desperatos reliquit . Secu-
tum est bellum gestum apud Mutinam . in quo si
tantum eum prudentem dicam ; minus , quam de-
beam , praedicem ; cum ille potius diuinus fuerit ; si
diuinitio appellanda est perpetua naturalis boni-
tas , quae nullis casibus augetur , neque minuitur .
Hostis Antonius iudicatus , Italia cesserat . spes re-
stituendi nulla erat . non solum inimici , qui tamen
erant potentissimi , & plurimi ; sed etiam qui ad-
uersarijs eius se dabant , & in eo laedendo aliquam
consecuturos sperabant commoditatem ; Antoni
familiares sequebantur , uxorem Fuluiam omnibus
rebus spoliare cupiebant , liberos etiam extinguere
parabant . Atticus , cum Ciceronis intima familia-
ritate uteretur , amicissimus esset Bruto , non mo-
do nihil ijs indulsit ad Antonium uiolandum , sed
e contrario familiares eius , ex urbe profugientes ,
quantum potuit , texit ; quibus rebus indiguerunt ,
adiuuit : P. uero Volumnio ea tribuit , ut plura a
parente proficisci non potuerint , ipsi autem Fuluiam ,
cum litibus distineretur , magnisq. terroribus ue-
xaretur , tanta diligentia officium suum praestitit ,
ut nullum illa praestiterit uadimonium sine
Atti-

Attico, sponsor omnium rerum fuerit. quin etiam, cum illa fundum secunda fortuna emisset. in diem, neque post calamitatem uersuram facere potuisset, ille se interposuit, pecuniamque sine senore, sineque ulla stipulatione credit, maximum existimans. quæstum, memorem, gratumque cognosci, simulque aperire, se non fortunæ, sed hominibus solere esse amicum. quæ cum faciebat, nemo eum temporis causa facere poterat existimare. nemini enim in opinionem uenitbat, Antonium rerum potiturum. sed sensus eius a non nullis optimatibus reprehendebatur, quod parum odisse malos ciues uideretur. ille autem sui iudicii, potius, quid se facere par esset, intuebatur, quam quid alij laudaturi forent. conuersa fortuna est: ut Antonius redijt in Italiam, nemo non magno in periculo Atticum putarat, propter intimam familiaritatem Ciceronis, & Bruti. itaque ad aduentum imperatorum de foro decesserat, timens proscriptionem: latebatque apud P. Volumnium, cui, ut ostendimus paullo ante, opem tulerat. tanta uarietas his temporibus fuit fortunæ, ut modo hi, modo illi in summo essent aut fastigio, aut periculo. habebat secum Gellium Cannium, æqualem, simillimumque sui. hoc quoque sit Attici bonitatis exemplum, quod cum eo, quem puerum in ludo cognorat, adeo coniuncte nixit, ut ad extremam ætatem amicitia eorum creuerit. Antonius autem, etsi tanto odio ferebatur in Ciceronem, ut non solum ei, sed etiam omnibus suis ami-

amicis esset inimicus, eosq. uellet proscribere; multis hortantibus: tamen Attici memor fuit officij, & ei, cum requisisset, ubi nam esset, sua manu scripsit, ne timeret, statimq. ad se ueniret: se eum & Gellium Canium de proscriptorum numero exemisse: ac ne quod periculum incideret, quod noctu fiebat, praesidium ei misit. sic Atticus in summo timore non solum sibi sed etiam ei, quem carissimum habebat, praesidio fuit. neque enim suae solum a quoquam auxilium petijt saluis, sed coniunctim, ut appareret nullam seiunctam sibi ab eo uelle fortunam. quod si gubernator praecipua laude fertur, qui nauem ex hieme, mariq. scopuloso seruat: cur non singularis eius existimetur prudentia, qui ex tot, tamq. grauibus procellis ciuilibus ad incolumitatem peruenit? quibus ex malis ut se emerferat, nihil aliud egit, quam ut plurimis, quibus rebus posset, esset auxilio. cum proscriptos praemijs imperatorum uulgus conqui-eretur, nemo in epirum uenit, cui res ulla defeuerit: nemini non ibi perpetuo manendi potestas facta est: qui etiam, post proelium Philippense, interitumq. C. Cassij, & M. Bruti, L. Iulium Mocillam praetorium, & filium eius, Aulumq. Torquatum, ceterosq. pari fortuna percussos institit tueri, atque ex Epiro ijs omnia Samothraciam supportari iusserit. difficile enim est omnia persequi, & non necessaria. illud unum intelligi uolumus, illius liberalitatem neque temporariam, neque callidam fuisse. id ex ipsis rebus, ac temporibus

ribus iudicari potest, quod non florentibus se uenditavit, sed afflictis semper succurrit, qui quidem Seruiliam Bruti matrem non minus post mortem eius, quam florentem, coluerit. sic liberalitate utens, nullas inimicitias gessit, quod neque laedebat quemquam, neque, si quam iniuriam acceperat, non malebat obliuisci, quam ulcisci. Idem immortalis memoria percepta ritinebat beneficia: quae autem ipse tribuerat, tam diu meminerat, quoad ille gratus erat, qui acceperat. itaque hic fecit, ut uere dictum uideatur: sui cuique mores fingunt fortunam. neque tamen prius ille fortunam, quam se ipse, finxit, qui cauit, ne qua in re plecteretur. His igitur rebus effecit, ut M. Vipsanius Agrippa, intima familiaritate coniunctus adolescenti Caesari, cum propter suam gratiam, & Caesaris potentiam nullius condicionis non haberet potestatem, potissimum eius deligeret affinitatem, praeoptaretq. equitis Romani filiam generosarum nuptiis. atque harum nuptiarum conciliator fuit (non enim est caelandum) M. Antonius triumuir reip. cuius gratia cum augere possessiones posset suas, tantum absuit a cupiditate pecuniae, ut nulla in re usus sit ea, nisi in deprecandis amicorum aut periculis, aut incommodis. quod quidem sub ipsa proscriptione perillustre fuit. nam cum L. Sauscij, equitis Romani, aequalis sui, qui cum eo complures annos, studio ductus philosophiae, habitabat, habebatq. in Italia pretiosas possessiones, triumuiro bona uendidissent, consuetudine

dine ea, qua tum res gerebantur; Attici labore, atque industria factum est, ut eodem nuncio Sausenius fieret certior, se patrimonium amisisse, & recuperasse. idem L. Iulium Calidum, quem post Lucretij, Catulliq. mortem multo elegantissimum poetam nostram tulisse aetatem, uere uideor posse contendere, neque minus uirum bonum, optimisq. artibus eruditum, post proscriptionem equitum; propter magnas eius Africanas possessiones, in proscrip-
torum numerum a P. Volumnio, praese-cto fabrum Antonij, absentem relatum, expediuit. quod in praesenti utrum ei laboriosius, an gloriosius fuerit, difficile fuit iudicare; quod in eorum periculis non secus absentes, quam praesentes amicos Attico esse curae, cognitum est. Neque uero minus ille uir, bonus paterfamilias habitus est, quam ciuis. nam cum esset pecuniosus, nemo illo minus fuit emax, minus aedificator: neque tamen non in primis bene habitauit, omnibusq. optimis rebus usus est. nam domum habuit in colle Quirinali Caecilianam, ab auunculo hereditate relictam, cuius amoenitas non aedificio, sed silua constabat. ipsum enim tectum, antiquitus constitutum, plus salis, quam sumptus, habebat: in quo nihil commutauit, nisi si quid uetustate coactus est. Usus est familia, si utilitate iudicandum est, optima; si forma, uix mediocri. namque in ea erant pueri litteratissimi, anagnostae optimi, & plurimi librarij; ut ne pedsequus quidem quisquam esset, qui non utrumque horum pulchre

facere posset. pari modo artifices ceteri, quos cultus domesticus desiderat, apprime boni: neque tamen horum quemquam, nisi domi natum, domique factum, habuit: quod est signum non solum continentiae, sed etiam diligentiae. nam & non intemperanter concupiscere, quod a pluribus uideas, continentis debet duci; & potius diligentia, quam pretio, parare, non mediocris est industriae. Elegans, non magnificus; splendidus, non sumptuosus, omni diligentia munditiam non affluentem affectabat. supellex non modica, non multa, ut in neutram partem conspici posset. Nec praeteribo, quamquam non nullis leue uisum iri putē. Cum in primis lautus esset eques Romanus, & non parū liberaliter in domum suam omnium ordinum homines inuitaret; scimus, non amplius, quā terna millia aeris, peraeque in singulos menses ex ephemeride cum expensum sumptui ferre solitum. atque hoc non auditum, sed cognitum praedicamus. saepe enim, propter familiaritatem, domesticis rebus intersuimus. nemo in conuiuio eius aliud ἀρπαξ audiuit, quam anagnosten: quod nos quidem iacundissimum arbitramur. neque unquam sine aliqua lectione apud eum cenatum est; ut non minus animo, quam uentre, conuiuae delectarentur. namque eos uocabat, quorum mores a suis non abhorrent. Cum tanta pecuniae facta esset accessio, nihil de quotidiano cultu mutauit, nihil de uitae consuetudine; tantaque usus est moderatione, ut neque in HS uicies, quod a patre

pâtre acceperat, parum se splendide gesserit, nequo in HS centies affluentius uixerit, quam instituerat, pariq. fastigio steterit in utraque fortuna, nullos habuerit hortos, nullam suburbanam, aut maritimam sumptuosam uillam, neque in Italia, praeter Ardeatinum, & Nomentanum, rusticum praedium. omnisq. eius pecuniae reditus constabat in Epiroticis, & urbanis possessionibus. ex quo cognosci potest, eum usum pecuniae non magnitudine, sed ratione metiri solitum. Mendacium neque dicebat, neque pati poterat. itaque eius comitas non sine seueritate erat, neque grauitas sine facilitate: ut difficile esset intellectu, utrum eum amici magis uererentur, an amarent. Quidquid rogabatur, religiose promittebat; quod non liberalis, sed leuis arbitrabatur, polliceri quod praestare non posset. Idem in nitendo quod semel admisisset, tanta erat cura, ut non mandatam, sed suam rem uideretur agere. nusquam suscepti negotij eum pertesum est: suam enim existimationem in ea re agi putabat: qua nihil habebat carius. quo fiebat, ut omnia Ciceronum, Catonis, Marij, Q. Hortensij, A. Torquati, multorum praeterea equitum Romanum negotia procuraret. ex quo iudicari poterat, non inertia, sed iudicio fugisse reip. procuracionem. Humanitatis uero nullū asferre maius testimonium possum, quam quod adolescens idem seni Sullae fuerit iucundissimus, senex adolescenti M. Bruto; cum aequalibus autem suis Q. Hortensio, & M. Cicerone sic uixe-

rit, ut indicare difficile sit, cui aetati fuerit aptissimus. quamquam eum praecipue dilexit Cicero, ut ne fearer quidem ei Quinctus carior fuerit, aut familiarior. ei rei sunt indicio, praeter eos libros, in quibus de eo facit mentionem, qui in uulgis sunt editi, sexdecim uolumina epistolarum ab consulatu eius usque ad extremum tempus ad Atticum missarum: quae qui legat, non multum desideret historiam contextam eorum temporum: sic enim omnia de studijs principum, uitijs ducum, aemulationibus reip. perscripta sunt, ut nihil in his non appareat, & facile existimari possit, prudentiam quodam modo esse diuinationem. non enim Cicero ea solum, quae uiuo se acciderunt, futura praedixit, sed etiam, quae nunc usu ueniunt, cecinit, ut uates. De pietate autem Attici quid plura commemorem? cum hoc ipsum uere gloriantem audierim in funere matris suae, quam extulit annorum nonaginta: cum esset septem, & sexaginta, se numquam cum matre in gratiam rediisse, numquam cum sorore fuisse in similitudine, quam prope aetate aequalem habebat. quod est signum, aut nullam umquam inter eos querimoniam intercessisse, aut hunc ea fuisse in suos indulgentia, ut, quos amare deberet, irasci eis, nefas duceret. neque id fecit natura solum, (quamquam omnes ei paremus) sed etiam doctrina, nam & principum philosophorum ita percepta habuerat praecepta, ut his ad uitam agendam, non ad ostentationem, uteretur. moris autem maiorum sum-

mus imitator fuit, antiquitatisq. amator: quam
adeo diligenter habuit cognitam, ut eam totam in
eo volumine exposuerit, quo magistratus ornauit,
nulla enim lex, neque pax, neque bellum, neque res
illustris est populo R. quae non in eo suo tempore sit
notata. & quod difficillimum fuit, sic familiarum
originem subtexuit, ut ex eo clarorum uirorum pro
pagines possint cognoscere. fecit hoc idem separa-
tim in alijs libris, ut, M. Bruti rogatu, Iuniam fa-
miliam a stirpe ad hanc aetatem ordine enumerave-
rit, notans, qui a quoque ortus, quos honores, qui-
busq. temporibus cepisset. pari modo, Marcelli
Claudij, de Marcellorum; Scipionis Corneliij, &
Fabij Maximi, de Fabiorum, & Aemiliorum: qui
bus libris nihil potest esse dulcius ijs, qui aliquam
cupiditatē habent notitiae clarorum uirorum. At-
tigit quoque poeticae credimus, ne eius expers es-
set suauitatis. namque ne sibus, qui honore, rerum
gestarum amplitudine ceteros Romani populi prae-
stiterunt, exposuit, ita, ut sub singulorum imagini-
bus facta, magistratusq. eorum non amplius qua-
ternis, quinisq. uersibus descripserit: quod uix
credendum sit, tantas res tam breuiter potuisse de-
clarari. Est etiam unus liber graece confectus de con-
sulatu Ciceronis. Haecenus Attico uiuo, edita a no-
bis sunt: nunc, quoniam fortuna nos superfluos
esse uoluit, reliqua persequemur, & quantum
potuerimus, rerum exemplis lectores docebimus,
sicut supra significauimus, suos cuique mores ple-

namque conciliare fortunam. namque hic contentus ordine equestri, quo erat ortus, in affinitatem peruenit imperatoris, diui Iulij filij, cum iam ante familiaritatem eius esset consecutus. nulla alia re, quam elegantia uitae, qua ceteros ceperat principes ciuitatis, dignitate pari, fortuna humiliores. tanta enim prosperitas Caesarem est consecuta, ut nihil ei non tribueret fortuna, quod cuiquam ante detulerit, & conciliarit, quod ciuis Romanus quirit consequi. Nata autem est Attico neptis ex Agrippa; cui uirginem filiam collocauit. hanc Caesar nix anniculam Ti. Claudio Neroni, Drusilla nato, priuigno suo, despondit. quae coniunctio necessitudinem eorum sanxit, familiaritatem reddidit frequentiore. quamuis ante haec sponsalia, non solum cum ab urbe abesset, numquam ad suorum quena quam litteras misit, quin Attico mitteret, quid ageret in primis, quid legeret, quibusq. in locis, & quam diu esset moraturus: sed &, cum esset in urbe, & propter suas infinitas occupationes minus saepe, quam uellet, Attico frueretur, nullus dies temere intercessit, quo non ad eum scriberet, quo aliquid de antiquitate ab eo requireret; modo aliquam quaestionem poeticam ei proponeret; interdum iocans eius uerbosiores eliceret epistolas. ex quo accidit, cum aedes Iouis Feretij in Capitolio, ab Romulo constituta, uetustate, atque incuria detecta prolaberetur, ut Attici admonitu Caesar eam reficiendam curaret. Neque uero a M. Antonio minus ab-

sens

sens litteris colebatur, adeo ut accurate ille ex ultimis terris, quid ageret, quid curae sibi haberet, certiores faceret Atticum. hoc quale sit, facilius existimabit is, qui iudicare poterit, quantae sit sapientiae; eorum retinere usum, benevolentiamque, inter quos maximarum rerum non solum aemulatio, sed oblectatio tanta intercedebat, quantam fuit intercere necesse inter Caesarem, atque Antonium; cum se uterque principem non solum urbis Romae, sed orbis terrarum esse cuperet. Tali modo cum septem, & septuaginta annos compleisset, atque ad extremam senectutem non minus dignitate, quam gratia, fortunaque, crevisset; (multas enim hereditates nulla alia re, quam bonitate, consecutus) tantaque prosperitate usus esset valetudinis, ut annis xxx medicina non indignisset: nactus est morbum, quem initio & ipse, & medici contempserunt: nam putarunt esse *τετανον*: cui remedia celeria, faciliq. proponebantur. in hoc cum tres menses sine ulla doloribus, praeterquam quos ex cubatione capiebat, consumpsisset, subito tanta vis morbi in unum intestinum prorupit, ut extremo tempore per lumbos fistula putris eruperit. atque antea qui dem morbi diuturnitatem moleste ferebat, prius quam hoc ei accideret: postquam uero in dies dolores accrescere, febresque accessisse sensit; Agrippam generum ad se accersiri iussit, & cum eo L. Corneliū Balbum, Sextumque Peducaeam. hos ut uenisse uidit, in cubitum nixus; Quantam, inquit, curam

diligentiamq. in ualitudine mea tuenda hoc tempore adhibuerim, cum uos testes habeam, nihil opus est pluribus uerbis commemorare. quibus quoniam, ut spero, satisfeci, me nihil reliqui fecisse, quod ad sanandum me pertineret. reliquum est, ut egomet mihi consulam. id uos ignorare nolui. nā mihi stat, alere morbum desinere. namque his diebus quidquid cibi sumpsi, ita produxi uitam, ut auxerim dolores sine spe salutis. quare a uobis peto, primum ut consilium probetis meum, deinde ne frustra dehortando conueni. Hac oratione habita, tanta constantia uoci, atque uultus, ut non ex uita, sed ex domo in domum uideretur migrare; cum quidem Agrippa eum flens, atque osculans oraret, atque obsecraret, ne ad id, quod natura cogeret, ipse quoque sibi acceleraret, et, quoniam tum quoque posset temporibus superesse, se sibi, suisq. reseruaret, preces eius taciturna sua obstinatione depreffit. sic cum biduum cibo se abstinuisset, subito febris decessit, leuiorq. morbus esse coepit: tamen propositum nihilo secius peregit. itaque die quinto postquam id consilium inerat, prid. kal. Apr. Cn. Domitio, C. Soffio cos. decessit. clatus est in lecticula, ut ipse praescripserat, sine ulla pompa funeris, comitantibus omnibus bonis, maxima uulgi frequentia. sepultus est iuxta uiam Appiam, ad quintum lapidem, in monumento Q. Caecilij, auunculi sui.

M. TVLLII CICERONIS
EPISTULARVM AD

M. IVNIVM BRVTVM

LIBER I.

CICERO S. D. BRVTO.

CLODIVS, tribunus pl. designatus,
ualde me diligit, uel, ut *ἐμπατινὸς* repon
dicam, ualde me amat. quod cum mihi
ita persuasum sit; non dubito, (bene
enim me nosti) quin illum quoque iudices a me ama-
ri. nihil enim mihi minus hominis uidetur, quam
non respondere in amore ijs, a quibus prouocare.
is mihi uisus est suspicari, nec sinē magno quidem
dolore, aliquid a suis, uel per suos potius inimicos
ad te esse delatum, quo tuus animus a se esset alie-
nior. non soleo, mi Brute, quod tibi notum esse ar-
bitror, temere affirmare de altero. est enim peri-
culosum; propter occultas hominum uoluntates,
multiplicesq. naturas. Clodij animum perspectum
habeo; cognitum, iudicatum; multa eius indicia,
sed ad scribendum non necessaria. uolo enim hoc te-
stimonium tibi uideri potius, quam epistolam. au-
ctus Antonij beneficio est: eius ipsius beneficij ma-
gna pars a te est. itaque eum, saluis nobis, uellet sal-
uum. in eum autem locum rem adductam intelli-
git, (est enim, ut scis, minime stultus) ut utrique
salui esse non possint: itaque nos maluit, de te uero
ami-

do, quae nimirum sola ab homine sunt postulanda; fidem, uigilantiam, patriae caritatem. ea sunt enim, quae nemo est, qui non praestare debeat. ego autem ei, qui sententiam dicat in principibus de rep. puto etiam prudentiam esse praestandam. nec me, cum mihi tantum sumpserim, ut gubernacula reip. prenderem, minus putarim reprehendendum, si inutiliter aliquid senatui suaserim, quam si infideliter.

Acta quae sint, quaeq. agantur, scio perscribi ad te diligenter. Ex me autem illud est quod te uelim habere cognitum, meum quidem animum in aciem esse, neque respectum ullum quaerere, nisi me utilitas ciuitatis fore conuerterit: maiores autem partes animi te, Cassiumq. respiciunt. Quamobrem ita te para, Brute, ut intelligas, aut, si hoc tempore bene res gesta sit tibi meliorem remp. esse faciendam, aut, si quid offensum sit, per te esse eandem recuperandam.

CICERO S. D. BRUTO. 3

PLACI animum in remp. egregium, legiones, auxilia, copias ex litteris eius. quare exemplum tibi missum arbitror, perspicere potuisti. Lepidi, tui necessarii, (qui, secundum fratrem, affines habet, quos oderit, proximos) inuitatem, & inconstantiam, animumq. semper inimicum reip. iam credo tibi ex tuorum litteris esse perspectum. Nos expectatio sollicitat, quae est omnis iam in extremum adducta discrimen. est enim spes omnis in Bru

to expediendo, de quo uehementer timebamus. ob
 Ego hic cum homine furioso satis habeo negotij Ser-
 uilio: quem tuli diutius, quam dignitas mea patie-
 batur; sed tuli reip. causa, ne darem perditis ciui-
 bus hominem parum sanum illum quidem, sed ta-
 men nobilem, quo concurrerent: quod faciunt nihi-
 lo minus: sed eum alienandum a rep. non putabam.
 finem feci eius ferendi. coeperat enim esse tanta in-
 solentia, ut neminem liberum duceret. In Planci-
 nero causa exarsit incredibili dolore, mecumq. per
 biduum ita contendit; & a me ita fractus est, ut
 eum in perpetuum modestiorem sperem fore. At-
 que in hac contentione ipsa; cum maxime res age-
 retur ad v. id. April: litterae mihi in senatu red-
 itae sunt a Lentulo nostro, de Cassio, de legionibus,
 de Syria: quas statim cum recitauissem, cecidit Ser-
 uilius; complures praeterea sunt enim insignes ali-
 quot, qui improbiissime sentiunt. sed acerbissime tu-
 lit Scruius, assersum esse mihi de Planco. Ma-
 gnum illud monstrum in rep. est, sed quo *

BRUTVS S. D. C. CICERONI. 4
 LITTERAS tuas ualde exspecto, quas scripsi-
 sti post nuncios nostrarum rerum, & de morte Tre-
 bonij, non enim dubito, quin mihi consilium tuum
 explices. Indigno scelere & cinem optimum ami-
 simus, & provinciae possessione pulsi sumus: quam
 recuperari facile est neque minus turpe, aut flagi-
 tiosum erit, post recuperari. Antonius adhuc est

nobiscum: sed mediusfidius & moucor hominis precibus; & timeo, ne illum aliquorum furor excipiat. plane aestuo. quod si scirem, quid tibi placeret: sine sollicitudine essem id enim optimum esse persuasum esset mihi. quare quamprimum fac me certio-rem, quid tibi placeat. Cassius noster Syriam, legiones Syriacas habet, ultro quidem a Murco, & a Marcio, & ab exercitu ipso accersitus. Ego scripsi ad Tertiam sororem, & ad matrem, ne prius ederent hoc, quod optime ac felicissime gessit Cassius, quam tuum consilium cognouissent, tibi-que ui- sum esset. Legi orationes duas tuas, quarum altera kalendis Ian. usus es, altera de litteris meis, quae habita est abs te contra Calenum. nunc scilicet hoc exspectas, dum eas laudem. Nescio, animi, an ingenij tui maior in his libellis laus contineatur. Iam concedo, ut uel Philippici uocentur: quod tu quadam epistola iocans scripsisti. Duabus rebus egemus Cicero, pecunia, & supplemento: quarum altera potest abs te expediri, ut aliqua pars militum istinc mittatur nobis, uel secreto consilio aduersus Pansam, uel actione in senatu; altera, quae magis est necessaria, neque meo exercitui magis, quam reliquorum. Hoc magis doleo, Asiam nos amisisse: quam sic uexari a Dolabella audio, ut iam non uideatur crudelissimum eius facinus interfectio Trebonij. Vetus Antistius me tamen pecunia subleuauit. Cicero filius tuus sic mihi se probat indu- stria, patientia, labore, animi magnitudine, omni denique

denique officio, ut prorsus numquam dimittere uideatur cogitationem, cuius sit filius. Quare, quoniam efficere non possum, ut pluri facias eum, qui tibi est carissimus; illud tribue iudicio meo, ut tibi persuadeas, non fore illi abutendum gloria tua, ut adipiscatur honores paternos. Kalendis Apr. Dyrrhachio.

CICERO S. D. BRUTO.

5

DATIS mane ad III. id. Apr. Scaptio litteris, eodem die tuas accepi kalendis Apr. Dyrrhachio datas, uesperis. itaque mane prid. id. Apr. cum a Scaptio certior factus essem, non esse eos profectos, quibus pridie dederam, & statim ire, hoc paullulum exaravi ipsa in turba matutinae salutatio. De Cassio laetor, & reip. gratulor, mihi etiam qui, repugnante, & irascente Pansa, sententiam dixerim, ut Dolabellam bello Cassius persequeretur. & quidem audacter dicebam, sine nostro S. C. iam illud eum bellum gerere. De te etiam dixi tum, quae dicenda putavi. Haec ad te oratio perferetur: quoniam te uideo delectari Philippicis nostris. Quod me de Antonio consulis: quoad Bruti exitum cognorimus, custodiendum puto. Ex his litteris, quam mihi misisti, Dolabella Asiam uexare uidetur, & in ea se gerere taeterrime. compluribus autem scripsisti, Dolabellam a Rhodijs esse exclusum. qui si ad Rhodum accessit, uidetur mihi Asiam reliquisse. id si ita est, istic tibi censeo commorandum:

randum: sin eam semel cepit; mihi crede, non erit,
at in Asiam censeo persequendum. nihil mihi ui-
deris hoc tempore melius acturus. Quod egere te
duabus necessarijs rebus scribis, supplemento, &
pecunia: difficile consilium est. non enim mihi oc-
currunt facultates, quibus uti te posse uideam, prae-
ter illas, quas senatus decreuit, ut pecunias a ciui-
tatibus mutuas sumeres. De supplemento autem
non uideo quid fieri possit. tantum enim abest, ut
Pansa de exercitu suo, aut delectu tibi aliquid tri-
buat, ut etiam moleste ferat, tam multos ad te in-
uoluntarios: quo modo equidem credo, quod his re-
bus, quae in Italia decernuntur, nullas copias nimis
magnas esse arbitretur: quo modo autem multi su-
spicantur, ne te quidem nimis firmum esse uelit,
quod ego non suspicor. Quod scribis te ad Tertiam
sororem scripsisse, ut ne prius ederent ea, quae ege-
sta a Cassio essent, quam mihi uisum esset: uideo te
ueritum esse id, quod uerendum fuit, ne animi par-
tium Caesaris, quo modo etiam nunc partes appel-
lantur, uehementer comouerentur. sed ante quam
tuas litteras accepimus, audita res erat, & peruul-
gata. tui etiam tabellarij ad multos familiares tuos
litteras attulerant. quare neque supprimenda res
erat, praesertim cum id fieri non possit: neque, si
posset, non diuulgandum potius, quam occultan-
dum, putaremus. De Cicerone meo, & si tantum
est in eo, quantum scribis, tantum scilicet, quan-
tum debeo, gaudeo: & si, quod amas eum, eo
ma-

maiora facis; id ipsum incredibiliter gaudeo, a te
eum diligere.

CICERO S. D. BRUTO. 6

Quæ litteræ tuo nomine recitatae sunt idibus
Apr. in senatu, eodemq. tempore Antonij, credo
ad te scripsisse tuos: quorum ego nemini concedo:
sed nihil necesse erat eadem omnes: illud necesse,
me me ad te scribere, quid sentirem de tota constitu-
tione huius belli, & quo iudicio essem, quaq. senten-
tia. Voluntas mea, Brute, de summa rep. semper
eadem fuit, quæ tua; ratio quibusdam in rebus,
non omnibus, paullo fortasse uehementior. Scis mi-
hi semper placuisse, non rege solum, sed regno libe-
rari remp. tu lenius; immortalī omnino cum tua
laude: sed, quid melius fuerit, magno dolore sensi-
mus, magno periculo sentimus. Recentī illo tem-
pore, tu omnia ad pacem, quæ oratione confici non
poterant: ego omnia ad libertatem, quæ sine pace
nulla est: pacem ipsam bello, atque armis effici pos-
se arbitrabar. studia non deerant arma poscen-
tium: quorum repressimus impetum, ardoremq.
relinximus. itaque res in eum locum uenerat, ut,
nisi Caesari Octauiano deus quidam illam mentem
dedisset, in potestatem perditissimi hominis, & tur-
pissimi M. Antonij ueniendum fuerit; quo cum, ui-
des, hoc tempore ipso quod sit, quantumq. certa-
men. id profecto nullum esset, nisi tum conseruatus
esset Antonius. Sed haec omitto. res enim a te ge-
sta

Ita memorabilis, & pæne caelestis, repellit omnes
 repræhensiones; quippe, quae ne laude quidem
 satis idonea affici possit. Extitisti nuper vultu seu-
 ro: exercitum, copias, legiones idoneas per te bre-
 ui tempore comparasti. Dii immortales, qui ille
 nuncius, quae illae litterae, quae laetitia senatus,
 quae alacritas ciuitatis erat? nihil umquam vidi tam
 omnium consensione laudatum. Erat expectatio re-
 liquiarum Antonij, quem equitatum, legionibusq.
 magna ex parte spoliaras. ea quoque habuit exitum
 optabilem. nam tuae litterae, quae recitatae in se-
 natu sunt, & imperatoris, & militum uirtutem,
 & industriam tuorum, in quibus Ciceronis mei,
 declarant. Quod si tuis placuisset de his litteris re-
 ferri; & nisi in tempus turbulentissimum post di-
 scessum Pansae consulis incidissent: honos quoque
 iustus, & debitus dijs immortalibus, decretus esset.
 Ecce tibi idibus Apr. aduolat mane celer Pilus, qui
 uir, dii boni, quam grauis, quam constans, quam
 bonarum in rep. partium? hic epistolas affert duas.
 unam tuo nomine, alteram Antonij. dat Seruilio tri-
 buno pl. ille Cornuto: recitantur in senatu: ANTO-
 NIVS PROCOS. magna admiratio, ut si esset re-
 citatum, Dolabella imperator: a quo quidem uene-
 rat tabellarij, sed nemo Pili similis, qui proferre lit-
 teras auderet, aut magistratibus reddere. Tuae reci-
 tantur, breues illae quidem, sed in Antonium admo-
 dum lenes. uehementer admiratur senatus. mihi
 autem non erat explicatum; quid agerem. falsas

SS dicerem?

dicerem? quid, si tu eas approbasses? confirmarem? non erat dignitatis tuae. itaque ille dies silentio. Postridie autem, cum sermo increbuisse, Pilusque oculos uehementius hominum offendisset, natum omnino est principium a me. de proconsule Antonio multa. Sextius causae non defuit post me, cum, quanto suum filium, quanto meum in periculo futurum, diceret, si contra proconsule arma tulissent. nostri hominem: causae non defuit. dixerunt etiam alij. Labeo uero noster, nec signum tuum in epistola, nec diem appositum, nec te scripsisse ad tuos, ut soleres. hoc cogere uolebat, falsas litteras esse, & si quaeris, probabat. Nunc totum est consilium, Brute, de toto genere belli. uideo te lenitate delectari, & eum putare fructum esse maximum. praeclare quidem, sed alijs rebus, alijs temporibus locus esse solet, debetque clementiae. nunc quid agitur Brute templis deorum immortalium imminet hominum egentium & perditorum spes, nec quidquam aliud decernitur hoc bello, nisi utrum simus, necne. cui parcimus? aut quid agimus? his ergo consulimus, quibus uictoribus uestigium nostrum nullum relinquetur? nam quid interest inter Dolabellam & quemuis Antoniorum trium? quorum si cui parcimus, duri fuimus in Dolabella. Haec ut ita sentiret senatus, populusque R. & si res ipsa cogeat tamen maxima ex parte nostro consilio, atque auctoritate perfectum est. Tu si hanc rationem non probas, tuam sententiam defendam, non relinquam meam.

meam. neque dissolutum a te quidquam homines
exspectant, nec crudele. huius rei moderatio facilis
est, ut in duces uehemens sis, in milites liberalis.
Ciceronem meum, mi Brute, uelim quamplurimum
tecum habeas. uirtutis disciplinam meliorem repe-
riet nullam, quam contemplationem, atque imita-
tionem tui. XVI. kal. Mai.

- SCRIPTA, & obsignata iam epistola, litterae
mibi redditae sunt a te, plenae rerum nouarum, ma-
ximeq. mirabiles: Dolabellam quinque cohortes
misisse in Cherrhonesum. adeo ne copijs abundat, ut
is, qui ex Asia sagere dicebatur, Europam appe-
tere conetur? quinque autem cohortibus quidnam
se facturum arbitratus est, cum tu eo quinque legio-
nes, optimum equitatum, maxima auxilia habe-
res? quas quidem cohortes spero iam tuas esse, quo-
niam latro ille tam fuit demens. & tuum consilium
uehementer laudo, quod non prius exercitum Apol-
lonia, Dyrrhachioq. mouisti, quam de Antoniꝝ fu-
ga audisti, Bruti eruptione, populi R. nictoria. ita-
que quod scribis, postea statuisse te, ducere exer-
citum in Cherrhonesum, nec pati sceleratissimo ho-
sti ludibrio esse imperium populi R. facis ex tua di-
gnitate, & e rep. Quod scribis de seditione, quae
facta est in legione quarta de Antoniꝝ: quod dicam,
in bonam partem accipias: magis mihi probatur
militum seueritas, quam tua. Te beneuolentiam
exercitus, equitumq. expertum esse, uehementer
gaudeo. De Dolabella, ut scribis, si quid habes

noui, facies me certiozem. in quo ualde delector,
 me ante prouidisse, ut tuum iudicium liberum esset
 cum Dolabella belligerendi: & id ualde pertinuit,
 ut ego tum intelligebam, ad remp. ut nunc iudico,
 ad dignitatem tuam. Quod scribis, me maximo
 otio egisse, ut insectarer Antonios; idq. laudas:
 credo ita uiderit tibi: sed illam distinctionem tuam
 nullo pacto probo. scribis enim, acrius prohiben-
 da bella ciuilia esse, quam in superatos iracundiam
 exercendam. uehementer a te Brute dissentio: ne-
 que clementiae tuae concedo: sed salutaris seueritas
 uincit inanem speciem clementiae. quod si clementes
 esse uoluerimus, numquam deerunt bella ciuilia. sed
 de hoc ut uideris. de me possum idem, quod Plauti-
 nus pater in Trinummo: Mihi quidem aetas aet-
 ferme est; tua istuc refert maxime; opprimemini,
 mihi crede, Brute, nisi prouideritis. neque enim
 populum semper eundem habebitis, neque senatum,
 neque senatus ducem. haec ex oraculo Apollinis
 Pythij edita tibi puta. nihil potest esse uerius.
 XIV. kal. Mai.

CICERO S. D. BRUTO. 7

NOSTRAE res meliori loco uidebantur. scri-
 pta enim ad te certo scio, quae gesta sunt. Quales
 tibi saepe scripsi, consules tales extiterunt. Caesa-
 ris uero pueri mirifica indoles uirtutis. utinam tam
 facile eum florentem & honoribus, & gratia rege-
 re, ac tenere possimus, quam facile adhuc tenui-
 mus.

mus . est omnino illud difficilius : sed tamen non diffidimus . persuasum est enim adolescenti, & maxime per me, eius opera nos esse saluos, & certe, nisi is Antonium ab urbe auertisset, perisset omnia . triduo uero, aut quatriduo ante hanc rem pulcher-
rimam, timore quodam perculsa ciuitas tota ad te se cum coniugibus, & liberis effundebat : eadem recreata ad vii. kal. Mai. te huc uenire, quam se ad te ire, malebat . quo quidem die magnorum meo-
rum laborum, multarumq. uigiliarum fructum ce-
pi maximum ; si modo est aliquis fructus ex solida, ueraq. gloria . nam tantae multitudinis, quantum capit urbs nostra, concursus est ad me factus . ea cum usque in Capitolium deductus, maximo clamo-
re, atque plausu in Rostris collocatus sum . nihil est in me inane; neque enim debet: sed tamen omnium ordinum consensus, gratiarum actio, glatulatioq. me commouet : propterea quod, popularem me esse in populi salute, praeclarum est Sed haec te ma-
lo ab alijs audire . Me uelim de tuis rebus, consi-
silijsq. facias diligentissime certiores : illudq. consi-
deres, ne tua liberalitas dissolutior uideatur . sic sen-
tit senatus, sic populus R. nullos unquam hostes di-
gniores omni supplicio fuisse, quam ciues, qui hoc bello contra patriam arma ceperunt . quos quidem ego omnibus sententijs ulciscor, & persequor, om-
nibus bonis approbantibus . tu quid de hac re sen-
tias, tui iudicij est . ego sic sentio, trium fratrum unam, & eandem esse causam . Consules duos, ho-

nos quidem, sed dumtaxat bonos, amisimus. Hir-
tius quidem in ipsa uictoria occidit, cum paucis die-
bus magno proelio ante uicisset. nam Pansa fuge-
rat, uulneribus acceptis, quae ferre non potuit. re-
liquias hostium Brutus persequitur, & Caesar. ho-
stes autem omnes iudicati, qui M. Antonij sectam
secuti sunt. itaque id S. C. plerique interpretantur
etiam ad tuos sine captiuos, siue dediticios pertine-
re. equidem nihil defferui durius, cum nominatim
de C. Antonio decernerem; quod ita statueram,
a te cognoscere causam eius senatum oportere.
x. kal. Mai.

BRUTVS S. D. CICERONI. 8

QVANTA sim laetitia affectus, cognitis re-
bus Brutus nostri, & consulum, facilius est tibi exi-
stimare, quam mihi scribere. cum alia laudo, &
gaudeo accidisse, tum quod Bruti eruptio non solum
ipsi salutaris fuit, sed etiam maximo ad uictoriam
adiumento. Quod scribis, trium Antoniorum u-
nam atque eandem causam esse; quid ego sentiam,
mei iudicij esse: statuo nihil, nisi hoc; senatus aut
populi R. iudicium esse de ijs ciuibus, qui pugnan-
tes non interierunt. At hoc ipsum, inquires, inique
facis, qui hostilis animi in remp. homines ciues ap-
pelles. Immo iustissime. quod enim non dum sena-
tus censuit, nec populus R. iussit, arroganter non
praeiudico, neque reuoco ad arbitrium meum. il-
lud quidem non muto, quod ei, quem me occidere

res non coegit, neque crudeliter quidquam eripui;
neque dissolute quidquam remisi; habuiq. in mea
potestate, quoad bellum fuit. multo quidem hone-
stius indico, magisq. quod concedere possit resp. mi-
sererum fortunam non insectari, quam infinita tri-
buere potentibus, quae cupiditatem, & arrogan-
tiam incendere possint. qua in re, Cicero, uir opti-
me, ac fortissime, mihiq. merito & meo nomine,
& resp. carissime, nimis credere uideris spei tuae,
statinque, ut quisque aliquid recte fecerit, omnia
dare, ac permittere: quasi non liceat traduci ad ma-
la consilia corruptum largitionibus animu. quae tua
est humanitas, ac quo animo te moneri patieris, prae-
sertim de communi salute: facies tamen, quod tibi ui-
sum fuerit: etiam ego, cum me docueris. nunc Cicero,
nunc agendum est, ne frustra oppressu esse Antoniū
gausi simus; neu semper primi cuiusque mali exci-
dendi causa sit, ut aliud renascatur illo peius. nihil
iam neque opinantibus, aut patientibus nobis ad-
uersu euenire potest, in quo non cum omnium cul-
pa, tum praecipue tua futura sit, cuius tantā aucto-
ritatem senatus ac populus R. non solum esse pati-
tur, sed etiam cupit, quanta maxima in libera ciui-
tate unius esse potest: quam tu non solum bene sen-
tiendo, sed etiam prudenter tueri debes. pruden-
tia porro, quae tibi superest, nulla abs te desidera-
tur, nisi modus in tribuendis honoribus. alia omnia
sic adsunt, ut cum quolibet antiquorum comparari
possint tuae uirtutes. unum hoc, grato animo, libe-

raliq. profectum, cautiorem, ac moderatiorem liberalitatem desiderat. nihil enim senatus cniquam dare debet, quo male cogitantibus exemplo, aut praesidio sit. itaque timeo, de consulatu, ne Caesar tuus altius se adscendisse putet decretis tuis, quam inde, si consul factus sit, descensurum. quod si Antonius ab alio relictum regni instrumentum occasionem regnandi habuit: quonā animo fore putas, si quis, auctore non tyranno interfecto, sed ipso senatu, putat se imperia quaelibet concupiscere posse? quaretum et facilitatem, & providentiam laudabo tuam, cum exploratum habere coepero, Caesarem honoribus, quos acceperit, extraordinarijs fore contentum alienae, igitur, inquires, culpaе me reum facies? prorsus alienae; si provideri potuit, ne existeret. quod utinam inspicere possis timorem de illa meum. His litteris scriptis, te consulem factum audiui. tum uero incipiam proponere tibi remp. iustam, & iam suis nitentem uiribus, si istuc uidero. Filius ualeat, & in Macedoniam cum equitatu praemissus est. Idibus Mai. ex castris.

CICERO S. D. BRUTO. 9

AD V. kal. Mai. cum de ijs, qui hostes iudicati sunt, bello persequendis sententiae dicerentur, dixit Seruilius etiam de Ventidio, & ut Cassius persequeretur Dolabellam. cui cum essem assensus, decreui hoc amplius, ut tu, si arbitrarere utile, exq. rep. esse, persequerere Dolabellam bello: si minus

minus id commodo reip. facere posses, siue non existimares e rep. esse, ut in iisdem locis exercitum contineres. nihil honorificentius potuit facere senatus, quam ut tuum esset iudicium, quid tibi maxime conducere reip. uideretur. equidem sic sentio: si manum habet, si castra, si ubi consistat uspiâ Dolabella; ad finem, & ad dignitatem tuam pertinere, eum persequi. De Cassii nostri copijs nihil sciebamus. neque enim ab ipso ullae litterae: neque nunciabatur quidquam, quod pro certo haberemus. quantopere autem intersit, opprimi Dolabellam, profecto intelligis; tum ut sceleris poenas persoluat; tum ne sit, quo se latronum duces ex Mutinēsi fuga conferant. atque hoc mihi iam ante placuisse, potes ex superioribus meis litteris recordari. quamquam tum et fugae portus erat in tuis castris, et subsidium salutis in tuo exercitu. quo magis nunc liberati, ut spero, periculis, in Dolabella opprimendo occupati esse debemus. sed haec cogitabis diligentius, statues sapienter: facies nos, quid constitueris, & quid agas, si tibi uidebitur, certiores. Ciceronem nostrum in uestrum collegium cooptari uolo. existimo omnino absentium rationem sacerdotum comitijs posse haberi. nam etiam factum est antea. Caius enim Marius, cum in Cappadocia esset, lege Domitia factus est augur: nec, quo minus id postea liceret, ulla lex sanxit. est etiam in lege Iulia, quae lex est de sacerdotijs proxima, his uerbis: Qui petit, cuius ue ratio habebitur. aperte indicat,

cat, posse rationem haberi etiam nō praesentis. hac de re scripsi ad eum, ut tuo iudicio uteretur, sicut in rebus omnibus: tibi autem statuendum est de Domitio, & de Catone nostro: sed quamuis liceat absentis rationem haberi, tamen omnia sunt praesentibus faciliora: quod si statueris in Asiam tibi eundem, nulla erit ad comitia nostros accersendi facultas. omnino, Pansa uiuo, celeriora omnia putabamus: statim enim collegam sibi surrogasset: deinde ante praetoria, sacerdotum comitia fuissent. nunc per auspicia longam moram uideo. dum enim unius erit patricius magistratus, auspicia ad patres redire non possunt. magna sane perturbatio. tu tota de re quid sentias, uelim me facias certiore. III. non. Mai.

BRUTVS. S. D. CICERONI. IO

NOLI exspectare, dum tibi gratias agam. iam pridē hoc ex nostra necessitudine, quae ad summam beneuolentiam peruenit, sublatum esse debet. Filius tuus a me abest. in Macedonia congregi iussus est enim Ambraciam ducere equites per Thessaliam: & scripsi ad eum, ut mihi Heraclēam occurreret. cum eum uiderē, (quoniam nobis permittis) communiter constituemus de reditu eius ad petitionem, aut ad commendationem honoris. Tibi Glycona, medicum Pansae, qui sororem Achilleos nostri in matrimonio habet, diligentissime commendo. audimus, cum uenisse in suspicionem Torquato de morte Pansae, custodiriq. ut paricidam.

ricidam, nihil minus credendum est. quis enim maiorem calamitatem morte Pansae, accepit? praeterea est modestus homo; & frugi, quem ne utilitas quidem videatur impulsura fuisse ad facinus. Rogate, & quidem ualde rogo, (nam Achilleus noster non minus, quam aequū est, laborat) eripias eum ex custodia, conseruesque. hoc ego ad meum officium priuatarum rerum aequae, atque ullam aliam rem, pertinere arbitror. Cum has ad te scriberem litteras, ab Satrio, legato C. Trebonij, reddita est mihi epistola, a Tullio, & Deiotaro Dolabellam caesum, fugatumq. esse. graecam epistolam tibi misi Cytherei cuiusdam ad Satrium missam. Flavius noster de controuersia, quam habet cum Dyrbachinis hereditariam, sumpsit te iudicem. rogo te, Cicero, & Flavius rogat, rem conscias, quin ei, qui Flaviū fecit heredem, pecuniam debuerit ciuitas, non est dubium: neque Dyrbachini inficiantur: sed sibi donatum aes alienum a Caesare dicunt. noli pati, a necessarijs tuis necessario meq. iniuriam fieri. xxi. kal. Iun. ex castris, ad imā Candaniā.

ERVTVS S. D. CICERONI II

L. BIBVLYS. quam carus mihi, esse debeat, nemo melius iudicare potest, quam tu, cuius tantae pro rep. contentiones, sollicitudinesq. sunt, fuerunt. itaque uel ipsius uirtus, uel nostra necessitudo, debet conciliare te illi. quo minus multa mihi scribenda esse arbitror. uoluntas enim te mouere debet

debet nostra; si modo iusta est, aut pro officio necessario suscipitur. in Pansae locum petere constituit. eam nominationem a te petimus. neque coniunctiori dare beneficium, quam nos tibi sumus, neque digniorem nominare potes, quam Bibulum. De Domitio, & Appuleio quid attinet me scribere, cum ipsi per se tibi commendatissimi sint? Appuleium uero tua auctoritate sustinere debes. sed Appuleius in sua epistola celebrabitur. Bibulum noli dimittere ex sinu, tantum iam uirum, ex quanto, crede mihi, potest euadere, qui uestris paucorum respondeat laudibus.

CICERO S. D. BRUTO. 12

MULTOS tibi commendo, & commendem necesse est. optimus enim quisque uir, & ciuis sequitur iudicium tuum: tibiq. omnes sortes uiri nauare operam, & studium uolunt: nec quisquam est, quin ita existimet, meam apud te & gratiam, & auctoritatem ualere plurimum: sed C. Nasennium, municipiem Sueffanum, tibi ita comendo ut neminem diligentius. Creteni bello, Metello imperatore, octauum principem duxit: postea in re familiari occupatus fuit. hoc tempore, cum reip. partibus, tum tua excellenti dignitate comotus, uellet per te aliquid auctoritatis assumere. forte uirum, Brute tibi comendo, frugi hominem, et, si quid ad rem pertinet, etiam locupletem. pergratum mihi erit, si eum ita tractaris, ut merito tuo mihi gratias agere possit.

CICERO

FVNGERER officio , quo tu functus & in
meo luctu , teq. per litteras consolarer , nisi scirem,
ijs remedijs , quibus meum dolorem tu leuasses , te
in tuo agere . ac uelim , facilius , quam tunc mihi ,
nunc tibi tute medeare . est enim alienum tanto ui-
ro , ut es tu , quod alteri praeceperit , id ipsum face-
re non posse . me quidem cum rationes , quas colle-
geras , tum auctoritas tua a nimio maerore deter-
ruit . cum enim mollius tibi ferre uiderer , quam de-
ceret uirum , praesertim eum , qui alios consolari so-
leret , accusasti me per litteras grauioribus uerbis ,
quam tua consuetudo ferebat . itaque iudicium tuum
magni aestimans , idq. ueritus , me ipse collegi , &
ea , quae didiceram , legeram , acceperam , grauior-
ra duxi , tua auctoritate addita . Ac mihi tum Brute
officio solum erat , & naturae , tibi nunc populo , &
scenae , ut dicitur , seruiendum est . nam cum in te
non solum exercitus tui , sed omnium ciuium , ac
paene gentium coniecti oculi sint ; minime decet , pro-
pter quem fortiores ceteri sumus , eum ipsum ani-
mo debilitatum uideri . quamobrem accepisti tu qui-
dem dolorem , (id enim amisisti , cui simile in ter-
ris nihil fuit) & est dolendum in tam graui uulne-
re , ne id ipsum , carere omni sensu doloris , sit mise-
rius , quam dolere : sed , ut modice , ceteris utile est ,
tibi necesse est . Scriberem plura , nisi ad te haec ip-
sa nimis multa essent . Nos te , tuumq. exercitum
exspectamus :

exspectamus: sine quo, ut reliqua ex sententia succedant, uix satis liberi uidemur fore. De tota rep. plura scribam; & fortasse iam certiora ijs litteris, quas Veteri nostro cogitabam dare.

CICERO S. D. BRUTO. 14

NVLLEAS adhuc a te litteras habebamus, ne famam quidem, quae declararet, te, cognita senatus auctoritate, in Italiam adducere exercitum: quod ut faceres, idq. maturares, magnopere desiderabat resp. ingrauescit enim in dies intestinum malum, nec externis hostibus magis, quam domesticis, laboramus: qui erant omnino ab initio belli, sed facilius frangebantur: ereclior senatus erat, non sententijs solum nostris, sed etiam cohortationibus excitatus: erat in senatu satis uehemens, & acer Pansa, cum in ceteros huius generis, tum maxime in socerum. cui consuli non animus ab initio, non fides ad extremum defuit. bellum ad Mutinam gerebatur, nihil ut in Caesare reprehenderes, non nulla in Hirtio. huius belli fortuna, ut in secundis, fluxa; ut in aduersis, bona: erat uictrix resp. caesis Antonij copijs, ipso expulso. Bruti deinde ita multa peccata, ut quodam modo uictoria excideret & manibus. perterritos, inermes, saucios non sunt nostri duces persecuti: datumq. Lepido tempus est, in quo leuitatem eius, saepe perspectam, maioribus in malis experiremur. sunt exercitus boni, sed rudes, Bruti, & Planci. sunt fidelissima, & maxi-

ma auxilia Gallorum. sed Caesarem, meis consilijs
adhuc gubernatum, praeclara ipsum indole, admi-
rabiliq. constantia, improbissimis litteris quidam,
fallacibus interpretibus, ac nuncijs impulerunt in
spem certissimam consulatus. quod simul atque sen-
si, neque ego illum absentem litteris monere desti-
ti, nec accusare praesentes eius necessarios, qui eius
cupiditati suffragari uideantur: nec in senatu scele-
ratissimorum consiliorum fontes aperire dubitavi.
nec uero ulla in re memini. aut senatum meliorem,
aut magistratus: numquam enim in honore extra-
ordinario potentis hominis, uel potentissimi potius
(quando quidem potentia iam in ui posita est, &
armis) accidit ut nemo tribunus pl. nemo alio ma-
gistratu, nemo priuatus auctor existeret. sed in
hac constantia, atque uirtute, erat tamen sollicita ci-
uitas. illudimur enim, Brute cum militum delictis
tum imperatoris insolentia. tantum quisque in rep.
posse postulat, quantum habet uirium. non ratio,
non modus, non lex, non mos, non officium ualet,
non iudicium, non existimatio ciuium, non posteri-
tatis ueretundia. Haec ego multo ante prospiciens,
fugebam ex Italia, tum, cum me uestrorum adisto-
rum fama reuocauit. incitasti uero tu me, Brute,
Veliae. quamquam enim dolebam in eam me urbem
ire, quam tu fugeres, qui eam liberauisset, quod
mibi quoque quondam acciderat, periculo simili,
casu tristiore: perrexisti tamen, Romamq. perueni-
stis. nulloq. praesidio quateseci Antonium; contraq.
eius

maluerit, quam uideri aut coactus esse pecuniam dare, aut libenter dedisse homini nequissimo, atque improbissimo, is nobis ultro et pollicitus est, et dedit xx HS ex sua pecunia, & quod multo carius est, se ipsum obtulit, & coniunxit. huic persuadere coepimus, ut imperator in castris remaneret, remque publicam defenderet. statuit eundem sibi, quoniam exercitum dimisisset: statim uero rediturum ad nos confirmauit, legatione suscepta, nisi praetorum comitia habituri essent consules. nam illi ita sentienti de rep. magnopere auctor fui, ne differret tempus petitionis suae. cuius factum omnibus gratum esse debet, qui modo iudicarint hunc exercitum esse reip. tibi tanto gratius, quanto maiore animo, gloriaque libertatem nostram defendis, & dignitatem, si contigerit nostris consilijs exitus, quem optamus, persunctorus es. ego etiam, mi Cicero, proprie, familiariterque te rogo, ut Veterem ames, uelisque esse quam amplissimum. qui etsi nulla re deterri a proposito potest, tamen excitari tuis laudibus, indulgentiaque poterit, quo magis amplexetur, ac tueatur iudicium suum: & mihi gratissimum erit.

CICERO S. D. BRUTO.

16

ETSI daturus eram Messallae Coruino continuo litteras, tamen Veterem nostrum ad te sine litteris meis uenire nolui. Maximo in discrimine resp. Brute, uersatur; uictoresque rursus decertare cogimur. id accidit M. Lepidi scelere, & amentia. quo tempore

TT

cum

cum multa propter eam curam, quam pro rep. suscepimus, grauius ferrem, tum nihil tui grauius, quam me non posse matris tuae precibus cedere, non sororis. nam tibi, quod mihi plurimi est, facile me satisfacturum arbitrabar. nullo enim modo poterat causa Lepidi distinguui ab Antonio, omniumque iudicio etiam durior erat, quod, cum honoribus amplissimis a senatu esset Lepidus ornatus, tum etiam paucis ante diebus praeclaras litteras ad senatum misisset, repente non solum recepit reliquias hostium, sed bellum accerrimum terra, marique gerit: cuius exitus qui futurus sit, incertum est: ita, cum rogamur, ut misericordiam liberis eius impertiamus, nihil affertur, quo minus summa supplicia, si, quod Iuppiter omen auertat, pater puerorum uiderit, sub eunda nobis sint. Nec uero me fugit, quam sit acerbum, parentum scelera filiorum poenis lni: sed hoc praeclare legibus comparatum est, ut caritas liberorum amiciores parentes reip. redderet. itaque Lepidus crudelis in liberos, non is, qui Lepidum hostem iudicat. atque ille, si, armis positus, de uindamatus esset, quo in iudicio certe defensionem non haberet: eandem calamitatem subirent liberi, bonis publicatis. quamquam, quod tua mater, & soror deprecatur pro pueris, id ipsum, & multa alia crudeliora nobis omnibus Lepidus, Antonius, & reliqui hostes denunciant. itaque maxima spes hoc tempore habemus in te, atque exercitu tuo. cum ad reip. summam, tum ad gloriam, & dignitatem

tatem tuam uehementer pertinet, te in Italiam,
ut ante scripsi, uenire quamprimum: eget enim ue-
hementer tum uiribus tuis, tum etiam consilio resp.
Veterem pro eius erga te beneuolentia, singulariq.
officio libenter ex tuis litteris complexus sum; eumq.
cum tui, tum reip. studiosissimum, amantissimumq.
cognoui. Ciceronem meum propediem, ut spero, ui-
debo. tecum enim illum, & te in Italiam celeriter
esse uenturum confido.

B R V T V S S. D. C I C E R O N I. 17

DE M. Lepido uereri me cogit reliquorum ti-
mor. qui si eripuerit se nobis; quod, uelim, temere,
atque iniuriose de illo suspicati sint homines: oro
atque obsecro te Cicero, necessitudinem nostram,
tuamq. in me beneuolentiam obtestans, sororis
meae liberos obliuiscaris esse Lepidi filios, meq. his
in patris locum successisse existimes. hoc si a te im-
petro, nihil profecto dubitabis pro his suscipere.
aliter alij cum suis uiuunt: nihil ego possum in sor-
ris meae liberis facere, quo possit expleri uoluntas
mea, aut officium. quid uero aut mihi tribuere bo-
ni possunt; si modo digni sumus, quibus aliquid
tribuatur; aut ego matri, ac sorori, puerisq. illis
praeestaturus sum, si nihil ualuerit apud te, reli-
quumq. senatum contra patrem Lepidum Brutus
auunculus? scribere multa ad te neque possum prae-
solicitudine, ac stomacho, neque debeo. nam si in
tanta re, tamq. necessaria uerbis mihi opus est ad

te excitandum, & confirmandum; nulla spes est, facturum te, quod uolo, & quod oportet. quare noli expectare longas preces: intueri me ipsum, qui hoc a te uel a Cicerone coniunctissimo homine, priuatim, uel a consulari, tali uiro, remota necessitudine priuata, debeo impetrare. quid sis factururus, uelim mihi quamprimum rescribas. Kal. Quint. ex castris.

CICERO S. D. BRUTO. 18

BREUES tuae litterae: breues, dico? immo nullae. tribus ne uersiculis his temporibus Brutus ad me? nihil scripsissem potius. & requiris meas. quis umquam ad te tuorum sine meis uenit? quae autem epistola non pondus habuit? quae si ad te perlatae non sunt, ne domesticas quidem tuas perlatas arbitror. Ciceroni scribis te longiorem daturum epistolam. recte id quidem: sed haec quoque debuit esse plenior. ego autem, cum ad me de Ciceronis abs te discessu scripsisses, statim extrusi tabellarios, litterasq. ad Ciceronem, ut, etiam si in Italiam uenisset, ad te rediret. nihil enim mihi iucundius, nihil illi honestius. quamquam aliquoties ei scripseram, sacerdotum comitia mea summa contentione in alterum annum esse reiecta; quod ego cum Ciceronis causa elaborauim, tum Domitij, Catonis, Lentuli, Bibulorum: quod ad te etiam scripseram. sed uidelicet, cum illam pusillam epistolam tuam ad me dabas, non dum erat tibi id notum. quare omni studio liber.

ate, mi Brute, contendo; ut Ciceronem meum ne dimittas, tecumq. adducas. quod ipsum, si remp. cui susceptus es; respicis, tibi iam iamq. faciendum est. renatum enim bellum est, idq. non paruo scelere Lepidi. exercitus autem Caesaris, qui erat optimus, non modo nihil prodest, sed etiam cogit exercitum tuum flagitari: qui si Italiam attigerit; erit ciuis nemo, quem quidem ciuem appellari fas sit, qui se non in tua castra conferat. etsi Brutum praeclare cum Planco coniunctum habemus. sed non ignoras, quam sint incerti animi hominum, & infecti partibus, & exitus proclorum. quin etiam, si, ut spero, uicerimus, tamen magnam gubernationem tui consilij, tuaeq. auctoritatis res desiderabit. subueni igitur per deos, idq. quamprimum; tibiq. persuade, non te idibus Martijs, quibus seruitutem a tuis ciuibz repulisti, plus profuisse patriae, quam, si mature ueneris, profuturum. 17. id. Quinct.

MESSALLAM habes: quibus igitur litteris tam accurate scriptis assequi possum, subtilius ut explicem, quae gerantur, quaeq. sint in rep. quam tibi is exponet, qui & optime omnia nouit, & elegantissime expedire, & deferre ad te potest? caue enim existimes, Brute, (quamquam non necesse est ea me ad te, quae tibi nota sunt scribere: sed tamen tantam omnium laudum excellentiam non queo si-

lentio praeterire) caue putes, probitate, constantia,
 cura, studio reip. quidquam illi esse simile: ut elo-
 quentia, qua mirabiliter excellit, uix in eo locum
 ad laudandum habere uideatur: quamquam in hac
 ipsa sapientia plus apparet: ita graui iudicio, mul-
 taq. arte se exercuit in uerissimo genere dicendi. tan-
 ta autem industria est, tantumq. euigilat in studio,
 ut non maxima ingenio, quod in eo summum est,
 gratia habenda uideatur. Sed prouehor amore. non
 enim id propositum est huic epistolae, Messallam ut
 laudem, praesertim ad Brutum; cui & uirtus illius
 non minus, quam mihi, nota est, & haec ipsa stu-
 dia, quae laudo, notiora. quem cum a me dimittens
 grauius ferrem, hoc leuabar uno, quod ad te, tam-
 quam ad alteram me, proficiscens, & officio fun-
 gebatur, & laudem maximam sequebatur. Sed haec
 haftenus. Venio nunc, longo sane interuallo, ad
 quandam epistolam, qua mihi multa tribuens,
 unum reprehendebas, quod in honoribus decernen-
 dis essem nimius, & tanquam prodigus. tu hoc:
 alius fortasse, quod in animi raduersione, poenaq. du-
 rior: nisi fortasse utrumque tu. quod si ita est, utri-
 usque rei meum iudicium tibi cupio esse notissimum:
 neque solum ut Solonis dictum usurpem, qui & sa-
 pientissimus fuit ex septem, & legum scriptor so-
 lus ex septem. is reip. comineri duabus rebus di-
 xit, praemio, & poena: est scilicet utriusque rei
 modus, sicut reliquarum, & quaedam in utroque
 genere mediocritas. sed non tanta de re propositum
 est

est hoc loco disputare . quid ego autē secutus in bello
sim in sententijs dicendis , aperire non alienum pu-
to . Post interitum Caesaris , & uestras memorabi-
les idus Martias , Brute , quid ego praetermissum a
uobis , quantamq. impendere reip. tempestatem
dixerim , non es oblitus . magna pellis erat depulsa
per uos , magna populi R. macula deleta , uobis
uero parata diuina gloria : sed instrumentum regni
delatum ad Lepidum , & Antonium : quorum al-
ter inconstantior , alter impurior , uterque pacem
metuens , inimicos otio . his ardentibus perturban-
dae reip. cupiditate quod opponi posset praesidium ,
non habebamus : erexerat enim se ciuitas in retinen-
da libertate consenties . nos tum nimis acres . uos ,
fortasse sapientius , excessistis urbe ea , quam libera-
ratis : Italiae , sua uobis studia profitenti , remisistis .
itaque cum teneri urbem a paricidis uiderem , nec
te in ea , nec Cassium tuto esse posse , eamq. armis
oppressam ab Antonio : mihi quoque ipsi esse exce-
dendum putavi . taetrum enim spectaculum , oppres-
sa ab impijs ciuitas , opitulandi potestate praecisa .
sed animus idem , qui semp̄ r , infixus in patriae ca-
ritate , discessum ab eius periculis ferre non potuit .
itaque in medio Achaico cursu , cum Etesiarum
diebus Ausper me in Italiam , quasi dissuasor mei
consilij , retulisset , tenuidi Veliae , doluiq. uehemen-
ter . cedebas enim Brute , cedebas : quoniam Stoi-
ci uestri negant fugere sapientis . Romam u' ueni ,
statim me obtuli Antonij sceleri , atque dementiae .

quem cum in me incitauissem consilia inire coepi, Brutina plane, (uestri enim haec sunt propria sanguinis) reip. liberandae. longa sunt, quae restant, praetereunda: sunt enim de me, tantum dico, Caesarem hunc adolescentem, per quem adhuc sumus, si uerum fateri uolumus, fluxisse ex fonte consiliorum meorum. huic habita a me honores, nulli quidem Brute, nisi debiti, nulli, nisi necessarij. ut enim primum libertatem reuocare coepimus, cum se non dum ne Decimi quidem Bruti diuina uirtus ita commouisset, ut iam id scire possemus; atque omne praesidium esset in puero, qui a cernicibus nostris auertisset Antonium; quis honos ei non fuit discernendus? quamquam ego illi tum uerborum laudem tribui, eamq. modicam: decreui etiam imperium: quod quamquam uidebatur illi aetati honorificum, tamen erat exercitum habenti necessarium. quid enim est sine imperio exercitus? statuam Philippus decreuit; celeritatem petitionis primo Seruius, post maior: em etiam Seruilus. nihil tum nimium uidebatur. sed nescio quo modo facilius in timore benigni; quam in uictoria grati reperimur. ego enim, D. Bruto liberato, cum laetissimus ille ciuitatis dies illuxisset, idemq. casu Bruti natalis esset, decreui, ut in fastis ad eum diem Bruti nomen adscriberetur. in eoq. sum maiorum exemplum secutus, qui hunc honorem mulieri Larentiae tribuerunt, cui uos pontifices ad aram in Velabro facere soletis. quod ego cum dabam Bruto, notam esse in
fastis

fastis gratissimae uictoriae sempiternam uolebam.
atque illo die cognoui, haud paullo plures in senatu
maleuolos esse, quam gratos. Eos per ipsos dies ef-
fudi, si ita uis, honores in mortuos Hirtium, &
Pansam, Aquilam etiam: quod quis reprehendit,
nisi qui, deposito metu, praeteriti periculi fuerit
oblitus? accedebat ad beneficij memoriam gratam
ratio illa, quae etiam posteris posset esse salutaris.
extare enim uolebam in crudelissimos hostes monu-
menta odij publici sempiterna. Suspicio illud minus
tibi probari, quod a tuis familiaribus, optimis illis
quidem uiris, sed in rep. rudibus, non probatur,
quod, ut ouanti introire Caesari liceret, decreuerim.
ego autem (sed erro fortasse: nec tamen is sum, ut
mea me maxime delectent) nihil mihi uideor hoc
bello sensisse prudentius. cur autem ita sit, aperien-
dum non est; ne magis uideas prouidus fuisse, quam
gratus, hoc ipsum nimium: quare alia uideamus.
D. Bruto decreui honores, decreui L. Planco. prae-
clara illa quidem ingenia, quae gloria inuitantur,
sed senatus etiam sapiens, qui, qua quemque re pu-
tat, modo honesta, ad remp. iuuandum posse addu-
ci, hac utitur. At in Lepido reprehenditur: cui cum
statuam in Rostris statuissemus, ijdem illam euer-
timus. Nos illum honore studuimus a furore reuo-
care: uicit amentia leuissimi hominis nostram pru-
dentiam, nec tamen tantum in statuenda Lepidi sta-
tua factum est mali, quantum in euertenda boni.
Satis multa de honoribus. nunc de poena pauca sunt
dicenda,

dicenda. Intellexi enim ex tuis saepe litteris, te in ijs, quos bello devicisti, clementiam tuam uelle laudari. existimo equidem, nil a te nisi sapienter: sed, sceleris poenam praetermittere, (id enim est, quod uocatur ignoscere) etiam si in ceteris rebus tolerabile est, in hoc bello perniciosum puto. nullum enim bellum ciuile fuit in nostra rep. omnium quae memoria mea fuerunt, in quo bello non, utraqueque pars uicisset, tamen aliqua forma esset futura reip. hoc bello uictores quam reip. simus habituri, non facile affirmarim: uictis certe nulla umquam erit. Dixi igitur sententias in Antonium, dixi in Lepidum seueras, neque tam uluiscendi causa, quam ut & in praesens sceleratos ciues timore ab impugnanda patria deterrerem; & in posterum documentum statuerem, ne quis talem amentiam uellet imitari. quamquam haec quidem sententia non magis mea fuit, quam omnium. in qua uidetur esse illud crudele; quod ad liberos, qui nihil meruerunt, poena peruenit. sed id & antiquum est, & omnium ciuitatum: siquidem etiam Themistoclis liberi eguerunt. & si iudicio damnatos eadem poena sequitur ciues; qui potuimus leniores esse in hostes? Quid autem queri quisquam potest de me; qui si uicisset, acerbiorum se in me futurum fuisse confiteantur, necesse est? Habes rationem mearum sententiarum, de hoc genere dumtaxat honoris, & poenae. nam de ceteris rebus quid senserim, quidque censuerim, audisse te arbitror. Sed haec quidem non

ita

ita necessaria: illud ualde necessariū Brute, te in Italiam cum exercitu uenire quamprimum. Summa est expectatio tui: qui si Italiam attigeris, ad te concursus fiet omnium, siue enim uicerimus; qui quidem pulcherrimē uiceramus, nisi Lepidus perdere omnia, & perire ipse cum suis concupiuisse: tua nobis auctoritate opus est ad collocandum aliquem ciuitatis statum. siue etiam nunc certamen reliquum est: maxima spes est cum in auctoritate tua, tum in exercitu tui uiribus. Sed prospera per deos. scis, quantum sit in temporibus, quantum in celeritate. Sororis filijs quam diligenter consulam, spero te ex matris, & sororis, luteris cogniturum. qua in causa maiorem habeo rationem tuæ uoluntatis, quæ mihi carissima est, quam, ut quibusdam uideor, constantiae meae, sed ego nulla in re malo, quam te amando, constans & esse, & uideri. Vale.

BRVTVS S. D. CICERONI 20

PARTICVLAM litterarum tuarum, quas misisti Octauio, legi, missam ab Attico mihi. Studium tuum, curaq. de salute mea nulla me noua uoluptate affecit. non solum enim usitatum, sed etiam quotidianum est, aliquid audire de te, quod pro nostra dignitate fideliter, atque honorifice dixeris, aut feceris. at dolore, quantum maximum capere animo possum, eadem illa pars epistolæ scriptæ ad Octanium de nobis afficit. sic enim illi gratias agis de rep. tam suppliciter;

suppliciter, ac demisse. quid scribam? pudet condi-
cionis, ac fortunae: sed tamen scribendum est. com-
mendas nostram salutem illi; quae morte qua non
perniciosior? ut prorsus praeferas, non sublatam
dominationem, sed dominum commutatum esse.
uerba tua recognosce, & aude negare, seruientis
aduersus regem istas esse preces. unum ais esse,
quod ab eo postuletur, & expectetur, ut eos ciues,
de quibus uiri boni, populus R. bene existimet,
saluos uelis. quid, si nolit? non erimus? atqui non
esse, quam esse per illum, praestat. ego mediusfi-
dus non existimo, tam omnes deos auersos esse a sa-
lute populi R. ut Octavius ornandus sit pro salute
cuiusquam ciuis, non dicam pro liberatoribus orbis
terrarum. iuuat enim magnifice loqui, & certe de-
cet aduersus ignorantes, quid pro quoque timen-
dum, aut a quoque petendum sit. hoc tu Cicero pos-
se fateris Octavium, & illi amicus es; aut, si me
carum habes, uis Romae uideri; cum, ut ibi esse pos-
sem, commendandus puero illi fuerim? cui quid a-
gis gratias, si, ut nos saluos esse uelit, & patiatur,
rogandum putas? an hoc pro beneficio est habен-
dum, quod se, quam Antonius, esse maluerit, a
quo ista petenda essent? uindicti quidem alienae do-
minationis, non uicario, ecquis supplicat, ut opti-
me meritis de rep. liceat esse saluis? ista uero imbe-
cillitas, & desperatio, cuius culpa non magis in te
residet, quam in omnibus alijs, & Caesarem in cu-
piditatem regni impulit; & Antonio post interi-
tum

tum illius persuasit, ut interfecti locum occupare conaretur; & nunc puerum istum extulit, ut tu iudicares, precibus esse impetrandam salutem talibus uiris, misericordiaq. unius uix etiam nunc uiri tutos fore nos, haud ulla alia re. quod si Romanos nos esse meminissimus; non audacius dominari cuperent postremi homines, quam id nos prohiberemus; neque magis irritatus esset Antonius regno Caesaris, quam ob eiusdem mortem deterritus. Tu quidem consularis, & tantorum scelerum uindex. quibus oppressis, uereor, ne in breue tempus dilata sit abs te perniciēs, qui potes intueri, quae gesseris, simul & ista uel probare, uel ita demisse, ac facile pati, ut probantis speciem habeas? quod autem tibi cum Antonio priuatum odium? nempe, quia postulabat haec; salutem ab se peti; precariam nos incolumitatem habere, a quibus ipse libertatem accepisset; esse arbitrium suum de rep. quaerenda esse arma putasti, quibus dominari prohiberetur; scilicet, ut, illo prohibito, rogaremus alterum, qui se in eius locum reponi pateretur, an ut esset sui iuris, ac mancipij resp. ? nisi forte non de seruitute, sed de conditione seuiendi recusatum est a nobis. atqui non solum bono domino potuimus Antonio tolerare nostram fortunam, sed etiam beneficijs, atque honoribus, ut participes, frui, quantis uellemus. quid enim neget ijs, quorum patientiam uideret maximum suae dominationis praesidium esse? sed nihil tanti fuit, quo uenderemus fidem nostram. &
liber-

libertatem. hic ipse puer, quem Caesaris nomen incitare uidetur in Caesaris interfectores, quanti aestimet, si sit commercio locus, posse nobis auctoribus tantum, quantum profecto poterit; quoniam uiuere, & pecunias habere, & dici consulares uolumus? ceterum nequidquam perierit ille: cuius interitu quid gauisi sumus, si, mortuo, nihilo minus seruituri eramus? nulla cura adhibetur. sed mihi prius omnia dii, deaeque eripuerint, quam illud iudicium, quo non modo heredi eius, quem occidi, non concesserim, quod in illo non tuli, sed ne patri quidem meo, si reuiviscat, ut, pariente me, plus legibus, ac senatu possit. An hoc tibi persuasum est, fore ceteros ab eo liberos, quo inuito nobis in ista ciuitate locus non sit? qui porro id, quod petis, fieri potest, ut impetres? rogas enim, uelit nos saluos esse. uidemur ego tibi salutem accepturi, cum uitam acceperimus? quam, si prius dimittimus dignitatem, & libertatem, qui possumus accipere? An tu, Romae habitare, id putas incolumem esse? res, non locus, oportet, praeslet istuc mihi. neque incolumis Caesa: e uiuo sui, nisi postquam illud conscii facinus: neque usquam exsul esse possum, dum, seruire, & pati contumelias, prius odero malis omnibus alijs. non ne hoc est in easdem tenebras recidisse? ab eo, qui tyranni nomē adsciuic sibi, (cum in Graecis ciuitatibus liberi tyrannorum, oppressis, illis, eodem supplicio afficiantur) petitur, ut uindices, atque oppressores dominationis salui sint?

hanc

hanc ego ciuitatem uidere uelim, aut putem ullam, quae ne traditam quidem, atque inculcatam libertatem recipere possit, plusq. timeat in puero nomen sublatis regis, quam confidat sibi; cum illum ipsam, qui maximas opes habuerit, paucorum uirtute sublatum uideat? Me uero posthac ne comendaueris Caesari tuo, ne te quidem ipsum, si me audies. ualde care aestimas tot annos, quot ista aetas recipit, si propter eam causam puero isti supplicaturus es. Deinde, quod pulcherrime fecisti, ac facis in Antonio, uide, ne conuertatur a laude maximi animi ad opinionem formidinis. nam si Octavius tibi placet, a quo de nostra salute petendum sit; non dominum fugisse, sed amiciores dominum quaesisse uideberis. quem quod laudas ob ea, quae adhuc fecit; plane probō: sunt enim laudanda; si modo contra alienam potentiam, non pro sua suscepit eas actiones. cum uero iudicas tantum illi nō modo licere, sed etiam a te ipso tribuendum esse, ut rogandus sit, ne nolit esse nos saluos: nimum magnam mercedem statuis. id enim ipsum illi largiris, quod per illum habere uidebatur resp. neque hoc tibi in mentem uenit, si Octavius ullis dignus sit honoribus, quia cum Antonio bellum gerat; ijs, qui illud malum exciderint, cuius istae reliquiae sunt, nihil, quo expleri possit eorum meritum, tributurum umquam populus R. si omnia simul congesserit. Ac uide, quanto diligentius homines metuant, quam meminerint, quia Antonius uiuat, atque

atque in armis sit. de Caesare uero quod fieri potuit, ac debuit, transactum est, neque iam reuocari in integrum potest. Octavius is est, qui quid de nobis iudicaturus sit, expectet populus R. ? nos uero sumus, de quorum salute unus homo rogandus uideatur ? ego (ut istuc reuertar) is sum, qui non modo non supplicem, sed etiam coerceam postulantes, ut sibi supplicetur, aut longe a seruentibus abero; mihiq. esse iudicabo Romam, ubicunque liberum esse licebit; ac uestri miserebor, quibus nec aetas, neque honores, neque uirtus aliena dulcedinem uiuendi minuere potuerit. mihi quidem ita beatus esse uidebor, si modo constanter, ac perpetuo placebit hoc consilium, ut relatum putem gratiam pietati meae. quid enim est melius, quam, memoria recte factorum, & libertate contentum, negligere humana? sed certe non succumbam succumbentibus; nec uincar ab ijs, qui se uinci uolunt; experiarque, & tentabo omnia, neque desistam abstrahere a seruitio ciuitatem nostram. si secuta fuerit, quae debet, fortuna; gaudebimus omnes: sin minus; ego tamen gaudebo. quibus enim prius haec uita factis, aut cogitationibus traducatur, quam ijs, quae pertinuerint ad liberandos ciues meos? te, Cicero, rogo, atque hortor ne defatigare, neu diffidas; semper in praesentibus malis prohibendis, futura quaque, nisi ante sit occursum, explores, ne se insinuent. fortem, & liberum animum, quo & consul, & nunc consularis remp. uindicasti, sine constantia, & aequalitate

bilitatem nullam esse putaris. fateor enim, duriores
 esse cōditionem spectatae uirtutis, quam incognitae.
 benefacta pro debitis exigimus. quae si aliter eue-
 niunt; ut decepti ab his, infesto animo reprehendi-
 mus. itaque, resistere Antonio Ciceronem, & si
 magna laude dignum est; tamen, quia ille consul
 hunc consularem merito praestare uidetur, nemo ad-
 miratur. idem Cicero, si flexerit aduersus alios iudi-
 cium suum, quod tanta firmitate, ac magnitudine a-
 nimi direxit in exturbando Antonio, non modo reli-
 qui temporis gloriam eripuerit sibi, sed etiam prae-
 teriti euanescente coget: (nihil enim per se amplum
 est, nisi in quo iudicii ratio extat) quia neminem ma-
 gis decet, remp. amare, libertatisq. defensorem esse,
 uel ingenio, uel rebus gestis, uel studio, atque esfla-
 gitatione omnium. quare non Octavius est rogandus,
 ut uelit nos saluos esse: magis tu te ex suscita, ut eam
 ciuitatem, in qua maxima gessisti, liberam, atque ho-
 nestam fore putes, si modo sint populo duces ad resi-
 stendum improborum consilijs.

ERVTO S. D. ATTICO. 21

SCRIBIS mihi, mirari Ciceronem, quod
 nihil significem umquam de suis actis. quoniam ef-
 flagitas, coactu tuo scribam, quae sentio. Omnia fe-
 cisse Ciceronem optimo animo, scio. quid enim mi-
 bi exploratius esse potest, quam illius animus in
 remp. ? sed quaedam mihi uidetur, quid dicam, im-
 perite uir omniū prudentissimus, an ambitiose fecis-
 se,

se, qui ualentissimum Antonium suscipere pro rep.
 non dubitauit inimicum? nescio quid scribam tibi,
 nisi unum, pueri & cupiditatem, & licentiam po-
 tius esse irritatam, quam repressam a Cicerone; tan-
 tumq. eum tribere huic indulgentiae, ut se male-
 dictis non absteineat, ijs quidem quae in ipsum dupli-
 citer recidunt, quod & plures occidit uno, seq. prius
 oportet sateatur sicarium, quam obijciat Cascae,
 quod obijcit; & imitatur in Casca Bestiam. an, quia
 non omnibus horis iactamus idus Martias, similiter
 atque illi nonas Decembres suas in ore habet, eo
 meliore condicione Cicero pulcherrimum factum
 uituperabit, quam Bestia, & Clodius reprehende-
 re illius consulatum soliti sunt? Sustinuisse mihi glo-
 riatur bellum Antonij togatus Cicero noster. quid
 hoc mihi potest, si merces Antonij oppressi posci-
 tur in Antonij locum successio? & si uindex illius
 mali auctor extitit alterius, fundamentum, & ra-
 dices habituri altiores, si patiamur? ut iam ista, quae
 facit, non dominationem, non; sed dominum Anto-
 nium timentis sint. ego autem geatiam non habeo,
 si quis, dum ne irato seruias, rem ipsam non depre-
 catur. Immo triumphus, & stipendium decernitur,
 & omnibus decretis ornatur. pudeat cōspicere fortu-
 nam, cuius nomen susceperit. consularis hoc, an
 Ciceronis est? quoniam tacere non licuit, leges, quae
 tibi necesse est molesta esse. etiam ipse sentio, quan-
 to cum dolore haec ad te scripserim. nec ignoro, quid
 sentias in rep. & quam desperatam quoque sanari
 pu-

putes posse. nec mehercle te Attice reprehendo. aetas enim, mores, liberi segnem efficiunt: quod quidem etiam ex Flauio nostro perspexi. sed redeo ad Ciceronem. Quid inter Saluidenum, & eum interest? quid autem amplius ille decerneret? Timet, inquit, etiam nunc reliquias belli ciuilis. quisquam ergo ita timet profligatum, ut neque potentiam eius, qui exercitum uictorem habeat, neque temeritatem pueri pueret extimescendam esse? an hoc ipsum ea re facit, quod illi propter amplitudinem omnia iam, ultroq. deferenda putat? o magnam stultitiam timoris, id ipsum, quod uerearis, ita cauere, ut, cum uitare fortasse potueris, ultro accersas, & attrahas. nimium timemus mortem. & exsilium, et paupertatem. haec mihi uidentur Ciceroni ultima esse in malis: & dum habeat, a quibus impetret, quae uelis, et a quibus colatur, ac laudetur, seruitutem, honorificam modo, non aspernatur; si quidquam in extrema, ac miserrima cōtumelia potest honorificum esse. Licet ergo patrem appellet Octauius Ciceronem, referat omnia, laudet, gratias agat: tamen illud apparebit, uerba rebus esse contraria. quid enim tam alienum ab humanis sensibus est, quam eum patris habere loco, qui ne liberi quidem hominis numero sit? atqui eo tendit, id agit, ad eum exitum prope- rat uir optimus, ut sit illi Octauius propitius. Ego uero iam ijs artibus nihil tribuo, quobus scio Cicero nem instructissimum esse. quid enim illi profuit, quae

pro libertate patriae de dignitate, quae de morte, ex
 filio, paupertate scripsit copiosissime? quanto autem
 magis illa callere uidetur Philippus, qui priuigno
 minus tribuerit, quam Cicero, qui alieno tribuat?
 Desinat igitur gloriando etiam insectari dolores no-
 stros. quid enim nostra, uictum esse Antonium, si
 uictus est, ut alij uacaret, quod ille obtinuit? ta-
 met si tuae litterae dubia etiam nunc significant. Vi-
 uat hercule Cicero. qui potest, supplex, & obno-
 xius; si neque aetatis, neque honorum, neque rerum
 gestarum pudet. ego certe, qui cum ipsa re bellum
 geram, hoc est cum regno, & imperijs extaordina-
 rijs & dominatione, & potentia; quae supra leges
 se esse uelit, nulla erit tam bona condicio seruiendi,
 qua non deterrear; quamuis sit uir bonus, ut scri-
 bis, Antonius: quod ego numquam existimaui. sed
 dominum ne parentem quidem maiores nostri uo-
 luerunt esse. Te nisi tantum amarem, quantum Ci-
 ceroni persuasum est diligere ab Octauio, haec ad te
 non scripsissem. dolet mihi, quod tu non stomacha-
 ris, amantissimus tum tuorum omnium, tum etiam
 Ciceronis. sed persuade tibi, de uoluntate propria
 mea nihil esse remissum, de iudicio largiter. neque
 enim impetrari potest, quin, quale quidque uidea-
 tur ei, talem quisque de illo opinionem habeat. Vel-
 lem mihi scripsisses, quae condiciones essent Atticae
 nostrae. potuisssem tibi aliquid de meo sensu perscribere.
 Valetudinem Porciae meae tibi curae esse nō mi-
 nor.

ror. Denique, quod petis, faciam libenter: nam etiam sorores me rogant: & hominem noro, & quid sibi uoluerit.

M. CICERO S. D. M. BRUTO. 22

CUM saepe te litteris hortatus essem, ut quam primum reip. subuenires, in Italiamq. exercitum adduceres; neque id arbitrarer dubitare tuos necessarios; rogatus sum a prudentissima, & diligentissima femina, matre tua, cuius omnes curae ad te referuntur, & in te consumuntur, ut uenirem ad se ad VIII. kal. Sext. quod ego, ut debui, sine mora feci. cum autem uenissem, Casca aderat, & Labeo, & Scaptius. at illa retulit, quaesivitque, quidnam mihi uideretur, arcessemus ne te, atque tibi id conducere putaremus; an, tardare, & commorari te, melius esset. Respondi id, quod sentiebam, & dignitati, & existimationi tuae maxime conducere. te primo quoque tempore ferre praesidium labenti, & inclinatae reip. quid enim abesse censes mali in eo bello, in quo uictores exercitus fugientem hostem persequi noluerunt? & in quo incolumis imperator, honoribus amplissimis, fortunisque maximis, coniuge, liberis, uobis affinibus ornatus, bellum reip. indixerit? quid dicam, in tanto senatus populiq. consensu; cum tantum resideat intra muros mali? Maximo autem, cum haec scribebam, afficiebar dolore, quod, cum me pro adolescentulo, ac paene puero resp. accepisset uadem

uix uidebar, quod promiserā, praestare posse. est autem grauior, & difficilius animi, & sententiae, maximis praesertim in rebus, pro altero, quam pecuniae, obligatio. haec enim solui potest; & est rei familiaris iactura tolerabilis: reip. quod spononderis, quemadmodum soluas, nisi is dependi facile patitur, pro quo spononderis? quamquam & hunc, ut spero, tenebo, multis repugnantibus. uidetur enim esse indoles, sed flexibilis aetas, multiq. ad deprauandum parati; qui, splendore falsi honoris obiecto, aciem boni ingenij perstringi posse confidunt. itaque ad reliquos hic quoque labor mihi accessit, ut omnes adhibeam machinas ad tenendum adolescentem, ne famam subeam temeritatis. quamquā quae temeritas est? magis enim illum, pro quo sponderi, quam me, obligauit. nec uero paenitere potest temp. me pro eo sponderisse. qui fuit in rebus gerendis tum suo ingenio, tum mea promissione constantior. Maximus autem, nisi me fortasse fallit, in rep. nodus est inopia rei pecuniariae. obdurescunt enim magis quotidie boni uiri ad uocem tributj; quod ex centesima collatum, impudenti censu locupletum, in duarum legionum praemijs omne consumitur. impendent autem infiniti sumptus tum in hos exercitus, quibus nunc defendimur, tum uero in tuum. nam Cassius noster uidetur posse satis ornatus uenire. Sed & haec, & multa alia coram cupio, idq. quamprimum. De sororis tuae filijs, non expectaui, Brute, dum scriberes. omnino ipsa tempora (bellum enim ducetur)

ducetur) integram tibi causam reseruant. sed ego à principio, cū diuinare de belli diuturnitate non possem, ita causam egi pu rorum in senatu, ut te arbitror e matris litteris potuissēcognoscere. nec uero ulla res erit umquam, in qua ego non, uel uitae periculo, eā dicam, eaq. faciam, quae te uelle, quaeq. ad te pertinere arbitrabor. Vale. vi. kal. Sext.

M. TVLLII CICERONIS
EPISTOLARVM AD

Q. FRATREM
LIBER I.

MARCVS S. D. QVINGTO FRATRI.

ESTI non dubitabam, quin hanc episto-
lam multi nunciij, fama denique esset
ipsa sua celeritate superatura; tuq. an-
te ab alijs auditurus esses, annum ter-
tium accessisse desiderio nostro, & labori tuo: ta-
men existimaui a me quoque tibi huius molestiae
nuncium perferri oportere. nam superioribus litte-
ris, non unis, sed pluribus, cum iam ab alijs despe-
rata res esset, tamen tibi ego spem maturae decessio-
nis afferebam; non solum, ut quamdiutissime te iu-
cunda opinione oblectarem; sed etiam, quia tanta
adhibebatur & a nobis, & praetoribus contentio,
ut rem posse confici non dissiderem. nunc, quoniam
ita accidit, ut neque praetores suis opibus, neque nos
nostro studio quidquam proficere possimus: est om-
nino difficile non grauiter id ferre; sed tamen no-
stros animos, maximis in rebus & gerendis, & su-
stinendis exercitatos, frangi, & debilitari mole-
stia non oportet. Et quoniam ea molestissime ferre
homines debent, quae ipsorum culpa contracta sunt:
est quiddam in hac re mihi molestius ferendum, quam
tibi. factum est enim mea culpa, contra quam tu
mecum

*mecum & proficiscens, & per litteras egeras, ut
 priore anno non succederetur. quod ego, dum salu-
 ti sociorum consulo, dum impudentiae non nullorum
 negotiatorum resisto, dum nostram gloriam tua
 uirtute augeri, expeto, feci non sapienter, praeser-
 tim cum id commiserim, ut ille alter annus etiam
 tertium posset adducere. quod quoniam peccatum
 meum esse confiteor; est sapientiae, atque humani-
 tatis tuae, curare, & perficere, ut hoc, minus sa-
 pienter a me prouisum, diligentia tua corrigatur.
 Ac si te ipse uehementius ad omnes partes bene au-
 diendi excitaris, non ut cum alijs, sed ut tecum iam
 ipse certes; omnem tuam mentem, curam, cogita-
 tionem, ad excellentem in omnibus rebus laudis cu-
 piditatem incitaris: mihi crede, unus annus additus
 labori tuo, multorum annorum laetitiam nobis, glo-
 riam uero etiam posteris nostris affert. Quapro-
 pter hoc te primum rogo, ne contrahas, aut demit-
 tas animum, ne ue te obrui, tamquam fluctu, sic
 magnitudinem negotij sinas, contraq. erigas, ac re-
 sistas, siue etiam ultro occurras negotijs. neque e-
 nim eiusmodi partem reip. geris, in qua fortuna do-
 minetur, sed in qua plurimum ratio possit, & dili-
 gentia. quod si tibi, bellum aliquod magnum, & pe-
 riculosum administranti, prorogatum imperium ui-
 derem, tremere animo; quod eodem tempore es-
 se intelligere etiam fortunae potestatem in nos pro-
 rogatam. nunc uero ea pars tibi reip. commissa est,
 in qua aut nullam, aut perexiguam partem fortu-*

na tenet, & quae mihi tota in tua uirtute, ac moderatione animi posita esse uideatur. nullas, ut opinor, insidias hostium, nullam proelii dimicationem, nullam defectionem sociorum, nullam inopiam stipendij, aut rei frumentariae, nullam seditionem exercitus pertimescimus: quae persaepe sapientissimis uiris acciderunt; ut, quemadmodum gubernatores optimi uim tempestatis, sic illi fortunae impetum superare non possent. tibi data est summa pax, summa tranquillitas, ita tamen, ut dormientem gubernatorem uel obruere, uigilantem etiam delectare possit. Constat enim ea prouincia primum ex eo genere sociorum, quod est ex hominum omni genere humanissimum; deinde ex eo genere ciuium, qui aut, quod publicani sunt, nos summa necessitudine attingunt; aut, quod ita negotiantur, ut locupletes sint, nostri consulatus beneficio incolumes se fortunas habere arbitrantur. At enim inter hos ipsos existunt graues controuersiae, multae nascuntur iniuriae, magnae contentiones cōsequuntur. Quasi uero ego id putem, non te al. quantū negotij sustinere. intelligo permagnum esse negotium, & maximi consilij: sed memento, consilij me hoc esse negotium magis aliquanto, quam fortunae, putare. quid est enim negotij, continere eos, quibus praesidis, si te ipse contineas? id autem sit magnum, & difficile ceteris, sicut est difficillimum; tibi & fuit hoc semper facillimum, & uero esse debuit; cuius natura talis est, ut etiam sine doctrina uideatur moderata

rata

rata esse potuisse; ea autem adhibita doctrina est, quae uel uitiisissimam naturam excolere possit. tu cum pecuniae, cum uoluptati, cum omnium rerum cupiditati resistes, ut facis; erit, credo, periculum, ne improbum negotiatorem, paullo copidiores publicanum comprimere non possis. nam Graeci quidē si te, ita uiuentem, intuebuntur, ut quendam ex annalium memoria, aut etiam e caelo diuinum hominem esse in provinciam delapsum putent. Atque haec nunc, non ut facias, sed ut te facere, & fecisse gaudeas, scribo. praeclarum est enim, summo cum imperio fuisse in Asia triennium. sic, ut nullum te signum, nulla pictura, nullum uas, nulla uellus, nullum mancipium; nulla forma cuiusquam, nulla condicio pecuniae, quibus rebus abundat ista provincia, ab summa integritate, continentiaque deduxerit. quid autem reperiri tam eximium, aut tam expetendum potest, quam istam uirtutem, moderationem animi, temperantiam non latere in tenebris, neque esse abditam, sed in luce Asiae, in oculis clarissimae provinciae, atque in auribus omnium gentium, ac nationum esse positam? non itineribus tuis perterreri homines, non sumptu exhauriri, non aduentu commoueri; esse, quocumque ueneris, & publice, & priuatim maximam laetitiam; cum urbs custodem, non tyrannum, domus hospitem, non ex-pilatorem recepisse uideatur. His autem in rebus iam te usus ipse profecto erudiuit, nequaquam satis esse ipsum hasce habere uirtutes, sed esse circum-
spiciendum

ſpiciendum diligenter, ut in hac cuſtodia prouinciae non te unum, ſed omnes miniſtros imperij tui ſocijs, ciuibus, & reip. praeflare uideare. quamquam legatos habes eos, qui ipſi per ſe habituri ſint rationem dignitatis ſuae: de quibus honore, & dignitate, & aetate praeflat Tubero: quem ego arbitror, praefertim cum ſcribat hiftoriam, multos ex ſuis analibus poſſe deligere, quos uelit, & poſſit imitari. Allienus autem, noſter cum animo, & beneuolentia, tum uero etiam imitatione uiuendi. Nam quid ego de Gratidio dicam? quem certo ſcio ita laborare de exiſtimatione ſua, ut, propter amorem in nos fraternum, etiam de noſtra labore. Quaefterem habes non tuo iudicio delectum, ſed eum, quem ſors dedit. hunc oportet & ſua ſponte eſſe moderatum, & tuis inſtitutis, ac praeceptis obtemperare. Quorum ſi quis forte eſſet ſordidior, ſerres eatenus quoad per ſe negligeret eas leges, quibus eſt adſtrictus; non ut ea poteſtate, quam tu ad dignitatem permiſſiſſes, ad quaefum uteretur. neque enim mihi ſane placet, praefertim cum hi mores tantum iam ad nimiam leuitatem, & ambitionem incubuerint, ſcrutari te omnes ſordes, excutere unumquemque eorum, ſed, quanta ſit in quoque fides, tantum cuique committere. Atque inter hos, eos, quos tibi comites, & adiutores negotiorum publicorum dedit ipſa reſp. dumtaxat finibus ijs praeftabis, quos ante praefcripſi, quos uero aut ex domeſticis conuictionibus, aut ex neceſſarijs apparitionibus tecum eſſe

uoluisti, qui quasi ex cohorte praetoris appellari, solent, horum non modo facta, sed etiam dicta omnia praestanda nobis sunt, sed habes eos tecum; quos possis recte facientes facile diligere, minus consules existimationi tuae facillime coercere. a quibus, rudis cum esses, uidetur potuisse tua liberalitas decipi. nam ut quisque est uir optimus, ita difficillime esse alios improbos suspicatur. nunc uero tertius hic annus habeat integritatem eandem, quam superiores, cautiorem etiam, ac diligentiorum. Sint aures tuae, quae id, quod audiunt, existimentur audire, non in quas fide, & simulate quaestus causa insusurretur. Sit anulus tuus, non ut uas aliquid, sed tamquam ipse tu; non minister alienae uoluntatis, sed tuis tuae. Accensus sit eo etiam numero, quo cum maiores nostri esse uoluerunt, qui hoc non in beneficii loco, sed in laboris, ac muneris non temere, nisi litteris suis, deferebant; quibus illi quidem non multo secus, ac seruis, imperabant. Sit lictor non suae, sed tuae lenitatis apparitor; maioraque praefereant fasces illi, ac secures dignitatis insignia, quam potestatis. Toti denique sit prouinciae cognitum, tibi omnium, quibus praefis salutem, liberos, famam, fortunas esse carissimas. Denique haec opinio sit, non modo, qui aliquid acceperint; sed ijs etiam, qui dederint, te inimicum. si id cognoueris, futurum. neque uero quisquam dubitabit, cum erit hoc perspectum, nihil per eos, qui simulant se apud te multum posse, abs te solere mperari.

petrari. nec tamen haec oratio mea est eiusmodi, ut te in tuos aut durum esse nimium, aut suspiciosum uelim. nam si quis est eorum, qui tibi biennij spatium numquam in suspicionē auaritiae uenerit, ut ego Caesium, & Chaerippum, & Labeonem & audio, &, quia cognoui, existimo: nihil est, quod non & is, & si quis est alius eiusmodi, & committi, & credi rectissime putem. sed si quis est, in quo iam offenderis, de quo aliquid senseris: huic nihil credideris, nullam partem existimationis tuae commiseris. In provincia curo ipsa si quem es nactus, qui in tuam familiaritatem penitus intrarit, qui nobis ante fuerit ignotus, huic quantum credendum sit, uide: non quin possint multi esse provinciales uiri boni: sed hoc sperare licet, indicare periculosum est. multis enim simulationum inuolucris tegitur, & quasi uelis quibusdam obtenditur uniuscuiusque natura: frons, oculi, uultus persaepe mentiuntur, oratio uero saepissime. quamobrem qui potes reperire ex eo genere hominum, qui pecuniae cupiditate adducti careant ijs rebus omnibus, a quibus nos diuulsi esse non possumus; te autem, alienum hominem, ament ex animo, ac non sui commodi causa simulent? mihi quidem permagnum uidetur. praeserim si iidem homines priuatum non fere quemquam, praetores semper omnes amant. Quo ex genere si quem forte tui cognosti amantiorem, (fieri enim potuit) quam temporis: hunc uero ad tuum numerum libenter adscribito. sin autem id non per-

spicies:

species: nullum erit genus in familiaritate cauendum magis: propterea quod & omnes uias pecuniae norunt; & omnia pecuniae causa faciunt; & quicum uicturi non sunt, eius existimationi consilium non curant. Atque etiam e Graecis ipsis digenter cauendae sunt quaedam familiaritates, praeter hominum perpaucorum, si qui sunt uetere Graecia digni, sic uero fallaces sunt permulti, & leues, & diuturna seruitute ad nimiam assentionem eruditi. quos ego uniuersos adhiberi liberaliter, optimum quæque hospitio, amicitiaque coniungi dico oportere. nimiae familiaritates eorum neque tam fideles sunt; (non enim audent aduersari nostris uoluntatibus) & uero inuident non nostris solum, uerum etiam suis. Iam qui in eiusmodi rebus, in quibus uereor etiam ne durior sim, cantus esse uelim, ac diligens; quo me animo in seruis esse censes? quos quidem cum omnibus in locis, tum praecipue in prouincijs regere debemus. quo de genere multa praecipi possunt: sed hoc & breuissimum est, & facillime teneri potest: ut ita se gerant in istis Asiaticis itineribus, ut si iter Appia uia faceres; ne uel interesse quidquam putent, utrum Tralles, an Formias uenerint. At, si quis est ex seruis egregie fidelis; sit in domesticis rebus, & priuatis: quae res ad officium imperij tui, atque ad aliquam partem reip. pertinebunt, de ijs rebus ne quid attingat. multa enim, quae recte committi seruis fidelibus possunt, tamen, sermonis, & uisitationis uitandae

dae causa, committenda non sunt. Sed nescio quo pacto ad praecipendi rationem delapsa est oratio mea, cum id mihi prepositum initio non fuisset. Quid enim ei praecipiam, quem ego, in hoc praesertim genere, intelligam prudentia non esse inferiorem, quam me, usu uero etiam superiorem? sed tamen, si ad ea, quae faceres, auctoritas accederet mea, tibi ipsi illa putavi fore iucundiora. Quare sunt haec fundamenta dignitatis tuae; tua primum integritas, & continentia; deinde omnium, qui tecum sunt; pudor; delectus in familiaritatibus & provincialium hominum, & Graecorum percautus, & diligens, familiae grauis, & constans disciplina. quae cum honesta sint in his priuatis nostris, quotidianisq. rationibus, in tanto imperio, tam deprauatis moribus, tam corruptrice prouincia, diuina uideantur, necesse est. Haec institutio, atque haec disciplina potest sustinere in rebus statuendis, & decernendis eam severitatem, qua tu in ijs rebus usus es, ex quibus non nullas simultates cum magna mea laetitia susceptas habemus: nisi forte me Paconij nescio cuius, hominis ne Graeci quidem, ac Mysi, aut Phrygis potius, querelis moueri putas, aut Tuscentij, hominis furiosi, ac sordidi uocibus; cuius tu ex impurissimis faucibus inhoneatissimam cupiditatem eripuisti summa cum acuitate. Haec, & cetera plena seueritatis, quae statuisi in ista prouincia, non facile sine summa integritate sustineremus. quare sit summa in iure dicendo seueritas, dum mo-

do ea ne uarietur gratia, sed conseruetur aequabilis. sed tamen parui refert, abs te ipso ius dici aequaliter, & diligenter, nisi idem ab ijs fiet, quibus tu eius muneris aliquam partem concesseris. Ac mihi quidem uideretur non sane magna uerietas esse negotiorum in administranda Asia, sed ea tota iuris dictione maxime sustinere. in qua scientiae, praesertim prouincialis, ratio ipsa expedita est: constantia est adhibenda, & grauitas, quae resistat non solum gratiae, uerum etiam suspicioni. Adiungenda etiam est facilitas in audiendo, lenitas in discernendo, in satisfaciendo, ac disputando diligentia. his rebus nuper Cn. Octauius iucundissimus fuit: apud quem primus lictor quieuit, tacuit accensus; quoties quisque uoluit, dixit, & quam uoluit diu. quibus ille rebus fortasse nimis lenis uideretur, nisi haec lenitas illa seueritate tueretur. cgebantur Sylani homines, quae per uim, & metum abstulerant, reddere. qui in magistratibus iniuriose decreuerat, eodem ipsis priuatis erat iure parendum. haec illius seueritas acerba uideretur, nisi multis condimentis humanitatis mitigaretur. quod si haec lenitas grata Romae est, ubi tanta arrogantia est, tam immoderata libertas, tam infinita hominum licentia, denique tot magistratus, tot auxilia, tanta uis, tanta senatus auctoritas: quam iucunda tandem praetoris comitas in Asia potest esse? in qua tanta multitudo ciuium, tanta sociorum, tot urbes, tot ciuitates unius hominis nutum intuentur: ubi nullum

auxilium est, nulla conquestio, nullus senatus, nulla
 concio. quare permagni hominis est, & cum ipsa
 natura moderatu, tum uero etiam doctrina, atque
 optimarum artium studijs eruditi, sic se adhibere
 in tanta potestate, ut nulla alia potestas ab ijs, qui-
 bus is praesit, desideretur. Cyrus ille a Xenophonte
 non ad historiae fidem scriptus, sed ad effigiem iusti
 imperij: cuius summa grauitas ab illo Philosopho
 cum singulari comitate coniungitur: quos quidem
 libros non sine caussa noster ille Africanus de mani-
 bus ponere non solebat. nullum est enim praetermis-
 sum in ijs officium diligentis, & moderati imperij.
 eaq. si sic coluit ille, qui priuatus futurus numquam
 fuit: quonam modo retinenda sunt ijs, quibus impe-
 rium ita datum est, ut redderent, & ab ijs legibus
 datum est, ad quas reuertendum est? Ac mihi
 quidem uidentur huc omnia esse referenda ijs, qui
 praesunt alijs, ut ij, qui eorum in imperio erunt,
 sint quambeatissimi: quod tibi & esse antiquissi-
 mum, & ab initio fuisse, ut primum Asiam atti-
 gisti, constante fama, atque omnium sermone cele-
 bratum est. Est autem non modo eius, qui socijs,
 & ciuibus, sed etiam eius, qui seruis, qui minutis
 pecudibus praesit, eorum, quibus praesit, commo-
 dis, utilitatiq. seruire. cuius quidem generis, con-
 stare inter omnes uideo, ab te summam adhiberi
 diligentiam, nullum aes alienum nouum contrahi
 ciuitatibus, uetere autem magno, & graui multas
 abs te esse liberatas: urbes complures dirutas, ac
 paene

paene desertas, in quibus unam Ioniae nobilissimā, alteram Cariae, Samum, & Halycarnassum, per te esse recreatas: nullas esse in opidis seditiones, nullas discordias: prouideri ab te, ut ciuitetes optimatum consilijs administrarentur: sublatis Mysiae latrocinia, caedes multis locis repressas, pacem tota prouincia constitutam, neque solum illa itinerum, atque agrorum, sed multo etiam plura, & maiora opidorum & furti, & latrocinia esse depulsa: remotam a fama, & a fortune, & ab otio locupletum illam acerbissimam, ministram praetorum auaritia, calumniam: sumptus, & tributa ciuitatum ab omnibus, qui earum ciuitatum fines incolant, tolerari aequaliter: facillimos esse aditus ad te: patere aures tuas querellis omnium: nullius inopiam, ac sollicitudinem non modo illo populari accessu, ac tribunali, sed ne domo quidem, & cubiculo esse exclusam tuo; toto denique imperio nihil acerbum esse, nihil crudele, atque omnia plena clementiae, mansuetudinis, humanitatis. quantum uero illud est beneficium tuum, quod iniquo, & graui uetigali aediliciorum, magnis nostris simultatibus, Asiam liberaſti? Enimuero, si unus homo nobilis queritur palam, te, quod edixeris, ne ad ludos pecuniae decernerentur, HS c c sibi eripuisse: quanta tandem pecunia penderetur, si omnium nomine; quicumque Romae ludos facerent, quod erat iam institutum, erogaretur? Quamquam has querellas hominum nostrorum illo consilio oppressimus, quod in

Asia nescio quonam modo, Romae quidem non mediocri cum admiratione laudatur; quod, cum ad templum, monumentumq. nostrum ciuitates pecunias decreuissent; cumq. id & pro magnis meis meritis, & pro tuis maximis beneficijs summa sua uoluntate fecissent; nominatimq. lex exciperet, ut ad templum, monumentumq. capere liceret; cumq. id, quod dabatur, non esset interiturum, sed in ornamentis templi futurum; ut non mihi potius, quam populo R. ac dijs immortalibus datum uideretur; tamen id, in quo erat dignitas, erat lex, erat eorum, qui faciebant, uoluntas, accipiendum non putaui, cum alijs de causis, tam etiam ut animo aequiore ferrent ijs, quibus nec deberetur, nec liceret. Quapropter incumbe toto animo, & studio omni in eam rationem, qua adhuc usus es, ut eos, quos tuae fidei, porestatiq. senatus, populusq. R. commisit, & credidit, diligas, & omni ratione tueare, ut esse quambeatissimos uelis. quod si te fors Asris, aut Hispanis, aut Gallis praefecisset, immanibus, ac barbaris nationibus: tamen esset humanitatis tuae, consulere eorum commodis, & utilitati, salutiq. seruire. cum uero ei generi hominum praesimus, non modo in quo ipsa sit, sed etiam a quo ad alios peruenisse putetur humanitas: certe ijs ea potissimum tribuere debemus, a quibus accepimus. non enim me hoc iam dicere pudebit, praesertim in ea uita, atque in ijs rebus gestis, in quibus non potest residere inertiae, aut leuitatis ulla suspicio, nos
ea,

ea: quae consecuti sumus, ijs studijs, & artibus esse adeptos, quae sint nobis Graeciae monumentis disciplinisq. traditae. Quare, praeter communem fidem, quae omnibus debetur, praeterea nos isti hominum generi praecipue debere uidemur; ut, quotum praeceptis simus eruditi. apud eos ipsos, quod ab ijs didicerimus, uelimus expromere. Atque ille quidem princeps ingenij, & doctrinae Plato tum denique fore beatas resp. putauit, si aut docti, & sapientes homines eas regere coepissent, aut, qui regerent, omne suum studium in doctrina, ac sapientia collocassent. hanc coniunctionem uidelicet potestatis, & sapientiae, saluti censuit ciuitatibus esse posse. quod factasse aliquando uniuersae reip. nostrae, nunc quidem profecto isti prouinciae contigit, ut is in ea summam potestatem haberet, cui in doctrina, cui in uirtute, atque humanitate percipienda plurimum a pueritia studij fuisset, & temporis. Quare cura, ut hic annus, qui ad laborem tuum accessit, idem ad salutem Asiae prorogatus esse uideatur. quoniam in te retinendo fuit Asia felicior, quam nos in deducendo; perface, ut laetitia prouinciae desiderium nostrum leniatur. etenim, si in promerendo ut tibi tanti honores haberentur, quanti haud scio an nemini, fuisti omnium diligentissimus; multo maiorem in his honoribus tuendis adhibere diligentiam debes. Equidem, de isto genere honorum quid sentirem, scripsi ad te ante. semper eos putauimus, uulgares essent, uiles; si temporis causa

constituerentur, leues: si uero, id quod ita factum est meritis tuis tribuerentur, existimabam multam tibi in ijs tuendis operam esse ponendam. Quare, quoniam in istis urbibus cum summo imperio, & potestate uersaris, in quibus tuas uirtutes consecratas, & in deorum numero collocatas uides, in omnibus rebus, quas statues, quas decernes, quas ages, quistantis hominum opinionibus, tantis de te iudicijs, tantis honoribus debeas, cogitabis. id autem erit eiusmodi, ut consulas omnibus, ut medeare incommodis hominum, prouideas saluti, ut te parentem Asiae & dici, & haberi uelis. Atque huic tuae uoluntati, ac diligentiae difficultatem magnam afferunt publicani: quibus si aduersamur, ordinem de nobis optime meritum, & per nos cum rep. coniunctum, & a nobis, & a rep. disiungemus. sin autem omnibus in rebus obsequimur; funditus eos perire patiemur, quorum non modo saluti, sed etiam commodis consulere debemus. Haec est una, si uere cogitare uolumus, in toto imperio tuo difficultas. nam, esse abstinentem, continere omnes cupiditates, suos coercere, & iuris aequabilem tenere rationem, facilem te in rebus cognoscendis, in hominibus audiendis, admittendisq. praebeere, praeclarum magis est, quam difficile. non est enim positum in labore aliquo, sed in quadam inductione animi, atque uoluntate. Illa causa publicanorum quantam acerbiter afferrat focys, intelleximus ex ciuibus, qui nuper in portorjs Italiae tollendis
non

non tam de portorio, quam de non nullis iniurijs portitorum querebantur. quare non ignoro, quid socijs accadat in ultimis terris, cum audiuerim in Italia querellas ciuium. Hic te ita uersari, ut & publicanis satisfacias, praesertim publi is male redemptis, & socios perire non sinas, diuinae cuiusdam uirtutis esse uidetur, id est tuae. Ac primum Graecis id, quod acerbissimum est, quod sunt uectigales, non ita acerbum uideri debet: propterea quod sine imperio populi R. suis institutis per se ipsi ita fuerunt: nomen autem publicani aspernari non possunt, qui pendere ipsi uectigal sine publicano non potuerunt, quod ijs aequaliter Sylla descripserat. non esse autem leniores in exigendis uectigalibus Graecos quam nostros publicanos, hinc intelligi potest, quod Caunij nuper omnes ex insulis, quae erant ab Sylla Rhodijs attributae, confugerunt ad senatum, nobis ut potius uectigal, quam Rhodijs, penderent. quare nomen publicani neque ij debent horrere, qui semper uectigales fuerunt; neque ij aspernari, qui per se pendere uectigal non potuerunt; neque ij recusare, qui postulauerunt. simul & illud Asia cogitet, nullam a se neque belli externi, neque discordiarum domesticarum calamitatem abfuturam fuisse, si hoc imperio non teneretur. id autem imperium cum retineri sine uectigalibus nullo modo possit, aequo animo parte aliqua suorum fructuum pacem sibi sempiternam redimat, atque otium. Quod si genus ipsum, & nomen publicani non

iniquo animo sustinebunt; poterunt ijs consilio, & prudentia tua reliqua uideri mitiora. possunt in patientiis faciendis non legem spectare censoriam, sed potius commoditatem conficiendi negotij, & liberationem molestiae. potes etiam tu id facere, quod & fecisti egregie, & facis, ut commemores quanta sit in publicanis dignitas, quantum nos illi ordini debeamus; ut, remoto imperio, ac ui potestatis & fascium, publicanos cum Graecis gratia, atque auctoritate coniungas. sed & ab ijs, de quibus optime tu meritus es, & qui tibi omnia debent, hoc petas, ut facilitate sua nos eam necessitudinem, quae est nobis cum publicanis, obtinere, & conseruare patiantur. Sed quid ego te haec hortor, quae tu non modo facere potes tua sponte sine cuiusquam praeceptis, sed etiam magna iam ex parte perfecisti? non enim desistunt nobis agere quotidie gratias honestissimae, & maximae societates. quod quidem mihi iccirco iucundius est, quod idem faciunt Graeci. difficile est autem, ea, quae commodis, utilitate, & prope natura diuersa sunt, uoluntate coniungere. At ea quidem, quae supra scripta sunt, non, ut te instituerem, scripsi: (neque enim prudentia tua cuiusquam praecepta desiderat) sed me inscribendo commemoratio tuae uirtutis delectauit. quamquam in his litteris longior fui, quam aut uellem, aut quam me putauit fore. Vnum est, quod tibi ego praecipere non desinam; neque te patiar, quantum in me erit, cum exceptione laudari. omnes enim,

enim, qui istinc ueniunt, ita de tua uirtute, integritate, humanitate commemorant, ut in tuis summis laudibus excipiant unam iracundiam. quod uitium cum in hac priuata, quotidianaq. uita leuis esse animi, atque infirmi uidetur: tum uero nihil est tam deforme, quam ad summum imperium etiam acerbiter naturae adiungere. quare illud non suscipiam, ut, quae de iracundia dici solent a doctissimis hominibus, ea tibi nunc exponam; cum & nimis longus esse nolim, & ex multorum scriptis ea facile possis cognoscere. illud, quod est epistolae proprium, ut is, ad quem scribitur, de ijs rebus, quas ignorat, certior fiat, praetermittendum esse non puto. Sic ad nos omnes fere deferunt, nihil, cum absit iracundia, te fieri posse iucundius; sed, cum te alicuius improbitas, perversitasq. commouerit, sic te animo incitasti, ut ab omnibus tua desideretur humanitas. quare, quoniam in eam rationem uitae nos nō tam cupiditas quaedam gloriae, quam res ipsa, ac fortuna deduxit, ut sempiternus sermo hominum de nobis futurus sit: caueamus, quantum efficere, & consequi possumus, ut ne quod in nobis insigne uitium fuisse dicatur. Neque ego hoc nunc contendo, quod fortasse cum in omni natura, tum iam in nostra aetate difficile est, mutare animum, et, si quid est penitus insitum moribus, id subito euellere: sed te illud admoneo, ut, si hoc plene uitare non potes, quod ante occupatur animus ab iracundia, quam providere ratio potuit, ne

occu-

occuparet ; ut te ante compares , quotidieq. meditare , resistendum esse iracundiae ; cumq. ea maxime animum moueat , tum tibi esse diligentissime linguam continendam ; quae quidem mihi uirtus non interdum minor uidetur , quam omnino non irasci , nam illud est non solum grauitatis , sed nō numquam etiam lentitudinis . moderari uero & animo , & orationi , cum sis iratus , aut etiam tacere , & tenere in sua potestate motum animi , & dolorem , etsi non est perfectae sapientiae , tamen est non mediocris ingenij . atque in hoc genere multo te esse iam commodiorem , mitioremq. nunciant . nullae tuae uehementiores animi concitationes , nulla maledicta ad nos , nullae contumeliae perferuntur : quae enī abhorrent a litteris , ab humanitate , tum uero contraria sunt imperio , ac dignitati . nam si implacabiles sunt iracundiae , summa est acerbitas : sin autem exorabiles , summa liuitas : quae tamen , ut in malis , acerbitati anteponenda est . Sed quoniam primus annus habuit de hac reprehensione plurimum sermonis ; credo propterea , quod tibi hominum iniuriae , quod auaritia , quod insolentia praeter opinionem accidebat , & intolerabilis uidebatur ; secundus autem multo lenior ; quod & consuetudo , & ratio , & , ut ego arbitror , meae quoque litterae te patientiorem , lenioremq. fecerunt , tertius annus ita esse debet emendatus , ut ne minimam quidem rem quisquam possit ullam reprehendere . Ac iam hoc loco non hortatione , neque praeceptis , sed precibus tecum fraternis

fraternis ago, totum ut animum, curam, cogitationemq. tuam ponas in omnium laude undique colligenda. quod si in mediocri statu sermonis, ac praedicationis nostrae res essent; nihil abs te eximium, nihil praeter aliorum consuetudinem postularetur. nunc uero, propter earum rerum, in quibus uersati sumus, splendorem, & magnitudinem, nisi summam laudem ex ista pronincia assequimur; uix uidemur summam uituperationem posse uitare. ea nostra ratio est, ut omnes boni cum saueant, tum etiam a nobis omnem diligentiam, uirtutemq. & postulent, & expectent; omnes autem improbi, quod cum ijs bellum suscepimus sempiternum, uel minimare ad reprehendum contenti esse uideantur. Quare, quoniam eiusmodi theatrum est totius Asiae, celebritate refertissimum, magnitudine amplissimum, iudicio eruditissimum, natura autem ita resonans, ut usque Romam significationes, uocesq. referantur: contende, quaeso, atque elabora, non modo ut his rebus dignus fuisse, sed etiam ut illa omnia tuis artibus superasse uideare. Et quoniam mihi casus urbanam in magistratibus administrationem recip. tibi prouincialem dedit; & si mea pars nemini cedit; fac, ut tua ceteros uincat. Simul & illud cogita, nos non de reliqua, & sperata gloria iam labore, sed de parta dimicare: quae quidem non tam expetenda fuit, quam tuenda nobis est. Ac si mihi quidquam esset abs te separatum, nihil amplius desiderarem

rarem hoc statu, qui mihi iam partus est: nunc uero res sic sese habet, ut, nisi omnia tua facta, atque dicta nostris rebus istinc respondeant, ego me tantis meis laboribus, tantisq. periculis, quorum tu omnium particeps fuisti, nihil consecutum putem. quod si, ut amplissimum nomen consequeremur, unus praeter ceteros adiuuisti: certe idem, ut id retineamus, praeter ceteros elaborabis. non est tibi his solis utendum existimationibus, ac iudicijs, qui nunc sunt, hominum, sed ijs etiam, qui futuri sunt, quamquam illorum erit uerius iudicium, obtreffatione, & malenolentia liberatum. Denique illud etiam debes cogitare, non te tibi soli gloriam quaerere: quod si esset, tamen non negligeres, praesertim cum amplissimis monumentis consecrare uoluisses memoriam nominis tui: sed ea tibi est communicanda mecum, prodenda liberis nostris: in qua cauendum est, ne, si negligentior fueris, non solum tibi parum consuluisse, sed tuis etiam inuidisse uidearis. Atque haec non eo dicuntur, ut te oratio mea dormientem excitasse, sed potius ut currentem incitasse uideatur. facies enim perpetuo, quae fecisti, ut omnes aequitatem tuam, temperantiam, seueritatem, integritatemq. laudent. sed me quaedam tenet, propter singularem amorem, infinita in te auiditas gloriae. quamquam illud existimo, cum iam tibi Asia; sicut unicuique sua domus, nota esse debeat; cum ad tuam summam prudentiam tantus usus accesserit; nihil esse, quod ad laudem attineat,

— quod

quod non tu optime perspicias, & tibi non, sine cuiusquam hortatione, in mentem ueniat quotidie. Sed ego, qui, cum tua lego, te audire, & qui, cum ad te scribo, tecum loqui uideor, iccirco & tua longissima quaque epistola maxime delector, & ipse in scribendo saepe sum longior. Illud te ad extremum & oro, & hortor, ut, tamquam poetae boni, & actores industrij solent, sic tu in extrema parte, & conclusionem muneris, ac negotij tui, diligentissimus sis; ut hic tertius annus imperij tui, tamquam tertius actus, perfectissimus, atque ornatissimus fuisse uideatur. id facillime facies, si me, cui semper uni magis, quam uniuersis, placere uoluisti, tecum semper esse putabis, & omnibus ijs rebus, quas dices, ac facies, interesse. Reliquum est, ut te orem, ut ualitudini tuae, si me, & omnes tuos ualere uis, diligentissime seruias.

MARCVS S. D. QVINCTO FRATRI. 2

STATIVS ad me uenit ad VIII. kal. Nov. eius aduentus, quod ita scripsisti, direptum iri te a tuis, dum is abesset, molestus mihi fuit. Quod autem expectationem tui, concursumq. eum, qui erat futurus, si una tecum decederet, neque antea uisus esset, sustulit, id mihi non incommode usum est accidisse. exhaustus est enim sermo hominum: & multae emissae iam eiusmodi uoces ἀλλ' αἰεὶ τινα εἰς τὸ πύριον. quae te absente cōsecta esse laetor. Quod autem iccirco a te missus est, mihi ut se purgaret; id necesse

necesse minime fuit. primum enim numquam ille mihi
 fuit suspectus: neque ego, quae ad te de illo scripsi,
 scripsi meo iudicio: sed cum ratio, salusque omni-
 nium nostrum, qui ad remp. accedimus, non ueri-
 tate solum, sed etiam fama niteretur; sermones ad
 te aliorum semper, non mea iudicia, perscripsi.
 qui quidem quam frequentes essent, & quam gra-
 ues, aduentu suo Statius ipse cognouit. etenim in-
 teruenit non nullorum querellis, quae apud me de
 illo ipso habebantur; & sentire potuit, sermones
 iniquorum in suum potissimum nomen erumpere.
 Quod autem me maxime mouere solebat, cum au-
 diebam illum plus apud te posse, quam grauitas il-
 lius aetatis, & imperij prudentia postularet: quam
 multos enim mecum egisse putas, ut se Statius com-
 mendarem? quam multa autem ipsum ἀπαλῶς me-
 cum in sermone ita protulisse? id mihi non placuit;
 monui, suasi, deterrui. quibus in rebus etiam si fi-
 delitas summa est; quod prorsus credo, quoniam tu
 ita iudicas: tamen species ipsa tam gratiosi liberti,
 aut serui dignitatem habere nullam potest. Atque
 hoc sic habeto, (nihil enim nec temere dicere, nec
 astute reticere debet) materiam omnem sermonum
 eorum, qui de te detrabere uelint, Statium dedis-
 se: & antea tantum intelligi potuisse, iratos tuas
 seueritati esse non nullos; hoc manumisso, iratis,
 quod loquerentur, non defuisse. Non respondebo
 ad eas epistolas, quas mihi reddidit L. Caesius: cui
 quoniam ita te uelle intelligo, nullo loco deero. qua-

rum altera est de Blaudentio Zeuxide : quem scribis certissimum matricidam tibi a me intime commendari . qua de re , & de hoc genere toto , ne forte me in Graecos tam ambitiosum factum esse mirere , pauca cognosce . Ego , cum Graecorum querellas nimis ualere sentirem , propter omnium ingenia ad fallendum parata ; quoscumque de te queri audiui , quacumque potui ratione placavi . primum Dionysipolitas , qui erant inimicissimi mei , leniui ; quorum principem Hermippum non solum sermone meo ; sed etiam familiaritate deuinxi . Ego Apamensem Hephaestum , ego leuissimum hominem Megaristia Antandrium , ego Niciam Smyrnaeum , ego nugae maximas omni mea comitate coplexus sum , Nymphontem etiam Colophonium . quae feci omnia , non quo me aut ij homines , aut tota natio delectaret . pertaesum est enim leuitatis , assentionis , animorum non officijs , sed temporibus seruientium . sed , ut ad Zeuxim reuertar , cum is de M. Casellij sermone secum habito , quae tu scribis , ea ipsa loqueretur , obstiti eius sermoni , & hominem in familiaritatem recepi . Tua autem quae fuerit cupiditas tanta , nescio , quod scribis , cupisse te , quoniam Smyrnae duos Mysos insuisses in culeum , simile in superiore parte prouinciae edere exemplum seueritatis tuae , & iccirco Zeuxim elicere omni ratione uoluisse : quem , adductum in iudicium , fortasse diuitti non oportuerit ; conquiri uero , & elici blandicijs , ut tu scribis , ad iudicium necesse non fuit , cum praesetum hominem ,

hominem, quem ego & ex suis ciuibus, et ex multis alijs quotidie magnis cognosco nobiliorem prope esse, quam ciuitatem suam. At enim Graecis solis indulgeo. quid L. Caecilium? non ne omni ratione placui? quem hominem? qua ira? quo spiritu? quem denique, praeter Tuscenium, cuius caussa sanari nō potest, non mitigui? ecce supra caput homo leuis, ac sordidus, sed tamen equestri censu, Catienus. etiam is lenietur. cuius tu in patrem quod fuisti asperior, non reprehendo. certo enim scio, te fecisse cum caussa. sed quid opus fuit eiusmodi litteris, quas ad ipsum misisti? illum crucem sibi ipsi constituere, ex qua tu eum ante detraxisses: te curaturum, summo ut combureretur, tota plaudente prouincia. Quid uero ad C. Fabium nescio quem? (nam eam quoque epistolam T. Catienus circumgestat) renunciari tibi, Licinium plagiarium cum suo paullo Miluino tributa exigerer. deinde rogas Fabium, ut & patrem, & filium uiuos combarat, si possit: sin minus, ad te mittat, uti iudicio comburantur. haec litterae abs te per iocum missae ad C. Fabium, si modo sunt tuae, cum leguntur, inuidiosam atrocitatem uerborum habent. ac si omnium mearum litterarum praecepta repetes, intelliges esse nihil a me, nisi orationis acerbitatem, & iracundiam, & si forte, raro litterarum missarum indiligentiam reprehensam. quibus quidem in rebus si apud te plus auctoritas mea, quam tua siue natura paullo acrior, siue quaedam dulcedo iracundiae, siue dicendi sal, facetiaeq.

ceti
ret.
qua
Oed
cens
atque
inno
neue
tis
sum
sper
quan
cede
quae
fore
tu tu
te se
omn
trar
re a
tior
dele
lette
hoc
enim
mon
cum
man
tur

cetiaeq. ualuisſent: nihil ſane eſſet, quod nos paeniret. & mediocri dolore putas affici, cum audiam, qua ſit exiſtimatione Virgilius, qua tuus uicinus C. Octanius? nam ſi te interioribus uicinis tuis, Cili- cenſi, & Syriaco antepoſis; ualde magnum facis. atque is dolor eſt, quod, cum ij, quos nominauimus, te innocentia non uincant, uincunt tamen artificio beneuolentiae colligendae; qui neque Cyrum Xenophon- tis, neque Ageſilaum nouerint; quorum regum ſummo in imperio nemo umquam uerbum ullum aſperius audiuit. ſed haec a principio tibi praecipiens, quantum profecerim, non ignoro. nunc tamen de- cedens, id quod mihi iam facere uideris, relinque, quaefo, quam iucundiſſimam memoriam tui. ſucceſ- ſorem habes perblandum. cetera ualde illius aduen- tu tuo requirentur. In litteris mittendis, ut ſaepe ad te ſcripſi, nimium te inexorabilem praebuisti. tolle omnes, ſi potes, iniquas, tolle inuiſitas, tolle con- trarias. Statius mihi narrauit, ſcriptas ad te ſole- re afferri, ab ſe legi, & ſi iniquae ſint, fieri te cer- tiorem: ante quam uero ipſe ad te ueniſſet, nullum delectum litterarum fuiſſe; ex eo eſſe uolumina ſe- lectarum episto- larum, quae reprehendi ſolerent: hoc de genere nihil te nunc quidem moneo: ſero eſt enim: ac ſcire potes, multa me uarie, diligenterq. monuiſſe: illud tamen, quod Theopompo mandauimus, cum eſſem admonitus ab ipſo, uide per homines a- mantes tui, quod eſt facile, ut haec genera tollan- tur episto- larum primum iniquarum, deinde con-

trariarum, tum absurde, & inusitate scriptarum, postremo in aliquem contumeliosarum. Atque haec tam esse, quam audio, non puto: & si sunt, occupationibus tuis minus animaduersa; nunc perspice & purga. Legi epistolam, quam ipse scripsisse Sylla nomenclator dictus est, non probandam. legi non nullas iracundas. Sed tempore ipso de epistolis: nam cum hanc paginam tenerem, L. Flavius, praetor designatus, ad me uenit, homo mihi ualde familiaris: is, mihi te ad procuratorem suos litteras misisse, quae mihi uisae sunt iniquissimae, ne quid de bonis, quae L. Octauij Nasonis fuissent, cui L. Flavius heres est, deminuerent ante, quam C. Fundanio pecuniam soluissent; itemq. misisse ad Apollonien- ses. ne de bonis, quae Octauij fuissent, deminui paterentur prius, quam Fundanio debitum solutum esset. haec mihi uerisimilia non uidentur: sunt enim a prudentia tua remotissima. ne deminuat heres? quid, si inficiatur? quid, si omnino non debet? quid? praetor solet iudicare, deberi? quid? ego Fundanio non cupio? non amicus sum? non misericordia moueor? nemo magis: sed uia iuris eiusmodi est quibusdam in rebus, ut nihil sit loci gratiae. atque ita, mihi dicebat Flavius, scriptum in ea epistola, quam tuam esse dicebat; te aut, quasi amicis tuis, gratias acturum, aut, quasi inimicis, incommoda laturum. quid multa? ferebat grauiter: id uehementer mecum querebatur: orabatque, ut ad te quamdiligentissime scriberem: quod facio; & te prorsus uehementer

menter etiam atque etiam rogo, ut & procuratori-
bus Flauij remittas de deminuendo, & Apollonien-
sibus ne quid praescribas, quod contra Flauium sit
amplius, & Flauij causa, & scilicet Pompeij fa-
cias omnia. nolo mediusfidius ex tua iniuria in il-
lum tibi liberalem me uideri. sed & te oro, ut tu
ipse auctoritatem, & monumentum aliquod decre-
ti, aut litterarum tuarum relinquo, quod sit ad
Flauij rem, & ad causam accommodatum. fert e-
nim grauer homo & mei obseruantissimus, & sui
iuris dignitatisq. retinens, se apud te neque amici-
tia, neque iure ualuisse. & ut opinor, Flauij aliquan-
do rem & Pompeius, et Caesar tibi commendarunt;
et ipse ad te scripserat Flauius, & ego certe. quare,
si ulla res est, quam tibi me faciendam petente putes;
haec ea sit. si me amas, cura, elabora, perfice, ut
Flauius & tibi, & mihi quammaximas gratias
agat. hoc te ita rogo, ut maiore studio rogare non
possim. Quod ad me de Hermia scribis, mihi me-
hercule ualde molestum fuit. Litteras ad te parum
fraterne scripseram; quas, oratione Diodoti, Lu-
culli liberti, commotus, de pactione statim quod
audieram, iracundius scripseram; & reuocare cu-
piebam. huic tu epistolae, non fraterne scriptae, fra-
terne debes ignoscere. De Censorino, Antonio, Cas-
sio, Scaenola, te ab ijs diligi, ut scribis, uehen-
ter gaudeo. cetera fuerunt in eadem epistola gra-
uiora, quam uellem. ὁπδὰν ἴδῃς καὶ ἄλλα, & ἄλλα δὲ καὶ ἄλλα.
maiora ista erunt. Meae obiurgationes fuerunt amo-

vis plenissimae, quae sunt non nulla, sed tamen medio-
 cria, & parua potius. ego te numquam ulla in re
 dignum minima reprehensione putassem, cum te
 sanctissime gereres, nisi inimicos multos haberem-
 mus. quae ad te aliqua admonitione, aut obiurga-
 tione scripsi, scripsi propter diligentiam cautionis
 meae; in qua & maneo, & manebo; & idem ut
 tu facias, non desistam rogare. Aitalus Hyphe-
 menus mecum egit, ut se ne impedires, quo minus,
 quod ad Q. Publiceni statuam decretum est, eroga-
 retur, quod ego te rogo, & admoneo, ne talis uiri,
 tamq. nostri necessary honorem minui per te, aut
 impediri uelis. Praeterea Aesopi tragoedi, nostri
 familiaris, Licinius seruus, tibi notus, ausugit. is
 Athenis apud Patronem Epicureum pro libero fuit:
 inde in Asiam uenit: postea Plato quidam Sardia-
 nus, Epicureus, qui Athenis solet esse multum, &
 qui tum Athenis fuerat, cum Licinius eo uenisset;
 cum eum fugitiuum postea esse ex Aesopi litteris co-
 gnosset, hominem comprehendit, & in custodiam E-
 phesi tradidit, sed in publicam, uel in pistrinum, non
 satis ex litteris eius intelligere potuimus. tu, quo-
 quo modo, quoniam Ephesi est, hominem inuesti-
 ges uelim, summaq. diligentia uel tecum deducas.
 noli spectare, quanti homo sit: parui enim pretij est,
 qui iam nihil sit: sed tanto dolore Aesopus est affe-
 ctus propter serui scelus, & audaciam, ut nihil ei
 gratius facere possis, quam si illum per te recupera-
 rit. Nunc ea cognosce, quae maxime exoptas.

Remp.

Remp. funditus amisimus, adeo, ut Cato adolescens, nullius consilij, sed tamen ciuis Romanus, & Cato, uix uiuus effugeret, quod, cum Gabinium de ambitu uellet postulare, neque praetores diebus ali quot adiri possent, uel potestatem sui facerent, in concionem adscendit, & Pompeium priuatus dicta torem appellauit, propius nihil est factum, quam ut occideretur. ex hoc, qui sit status totius reip. uidere potes. nostrae tamen caussae non uidetur homines defuturi: mirandum in modum profitentur, offerunt se, pollicentur. & quidem cum spe sum maxima, tum maiore etiam animo. spero superiores fore nos: confido animo, ut in hac rep. ne casum quidem ullum pertimescam. sed tamen se res sic habet. si diem nobis Clodius dixerit, tota Italia concurret, ut multiplicata gloria discedamus: sin autem ui agere conabitur, spero fore studijs non solum amicorum, sed etiam alienorum, ut ui resistamus. omnes & se, & suos liberos, amicos, clientes, libertos, seruos, pecunias denique suas pollicentur. nostra antiqua manus bonorum ardet studio nostri, atque amore. si qui antea aut alieniores fuerant, aut languidiores, nunc, horum regum odio, se cum bonis coniungunt. Pompeius omnia pollicetur, & Caesar: quibus ego ita credo, ut nihil de mea comparatione deminuum. tribuni pl. des. sunt nobis amici. consules se optime ostendunt. praetores habemus amicissimos, & acerrimos ciues, Domitium, Nigidium, Memmium, Lentulum, bonos etiam alios,

sed hos singulares . quare magnum fac animum habeas , & spem bonam . de singulis tamen rebus , quae quotidie gerantur , faciam te credo certioré . Vale .

MARCUS S. D. QVINTO FRATRI . 4

MI FRATER , mi frater , mi frater , tu ne id ueritus es , ne ego iracundia aliqua adductus pueros ad te sine litteris miserim ? aut etiam , ne te uidere noluerim ? ego tibi irascerer ? tibi ego possem irasci ? scilicet . tu enim me afflixisti , tui me inimici , tua me inuidia ; ac non ego te misere perdidici . meus ille laudatus consulatus mihi te , liberos , patriam , fortunas , tibi uelim ne quid eripuerit praeter unum me , sed certe a te mihi omnia semper honesta , & iucunda ceciderunt ; a me tibi luctus meae calamitatis , metus tuae , desiderium , maeror , sollicitudo . ego te uidere noluerim ? immo uero me a te uideri nolui . non eum uidisses fratrem tuum ; non eum , quem reliqueras ; non eum , quem noras ; non eum , quem flens flentem , prosequetem proficiscens dimiseras , ne uestigium quidem eius , nec simulacrum , sed quandam effigiem spirantis mortui . atque utinam me mortuum prius uidisses , aut audisses . utinam te non solum uitae , sed etiam dignitatis meae superstitem reliquisset . sed testor omnes deos , me hac una uoce a morte esse reuocatum , quod omnes in mea uita partem aliquam tuae uitae repositam esse dicebant . quare peccaui , scelerateq. feci , nam , si cecidissem , mors ipsa meam pietatem , amoremq. in te facile de-

defenderet . nunc commisi , ut uiuo me careres , uiuo me alijs indigeres , mea uox in domesticis periculis potissimū occideret , quae saepe alienissimis praesidio fuisset . Nam quod ad te pueri sine litteris uenerunt , quoniam uides non fuisse iracundiae caussa , certe pigritia fuit , & quaedam infinita uis lacrymarum , & dolorum . haec ipsa me quo fletu putas scripsisse ? eodem , quo te legere certo scio . an ego possem aut non cogitare aliquando de te , aut umquam sine lacrymis cogitare ? cum enim te desidero , fratrem solum desidero . ego uero suauitate prope fratrem , prope aequalem , obsequio filium , consilio parentem . quid mihi sine te umquam , aut tibi sine me iucundum fuit ? quid , quod eodem tempore desidero suam ? qua pietate , qua modestia , quo ingenio ? effigiem oris , sermonis , animi mei . quid filium uenustissimum , mihiq. dulcissimum ? quem ego ferus ; ac ferreus e complexu dimisi meo , sapientiores puerum , quam uellem : sentiebat enim miser iam , quod ageretur . quid uero tuum filium ? quid ? imaginem meam ; quem meus Cicero & amabat ut fratrem , et iam , ut maiorem fratrem , uerebatur . quid , quod mulierem miserrimam , fidelissimam coniugem me prosequi non sum passus ; ut esset , quae , reliquias communis calamitatis , communes liberos tueretur ? Sed tamen , quoquo modo potui , scripsi , & dedi litteras ad te Philogono , liberto tuo , quas credo tibi postea redditas esse : in quibus idem te hortor , & rogo , quod pueri tibi uerbis meis nunciarunt , ut Ro-

mam protinus pergas, & properes. primum enim
 te praesidio esse uolui, si qui essent inimici, quorum
 crudelitas non dum esset nostra calamitate satiata:
 deinde congressus nostri lamentatione pertimui, di-
 gressum uero non tulissem: atque etiam id ipsum, quod
 tu scribis, metuebam, ne a me distrahi non posses.
 his de causis hoc maximum malum, quod te non ui-
 di, quo nihil amantissimis, & coniunctissimis fra-
 tribus acerbius, ac miserius uidetur accidere potuis-
 se; minus acerbum, minus miserum fuit, quam fuisset
 cum congressio, tum uero digressio nostra. Nunc, si
 potes, id quod ego, qui fortis tibi semper uideber,
 non possum, erige te, & confirma, si qua subuen-
 da dimicatio erit. spero, si quid mea spes habet au-
 ctoritatis, tibi & integritatem tuam, & amorem
 in te ciuitatis, & aliquid etiam misericordiam no-
 stri, praesidij laturam. sin eris ab isto periculo uacius,
 ages scilicet, si quid agi posse de nobis putabis. de
 quo scribunt ad me quidem multi multa, & se spe-
 rare demonstrant: sed ego, quid sperem, non dispi-
 cio; cum inimici plurimum ualeant, amici partim
 deseruerint me, partim etiam prodiderint; qui in
 meo reditu fortassis reprehensionem sui sceleris per-
 timescant. sed, ista qualia sint, tu uelim perspicias,
 mihiq. declares. ego tamen, quam tibi opus erit,
 si quid periculi subiendum uidebis, uiuam. diutius
 in hac uita esse non possum. neque enim tantum ui-
 rium habet ulla aut prudentia, aut doctrina, ut
 tantum dolorem possit sustinere. scio fuisse & hunc
 filius

stius moriendi tempus, & utilius: sed non hoc solū,
multa alia praetermisi: quae si queri uelim praeteri-
ta, nihil agam, nisi ut augeam dolorem tuum, in-
dicem stultitiam meam: illud quidem nec faciendum
est, nec fieri potest, me diutius, quam aut tuum
tempus, aut firma spes postulabit, in tam misera,
tamq. turpi uita commorari; ut, qui modo fratre
fuerim, liberis, coniuge, copijs, genere ipso pecu-
niae batissimus; dignitate, auctoritate, existima-
tione, gratia non inferior, quam qui umquam fue-
runt amplissimi; is nunc in hac tam afflicta, per-
ditaq. fortuna neque me, neque meos lugere diu-
tius possim. Quare quid ad me scripsisti de permu-
tatione? quasi uero nunc me non tuae facultates su-
stineant: qua in re ipse uideo miser, & sentio, quid
sceleris admiserim, cum de uisceribus tuis, & filij
tui satisfactorum sis, quibus debes, ego acceptam
ex aerario pecuniam tuo nomine frustra dissiparim.
sed tamen & M. Antonio, quantum tu scripseras,
Coepioni tantundē solutum est. mihi ad id, quod cogi-
to, hoc, quod habeo, satis est. siue enim restituimur,
siue desperamur; nihil amplius opus est. tu, si forte
quid erit molestiae, te ad Crassum, & ad Calidiū cō-
feras, conseo. quantum Hortensio credendum sit, ne
scio: me summa simulatione amoris, summaq. assi-
duitate quotidiana sceleratissime, insidiosissimeq.
tractauit, adiuncto quoque Arrio: quorum ego consi-
lijs, promissis, praeceptis destitutus in hac calamita-
tē incidi. sed hanc occultabis, ne quid obsint. illud ca-
ueto;

ueto; & eo puto per Pompeianum fouendum tibi esse ipsum Hortensium; ne ille uersus, qui in te erat collatus, cum aedilitatem petebas, de lege Aurelia, falso testimonio confirmetur. nihil enim tam timeo, quam ne, cum intelligant homines quantum misericordiae nobis tuae preces, & tua salus allatura sit oppugnent te uehementius. Messallam tui studiosum esse arbitror: Pompeium etiam simulatorem puto. sed haec utinam non experiare. quod precarer deos, nisi meas preces audire desissent: ueruntamen precor, ut his infinitis nostris malis contenti sint: in quibus non modo tamen nullius inest peccati infamia, sed omnis dolor est. quod optime factis poena est maxima constituta. Filiam meam, & tuum, Ciceronemq. nostrum quid ego, mi frater, tibi commendem? quin illud maereo, quod tibi non minorem dolorem illorum orbitas afferet, quam mihi. sed, te incolumi, orbi non erunt. reliqua, ita mihi salus aliqua detur, potestasq. in patria moriendi, ut me lacrymae non sinunt scribere. Etiam Terentiam uelim tueare, mihiq. ac omnibus rebus rescribas. Sis fortis, quoad rei natura patietur. Idibus Iun. Thessalonicae. Vale.

MARCUS S. D. QVINCTO FRATRI. 4

AMABO te, mi frater, ne, si uno meo facto & tu, & omnes mei corruistis, improbitati, & scelerum meo potius, quam imprudentiae, misericordiaeque, assignes. nullum est meum peccatum, nisi
quod

quod ijs credidi, a quibus nefas putaram esse me decipi, aut etiam quibus ne id expedire quidem arbitrabar. intimis, proximus, familiarissimus quisque aut sibi pertimuit, aut mihi inuidit. ita mihi nihil misero, praeter fidem amicorum. cautum meum consilium fuit. quod si te satis innocentia tua, & misericordia hominum uindicat hoc tempore a molestia; perspicias profecto, ecquaenam nobis salutis spes relinquatur. nam me Pomponius, & Sextius, & Pisc noster adhuc Thessalonicae retinuerunt, cum longius discedere propter nescio quos motus uetarent. uerum ego magis exitum illorum litteris, quam spe certa, expectabam. nam quid sperem, potentissimo inimico, dominatione obtrectatorum, infidelibus amicis, pluribus inuidis? Denouis autem tribunis pl. est ille quidem in me officiosissimus Sextius, & spero, Curcius, Milo, Fadius, Gratidins, sed ualde aduersante Clodio: qui etiam priuatus eadem manu poterit conciones concitare: deinde etiam intercessor parabitur. haec mihi proficiscenti non proponebantur; sed saepe triduo summa cum gloria dicebar esse rediturus. quid tu igitur, inquires? quid? multa conuenerunt. quae mentem exturbarent meam, subita defeccio Pompeij, alienatio consulum, etiam praetorum timor, publicanorum arma. lacrymae meorum me ad mortem ire prohibuerunt: quod certe & ad honestatē, & ad effugiendos intolerabiles dolores fuit aptissimum. sed de hoc scripsi ad te in ea epistola, quam

Phaeronti

Phaetonti dedi. Nunc tu, quoniam in tantum luctum, laboremque detrusus es; quantum nemo unquam; si leuare potes communem casum misericordia hominum, scilicet incredibile quiddam assequeris. sin plane occidimus; me miserum, ego omnibus meis exitio fuero; quibus ante dedetori non eram. sed tu, ut ante ad te scripsi, persfice rem, & per teta, & ad me, ut tempora nostra, non ut amor tuus fert, uere perscribe. ego uitam, quoad putabo tua interesse, aut ad spem seruandam esse, retinebo. tu nobis amicissimum Sextium cognoscas, credo tua causa uel Lentulum, qui erit consul: quamquam sunt facta uerbis difficilliora. tu, & quid opus sit, & quid sit, uidebis omnino. si tuam sollicitudinem, communemque calamitatem nemo despexerit: aut per te confici aliquid, aut nullo modo poterit. sin te quoque inimici uexare coeperint: ne cessaris. non enim gladijs mecum, sed litibus agetur. uerum haec absint uelim. Te oro, ut ad me de omnibus rebus scribas, & in me animi potius, aut consilij putes minus esse, quam antea, amoris uero, & officij non minus. Vale.

M. TVLLII CICERONIS
EPISTOLARVM AD

Q. FRATREM

LIBER II.

MARCVS S. D. QVINCTO FRATRI.

EPISTOLAM, quam legisli, mane
dederam. sed fecit humaniter Licinius,
quod ad me, missio senatu, uesperu ue-
nit, ut, si quid esset actum, ad te, si
mihi uideretur, perscriberem. Senatus fuit fre-
quentior, quam putabamus esse posse mense De-
cembri, sub dies festos. consulares nos fuimus, &
duo consules designati, P. Seruilius, M. Lucullus,
Lepidus, Volcatius, Glabrio, praetores. sane fre-
quentes fuimus, omnino ad ducentos. commorat
expectationem Lupus. egit causam agri Campani
sane accurate: auditus est magno silentio. mate-
riam rei non ignoras. nihil ex nostris actionibus
praetermisit. fuerunt nonnulli aculei in C. Caesarem,
contumeliae in Gellium, expostulationes cum absen-
te Pompeio. causa sero perorata, sententias se ro-
gaturum negauit, ne quod onus simultatis nobis im-
ponerent: ex superiorum temporum conuicijs, & ex
praesenti silentio, quid senatus sentiret, se intel-
lere dixit. Milo coepit dimittere. tum Marcellinus,
Noli, inquit, ex taciturnitate nostra Lupe, quid
aut probemus hoc tempore, aut improbemus, iudi-
care.

care . ego , quod ad me attinet , itemq. arbitror ceteros , iccirco taceo , quod non existimo , cum Pompeius absit , causam agri Campani agi conuenire . tum ille se senatum negauit tenere . Racilius surrexit , & de iudicijs referre coepit : Marcellinum quidem primum rogauit . is cum grauitur de Clodianis incendijs , trucidationibus , lapidationibus questus esset , sententiam dixit , ut ipse iudices per praetorem urbanum sortiretur : iudicium sortitione facta , comitia haberentur : qui iudicia impediuiisset , eum contra remp. esse facturum . approbata ualde sententia , C. Cato contra dixit ; & Cassius , maxima acclamatione senatus , cum comitia iudicijs anteferreret . Philippus assensit Lentulo . postea Racilius de priuatis me primum sententiam rogauit . multa feci uerba de toto furore , latrocinioq. P. Clodij : eum tamquam reum accusaui , multis , & secundis admurmurationibus cuncti senatus . orationem meam collaudauit satis multis uerbis , non me hercule indisertere , Seuerus Antistius ; idq. iudiciorum causam suscepit , antiquissimamq. se habiturum dixit . ibatur in eam sententiam . tum Clodius rogatur , diem dicendo eximere coepit . furebat , a Racilio se contumaciter , urbaneq. uexatum . deinde eius operae repente a Graecostasi , et Gradibus clamorem satis magnum sustulerunt , opinor in Q. Sextilium , & amicos Milonis incitatae . eo metu iniecto , repente , magna querimonia omnium , discessimus . Habes acta unius diei . reliqua , ut arbitror , in mensem Ianuarii

rium reijcientur. De tribunis pl. longe optimum
Raciliū habemus. uidetur etiam Antistius ami-
cus nobis fore. nam Plancius noster totus est. Fac,
si me amas, ut considerate, diligenterq. nauiges de
menſe Decembri. Vale.

MARCVS S. D. QVINCTO FRATRI. 2

NON occupatione, qua eram ſane impeditus,
 ſed paruula lippitudine adductus ſum, ut dictarem
 hanc epiſtolam, & non, ut ſoleo, ad te ipſe ſcribe-
 rem. Et primum me tibi excuſo in eo ipſo, in quo te
 accuſo. me enim adhuc nemo rogauit, num quid in
 Sardiniam uellem: te puto ſaepe habere, qui, num
 quid Romam uelis, quaerant. Quod ad me de Len-
 tuli, & Sexti nomine ſcripſiſti; locutus ſum cum
 Cincio. quo modo res ſe habet, non eſt ſacillima. ſed
 habet proſecto quiddam Sardinia appoſitum ad re-
 cordationem praeteritae memoriae. nā, ut ille Grac-
 chus augur, poſtea quam in iſtam prouinciam uenit,
 recordatus eſt, quid ſibi in cāpo Martio, comitia con-
 ſulum habenti, contra auſpicia accidiffet: ſic tu mi-
 hi uideris in Sardigna de forma Minuciana, & de
 nominibus Pompeianis in otio recogitaſſe. ſed ego,
 adhuc emi nihil. Culeonis auētio facta eſt. Tuſcula-
 no emptor nemo fuit. ſi concicio ualde bona fuerit,
 fortaſſe non omitam. De aedificatione tua, Cyrum
 urgere non ceſſo; ſpero eum in officio fore: ſed om-
 nia ſunt tardiora propter furioſae aedilitatis expe-
 ctationem. nam comitia ſine mora futura ſiden-
 tur:

tur: edita sunt ad XI. kal. Fab. tetamen sollicitum esse nolo omne genus a nobis cautionis adhibetur. De rege Alexandrino, factum est S. C. cum multitudo reduci, periculosum reip. uideri. reliqua cum esset in senatu contentio, Lentulus ne, an Pompeius reduceret; obinere causam Lentulus uidebatur. in ea re nos & officio erga Lentulum mirifice, & uoluntati Pompeij praeclare satisfecimus: sed per obtrectatores Lentuli res calumnia extracta est. consecuti sunt dies comitiales, per quos senatus haberi non poterat. quod futurum sit latrocinio tribunorum, non diuino: sed tamen suspicor per uim rogationem Caninium perlaturum. in ea re Pompeius quid uelit, non dispicio: familiares eius quid cupiant, omnes uident. creditores uero regis aperte pecunias suppeditant contra Lentulum. sine dubio res a Lentulo remota uidetur esse, cum magno meo dolore: quamquam multa fecit, quare si fas esset, iure ei succensere possemus. Tu, si ita expedit, uelim, quamprimum bona, & certa tempestate conscendas, ad meq. uenias. innumerabiles enim res sunt, in quibus te quotidie in omni genere desiderem. Tui, nostriq. ualent. Vale. XIV. kal. Febr.

MARCUS S. D. QVINCTO FRATRI. 3

SCRIPSI ad te antea superiora: nunc cognosce, postea quae sint acta. A kal. Febr. legationes in idus reijciebantur. eo die res confecta non est. ad

IV. non.

IV. non. Milo affuit. ei Pompeius aduocatus uenit. dixit Marcellus, a me rogatus. honeste discessimus. producta dies est in VIII. id. Interim, reiectis legationibus in idus, referebatur de prouincijs quaestorum, & de ornandis praetoribus. sed res, multis querellis de rep. interponendis, nulla transacta est. Cato legem promulgauit de imperio Lentulo abrogando. uesitum filius mutauit. Ad VIII. id. Milo affuit: dixit Pompeius, siue uoluit. nam, ut surrexit, operae Clodianae clamorem sustulerunt: idq. ei perpetua oratione contigit, non modo ut acclamatione, sed ut conuicio, & maledictis impediretur. qui ut perorauit, (nam in eo sane fortis fuit; non est deterritus; dixit omnia, atque interdum etiam silentio, cum auctoritate peregerat) sed ut perorauit, surrexit Clodius. ei tantus clamor a nostris, (placuerat enim referre gratiam) ut neque mente, neque lingua, neque ore consisteret. ea res acta est, cum hora sexta uix Pompeius perorasset, usque ad horam octauam; cum omnia maledicta, uersus etiam obscenissimi in Clodium, & Clodiam dicerentur. ille furens, & exsanguis interrogabat suos in clamore ipso, quis esset, qui plebem fame necaret? respondebant operae, Pompeius: quis Alexandriam ire cuperet? respondebant, Pompeius: quem ire uellent? respondebant, Crassum. is aderat tum, Miloni animo non amico. hora fere nona, quasi signo dato, Clodiani nostros consputare coeperunt. exarsit dolor.

urgere illi, ut loco nos mouerent. factus est a no-
 stris impetus; fuga operarum; eiectus de Rostris
 Clodius. ac nos quoque tum fugimus, ne quid in tur-
 ba. senatus uocatus in curiam, Pompeius domum.
 neque ego tamen in senatum; ne aut de tantis re-
 bus tacerem, aut in Pompeio defendendo (nam is
 carpebatur a Bibulo, Curione, Fauonio, Seruilio
 filio) animos bonorum offenderem. res in posterum
 dilata est. Clodius in Quirinalia produxit diem. ad
 11. id. senatus ad Apollinis fuit, ut Pompeius
 adesset. acta res est grauius a Pompeio. eo die ni-
 hil perfectum est. ad VI. id. ad Apollinis S.C. fa-
 ctum est; ea, quae facta essent ad VII. idus,
 contra remp. esse facta. eo die Cato est uehemen-
 ter in Pompeium inuectus, & eum oratione perpe-
 tua, tamquam reum, accusauit: de me multa, me
 inuito, cum mea summa laude dixit, cum illius in
 me perfidiam increparet. auditus est magno silen-
 tio maleuolorum. respondit ei uehementer Pompe-
 ius, Crassumq. descripsit; dixitq. aperte, se muni-
 tiorem ad custodiendam uitam suam fore, quam
 Africanus fuisset, quem C. Carbo interemissit. ita-
 que magnae mihi res iam moueri uidebantur. nam
 Pompeius haec intelligit, nobiscumq. communicat,
 insidias uitae suae fieri, Catonem a Crasso suscitari,
 Clodio pecuniam suppeditare; utrumque & ab eo,
 & a Curione, Bibulo, ceterisq. suis obtrectatori-
 bus confirmari; uehementer esse providendum, ne
 opprimatur, concionario illo populo, a se prope alie
 nato

nato, nobilitate inimica, non aequo senatu, inuen-
tute improba. itaque se comparat: homines ex a-
gris accersit, operas autem suas Clodius confirmat.
manus ad Quirinalia paratur. in eo multo sumus
superiores ipsius copijs. sed magna manus ex Pice-
no, & Gallia expectatur; ut etiam Catonis roga-
tionibus de Milone, & Lentulo resistamus. Ad
IV. id. Sextius ab indice Cn. Nerio Pupinia de am-
bitu est postulatus, & eodem die a quodam M. Tul-
lio de ui. is erat aeger. domum, ut debuimus, ad
eum statim uenimus, eiq. nos totos tradidimus:
idq. fecimus praeter hominum opinionem, qui nos
ei iure succensere putabant: ut humanissimi, gra-
tissimiq. & ipsi, & omnibus uideremur: itaq. fa-
ciemus. sed idem Nerius index edidit ad allegatos
Cn. Lentulum Vatiā, & C. Cornelium. Eodem
die S. C. factum est, ut sodalitates, decuriatq. di-
scederent, lexq. de ijs ferretur, ut, qui non disces-
sissent, ea poena, quae est de ui, tenerentur. Ad
III. id. dixi pro Bestia de ambitu, apud praetorem
Cn. Domitium, in foro medio, maximo conuentu:
inacidq. in eum locum in dicendo, cum Sextius, mul-
tis in templo Castoris uulneribus acceptis, subsidio
Bestiae seruatus esset. hic ἀποκρυφιστάμην quiddam
διχαίρος de ijs, quae in Sextium apparabantur cri-
mina; & cum ornaui ueris laudibus, magno assen-
su omnium. res homini fuit uehementer grata. Quae
tibi eo scribo, quod me de retinenda Sextij gratia
litteris monuisti. Pridie id. haec scripsi ante lucem,

eo die apud Pomponium in eius nuptijs eram cenaturus. cetera sunt in rebus nostris. cuiusmodi tu mihi fere dissidenti praedicabas, plena dignitatis, & gratiae; quae quidem tua, mi frater, prudentia, patientia, uirtute, pietate, suauitate etiam, tibi, mihiq. sunt restituta. Domus tibi ad lucum Pisonis Liciniana conducta est. sed, ut spero, paucis mensibus post kal. Quinct. in tuam commigrabis. tuam in Carinis mundi habitatores Camiae conduxerunt. A te post illam Olbiensem epistolam nullas litteras accepi. quid agas, & ut te oblectes, scire cupio, maximeq. te ipsum uidere quamprimum. Cura, mi frater, ut ualeas; at quamquam est hiems, tamen Sardiniam istam esse cogites. xv. kal. Mart.

MARCUS S. D. QVINCTO FRATRI. 4

SEXTIVS noster absolutus est ad 11. id. Mart. &, quod uehementer interfuit reip. nullam uideri in eiusmodi causa dissensionem esse, omnibus sententijs absolutus est. illud, quod tibi saepe curae esse intellexeram, ne cui iniquo relinqueremus uituperandi locum, qui nos ingratos esse diceret, nisi illius peruersitatem quibusdam in rebus quam humanissime ferremus, scito hoc nos in eo iudicio consecutos esse, ut omnium gratissimi iudicaremur. nam in defendendo moroso homine cumulatissime satisfacimus, &, id quod ille maxime cupiebat, Vatinium, a quo palam oppugnabatur, arbitrati nostro concidimus, dijs hominibusq. plaudentibus.

quin

quin etiam Paulus nosler, cum testis, productus
 esset in Sextium, confirmavit. Ise nomen Vatini de-
 laturum, si Macer Licinius cunctaretur: & Ma-
 cer a Sextij subsellij surrexit, a se illi non defutu-
 rum affirmavit quid quaeris? homo petulans, & au-
 dax; Vatinius ualde perturbatus, debilita usq. di-
 scessit. Quinctus tuus, puer optimus, eruditur e-
 gregie. hoc nunc magis animaduerto, quod Tyranno
 docet apud me. Domus utriusque nostrum aedi-
 ficatur strenue. redemptori tuo dimidium pecuniae
 curavi. spero nos ante hiemem contubernales fore.
 De nostra Tullia, tui mehercule amantissima, spero
 cum Crassipede nos confecisse. dies erant duo, qui
 post Latinas habentur religiosi. ceteroqui confectum
 erat. Latiar erat exiturus.

*

MARCUS S. D. QVINCTO FRATRI. 5

DEDERAM ad te litteras antea, quibus erat
 scriptum, Tulliam nostram Crassipedi pridie non.
 Apr. esse desponsatam; ceteraq. de re publica, &
 priuata perscripsera. postea sunt haec acta. Nonis
 Apr. S. C. Pompeio pecunia decreta in rem fru-
 mentariam ad HS M CCCC. sed eodem die ue-
 hementer actum de agro Campano, clamore sena-
 tus prope concionali. acriorem causam inopia pe-
 cuniae faciebat, & annonae caritas, Nō praetermit-
 tam ne illud quidem. M. Furnium Flaccum, equi-
 tem Romanum, hominem nequam, Capitoiini, &
 Mercuriales de collegio eiecerunt, praesentem, ad

22 3 pedes

pedes uniuscuiusque iacentem. Ad VIII. id. Aprilis sponsalia Crassipedi praeberi. huic conuiuio puer optimus Quinctus tuus, meusque quod perleuiter commotus fuerat, defuit. Ad VI. id. Apr. ueni ad Quinctum, eumque uidi plane integrum: multumque is mecum sermonem habuit, & perhumanum de discordijs mulierum nostrarum. quid quaeris? nihil festinius. Pomponia autem etiam de te quaestula est. sed haec coram agemus. A puero ut discessi, in aream tuam ueni. res agebatur multis structoribus. Longilium redemptorem cohortatus sum. fidem mihi faciebat, se uelle nobis placere. domus erit egregia. magis enim cerni iam poterat, quam quantum ex forma indicabamus. itemque nostra celeriter aedificabatur. eo die cenauimus apud Crassipidem. cenatus, in hortos ad Pompeium lectica latus sum. Lucceium conuenire non potueram, quod abfuerat. uidere autem uolebam, quod eram postridie Roma exiturus, & quod ille in Sardiniam iter habebat. hominem conueni; & ab eo petui, ut quamprimum te nobis redderet. statim, dixit. erat autem iturus, ut aiebat, ad III. id. Apr. ut aut Labrone, aut Pisum conscenderet. tu, mi frater, simul ac ille uenerit, primam nauigationem, dummodo idonea tempestas sit, ne omiseris. ἀμφοτέρων autem illam quam tu soles dicere, bono modo desidero, sic prorsus, ut aduenientem excipiam libenter, latentem etiam nunc non excitem. Tribus locis aedifico: reliqua reconcinno; uiuo paullo liberalius, quam solebam.

bam. opus erat si te haberem, paullisper fabris lo-
 cū dare. sed & haec, ut spero, breui inter nos com-
 municabimus. Res autem Romae sic se habent.
 Consul est egregius Lentulus, non impediēte col-
 lega, sic inquam bonus, ut meliorem non uiderim.
 dies comitiales exemit omnes. nam etiā Latinae in-
 staurantur: nec tamen deerant supplicationes. sic
 legibus perniciosissimis obsistitur, maxime Cato-
 nis. cui tamen egregie imposuit Milo noster. nam
 ille iudex gladiatorum, & bestiariorum emerat
 de Cosconio, & Pomponio bestiariorum; nec sine his
 armatis umquam in publico fuerat: hos alere non
 poterat, itaque uix tenebat. sensit Milo: dedit cui-
 dam non familiari negotium, qui sine suspitione eme-
 ret eam familiam a Catone. quae simul atque abdu-
 cta est, Racilius, qui unus est hoc tempore tribu-
 nus pl. rem patefecit, eosq. homines sibi emptos
 esse dixit, (sic enim placuerat) & tabulam pro-
 scripsit, se familiam Catonianam uenditurum, in
 eam tabulam magni risus consequebantur. hunc
 igitur Catonem Lentulus a legibus remouit, & eos,
 qui de Caesare monstra promulgarunt, quibus in-
 tercederet nemo. Nam quod de Pompeio Caninius
 agit, sanequam refrixit. neque enim res probatur;
 & Pompeius noster in amicitia P. Lentuli uitupe-
 ratur. & hercule non est idem, nam apud illam
 perditissimam, atque infimam faecem populi pro-
 pter Milonem suboffendit: & boni multa ab eo desi-
 derant, multa reprehendunt. Marcellinus autem

hoc uno mihi quidem non satisfacit, quod eum nimis aspere tractat. quamquam id senatu non inuito facit. quo ego me libentius a curia, & ab omni parte reip. subtraho. In iudicijs ijs sumus, qui fuimus, domus celebratur, ita, ut cum maxime. unum accidit imprudentia Milonis incommode, de Sex. Coelio: quem neque hoc tempore, neque ab imbecillis accusatoribus mihi placuit accusari. ei tres sententiae taeterrimae in consilio defuerunt. itaque hominem populus reuocat: & retrahatur, necesse est. non enim ferunt homines; & quia, cum apud suos diceret, paene damnatus est, vident damnatum. ea ipsa in re Pompeij offensio nobis oblitit. senatorum enim urna cupiose absoluit, equitum adaequauit, tribuni aerarij condemnarunt. et hoc incommodum consolantur quotidianae damnationes inimicorum; in quibus me perlubente Seruius allusus est ceteri conciduntur. Cato concionatus est, comitia haberi non siturum, si sibi cum populo dies agendi essent exempti. & Appius a Caesare non dum redierat. Tuas mirificae litteras exspecto. atque adhuc clausum mare scio fuisse: sed quosdam uenisse tamen Olbiadicebant, qui te unice laudarent, plurimiq. in prouincia fieri dicerent. ijsdem aiebant, nunciare, te prima navigatione transmissurum. id cupio: & quamquam te ipsum scilicet maxime, tamen etiam litteras tuas exspecto. Mi frater.

Vale.

MARCUS S. D. QVINCTO FRATRI. 6

AD II. id. Apr. ante lucem hanc epistolam dictaueram, scripseramq. in itinere, ut eo die apud T. Titium in Anagnino manerem. postridie autem in Laterio cogitabam; inde, cum in Arpinati quinque dies fuisset, ire in Pompeianum, rediens aspicere Cumanum; ut, quoniam in nonas Mai. Miloni dies prodita est, prid. non. Romae essem, teq. mi carissime, & suauissime frater ad eam diem, ut sperabam, uiderem. Aedificationem Arcani ad tuum aduentum sustentari placebat. Fac mi frater ut ualeas, quamprimumq. uenias. Vale.

MARCUS S. D. QVINCTO FRATRI. 7

OLITTERAS mihi tuas iucundissimas, expectatas, ac primo quidem cum desiderio, nunc uero etiam cum timore. atque has scito litteras me solas accepisse post illas, quas tuus nauta attulit, Olbia datas. sed cetera, ut scribis, praesenti sermoni reseruantur. hoc tamen nonqueo differre. Idibus Mai. senatus frequens diuinus fuit in supplicatione Gabinio deneganda. adiurat Porcilius hoc nemini accidisse. foris ualde plauditur. mihi cum sua sponte iucundum, tum iucundius, quod me absente, (est enim *ἀνακρίσις* iudicium) sine oppugnatione, sine gratia nostra. eram Antij. Quod, idibus, & postridie, fuerat dictum, de agro Campano actum iri, non est actum. in hac causa mihi aqua haeret.

sed

sed plura, quam constitueram, coram enim. Vale mi optime, ac optatissime frater, aduola. idem te nostri rogant pueri. illud scilicet: cenabis, cum ueneris. Vale.

MARCVS S. D. QVINCTO FRATRI. 8

PLACITVRVM tibi esse librum meum suspicabar: tam ualde placuisse, quam scribis, ualde gaudeo. * Quod me admones de non curantia; suadesque, ut meminerim Iouis orationem, quae est in extremo illo libro: ego uero memini, & illa omnia mihi magis scripsi, quam ceteris. sed tamen postridie, quam tu es profectus, multa nocte cum Kibullio ueni ad Pompeium: cumq. ego egissem de istis operibus, atque inscriptionibus; perbenigne mihi respondit; magnam spem attulit, cum Crasso se dixit loqui uelle; mihiq. ut idem facerem, suast. Crassum consulem ex senatu domum reduxi. suscepit rem; dixitq. esse, quod Clodius hoc tempore cuperet per se, & per Pompeium consequi: putare se; si ego cum non impedirem, posse me adipisci sine contentione, quod uellem. totum ei negotium permisi, meq. in eius potestate dixi fore. interfuit huic sermoni P. Crassus: adolescens nostri, ut scis, studiosissimus. illud autem, quod cupit Clodius, est legatio aliqua, si minus per senatum, per populum, libera, aut Byzantium, aut Brogitarum, aut utrumque. plena res nummorum: quod ego non uiuium laboro; etiamsi minus assequor quod uolo.

Pompeius tamen cum Crasso locutus est: uidentur negotium suscepisse. si perficiunt, optime: sin minus, ad nostrum Teuem reuertamur. Ad III. id. Mai. S. C. factum est de ambitu in Afranio sententiam; quam ego dixeram, cum tu adesses: sed, magno cum gemitu senatus, consules non sunt persecuti eorum sententias, qui Afranio cum essent assensu, addiderunt, ut praetores ita crearentur, ut dies LX. priuati essent: eo die Catonem plane re iudicauerunt. quid multa? tenent omnia, idque ita omnes intelligere uolunt. Vale.

MARCUS S. D. QUINTO FRATRI. 9

TV METVIS, ne me interpelles? primum, si in isto essem, tu scis quid sit interpellare. ante Ateius? mehercule mihi docere uideberis istius generis humanitatem: qua quidem nihil utor abs te. tu uero ut me & appelles, & interpelles, & obloquare, & colloquare, uelim: quid enim mihi suauius? non mehercule quisquam *μωον πᾶτα* libentius sua recentia poemata legit, quam ego te audio quacumque de re, publica, priuata, rustica, urbana. sed mea factum est inuisa uerecundia, ut te proficiscens non tollerem. opposuisti semel *ἀντίοκτον* causam, Ciceronis nostri ualitudinem: conticui. iterum Cicerones: quieui. nunc mihi iucunditatis plena epistola hoc aspersit molestiae, quod uideris, ne mihi molestus esses, ueritus esse, atque etiam nunc uereri: litigarem tecum, si fas esset.

sed

sed mehercule istuc si umquam suspicatus ero, nihil dicam aliud, nisi uerebor, ne quando ego tibi, cum sum una, molestus sim. uideo te ingemuisse. sic fit. εἰδ' ἄν; αἰα ἔλκας: numquam enim dicam, εἰα πᾶσας. Marium autem nostrum in leticam mehereule coniecissem, non illam regis Ptolemæi Anicianam. memini enim, cum hominem portare ad Baias Neapoli octophoro Aniciano; machaerophoris centum sequentibus, miros risus nos edere, cum ille, ignarus sui comitatus, repente aperuit leticam, & paene ille timore, ego risu corruui. tunc, ut dico, certe sustulissem, ut aliquando subtilitatem ueteris urbanitatis, & humanissimi sermonis attingerem. sed hominem infirmum in uillam apertam, ac ne rudem quidem etiam nunc, inuitare nolui. hoc uero mihi peculiare fuerit, hic etiam isto frui. nam illorum praediorum scito mihi uicinum Marium lumen esse. Apud Anicium, uidebimus, ut paratum sit. nos enim ita philologi sumus, ut uel cum fabris habitare possimus. habemus hanc philosophiam, non ab Hymetto, sed ab area Syra. Marius, ualetudine est, & natura imbecillior. De interpellatione, tantum sumam a uobis temporis ad scribendum, quantum dabitis. utinam nihil detis; ut potius uestra iniuria, quam ignauia mea cessem. De rep. nimium te laborare doleo, & meliorem ciuem esse, quam Philocteten; qui, accepta iniuria, illa spectacula quaerebat, quae tibi acerba esse uideo. amabo te, aduola, consolabor te, & omnem absterge-

bo dolorem. & adhuc; si me amas, Marium: sed
 appropera te. hortus domi est. Vale.

MARCUS S. D. QVINCTO FRATRI. IO

EPISTOLAM hanc conuicio efflagitarunt co-
 dicilli tui. nam res quidem ipsa, & is dies, quo tu-
 es profectus, nihil mihi ad scribendum argumenti
 sane dabat. sed quemadmodum, coram cum su-
 mus, sermo nobis deesse non solet: sic epistolae no-
 strae debent interdum alucinari. Tenediorum igitur
 libertas securi Tenedia praecisa est, cum eos, prae-
 ter me, & Bibulum, & Calidium, & Fauonium,
 nemo defenderet. De te magis ab Sipylo mentio est
 honorifica facta; cum te unum dicerent postulatio-
 ni L. Sextij Pansae restitisse. reliquis diebus, si quid
 erit quod te scire opus sit, aut etiam si nihil erit, ta-
 men scribam quotidie aliquid. Prid. id. neque
 tibi, neque Pomponio dcero. Lucretij poema-
 ta, ut scribis, ita sunt, multis luminibus ingenij,
 multae tamen artis. sed, cum ueneris, uirum te
 putabo: si Sallustij Empedoclea legeris, homi-
 nem non putabo. Vale.

MARCUS S. D. QVINCTO FRATRI. II

GAVDEO tibi iucundas esse meas litteras.
 nec tamen habuisssem scribendi nunc quidem ullum
 argumentum, nisi tuas accepissem. nam prid. id.
 cum Appius senatum infrequentem coegisset, tan-
 tum fuit frigus, ut populi conuicio coactus sit nos
 dimittere.

dimittere. De Comageno rege, quod rem discusseram, mirifice mihi & per se, & per Pontiniū blanditur Appius. uidet enim, hoc genere dicendi si utar in ceteris, Februariū sterile futurum. eumque lusi iocose satis: neque solum illud extorſi oppidulum, quod erat positum in Euphrate, & Zeugmate; sed praeterea togam sum eius praetextam, quam erat adeptus Caesare consule, magno hominum risu cauillatus. Quod nolit, inquam, renouare honores eosdem, quo minus togam praetextam quotannis interpollet. discernendum nihil censeo. uos autem homines nobiles, qui Busrenum praetextatum non ferebatis, Commagenum feretis? genus uides, & locum iocandi. multa dixi in ignobilem regem; quibus totus est explosus. quo genere commotus, ut dixi, Appius, totum me amplexatur. nihil est enim facilius, quam reliqua discutere. sed non faciam, ut illum offendam; ne impleret fidem Iouis hospitalis, Graios omnes conuocet, per quos mecum in gratiam redijt. Theopompo satisfaciemus. De Caesare, fugerat me ad te scribere. uideo enim, quas tu litteras exspectaris. sed ille scripsit ad Balbum, fasciculum illum epistolarum, in quo fuerat & mea, & Balbi, totum sibi aqua madidum. redditum esse; ut ne illud quidem sciat, meam fuisse aliquam epistolam. sed ex Balbi epistola pauca uerba intellexerat, ad quae rescripsit his uerbis: De Cicerone uideo te quiddam scripsisse, quod ego non intellexi; quantum autem coniectura conſequebar, id erat
huius-

huiusmodi, ut magis optandum, quam sperandum putarem. Itaque postea misi eodem illo exempla litteras. Iocum autem illius de sua egestate ne sis aspernatus. ad quem ego rescripsi, nihil esse, quod posthac arcae nostrae fiducia conturbaret. lusiq. in eo genere & familiariter, & cum dignitate. amor autem eius erga nos perfertur omnium nuncijs singularis. Et litterae quidem ad id, quod expectas, se re cum tuo reditu iungentur. reliqua singulorum dierum scribemus ad te, si modo tabellarios tu praebebis quamquam eiusmodi frigus impendebat, ut summum periculum esset, ne Appio suae aedes urerentur. Vale.

MARCUS S. D. QVINCTO FRATRI. 12

Risi nunc atram: teq. hilari animo esse, & prompto ad iocandum, ualde me iuuat. De Pompeio, assentior tibi, uel tu potius mihi, nam, ut scis, iam pridem istum canto Caesarem. mihi crede, in sinu est; neque ego discingor. Cognosce nunc idus. Decimus erat Coelio dies. Domitius ad numerum iudices nō habuit. uereor, ut, homo taceret, & ferus, Polla Seruius ad accusationem ueniat. nam noster Coelius ualde oppugnatur a gente Clodia. certi nihil est adhuc: sed ueremur. Eodem igitur die Tyrijs est senatus datus frequens. frequentes contra Syriaci publicani. uehementer uexatus Gabinus: exagitati tamen a Domitio publicani, quod eum essent cum equis persecuti. noster Lamia paullo ferocius, cum Domitius

Domitius dixisset, *Vestra culpa haec acciderunt, equites Romani; dissolute enim iudicatis; Nos iudicamus, uos laudatis, inquit. actum est eo die nihil: nox diremit. Comitialibus diebus, qui Quirinalia sequuntur, Appius interpretatur, non impediri se lege Pupia, quo minus habeat senatum; & quod Gabinia sanctum sit, etiā cogi, ex kal. Febr. usque ad kal. Mart. legatis senatum quotidie dari. ita putantur detrudi comitia in mensem Martium. sed tamen bis comitialibus tribuni pl. de Gabinio se acturos esse dicunt. Omnia colligo, ut noui scribam aliquid ad te: sed, ut uides, res me ipsa deficit, itaque ad Callisthenem, & Philistum redeo: in quibus te uideo uolutatum. Callisthenis quidem uulgare, & notum negotium, quemadmodum Graeci aliquot locuti sunt. Siculus ille capitalis, creber, acutus, breuis, paene pusillus Thucydides. sed, utros eius habueris libros, (duo enim sunt corpora) an utrosque, nescio. me magis de Dionysio delectat. ipse est enim ueterator magnus, & perfamiliaris Philisto. Sed quod adscribis, aggrediaris ne ad historiā: me auctore potes. Et quoniam tabellarios sumministras, hodierni diei res gestas Lupercalibus habebis. Oblecta te cum Cicerone nostro quambellissime.*

MARCUS S. D. QVINCTO FRATRI. 13

DVAS adhuc a te accepi epistolas, quarum alteram in ipso discessu nostro, alteram Arimino datam. plures, quas scribis te dedisse, non acceperam.

Ego

Ego me in Cumano, & Pompeiano, præter quam quod sine te, ceterum satis commode oblectabam: & eram in eisdem loci usque ad kal. Iun. futurus. scribebam illa quæ dixeram, πολιτικά, spissum sane opus, & operosum: sed, si ex sententia successerit, bene erit opera posita: sin minus, in illud ipsum mare deijciemus, quod scribentes spectabamus: aggrediemur alia; quoniam quiescere non possumus. Tua mandata persequar diligenter, & adiungendis hominibus, et quibusdam non alienandis. maxime vero mihi curæ erit, ut Ciceronem tuum, nostrumque uideam scilicet quotidie, sed inspiciam, quid discat, quam sæpissime: & nisi ille contemnat, etiam magistrum me ei profitebor. cuius rei non nullam consuetudinem nactus sum in hoc horum dierum otio, Cicerone nostro minore perdocendo. Tu, quemadmodum scribis, quod, etiam si non scriberes, facere te diligentissime tamen sciebam, facies scilicet, ut mea mandata digeras, persequare, conficias.

Ego, cum Romam uenero, nullum prætermittam Cæsaris tabellarium, cui litteras ad te non dem. his diebus, (ignosces) cui darem, fuit nemo ante hunc M. Orfium, equitem Romanum, nostrum, & per necessarium, & quod est ex municipio Atellano, quod scis esse in fide nostra. itaque eum tibi commendo in maiorem modum, hominem domi splendidum gratiosum etiam extra domum: quem, fac, ut tua liberalitate tibi obliges. est tribunus mil. in exercitu uestro. gratum hominem, obseruantemque co-

gnosces. Trebatium ut ualde ames, uebementer te rogo. Vale.

MARCUS S. D. QVINCTO FRATRI. 14

AD IV. non. Iun. quo die Romam ueni, accepi tuas litteras, datas Placentiæ, deinde alteras, * postridie datas Blandenonæ, cum Cæsaris litteris, refertis omni officio, diligentia, suauitate. Sunt ista quidem magna, potius maxima: habent enim uim magnam ad gloriam, & ad summam dignitatem: sed mihi crede, quem nosti, quod in istis rebus ego plurimi æstimo, id iam habeo, te scilicet primum tam inseruientem communi dignitati, deinde Cæsaris tantum in me amorem: quem omnibus ijs honoribus, quos me a se expectare uult, antepono. littera uero eius, una data cū tuis, quarum initium est, quam suauis ei tuus aduentus fuerit, & recordatio ueteris amoris; deinde se effecturum, ut ego in medio dolore, ac desiderio tui, te, cum a me abesses, potissimum secum esse latarer; incredibiliter delectarunt. quare facis tu quidem fraterne, quod me hortaris, sed mehercule currentem nunc quidem, ut omnia mea studia in istum unum conferam. ego uero ardenti quidem studio, ac fortasse efficiam, quod sepe uiatoribus, cum properant, euenit, ut, si ferius, quam uoluerunt, forte surrexerint, properando etiam citius; quam si de multa nocte uigilassent, perueniant, quo uelint. sic ego, quoniam in isto homine colendo tam indormini diu, te mehercule

le sæpe excitant, cursu corrigam tarditatem, tum
 equis, tum uero, quoniam scribis poema ab eo no-
 strum probari, quadrigis poeticis. modo mihi date
 Britanniam, quam pingam coloribus tuis, penicil-
 lo meo. sed quid ago? quod mihi tempus, Romæ
 præsertim, ut iste me rogat, manenti, uacuum os-
 tenditur? sed uidero: fortasse enim, ut sit, uincet.
 tuus amor omnes difficultates. Trebatium quod ad
 se miserim, persalse, et humaniter etiam gratias mi-
 hi agit: negat enim, in tanta multitudine eorū, qui
 una esset, quemquam fuisse, qui uadimonium conci-
 pere posset. M. Curtio tribunatum ab eo petini;
 (nam Domitius se derideri putasset, si esset a me
 rogatus: hoc enim est eius quotidianum, se ne tribu-
 num mil. quidem facere. etiam in senatu lusit, Ap-
 pium collegam propterea isse ad Cæsarem, ut ali-
 quem tribunatum auferret) sed in alterum annum.
 id & Curtius ita uolebat. Tu, quemadmodum me
 censes oportere esse in rep. & in nostris inimicijs,
 ita & esse, et fore auricula infima scito molliorem.
 Res Romanæ sic se habebant, erat non nulla spes co-
 mitiorum, sed incerta. erat aliqua suspicio dicta-
 turæ, ne ea quidem certa: summum otium foren-
 se, sed senescentis magis ciuitatis, quam acquie-
 scentis: sententia autem nostra in senatu eiusmodi,
 magis ut alij nobis assentiantur, quam nosmetipsi.
 τοιαῦτ' ὁ τλήμων πόλεμος ἐξέρχεται.

Calamo & atramento temperato, charta etiam
 dentata res agetur. scribis enim, te meas litteras

superiores uix legere potuisse . in quo nihil eorum ,
 mi frater , fuit , quæ putas . neque enim occupatus
 eram , neque perturbatus , neque iratus alicui . sed
 hoc facio semper , ut , quicumque calamus in manus
 meas uenerit , eo sic utar , tamquam bono . Verum
 attende nunc , mi optime , & suauissime frater , ad
 ea dum rescribo , quæ tu in hac eadem breui episto-
 la παρατηρήσεις ualde scripsisti : de quo petis , ut ad
 te nihil occultans , nihil dissimulans , nihil tibi in-
 * dulgens , genuine , fraterneque . rescribam , id est u-
 trum uoles , ut dixerimus , ad expediendum te ; si
 causa sit , commorere . Si , mi Quinte , parua aliqua
 res esset , in qua sciscitare , quid uellem : tamen ,
 cum tibi permissurus essem , ut faceres , quod uel-
 les , ego , ipse quid uellem , ostenderem . in hac ue-
 ro re hoc profecto quæris , cuiusmodi illum annum ,
 qui sequitur , expectem . plane aut tranquillum no-
 bis , aut certe munitissimum : quod quotidie domus ,
 * quod forum , quod theatri significationes declarant :
 neque laborant , quod mea conscientia copiarum no-
 strarum , quod Caesaris , quod Pomponij gratiam te-
 nemus . hæc me , ut confidam , faciunt . sin aliquis
 erumpet amentis hominis furor ; omnia sunt ad
 eum frangendum expedita . hæc ita sentio , iudico ,
 ad te explorate scribo : dubitare te , non assentato-
 rie , sed fraterne ueto . quare suauitatis equidem no-
 stræ fruendæ causa cuperem te ad id tempus ueni-
 re , quod dixeras : sed illud malo tamen , quod pu-
 tas , magis etiam illa , (etenim magni æstimo me)

ἀμοιβὰς illam tuam, & expectationem debitorum tuorum. Illud quidem sic habeto, nihil nobis expeditis, si ualebimus, fore fortunatius. parua sunt, quæ desunt, (quo, nostris quidem moribus) & ea sunt ad explicandum expeditissima. modo ualeamus. Ambitus reddit immanis: numquam fuit par Idibus Quinct. senus fuit ZZ ex Z, coitione Mem. *
mij est quo cum Domitio hanc Scaurus unum uincere. Messala flaccet. non dico ὑπερβολὰς. uel HS centies constituunt in prerogatiua pronunciare. res ardet inuidia. Tribunicij candidati compromiserunt, HS quingenis in singulos apud M. Catonem depositis, petere eius arbitratu, ut, qui contra fecisset, ab eo condemnaretur. quæ quidem comitia gratuita si fuerint, ut putatur; plus unus Cato fuerit, quam omnes leges, omnesq. iudices.

CICERO S. D. QVINCTO FRATRI. 15

CUM a me litteras librarij manu acceperis, ne paullum otij me habuisse iudicato; cum autem mea, nullum. sic enim habeto, numquam me a causis, & iudicijs districtiorem fuisse, atque id mihi tempore grauissimo, et caloribus maximis. sed hæc, quoniam tu ita præscribis, ferenda sunt: neque committendum, ut aut spei, aut cogitationi uestræ ego uidear defuisse; præsertim cum, tametsi id difficilius fuerit, tamen ex hoc labore magnam gratiam, magnamq. dignitatem sim collecturus. itaque, ut tibi placet, damus operam, ne cuius ani-

mum offendamus, atque ut etiam ab ijs ipsis, qui
 nos cum Cæsare tam coniunctos dolent, diligamur,
 ab æquis uero, aut etiam a propensis in hanc par-
 tem uehementer excolamur, & amemur. De am-
 bitu cum atrocissime ageretur in senatu multos
 dies, quod ita erant progressi candidati consula-
 res, ut non esset ferendum; in senatu non fui. Sta-
 tui ad nullam medicinam reip. sine magno præsi-
 dio accedere. Quo die hæc scripsi, Drusus erat
 de præuacatione a tribunis æuarijs absolutus, in
 summa quattuor sententijs, cum senatores, & e-
 quites damnassent. Ego eodem die post mortem
 Vatinius aderam defensurus. ea res facilis est.
 comitia in mensem Septembrem reiecta sunt. Scau-
 ri iudicium statim exercebitur: cui nos non deerim-
 us. σωδείπρους σοφοκλέους, quamquam a te actam
 fabellam uideo esse festiue, nullo modo probaui. Ve-
 nio nunc ad id, quod nescio an primū esse debuerit.
 O iucundas mihi tuas de Britannia litteras: time-
 bam Oceanum: timebam litus insulæ. reliqua non
 equidem contemno, sed plus habent tamen spei,
 quam timoris; magisq. sum sollicitus expectatione
 ea, quam metu. te uero ὑπόδειξις scribendi egre-
 giam habere uideo. quos tu situs, quas naturas re-
 rum, & locorum, quos mores, quas gentes, quas
 pugnas, quem uero ipsum imperatorem habes? ego
 te libenter, ut rogas, quibus rebus uis, adiunabo,
 & tibi uersus, quos rogas, γλαῦκα εἰς Ἀθήνας mit-
 tam. Sed heus tu. celari uideor, a te. quo modo
nam,

nam, mi frater, de nostris uersibus Caesar? primum librum legisse, scripsit ad me ante, & prima sic, ut neget, se ne græca quidem meliora legisse: reliqua ad quendam locum παδυμώτερα: hoc enim utitur uerbo. dic mihi uerum. num aut res, aut χαρακτήρ non delectat? nihil est, quod uereare: ego enim ne pilo quidem minus me amabo. hac de re φιλαλήθως, & ut soles, scribe fraterne. Vale.

M. TVLLII CICERONIS
EPISTOLARVM AD
Q. FRATREM
LIBER III.

MARCVS S. D. QVINCTO FRATRI.

EGO ex magnis caloribus (non enim
meminimus maiores) in Arpinati sum
ma cum amœnitatis fluminis me refeci
ludorum diebus , Philotimo tribulibus
commendatis . In Arcano ad i v . id . Sept . fui .
ibi Messidium cum Philoxeno , aquamq . , quam ij
ducebant non longe a uilla , belle sane fluentem uidi ,
præsertium maxima siccitate : uberioremq . aliquan
to sese collecturos esse dicebant . Apud Herum recte
erat . In Manliano offendi Diphilum Diphilo tardio
rem . sed tamen nihil ei restabat præter balnearia ,
& ambulationem , & auiarium . uilla mihi ualde
placuit : propterea quod summam dignitatem pau
imentata porticus habebat : quod mihi denique ap
paruit , postea quam & ipsa tota patet , et columnæ
politæ sunt . totum in eo est , quod mihi erit curæ ,
tectorium ut continuum sit . pauimenta recte fieri
uidebantur . cameras quasdam non probaui , muta
riq . iussi . Quo loco in porticu , te scribere aiunt , ut
atriolum fiat ; mihi , ut est , magis placebat . neque
enim satis loci esse uidebatur atriole ; neque fere so
let , nisi in ijs ædificijs fieri , in quibus est atrium ma
ius ;

ius; nec habere poterat adiuncta cubicula, & eiusmodi membra. nunc hoc uel honestate testudinis, * uel ualde boni æstium locum obtinebit. tu tamen, si aliter sentis, rescribe quamprimum. In balnearijs assa in alterum apodyterij angulum promoui: propterea quod ita erant posita, ut eorum uaporarium, ex quo ignis erumpit, esset sub tectum cubiculi. sub grande cubiculum autem, & hibernum altum ualde probaui; quod ampla erant, & loco posita, ambulationis uno latere; eo quod est proximum balnearijs. Columnas neque rectas, neque e regione Diphilus collocarat. eas scilicet demolietur; aliquando perpendiculo, & linea discet uti. omnino spero paucis mensibus opus Diphili perfectum fore: curat enim diligentissime Casius, qui tum mecum fuit. Ex eo loco recta, Vitularia uia, profecti sumus in Fusidianum fundum, quem tibi proximis nuncijs. Arpini de Fusidio HS CCCICCCC ∞ emeramus. ego locum æstate umbrosiorem uidi numquam, per multis locis aquam profluentem, & eam uberem. quid quæris? iugera L prati Casius irrigaturum facile te arbitratur. equidem hoc, quod melius intelligo, affirmo, mirifica suauitate te uillam habiturum, piscina, & salientibus additis, palæstra, & silua uiridicata. Fundum audio te hunc Bouillianum uelle retinere. de eo quid uideatur, ipse constitues. Casius aiebat, aqua dempta, & eius aquæ iure constituto, & seruitute fundo illi imposita, tamen nos prettum seruare posse, si uendere uellemus.

scripsisse

*Messidium, mecum habui. is se ternis nummis in pedem tecum transegisse dicebat: sese autem mensum pedibus aiebat passuum cccc. mihi plus uisum est. sed prestabo, sumpum nusquam melius posse poni. Chilonem arcesseram Venafro. sed eo ipso die quattuor eius conseruos, & discipulos Venafri cuniculus oppresserat. Idibus Sept. in Laterie fui: uiam perspexi: quæ mihi ita placauit, ut opus publicum uideretur esse, præter c. l. passus. sum enim ipse mensus ab eo ponticulo, qui est ad Furinæ Satricum uersus. eo loco puluis, non glareæ iniecta est. et mutabitur: & ea uia pars ualde acclinis est. sed intellexi aliter duci non potuisse, præsertim cum tu neque per Locustæ, neque Varroni uelles ducere. Velunius ante suum fundum prope munierat: Locusta non attigerat: quem ego Romæ aggre-
 *
 diar, & ut arbitror, commouebo: & simul M. Taurum, quem tibi audio promississe, qui nunc Romæ erat, de aqua per fundum eius ducenda rogabo. Nicephorum uillicum tuum sane probaui: quæsiui q. ex eo, ecquid ei de illa ædificatiuncula Laterij, de qua mecum locutus es, mandauisses. tum is mihi respondit, se ipsum eius operi HS x oo conductorem fuisse; sed te postea multa addidisse ad opus, nihil ad pretium, itaque id se omis-
 si-
 se. mihi hercule ualde placet, te illa, ut constituerbas, addere. quamquam ea uilla, quæ nunc est, tamquam philosophia uidetur esse, quæ obiurget ceterarum uillarum insaniam. ueruntamen illud addi-
 tum*

tum delectabit. topiarium laudavi; ita omnia con-
 nestit edera, qua basim uillæ, qua intercolumnia am-
 bulationis; ut denique illi palliati topiariam facere
 uideantur, & hederam uendere. iam ἀποδύνησι
 nihil alius, nihil muscosius. Habes fere de rebus ru-
 sticis. Urbanam expolititionem urget ille quidē &
 Philotimus, & Cincius, sed etiam ipse crebro in-
 teruiso; quod est facile factu. quamobrem ea te cu-
 ra liberatum uolo. De Cicerone, quod me sem-
 per rogas, ignosco equidem tibi; sed tu quoque
 mihi uelim ignoscas. non enim concedo tibi, plus
 ut illum ames, quam ipse amo. atque utinam his
 diebus in Arpinati, quod & ipse cupierat, &
 ego non minus, mecum fuisset. quod ad Pompo-
 niam, si tibi uidetur, scribas uelim; cum aliquo exi-
 bimus, eat nobiscum, puerumq. ducat. clamores
 efficiam, si eum mecum habuero otiosum: nam Ro-
 mæ respirandi non est locus. id me scis antea gratis
 tibi esse pollicitum: quid nunc putas, tanta abs te
 mihi mercede proposita? Venio nunc ad tuas lit-
 teras: quas pluribus epistolis accepi, dum sum in
 Arpinati: nam mihi uno die tres sunt redditæ, &
 quidem, ut uidebantur, eodem abs te datæ tempo-
 re: una pluribus uerbis, in qua primum erat, quod
 antiquior dies in tuis fuisset adscripta litteris, quā
 in Cæsaris. id facit Oppius nō numquam necessario,
 ut, cum tabellarios constituerit mittere, litterasq.
 a nobis acceperit, aliqua re noua impediatur, & ne-
 cessario seruis, quam constituerat, mittat, neque

nos, datis iam epistolis, diem commutari curemus, scribis de Caesaris summo in nos amore. hunc & tu fovebis, & nos, quibuscumque poterimus rebus, augebimus. De Pompeio, & facio diligenter, & faciam, quod mones. Quod tibi mea permissio max-
fionis tuæ grata est; id ego, summo meo dolore, & desiderio, tamen ex parte gaudeo. In hippodamis, et non nullis alijs arcessendis quid cogites, non intel-
ligo. nemo istorum est, quin abs te munus, fundi suburbanis instar expectet. Trebatium uero meum quod isto admisceas, nihil est. ego illum ad Cæsa-
rem misi; qui mihi iam satisfecit: si ipsi minus, præ-
stare nihil debeo; teq. item ab eo uindico, & libe-
ro. Quod scribis te a Cæsare quotidie plus diligi, immortaliter gaudeo. Balbum uero, qui est istius rei, quemadmodum scribi, adiutor, in oculis fero. Trebonium meum a te amari, teq. ab illo, pergaudeo. De tribunatu quod scribis, ego uero nomi-
natim petiui Curtio, & mihi ipse Cæsar nomina-
tim Curtio paratum esse rescripsit, meamq. in ro-
gando uerecundiam obiurgauit. si cui præterea petiero, id quod etiam Oppio dixi, ut ad illum scriberet; facile patiar mihi negari: quoniam illi, qui molesti sunt, sibi negari a me non facile patiun-
tur. ego Curtium, id quod ipsi dixi, non modo roga-
tione, sed etiam testimonio tuo diligo, quod litteris tuis studium illius in salutem nostram facile perspe-
xi. De Britannicis rebus, cognoni ex tuis litte-
ris nihil esse, nec quod metuamus, nec quod gau-
deamus.

deamus. De publicis negotijs, quæ uis ad te Tironem scribere, negligentius ad te ante scribebam, quod omnia minima maxima ad Cæsare mitti sciebam. Rescripsi epistolæ maximæ: audi nunc de minuscula. in qua primum est de Clodij ad Cæsarem litteris: in quo Cæsaris consilium probo, quod tibi amantissime petenti, ueniam non dedit, uti ullum ad illam furiam uerbum rescriberet. Alterum est de Caluenti Marij oratione. quod scribis, miror, tibi placere me ad eum rescribere, præsertim cum illum nemo lecturus sit, si ego nihil rescripsero; meâ in illum pueri omnes, tamquam dictata, perdiscant. Libros meos, quos expectas, inchoaui, sed conficere nō possum his diebus. Orationes efflagitatas pro Scauro, pro Plancio absolui. Poema ad Cæsarem, quod composueram, incidi. Tibi quod rogas, quoniam ipsi fontes iam sitiunt, si quid habebō spatij, scribam. Venio ad tertiam. Balbum quod ais mature Romam bene comitatum esse uenturum, mecumq. assidue usque ad id. Mai. futurum, id mihi pergratum, perq. iucundum erit. Quod me in eadem epistola, sicut sæpe antea, cohortaris ad ambitionem, & ad laborem: faciam equidem, sed quando uiuemus? Quarta epistola mihi reddita est idibus Sept. quam ad x v. idus Sext. ex Britannia dederas. in ea nihil sane erat noui, præter Erigonā: quam si ab Oppio accepero, scribam ad te quid sentiam: nec dubito, quin mihi placitura sit. Et, quod præterij de eo, quem scripsisti de Milonis plausu scri-

scripsisse ad Cæsarem; ego uero facile patior, ita Cæsarem existimare, illum quammaximum fuisse plausum. & prorsus ita fuit: & tamen ille plausus, qui illi datur, quodam modo nobis uidetur dari. Reddita est etiam mihi peructus epistola, sed sero allata, in qua de æde Telluris, & de porticu Catuli me admones. fit utrumque diligenter. ad Telluris quidem etiam tuam statuat locaui. Item de hortis, quod me admones; nec fui umquam ualde cupidus, et nunc domus suppeditat mihi hortorum amenitatem. Romam cum uenissem ad XIII. kal. Oct. absolutum offendi in ædibus tuis tectum; quod super conclauiam non placuerat tibi esse multorum fastigiorum; id nunc honeste uergit in tectum inferioris porticus. Cicero noster, dum ego absum, non cessauit apud rhetorem. de eius eruditione quod labores, nihil est: quoniam ingenium eius nosti; studium ego uideo; cetera eius, suscipio, ut me putem præstare debere. Gabinium tres adhuc factiones postulant, L. Lentulus, flaminis filius, qui iam de maiestate postulauit; Ti. Nero, cum bonis scriptoribus; C. Memmius trib. pl. cum L. Capitone. ad urbem accessit ad XI. kal. Oct. nihil turpius, nec desertius. sed his iudicijs nihil audeo confidere. quod Cato non ualebat, adhuc de pecunijs repetundis non erat postulatus. Pompeius a me ualde contendit de reditu in gratiam; sed adhuc nihil proficit; nec, si ullam partem libertatis tenebo, proficiet. Tuas litteras uehementer exspecto. Quod scribis,

bis, te audisse, in candidatorum consularium coitione me interfuisse; id falsum est. eiusmodi enim patetiones in ea coitione factæ, quas postea Memmius patefecit, ut nemo bonus interesse debuerit: & simul mihi committendum non fuit, ut ijs coitionibus interesssem, quibus Messalla excluderetur: cui quidem uehementer satisfacio rebus omnibus; ut arbitror, etiam Memmio. Domitio ipsi multa iam feci, quæ uoluit, quæq. a me petiuit. Scaurum beneficio defensionis ualde obligauit. adhuc erat ualde incertum, & quando comitia, & qui consules futuri essent. Cum hanc iam epistolam complicarem, tabellarij a uobis uenerunt ad x i. kal. Sept. uicesimo die. O me sollicitum: quantum ego dolui in Cæsaris suauissimis litteris: sed, quo erant suauiores, eo maiorem dolorem illius ille casus afferebat.

Sed ad tuas uenio litteras. primum tuam remanentionem etiam atque etiam probo, præsertim cum, ut scribis, cum Cæsare communicaris. Oppium miror quidquam cum Publio: mihi enim non placuerat. Quod interiori epistola scribis, me idibus Sept. Pompeio legatum iri, id ego non audiui; scripsistiq. ad Cæsarem, Vibullium Cæsaris mandata de mea mansione ad Pompeium pertulisse, nec ad Oppium. quo consilio? quamquam Oppium ego tenui: quod priores partes Bibuli erant. cum eo enim coram Cæsare egerat, ad Oppium scripserat. Ego uero nullas d&rtipas oportidas habere possim in Cæsaris rebus. ille mihi secundum te, & libe-

ros nostros ita est, ut sit pæne par. uideor id iudicio facere: iam enim debeo: sed tamen amore sum incensus. Cum scripsissem hæc infima, quæ sunt mea manu, uenit ad nos Cicero tuus ad cenam, cum Pomponia foras cenaret, deditq. mihi epistolam legendam tuam, quam paullo ante acceperat ab Aristophane modo, ualde mehercule & suauem, & grauem; qua sum admodum delectatus. dedit etiam alteram illam mihi, qua iubes eum mihi esse affixum, tamquam magistro. quam illum epistola illa delectarunt? quam me? nihil puero illo suauius, nihil nostri amantius. Hæc inter cenam Tironi dictaui: ne mirere alia manu esse. Annali litteræ tuæ pergratæ fuerunt, quod & curares de se diligenter, & tamen consilio se uerissimo iuuares. P. Seruilius pater ex litteris, quas sibi a Cæsare missas esse dicebat, significat, ualde te sibi gratum fecisse, quod de sua uoluntate erga Cæsarem humanissime, diligentissimeq. locutus esses. Cum Romam ex Arpinati reuertissem, dictum mihi est hippodamum ad te profectum esse. non possum scribere, me miratum esse, illum tam inhumaniter fecisse, ut sine meis litteris ad te proficisceretur: illud scribo, mihi molestum fuisse. iam enim diu cogitaueram, ex eo, quod tu ad me scripseras, ut, si quid esset, quod ad te diligentius perferri uellem, illi darem: quod mehercule hisce litteris, quas uulgo ad te mitto, nihil fere scribo, quod si in alicuius manus inciderit, moleste ferendum sit. Minutio me, & Sal-
uio,

uio, & Labeoni reseruabam. Labeo autem tarde proficiscetur, aut hic manebit. Hippodamus ne num quidem quid uellem rogauit. T. Pinarius amabiles ad me de te litteras mittit, se maxime litteris, sermonibus, cenis denique tuis delectari. is homo semper me delectauit: fraterq. eius mecum est multum. quare, ut instituisti, complectere adolescentem. Quod multos dies epistolam in manibus habui propter commemorationem tabellariorum; ideo multa coniecta sunt, aliud alio tempore, uelut hoc. T. Anicius mihi saepe iam dixit, sese tibi suburbanium, si quod inuenisset, non dubitaturum esse emere. in eius sermone ego utrumque soleo admirari; et te de suburbano emendo, cum ad illum scribas, non modo ad me non scribere, sed etiam aliam in sententiam scribere; & cum ad illum scribas, nihil te recordari de se, de epistolis illis, quas in Tusculano eius mihi ostendisti, nihil de praeceptis Ephicharmi; γῶθι, πῶς ἄλλω κίχνηται. totum denique uultum, animum, sermonem eius, quemadmodum conijcio, quasi. sed haec tu uideris. de suburbano, cura, ut sciam, quid uelis; & simul, ne quid ille turbet, uide. Quid praeterea? quid? etiam. Gabinium ad xv. kal. Oct. noctu in urbem introiuit. & hodie hora octaua, cum edicto Alfi de maiestate eum adesse oporteret, concursu magno, & odio uniuersi populi pene afflictus est. nihil illo turpius. proximus est tamen Piso. itaque mirificum ἰμῶλον cogito in secundum meorum librorum inducere, di-

centem Apollinem in consilio deorum, qualis reditus duorum imperatorum futurus esset, quorum alter exercitum perdidisset, alter uendidisset.

Ex Britannia Cæsar ad me kal. Sept. dedit litteras quas ego accepi ad 14. kal. Oct. satis commodas de Britannicis rebus: quibus, ne admirer, quod a te nullas acceperim, scribit, se sine te fuisse, cum ad mare accesserit. ad eas ego litteras nihil scripsi, ne gratulandi quidem causa, propter eius luctum. Te oro etiam atque etiam, mi frater, ut ualeas.

MARCUS S. D. QVINCTO FRATRI. 2

AD VI. id Oct. Saluius Oslia uesteri naue profectus erat cum ijs rebus, quas tibi domo mitti uolueras. eodem die Gabinium ad populum luculente calefecerat Memmius, sic ut Calidio uerbum facere pro eo non licuerit. postridie autem eius diei, qui erat tum futurus, cum hæc scribebam ante lucem, apud Catonem erat diuinitio in Gabinium futura inter Memmium, & Ti. Neronem, & C. & L. Antonios M. F. putabamus fore, ut Memmio daretur: etsi erat Neronis mira contentio. quid queris? probe premitur, nisi noster Pompeius, dijs, hominibusq. inuitis, negotium inuerit. cognosce nunc hominis audaciam, & aliquid in re, prout delectare. Cum Gabinius, quacumque uenibat, triumphum se postulare dixisset, subitoq. bonus imperator noctu urbem hostium plane inuasisset, in senatum se non committebat. interim ipso
decimo

decimo die, quo ipsum oportebat hostium numerum, & militum renunciare, in re hæsit, summa infrequentia: cum uellet exire, a consulibus retentus est: introducti publicani. homo undique actus, cum a me maxime uulneraretur, non tulit, & me trementi uoce exsulem appellauit. hic, o dij, nihil umquam honorificentius nobis accidit: consurrexit senatus cum clamore ad unum. sic, ut ad corpus eius accederet; pari clamore, atque impetu publicani. quid quæris? omnes, tamquam si tu esses, ita fuerunt. nihil hominum sermone foris clarius. ego tamen teneo ab accusando, uix mehercule, sed tamē teneo; uel quod nolo cum Pompeio pugnare; (satis est quod inflat de Milone) uel quod iudices nullos habemus. ἀποτάγῃ μοι φόβος. addo etiam maleuolentiam hominum; & timeo, ne illi me accusante aliquid accidat: nec despero rem & sine me, & non nihil per me confici posse. De ambitu postulati sunt omnes, qui consulatum petunt, a Memmio Domitius; a Q. Curtio, bono & erudito adolescente, Memmius; a Q. Pompeio Messalla; a Triario Scaurus. magna res in motu est: propterea quod aut hominum, aut legum interitus ostenditur. opera datur, ut iudicia ne fiant. res uidetur spectare ad interregnum. Consules comitia habere cupiunt, rei nolunt, & maxime Memmius, quod Cæsaris aduentu sperat se futurum consulem: sed mirum in modum iacet. Domitius cum Messalla certus esse uidebatur: Scaurus refrixerat. Appius sine lege cu-

riata confirmat se Lentulo nostro successurum: qui quidem mirificus illo die, quod pene praterij, fuit in Gabinium: accusauit maiestatis. nomina data, cum ille uerbum nullum. Habes forensia: Domi recte; & ipsa domus a redemptoribus tractatur non indiligerenter. Vale.

MARCUS S. D. QVINTO FRATRI. 3

OCCUPATIONVM mearum signum tibi sit librarij manus. diem scito esse nullum, quo die non dicam pro reo. ita, quidquid conficio, aut cogito, in ambulationis fere tempus, consero. negotia nostra sic se habent: domestica uero, ut uolumus. ualent pueri, studiose discunt, diligenter docentur, & nos, & inter se amant. Expolitiones utriusque nostrum sunt in manibus, sed tua ad perfectum. iam, res rustica Arcani, & Laterij. praeterea de aqua, de uia nihil praetermisi quadam epistola, quin enucleate ad te perscriberem. sed me illa cura sollicitat, angitq. uehementer, quod, dierum iam amplius L. interuallo, nihil a te, nihil a Caesare, nihil ex istis locis non modo litterarum, sed ne rumoris quidem affluxit. me autem iam & mare istuc, & terra sollicitat: neque desino, ut sit in amore, ea, quae minime uolo, cogitare. quare non equidem iam te rogo, ut de me, de te, de rebus istis scribas: (numquam enim, cum potes, praetermittis) sed hoc te scire uolo, nihil fere me umquam ita expectasse, ut cū hæc scribebam, litteras tuas. Nunc cognosce ea, qua

quæ sunt in rep. Comitiorum quotidie singuli dies
 tolluntur obnunciationibus, magna uoluntate bono-
 rum omnium: tanta inuidia sunt consules. propter
 suspicionem pactorum a candidatis præmiorum.
 candidati cōsulares quattuor omnes rei. causæ sunt
 difficiles: sed enitemur, ut Messalla noster saluus
 sit: quod est etiam cum reliquorum salute coniun-
 ctum. Gabinium de ambitu reum fecit P. Sylla,
 subscribente priuigno Memmio, fratre Cæcilio, Syl-
 la filio. contra dixit L. Torquatus, omnibusq. liben-
 tibus non obtinuit. quæris, quid fiet. sciens de
 maiestate triduo: quo quidem in iudicio odio premi-
 tur omnium generum: maxime testibus cæditur: ac-
 cusatoribus frigidissimis utitur. consilium uarium,
 quasitor grauis, & firmus Alsius, Pompeius ue-
 hemens in iudiciis rogandis. quid futurum sit,
 nescio: locum tamen illi in ciuitate non uideo. ani-
 mum præbeo ad illius perniciem moderatum, ad re-
 rum euentum lenissimum. Habes fere de omnibus
 rebus. unum illud addam. Cicero tuus, nosterq.
 summo studio est Pæonij sui rhetoris, hominis, opi-
 nor, ualde exercitati, & boni: sed nostrum insti-
 tuendi genus esse paullo eruditius, & Διτρίκτιον,
 non ignoras. quare neque ego impediri Ciceronis
 iter, atque illam disciplinam uolo: & ipse puer ma-
 gis illo declamatorio genere duci, & delectari ui-
 detur: in quo quoniam ipsi quoque fuimus, patia-
 mur illum ire nostris itineribus, eodem enim peruen-
 turum esse confidimus. sed tamen, si nobiscum euen-

rus aliquo eduxerimus, in hanc nostram rationem, consuetudinemq. inducemus. magna enim nobis a te proposita merces est: quam certe nostra culpa numquam minus assequemur. Quibus in locis, & qua spe hiematurus sis, ad me quam diligentissime scribas, uelim. Vale.

MARCUS S. D. QVINTO FRATRI. 4.

GABINIUS absolutus est. omnino nihil accusatore Lentulo, subscriptoribusq. eius infantius: nihil illo consilio sordidius. sed tamen, nisi incredibilis contentio, preces Pompeij, dictatue etiam rumor plenus timoris fuisset, ipsi Lentulo non respondisset; qui cum illo accusatore, illoq. consilio sententij condemnatus sit XXXI cum LXX tulissent. est omnino tam graui fama hoc iudicium, ut uideatur reliquis iudicijs periturus, & maxime de pecunijs reperundis. sed uides nullam esse remp. nullum senatum, nulla iudicia, nullam in ullo nostrum dignitatem. quid plura de iudicibus? duo pratorij sederunt, Domitius Calvinus: is aperte absoluit, ut omnes uiderent: & Cato: is, disruptis tabellis, de circulo se subduxit, & Pompeio primus nunciauit. Aiunt non nulli, item Sallustius, me oportuisse accusare: his ego iudicibus committerem? quid essem, si me agente esset elapsus? sed me alia mouerunt. non putasset sibi Pompeius de illius salute, sed de sua dignitate mecum esse certamen: in urbem introisset: ad inimicitias res uenisset. cum Aesernino Samnite

Pa-

Pacideianus comparatus uiderer : auriculam fortasse mordicus abstulisset : cum Clodio quidem ceteredisset in gratiam. ego uero meum consilium, si praesertim tu non improbas, uehementer approbo. ille, cum a me singularibus meis studiis ornatus esset; cumq. ego illi nihil deberem, ille mihi omnia; tamen in rep. me a se dissentientem non tulit (nihil dicam grauius) & minus potens eo tempore, quid in me florentem posset, ostendit. nunc, cum ego ne curem quidem multum posse, res quidem publica certe nihil possit, unus ille omnia; cum illo ipso contenderem? sic enim faciendum fuisset. non existimo te putare id mihi suscipiendum fuisse. Alterutrum, inquit idem Sallustius: defendisses, idq. Pompeio contendenti dedisses. etenim uehementer orabat. lepidum amicum Sallustium, qui mihi aut inimicitias putet periculosas subeundas fuisse, aut infamiam sempiternam. ego uero hac mediocritate delector. Ac mihi illud iucundum est, quod, cum testimonium secundum fidem, & religionem grauissime dixissem, reus dixit, si in ciuitate licuisset sibi esse, mihi se satisfacturum; neque me quidquam interrogauit. De uersibus, quos tibi a me scribi uis, deest mihi quidem opera, quæ nouo modo tempus, sed etiam animum uacuum ab omni cura desiderat: sed abest etiam ἐνδοσιασμός. non enim sumus omnino sine cura uenientis anni, etsi sumus sine timore. simul & illud, (sine ulla mehercule ironia lequor) tibi istius generis in scribendo

priores partes tribuo, quam mihi. De bibliotheca tua Græca supplenda, libris commutandis, Latinis comparandis, ualde uelim ista confici, præsertim cum ad meum quoque usum spectent. sed ego, mihi ipsi ista per quem agam, non habeo. neque enim uenalia sunt, quæ quidem placeant, & confici nisi per hominem & peritum, & diligentem non possunt. Chrysippo tamen imperabo, & cum Tyrannione loquar. De fisco quid egerit Scipio, quæram. quod uidebitur rectum esse, curabo. De Ascanione, tu uero, quod uoles, facies: me nihil interpono. De suburbano, quod non properas, lauda: ut habeas, hortor. Hæc scripsi ad V I I I. Kal. Nou. quo die ludi committebantur, in Tusculanum proficiscens, ducensq. mecum Ciceronem meum in ludum discendi, non lusionis, ea re non longius, quam uellem, quod Pontinio ad triumphum ad I I I. non. Nou. uolebam adesse. etenim erit nescio quid negotioli. nam Cato, & Seruilius prætores prohibituros se minantur: nec, quid possint, scio. ille enim & Appium consulem secum habebit, & prætores, & tribunos pl. sed minantur tamen, in primisque Apn πρίτωρ Q. Scauola. Cura, mi suauissime, & carissime frater, ut ualeas.

MARCUS S. D. QVINCTO FRATRI. 5

QVOD quæris, quid de illis libris egerim, quos, cum essem in Cumano, scribere institui: non cessavi, neque cesso: sed sæpe iam scribendi totum consilium,

consilium, rationemq. mutavi. nam, iam duobus factis libris, in quibus nouendialibus ijs ferijs, quæ fuerunt Tuditano, & Aquillio cos. sermo est a me institutus Africani, paullo ante mortem, & Lælij, Philij, Manilij, Q. Tiberonis, & Lælij generorum, Fannij, & Scauolæ; sermo autem in nouem & dies, & libros distributus de optimo statu ciuitatis, & de optimo ciue; (sane texebatur opus luculenter; hominumq. dignitas aliquantum orationi ponderis afferebat) hi libri cum in Tusculano mihi legerentur, audiente Sallustio, admonitus sum ab illo, multo maiore auctoritate illis de rebus dici posse, si ipse loquerer, de rep. præsertim, cum essem non Heraclides Ponticus, sed consularis, & is, qui in maximis uersatus in rep. rebus essem: quæ tam antiquis hominibus attribuerent, ea uisum iri ficta esse: oratorum sermonem in illis nostris libris, quod esset de ratione dicendi, belli a me remouisse, ad eos tamen retulisse, quos ipse uidissem: Aristotelem denique, quæ de rep. & præstante uiro scribat, ipsum loqui. commouit me, & eo magis, quod maximos motus nostræ ciuitatis attingere non poteram; quod erant inferiores, quam illorum ætas, qui loquebantur. ego autem id ipsum tum eram secutus, ne in nostra tempora incurrens, offenderem quempiam. nunc & id uitabo; & loquar ipse tecum; & tamen illa, quæ institueram, ad te, si Romam uenero, mittam. puto enim te existimaturum, a me libros illos non sine aliquo meo stomacho

cho esse relictos. Cæsaris amore, quem ad me perscribis, unice delector: promissis ijs, quæ ostendit, non ualde pendeo; nec honores sitio; nec desidero gloriam: magisq. eius uoluntatis perpetuitatem, quam promissorum exitum, exspecto: uiuo tamen in ea ambitione, & labore, tamquam id, quod non posulo, exspectem. Quod me de sacendis uersibus rogas: incredibile est, mi frater, quam egeam tempore: nec sane satis commoueor animo ad ea, quæ uis, canenda. ὑποθέσεις uero, & ea, quæ ipse ego ne cogitando quidem consequor, tu, qui omnes isto eloquendi, & exprimendi genere superasti, a me petis? facerem tamen, ut possem: sed, quod te minime fugit, opus est ad poema quadam animi alienitate, quam plane mihi tempora eripiunt. abduco equidem me ab omni reip. cura, dedoq. litteris: sed tamen indicabo tibi, quod mehercule in primis te celatum uolebam. angor mi suauissime frater, angor, nullam esse remp. nulla iudicia, nostrumq. hoc tempus ætatis, quod in illa auctoritate senatoria florere debebat, aut forensi labore iactari, aut domesticis litteris sustentari. illud uero, quod a puero adamaram, Αἰὲν ἀπὸ δέειν, καὶ ὑπεύροχον ἔμμεναι ἄλλων, totum occidisse: inimicos a me partim non oppugnatos, partim etiam esse defensos: meum non modo animum, sed ne odium quidem esse liberum: unumq. ex omnibus Cæsarem esse inuentum, qui me tantum, quantum ego uellem, amaret; aut etiam, si-

cuc

cut alij putant, hunc unum esse, qui uellet. quorum
tamen nihil est eiusmodi, ut ego me non multa con-
solatione quotidie leniam. sed illa erit consolatio
maxima, si una erimus. nunc ad illa uel grauissimū
accedit tui desiderium. Gabinium si, ut Pansa pu-
tat oportuisse, defendissem, concidissem. qui illum
oderunt, (ij sunt toti ordines) propter quem ode-
runt, me ipsum odisse cœpissent. tenui me, ut puto,
egregie: tantum ut facerem, quantum omnes uide-
rent. & in omni summa, ut mones, ualde me ad
otium, pacemq. conuerto. De libris, Tyrannio est
cessator, Chrysippo dicam: sed res operosa est, &
hominis perdiligentis: sentio ipse, qui in summo stu-
dio nihil assequor, de latinis uero quo me uertam,
nescio: ita mendose & scribuntur, & ueneunt: sed
tamen, quod fieri pauerit, non negligam. Crebrius,
ut ante ad te scripsi, Romæ est: & qui omnia adiu-
rant, debere tibi ualde renunciant. Ab ærario puto
confectum esse, dum absū.

MARCUS S. D. QVINCTO FRATRI. 6

QUATTUOR tragœdias XVI. diebus ab-
soluisse cum scribas, tuquidquā ab alio mutuaris?
& κλέος quæris, cum Electram, & Troadem scri-
pseris? cessator esse noli, & illud, γῶδι στενωπὸν,
noli putare ad arrogantiam minuendam solum esse
dictum, uerum etiam ut bona nostra norimus. sed
& istas, & Erigonam mihi uelim mittas. Habes
duas epistolas proximas. Vale.

MARCUS

MARCUS S. D. QVINCTO FRATRI. 7

ROMAE, & maxime Appia, ad Martis, mira prolunies: Crassipedis ambulatio ablata, horti, tabernæ plurimæ: magna uis aquæ usque ad piscinâ publicam. uiget illud Homeri,

ἡμετ' ὁπρινῶ, ὅτε λαβρότατος χέει ὕδωρ
Ζεὺς. cadit enim in absolutionem Gabinij,

ὅτε δ' ἡγ' ἀνδρεσι κατεσάμενος χαλεπήνη:

Οἱ γάρ τιν' ἀγορῇ σχολίας κρίνωσι θέμνας,

Εκ δὲ δίκην εἰλάσωσι, θεῶν ὅπιν οὐκ ἀλέγοντες.

sed hæc non curare decreui. Romam cum uenero, quæ perspexero, scribam ad te, & maxime de dictatura; & ad Labienum, & ad Ligurium litteras dabo. Hanc scripsi ante lucem, ad lychnuchum ligneolum; qui mihi erat periucundus, quod eum te aiebât, cum esses Sami, curasse faciendum.

Vale, mi suauissime, & optime frater.

MARCUS S. D. QVINCTO FRATRI. 8

SUPERIORI epistola quod respondeam, nihil est: quæ plena stomachi, & querellarum est: quo in genere alterâ quoque te scribis pridie Labieno dedisse, qui adhuc non uenerat. deleuit enim mihi omnem molestiam recentior epistola. tantum te & moneo, & rogo, ut in istis molestijs, & laboribus, & desiderijs recordere, consilium nostrum quod fuerit profectiois tuæ. non enim commoda quædam sequebamur parua, ac mediocria. quid enim

enim erat, quod discessu nostro emendum putare-
 mus? praesidium firmissimum petebamus ex optimi,
 et potentissimi uiri beneuolentia ad omnē statum no-
 strae dignitatis. plura ponuntur in spe, quam in pe-
 cunijs: reliqua ad iacturam struentur. quare si cre-
 bro referes animum tuum ad rationem & ueteris
 consilij nostri, & spei; facilius istos militiae labores,
 ceteraque, quae te offendunt, feres, & tamen, cum
 uoles, depones. sed eius rei maturitas neque dum
 uenit, & tamen iam appropinquat. Etiam illud
 te admoneo, ne quid ullis litteris committas, quod si
 prolatum sit, moleste feramus. multa sunt, quae e-
 go nescire malo, quam cum aliquo periculo fieri cer-
 tior. Plura ad te uacuo animo scribam, cum, ut spe-
 ro, se Cicero meus belle habebit. tu uelim cures, ut
 sciam, quibus nos dare oporteat eas, quas ad te de-
 inde litteras mittemus, Caesaris ne tabellarijs, ut is
 ad te protinus mittat, an Labieno. ubi enim isti sunt
 Neruij, & quam longe absint, nescio. De uirtute.
 & grauitate Caesaris, quam in summo dolore adhi-
 buisset, magnam ex epistola tua accepi uoluptatē.
 Quod me institutum ad illum poema iubes perficere:
 etsi distentus cum opera, tum animo sum mul-
 to magis, quoniam tamen ex epistola, quam ad te
 miseram, cognouit Caesar me aliquid esse exorsum,
 reuertar ad institutum, idq. perficiam his suppli-
 cationum otiosis diebus: quibus Messallam iam no-
 strum, reliquosq. molestia leuatos uebementer gau-
 deo: eumq. quod certum, consulem cum Domitio
 nume-

numeratis, nihil a nostra opinione dissentitis. ego Messallam Cæsari præstabo. sed Memmius in aduentu Cæsaris habet spem. in quo illum puto errare. hic quidem friget. Scaurum autem iam pridem Pompeius abiicit: res prolata: ad interregnum comitia adducta: rumor dictatoris, iniucundus bonis; mihi etiam magis, quæ loquuntur. sed tota res & timetur, & refrigescit. Pompeius plane se negat uelle. antea ipse mihi non negabat. Hirrus auctor fore uidetur: o di, quam ineptus, quam se ipse amans sine rivali. Crassum Iunianum, hominem mihi deditum, per me deterruit. uelit, nolit, scire difficile est. Hirro tamē agente nolle se non probabit. aliud hoc tempore de rep. nihil loquebantur: agebatur quidem certe nihil. Serrani Domestici filij funus perluctuosum fuit. ad i v. kal. Dec. laudauit pater scripto meo. Nunc de Milone. Pompeius ei nihil tribuit, & omnia Guttæ; dicitq. se perfecturū, ut in illo Cæsar incumbat. hoc horret Milo, nec iniuria: & si ille dictator factus sit, pæne diffidit. intercessorem dictaturæ si iuuerit manu, & præsidio suo. Pompeium metuit inimicum: si non iuuerit, timet, ne per uim perferatur. ludos apparat magnificentissimos, sic inquam, ut nemo sumptuosiores: stulte, bis, terq., non postulatus; uel quia munus magnificum dederat: uel quia facultates nō erant: uel quia magister: uel quia potuerat magistrum se, non adilem, putare. Omnia fere scripsi. Cura, mi carissime frater, ut ualeas.

MARCUS S. D. QVINCTO FRATRI. 9

DE Gabinio nihil fuit faciendum istorum, quæ amentissime cogitata sunt. τὸ τε μοι χάρις. feci summa cum gravitate, ut omnes sentiunt, & summa cum lenitate, quæ feci. illum neque ursi, neque leuavi. testis uehemens fui, præterea quievi: exitum iudicij sædum, & perniciosum lenissime tuli. quod quidem bonum mihi nunc denique redundat, ut his malis reip. licentiaq. audacium, qua ante rumpebar, nunc ne mouear quidem. nihil est enim perditius his hominibus, his temporibus. itaque ex rep. quoniam uoluptatis nihil iam capi potest; cur stomacher, nescio. litteræ me, & studia nostra, & otium, uillæq. delectant, maximeq. pueri noctri. angit unus Milo: sed uelim finem asserat consulatus. in quo enitar non minus, quam sum enisus in nostro: tuq. istinc, quod facis, adiuuabis. de quo cetera, nisi plane uis eripuerit, recte sunt. de re familiari timeo. ὁ δὲ παύεται ἔχεται ἀνεκτῶς, qui ludos HS CCC comparet: cuius in hoc uno considerantiam & ego sustinebo, ut potero, & tu ut possis, est tuorum neruorum. De motu temporum uenientis anni, nihil te intelligere uolueram domestici timoris, sed de communi reip. statu. in quo, etiam si nihil procuro, tamen nihil curare uix possum. quam autem te uelim cautum esse inscribendo, ex hoc conijcito, quod ego ad te hæc quidem scribo, quæ palam in rep. turbantur; ne cuiusquam animum meæ litteræ inter-

interceptæ offendant. quare domestica cura te leuatum uolo. In rep. scio quam sollicitus esse soleas. uideo Messallam nostrum consulem; si per interregem, sine iudicio; si per dictatorem, tamen sine periculo. odij nihil habet. Hortensii calor multum ualebit. Gabinij absolutio lex impunitatis putatur. *ἐν παύρῳ*. De dictatore tamen actum adhuc nihil est. Pompeius abest: Appius miscet: Hirrus parat: multi intercessores numerantur: populus non curat: principes uolunt: ego quiesco. De mancipijs, quod mihi polliceris, ualde te amo: et sum equidem uti scribis, & Romæ, & in prædijs infrequens. sed caue, amabo, quidquam, quod ad meum commodum attineat, nisi maximo tuo commodo, & maxima tua facultate, mi frater, cogitaris. De epistola Vatinij risi. sed me ab eo ita obseruari scio, ut eius ista odia non sorbeam solum, sed etiam concoquam. Quod me hortaris, ut absoluam; habeo absolutum suaue, mihi quidem ut uidetur, *ἔπος* ad Cæsarem. sed quæro locupletem tabellarium; ne accidat quod Erigonæ tuæ, cui soli, Cæsare imperatore, iter ex Gallia tutum non fuit. * quid, si cementum bonum non haberem, deturbem ædificium? quod quidē quotidie mihi magis placet; in primisq. inferior porticus, et eius conclauia sunt recte. De Arcano, Cæsaris opus est, uel mehercule etiam elegantioris alicuius. imagines enim istæ, & palæstra, & piscina, & nilus multorum Philotimorum est, non Diphilorum. sed & ipsi ea adhibemus, & mittemus,

Et mandabimus. De Felicis testamento, tum magis querere; si scias. quas enim tabulas se putauit obsignare, in quibus in uncijs firmissimum tenuerat, (lapsus est per errorem et suum, et Sicurae serui) non obsignauit: quas noluit, eas obsignauit. ἀλλ' οὐ μὲν ἔγωγε: nos modo ualeamus. Ciceronem, et ut rogas, amo, et ut meretur, et ut debeo: dimitto autem a me, et ut a magistris ne abducam, et quod mater Pomponia discedit, sine qua edacitatem pueri pertimesco. sed sumus una tamen ualde multū. Rescripsi ad omnia. Mi suauiissime, et optime frater uale.

AD OCTAVIUM EPISTOLA,
quam Ciceronis esse, uix credimus.

Si per tuas legiones mihi licitum fuisset, quae nomini meo, populoque R. sunt inimicissimae, uenire in senatum, coramque de rep. disputare, fecissem, neque tam libenter, quam necessario. nulla enim remedia, quae uulneribus adhibentur, tam faciunt dolorem, quam quae sunt salutaria. sed quoniam cohortibus armatis circūseptus senatus nihil aliud uere potest discernere, nisi timere; in Capitolio signa sunt; in urbe milites uagantur; in campo castra ponuntur; et Italia tota legionibus, ad libertatem nostram conscriptis, ad seruitutem adductis, equitatuque exterarum nationum distinetur; cedam tibi in praesentia foro, curia, et sanctissimis deorum immortalium templis: in quibus, reuiuiscente iam libertate, deinde rursus oppressa, senatus nihil con-

Cc sulitur,

sulitur, timet multa; assentitur omnia. post etiam paullo, temporibus ita postulantibus, cedam urbe: quam per me conseruat. m. ut esset libera, in seruitute uidere non potero: cedam uita; quae quamquam sollicita est, tamen, si profutura est reip. bona spe posteritatis me consolatur; qua sublata non dubitanter occidam: atque ita cedam, ut fortuna iudicio meo, non animus mihi defuisse uideatur. illud uero quod & praesentis doloris est indicium, et praeteritae iniuriae testimonium, & absentium sensus significatio, non praetermittam, quin, quoniam coram id facere prohibeor, absens prosum, siquidem mea salus aut utilis reip. est, aut coniuncta certe publicae salutis. nam per deum immortalium fidem (nisi forte frustra eos appello, quorum aures, atque animus a nobis abhorret) perq. fortunam populi R. quae quamquam nobis infesta est, fuit, aliquando propitia, & ut spero, futura est, quis iam expers humanitatis, quis huius urbis nomini, ac sedibus usque adeo est inimicus, ut ista aut dissimulare possit, aut non dolere? aut, si nulla ratione publicis incommodis mederi queat, non morte proprium periculum uitet? nam, ut ordiar ab initio, & perducam ad extremum, & nouissima conferam primis; quae non, posterior dies acerbior priore. & quae non insequens hora antecedente calamitosior populo R. illuxit? M. Antonius, uir animi maximi, (utinam etiam sapientis consilij fuisset) C. Caesare fortissime, sed parum feliciter reip. dominatione semo-

to, concupierat magis regium, quam libera ciuitas pati poterat, principatum: publicam dilapidabat pecuniam: aerarium exhauriebat: minuebat in Ætiglia: donabat ciuitates ex commentario: dictaturam gerebat: leges imponebat: prohibebat dictatorem creari legibus: S. C. ipse repugnabat in senatu: provincias unus omnes concupiebat, cui sordebat Macedonia provincia, quam uictor sibi sumpserat Caesar: quid de hoc sperare, aut expectare non oportebat? exitiisti tu uindex nostrae libertatis, ut tunc quidem, optimus; (quod utinam neque nostra nos opinio, neque tua fides fefellisset) & ueteranis in unum conductis, & duabus legionibus a perniciæ patriæ ad salutem auocatis, subito prope iam affectam, ac prostratam remp. tuis opibus exulisti. quæ tibi non, ante quam postulares, maiora quem uelles, plura quam sperares, detulit senatus: & dedit fasces, ut cum auctoritate defensorum haberet, non ut imperio se aduersum armarer: appellauit imperatorem: hostium exercitum pulso tribuens honorem, non ut sua caede caesus ille fugiens exercitus te nominaret imperatorem: decreui in foro statuam, locum in senatu, summum honorem ante tempus: si quid aliud est, quod dari possit, addat. quid aliud est maius, quod uelis sumere? sin autem supra ætatem, supra consuetudinem, supra etiam mortalitatem tuam tibi sunt omnem tributa: cur aut ingratus crudeliter, aut immemor beneficii scelerate circumscribis senatum?

A D O C T A V I V M

quo te misimus? a quibus reuërteris? contra quos ar-
 mauimus? quibus arma cogitas inferre? a quibus
 exercitum abducis? aduersus quos aciem struis?
 cur hostis relinquitur, ciuis hostis loco ponitur?
 cur castra medio itinere longius aduersariorum ca-
 stris, & propius urbem mouentur? o me numquam
 sapientem, & aliquando id, quod non erat, frustra
 existimatum. quantum te populo R. de me fefellit
 opinio. o meam calamitosam, ac praecipitem sene-
 ctutem. o turpem exacta, dementiq. aetate cani-
 tiem. ego patres conscriptos ad paricidium indu-
 xi: ego temp. fefelli: ego ipse senatum sibi manus
 afferre coegi, cum te Iunonium puerum, & ma-
 tris tuae partum aureum esse dixi. at te fata patriae
 Paridem futurum praedicabant, qui uastares ur-
 bem incendio, Italiam bello, qui castra in templis
 deorum immortalium, senatum in castris habitu-
 rus esses. o miseram, & in breui tam celerem, &
 tam uariam reip. commutationem. quisnam tali
 futurus ingenio est, qui possit haec ita mandare lit-
 teris, ut facta, non ficta, uideantur esse? quis erit
 tanta animi facilitate, qui, quae uerissime memo-
 ria propagata fuerint, non fabulae similia sit existi-
 maturus? cogita enim Antonium hostem iudica-
 tum, ab eo circumsessum consulem designatum,
 eundemq. reip. parentem: te profectum ad consu-
 lem liberandum, et hostem opprimendum, hostemq.
 a te fugatum, & consulem obsidione liberatum, de-
 inde paullo post, fugatum illum hostem, accersi-
 tum

tum tamquam coheredē mortua rep. ad bona populi R. capienda; consulem designatum rursus inclusum eo, ubi se non moenibus, sed fluminibus, & montibus tueretur. haec quis conabitur exponere? quis credere audebit? liceat semel impune peccare. sit erranti medicina confessio. uerum enim dicam. utinam te potius Antoni dominum non expulsemus, quam hunc reciperemus: non quod ulla sit optanda seruitus, sed quia dignitate domini minus turpis est fortuna serui. in duobus autem malis cum fugiendum maius sit, leuius est eligendum. ille ea tamen exorabat, quae uolebat auferre: tu extorques. ille consul prouinciam petebat: tu priuatus concupisli. ille ad malorum salutem iudicia constituebat, & leges ferebat: tu ad perniciem optimorum. ille a sanguine, & incendio seruorum Capitolium tuebatur: tu cruore, & flamma cuncta delere uis. si, qui dabat prouincias Cassio, & Brutis, & illis custodibus nominis nostri, regnabat: quid faciet, qui uitam adimit? si, qui ex urbe eiciebat, tyrannus erat: quem hunc uocemus, qui ne locum quidem reliquit exsilio? itaque, si quid illae maiorum nostrorum sepultae reliquiae sapiunt: si non una cum corpore sensus omnis uno atque eodem consumptus est igni; quid illis interrogantibus, quid agat nunc populus R. respondebit aliquis nostrum, qui proximus in illam aeternam domum discesserit? aut quem accipient de suis posteris nuncium illi ueteres Africani, Maximi, Paulli, Scipiones? quid de sua patria au-

dient, quam spolijs, triumphisq. decorarunt? an esse quendam annos xx natum, cuius avus fuerit argentarius, ad stipulator pater, uterque vero precarium fecerit quaestum, sed alterusque ad senectutē ut non negaret; alter a pueritia, ut non posset non confiteri: eum agere, rapere remp. cui nulla uirtus, nullae bello subactae, & ad imperium adiunctae provinciae, nulla dignitas maiorum conciliasset opem potentium, sed forma per dedecus pecuniam, & nomen nobile conscleratum impudicitiae dedisset: ueteres uulneribus, & aetate confectos Iulianos gladiatores, egentes, reliquias Caesaris ludi, ad rudem compulisset, quibus ille septus omnia misceret, nulli parceret, sibi uiueret? qui tamquam in dotali matrimonio remp. testamento legatam sibi obtineret? audient duo Decij, seruire eos ciues, qui ut hostibus imperarent, uictoriae se deuouerunt. audiet C. Marius, impudico domino parere nos, qui ne militem quidem habere uoluit, nisi pudicum. audiet Brutus, eum populum, quem ipse primo, post progenies eius a regibus liberauit, pro turpi stupro datum in seruitutem. quae quidem si nullo alio, me tamen inter nuncio ad illos celeriter deferentur: nam si uiuus ista subterfugere non potero, una cum istis uitam simul fugere decreui.

VERBA GRAECA,

LATINA EXPRESSA.

EX LIBRO I.

ep. 1. ἀδύνατον: quod fieri non potest.

eadem. ἐπεὶ ἔχ' ἱερῆϊον οὐδὲ βοεῖν: quoniam non
agitur de uictima, neque de bubulo ter-
gore. Ex Homero enim uerbum ἀρ-
νύδην subaudiendum est.

eadem. ἑρμαθῆνα: Hermathena, Minervae, Mer-
curijq. statua.

ep. 5. χησιομαθεῖ: uilia discentem, hoc est, de-
ditum litteris non uulgaribus.

eadem. γυμνασιώδης: apta gymnasio.

ep. 7. Ἐμολπιδῶν πάτριαι: Eumolpidarum ritus
patrios.

ep. 8. οἰκεῖον: proprium.

ep. 10. σκέψεις, καὶ ἀναβολαί: considerationes, &
dilationes.

eadem. ταυτόματον ἡμῶν: casus noster.

ep. 11. ἐν τοῖς πολιτικοῖς: in civilibus.

eadem. τοποθεσίαν: loci descriptionem.

eadem. Ἀπικώτερα: magis Attica.

eadem. φιλορήτορα: rhetoricae studiosum.

ep. 12. πανήγυρις: conuentus.

eadem. μάλ' ἀριστοκρατικῶς: ualde pro statu opti-
matum.

eadem. γενικῶς: generaliter.

Cc

4

eadem.

- eadem. λιχύδους: pigmentorum ampullas.
- eadem. ἀνεπερπερατάμην: uenditaui me.
- eadem. ἐπιχειρήματα: argumenta.
- eadem. ὑπόθεσις: materia.
- eadem. Ἀρειος πάγος: Areopagus.
- eadem. ἀφρακτίτατος: rebus agendis ineptus,
ignauissimus.
- eadem. καχέκτης: habitu uitiorum deprauatus.
- ep. 13. φιλέλληνες: Graecorū, studiosi, et amatores.
- eadem. παντοίης ἀρετῆς μιμνήσκει: omnis uirtutis reminiscere.
- ep. 14. ὕστερον πρότερον, Ομηρικῶς: ordine conuerso, Homericè.
- eadem. πρὸς τὸ πρότερον: ad prius.
- eadem. ἔσπετε νυν μοι μοῦσαι: dicite nunc mihi musae. hemistichium Homericum.
- eadem. παρρησίαν: loquendi licentiam.
- eadem. ἀγῶνα: certamen.
- eadem. ἐπισημασίας: significationes.
- eadem. ἀποθέωσιν: consecrationem.
- eadem. φιλοσοφῆτον: philosophandum.
- eadem. ἀμαλθεῖον: Amaltheum, bibliotheca s. tua.
- eadem. Ἀμαλθεία: Amalthea.
- ep. 15. τοποθεσία: loci descriptione.
- ep. 16. ἀφελέστατος: simplicissimus.
- eadem. πολιτικὸς ἀνὴρ οὐδ' ὄναρ: civilis uir ne in somnio quidem.
- ep. 17. τὸ ἐπὶ τῇ φακῇ μύρον: in lente unguentum.
proverbium.
- eadem.

eadem. ἐπιφωνήματα: acclamationes.

eadem. νῦφε, καὶ μέμνησ' ἀπιστεῖν. ἄρδρα ταῦτα ἥ
φρενῶν: uigila, & memineris non cre-
dere. hi sunt nerui sapientiae.

eadem. τίς πατέρ' αἰνήσει: quis patrem laudabit?

eadem. ἐγκωμιασικά: laudativa.

eadem. ἱστορικά: historica.

ep. 18. οἱ μὲν πᾶρ', οὐδέν εἰσιν, οἷς δ' οὐδέν μέλει.
hi, qui adsunt, nihili sunt, illis uero,
nihil curae est.

eadem. ὑπώπιον: linor.

EX LIBRO II.

ep. 1. μυροθήκιον: unguenti, & pigmentorum
arculam.

eadem. ὑπόμνημα: commentarium.

eadem. σεμνότερός τις, καὶ πολιτικώτερος: gravi-
or, & civilior aliquis.

eadem. ἀποσπάσματα: partes quaedam anulsae.

eadem. φιλόπατρις: studiosus patriae.

eadem. πολιτεία: republica.

eadem. ἄλυσσιν: satis studij est.

ep. 2. πατρὶς: patrii.

eadem. Περιναιῶν: Pelinaeorum. (sunt autem
populi.)

eadem. Κορινθίων, καὶ Ἀθηναίων: Corinthiorum &
Atheniensium.

eadem. Ἡρώδης: Herodes.

ep. 3. ἀγγέλια: boni nunciij praemia.

eadem. Κύρι παιδείαν: Cyri institutionem.

eadem.

- eadem. τὰς διαβάσεις: lucidas radiorū egressiones.
- eadem. ἔσω ὅφισ μὲν η, α, τὸ δὲ ὁρώμενον β, γ, ἀκτῖ-
νες δὲ δ καὶ ε: sit aspectus η, α: quod au-
tem uidetur β, γ: radij uero δ, ε.
- eadem. κατ' εἰδώλων ἐμπλήσεις: per simulacrorum
incurSIONES.
- eadem. εἶδωλα: species, imagines.
- eadem. ἔγχυσις: effusio.
- eadem. ὑπόστασις: statum.
- eadem. πολιτείαν: temp.
- eadem. σωκρατικῶς εἰς ἑκάτερον: more Socratico-
rum in utramque partem.
- eadem. τὴν ἀρέσκουσαν: sententiam quae placeat.
- eadem. κατάκρισις: sanctio.
- eadem. Ἀριστοκρατικῶς: pro statu optimatum.
- eadem. εἰς οἶον ὁδὸς ἄριστος ἀμυνέσθαι πρὸς πάσης: unū
augurium optimum defendere patriam.
- Homeri uersus ιλ μ.
- eadem. Θεοφράστου πρὸς φιλοτιμίαν: Theophrasti de
honorum studio.
- ep. 5. αἰδέομαι τρώας, καὶ τρώαδας ἐλκεσιπέπλους:
ueneor Troianos, et Troianas longis in-
dutas, Homeri uersus ιλ ζ.
- eadem. πολυδάμας μοι πρῶτος ἐλεγχέειν ἀναθήσει:
Polydamas mihi primus uitio dabit.
- Homeri uersus ιλ χ.
- eadem. Θεοφάνης: Theophanes.
- eadem. φιλοσοφεῖν: philosophari.
- eadem. ἐπὶ χαλῆς: in otio.

ep. 6. γιωγραφικά: de terrae descriptione com-
mentarios.

eadem. ὁμοειδῆς: uniformes.

eadem. ἀνθηρογραφῆσαι: floride scribi.

eadem. πολιτῶτίον: nauanda opera reip.

eadem. ἀνέκδοτα: non edita.

eadem. ἱπολιτῶομαι: publice curo.

ep. 7. κατὰ τὸ πρακτικὸν: ad agendi rationem
quod spectet.

eadem. καὶ ὑπὸ σέγῃ Πυκνᾶς ἀκῆσαι Δεκάδος δίδου-
ση φρενὶ: & sub lecto frequentem audi-
re guttam dormienti animo. est autem
finis uersus, & uersus integer.

ep. 9. ζωῶπις: bonis oculos habens.

eadem. παλινῳδῆαν: mutationem cantus.

eadem. διβάωφ bis tincta purpura.

eadem. σοφισδέν: sapientiae studium exercere.

eadem. ἱπαγγέλλομαι ἀνδρ' ἀπαμύεσθαι ὅς τις πρό-
τερος χαλεπήνῃ: profiteor me ulturum,
quicumque prior laeserit.

eadem. Κικέρων ὁ μικρὸς ἀσπάζεται Τίτον Ἀθηναῖον:
Cicero paruulus salutat Titum Athe-
niensem.

ep. 10. ὑποσόλοιον: subabsurdum.

eadem. ἀναφαίνεσθαι apparere.

ep. 13. πτηχεῖ ἀλλ' ἀγαθῇ κουροσφόος. ἔτι ἔγωγε
Ἡς γαίης δυνάμει γλυκερώτερον ἄλλο ἰδέ-
σθαι: Apera, sed bona puerorum mi-
trix: nequaquam ego ea terra passum
dulcius

dulcius quidquam aspicere .

ep. 12. Δαγγέλια : boni nunciij .

eadem . συγκύρημα : casum .

eadem . ζώσης φωνῆς : uiuac uocis .

eadem . βοώπιδος : bonis oculos habentis .

eadem . ἀσελγοῦς : intemperantis .

eadem . ἐξύπεινος : famelicus , auidissimus .

eadem . συμπόσιον : conuiuium .

eadem . τατ' ὁπάρην παχύτης : autumnno ipso asperitas .

eadem . ἀδικίαι ἄρχοι : iniusti magistratus .

eadem . καὶ Κικέρων ὁ φιλόσοφος τὸν πολιτικὸν Τίτον ἀπαύζεται : Cicero philosophus Titum salutatur reip. deditum .

ep. 13. αὐθωρεῖ : eadem hora .

eadem . Τηλέπυλον Λαιστρυγονίην : Telepylum urbem Laestrigoniam .

eadem . φιλοσοφῶμεν : philosophemur .

ep. 14. Δαναπρέπες : quae facile possint immutari .

eadem . ἐν τυραννείᾳ : sub tyranno esse .

eadem . Κικέρων ἀριστοκρατικώτατος παῖς : Cicero status optimatum studiosissimus puer .

ep. 16. φουᾶ γὰρ οὐ μικροῖσιν αὐλίσκοις ἔτι , ἀλλ' ἀγρίαις φύσαισι φορβείας ἄτερ : intumescit enim non paruis tibiolis amplius , sed efferis follibus sine lingula .

eadem . ἐσπιζέτο : cauillabatur , malitiose cogitabat .

eadem . τὸν πρακτικὸν βίον : uitam in agendo positā .
eadem .

eadem. τὸν θεωρητικὸν: quae in rerum contempla-
tione collocatur.

eadem. πρότερον λέων, ὅπιδεν δὲ: ante leo, post uero.
Hom. Il. ξ, & D. Hieron. in ep. ad
Rusticum monachū, de uiuendi forma,

eadem. εἰ δὲ μὴ: si uero non.

ep. 17. ἐμολογουμένως τυραννίδα συσχεάζεται:
sine dubio ad tyrannidem uiam struit.

eadem. Δελτισία: bona spes.

eadem. ἀδικροφία: aequanimitas.

eadem. ἀφιλόδοξον: ambitione uacans.

eadem. κατὰ τὸ κηδεμονικόν: curiose.

eadem. ὑποθήκας: documenta.

eadem. πρὸς τῶν ὅλων: de summa rerum.

ep. 38. σκοπὸς: scopus.

eadem. κατὰ λεπτόν: minutatim.

ep. 19. ἄλῃς δρυὸς: satis est quercus. i. glandium.

eadem. τυφλώπῳ: caecutio.

eadem. τῷ καλῷ προαίετοισι: erga honestum sum
affectus.

eadem. ἀσφάλειαν: securitatem, cautionem, prae-
sidium ad furorem Clodij.

eadem. ἀκκιζόμεθα: dissimulamus.

eadem. ἐν αἰνίγματι: obscure dictis.

ep. 20. ἀλληγορίαις: allegorijs.

ep. 25. ἐλκτὰ, καὶ οὐδὲν: inuoluta, & nihil.

eadem. τὰς τῆς κρατουμένων: est autem initiū sena-
rioli, qui est huiusmodi apud Euripidē in Phoe-
nissis. τὰς τῆς κρατέων ἀμαθίας φέρειν χεῖρων:
poten-

Potentium fluititias ferre oportet.

EX LIBRO IV.

- ep. 3. ¹⁰ μυσικώτερα: secretiora.
- ep. 4. συλλαβούς: indices ex membranula.
- ep. 5. παλιν᾿ ὁδία: mutatio cantus.
- eadem. ὑποθέσει: argumento.
- ep. 6. ¹⁰ πολιτικῆς: reip. deditus.
- eadem. ὁ παδοῖ: affectatores aliorum in militia.
- eadem. ταγῶν: duces.
- eadem. ¹⁰ ἀπάρταν ἑκάχης ταύταν, κόσμη: Spartam
fortitus es hanc, orna.
- eadem. βαθύτης: profunditas.
- eadem. ¹⁰ ἀκωρότερον: opportunius.
- ep. 7. οὐχ ὅσιν ὀθιμένοιαι: impium mortuis. vi-
de commentarium.
- eadem. ὁ δὲ οὐκ ἐμπάζετο μύθων: hic uero non cu-
rabat sermones.
- ep. 8. μήπω μέγ' εἶπες ὅτιν τελευτήσαντ' ἴδης: ni-
hil magnum dixeris prius, quam mor-
tuum uideris. senarius.
- eadem. σύκῳ, μὰ τὴν δῆμητρα, σῦκον, οὐδὲ ἐν Οὐ-
τῷ ὁμοιον γέγονεν: fico, per Cererem,
ficus nulla umquam tam similis fuit. est
autem senarius, & senarij principium.
- eadem. περίσσις: status.
- eadem. πολιτικῶς: ciuilititer.
- eadem. γραμμὴν: lineam.
- ep. 10. καὶ τὸ δὲ φωκυλίδου: & hoc Phocylidis.
- ep. 15. οὐδὲν γλυκύτερον, ἢ πάντα εἰδέσθαι: nihil
dul-

dulcius, quam omnia scire.

ep. 13. σκυλιδόν : uexationem, perturbationem.

eadem. ὀξύτερος : ita curiosus, ut omnia scire cupiam : audivissimus, ut fame percitus.

eadem. τὴν παροῦσαν κατὰς αὐτὴν τυπώσας : praesentem statum reip. quoquo modo informatum.

ep. 15. συμπάθειαν : parem animi affectionem.

eadem. ἡμερόλεγον : ut quaeque singulis diebus acciderunt.

eadem. ἀρεοπαγίτας : areopagitas.

eadem. τέμνη : loca amoena.

eadem. σῆμα δέ τοι ἐρεῶ : signum autem tibi dicam. Homerus in 4.

eadem. ἐξοχή : excellentia.

ep. 16. ἐξωτερικούς : exteriores.

eadem. πολιτεία : in libris de republica.

eadem. τεχνολογίαν : de arte ratiocinationem.

eadem. ἐμφιλοσοφῆσαι : philosophari.

ep. 17. Ἀττικισμὸς : Attica locutio.

eadem. συμπάθεια : similis affectio.

EX LIBRO V.

ep. 3. σπουδαϊότερον : gravius.

ep. 4. δυσδιάγνωστον : difficile cognoscere.

ep. 5. διαλόγους : sermones.

ep. 9. φιλοφροσυνέστατα : studio benignissimo.

ep. 10. ἑρδοί τίς : faciat quisque. (subaudi, quam novit artem.)

eadem. δυσδαιμόνητα : difficilia mitigata.

eadem.

- eadem . καθύψις : profunditatem .
- eadem . μελέτη : meditatio , exercitatio .
- eadem . ἄνω καὶ κάτω : sursum , & deorsum .
- ep. 11 . ἄφρακτα : sunt naues , non tectae , nec munitiones ad pugnandum .
- eadem . ἐπικώπων : genus nauigij .
- eadem . οἷα τ' ἂν δέσποινα : qualis hera fuerit .
- eadem . ἀνέξιαν : tolerantiam .
- eadem . μετίωρος : suspensus .
- eadem . ὑπομνηματισμὸν : decretum , monumētum .
- eadem . συμπαθῶς : cū affecti animi significatione .
- eadem . νομανδρίαν . uide commentarios .
- ep. 12 . σωτηγώνιον : cum illo maerebam .
- eadem . πολιτικώτερον : ciuilius .
- ep. 14 . παράγγελμα ἐνιαύσιον : quod mandauī de annua administratione .
- eadem . ἐνδόμυχον : occultum .
- ep. 16 . ἐπικεφάλια : tributa per capita .
- ep. 17 . συμφιλοδοξοῦσιν : simul gloriae seruiunt .
- ep. 18 . κεφάλαιον : capit .
- eadem . συμπάθειαν : parem affectionem .
- ep. 19 . τὸ νemesᾶν : indignari .
- eadem . τοῦ φθονεῖν : ab inuidendo .
- ep. 20 . ἐν ἐπιτομῇ : summatim .
- eadem . πανικά : subita quaedam , tamquam auctore Pāne deo , terricula .
- eadem . κενὰ τοῦ πολέμου : inania quaedam in bello
Aristoteles lib. III . ἠθικῶν .
- eadem . μόμφ : qui omnia carpit .

eadem .

eadem. πεφυσίωμαι: elatus sum.
 eadem. λαμπρά: splendida.
 eadem. ἐν παρόδῳ: in transcursu.
 eadem. ἀπόροσιτον: non facilem accessu.
 eadem. ἀδωροδόκητον: incorruptum largitione.
 eadem. κέραι: cornu.
 ep. 21. ἡμερήματι: felici eius diei successu.
 eadem. ἀκροτελές: conclusionem.
 eadem. γλυκύπικρον: dulce & amarum.
 eadem. ὑπερβολικῶς: supra veritatem.
 eadem. τέττις: quadrigas.
 eadem. κέραι: cornu.
 eadem. ὁδοῦ πάρεργον: obiter.
 eadem. ἐνδομύχρ: arcano.

B X L I B R O V I.

ep. 1. οἰκονομίαν: domesticæ rei ordinem.
 eadem. οἶχεται: evanescit.
 eadem. βαθύτητα: gravitatem.
 eadem. ὑπομεμφιμοίρας: subquerulas.
 eadem. ἐξ ἀφαιρέσεως: per extractionem.
 eadem. προσανατρεφομένην: recreatam.
 eadem. ἀκοινωνήτως: incommunicabiliter, ad tollendam amicitiae communionem.
 eadem. ἐγκυλίσματα: hortationes.
 eadem. τὸ γὰρ &, μετ' ἐμῶ: quod enim bene est, mecum est.
 eadem. ἱστορικόν: historicum.
 eadem. οὐκ ἔλαθες: non sefellisti.
 eadem. ἀφελῶς: simpliciter.

- eadem. οἰκονομία: dispositio.
 eadem. χεδιάζοντα: temere, non ordine scribentē.
 eadem. πολιτῶμα: administrationem publicam.
 eadem. κέρως: cyrni.
 eadem. ἰσοδυναμοῦσιν: quae idem ualeat.
 eadem. διαίρεσιν: diuisionem.
 eadem. ἄγραφον: non scriptum.
 eadem. αυτονομίαν: libertatem suis utendi legibus.
 eadem. τὸ παραδοξότατον: inopinatissimum.
 eadem. μηδὲν αὐτοῖς: nihil illis, subaudi, crede.
 eadem. ὡς πραγμάτων ἀσυγκλώσεων: o res quae con-
 iungi non possunt.
 eadem. πολυδῆκους: Pollucis aedem.
 eadem. ἀνιστορησίαν: inscitiam historiarum.
 eadem. ὑπέρησας; dubitasti.
 eadem. ἄπολιν τὸν τῆς ἀρχαίας: Eupolim illum
 ueteris. s. comoediae scriptorem.
 eadem. τὶ λοιπόν; quid reliquum?
 eadem. πολλοῦ γε καὶ δεῖ: multum quidem abest.
 eadem. χρύσεια χαλκείων: aurea pro aereis. Home-
 ri locus ix. ζ.
 eadem. ἀναντιφώνητον: sine responsione.
 eadem. αἰδιδεν μὲν ἀνίνασαι, δέισαν δ' ὑποδέχθαι:
 ueriti sunt quidem recusare, timue-
 runt autem accipere, Homeri uersus
 integer ex ix. η.
 eadem. παριστοῖσαι: scire.
 eadem. προπύλαιον: uestibulum.
 ep. 2. ἱστορικώτατος: historiarum peritissimus.
 eadem.

eadem. νειώκτις: nuper aedificata.

eadem. τῶ ὄψι νειῶν καταλόγῳ: in navium enumeratione, apud Homerum videlicet.

eadem. ἀναλογία: proportio, analogia.

eadem. φλιούς, ὀπούς, σιπούς: Phlius Phliuntis, urbs Lacedaemoniorum: Opus Opuntis, urbs Locrorum, per contractionē integrum est ὀπόεις ὀπέντος: Sipus Sipuntis, urbs Dauniorum in Apulia.

eadem. ὀπούωτιοι, σιπούωτοι: gentile nomen ab ὀπούς, σιπούς.

eadem. αὐτονομίαν: libertatē suis legibus utendi.

eadem. ὑπερβολικῶς: supra modum.

eadem. ἀνθήειν: fatuam simplicitatem.

ep. 3. πολλὰ δ' ἐν μεταχίμῳ Νότος κυλίνδει κεί-
ματ' ἀρείης ἁλός: multos autem in in-
termedio Ausler voluit fluctus lati ma-
ris est enim propriē μεταχίμιον id spa-
tium, quod est inter duos exercitus.

eadem. ἀκρινώγιτον: aptum ad dirimendam ami-
citiam.

eadem. μυσικώτερον: secretius.

ep. 4. τῷ δ' αμαρτὸς μου ὁ ἀπελάθθερος (οἷδά ὃν λέ-
γῃ) ἔδωξέ μοι φρόνην, ἐξ ᾧ ἀλγυδόμενος πα-
ρεφδέγγετο, πεφυρακέναι τὰς ψήφους ἐκ τῆς
ἀνῆς τῇ ὑπαρχόντων τῷ Κροτωνιάτῃ τυραν-
νοκτενέ. δέδοικα δὴ μή τι νόσησῃς δῆπν τῷ
το περισκεψάμενος, τὰ λοιπὰ ἐξ ασφαλίας:

exoris meae libertus (nossti quem dico) ui

sus est mihi dudum e verbis, quae inconfi-
derate protulit, turbasse calculos, seu suf-
fragia ex coemptione honorum Crotonia-
tae tyrannicidae. timeo ne quid intelligas.
unus quidem hoc si consideraueris, reli-
qua in tuto.

ερ. 5. τῆς ξυναέρου τῆς ἐμῆς οὐξ ἐλπίθερος, ἔδοξέ
μοι θάρσά βαρπρίζων, καὶ ἀλύαν τοῖς ξυλλό-
γοις, καὶ ταῖς λέξαις ὑπότι πεφυρακέναι τὰς
ψήφους ἐν τοῖς ὑπάρχουσι τοῖς τοῦ Κροτων-
ιάτου. nichoris mae libertus. misus est mihi
saepe garriens, & in conciliabilis, &
confessionibus nugantium aliquid turbasse
calculorum in bonis Crotoniatæ.

eadem. ἐξ ἄσπειρος ἐπὶ ἀλόφει τειχῶν παρέδωκεν ἡμῶν
γάμου ὀφειλήματα ὁ Κάμμιλος, αὐτόν τε ὀ-
φείλοντα μὲν κδ. ἐκ τῆς Κροτωνιατικῶν,
καὶ ἐκ τῆς Χερρόνησιτικῶν μη. καὶ κληρονο-
μήσαι χμ. κ. μ. τούτων δὲ μηδὲ ὁβολὸν
διαλύσασθαι πάντων ὀφειληθέντων τοῦ δαδτέ-
ρου μινὸς τῆς νουμηνία. τὸν δὲ ἀτελέστερον
αὐτοῦ, ὅντα ὁμώνυμον τῷ Κόνωνος πατρί,
μηδὲν ὀλοχερῶς πεφροντικέναι. ταῦτα
ᾧ, πρῶτον μὲν, ἵνα πάντα σώζη: δαδ-
τερον δὲ, ἵνα μηδὲ τῆς τόκων ὀλιγωρήσης
τῆς ἀπὸ τῆς προεκκεκμένης ἡμέρας, ὅσας αὐ-
τὸν ἡνέγκαμεν, σφόδρα δέ δοικα. καὶ γὰρ πα-
ρὶν πρὸς ἡμᾶς κατασκευάζεμενος, καὶ τι χει-
ρὸν ἐλπίσας. ἀπογνοὺς δὲ, ἀλόγως ἀπί-
στη,

τε ἰππεῶν, αἰχρὸν τοι δυρόντε μένιν.
 e septicolis urbis moenibus tradidit (id est
 scripsit ad me) nostri coniugij (id est, uxo
 ris meae) aes alienum Camillus. debere
 eam uidelicet minas 24 ex bonis Croto-
 niaticis; ex Cherrhonesiticis 48. ex here-
 ditatibus autem percepisse 640. 20. 40.
 atque ex his ne obolum quidem dissoluisse
 ex omni aere alieno, secundis mensis kalen-
 dis. libertum autem ipsius eum, qui Co-
 nonis patri cognominis est; nihil ne ipsum
 quidem curasse: primum igitur hoc; om-
 nia ut custodias: deinde, ut ne usuras qui-
 dem negligas eas, quae current, ab eo,
 quem ante diximus, die. Ego quidem, per
 eos dies, quibus illum (Timotheum uide-
 licet) pertuli ualde, magno in timore fui.
 erat enim apud nos, ut exploraret, ac
 aliqua etiam spe adductus. qua cum exci-
 disset, temere abiit, satus, Turpe qui-
 dem est remanere diu. Hoc autem postre-
 mum hemistichium est Homericum. totus
 uersus hic est,

Αἰχρὸν τοι δυρόν τε μένιν, κατεόν τε νέεσθαι.
 Turpe quidem est remanere diu, nasci-
 umq. reuerti. il. β.

eadem. λεληθότως: latenter.

eadem. ἄλλο πρόβλημα: alia quaestio.

ep. 6. πυρὸς εἰς δῆμον: frumenta in populum.

- eadem. ἀνδύλας: vestibulo.
 eadem. ἐπέχειν: haesitare, dubitare.
 eadem. ἐποχῆς: dubitationis.
 eadem. παλιγγενεσίαν: regenerationem.
 ep. 7. ἐν αἰνιγμοῖς: aenigmaticae.
 eadem. ἀπλοῶς: simpliciter.
 ep. 8. αἰσχρὸν σιωπᾶν: turpe tacere.
 ep. 9. σύγχυσις: confusionem.
 eadem. παραφύλαξον: observa.
 eadem. τὴν τῷ φουρατοῦ φιλοτιμίαν αὐτότατα: tur-
 batoris auaritiam quammaxime.
 eadem. κενὸν: inanem.
 eadem. ἄτυχον: sine ambitione, parui animi.
 eadem. ἐπέχειν: dubitare.
 eadem. ἀθέτησις: improbatio.
 eadem. ἐποχή: cunctatio.
 eadem. τοῦ μὲν ὄνειρον ἐμοί: meum mihi somnium.
 eadem. ἐπιχρονία ἐποχή: diuturna dubitatio.
 E X L I B R O V I I.
 ep. I. φιλοτιμία: ambitio.
 eadem. πρίσλημα: quæstionem.
 eadem. ἀλλ' ἐμὸν οὐ ποτε θυμὸν ἐνὶ στήθεσιν ἐπειθες.
 eadem. οὐδὲν γλύκιον ἢς πατρίδος: sed meum
 numquam animum in pectoribus per-
 suasisti, quod nihil dulcius sua patria.
 eadem. αἰδέομαι: vereor.
 eadem. τρώετ' καὶ τρώαδας: Troes & Troadas.
 eadem. πικρὰ δάμας μοι πρῶτος ἐλεγχεῖν κατεθή-
 σιν:

σει : Polydamas mihi primus probrum
inferet.

eadem. ἰδοῦ πάρεργον : praeter propositum ; ut e-
grediar a proposito.

eadem. ἐπικτήτα : fluxa, non diuturna.

eadem. ἐκβολὴ λόγου : egressio orationis.

eadem. ὁπέρισον : parabilem.

eadem. οὐράτης : permissor.

eadem. ἀλλὰ τὰ μὲν προτετύχθαι ἴασομεν, ἀγνώ-
μετοί περ : sed haec quidem facta esse si
namus, licet dolentes. id est, praeterita
omittamus, licet cum dolore.

eadem. ἄμεμπτα : non accusanda.

ep. 2. ἥβη νεωτέρων : iuniorum.

eadem. αὐτόχθων : natiua, & indigena.

eadem. σορῆν φυσικὴν : amorem naturalem.

eadem. ὡς τὰ τέκνα : in filios.

ep. 3. ἀμεταμέλητα : non paenitenda.

eadem. τὸ σκάρος ἥβ' ἀτρίδων : nauigium Atri-
darum.

eadem. συντόμα : compendiosa.

eadem. δῆμιους : uicos.

eadem. ζήτημα : quaestionem.

ep. 4. τεκμηριῶδες : coniecturale, iudicium.

ep. 5. τοῖς ἀπαντῶσις : obuiam mihi uenientibus.

eadem. δύχρηστα : inutilia.

eadem. ἀπόπρῃλαι : abstergito.

ep. 6. οὐ γὰρ ἂν τόδε μείζον ἐπει κακὸν : neque enim
maius sequetur malum. Hom. ἑδ. μ.

ep. 7. παλινοδία: *mutatio cantus.*

eadem. λῆψις: *quartanae correptio.*

eadem. ἀβδεριτικὸν: *Abderiticum.*

eadem. ἐμπολιτεύομαί σοι: *tecum de republica disputo.*

ep. 8. πολιτικὸν σκέμμα: *ciuilis consideratio.*

eadem. φιλοσοφώτερον διδύκρινήσομεν: *sapientius dīu dicabimus.*

eadem. σύγχυσις τῆς πολιτείας: *confusionem rei publicae.*

eadem. ξωὸς ἐνυάλιος: *communis Mars. Homeri locus il. Σ.*

eadem. πολιτικῶς: *ciuilititer.*

eadem. ἄμορρον ἀντιπολιτευόμενον χειροφιλίτην: *deforme, & turpe est, aduersantis in republica debitorem esse.*

ep. 9. διδύκρινήσεις πρόβλημα πολιτικὸν: *dijudicabis quaestionem ciuilem.*

ep. 11. τῆ καλῆ: *honesti.*

eadem. χειρὶν ἀποκοπὰς, εὐγάδων καθόδους: *tabulas nouas, exsulum restitutiones.*

eadem. τὴν θεῶν μεγίστην ὥς ἔχειν τυραννίδα: *dearum maximam ut obtineat tyrannidē. Euripides in Phoenissis.*

eadem. ἐνχολάζω σοι: *otium tecum disputans consumo.*

eadem, ἀποροῶ: *dubito.*

eadem. οὕτως που ἤρ' ᾤομεν ἱπενθέμεθα κλέα ἀνδρῶν: *sic sane superiorum lugebamus laudes*

laudes uirorum.

eadem. ἰπίσκοπον: speculatorem, custodem.

eadem. ὀρμή: impetus.

ep. 12. παλαρισμὸν: Palaridis imitationem.

eadem. αἰδέομαι τρώας: uereor Troianos.

ep. 13. ἀπορίαν: dubitationem.

eadem. ἥρωα: heroem.

eadem. πολιτικῶς: ciuilititer.

eadem. ἀστράτηγτος: regendi exercitus ignarus.

eadem. πρὸς τὸ ἀσφαλές: ad securitatem.

eadem. μάντις δ' ἄριστος: uates autem optimus.

ep. 16. σιτισιδέσπερον: magis Sextianum.

eadem. ὑπεκθήμενος: cum dimisero, transporta-
uero.

ep. 17. ἄδδ' ἡσιόδειον: quod falso Hesiodo adscri-
bitur.

eadem. μὴδὲ δίκην: neque causam: totum car-
men est, μὴδὲ δίκην δικάσης, πρὶν ἀμ-
φοῖς μῦθον ἀκούσης: ne causam ante iu-
dicaueris, quam utriusque partis ora-
tionem audiueris.

ep. 19. καὶ σὺναποθανεῖν: et simul mori.

ep. 20. φαινοπροσωπεῖν: apparere, uultum osten-
dere.

eadem. σκέμμα: consideratio.

eadem. ἀπορία: dubitatio.

EX LIBRO VIII.

ep. 2. διπλή: nota in margine adscripta, sic a
graecis appellata.

ep. 3

ep. 8. ἀπροσφωνήτως: insalutatos.

eadem. τὸ καλὸν: honestum.

eadem. πρὸς ταῦθ' ὅ, τι χεῖν, καὶ παλαμάδων, καὶ
πάν ἐπ' ἐμοὶ τεκταίνεσθαι: ad haec, quod
oportet, & fatiant, & omnia in me fa-
bricentur.

eadem. τὸ γὰρ εἶ, μετ' ἐμοῦ: quod enim bene est
mecum est.

eadem. πολλὰ χαίρειν τῷ καλῷ: multam salutem
honesto.

ep. 9. δ' γενῇ: g'nerosa, nobilia.

eadem. σὺν διημέρῳ: simul diem conterimus.

eadem. τέρας: monstrum.

ep. 11. σκοπὸς: scopus.

eadem. προθεσπίζω: praesagio.

eadem. ἱλίας: ilias.

eadem. περὶ ὁμονίας: de concordia.

ep. 16. ἀπολιτικώτατον: maxime civilis guber-
nationis expertem.

eadem. ἀστρατηγικώτατον: maxime imperatoriae
artis ignarum.

eadem. ἀπαντήσεις: occurfus obviam.

eadem. αἰδέσθαι Τρῶας: timeo Troianos.

EX LIBRO IX.

ep. 1. κενόπουδα: inanis studiū plena.

eadem. ἀναπάντητον: in quo nemo occurrat.

ep. 2. ἀπὸ τὴν διάληψιν: sub ipsa accessione febris.

eadem. ἀπυρρησίασον: minime liberam.

eadem. τίς δ' ἐσιδούλος, τῷ δανεῖν ἄφροντις ὢν:
quis-

quisquam est servus; de morte securus
qui sit?

eadem: ἀσμένισον: gratissimum.

ep. 4. Δέσεις: materias.

eadem. Εἰ μεντέον ἐν τῇ πατρίδι τυραννουμένην τυ-
ραννουμένης δὲ αὐτῆς, εἰ παντὶ τρόπῳ τυραν-
νίδος κατάλυσιν πειρατέον, ἢ μὲλλον διὰ
τοῦτο πρὸ ὅλων ἢ πόλις κινδυνώτειν.
εἰ ἀλαβητέον τὸν κατάλυστα μὴ αὐτὸς ἄρ-
θῇται εἰ πειρατέον ἀρῆγειν τῇ πατρίδι εἰρήην
μᾶλλον, ἢ πόλεμον εἰ πολιτικὸν τὸ πῶς χάσειν
ἀναχωρήσαντά τοι τῆς πατρίδος τυραννου-
μένης, ἢ διὰ παντὶς ἴτεον κινδύνου τῆς
ἐλευθερίας πέρι. εἰ πόλεμον ἐπακτέον τῇ χώ-
ρᾳ, καὶ πολιορκητέον αὐτὴν τυραννουμέ-
νην, εἰ καὶ μὴ δοκιμάζοντα τὴν διὰ πόλεμου
κατάλυσιν τῆς τυραννίδος σωμαπορηπτεόν
ὅμως τοῖς ἀρίστοις. εἰ τοῖς ἀεργέταις, καὶ
φίλοις συγκινδυνώτεον ἐν τοῖς πολιτικοῖς,
καὶ μὴ δοκῶσιν ὡς βεβουλεύσαι πρὸς ὅλων.
εἰ ὁ μέγιστα τὴν πατρίδα ἀεργετή-
σας, δι' αὐτὸ δὲ τοῦτο ἀνήκεσα παθῶν, καὶ
φθονηθεὶς, κινδυνώσκειν ἂν ἐθελογυῖν ὑπὲρ
τῆς πατρίδος: ἢ ἀφετέον αὐτῷ ἑαυτοῦ ποτε,
καὶ πρὸ οἰκιοτάτων ποιῆσαι σπρόναιαν.
ἀφεμένῳ τὰς πρὸς τοὺς ἰσχύοντας διαπολι-
τείας: an manendum in patria tyrannide oppressa:
ea vero tyrannide oppressa, an quovis modo tyrannidis eversio tentan-
da

da est, etiam si ciuitas propter id de summa rerum periculum subitura sit. Vtrum cauendum tyrānidem destruenti, ne ipse de medio tollatur. An tentandum ferre opem patriae pāce potius, quam bello.

Vtrum ciuile sit, secedentem aliquo, quiescere, oppressa a tyranno patria, an quodcunque subeundum discrimen pro libertate. an bellum inferendum regioni, eaq. sit obsidenda a tyranno oppressa, an etiam is, qui non probet, ut bello tyrannis dissoluatur, tamen subscribere optimatibus debeat. An cum bene meritis & amicis una subeunda sint, pericula, etiam si illi minus recte de summa rerum consuluisse uideantur. (hic Pompeium notat, ut ep. 1. huius l.) Vtrum de patria bene meritis, ob eamq. causam grauissima quaeque passus, & inuisus, (hic se ipsum describit, qui, Catilinae cōiuratione oppressa, pro maximis meritis crudelissima supplicia pertulerat) ultro pro patria discrimine subire debeat, an permittendum ei, ut sui ipsius interdum, & familiarissimorum rationem habeat, dimissis aduersus potentes concertationibus pro rep.

eadem. ὅς ἐπορεύου τι: quae sunt ex re.

eadem. ἀκαίρος: intempestiuus.

ep. 5. ἡ σωμαχός: bono stomacho.

eadem.

eadem. αὐτίκα γὰρ τοι ἔπειτα μεθ' ἕκτορα πότμος
ἔτοιμος: *Statim enim tibi deinde post*
Hectorem mors parata.

eadem. αὐτίκα τεθναίνην, ἔπει οὐκ ἄρ' ἐμελλον ἑταίρω
Κτεινομένῳ ἱπαμῶνα: *utinam. Statim*
obeam, postea quam non eram socio,
cum interficeretur, suppetias laturus.

eadem. ἑταίρω: *sodali.*

eadem. ἀ' ἐργάτω: *bone merito.*

ep. 6. οὐδέ μοι ἦτορ ἔμπεδον, ἀλλ' ἀλαλύκτημα.
neque enim mihi cor firmum, sed con-
sternato sum animo. Homerus il. x.

eadem. αἰχρῆ φαντασία: *turpitudinis imago.*

eadem. ἐν δυνάμει: *in potestate.*

eadem. σωτῆρ' ἐρχομένα: *pariterq. duo euntes.*

ep. 7. τὸ σωτήχον: *proximum.*

eadem. ἀπάντησις: *occursus.*

eadem. πολιτῶμα: *actionem publicam.*

eadem. μή μοι γοργεῖν κεφαλὴν δεινοῦ πελώρου: *ne mi*
hi gorgoneum caput horrendi & gra-
vis monstri.

eadem. εἰδώς σοι λέγω: *sciens tibi dico.*

eadem. ἀχαρισίας: *ingrati animi.*

eadem. ὀπλοῦς ὥρατος: *navigatio idonea.*

eadem. μέντωρ πῶς τ' ἄρ' ἴω, πῶς τ' ἄρ' προσπύξομαι
αὐτῷ; *Mentor, quonam modo audeam,*
& quonam modo amplexabor ipsum?
Homerus ὁδ. γ.

ep. 8. θέσεις: *materias.*

eadem.

- eadem. Διονύσιος ἐν Κορίνθῳ : Dionysius Corinthi.
- eadem. τό τε μοι χάρις ἔρῃα χάρων : tunc mihi de-
hisceat lata terra.
- ep. 9. ἐν τοῖς ἐρωτικοῖς : in rebus amatorijs.
- eadem. ἀλογίζων : inconsiderate.
- eadem. ὑποκορίζη : leni uocabulo appellas.
- eadem. χρησμός : oraculum.
- eadem. ἀσπονδον implacabilem.
- eadem. φιλόπατρον, ἀσπολιτικόν : studiosum pa-
triae, ac ciuilem.
- eadem. γενικώτερον : generalius.
- eadem. νεκράν : turbam mortuorum.
- eadem. ἀπορῶ : dubito.
- eadem. σερκτέον : probandum.
- eadem. τὸ μέλλον καταδοκίμης : quod futurum est
exspectabis.
- eadem. ὑπὸ τῇ λήπιν : sub accessionem quartanae
febris.
- eadem. δωμένισον : gratissimum.
- eadem. πολιτικόν : ciuile.
- eadem. μακροθυλίαν : affectionem animi longin-
qua spectantis.
- eadem. εὐδαίμονα : felicem.
- ep. 10. οὐκ ἐστὶν ἔτυμος λόγος : non est uerus sermo.
- eadem. ἀνημερίαν : felicem diei successum.
- ep. 11. συναγωγή : collectio.
- eadem. ἐσάλπιζεν : turba canebat.
- eadem. λάτισμα : falsa quaedam ostentatio.
- eadem. γοητεία : praestigationem.

eadem.

eadem. πεισανάγκη: suasionem uolentam.

eadem. αἰ γὰρ τῷ τυράνιων δέησις, οἷσι πλάτων,
οἷσι δ' ὅτι μεμιγμένα ἀνάγκαι: tyrannorum enim preces, inquit Plato, non si quam permistae necessitatibus.

eadem. ἀλίμενα: sine portu loca.

eadem. ὑπηρεσίαν: ministerium.

eadem. ἀδημονῶν: se occultans.

ep. 12. διατροπὴν: infamiam.

eadem. αὐθεντικῶς: auctoritate quadam domini utentem.

ep. 14. τέτλα, κυώτερον: perfer, grauius tulisti.
sumptum ex Homeri uersu de Ulyssse suum cor alloquente.

eadem. ἄλλα μὲν αὐτὸς: alia quidem ipse.

eadem. ἄλλα δὲ καὶ δαίμων ὑποθήσεται: alia autem uel deus suggeret.

ep. 18. ἀναθεώρησις: speculatio.

Ε Χ Θ Λ Ι Β Ρ Ο Χ.

ep. 1. μὴ μὰν ἀπουδεῖ γε, καὶ ἀκλειῶς ἀπολοίμην: ne negligenter & inglorius peream.

eadem. ἄλλα μέγα ῥέξας τί χ' ἐσομένοισι πυθέσθαι: sed magno aliquo facinore edito, quod uel a posteris audiat.

eadem. τῷ πολιτικώτατων σκιμμάτων: maxime ciuiliū considerationum.

eadem. ἄλη: error.

eadem. πολιτῶτέον: uersandum in republica.

ep. 7. τῷ τε παραχρῆμα δι' ἐλαχίστης βουλῆς κρά-

τις γόμων, καὶ ὅς μελλόντων ἐπὶ
πλεῖστον τοῦ γενησάμενου ἀριστος εἰκαστής:
Et praesentium, quae repente accidunt,
minima deliberatione peritissimus co-
gnitor Et futurorum optimus plerun-
que coniector.

eadem. τότε ἄμεινον, ἢ χεῖρον ἐν τῷ ἀφανεί ἐτι προ-
εώρα μάλιστα: quid melius, aut quid pe-
ius, uel obscurissimis in rebus provide-
bat maxime.

eadem. πλιδοκῶν: tempestatem ad nauigandum ido-
neam exspectans.

eadem. εὐργῆς: amoris.

eadem. συντηξίς: colliquatio.

eadem. συμπάθειαν: parem affectionem animi.

eadem. ζηλοτυπία: aemulatio.

ep. 8. τυραννικῶς: tyrannice.

eadem. αὐθεντικῶς: pro certo.

eadem. σκυτάλην: λακωνικὴν: Scytalem Laconicam.
uide comment.

eadem. σωθῆναι τοι λέγω: saltem si deus fauerit.

eadem. δυσουρία: urinae difficultas.

eadem. ἀρχῇ: principium.

eadem. ἀνθοποιήτων: nequaquam formati mori-
bus.

eadem. ὑδὲς ἐπιμελιτέον: moribus adhibenda dili-
gentia.

ep. 9. ὑπουλον: subdolum.

eadem. ἀφράκτορ: detecto nauigio.

eadem.

eadem. ἀποτόμως: concise.

eadem. θυμικώτερον: stomachosius.

ep. 10. παραπλουτέον: abnauiigandum.

eadem. ἀλλὰ τὰ μὲν προτέτυχθαι, ἰάσομεν ἄχνημε-
νοί περ: sed quae quidem ante acta sunt,
omittemus quamuis tristes.

eadem. σφάλμα: error.

eadem. ἀρετὴ: uirtus.

eadem. διδασκόν: res, quae tradi possit docendo.

ep. 11. περὶ καιρολυσίαν γίνεσθαι: circa uentris
solutionem esse.

ep. 12. ὡ πολλῆς ἀγεννείας: o multam ignobilitatē.

ep. 16. ἐπιαμνηνιάον ἡυτόκησεν: septimestrem sal-
ua peperit.

eadem. Κωρυκαῖοι: Corycaeī.

EX LIBRO XII.

ep. 1. γεροντικώτερον: senilius.

eadem. λέξι: confabulatio.

ep. 2. τί γὰρ αὐτῷ μέλει; quid enim illi curae est?

eadem. βεβίωται; uita traducta est?

eadem. πρόβλημα: quæstio.

ep. 3. ἀγοηδῶτως: sincere, sine fūco.

eadem. μακάρων νῆσοι: beatorum insulae.

eadem. πάθει: affectione.

eadem. σκέψαι: considera.

eadem. ἀλογηθῆ: negligatur.

eadem. μελήτη: curae sit.

ep. 4. ἐρυθρότερον: rubicundiores.

eadem. πρόβλημα ἀρχιμήδων: quæstio Archimedeā.

Εε eadem.

eadem. ἄδωδς: falso.

eadem. ἀκουσμα: auditio.

ep. 5. ὄρανον: collationem.

eadem. γιψῶσαν κρήνην: siculosum fontem.

eadem. πειρήνην: Pirenen.

eadem. ἀμπνύμα σιμνὸν Αλφείου πειρήνην: requiē,
uerendam Alpei Pirenen.

eadem. ποῖ ταῦτ' ἄρ' ἀποσκήψῃ; quonam haec mo-
do excusabis.

eadem. γεωμετρικῶς: more geometrico.

eadem. ἀρχέτυπα: exemplaria.

ep. 6. πάντα φιλόδημον: omnem popularem.

eadem. θεωρίαν: speculationem.

eadem. τέλος: finem.

ep. 7. Ἐπινές: uenustum.

ep. 10. ᾧ ἀπεραντολογίαν δοῦς: cui infinitam lo-
quacitatem tribue.

ep. 12. συμπάχω: una afficior.

ep. 13. ἀποθέωσιν: consecrationem.

eadem. μεθαρμόζομαι: adaptor. ἀνιμέσθαι γὰρ
nulla enim inuidia est.

ep. 22. πολιτικοί: optimates.

ep. 24. τιτυφῶδαι: tumefactum esse.

eadem. ἱγγίγραμμα: senectutis requies.

ep. 28. ἐντάφιον: sepulcrum.

ep. 34. ἀλόγως: sine ratione.

ep. 36. εἰς ἀποθέωσιν: in consecrationem.

ep. 37. Κύριος: nomen libri ab Antisthene scripti.

ep. 39. συμβουλευτικόν: deliberativum.

eadem.

eadem. Αριστοτέλης καὶ Θεοπόμπου πρὸς Αλέξανδρον.
Aristotelis et Theopompī ad Alexādrū.

ep. 40. φιλᾶτιον συμφορὰ: querula calamitas.

eadem. πρὸ πλάσματος: praefigmentum.

ep. 43. συμπαδῶς: cum significat: one animi.

eadem. εἰκοδεσποτικά: patrisfamilias officia.

ep. 44. σωτήρια: opera.

eadem. ἀκηδία: torpedo.

eadem. ἀνεκτότερα: tolerabiliora.

eadem. σώνανον: contubernalem.

eadem. ὑπόθεσις: argumentum.

ep. 50. τοῦτο δὲ μελώση: haec uero conijcies, dispi-
cies, indagabis.

ep. 51. ἀπόγραφα: descripta.

Ε Χ Λ Ι Β Ρ Ο Χ Ι Ι Ι.

ep. 1. καταβίωσιν: tenuem uictum.

ep. 4. ὁ λόγον: rationi consentaneum.

ep. 6. ὁ λογάτατον: maxime rationi consentaneū.

ep. 8. Παναετίη πρὸς προνοίας: Panaetij de promi-
dentia.

ep. 6. ἐκτενέσερον: contentius.

eadem. φιλοσorgότερον: amantius.

eadem. ἄφατα: infanda.

eadem. ἀδιήγητα: inenarrabilia.

eadem. ὁ χείρας: opportune.

ep. 10. παρὰ τὴν ἱστορίαν: praeter historiam.

eadem. κοινώτερα: communiora.

eadem. πολιτικώτερα: civiliora.

eadem. ἔ γὰρ ὄνειδος: non enim opprobrium.

- ep. 12. φιλολογώτερα: eruditiora.
 eadem. προσφώνησιν: nuncupationem.
 eadem. καλλιπίδης: callipides.
 eadem. αὐτῷ τῷ μέτρῳ καὶ λῶϊον: eadem mensura, et melius.
 eadem. αἶκε δύναται: si possis.
 eadem. περὶ τελῶν σωτάξιν: de finibus opus.
 eadem. ἀκαδημικὴν: Academicam.
 eadem. Ἀντιόχεια: Antiochia.
 ep. 13. ζηλοτυπήσαι: inuideri.
 eadem. φιλαυτία: amor sui.
 eadem. ἀπορεῶ: dubito.
 eadem. αὐδέομαι τρωάς: uereor Troas.
 eadem. μέμψιν: accusationem.
 ep. 16. παρὰ τὸ πρέπον: praeter decorum.
 eadem. ἀπαιδυσία: ignorantia.
 eadem. ἀτηρία: ruditas.
 eadem. Ἀντιόχεια: Antiochia.
 ep. 18. πολυγραφώτατος: inscribendo plurimus.
 eadem. ζηλοτυπήν: inuidere.
 ep. 19. ἀκίνδυνα: periculo carentia.
 eadem. φιλένδοξος: ambitiosus.
 eadem. ἀκαταληψίαν: opinionem eorum, qui nihil comprehendi posse dicunt.
 eadem. κωρὸν πρόσωπον: muta persona.
 eadem. Ἀριστοτέλειον: Aristotelicum.
 eadem. περὶ τελῶν: de finibus.
 eadem. περιπατητικά: peripatetica.
 eadem. ἀζηλότυπον: sine inuidia.

eadem.

- eadem. λογικώτερα: eruditiora.
 eadem. ἐρμῆιον: insperatum lucrum.
 eadem. πιθανά: suaviora.
 ep. 20. φιλαίτιος: contentionis cupidus.
 eadem. φιλοσόφως: philosophice.
 eadem. δεδῆχθα: morsum esse.
 eadem. μὴ γὰρ αὐτοῖς: ne enim ipsis.
 ep. 21. ὀρεσλήν: ingressum.
 eadem. ἐποχῇ: retentioni.
 eadem. λόγοισι Ἑρμόδωρος: uerbis Hermodorus.
 eadem. ὀροσφονῶ: niuicuro.
 eadem. ἀδιόρθωτα: inchoata, non perfecta.
 eadem. ἔωλα: obsoleta.
 eadem. πρὸς μικρὰ σπουδάζειν: paruis studere.
 eadem. δι' λόγως: facile.
 eadem. δι' γενέστερος: generosior.
 ep. 22. ἀσμενέστατα: libentissime.
 eadem. τὰ κατὰ μέρος: particularia.
 eadem. δι' λογίαν: honestam rationem.
 ep. 23. συμβίωσις: conuiuius.
 eadem. δι' λόγως: decenter.
 ep. 24. διεδίρα: pellicea tegumenta.
 eadem. αἰδέομαι Τρῶας: uereor Troas.
 ep. 25. ἀσπερέστερος: obscurior.
 eadem. δεινὸς ἀνὴρ, τάχα κεν καὶ ἀναιτίον αἰτιώωτο:
 grauis uir, & qui forte uel insontem
 accuset.
 eadem. πρὸς χάς: argumenta.
 ep. 27. ἰκολακία: assentatio.

- eadem. ἐπίτῳγμα: *lucrum, quod acquiritur.*
 eadem. ἀπίτῳγμα: *damnum, uel quod amittitur.*
 eadem. παρακινδυνᾶν: *periclitari.*
 eadem. μείλιγμα: *lenimentum.*
 eadem. πρὸς δι: *studium.*
 ep. 28. ἐρωβλήμα Ἀρχιμήδειον: *quaestio Archimedeae.*
 ep. 29. ἀφιδρωμα: *sedes rei quae dedicatur.*
 eadem. τὰς τύφους μου πρὸς θεῶν τροποφόρησον: *elationi meae per deos morem gerito.*
 ep. 30. κολακίαι: *assentationes.*
 eadem. πολιτικὸν σύλλογον: *ciuilem conuentum.*
 ep. 31. καταβάσεως: *descensus.*
 eadem. κεφρικὰ: *fatua.*
 ep. 32. πρὸς ψυχῆς: *de animo.*
 eadem. διὰ σημείων: *per notas.*
 eadem. σύλλογον: *conuentum.*
 eadem. πομπεῦσαι καὶ τοῖς προσώποις: *osculare etiam personis.*
 ep. 33. δυσωπία: *uitiosa uerecundia.*
 eadem. καταβάσεως: *descensus.*
 eadem. ἔλογον: *consentaneum.*
 ep. 37. ἀξιοπείσως: *sive dignum.*
 eadem. φοβερὸν ἦν: *formidabile erat.*
 eadem. ἀνεμοφόρητα: *leuia, a uentis dissipata.*
 ep. 38. ἐκ ἐπέσσειν: *non aduertit.*
 eadem. πότερον δίκας τεῖχος ὕψιον, ἢ ῥολιᾶς ἀπά-
 τας: *utrum iustitiae murum altum, an*
obliquae fraudis: ἀναβᾶς διαβίων, sub
intelli

intelligitur . quod ex Platonis lib. 11. de
republica cognoscitur.

eadem. δίχα μοι νόος, ἀτρέχειαν εἰπεῖν: ambigit ani-
mus, ut uerum dicam.

ep. 39. σκολια: obliqua, dissimulationem.

eadem. φαίδρυ πρὶ θεῶν: Phaedri de dijs.

eadem. φιλοτέχνημα: comminiscendi artes.

eadem. τὰ ὅλα: cuncta.

ep. 40. χολιαῖς ἀπάταις: obliquis fraudibus.

ep. 41. καὶ μάλα κατηφής: admodum tristis.

eadem. σὺ δὲ, τί σιώνεις. tu uero, quid cogitabundus?

eadem. ἀσπόνδς: immitis.

ep. 43. μνημονικὸν ἀμάρτημα: memoriae error.

ep. 46. ἀλόγως: temere.

ep. 47. μέμψιν ἀναφέρει: accusationem imponit.

ep. 49. πρὸς ἴσον ὁμοιον: ad aequalem, similemque.

eadem. ἀκολακδ' τως sine assentatione.

ep. 50. ἀμεταμέλητον: quem non paenitet.

eadem. ἀμετικὴν: uomitum.

eadem. ἀδεῶς: intrepide.

eadem. οἱ πρὶ αὐτόν: qui apud eum.

eadem. πωδ' αἶον ὑδέν: studiosum, sine serium nihil.

eadem. φιλόλογα: erudita.

eadem. ἐπισαθμίαν: diuersorium.

EX LIBRO XIV.

ep. 2. σαλάκωμα: inanem iactantiam.

eadem. φαλάκωμα: caluitium.

ep. 3. πανικόν: uani terror.

eadem. διαθέσιν: affectum.

Ec 4

eadem.

- eadem. ἐπισημασίαν: significationē mentis e gestu.
 ep. 4. ἥρως: heroes.
 ep. 5. ἰσὶ γήσως: tacuisti.
 eadem. μνημονικὸν ἁμάρτημα: memoriae error.
 eadem. θυρμὸς πολὺς: permissio multa.
 eadem. ἀρίπιστα: instabilia, ab Euripo.
 eadem. νεωτερισμῶ: innouationis.
 ep. 6. πολιτεύεσθαι: administrare remp.
 eadem. σόλοικον: absurdum.
 eadem. τυραννοκτόνους: tyrannicidas.
 eadem. πεπολιτεύμεθα: remp. administrauimus.
 ep. 7. πεπινωμέναι: eleganter scriptae.
 ep. 10. γῆν πρὸ γῆς: terram terrae anteponendam.
 significat, se de metando solo cogitare.
 eadem. ὑπινέμιος: subiecta uento.
 ep. 11. ἀκολασία: intemperantiam.
 ep. 12. ὦ πρᾶξέως καλῆς μὲν, ἀτελοῦς δέ. ο. factum
 pulchrum quidem, sed imperfectum.
 ep. 13. ἀλτινεῖ: humili.

—ἀλλ' οὐ δαυτὸς ἐπηράτου ἔργα μέμνηεν,
 Ἀλλὰ λῆν μέγα πῆμα διοτρεφὲς εἰσορόωντες
 Δείδιμεν, ἐν δοίῃ δὲ σαώσεμεν, ἢ ἀπολέσθαι.
 sed nō ea nobis curae sunt, quae in amabili
 conuiuio fiunt: immo uero intuentes graue
 damnum, a Ioue immissum, extimescimus;
 salusque, & interitus in dubio sunt.
 Οὗτοι τέκνον ἐμὸν δέδοται πολεμῆϊα ἔργα,
 Ἀλλὰ σύ γ' ἡμερέοντα μετέρχεο ἔργα λόγιο.
 Non tibi, mea progenies, data sunt opera
 bellica:

bellica : at tu quidem placida curato mune
ra eloquentiae. Verba sunt Iouis alloquen-
tis Venerem: sed quod apud Homerum est
γάμοιο, Cicero mutat in λόγιο.

ep. 14. πολιτικώτερα: ciuilia.

ep. 15. ἀναθεώρυσιν: animaduersionem.

ep. 16. ἀριστείαν: praeclarum facinus.

eadem. ἀναθεώρησις: animaduersio. significat rem
esse memorabilem, et quae multa in se con-
tineat animaduersione digna; qualia sunt,
quae supra tetigerat, de saxo, in crucem,
columnam tollere, &c.

eadem. κατὰ μέτρον: per filium. Vide comment.

ep. 17. μελήσει: curae erit.

eadem. ἀνέκδοτον: non editum.

eadem. φᾶξιν: facinus.

ep. 20. καθολικὸν θεώρημα: praeceptum, (sic enim
θεώρημα Cicero uertit in libro de fato)
quod in omnes conueniat.

eadem. μὴ πολιτᾶν εἶναι: accedendum non esse ad
temp.

ep. 21. ὑπολόγια: subabsurda.

eadem. βεβίωται: adta uita est.

eadem. πεντέλοιπον: quod reliquū est de quinque.
Vide commentarium nostrum.

eadem. λῆρος πολὺς: multae nugae.

ep. 22. ὑπόθεσιν: argumentum.

eadem. ἔλογον: rationi consentaneum.

eadem. φαινοπαροσπητίον: hilari uultu agēdū est.
eadem.

eadem. ἰτόν: eundum.

eadem. ἄλλοις ἐν ἰσθλοῖς τόνδ' ἀποδοῦναι ψόγον:
alijs in bonis dedecus hoc effugiunt.

E X L I E R O X V.

ep. 1. οὐδ' ἐν ὕγιᾷ: nihil sani.

eadem. ὑπεραπικός: plus quam Atticus.

eadem. Δημοθέους: Demosthenis.

eadem. ἀπικώτατα: in primis Attica.

ep. 2. πεντέλοιπον: quod reliquum est de quinque.

ep. 3. ἄνω ποταμῶν: retro fluminum, scilicet cur-
sus est.

eadem. ἀπορία: dubitatio.

eadem. μελίσει: curae erit.

eadem. παρεγχείρητις: conatus.

ep. 5. θησαυρὸς ἀνθρακες: thesaurus carbones.

ep. 11. ἢ δεῦρ' ὁδὸς τί σοι δυνάται νῦν θεωρεῖν;
inter hoc tibi quid. ualet nunc o uates?

eadem. ἐλάσθημα: maledictum.

ep. 12. καὶ μάλα σεμνός: & ualde grauis.

eadem. τὰν δ' αἰτίαν τῆς βρούτων τίς εἶχεν; causam
uero Brutorum quis tuebatur?

eadem. κατηχίσει: in instructione.

eadem. ἰὰν διαμείνῃ: si permanserit.

ep. 13. ἀναντιφωνησία: taciturnitas.

eadem. διάλογον: dialogum.

eadem. Ἡρακλείδιον: Heraclideum opus.

eadem. φιλοσοφούμεθα: philosophamur.

eadem. τὰ περὶ τῆς καθήκοντος: quae de officio.

eadem. προσφωνοῦμεν: nuncupamus.

- ep. 14. σωτᾶξις: confectioⁿem librorum.
 eadem. μετέωρος: animi pendens.
 ep. 25. φιλόλογα: ab aequitate non aliena.
 eadem. φιλοφρόνως: benigne.
 ep. 16. πεπρωμένως: eleganter.
 eadem. προκοπὴν: progressum in litteris.
 eadem. οἶκος φίλος: domus cara.
 eadem. ῥωπογραφία: scriptio de plantis.
 eadem. ῥητορδύκειν: retrorissant.
 ep. 17. φιλοσόργως: peramanter.
 eadem. δίδόμενα: data.
 ep. 19. ἐργώδες: laboriosum.
 eadem. ἀνεκτὸν: tolerabile.
 eadem. χεδίασμα: ex tempore factum, subitum
 consilium.
 ep. 20. πάχων: patior aliquid, angor.
 ep. 21. ἱποχρῖ: retentionem.
 eadem. ἀκεραίως: sincere.
 ep. 26. ψεδογράφω: false perscripto.
 eadem. ἀτοπώτατον: absurdissimum.
 ep. 27. πάνυ φιλοσόργως: valde amanter.
 eadem. βουλύση: uespera.
 ep. 29. ἀμηχανία: inopia consilij.
 eadem. σπείσασθαι: indutias facere.
 eadem. ἐξδελυθήμην: abominabar.
 eadem. σκοπός: scopus.
 eadem. ἔπαρ' αὐτῷ: non apud hunc.

ΕΞ ΛΙΒΡΟ ΧVI.

ep. 1. ἔλθωμεν: eamus.

eadem.

- eadem. ὁμοπλοία: societate navigandi.
- eadem. λῆρος πολὺς: nugae multae.
- eadem. γλίχρως: parce, tenuiter.
- ep. 3. σῶταγμα: volumen elaboratum.
- eadem. ἀρχέτυπον: archetypum, exemplar.
- ep. 4. παρὰ λέξιν: praeter verbum.
- eadem. μετεωρότερον: suspensiore animo.
- eadem. ἀσφαλές: tutum.
- eadem. ῥοπή: momentum.
- eadem. γαυριῶ: glorior.
- eadem. μετ' ἀμύμονα: post expertem culpaе. al-
ludit autem ad illud Homeri; μετ' ἀμύ-
μονα πηλείωνα.
- eadem. ἀμύμων: repraehensionis expertus.
- eadem. ἄμβροτος: immortalis.
- eadem. συναγωγή: collectio, volumen.
- ep. 5. δολιχὸν πλόν οἰμαίνοντες: longam navi-
gationem meditantēs.
- eadem. ἢ δεῦρ' ὁδὸς τί σοι δώαται; iter huc tibi
quid potest?
- eadem. σύγγραμμα: conscriptio.
- ep. 6. ἀνιμέσσητα: invidia carentia.
- eadem. ἑθνασίαν: facilem mortem.
- eadem. χόλιον: annotatiunculam.
- eadem. ἀπολογισμὸν σωτάξομαι: defensionem
componam.
- eadem. ἀναπολόγητον: quod defendi nequit.
- eadem. δυσχερσία: difficultas uersurae faciendae.
- eadem. πειράζεσθαι παραλύσει: tentare paralyti.
- ep. 7.

- ep. 7. *ἁντιπρῶτον*: occasionem.
 eadem. *ἀσφαλείαν*: securitatem.
 eadem. *ἀπορία*: dubitatione.
 ep. 8. *σκέπτομαι*: confidero.
 eadem. *ἀριστεία*: actio praeclara.
 ep. 10. *παῖδες παίδων*: uatinatorum.
 eadem. *εἷς ἐμοὶ μυρίοι*: unus mihi mille.
 eadem. *ἀδύλεχος*: loquax.
 eadem. *ἀμενεία*: constantia.
 eadem. *εἰρωνεία*: dissimulatio.
 eadem. *πεπλογραφίαν*: pepli descriptionem.
 eadem. *σαξίαρχης*: ordinis ductor.
 eadem. *τὰ περὶ τῷ καθήκοντος*: de officio.
 eadem. *τὰ κεφάλαια*: capita.
 eadem. *περὶ τοῦ κατὰ περὶ τῶν καθήκοντος*: de officio,
 cui quaedam adiuncta est circūstantia.
 eadem. *προσφωνῶ*: alloquor, scribo.
 eadem. *ἀνοικεῖον*: alienum.
 eadem. *αἰδεῖσθαι μὲν ἀνῆνασθαι, δεῖσαν δ' ὑποδέχσθαι*:
 pudebat quidem abnuere, ueriti sunt au-
 tem suscipere.
 eadem. *ἀπάντησις*: occurfus.
 ep. 12. *δολιχὸν πλῆθος ὀρμαίνοντα*: longam naviga-
 tionem cogitantem.
 eadem. *ἀπροσδιόνυσον*: inexpectatum.
 eadem. *ἐν ἀριστερῇ ἔχοντα*: sinistra habentem.
 ep. 14. *ἐν πολιτικῷ*: in civili.
 eadem. *μηδὲ σωθῆναι, εἴ ποτε τοιοῦτο*: ne saluus qui-
 dem fiam, si quid tale umquam.
 eadem.

eadem. στρατηγᾶς: *imperator, dux.*

EX LIB. I. EPIS. AD BRUTUM.

ep. 1. ἑμπεδικώτερον: *experfius.*

EX LIB. I. EPIST. AD Q. FR.

ep. 2. ἀλλ' αἰεὶ τινὰ φῶτα μέγαν: *sed semper quendam hominem ingentem.*

eadem. ἀφελῶς: *inconsideratè.*

eadem. ὀρθὰν τὴν ναῦν, & ἄπαξ θανεῖν: *rectam navim, & semel mori.*

EX LIBRO II.

ep. 3. προφκονομισάμην: *praecuraui, prouidi.*

eadem. δ'χέρως: *opportune.*

ep. 7. εἰλικρινὲς: *sincerum.*

ep. 9. μισσοπάτακτος: *a musis percussus.*

eadem. ἀντίεκτον: *aequilibrem.*

eadem. εἰδ' ἐν αἶα' ἐζησας: *si uero in terra uixisses.*

eadem. εἰ πάσας: *mitte omnes.*

ep. 17. πολιτικὰ: *de republica.*

ep. 14. τοιαῦθ' ὁ τλήμων πόλεμος ἐξεργάζεται: *talia aerumnosum bellum efficit.*

eadem. πραγματικῶς: *negotialiter.*

eadem. ὑπερβολῶς: *supra quam res est.*

ep. 15. σωδρείπνους σοφκλέες: *concenatores Sophoclis.*

eadem. ὑπόθεσιν: *argumentum.*

eadem. γλαῦκα εἰς Αθῆνας: *noctuanam Athenas.*

eadem. βαθυμώτερα: *segniora.*

eadem. χαρᾶκτῆρ: *stylus.*

eadem.

eadem. φιλαλήθως: ingenuē.

EX LIBRO III.

ep. 1. ἀποδυτηρίῳ: loco, ubi lauantur uestes et
xuebant.

eadem. δευτέρας φροντίδας: secundas curas.

eadem. γνῶθι πῶς ἄλλῳ κέχρηται: nosce, quemad-
modum alio usus fuerit.

eadem. ἐμβόλιον: interpositionem.

ep. 2. ἀπότηδγμα: repulsam.

ep. 3. θετηκώτερον: Philosophicis quæstionibus
aptius.

ep. 4. ἐνθουσιασμός: diuinus furor.

eadem. ἄρη πνέων: Martem spirans.

ep. 5. ὑποθέσεις: argumenta.

eadem. αἰὲν ἀριστεύειν, καὶ ὑπεύροχον ἔμμεναι ἄλλον:
semper strenue se gerere, & præstan-
torem esse alijs.

ep. 6. κλέος: laudem.

eadem. γνῶθι σεαυτὸν: nosce te ipsum.

ep. 7. ἡματ' ὀπωρινῷ, ὅτε λαβρότατοι χεῖρ ὕδωρ
Ζεὺς ὅτε δ' ὕγ' ἀνδρεσι καλεσάμενος χαλεπήη:
Οἱ βίη εἰν ἀγῶρῃ σκολίας κρίνωσι θέμιστας,
Εκ δὲ δίκην ἰλάσῃσι, θεῶν ὅπιν ἐκ ἀλέγοντες.
die autumnali cum abundantissimam plu-
uit aquam Iupiter, cum iam hominibus ira
tus succenset. qui per uim in foro aliquas
sententias ferant, iustitiam autem expel-
lant, deorum uocem non curantes.

ep. 9. τότε μοι χάνοι: tunc mihi delibescat.

eadem.

eadem. ὁ δὲ μαίνεται καὶ ἔτι ἀνεκτῶς: hoc autem non
amplius tolerabiliter.

eadem. ἐν παρήρῳ: obiter.

eadem. ἔπος: tamen.

eadem. ἀλλ' οἶμοζέτω: sed ploret.

R E G I S T R U M.

A B C D E F G H I K L M N O P Q R S T V X
Y Z. A A B B C C D D E E F F G G H H I I K K L L
M M N N O O P P Q Q R R S S T T V V X X Y Y
Z Z. Aa Bb Cc Dd Ee.

Omnes sunt quaterniones.



VI
VII
VIII

Very respectfully,
Yours faithfully,
[Signature]

1841

210 210 210
210 210 210
210 210 210

[Signature]





